

Prima edizione

Honeyman n° 2108

Houzeau - Lancaster 11666

British Museum vol II pag. 513


Utschki (Choix) 7180

Antipodina, 13 ann, 705 pag. ed. mala al verso

Brunet III, 1313



P. Guerin Scul. Romæ



PERSPECTIVA HORARIA SIVE DE HOROGRAPHIA


GNOMONICA TVM THEORETICA,
TVM PRACTICA LIBRI QVATVOR.

In quibus Gnomonices antiqui fines latius protenduntur: traditurque ratio, & delineatio Geometrica expeditissima non solum communium, quæ radio directo vel umbra pariter directa; sed etiam aliorum nouæ inuentiois Solarium horariorum, quæ radio vel umbra tum reflexis tum refractis horas, aliaque ad cœlestium motuum notitiam pertinentia indicant.

In his verò præcipuam admirationem habet Thaumantias Catoptrica atque Dioptrica, id est reflexus, ac refractus à speculo cylindrico solaris radius, omnes, qui in Sphæra cogitari possunt, circulos gnomonicè reddens Iridis modo ac specie:

Lux quoque secundum propriam naturam sumpta suas ibi habet partes, vbi è principijs eius physicis ratio redditur reflexionum, ac refractionum eiusdem. Consequitur verò methodus certissima telescopium efficiendi non modò sphæricum sed etiam hyperbolicum atque ellipticum.

Autore R. P. F. EMANVELE MAIGNAN Tolosate, Ordinis Minimorum,
in Regio nationis Gallicane Romano S S. Trinitatis montis Pincij Canobio
Sacrae Theologiae Professor.



R O M A E.

Typis, & Expensis Philippi Rubei.

M. DC. XXXXVIII.

Cum Licentia Superiorum.

PERSPECTIVA HORARIA SIVE DE HOROGRAPHIA GEOMONICA TYM THEORETICA TYM PRACTICA LIBRI QVATOR

In hoc libro tractatur de horographia geometrica, seu de
 constructione horologiorum per methodum geometricam, et
 de rationibus, quibus horographia geometrica funditur.
 In primis tractatur de horographia per methodum
 geometricam, et de constructione horologiorum per
 methodum geometricam, et de rationibus, quibus
 horographia geometrica funditur. In secundis
 tractatur de horographia per methodum
 geometricam, et de constructione horologiorum
 per methodum geometricam, et de rationibus, quibus
 horographia geometrica funditur. In tertiis
 tractatur de horographia per methodum
 geometricam, et de constructione horologiorum
 per methodum geometricam, et de rationibus, quibus
 horographia geometrica funditur. In quartis
 tractatur de horographia per methodum
 geometricam, et de constructione horologiorum
 per methodum geometricam, et de rationibus, quibus
 horographia geometrica funditur.




ROMAE
 Typis & Expensis Philippi Rubei.
 M. DC. XXXVIII.
 Cuius Licentia Superiorum.



Eminentissimo, ac Reuerendissimo D. D.

BERNARDINO SPADA

S. R. E. CARDINALI PRÆSBYTERO, EPISCOPO ALBANENSI, ORDINIS MINIMORUM Vigilantissimo Protectori, &c.



MINENTISSIME PRINCEPS.

Quod nouum Horarij Catoptrici genus in ampla Palatij tui porricu delineare concessum est Perspectiux huic meæ: audet illa iam tanti Mecænatis non solum patrocínio, sed etiam imperio animosior facta, sese dare in publicum; quæ hætenus annis quamplurimis latere maluerat. Ante tamen quàm prodeat, munus defert Sospitatori suo in obsequij ac fidei monumentum nunquam interiturum: nec diffidit benigna abs Te



manu suspiciendum, quod iamdiu nouit uirtuti tuæ, maximè
esse cognatum, Lucem uidelicet radiosque eius. Equidem,
cœlo donante, nihil orbis hic aspectabilis pretiosius accepit, nihil
pulchrius Luce; quæ ipsius summa pulchritudo est: ea nitens
puritate, ut nec alienis quidem sordere possit inquinamenti:
diues adeo; argenti, aurique, ac gemmarum, ipsa ut sit opifex:
agendi vis indefessa, omnia mouens, agitans, animans: effusif-
simè ac celerrimè copiam sui omnibus faciens, radijs nunquam
non rectis quodlibet diaphanum permeat. Sensit verò amœ-
nissima naturæ hilaritas nulli non benefica, nulli non grata,
nullas unquam experta contrariorum inimicitias; sensit, in-
quam, Genium in te suum: ideoque prægestit; ac læta aduolat;
Purpuramque tuam, in cuius sinu habitet, unam legit: sensit
uidelicet mentem orbe maiorem; integerrimam; inconcussam;
recti ac iusti amantissimam: agnoscit Genium gerendis rebus
indefessum, ac non minùs felicem; cuius supercilio (ut Atlante
cœlum) totus hic possit mundus inniti: publicæ mentis caput so-
lidissimum; & omni uirtutum genere instructissimam manum:
agnoscit generosi magnitudinem animi, hinc præclaro ingenitæ
comitatis ac beneficentiæ radio sic in omnes impensè effusam;
inde telis inuidiæ ita superiorem; ut commune omnium Ordi-
num certamen sit amor tui, & reuerentia. Fulgorem quidem
circumspicit Eminentissimæ dignitatis, quæ te latere non sinit;
sed suspicit sapientiam, quæ uniuerso te orbi aspectabilem red-
dit; Virtutem admiratur, quæ omnium animos iamdiu tibi
deuinxit. Et verò quod antiquissimum, ac longè à proauis du-
ctum nobilissimæ Spadanæ Familiæ fulgorem non tam sacro
murice, quàm meritorum luce auxisti: quod multis adeo tum
Nunciaturæ, tum Legationum, &c. Sapientissimè æquè & fe-
licissimè obitis à te prouincijs; nec non assiduus illis, quos in di-
es sustines pro tota Repub. Christiana laboribus; non modò Ro-
mam orbis caput, sed & cum capite orbem totum, communica-
tis tuæ laudis ac veræ gloriæ radijs illustras: quod etiam no-
strum Ordinem Minimorum, præter alias plurimas religiosas
familias, ipsa tuæ illustris Protectionis prærogatiua foues; inde
est, ut sponte sua & natiuo ingenio Perspectiua mea suo cum
lucis radio triplici, te respiciat, atque ad eundem te perfugiat
velut

velut ad suum Solem . Et quia meum quoque fuit Lucis im-
petum meæ prosequi , imò si necesse foret cunctantem incitare ;
obsecro, & obtestor Genium tuum , cuius unius & ingenio pro-
bantur omnes bonæ litteræ, & exemplo suadentur, & patrocínio
fouentur ; ut huic opellæ (qua lucis naturam & motum rima-
ri penitiùs, ac triplicem eius radium, nempe directum, reflexum,
refractumque triplici item Gnomonica, sub nomine Perspectivæ
Horariæ accommodare studui) tam benignum se præbeat Patro-
num ; quàm eo vel nomine se putat ipsa , & prædicabit feli-
cem, quòd quidquid aliud aberret in re noua ac perdifficili ; in
deligendo tamen tali tantoque Patrono didicerit non errare .
Vale Eminentissime Cardinalis ; & Deus Opt. Max. Te nobis,
Patriæ, totique orbi Christiano diu seruet incolumem, id aueo,
id comprecor .

Eminentia Tua

Deditissimus, & obsequentissimus seruus

F. Emanuel Maignan Minimus

LECTORI BENEVOLO.



ON multis hîc tecû proludam charissime Lector; sed solum quid & quo ordine vel qua mente toto isto quatuor librorum opere egerim; aperiam, summatim: nam & singulis libris præfixas, & varijs locis, prout opus fuit, insertas præfationes videbis; quæ res quilibet magis in particulari edisserunt.

In fronte libri totam cernis leui pictura digestam instituti molem. Illic nimirum *Perspectiua* mater suo cum Vitellione, administris etiam *Astronomia*, *Geographia*, *Geometria*, & *Arithmetica* dulces, tria pignora, gnatas edocet cœlorum orbes & motus, *Gnomonices* arte exprimere in quavis proposita subiecti licet ex legis tabella: quod illæ statim edoctæ suo quæque radio & gnomone perficiunt. Et primogenita quidem *Optice* communi utitur gnomone ac radio umbræ directis: *speculum* autem, & reflexum ab eo radium adhibet altera eius soror *Catoptrice*; tertia *Dioptrice* refractum in densiori vel rariori diaphano.

Hæc verò est earum methodus & ordo disciplinæ; ne rem tantam mechanicè solum, sed doctè etiam tractent. In primis singulæ cœlestem cum suis circulis *Sphæram* sibi proponunt; eamque vel talem qualem communiter *Astronomi* præferût; ut *Optice*: vel, ut *Catoptrice*, ac *Dioptrice*, qualem sibi extruxerunt ipsæ, dispositione circulorum ad radij tum reflexi tum refracti naturam accommodata: de quo in genere differitur lib. 1 prop. 17; & in particulari, lib. 3 à prop. 1 ad 20; & lib. 4 à prop. 49. Deinde legibus geometricis, & aliquando etiam arithmeticis, tres sorores trium item sphærarum, quælibet nimirum suæ, circulos in quibus libet & vtcunque dispositis superficiebus gnomonicè delineant: & peracta delineatione, Solis aliorumque planetarum, nec non fixarum stellarum motus annuos, menstruos, diurnos, horarios exhibent, Solis vnus radio vel umbra.

Atq; hinc perspicis, mi Lector, quæ sit causâ cur toti operi titulum præfixerim *Perspectiua Horaria*, id est horarij cœlestium orbium motus (ex quo cæteri modò dicti intelliguntur) consignatrix: quasi diceretur *Perspectiua Horariographa*. Ideo etiam secundo, tertio, & quarto libris, suam cuiq; *Horariam* attribui, nempe

Opti-

Opticen, Catoptricen, Dioptricen. & in primo (velut tribus reliquis subministrante ea quæ ad communem ipsis theoriam pertinent) inscripti, vt cernitur, *Perspectiuæ Horariæ pars theoretica.*

Equidem Horographiam communem radij directi (quam ego Opticam voco) libenter omissem vtpote quam adeo multi hactenus & tam fusè tractauerunt: sed existimaui necessariam eam esse; non tam ad vnius integri operis complementum (id enim fanè minùs curauì) quàm ad fundamentum nouæ Horographiæ tum Catoptricæ tum Dioptricæ, quæ mei erāt præcipui instituti: de his enim non scripsere, nisi vnus aut alter. Neq; verò animũ induxissem meum, calamum serò assumere (quem tempestiuè nō potueram, studijs alijs detentus) post eos qui iam satis rem ipsam explicuisse videntur: sed rogatus ab amicis, quin & iussus ab his qui mihi præsunt, cùm à scholasticis laboribus anno superiori, casu quodam feriarer; nonnulla scripsi, quæ apud alios aut nullatenus aut non satis accuratè agitata videram: eaq; (ne peculiarem cogar indicẽ contexere) facile agnosces tum ex ipso generali propositionum indice, tum præcipuè ex libri cuiuslibet præfatione: quia enim sic scripta non vnum apta erant inter se corpus libri efficere; necessitas fuit ea cum alijs compingi ad quæ pertinebant: & dum singula in gratiam tyronum studui distinctiùs exponere, ac mox demonstrare; euasit opus in quatuor librorum molem fanè maiorem, quàm vel cogitare potuissem, vel etiam optassem. At in his errores aliorum, si qui sint, obseruare animus mihi nunquam fuit; sed solùm horaria quælibet legitimè delineare; aut veritatem scrutari, & vt licuit inuentam amplecti; atq; in omnibus conuenientes demonstraciones adhibere: quare si quid in alijs Autoribus à me vsquam reprehendi, vel minùs probari contigerit, quæso ne mihi illi succenseant parato si quid ipse minùs correctè egerim; redarguentem libèter & amanter audire, ac doceri quod ignorauero. Præsertim verò infallibili & nunquam non veridico iudicio S. R. Ecclesiæ submitto tum hæc, tum omnia mea animo sicut humillimo ita obsequentissimo. Tu verò me tibi deditissimum complectere amanter Lector; & his quæ digessi frui interim dum alia paro. Vale.

INDEX LIBRORVM ET PROPOSITIONVM

HVIVS OPERIS.

Liber Primus.

- P**ropositio 1. *Temporis naturalis distinctam, & humana vita vsibus accommodatam mensuram Ars ingeniosa, varijs Horologiorum mechanicis formis præclare expressit: luculentius verò atque accuratius, Astronomicis instrumentis concinnauit Perspectiua solentior; ipsa utrique exemplum præbente Natura.* pagina 3
- Prop. II. *Numerus Horarum viginti quatuor; in die naturali, usu comunissimo eodemque commodissimo à Populis receptus.* 8
- Prop. III. *Non idem est apud omnes gentes modus horas numerandi.* 9
- Prop. IV. *Aliquantula in horis aequalibus inæqualitas esse existimatur.* 10
- Prop. V. *Horarum Inæqualium aliquæ sunt quodammodo æquales, aliqua nullatenus, nisi bis in anno.* 14
- Prop. VI. *Multiplex horariorum solarium differentia, ab horarum diuersitate: vel à varijs sphaerae circulis; quibus æquidistant: vel à Gnomone, umbram, aut radium varijs modis emittente, de sumitur.* 16
- Prop. VII. *Gnomon in horologio est id omne, ex cuius vertice, umbra vel radius lucis, horarum Index, in superficiem horologii cadit, seu directè, seu reflexè, aut refractè.* 21
- Prop. VIII. *Declinatio plani, horologii, est eiusdem obliquus in Austrum, vel in Boream prospectus: cuius angulum, semper acutum metitur arcus Horizontis, comprehensus inter circulum Meridianum, & Verticalem qui ad horologii planum rectus est.* 23
- Prop. IX. *Inclinatio plani, horologii, est eiusdem à perpendiculo discedentis, & deorsum ad Horizontem vergentis, propensio; cuius angulum, semper acutum, metitur circuli cuiuslibet Verticalis ad horologium recti arcus, gradibus à Zenith ad planum circuli maximi cui horologium æquidistat, numeratis.* 27
- Prop. X. *Instrumentum declinationibus, atque inclinationibus planorum explicandis accommodare.* 30
- Prop. XI. *Vera vniuersalis, Horographia Gnomonica Theoria è varijs, Perspectiua arte ordinatis circulorum Sphaerae projectionibus, instauratur.* 34
- Prop. XII. *Terreni globi semidiameter adeo exigua est, sicut semidiametro solaris orbis comparetur; ut in horarijs solaribus, gnomonis vertex licet à terra centro tota eius semidiametro distet; in eo nihilominus esse facile censerì possit, absque errore vllò sensibili: non ita tamen, si terra globus à centro orbis solaris, longius abesset: neque etiam nunc in horarijs lunaribus.* 37
- Prop. XIII. *Si per medium vnus homogenei diaphani, vel plurium aequalium diaphanorum, radius à centro Solis in verticem Gnomonis emittatur; & ab eodem vertice umbra cadat; radius, & in vna umbra, linea recta erunt.* 41
- Prop. XIV. *Solis in Aequatore existentis, motu diurno, radius ex vna parte; umbra autem ex altera opposita, circa verticem Gnomonis, seclusa refractione, describunt planam eiusdem Aequatoris superficiem.* 43
- Prop. XV. *Solis, extra Aequatorem, in aliquo eius Parallelo existentis radius ex vna parte; umbra verò ex altera opposita, motu diurno circa Aequatoris axem, geminas circa eundem, seclusa refractione, describunt oppositas conicas superficies, ad verticem Gnomonis coniunctas, quarum proinde communis vertex in vertice Gnomonis est; & alterius quidem basis est Parallelus in quo est Sol, alterius autem, Parallelus oppositus.* 44
- Prop. XVI. *Variæ circulorum Sphaerae projectiones esse possunt, sola Gnomonica ad rem nostram pertinet.* 46

Prop. XVII

- Prop. xvii. Triplex distinguitur circulisque suis instruitur Sphæra propter triplex
Horographiæ Gnomonica genus. 49
- Prop. xviii. Vtriusque Apparentis Sphære, sicut & Vera projectio Gnomonica ra-
dijs directis fieri intelligitur. 49
- Prop. xix. Maximus quilibet in Sphæra circulus, si Gnomonica projectione in pla-
nam horologii superficiem deducatur, rectam in ea lineam efficiet. 54
- Prop. xx. Circulus quivis, in Sphæra, non maximus, si Gnomonica projectione in
planam horologii superficiem deducatur, curvam in ea lineam efficiet. 55
- Prop. xxi. Gnomonicam in planum, Sphæra projectionem explicare. 56
- Prop. xxii. Refertur, & explicatur difficultas, quam aduersus explicatam superius
Horographiæ Theoriam, facere videtur refractionis radij Solaris, ex æthere in aerem, in-
cidentis. 62
- Prop. xxiii. Densitatem aeris accedere, accessu vaporum densorum eorundem verò
recessu decedere, ceteris paribus. 64
- Prop. xxiv. Aerem sub remisso gradu frigoris, interdum esse densiorem, & sub in-
tenso minus densum. 64
- Prop. xxv. Aeris densitatem non esse constanter, & ubique, ac semper eandem, sed
frequentissimè, ac sine certa lege variari. 65
- Prop. xxvi. Superficiem aeris conuexam, sphericam esse, terreoque Orbi concen-
tricam non satis constare. 68
- Prop. xxvii. Superficiæ aeris conuexæ sphericam, siue ellipticam figuram non esse
mathematicè perfectam. 69
- Prop. xxviii. Superficiæ aeris conuexæ figuram, quacunque illa sit, momenti fere
singulis incerta lege mutari. 70
- Prop. xxix. A multiformi, non regulari superficie diaphani refringentis, refractiones
effici pariter multiformes, sed sine lege, & confusas. 72
- Prop. xxx. Radiorum non solum ex æthere in aerem, sed etiam ex una aeris parte
in aliam eiusdem partem incidentium refractiones sapissime fieri. 73
- Prop. xxxi. In radij solaris ab ære facta refractione, superficiem refractionis non
semper esse Verticalem. 74
- Prop. xxxii. Solo radij refracti indicio non posse cognosci certo, in quo vere Sol ver-
setur circulo Verticali. 75
- Prop. xxxiii. Posse contingere, ut posita eadem, vel equali supra Horizontem ele-
uatione Solis, eodem vel diuersis diebus; eadem vel equalis non sit radij ab ære refracti
per Gnomonis verticem, aut simile aliud obseruandi Instrumentum ducti inclinatio ad
eundem Horizontem. 76
- Prop. xxxiv. Solaris radij refractiones, quæ in ære fiunt maximo perturbatas esse. 77
- Prop. xxxv. Quamuis per impossibile, æri concedatur non tantum puritas ubique
similis & equalis, sed etiam figura perfectæ sphericæ, terræ concentrica simulque cons-
tans, & nullis unquam perturbata vaporum inæqualibus nouisque ebullitionibus, aut
flatibus ventorum; adhuc tamen eius refractiones talem ob inæqualitatem frigoris pertur-
bationem patientur; ut idem radius pluribus contrarijs refractionibus nunc ad perpendicu-
larem, nunc à perpendiculari refringatur. 76
- Prop. xxxvi. Horologiorum Gnomonica delineationi, vel vsui, nihil affert utilitatis
obseruatio refractionum lucis incidentis ex æthere in aerem. 79
- Prop. xxxvii. Nullo hactenus inuento instrumenti Thermoscopi genere acquiri pos-
se notitiam certam equalitatis, vel inæqualitatis Astronomicarum refractionum quas
diuersis diebus, vel etiam horis eiusdem diei in ære lux patitur. 85
- Prop. xxxviii. Nullo certo argumento constare quanta sit aeris conuexæ superficiæ
refringentis eleuatio eo tempore; quo refractionum obseruatio aliqua sit. 88
- Prop. xxxix. Refractionis quam in ære siderea lux patitur angulum cognosci non
posse, nisi prius certò cognoscat quantum à terra eleuetur aeris conuexa superficies. 92
- Prop. xxxx. Nullum nobis suppetere sufficiens medium, quo certo cognosci possit
quan-

quantitas anguli refractionis, quam in aere siderea lux patitur.

Prop. xxxxi. Nulla per radium refractum facta obseruatione Astronomica potest cognosci quantitas refractionis, quam in aeris superficie, siderea lux patitur, nisi praesupposita notitia loci veri quem sidus seruatum obtinet.

Prop. xxxxii. Non potest una, & eadem per radium refractum facta obseruatione Astronomica cognosci quis sit verus Astri locus, & simul quantitas refractionis quantitas posito quod utrumque pariter lateat.

Prop. xxxxiii. Nulla prorsus à quouis Astronomo facta obseruatione posse certò cognosci quantitatem refractionis, quam in aere siderea lux patitur.

Prop. xxxxiv. Non est talis, ac tanta umbrarum euariatio, quae refractiones lucis in aere factas consequitur; ut absque errore sensibili in opere Gnomonico facile contemni non possit. Imò talis est, ut oportuno beneficio emendet quodammodo (si non penitus ad debitos Mathematicos terminos reduci) errorem illum, qui ob Gnomonis à terra centro distantiam, solaribus eleuationibus accidere potest.

Prop. xxxv. Satisfit scrupulo qui prop. 22 fiebat ob refractiones.

Liber Secundus.

Propositio I. An sit perfectè plana superficies qualibet in opus aliquod Gnomonicum destinata, certò inuenire.

Prop. II. Gnomonem ad angulos rectos, in dato plano erigere.

Prop. III. Datum planum ad Horizontem parallelis constituere.

Prop. IV. Lineam Horizonti parallelam in plano supra Horizontem quomodocunque erecto designare.

Prop. V. Dato stylo in plano ad Horizontem recto, lineam Horizontalem idest communem eiusdem plani, & Horizontis sectionem in eodem plano designare.

Prop. VI. Dato stylo in plano ad Horizontem recto lineam, Verticalem, quae sit communis sectio eiusdem plani, & circuli Verticalis ad ipsum recti, inuenire.

Prop. VII. Dato stylo in plano inclinato, designare in eodem lineam Verticalem, idest sectionem communem ipsius plani inclinati, & circuli maximi tum ad idem planum, tum ad Horizontem recti.

Prop. VIII. Dato stylo in plano inclinato, lineam Horizonti in eodem designare.

Prop. IX. Dato plano inclinato, quantitatem inclinationis eius inuenire.

Prop. X. Instrumentum ad inclinationes planorum inueniendas construere.

Prop. XI. Plani cuiuslibet propositi ad Horizontem non recti inclinationem, parati iam instrumenti beneficio inuenire.

Prop. XII. Lineam Meridianam inuenire.

Prop. XIII. Lineam Meridianam loci ex praedictis inuenire dato stylo in quouis ad horarii delineationem comparato plano, quod tamen non aequidistet circulo Meridiano.

Prop. XIV. Dato stylo, & linea Meridiana loci in plano Verticali declinante, declinationis angulum inuenire.

Prop. XV. Datis stylo, & linea Meridiana loci in plano inclinato, simulque declinatione, declinationis angulum inuenire.

Prop. XVI. Instrumentum inuestigandis planorum declinationibus accommodatum construere.

Prop. XVII. Plani cuiuslibet in austrum, vel aquilonem non directè obuersi declinationem, parati iam instrumenti beneficio inuenire.

Prop. XVIII. Ad poli, vel sideris cuiuslibet eleuationem certius inueniendam, instrumentum cum circuli quadrante construere, idemque in situ ad obseruationem conueniente ita firmare, ut ventorum impetu non commoueatur; & tamen ad placitum huc atque illuc ad quamlibet aliam similem obseruationem faciendum momento conuerti possit, conuenientem nihilominus obseruationi situm semper aequaliter retinens.

Prop. XIX. Quinam è duobus polis supra quoduis planum eleuetur, determinare.

Prop. XX.

Prop. xx. Datis in plano Horizontali, stylo, & Meridiana linea, & cognita eleuatione poli supra Horizontem; angulum eiusdem eleuationis supra id planum, designare; & lineam axis describere: atque etiam futuri horologii centrum inuenire. 168

Prop. xxi. Datis in plano Horizontali, Meridiana linea, & cognita poli supra Horizontem eleuatione; futuri horologii centrum eligere; & angulum eleuationis poli supra id planum, constituere; lineamque axis inuenire. 169

Prop. xxii. Datis in plano Verticali, stylo, & Meridiana linea, & cognita eleuatione poli supra Horizontem; angulum eleuationis etiam polaris supra id planum, constituere, & lineam axis designare; atque etiam futuri horologii centrum inuenire. 170

Prop. xxiii. Data in plano Verticali, Meridiana linea, & cognita poli supra Horizontem eleuatione centrum horologii eligere; & angulum eleuationis poli supra id planum constituere; simulque lineam axis inuenire. 172

Prop. xxiv. Datis in plano Verticali declinante, stylo, & linea Meridiana loci, & cognita etiam eleuatione poli supra Horizontem, Meridianam plani declinantis propriam (quam vocant lineam styli), id est sectionem communem eius plani, & circuli maximi ad ipsum atque ad Aequatorem recti, inuenire; nec non lineam axis designare; & angulum eleuationis poli supra idem planum constituere. 172

Prop. xxv. Cognita eleuatione poli supra Horizontem, & datis stylo, ac linea Meridiana loci in plano declinante, simulque non solum ad Horizontem, sed etiam ad Aequatorem inclinato, Meridianam ipsius propriam, id est lineam styli, in eodem inuenire; atque etiam lineam axis: & angulum eleuationis poli supra id planum, designare. 174

Prop. xxvi. Datis stylo, & linea Meridiana loci, in plano declinante, simulque ad Horizontem inclinato, sed ad Aequatorem recto, Meridianam eiusdem propriam seu lineam styli inuenire. 176

Prop. xxvii. In quocunque plano data linea Meridiana ipsius propria; atque etiam data linea axis, si forte axis illud planum secet, lineam Aequinoctialem inuenire. 178

Prop. xxviii. In plano Verticali declinante, dato solum stylo, & ignorata non solum declinationis quantitate, sed etiam poli supra Horizontem eleuatione: lineam eius plani Meridianam; & Aequinoctialem; & axem Aequatoris; & centrum horologii; & Meridianam loci; & plani declinationem; & poli eleuationem; tum supra id planum, tum supra Horizontem; nec non differentiam longitudinum, quae est inter utrumque Meridianum; ac denique ciuitatem, aut locum cuius Horizonti, id planum aequidistat absque instrumentis, vel analemmate, solo triplicis umbræ indicio certissime inuenire. 181

Prop. xxix. In quouis plano inclinato, vel etiam declinante simul, & inclinato, ignorata non solum declinationis, sed etiam inclinationis quantitate, ac etiam poli supra Horizontem eleuatione, lineam eius plani Meridianam; & Aequinoctialem; & aliam, quae in preced. prop. continentur; ac insuper inclinationem plani certissime inuenire. 188

Prop. xxx. Axem, horarum Astronomicarum indicem, in debito situ collocare. 190

Prop. xxxi. Dato stylo, & linea Meridiana, in plano, quod circulo Aequatori aequidistat, horas Astronomicas delineare. 192

Prop. xxxii. In plano quod circulo Polari, ut dicitur, id est per polum, ac per communes Aequatoris, & Horizontis sectiones transeunti aequidistat, horas Astronomicas delineare. 194

Prop. xxxiii. In plano, quod circulo Meridiano aequidistat, horas Astronomicas delineare. 197

Prop. xxxiv. In plano, quod circulo Verticali primario aequidistat, horas Astronomicas delineare. 199

Prop. xxxv. In plano, quod Horizonti aequidistat, horas Astronomicas delineare. 209

Prop. xxxvi. In plano Verticali declinante horas Astronomicas delineare. 215

Prop. xxxvii. In plano inclinato horas Astronomicas delineare. 221

Prop. xxxviii. In plano inclinato, simulque declinante horas Astronomicas delineare. 223

Prop. xxxix. Figuram quam vocant radiorum Signorum Zodiaci, ad eorundem
†† signo-

signorum, alioſue ſimiles parallelos in quocunque dato horologii Aſtronomici plano, præ-
clara generaliffima methodo delineandos, conſtruere. 230

Prop. xxx. Deſcripiam modo radiorum figuram, ad uſum Gnomonicum optatum,
in formam inſtrumenti redigere. 235

Prop. xxxxi. Figura radiorum iam conſtructa expeditiſſimum Gnomonicum uſum,
ad Signorum arcus, necnon ad alios quoſlibet (quorum nota ſi declinatio) in quocun-
que dati horologii Aſtronomici plano delineandos, tribus ſolùm traditis præceptis theore-
ticè exponere. 236

Prop. xxxxi. Arcus Signorum Zodiaci in dati cuiuſuiſ Aſtronomici horologii pla-
no, quod circulo alicui maximo per Aequatoris polos tranſeunti æquidiſtet, deli-
neare. 238

Prop. xxxxi. Arcus Signorum Zodiaci in dati cuiuſuiſ Aſtronomici horologii pla-
no, quod circulo Aequatori parallelum ſit, delineare. 241

Prop. xxxxi. Arcus Signorum Zodiaci in dati cuiuſuiſ Aſtronomici horologii pla-
no, quod circulo cuiunque maximo Aequatorem quomodolibet obliquè ſecanti æquidiſ-
tet, delineare. 243

Prop. xxxxi. Arcus diurnos, quorum nota ſi declinatio, præſertim arcus horarum
14, & 10; item horarum 18, & 6; dato cuiuſ horologio Aſtronomico inſcribere. 249

Prop. xxxxi. Arcus circulorum Latitudinum, ſeu parallelorum regionum, aut ci-
uitatum, vel aliorum inſignium locorum, in quolibet horologio Aſtronom. deſcribere. 252

Prop. xxxxi. Figuram radiorum Zodiaci in aliam, præter antea traditam inſ-
trumenti formam, qua uno ductu expeditiſſimè, æ fideliffimè, non modò Signorum, ſed
etiam regionum parallelos arcus diurnos, &c. in quacunque data ſuperficie, quamvis
minimè plana, deſignare poſſis, redigere. 253

Prop. xxxxi. Eandem figuram radiorum Zodiaci in aliam adhuc inſtrumenti
formam, ad quemlibet opati paralleli arcum, in muralibus maioribus horologiis ſiue pla-
nis, ſiue non planis deſignandum redigere. 259

Prop. xxxxi. In plano, quod Aequatori parallelum eſt, horas ab ortu, atque
etiam ab occaſu delineare. 267

Prop. xxxxi. Horas ab ortu, nec non ab occaſu in quouis alio ab horologii Aſtrono-
mici plano, delineare. 270

Prop. xxxxi. Horas Inæquales communes, quæ uidelicet arcus diurnos quoſlibet
in partes duodecim inuicem æquales, & nocturnos etiam quoſlibet, in partes duode-
cim ſimiliter inuicem æquales diſtinguant, in plano quod Aequatori parallelum eſt, de-
lineare. 273

Prop. xxxxi. Horas eaſdem Inæquales in alio quocunque horologii Aſtronomici
plano, quod uidelicet Aequatori non æquidiſtet, delineare. 275

Liber Tertius,

Propoſitio i. Circulus maximus, in cuius plano fuerit ſpeculum, retinet in Sphæra
Catoptrica proprium ſibi locum, quem in Sphæra Naturali obtinet. 310

Prop. ii. Circulus maximus, cui ſpeculum ad angulos rectos fuerit, retinet in Sphæ-
ra Catoptrica proprium ſibi locum, quem in Sphæra Naturali obtinet. 311

Prop. iii. Circulus minor parallelus circuli maximi, in cuius plano exiſtit ſpe-
culum, retinet in Sphæra Catoptrica proprium ſibi locum, quem in Sphæra Naturali
obtainet. 312

Prop. iv. Circulus minor parallelus circulo maximo, cui ſpeculum ad angulos rec-
tos eſt, retinet quidem in Sphæra Catoptrica ſuum ſimilem ei, quem in Sphæra Natura-
li obtinet ſed locum mutat, transferturque in alteram partem ultra circulum maxi-
mum, cui eſt parallelus. 313

Prop. v. Circulus maximus in Sphæra Naturali ad ſpeculum quidem inclinatus, ſed
tamen perpendicularis alteri circulo maximo ſecanti ſpeculum ad angulos rectos, eſt quo-
que 313

que in Sphæra Catoptrica, eidem circulo maximo perpendicularis; ad speculum verò similiter inclinatus.

314

Prop. vi. Circulus minor in Sphæra Naturali, parallelus circulo cuius maximo ad speculum inclinato, est pariter eidem parallelus ac sibi met equalis in Sphæra Catopt.

316

Prop. vii. Quem circulum in Sphæra Vera Sol tenuerit, eundem eodem tempore, in propria Sphæra Catoptrica, solis vice radius reflexus tenet.

317

Prop. viii. Si lucente Sole, ab eodem Sphære centro hinc umbra directè, inde radius reflexè emittatur, erunt pariter umbra radiusque in eodem plano circuli maximi ad speculum recti.

318

Prop. ix. Si lucente Sole, ab eodem Sphære centro hinc umbra directè, inde radius reflexè emittatur; æquales inuicem angulos ad circulum maximum, cui congruit in centro speculum, umbra radiusque efficient.

319

Prop. x. Si lucente in propria Sphæra Sole, fuerint duo plana circulo maximo, cui congruit in centro speculum parallela; & ab eodem centro in eorum unum umbra directè, in alterum verò reflexè radius cadere intelligatur; æquales inuicem erunt radij umbraeque inclinationes ad ipsa plana.

319

Prop. xi. Si lucente Sole, ab eodem Sphære centro hinc umbra directè inde radius emittatur reflexè in idem planum speculo perpendicularare; æquales inuicem erunt anguli quos ad ipsum umbra radiusque efficient.

320

Prop. xii. Si lucente Sole fuerint duo plana, circulo maximo, cui congruit in centro speculum, in oppositas partes equaliter inclinata, & ab eodem centro in eorum alterum umbra directè, in alterum verò radius emittatur reflexè, æquales inuicem erunt radij umbraeque ad ipsa plana inclinationes.

321

Prop. xiii. Si lucente Sole, ab eodem Sphære centro hinc umbra directè inde radius reflexè emittatur; & umbra quidem diurno motu planam, aut conicam superficiem describere intelligatur; similem radius quoque superficiem planam, aut conicam describet.

322

Prop. xiv. Leges aliquas, seu regulas, ad facilem Sphære cuiuslibet Catoptrica constructionem, necessarias statuere.

323

Prop. xv. Sphæram Catoptricam Polarem, ad poli datam eleuationem excitare.

324

Prop. xvi. Sphæram Catoptricam Aequinoctialem ad poli datam eleuationem construere.

329

Prop. xvii. Sphæram Catoptricam Verticalem, ad poli datam eleuationem, construere.

331

Prop. xviii. Sphæram Catoptricam Meridianam, ad poli datam eleuationem, excitare.

332

Prop. xix. Sphæram Catoptricam Horizontalem, ad poli datam eleuationem, excitare.

332

Prop. xx. Horarium Catoptrico-Gnomonicum, Gnomonica Sphære Catoptrica projectione efficitur.

334

Prop. xxi. Verticalem mobilem construere.

339

Prop. xxii. Verticalem mobilem inscriptis, ad usum Horographiae Catoptrico-Gnomonica, conuenientibus notis insignire.

340

Prop. xxiii. Idoneas ad circularem Verticalis instrumenti motum, fibulas necnon etiam cardines parare.

342

Prop. xxiv. Easdem fibulas Verticali instrumento aptare.

344

Prop. xxv. Gubernaculum ad statas motuum periodos, necnon ad quietis opportunam stabilitatem, Verticali instrumento affigendum parare.

345

Prop. xxvi. Idem Gubernaculum ipsimet Verticali instrumento aptare.

346

Prop. xxvii. Meridianum mobilem construere.

347

Prop. xxviii. Meridianum mobilem inscriptis, in usum Horographiae Catoptrico-Gnomonica, conuenientibus notis insignire.

348

Prop. xxix. Idoneas ad Meridiani circumuolutionem, geminas fibulas, atque etiam geminos cardines, simulque Gubernaculum praparare.

351

Prop. xxx. Easdem fibulas, & Gubernaculum organo Meridiano aptare.	351
Prop. xxxi. Scalam semicirculi struere.	352
Prop. xxxii. Scalam semicirculi in suos gradus distinguere.	353
Prop. xxxiii. Scala iam omnibus suis instructa, & ornata numeris elauum, unaque regimen utriusque instrumenti committere.	356
Prop. xxxiv. Locum speculi disponendis in debito situ organis, & horologio Catoptrico-Gnomonico mox delineando præligere.	357
Prop. xxxv. Speculum aptare ad locum iam in fenestra electum.	359
Prop. xxxvi. Lineam Meridianam, in superficie horologij Catoptrico-Gnomonici plana, vel alia quacunque, designare.	361
Prop. xxxvii. Meridianum mobilem ad Catoptrico-Gnomonica delineationis usum collocare, ac disponere eo situ, qui ei competit, in propoſita Sphæra Catoptrica Horizontali.	364
Prop. xxxviii. Verène, an ſolùm apparenter, in plano circuli Meridiani ſit axis instrumenti item Meridiani præcedenti prop. poſiti certius explorare; & comperto non eſſe, ſi fortè non ſit, in eodem illum certiffimè collocare.	366
Prop. xxxix. Collocare, & firmare in debito ſitu Acum numeratricem graduum Aequatoris.	370
Prop. xxxx. Verticalem mobilem ad Catoptrico-Gnomonica delineationis uſum collocare, ac diſponere eo ſitu, qui ei competit, in propoſita Sphæra Catoptrica Horizont.	371
Prop. xxxxi. Dato axe, & centro Horizontis, totum eiſdem circuli planum organiçè formare, ac eadem opera communem illius cum horologij ſuperficie qualicunque ſectionem, delineare.	373
Prop. xxxxii. Dato axe, & centro Horizontis, organiçè formare conum, cuius baſis ſit quilibet propoſitus Almucantarath apex autem ſit centrum Horizontis; necnon eadem opera conicam ſectionem eiſdem Almucantarath, in ſuperficie horologij, quantumlibet irregulari, delineare.	374
Prop. xxxxiii. In linea Horizontali, quaſitum quodlibet punctum, ſue integri gradus, ſue minuti gradus determinare.	375
Prop. xxxxiv. Data diametro propoſiti alicuius circuli Verticalis, & dato uno aliquo puncto, in eiſus plano, formare organiçè totum planum, eiſque communem cum ſuperficie horologij ſectionem eadem opera delineare.	377
Prop. xxxxv. In quolibet circulo Verticali punctum quaſitum determinare.	377
Prop. xxxxvi. Dato axe, ac centro Aequatoris, formare organiçè totum eiſus circuli planum, ipſiſque plani communem cum ſuperficie horologij ſectionem, eadem opera delineare.	378
Prop. xxxxvii. Dato axe, ac centro Aequatoris, organiçè formare conum, cuius baſis ſit quilibet propoſitus circulus eidem Aequatori parallelus, eademque opera ſectionem eiſus conicam, in quacunque horologij ſuperficie, delineare.	379
Prop. xxxxviii. In linea Aequinoctiali, punctum quolibet deſideratum determinare.	379
Prop. xxxix. Data diametro alicuius circuli maximi, per polos mundi, incedentis; & dato uno aliquo puncto in eiſdem circuli plano; formare organiçè totum circuli planum, vel certè partem eiſus deſideratam; necnon eadem opera ſectionem eiſus in horologio deſignare.	380
Prop. L. In quolibet circulo maximo per polos mundi incedente, punctum quodlibet quaſitum determinare.	380
Prop. LI. In quolibet dato Aequatoris parallelo, punctum quodlibet quaſitum determinare.	381
Prop. LII. Verticali, & Meridiano fortè aliquando impeditis, ne liberè ac plenè munere fungantur ſuo, instrumentum vicarium ſufficere, ad conicas præſertim ſectiones deſignandas.	382
Prop. LIII. Uſum instrumenti huius vicarij explicare.	384

Prop. LIV. Dato centro cuiuscunque circuli in Sphæra maximi, & datis in eiusdem plano, duobus alijs punctis, vel etiam datis tribus quibuscunque punctis in eo plano, dummodo non in lineam rectam pectis: formare organicè totum eiusdem circuli planum, ac eadem opera sectionem eius in superficie horologij delineare, instrumento simplicissimo fidelissimo. 386

Prop. LV. Vſus instrumentorum Gnomonicus, solummodo in uniuersum per præcedentes propositiones explicatus, idem ad quamlibet particularem delineationem Catoptrico-Gnomonicam, atque etiam Optico-Gnomonicam, obseruata solùm debiti cuique situs diuersitate, transferendus est. 389

Prop. LVI. Astrolabium Catoptrico-Gnomonicum, insigni magnitudine, & pari magnificentia in palatio Eminentiss. Cardinalis Spada, Domini sui ab Autore delineatum, in paradigma delineationis Catoptrico-Gnomonica in particulari explicatius tradende, merito proponitur. 390

Prop. LVII. Supradicti palatii Spadani cryptoporticus nobilissima interior, depictumque inibi Astrolabium Catoptrico-Gnomonicum scenographicè exprimitur. 391

Prop. LVIII. Eiusdem Astrolabij multiplex linearis contextus, eiusque vſus varij explicantur. 392

Prop. LIX. Elegantissimi, ad commendationem supradicti Astrolabij, versus, in appendis eidem tabellis ornatiss. descripti, referuntur. 395

Prop. LX. Præmittuntur aliquæ præceptiones quibus, in prædicti horologij, seu Astrolabij Catoptrico-Gnomonici delineatione obseruatis, errores facilius vitentur, & procuretur operis concinnitas. 397

Prop. LXI. Lineam Horizontalem, ipsosque Horizonti parallelos circulos, quos vocant Almucantarab, in prædicto horologio Catoptrico-Gnomonico designare. 401

Prop. LXII. Circulus Verticales in eodem horologio Catoptrico-Gnomonico describere. 402

Prop. LXIII. Arcus Signorum Zodiaci, una cum linea Aequinoctiali in prædicto horologio Catoptrico-Gnomonico designare. 402

Prop. LXIV. Tropicos Luna; seu parallelos maximæ declinationis illius, in eodem horologio Catoptrico-Gnomonico describere. 403

Prop. LXV. Horas Astronomicas in eodem horologio Catoptrico-Gnomonico delineare. 404

Prop. LXVI. Parallelos arcuum diurnorum in eodem horologio Catoptrico-Gnomonico describere. 405

Prop. LXVII. Horas ab occasu, atque etiam ab ortu in horologio eodem Catoptrico-Gnomonico delineare. 406

Prop. LXVIII. Horas communes Inæquales, in eodem horologio Catoptrico-Gnomonico, delineare. 409

Prop. LXIX. Lineas Signorum Zodiaci ascendentium, in eodem Catoptrico-Gnomonico horologio, designare. 411

Prop. LXX. Horas Inæquales per quindenos ascendentis Eclipticæ gradus numeratas in eodem Catoptrico-Gnomonico horologio delineare. 416

Prop. LXXI. Lineas domorum cælestium in eodem horologio Catoptrico-Gnomonico describere. 421

Prop. LXXII. Circulos Latitudinum, seu parallelos ciuitatum, in eodem horologio Catoptrico-Gnomonico, delineare. 423

Prop. LXXIII. Circulos Longitudinum, seu Meridianos ciuitatum, in eodem horologio Catoptrico-Gnomonico delineare. 424

Prop. LXXIV. Lineas quarumcunque ascendentium in Horizonte obliquo Stellarum, in eodem Catoptrico-Gnomonico describere. 427

Prop. LXXV. Idem ex eadem Horizontali Catoptrica Sphæra horologium, mira facilitate, in quavis, & quomocunque disposita interni cubiculi superficie delineare, solius ope horologij optico-Gnomonici Horizontalis. 432

Prop. LXXVI.

Prop. LXXVI. Idem ex eadem Catoptrica Horizontali Sphæra, horologium scia-
therici Verticalis euerſi ope delineare. 435

Prop. LXXVII. Mirum, ac fideliffimum artificium tradere, quo expreſſa coloribus
in tabella effigies, poteſt in ſuperficie quacunque parietis, fornicis &c. facillimè, & ex-
peditiffimè deformari tali modo, ut procul, atque ex aſſignato puncto in latus proſpecta
opticè reformetur; appareatque nitida, concinna, & prototypo ſimillima; proprius au-
tem, & ex aduerſo inſpecta diſſipetur; & aliud quippam à ſe diſtinctum, bellè tamen
expreſſum oſtendat. 438

Prop. LXXVIII. Horologium Catoptrico-Gnomonicum è Sphæra Catoptrica Polari
conſtruere. 449

Prop. LXXIX. Horologium Catoptrico-Gnomonicum è Sphæra Catoptrica Aequi-
noctiali conſtruere. 450

Prop. LXXX. Horologium Catoptrico-Gnomonicum è Sphæra Catoptrica Verticali
conſtruere. 451

Prop. LXXXI. Horologium Catoptrico-Gnomonicum è Sphæra Catoptrica Meri-
diana conſtruere. 451

Prop. LXXXII. Horologium Catoptrico-Gnomonicum omnibus ſuis inſtructum
lineis, ac notis in ſuperficie quauis candida parietis, fornicis, &c. nullis tamen in ea
ductis penicillo notis aut lineis; præclaro ſpectaculo, ac nouo artificio, ad nutum ſtatim
depingere, idemque pro libito delere, iterumque depingere. 452

Prop. LXXXIII. Speculo circa Aequatoris axem verſatili horarium Catoptrico-
Gnomonicum conſtruere. 457

Prop. LXXXIV. Horarium Catoptrico-Gnomonicum delineare ſpeculo Verſatili
circa axem tum Horizontis, tum ſimul cuiuſlibet circuli Verticalis, in quo fuerit Sol. 461

Prop. LXXXV. In omni reflexione cylindrica, axis reflexionis, intra ſpeculum
productus, per axem ſpeculi incedit ad eundem reſtus. 468

Prop. LXXXVI. Si fiat reflexio à quocunque puncto ſectionis ſpeculi cylindrici,
quæ baſeiuſdem aequidiſtet; axis reflexionis, intra ſpeculum productus, per centrum
ſectionis incedit. 469

Prop. LXXXVII. Si à punctis, quæ in oxygoniæ cylindrici ſpeculi ſectione ſunt, re-
flexiones fiant, axes reflexionum in ijs punctis erecti, axem ſpeculi non eodem ſimul
omnes puncto ſecant. 469

Prop. LXXXVIII. Si plurimum ab vno lucido puncto incidentium radiorum re-
flexio fiat à cylindrici ſpeculi ſectione baſi aequidiſtante, omnia reflexionum plana ſe
ſimul interſecabunt in vna linea reſta à lucido ad centrū ſectionis reſtèntis ducta. 471

Prop. LXXXIX. Si plurimum ab vno lucido puncto incidentium radiorum re-
flexio fiat à cylindrici ſpeculi ſectione oxygoniæ; qualibet duo reflexionum plana in quibus
ad utraſque partes ſectionis reſtèntis, æqualis fuerit incidentiæ ſine reflexionis obli-
quitas, ſecabunt ſe in ſingulis reſtis à lucido per ſpeculi axem ductis. 472

Prop. XC. Si aliqua ſuperficies plana in ſpeculo cylindrico ſectionem fecerit non
perpendicularẽ baſi, & in ſectionem ab vno puncto lucido, plurimi cadant radij; iſdem
inde reflexi in orbem ſimul emittentur circa ſpeculum. 473

Prop. XCI. Si ab aliquo plano ſpeculum cylindricum ita ſecetur, ut baſi eius æqui-
diſtet ſectio; in ipſam autem ſectionem plurimi cadant radij ab vno puncto lucido, quod
in eodem plano ſecante exiſtat; radij inde reflexi ita emittentur in orbem, ut ſimul ſint
cum incidentibus, in eodem plano ſecante. 475

Prop. XCII. Si radij ab vno puncto lucido in cylindrici ſpeculi ſectionem; ſeu baſi pa-
rallèlam, ſeu oxygoniam, incidentes, non fuerint in plano quod eiſdem baſi aequidiſtet;
reflexi ab eadem ſectione radij ſc in orbem circa ſpeculum emittentur, ut etiam ſimul
plano baſi, quæ ad partes puncto lucido oppoſita, fuerit, inclinentur. 476

Prop. XCIII. Datis puncto incidentiæ in ſuperficie ſpeculi cylindrici, & puncto ex
quo radius ſc incidat ut (iuxta præcedentem propoſitionem) reflexus; ad baſis planum
inclinetur; inuenire in eodem plano punctum, in quod idem reflexus cadit. 479

Prop. XCIII.

Prop. XCIV. Si plurium ab uno lucido puncto incidentium radiorum reflexio fiat à cylindrici speculi sectione basi aequidistante, reflexi intra speculum producti, non omnes ad unum punctum concurrent; sed omnibus eandem rectam (à lucido ad centrum sectionis reflectentis ductam) secantibus solum duo quilibet, quorum fuerit aequalis obliquitas reflexionis, rectam illam in eodem simul puncto secabunt. 482

Prop. XCV. Si plurium ab uno puncto lucido incidentium radiorum reflexio fiat à cylindrici speculi oxygonia sectione; reflexi intra speculum producti, non omnes ad unum punctum concurrent, sed singulis rectas singulas à lucido per speculi axem ductas secantibus, solum duo quilibet quorum fuerit aequalis obliquitas reflexionis, aliquam ex huiusmodi rectis in uno simul puncto secabunt. 485

Prop. XCVI. Si ab uno puncto infiniti lucis radij cadant in cylindrici speculi sectionem basi non perpendicularem, reflexi ab eadem sectione radij pariter infiniti efficient unam lucis veluti superficiem, quae in speciem secti coni circa idem cylindricum speculum descripti quodammodo conformatur. Veram tamen coni, licet secti, figuram habere non potest. 486

Prop. XCVII. Si convenientibus in unum duobus axibus hinc speculi cylindrici, inde circuli in Sphaera maximi facientis in eodem speculo parallelam basi sectionem; punctum quodlibet in eadem sectione sumatur pro puncto incidentiae, planum reflexionis per id punctum incedens faciet in Sphaera circulum maximum. 487

Prop. XCVIII. Si axis speculi cylindrici incedat in Sphaera per centrum circuli maximi oxygoniam in ipso speculo sectionem facientis, omnes superficies reflexionum, quae per puncta sectionis, tanquam per puncta incidentiarum, & simul per axem speculi, vel per minimam ipsius sectionis diametrum incedent, circulos maximos in Sphaera efficient; cetera autem circulos efficient minores. 488

Prop. XCIX. Si cuiuslibet maximi in Sphaera circuli axis sumatur pro speculo cylindrico, & centro pro omnibus punctis incidentiae, quae essent in circumferentia unius è circulis ipsius speculi, cuius axis dicto axi congrueret; Sole in eodem circulo maximo existente, radius unicus ab eius centro incidens intelligatur in orbem reflecti infinitis lineis: erunt illae omnes in plano eius circuli. At verò si Sol in aliquo eiusdem circuli maximi parallelo existat & unicus etiam ab eius centro incidens radius intelligatur in orbem reflecti infinitis lineis, illa simul sumpta, sicut una superficies, perfectum conum formabunt cuius axis, axis ipsius circuli maximi; vertex centrum etiam illius; basis autem esset parallelus oppositus ei, in quo centrum Solis existeret. 491

Prop. C. Si speculum cylindricum à cuiuslibet maximi in Sphaera circuli plano orthogonaliter secetur, amborumque axes in unum conveniant, & in sectionem à centro Solis infiniti radij cadant; Sole existente in aliquo eiusdem circuli maximi puncto, reflexi in orbem radij, velut una ex omnibus compacta superficies lucis, eiusdem circuli maximi plano congruent; Sole autem extra eum circulum in aliquo eiusdem parallelo existente, conicum reflexum cadet in parallelum ei oppositum, & aequalem tanquam in propriam basim. 494

Prop. CI. Conici reflexi figura frustra coni reflecti quoad basis, ac sumitatis circulos, omnino similis; quoad latera verò dissimilis est. 497

Prop. CII. Si ab aliquo circuli in Sphaera maximi plano speculum cylindricum orthogonaliter secetur, & in sectionem infiniti radij cadant à centro Solis in eodem circulo maximo existentis; lux inde reflecta rectam lucidam lineam in quovis obvio plano depinget. 499

Prop. CIII. Si à cuiuslibet maximi in Sphaera circuli plano speculum cylindricum orthogonaliter secetur, & in sectionem infiniti radij cadant à centro Solis extra eum circulum maximum existentis in aliquo eius parallelo; lux inde reflecta lineam lucidam in plano aequidistante basi speculi, ac circa eiusdem axem depinget curvam; quae tamen circulus esse non poterit. 499

Prop. CIV. Radij à centro Solis in sectionem speculi cylindrici basi parallelam incidentibus, lucis reflectae linea curva in nullo, & quomodocunque disposito plano potest esse.

esse perfecta parabole, vel hyperbole, vel ellipsis.

Prop. CV. Conici reflexi sectio in quouis plano, eò, ceteris paribus, similior est sectioni conicæ quòd id planum proximius est summitati, aut basi ipsius conici reflexi.

Prop. CVI. Conici reflexi sectio in quouis plano eò erit ceteris paribus similior sectioni conicæ, quò puncti luminosi supra conici reflexi summitatem eleuatio minor fuerit.

Prop. CVII. Conici reflexi sectio in quouis plano, eò ceteris paribus similior est sectioni perfectæ conicæ, quò minor est speculi, seu sectionis eius reflectentis diameter.

Prop. CVIII. Posito axem speculi cylindrici incedere per centrum alicuius maximi in Sphæra circuli, sectionem in ipso speculo basi parallelam facientis, quem ad angulos rectos secet circulus alius maximus per Solis in aliquo eiusdem parallelo existentis centrum, incedens; si ab istius plano distet cognito intervallo punctum aliquod sectionis illius specularis datum pro puncto incidentiæ, in quod scilicet à centro Solis radius cadat possibile est punctum radij reflexi tum in circumferentia paralleli oppositi, & aequalis illi in quo est Sol; tum in plano eidem æquidistante; atque etiam quantitatem anguli incidentiæ, & reflexionis in superficie reflexionis inuenire.

Prop. CIX. Posito speculo cylindrico duos, vel tres in diametrum digitos habente, cuius sectio basi æquidistans pro Gnomone Catoptrico sumatur; conici reflexi cuiuscunque, sectio in quolibet plano simillima erit sectionis conicæ; quamuis id planum à sic sumpto Gnomone distet intervallo palmorum quinquaginta.

Prop. CX. Si unico Sol motu, circa speculi cylindrici axem moueatur in aliquo Sphære suæ circulo, radios continuè vibrans in eiusdem speculi sectionem basi æquidistantem; conici inde reflexi sectio in quauis obiecta superficie, eadem semper, ac eodem sita permaneret, uallatenus sensibilibiter variata.

Prop. CXI. Si speculum cylindricum immobiliter ita collocetur, ut axis eius Aequatoris axi æquidistet, Iris Catoptrica Gnomonica sensibilem in se ipsa suæ figuræ suæ sit mutationum ex diurno Solis motu nullam recipiet, sed solum reciproci accessus, & recessus constantissima vicissitudine motu uniformi non interrupto aut quasi subsultorio annum Solis in Zodiaco motum æmulabitur.

Prop. CXII. Si speculum cylindricum immobiliter ita collocetur, ut axis eius, axi Horizonti æquidistet, Iris Catoptrica sensibilem in se ipsa suæ figuræ, suæ loci mutationem nullam recipiet ex motu Solis præcisè ut circa axem Horizontis sit per varios circulos maximos Verticales: sed solum prout ad axem, vel ab axe eiusdem Horizontis sit per varios circulos Horizonti parallelos.

Prop. CXIII. Circulorum in Sphæra non maximorum arcus quibus in data quauis superficie delineatis congruat suo tempore Iris Catoptrica Gnomonica non debent ceteris paribus, ad eandem Gnomonis longitudinem describi, ad quam in simili superficie, describerentur eorundem circulorum arcus, quibus umbra vel radius à speculo plano reflexus suo tempore conuenirent.

Prop. CXIV. Data diametro speculi cylindrici axem, & sectionem reflectentem basi æquidistantem, communes habentis cum circulo aliquo maximo, in cuius dato parallelo Sol existat, inuenire Gnomonis verticem, & consequenter longitudinem, ad quam in dato plano possit communibus descriptionis conicarum sectionum legibus describi arcus Iridi Catoptrica Gnomonica accommodatè respondens, dum Sol in eodem dato parallelo existet.

Prop. CXV. Data diametro speculi cylindrici axem & sectionem reflectentem habentis communes cum Aequatore, arcus qui locum Solis in Zodiaco reflexa Iride in ipsos cadente commonstrent in quouis proposito plano delineare. Vel certè eorundem arcuum puncta in horarijs proposita plani lineis Astronomicis distinguere.

Prop. CXVI. Speculum cylindricum sic aptè in debito situ collocare, ut reflexa ab eodem Iris, conuenienter quolibet tempore, Solis in Zodiaco locum demonstret.

Prop. CXVII. Data diametro speculi cylindrici axem, & sectionem reflectentem habentis communes cum Horizonte, arcus Almucantbarath, qui solaris supra eundem

Horizontem eleuationis gradum reflexa Iride demonstrent, in quavis superficie delineare: vel certe eorundem arcuum puncta, in propositi plani lineis Verticalibus, vel alia quacunque distingere: completaque delineatione seu distinctione, speculum ipsum in situ debito collocare atque firmare. 530

Prop. CXVIII. Si speculum cylindricum ita disponatur, ut super Aequatoris axe continuè motum, subinde perpendiculariter secetur à circulo quolibet per eiusdem Aequatoris polos incedente, in quo Sol extiterit, reflexa Iris horas Astronomicas poterit indicare. 532

Prop. CXIX. Horas Astronomicas Iride Catoptrico-Gnomonica demonstrandas in quavis proposita interioris camera superficie delineare. 533

Prop. CXX. Speculum cylindricum ita disponere, ut Iris ab eo Gnomonicè reflexa horas Astronomicas demonstret. 533

Prop. CXXI. Si speculum cylindricum ita disponatur, ut axis eius cum Aequatoris axe constituat angulum minimè variandum complementi eleuationis poli supra Horizontem, & ita speculum ipsum super eodem Aequatoris axe moueatur ad motum Solis: possibile est Iride reflexa horas ab ortu, vel occasu indicari. 536

Prop. CXXII. Horas ab ortu vel ab occasu Iride reflexa indicandas in quavis proposita interioris camera superficie delineare: ipsumque speculum cylindricum ita conuenienter disponere, ut ad propositum, Iridem aptè reflectere possit. 538

Prop. CXXIII. Si cum Aequatoris axe angulum maximè declinationis Zodiaci nusquam variandum constituat speculi cylindrici axis, & hoc modo super eodem Aequatoris axe speculum ipsum moueatur, possibile est lucente Sole, ad quodlibet datum temporis momentum, Iride reflexa exprimi in horologio lineam Eclipticam secundum situm, quem illa tunc in cælo habet respectu nostri hemisphaerii. 541

Prop. CXXIV. Signorum Zodiaci gradus, qui quouis dato momento temporis in Horizonte ortiuo, occiduoque, ac in singulis horarijs aliisque omnis generis circulis, versantur; Iridis Eclipticam in horologio lineam Catoptricè exprimentis indicio, distinctè ac simul inuenire. 543

Prop. CXXV. Stellarum fixarum, atque etiam Planetarum non solum exortus, sed etiam loca in circulis horarum Astronomicarum tum diurnarum, tum nocturnarum, Iridis, ut prædictum est, Eclipticam exprimentis indicio inuenire. 545

Prop. CXXVI. Iridi reflexam Eclipticam exprimenti accommodatas Astrolabij lineas in interioris camera partibus, ac testudine describere. 547

Prop. CXXVII. Specula in opus horographiæ Catoptrico-Gnomonica necessaria, & idonea comparare. 548

Liber Quartus.

Propositio I. Si duo se inuicem contingant diaphana, alterum rarum, alterum densum, utrunque planum; & radius in raro per lineam densò contiguam, aut vice versa, progredi incipiat; per eandem cœptum iter prosequetur, nec patietur refractionem. 556

Prop. II. Si in duobus diaphanis duæ sint lineæ ad communem contactus ipsorum superficiem, angulum pariter facientes in puncto refractionis; & lux prius per unam incidens refringatur per aliam; vicissim, si reuersè per posteriorem incidat, refringetur per priorem. 558

Prop. III. Quacunque facta diuersorum diaphanorum combinatione, quamuis in raro nullus sit inclinationis angulus, quo incidens radius non refringatur in densò; necessariò tamen aliquis in densò est inclinationis angulus, quo incidens radius non refringitur in raro, sed in ipsomet densò, ex quo incidit. 560

Prop. IV. Si lucis radius è quouis raro in simile rarum transmittatur per densum, cuius ambæ hinc inde superficies utriusque raro contiguae, planæ sint ac inuicem parallele; angulus secundò refractus à perpend. erit æqualis angulo primæ inclinationis, & radius

† † †

secundò

Secundo refractus æquidistabit primo incidenti producto.

Prop. V. Radij lucis ex uno in aliud quodcumque diuersum diaphanum, quocumque angulo incidentis licet fiat refraction; pars tamen aliqua reflectitur: & quidem seruata æqualitate angulorum incidentia, & reflexionis.

Prop. VI. Radij, qui è denso in rarum tali angulo incidit ut in illud non progrediat; pars una in eodem denso refringitur, & altera etiam in eodem reflectitur.

Prop. VII. Si radius è primo diaphano raro in tertium densum propagetur per secundum densius quidem primo, sed tertio minus densum, quodque insuper ambas, quibus utrique contiguum est, superficies habeat planas ac inuicem parallelas; angulus refractionis in tertio diaphano, æqualis erit ei, qui fieret sublato secundo, & retento primo cum eodem prima inclinationis angulo.

Prop. VIII. Si radius è primo diaphano raro in tertium densum propagetur per secundum utroque densius, quodque ambas, quibus utrique contiguum est, superficies habeat planas, ac inuicem parallelas; angulus in tertio diaphano refractionis non erit idem qui foret sublato secundo, ceteris paribus: sed minor illo: erit uero eidem qui foret, si secundum diaphanum positum esset loco tertij, & vicissim tertium loco secundi.

Prop. IX. Varia de modo & causa efficiente illuminationis præsertim directæ placita Autorum recensere.

Prop. X. Varia de modo, & causa efficiente illuminationis reflexæ, ac refractionis placita Autorum recensere.

Prop. XI. Exponitur in particulari quomodo, & qua ex causa fiat lucis refraction in ea sententia, in qua lux nihil aliud est quam motus localis à lucido ad oculum propagatus, seu eius apparitio.

Prop. XII. Lucem in toto diaphano, instanti indiuisibili emicare non satis constat, ut id in vera Philosophia, tanquam certum, supponi debeat vel saltem possit.

Prop. XIII. Quantumuis lux in quodam à tumescencia lucidi ad oculum propagato motu, siue in eius apparitione consisteret; non tamen propterea instanti indiuisibili fieret lucis propagatio: imò è contra propter hoc ipsum fieret necessario successiue.

Prop. XIV. Immediatam in distans actionem physicam esse impossibilem.

Prop. XV. Speculum reflectens, & secundum diaphanum refringens, non ita sunt causa reflexionis, & refractionis, ut ipsam quoque lucem reflexam, vel refractam, physice efficiant; aut ad efficiendam physicè concurrant.

Prop. XVI. Lucis per totum diaphanum propagatio non est à fecunditate; qua post lucidum sit in qualibet lucis parte ad aliam sibi similem in proxima diaphani parte generandam.

Prop. XVII. Si in totali per diaphanum propagatione lucis, pars eius una, proles alterius esset; lux reflexa vel nulla foret, vel non teneretur lege æqualitatis angulorum incidentia, & reflexionis. Et similiter lux refracta, vel nulla esset, vel non ex lege, ex qua refractiones fiunt.

Prop. XVIII. Lux qua illuminatione directæ in toto diaphano est, non in eo efficitur à fecunditate lucidi vim illuminatricem suam intendentis, & actionem dirigentis in illud.

Prop. XIX. Lux qua illuminatione reflexæ in diaphano est, non in eo physice efficitur à fecunditate lucidi vim illuminatricem suam, vel ipsam illuminandi actionem re-torquentis ob speculum impediens ulteriorem eius directionem.

Prop. XX. Quamuis esset lucido fecunditas genitrix lucis illuminatione directæ in parte remota diaphani; non tamen propterea esse posset illuminatione reflexa.

Prop. XXI. Lux qua in secundo diaphano refringente est, non in eo efficitur à fecunditate lucidi mutante directionem illuminationis propter occursum eius diaphani à primo diuersi. Imò quamuis in lucido fecunditas esset ad lucem in diaphano generandam illuminatione directæ, non tamen propterea esset ad generandam illuminatione refractæ.

Prop. XXII. Refractionis causa non est resistentia mediij prout materiali necessitate.

rate impediens dispersionem lucis.

Prop. XXIII. Refractio non est una siue simplex, siue multiplex ordine quodam
facta in secundo diaphano reflexio lucis ad opposita porulorum latiscula illi se.

Prop. XXIV. Lucem non esse localem aliquem motum (siue apparitionem eius)
qui à lucido, impressus diaphano, propagetur ad oculum.

Prop. XXV. Si lux in quodam à tumescencia lucidi propagato per diaphana ad ocu-
lum motu, vel in eius apparitione consisteret; eademque ideo solum refringeretur, quia
inequalis est propagationis eius per diuersa diaphana, velocitas; non tantum refractione
non fieret ex lege angularum refractorum, ex qua fieri illam constat; sed nec ulla
prorsus fieret.

Prop. XXVI. Lux in diaphanum effluuio emicat de lucido.

Prop. XXVII. Locali physico motu non instantaneo, sed successiuo, celerrimo ta-
men, lux per diaphana fertur quemadmodum reflexe, ac refracte, ita & directe.

Prop. XXVIII. Lucis naturam ex precedentibus explicare, simulque assignare
causam, unde illi motus indiscriminatim in omnes loci differentias.

Prop. XXIX. Lux in diaphano viam rimatur per eius poros, quos repererit ido-
neos, & ad motum sibi connaturalem accommodatos.

Prop. XXX. Rationem ex parte lucis reddere, cur ea motum rectum, ac per ra-
dios directos naturaliter affectet; & tamen eadem aliquando deflectat à rectitudine
via, ac per radios fractos progrediatur.

Prop. XXXI. Rationem ex parte lucis reddere, cur parte una radij ob difficilem
transitum retardata; alia interim, etsi quodammodo libera sit ab hac difficultate, non
tamen sociam deserat auolando; sed amba simul ob inequalitatem velocitatis mutant di-
rectionem priorem motus, & radium incuruent.

Prop. XXXII. E physicis hactenus positis principiis rationem reddere, & modum
explicare, quo lux è primo in secundum diuersa densitatis, aut raritatis diaphanum
oblique se se insinuans refractionem suorum radiorum patitur.

Prop. XXXIII. Quando radius lucis ob difficiliorem in uno diaphano; & facilio-
rem in alio transitum, curuari cogitur; ita curuatur, ut ambo eius, quæ in superficie
refractionis sunt, latera pariter curuentur flexu quodam hinc inde (id est in parte
concaua & convexa) circulari circa unum centrum.

Prop. XXXIV. Si duæ fiant refractiones duorum radiorum, ab eodem primo dia-
phano ad idem secundum, non eadem inclinatione incidentium; ut sinus anguli inclina-
tionis ad sinum anguli refracti in una refractione; ita sinus anguli inclinationis ad si-
num anguli refracti in alia.

Prop. XXXV. Rationem reddere, ob quam lux è raro in densum oblique incidens,
refringitur ad perpendicularem, & è contra à perpendiculari, cum è denso in rarum
incidit.

Prop. XXXVI. Rationem reddere, ob quam ex insidentia perpendiculari, nulla
fit lucis refractione.

Prop. XXXVII. Rationem reddere, ob quam ex maiori in eodem raro inclinatione
ad idem densum, vel è contra; maior fiat refractione, & minor ex minori inclinatione.

Prop. XXXVIII. Rationem ex parte lucis reddere, cur ad quandam inclinatio-
nem tale sit lucis iter, refracte è denso per rarum; ut reciproce non possit esse idem ex
eodem raro in idem densum; & cur ad alias inclinationes sit semper via reciproca.

Prop. XXXIX. Rationem ex parte lucis reddere, ob quam ipsius lucis è raro in
rarum idem, per intermedium densum (cuius amba superficies planæ inuicem æquidif-
tant) exeuntis angulus secundò refractus, est æqualis angulo primæ inclinationis.

Prop. XL. Rationem reddere, ob quam radius quicunque incidens ex uno in aliud
non solum diuersæ, verum etiam omnino similis densitatis diaphanum; partim ingre-
diatur secundum; partim in primum reflectatur; atque eatenus in omni refractione
minuatur ac debilitetur.

Prop. XLI. Rationem ex parte lucis reddere ob quam radius angulo quodam inci-
dens è denso in rarum non ingrediatur idem rarum; sed in denso ex quo incidit refrin-

gatur.

Prop. XLII. Rationem reddere ob quam non fit refractio viuide nisi utriusque diaphani superficies sit polita; sicut & cur languide fiat reflexio ab impolito speculo. 641

Prop. XLIII. Rationem reddere ob quam regulatè fit refractio, cum diaphani superficies refringens certa lege polita est. 642

Prop. XLIV. Rationem reddere, ob quam amoto lucido vel interposito opaco, statim lux intercedat & evanescat. 643

Prop. XLV. Dato quocunque angulo refracto, cum angulo inclinationis cui ille respondet, ceteros refractos ceteris inclinationibus respondentes, in quavis proposita diaphanorum differen. ia inuenire ac in tabulam redigere. 644

Prop. XLVI. Instrumentum refractorium construere. 647

Prop. XLVII. Instrumenti refractorij iam instructi usum dioptricum explicare. 650

Prop. XLVIII. Angulos ex aere ad aquam iuxta observationes Vitellionis refractos in ampliorem tabulam redigere, usumque constructa tabula explicare. 652

Prop. XLIX. Radius è quouis puncto superficiei Sphæra per verticem Gnomonis dioptricæ ita emissus, ut ad axem incidentia rectus sit, propagatur irrefractus in punctum diametraliter oppositum ei ex quo emittitur. 655

Prop. L. Circulus maximus ad axem refractionis rectus, locum naturalem & figuram circularem retinet in Sphæra Dioptrica. 656

Prop. LI. Circuli minores ad axem refractionis recti, naturalem in Sphæra dioptrica locum amittunt, sed circularem figuram retinent. 656

Prop. LII. Circuli maximi per axem incidentia incedentes, neque circularem figuram, neque locum naturalem amittunt refractione. 657

Prop. LIII. Circulus maximus Sphæra dioptrica ad superficiem refringentem inclinat usque locum naturalem, neque circularem figuram in loco apparenti retinet. 658

Prop. LIV. Circulus minor, æquidistans circulo maximo incedenti per axem incidentia, locum naturalem simulque figuram circularem in Sphæra dioptrica amittit. 662

Prop. LV. Circulus minor parallelus circuli maximi ad superficiem refringentem inclinati locum naturalem, & simul figuram circularem in Sphæra dioptrica amittit. 664

Prop. LVI. Si aliquem in Sphæra circulum minorem, qui ad axem incidentia rectus non sit, Sol percutere intelligatur; dum radius incidens conicam superficiem circa axem illius circuli ad continuum Solis motum describet, radius refractus simul etiam suo modo circa axem refractum ductus, non describet conicam superficiem. 666

Prop. LVII. Circuli Sphæra dioptrica maximi, ad axem refractionis recti; vel qui per eum incedunt, lineas in plano horologij rectas efficient: ceteri curuas, pro modo & quantitate refractionum. 666

Prop. LVIII. Circulorum Sphæra dioptrica minorum, qui ad axem refractionis recti sunt, Gnomonica in planum projectiones erunt sectiones conica, ceterorum, non erunt. 667

Prop. LIX. Leges aliquas seu regulas ad Gnomonicam Sphæra dioptrica projectionem necessarias præscribere. 667

Prop. LX. Datis refractionum tabulis ad quemlibet diaphanorum diuersitatem gradus quadrantis refractos, seu secundum refractionum quantitatem degradatos distinguere. 669

Prop. LXI. Dato quadrante refracto rete horographicum ad datam Gnomonis dioptricæ longitudinem construere in plano quod axi refractionis æquidistet. 672

Prop. LXII. Dato eodem quadrante refracto, rete aliud horographicum ad datam Gnomonis dioptricæ longitud. delineare in plano ad axem refractionis perpend. 675

Prop. LXIII. Dato reti horologium dioptricum delineare. 677

Prop. LXIV. Horologium dioptricum sub aqua: in concauo hamispharico vase delineare. 678

Prop. LXV. Radio Solis per exiguum ad hoc paratam crystallum in cameram alias oclusam introfuso, horarium dioptricum amplissimum, media in luce umbratilibus lineis depingere. 680

Prop. LXVI. Ad crystalli & aqua simul compositas refractiones horarum dioptricum delineare è quauis Sphæra dioptrica. 681

Prop. LXVII. In quauis & quomodocunque disposita superficie, è quauis dioptrica Sphæra ad compositam; vel simplicem refractionem, licet ignotam horarium dioptricum organicè delineare. 683

Prop. LXVIII. Pulcherrima meteorica Iridis æmula Thaumantias in occultæ camera superficie dealbata refractis à speculo cylindrico solaribus radijs gignitur, quæ non solum horarum Astronomicas, tunc alias, sed etiam locum Solis in Zodiaco, in circulis Verticalibus, domorum cælestium &c. ostendere potest. 684

Prop. LXIX. Speculum cylindricum crystallinum sic aptè in debito situ collocare, ut Dioptrico Gnomonica Iris, quolibet tempore, Solis in Zodiaco locum demonstret. 685

Prop. LXX. Modulum concuum in quo crystallus arena minutula exteri, ac in conuexas lentes sphericas conformari possit, è cupro, ferro, chalybe &c. ad quamlibet optatam diametrum, opere tornatili exquisitissima, facillimoque elaborare. 689

Prop. LXXI. Modulum conuexum sphericum, è ferro, chalybe, cupro &c. ad optatam diametrum, opere etiam tornatili facillimo, & exquisitissimo elaborare. 693

Prop. LXXII. Cognita mensura refractionum è crystallis in aerem inuenire angulum verticis trianguli per axem coni in quo secta hyperbole (cuius axis axi coni æquidistat) talis sit ut ad eius legem rectè formata atque polita lens crystallina, ex altera parte plana, parallelis incidentibus radios refringat ad focum eiusdem extrinsecum. 695

Prop. LXXIII. Modulum hyperbolicum concuum, aut conuexum è quauis materia torno rasili, ad optatæ sectionis hyperboles perfectissimum edere. 698

Prop. LXXIV. In cono cuius angulus verticis trianguli per axem datus est, ex datis axe trasuerso, & latere recto ellipsim inuenire. 701

Prop. LXXV. Modulum è quauis ut supra materia, ellipticum torno efficere. 703

Prop. LXXVI. Modulos planos è quauis materia torno exquisitissimè & expeditissimè efficere. 703

Prop. LXXVII. Crystallinas cuiusvis figuræ lentes in proprijs modulis terando formare. 704

Prop. LXXVIII. Crystallinam cuiuslibet figuræ lentem perfectè formatam, ac lauigatam perfectè etiam illa quoque figuræ expolire. 705

INDEX

Lemmatum quæ sunt in toto opere.

Sub exemplo lusoria pile redditur è physicis principijs ratio æqualitatis angularum incidentiæ ac reflexionis lucis. 292

Lemma 1. Inter pilam incidentem & planum in quod ea incidit mutua quædam est contrarietas, seu oppositio maior aut minor, ea proportionem qua totalis motus incidentiæ plus minusue habet de perpendiculari. 293

Lemma 2. Quando incidentia est perpendicularis, planum percutit pila toto impetu: quando verò incidentia obliqua est, impetu diminuto, ea proportionem, qua in eius motu minus est de perpendiculari. 295

Lemma 3. Percussioni repercussio ad æqualitatem respondet secundum vim impulsus, & repulsus. 297

Lemma 4. Vis percussiois; quantum est de se, & nisi impediatur, pellit pilam in partes vnde incidit, ac per ipsammet lineam incidentiæ. 299

Eiusdem æqualitatis angularum incidentiæ, ac reflexionis ratio redditur etiam è principijs physicis, sed sub alia consideratione radij lucis. 302

Lemma 5. Duo puncta quibus in speculo plano cathetæ reflexæ secant hinc radius incidens productus, inde radius reflexæ æqualiter distant ab eiusdem speculi plani superficie. 478

Lemma 6. Datis axe & focus ellipsis, inuenire latus rectum. 701

INDEX

I N D E X

Tabularum quæ sunt in toto opere.

1. **T**abula. Solaria Gnomonica Horologia omnium generum suis secundum proprias differentias digesta ordinibus. 21
2. Tabula arcuum circuli Verticalis primarij comprahensorum inter communem eius, & Meridiani sectionem, ac singulos circulos horarios à meridie, & à media nocte, pro varijs poli eleuationibus supputata. 201
3. Tabula arcuum Horizontis comprahensorum inter lineam Meridianam, & singulos circulos horarios à Meridie, & à Media nocte, pro varijs Poli eleuationibus à gradu 35 ad 55 supputata. 212
4. Tabula. Declinationes Signorum Zodiaci ad singulos eorum gradus. 233
5. Tabula. Declinat. Signorum Zodiaci ad singulos eorum gradus, ex Tycho. 234
6. Tabula. Declinatio arcuum diurnorum horarum 14, & 10; itemque horarum 18, & 6, ad poli eleuationes annotatas. 250
7. Tabula tripartita horarum ab ortu, & occasu quæ Astronomicas intersecant in annotatis arcibus diurnis. 272
8. Tabula. Horæ Inæquales à quibus Astronomica vellarum semisses intersecantur in annotatis arcibus diurnis. 277
9. Tabula. In parallelo omnium nunquam apparentium maximo, horæ ab ortu vel occasu Astronomicas secant. 408
10. Tabula vniuersalis ostendens in Horizonte tum ortiuo, tum occiduopuncta Signorum, per quæ Signi cuiuslibet ascendantis linea describitur. 412
11. Tabula. Cæli meditationes. 413
12. Tabula distinctè ostendens lineas, aut portiones linearum Signorum ascendantium, pertinentes ad semicirculum Eclipticæ tum ascendentem, tum descendentem. 416
13. Tabula prima vniuersalis ostendens lineas ascendantis Eclipticæ, quæ parallelis Signorum tangunt, vel secant; ad eius generis Inæquales horas diurnas, quæ per quindenos eiusdem Eclipticæ ascendantis gradus numerantur, eo tempore, quo Sol à Capricorno per Arietem ad Cancrum mouetur. 419
14. Tabula secunda vniuersalis ostendens lineas ascendantis Eclipticæ, quæ parallelis Signorum tangunt, vel secant; ad eius generis Inæquales horas diurnas, quæ per quindenos eiusdem Eclipticæ ascendantis gradus numerantur, eo tempore, quo Sol à Cancro per Libram ad Capricornum mouetur. 420
15. Tabula continens circulos tum Azimuth, tum Almucantarath per quorum communes sectiones incedunt horarij à meridie & à med. nocte, ad poli eleuat. grad. 42. 463
16. Tabula continens circulos tum Azimuth, tum Almucantarath, per quorum communes sectiones Aequator ac duo Tropici incedunt, ad poli eleuat. grad. 42. 464
17. Tabula refractionum ex aere in aquam ad singulos inclinationum gradus secundum proportionem quam habet sinus anguli refracti dati 50 ad sinum anguli inclinationis dati 80 supputata. 647
18. Tabula refractionum ex aere in aquam ad singulos inclinationum gradus ex omnibus à Vitellione factis experimentis per quandam inter ea seruata proportionem supputata. 653
19. Tabula. Circuli Polaris in annotatis Verticalibus distantia à Zenith. 661
20. Tabula circulorum tum Azimuth, tum Almucantarath per quorum communes sectiones incedunt circuli horarum ab occasu ad poli eleuationem grad. 42. 679

F I N I S.

FACULTAS REV^{MI} P. GENERALIS.

Nos Frater Thomas Munoz, & Spinossa, Lector iubilatus, & S. Inquisitionis in supremo Hispaniarum Senatu Qualificator, & totius Ordinis Minimorum Sancti Francisci de Paula Corrector Generalis, &c.

*Dilecto nobis in Christo Fratri Patri Emanueli Maignan,
S. Theologia Lectori & Mathematico salutem.*

Tibi præfato Patri tenore præsentium facultatem damus, imo ad meritum S. Obedientiæ præcipimus vt Horariam Perspectiuam, seu de Horographia Gnomonica tum Theoretica, tum Practica libros quatuor; aliasque tuas, tum Mathematicas, tum Theologicas, ac Philosophicas lucubrationes, luci publicæ committas, seruatis seruandis, & dummodo eas legerint, atque approbauerint duo Ordinis nostri Theologi à nobis vel alio pro tempore Superiori specialiter deputandi. Nunc autem pro Perspectiua Horaria deputamus Sacræ Theologiæ Professores P. P. FF. Basilium Aloysium, & Philippum Beauuarlet. In quorum fidem præsentem manu & sigillo nostris munimus in Conuentu nostro S. S. Trinitatis de Vrbe, hac die xxvi i Nouembris Anni Domini M DC XXXXVI.

F. Thomas Munoz & Spinossa Corrector Generalis.

De mandato Reuerendissimi P. Nostri Generalis.

F. Michael Angelus Diosdado, Collega, & Secret.

Loco † Sigilli.

Nos infra scripti Ordinis Minimorum Theologi, speciali Reuerendissimi Patris nostri Generalis mandato deputati, vidimus perlegimusque Reuerendi Patris Fr. Emanuelis Maignan Perspectiuam Horariam: testamurque nihil nos in ea repperisse à Fide Orthodoxa, vel à bonis moribus quoquo modo absonum, imò repperimus non solum omnia, quæ ad vulgarem Horographiâ pertinent, scitè solideque pertractata, sed etiam plurima feliciter reſerata Gnomonices nobilioris ac simul Optices, Catoptrices, atque Dioptrices arcana diu multumque ab earum facultatum cultoribus desiderata; quapropter librum censemus dignissimum qui ad publicam utilitatem typis mandetur. Datum Rome in Conuentu Sanctissimæ Trinitatis Montis Pincij hac die 11 mensis Martij Anni 1647.

F. Basilius Aloysius.

F. Philippus Beauuarlet.

Impri-

Imprimatur,

Si videbitur Reuerendissimo Patri Magistro Sacri Palatij
Apostolici.

Alex. Vitricius Episc. Alar. Vicefg.

APPROBATIO.

DE mandato Reuerendissimi Patris Vincentij Candidi Magistri Sacri
Palatij Apostolici studiosè legi Librum, cui titulus est *Perspectiua,*
Horaria, ab admodum R. P. F. Emanuele Maignan Sacræ Theologiæ pro-
fessore compositum, in quo testor nihil me reperisse quod aduerfetur doc-
trinæ Catholicæ, aut bonis moribus dissentaneum sit; quin potius ob sin-
gularem eruditionem & iucundissimam rerum hætenus in hoc scri-
bendi genere non auditarum tractationem eum publica luce dignissi-
mum iudicaui. In quorum fidem præfenti testimonio subscripsi hac die
13 Martij Anni 1647.

F. Antonius Dufloz Lector S. Theologie in Conuentu SS. Trinitatis de Vrbe

Imprimatur,

Fr. Hyacinthus Pandulphus Magister, & Socius Reuerendissimi
Patris Fr. Vincentij Candidi, Ordinis Prædicatorum, Sacri
Palatij Apostolici Magistri.



PERSPECTIVAE

HORARIAE

PARS THEORETICA.

Siue

HOROGRAPHIAE GNOMONICAE

LIBER PRIMVS.

Continens Hypotheses, & omnia, quæ ad Horographiæ
Gnomonicæ Theoriam in vniuer-
sum, spectant.

PRAEFATIO.



HOC Libro, mi Lector, postquam in vniuersum, definitiones, hypotheses, & præcipua Horographiæ Gnomonicæ Theorica principia, quantum fuit necesse; & ea quæ potui tum breuitate, tum diligentia exposui, propositionibus primis 17. à 18. vsque ad 21. communem triplicis Horographiæ Gnomonicæ, Theoriam statuo; constructione, & Gnomonica proiectione triplicis Sphæræ, circulis suis omnibus instructæ. Deum à 22. vsque in finem quæro; quale, & quantum malum sit, in re Gnomonica; quod radij solares, refractionem in aere patiuntur. Animaduertes autem aliqua hinc ab Autorum Horographorum usu communi, remota; inde à placitis etiam Astronomorum quodammodo dissidentia: sed illa, commodioris ad explicandum methodi; ista maioris in re ipsa (vt visum est) fundamenti ratione sic dicta sunt. Ita; quod propof. 8. & 9. habetur, de plani Horologij, tum Declinatione, tum Inclinatione; magis, vt puto, arri-

²
debi² ; quam vulgaris earundem vocum usurpatio non parum
intricata ; ne dicam confusa. De horarum Aequalium inaequali-
tate, haecenus ab Astronomis existimata ; forte non immerito du-
bitandum esse , existimaui prop. 4. proposit. autem 22. ac dein-
ceps , multo magis reiicienda esse duxi plurima , quae velut
certa absque tamen sufficienti fundamento ;
aliqui asserunt , de refractionibus lucis
ex aethere in aerem inci-
dentis .



Propositio I.

Temporis naturalis distinctam, & humana vitæ vsibus accommodatam mensuram Ars ingeniosa, varijs Horologiorum mechanicis formis præclare expressit: luculentiùs vero atque accuratiùs, Astronomicis instrumentis concinnavit Perspectivæ solertior; ipsa utrique exemplum præbente Natura.



OROLOGIVM quasi horarum ratio, est quoddam veluti speculum temporis, seu dixeris tempus artificiale; primario naturali temporis commensuratum; & vice sua illud quodammodo etiam mensurans; hoc est quantitatem illius demonstrans; præsertim quoad minutiores eius particulas; utpotè horas, quas ad nostros communes vsus distinctius exprimi necesse fuit. Cum autem dicimus tempus; fluxum quandam, volubilitatem, & transitum dicimus; secundum quem spatij suis transeunt vniuersa sub Cælo, & in statu eodem permanent nunquam: sin vltra quæraturs vnde, & qua, & quò transeant; utique à futuro per præsens transeunt in præteritum: à non esse, per esse; ad non esse properant. Futurum namque non est; sed erit postmodum: præteritum, erat quidem paulò ante; sed modo non est; solum itaque præsens est; ita tamen est; ut moram nullam, vel aliquod tantisper hærendi spatium admittat; sed simul ac apparuerit auolet statim, & euanescat: paulatim crescente præterito, ex diminutione futuri; donec eiusdem consummatione, sit totum præteritum: Vnde tam exilis est, & tam euanida res, tempus; ut nisi fluendo non sit, & nullum sui relinquat ipso fluxu vestigium: ut mirum fortè non sit si ex tam tenuibus ac subtilissimis filis contexta tela, quorundam, alias ad alia peracutorum Ingeniorum aciem fugerit; aliorum certè non parum torserit, in vera, propriaque sui definitione. Certe nihil familiarius, & notius, interloquendum commemoramus; quàm tempus; sed nec est aliquid aliud, in cuius explicatione, magis hæreamus: dicant Peripathetici, tempus esse numerum motus secundum prius, & posterius; Plato, naturam eius altius repetens, definiat æternitatis in vnitatem manentis mobilem, & numero euntem Imaginem: Existimant certe alij motum Cæli, & præsertim Solis, ipsum esse tempus. Cogitant verò plurimi, intervallum quoddam successuum, & in eo terminos quosdam prioritatis, & posterioritatis fixos, quibus tanta vel tanta successiva distantia definiatur: qualis distantia, exempli causa, est inter principium & finem diei illius longissimi: quo, ad imperium Iosue, Stetit Sol in medio Cæli; tunc siquidem stante Sole; ibat nihilominus motu suo tempus. Sed hæc viderint Physici: Sufficiat Horographo, temporis mensuras, necessarijs humanæ vitæ vsibus accommodatas indicare. In

Perspectiue Horaria

4
 ipsa prima Mundi creatione, Deus ordinatissimam Cœli choream; velut vniuersale quoddam, & cunctis commune gentibus, sibi semper constans, & æquatis certissimis motibus, vniſorme Horologium ad fidelissimos temporum calculos tēperauit. Solem vero, Lunamque, & sidera alia, pœſuit pro præclaro, & conspicuo Indice; ad cuius signa & numeros reuolutionum; dies, noctesque, hebdomadas, menses, & annos, vitæ etiam momenta noſtræ; labores quoque, & otia; denique rerum durationes omnium, in hoc orbe inferiori metiremur: ipſomet Deo exemplum præbente; qui vim creatricem infinitam; in mundi conſtruenda mole, inſtituto à ſe temporis, ita commenſus eſt; vt quæ cuiſbet, ſingulari productioni ſpatia conuenirent; dierum, noctiumque ſucceſſione deſiniret: atque attributis, perficiendo operi, ſex diebus; Septimum quieti conſecraret. In huncitaque, modum præclaro Dei opificio, ac etiam beneficio, præſtituta ſunt ſigna temporum; quibus lux à tenebris, dies à nocte diuiditur: Sed fuit tamen, præterea neceſſe; morarum, penè dixi horarum (& reuera horæ ipſe moræ ſunt) interualla quædã, in motu Solis, Lunæque, & aliorum ſiderum, determinare; nec non ſingulis huiusmodi interuallis conuenientia ſigna, ſiue notas præfigere; quibus ſtatim cognosceretur, quanta diei, noctiſque ſeu etiam mensis, & anni pars vel ſuper'eſſet; vel acta iam eſſet. Hoc enim omnino exigunt tum frequentes, eodem vno die, negotiorum viciffitudines; tum ſtatis ſibi temporibus ſuccedentes publicæ, & familiares curæ. Hac igitur de cauſa in horas diſtribui cœpit diei tempus: diei, inquam, tum artificialis; qui Solis motum ab ortu in occaſum comprehendit: tum naturalis; qui eſt integra ſolis reuolutio, & totum diei, noctiſque ſimul ſpatium complectitur. Hinc varij varia excogitarunt inſtrumenta; quæ Horologia dicta ſunt *ὡροῦν τὸ ὄρα; λέγουσιν* quaſi horas indicando dicant.

Horaria Mechanica.

Mechanici quidem, ingenio, & arte clariffimi, plurima, eaque pulcherrima adinuenerunt; & miro opificio conſtruxerunt: qualia, ea ſunt, quæ vel guttulis aquæ labentibus; vel minutiffimæ fluxu arenæ, horas æquant: maxime vero miranda ea ſunt quæ verſatilibus tympanis; aut libratis ponderibus, rotulas denticulatas; eiſque implicitum horarium indicem circumagunt; & horas ipſas, percuſſis ad numerum cymbalis, denuntiant: aliaque propemodum infinita; eaque iucundiſſimæ. Miratus ſum aliquando, id genus, horologium, in quo per planum cryſtallinum leniter decliue, luderet Sphærule ænea, vel chalybea; quæ ſilis æneis tenuiffimis alternos flexus regentibus, hac illac vaga permeabat; donec paratæ, in imo; ſitellæ illapſa; atque ab eadem, perurgente arcano artificio, in ſublime ſtatim elata reſtitueretur ad caput aræ, vnde repetita ſapius chorea horas metiebatur: horum etiam induſtria ignis, elementum edaciſſimum, & voracitatis neſciens modum; didicit nihilominus talem quandam

quandam temperantiæ formam, qua paratam escam, præscriptis sibi temporum spatij, sobria ad numerum flamma depascens, horas consumptione formitis demonstret. Simili arte constant specula; quæ pro elapsarum horarum numero plures vel pauciores, intuentis vultus representant. Mitto alia ne sim nimius.

Horaria Naturalia.

SEd (quod præterire nefas) parum est, humano instrumenta horoscopa, vel Horologa, condi ingenio: cum iam, ipsius omnium artium, magistræ, ac primariæ rerum opificis, Naturæ manu, atque industria; plurimis locis, varia prius, concinnata fuerint horaria elegantissima, eademque certissima; exemplaria scilicet artefactorum. Merito quidem laudantur Ctesibij fistulæ horariæ, miris aquarum expressionibus, ac præclusionibus attemperatæ: sed laudare satis, aut mirari nemo potest, vim Naturæ arcanam, qua certissimis effusæ aquæ, administrationibus; absque rotis, ac ponderibus, alijsue, id genus, machinationibus hydraulica varijs modis, ac legibus temperantur horaria. Et ut taceam, non solum ingens illud toto conspiciendum orbe, hydraulicum; Oceani fluxu reciproco, diem naturalem quatuor dirimens interuallis; sed etiam Euripi, bis septena, in die, tempora distinguentis ætus recurrentes, Principis Philosophorum & contemplatione, & nece nominatissimos: extant mirabiles prorsus, multis locis, fontes (referente Plinio *lib. 2. nat. hist. c. 106.*) quorum alij, aquarum feruore, frigore, ac tepore, alij dulcedine atque amaritudine; alij redundantia, atque inopia, vicissitudine nunquam fallente, dierum breuitatem, atque crescentias; solis ortum, & occasum; meridiem, ac mediam noctem, &c. demonstrant. Placet verò præ cæteris, utpotè ad horarum usum, numerumque receptissimum temperatus (eodem ibidem autore commemorante) in *Commensi* iuxta Larium lacum fons largus, qui horis singulis, semper intumescit ac residet. Sed illi comparem similibus hydraulicis rationibus, vicena quaterna diei tempora, equaliter metientem fontem horarium, patrio nomine *Lers*, Tectosages habemus non longe ab Vrbe nobilissima Tolosa, hic per æstatem, horis singulis, ab ima specu vastissima, eademque profundissima, quadrante paulatim succrescit, non sine multo aquarum immugientium fragore; mox quadrante, in vberrium fluuium exundat; dein alio quadrante subsidit; ac demum quadrante etiam interquiescens aret: eodemque identidem ordine, ac lege, statas sui fluxus remetitur vices; natura veluti moderante occultum epistomium. Præclarum hunc fontem Salustius Barthasius carmine celebrat elegantissimo, pro argumenti dignitate, ac ita describit hebdom. die 3.

MAIS tout ce que j'ay dit, en merueilles n'approche,
 Aux merueilles de Lers, quand il sort de sa Roche.
 S'il est vray, qu'un Docte homme, à saute de pouvoir
 Comprendre la Vertu, qui pouvoit esmouvoir,
 Sept fois le iour Euripe; & ses bouillantes ondes,
 Sept fois r'emprisonner, dans ses riuës profondes:
 Poussé de desespoir, & de honte esperdu
 Se ietta dans son flus; plus cërche qu'entendu.
 Dy-moy, que feroit-il, contemplant la fontaine,
 Qui l'auë de ses flots des Mazeres la plaine:
 Et nee à Belestat, non loing des Monts de Foix;
 Le Peuple Tholosain, Riche, pouruoit de bois,
 Chasque coup, que Phæbus parfaissant sa Carriere,
 Sur les deux Horizons reconduit la lumiere;
 Son eau, porte radeaux, durant quatre ou cinq Mois;
 Vingt & quatre fois naist, meurt vingt & quatre fois:
 A sec on peut passer demy heure sa source;
 Et demy heure apres, on ne peut de sa course
 Soustenir sa roideur; car son flot escumeux
 Naissant, tache esgaller les fleuues plus fameux.
 Flot Docte à bien conter; qui guide par Nature,
 Le temps si seurement, sans Horloge, mesure.

Ne vero qui minus gallicè norunt, simul etiam nesciant horarium fontem
 Lersum, Gabriel Lermeus, Barthasium sic Latinè reddidit.

SED nihil ad laudum miracula Lersæ, tuarum;
 Cum gelido nouus amne tumens erumpis ab antro.
 Si sophus ille senex, dum prendere mente laborat;
 Quæ vis Euripum septeno impelleret astu
 Retractum; & toties cohiberet Carcere ripas.
 Dum pudor accendit ringentem, & conscia virtus:
 Nec potis ambiguam secum dissoluere causam:
 Heu cæcas se se iecit moriturus in undas.
 Quantum turbarum, spectato fonte, dedisset,
 Qui Bellestadii natus, mox Foxia rura
 Ingressus, Mazeriacos interluit agros;
 Atque Tholosanis submittit ligna caminis.
 Per menses aliquot, dum sol utramque reuist
 Thetida: sex quater ille vices; oriturque, caditque.
 Nunc siccis pedibus sicca calcantur arene:
 Nec mora dimidia spatium vix fluxerit hora;

Ecce

*Ecce tibi subito ruit impete Læsus abundans,
Spumeus; & cursus magnarum imitatur aquarum.
Fons salve diuine; tibi vis copia Cæli:
Vsq̃a adeo iustis describis tempora metis.*

Horaria Solaria.

Astronomi vero, cum Solis diurnum, in Cælo, curriculum, præfixis quibusdam horarijs circulis; velut horarum metis distinxissent: eorundem. circulorum similitudines, in Instrumentis varijs; varijs etiam, Perspectiue legibus expressas; eo ordine descripserunt; vt luce sua Sol reddat ipse rationem itineris sui; signetque adamussim, eundem illum, in Instrumento, circulum; quem eo temporis momento in Cælo tenuerit, horarum artifex idem & ostensor fidelissimus. Huiusmodi Instrumenta sunt Astrolabium Ptolemæi, Planisphærium Ioannis Roias; Astrolabium Catholicum Gemmæ Frisij; & eiusdem Annulus Astronomicus. Sunt & alia quorum meminit Vitruuius *lib. 9. cap. 9.* vt Berosi concauum ex quadrato: Aristarchi Samij Scaphe, eiusdemque discus: Eudoxi vel Apollonij Arachne, Scopæ Syracusij, Plinthus; Patroclis Pelecinum, siue securis; Dionysiodori Conus, Apollonij Pharetra; & aliorum alia plurima, vt Gonarche, Engonaton, & Antiboreum; quorum, si quis maiorem notitiam desideret, videat Commentatores Vitruuij. Circumferuntur præterea quadrantes, Cylindri, Annuli, Noctilabia, Bilimbata, & alia huiusmodi, infinitis, & miris modis, tum interdiu; luce Solis vel umbra: tum noctu radio lunari, vel alterius, inspectione fideris, horas demonstrantia.

Horaria Solaria Gnomonica

Sed ea cæteris longe antecellunt, quorum descriptio Geometrica fit, observatione motuum umbræ è stylo, seu Gnomone decidentis, vel observatione motuum ipsiusmet radij, per aptati verticem Gnomonis, tum, directè, tum reflexè, atque etiam refractè emissi; præsertim si non horariae solum lineæ, in eis designentur; sed etiam cætera omnia ad Solis primique mobilis motus perfectè cognoscendos pertinentia; quæ Perspectiue arte gnomonica, directo vt dixi radio vel reflexo refractoue designari possunt: qualia instituti nostri est toto isto opere describere; vt quemadmodum, Parmenionis illa horaria, apud Vitruuium; sic nostra, etiam, dici queant *οὐρανίου & ἡμερήσια* quasi Cæli historia.

Propositio II.

*Numerus Horarum viginti quatuor; in die naturali, vsu
communissimo eodemque commodissimo à
Populis receptus.*

HOras antiqui vocauere, spatia quædam in die, distinctis morarum interuallis, determinata: rationem vero nominis, aliqui assignant; quod eas Horus (qui idem Ægyptijs est Sol) motu suo faceret: sed certe, cur non perinde dies, & hebdomades, anni, & sæcula; horarum nomine, censeantur; Cum hæc omnia pariter motu suo idem ipse Horus efficiat? Ridicula est non minus quam fordida altera notatio Horarum; quas ita vocitatas, quidam volunt ab vrina (quæ Græcè ὄρεσις) cuiusdam animalis, Serapidi olim, idest, Soli in Ægypto sacri; eiusdemque duodecies in die, ac, toties in nocte, per æquales moras, religiose mingentis: vnde, & nomen, & numerus horarum viginti quatuor, ipso auctore Hermete, celebrari cœperint. Non adeo displicet Ethymon, ἔτος τῆς ὀρίσεως; quod est terminare, ac definire: siue etiam à voce ὄρεσις terminus; eo quod tempori continuo vnus diei, horas præfigimus; velut terminos quosdam morarum: atque ita diē, certa quædam in spatia, distribuimus. Numerus horarum ad placitum est, & si consensissent nationes, potuerunt plures institui; potuerunt & pauciores: sed opportunè, viginti quatuor institutę sunt ab antiquis; qui duodecim in die, totidem in nocte numerauerunt: siue simpliciter; quia visę sunt, eo numero, nec longiores fore, nec breuiores; quam par sit; ad facilem, & commodam temporis mensuram: siue ob similem numerum mensium in anno siue propter duos semi circulos Zodiaci; quorum vnus qualibet die alter vero qualibet nocte, supra horizonem ascendit; cum enim vterque, sex contineat signa; pro obseruato numero signorum exorientium; sex horę cuilibet diei, & totidem nocti competeabant: nihilominus, quia horas eo numero longiores fore visum est; vt breuiores fierent; commode, in duas, singulę subdiuisę sunt; atque ita constitit numerus horarum duodenarius, respondens simili numero medietatum signorum Zodiaci; quę singulis tum diebus, tum noctibus, supra horizonem emergunt. Hunc vero eundem numerum ab antiquis ita institutum omnes deinceps obseruauere; licet non eque ordinem horarum seruauerint.

Propositio III.

*Non idem est apud omnes gentes modus
horas numerandi.*

IN primis non eodem modo ; id est non eodem ordine ; nec eadem inuariata durationis quantitate ; horas suas cunctæ gentes metiuntur : siquidem aliquibus , inæquales horæ , alijs æquales magis placent ; (quamuis hæ ipse existimentur non omnino expertes esse inæqualitatis) hoc autem ex eo factum est quod voluerint aliqui diem Artificialem , quasi notissimum , & ipso auctore Deo à nocte diuisum ; seorsim à nocte , & noctem similiter seorsim à die ; in spatia horarum , numero quidem semper paria ; licet quantitate non æqualia distribuere : maluerint verò alij , diem Naturalem , (qui est integer Solis circuitus ,) utpote sibi semper magis constantem , & uniformem obseruare ; & in eo horarum spatia semper æqualia distinguere . Neque tamen isti de ordine horarum inter se omnes consentiunt : eo videlicet ; quod non idem omnes ponant principium diei naturalis : Babylonij namque rati forsitan potiore ac meliorem illius partem , ordine quoque priorem esse ; atque adeo lucem , tenebras antecedere ; quas & antecellit : horam primam , & cæteras deinceps æquales : ab exortu Solis auspicati sunt : eosque , ut audio , Balearium Insularum incolæ , nunc etiam imitantur . Athenienses è contra , & cum eis Itali , ac Bohemi ; horas suas æquales , à principio noctis ; hoc est à Solis occasu , numerare incipiunt : forte quia ipso mundi initio , creationem Lucis tenebræ præcesserunt : & primi illi dies , qui subsequantium forma quodammodo fuerunt ; *vespere* , & *mane* id est , tenebris ac luce ; non è contra , constare dicuntur . Ægyptij verò , & Sacerdotes Romani olim ; quin etiam hodie Ecclesia Romana , Festiuitatibus ; nec non ieiuniorum , atque officiorum solemnitatibus indicendis ; à media nocte in sequentem mediam noctem , diem eiusque horas æquales computat . At placuit Astronomis , diei naturalis initium sumere à Meridie : atque adeo horæ æquales viginti quatuor , quæ Astronomicæ vocantur , à meridie in sequentem meridiem ducuntur . Denique horæ vulgares quibus utuntur Galli , Hispani , Germani , ac tota fere Europa ; parum , aut nihil differunt , ab Astronomicis , ac Ægyptiacis , ita ut quæ nobis est prima post meridiem , sit quidem Astronomis etiam prima ; Ægyptijs vero decimateria ; & ita deinceps de alijs : è conuerso autem , quæ nobis est prima post mediam noctem , sit Ægyptijs quoque prima Astronomis vero decimatertia ; & sic de alijs , consequenter numerandis . Est autem sine dubio longe commodius , præsertim ad certitudinem supputationum , diem naturalem inchoare , à meridiano , quam ab Horizonte , siue Occiduo cum Italis , siue Ortiuo cum Babylonijs : siquidem numerata à meridiano tem-

pore,

pora, sunt longe magis æqualia; quam numerata ab Horizonte: constat enim signa Zodiaci, pro varia Poli elevatione; propter Horizontis obliquitatem variè & inæqualiter oriri ac occidere; & eatenus, non parvam inducere dierum naturalium inæqualitatem. At vero respectu meridiani, ubique terrarum; quemadmodum & respectu Horizontis recti, sub Æquatore; eodem semper modo se habent, tum Sol, tum cætera astra. Quæ, propter dies naturales, à meridiano inchoati; longe maiorem habent uniformitatem: nec tantam inæqualitatem patiuntur: quamvis forte aliquantulam etiam patiantur ut sequenti propositione videbitur.

Propositio. IV.

Aliquantula in horis æqualibus inequalitas esse existimatur.

HOris æqualibus, inequalitatis aliquantulæ suspensionem facit; quod cum horæ eo tantum æquales sint; quia diem naturalem, æqualibus morarum intervallis, distinguunt: non alia certe ratione, æqualitas horis (horis dico diuerforum dierum) competere potest, quam diebus, quorum sunt horæ, conveniat. Non sunt autem dies naturales, inuicem omnes æquales; ut asserunt Astronomi: hac potissimum ratione; quod dies naturalis sit tempus, quo Æquator, integre à puncto ad idem punctum reuoluitur; cum tanta insuper sui ipsius portione, quanta respondet portioni Eclipticæ, quam interim Sol motu suo decurrit. Æquatoris vero portiones illæ, quæ quotidie adduntur ipsimet Æquatori integrè circumducto; non sunt inuicem æquales, & hoc duplici de causa: primo quia portiones Eclipticæ, quas quotidie Sol percurrit non sunt etiam inuicem æquales; nam propter excentricitatem orbis deferentis Solem, Sol ipse quodammodo irregulariter mouetur in Ecliptica. Secundò, quia portiones Eclipticæ, licet aliquin æquales; inæqualiter, hoc est, inæquali tempore ascendunt, vel occidunt in Sphæra etiam recta; sed multo magis in Sphæra obliqua; propter ipsam Horizontis obliquitatem: unde portiones Æquatoris, quæ interim ascendunt; erunt necessario inæquales; ac proinde iunctæ sigillatim, cum toto Æquatore semel circumducto; dies naturales inæquales efficient. Sed hæc inæqualitas est omnino insensibilis; Cum enim portiones Eclipticæ, quas motu suo Sol quotidie percurrit; sint solum quinquaginta nouem minutorum, & octo fere secundorum: qualis, obsecro, vel quanta esse potest inæqualitas, inter tam exiguas portiones Eclipticæ; vel inter earum ascensiones: ut propterea portiones æquatoris, illis respondentes, sint notabiliter, & sensibilibiter inæquales? certè vero solaria Horologia non ad hoc instituta sunt, ut demonstrent æqualitatem, vel inæqualitatem temporum, absolute & quomodocumque sumptorū: sed solum, ut demonstrent desiderata intervalla temporum eorum; quæ Sol nobis, motu suo, diurno, menstruo, vel annuo

annuo, aut alio eiusmodi efficit: neque enim, exempli causa, horologium solare potuisset, lineis suis quibuscunque, ostendere momenta temporis, interim præterlabentis; dum ad imperium Iosue, *stetit Sol in medio Cæli; & non festinauit occumbere spatio unius diei*. Bene quidem ostendisset Solem in medio Cæli versari; stare etiam indicasset umbra siue radius pariter stans; idest locum in horologio non mutans: sed moram standi minimè demonstrasset. Enim vero neque hoc sine, uti iam dixi, horologia solarum fiunt, ut nobis indicent, an Solis morus diurnus, alteri diurno æqualis sit, nec ne; vel utrum Sol, à dato aliquo termino, ad eundem, vel ad alium etiam datum; aliquando velocius, aliquando tardiùs moueatur: sed ad hoc instituta sunt, ut transcursu umbræ, siue radij, à puncto ad punctum in horologio, demonstrent transcursum Solis, a puncto ad punctum, in Cælo; prout puncta horologii punctis Cæli geometricè respondent. Consequens autem est, ut hoc ipso quantitatem temporis ostendant: quia motus Solis, licet vniuersalia Mathematica tempora eorumque statas, ac ratas periodos, cum cæteris pariter sideribus, vnà fideliùs commonstret; tamen & diei solus, diuino statuto, præfatus est Princeps; & quidem merito: cum nulla ita communis, & cuique obuia suppetat, sibi magis constans, aut certior temporum nostrorum mensura. Quod autem pari gradu, cum primo mobili Sol minimè gradiatur: parum, aut nihil interest (quantum ad res Humanas attinet) fidelissimæ Chronometriæ; præsertim cum neque satis constet, esse realem aliquem; in Cælis motum tali semper ac tanta æquabilitate temperatum; ut pari diuturnitate sui, vel paribus vniuersalis abstracti temporis momentis; paria semper, soliti curriculi, spatia dimetiatur; saltem nostri respectu, & prout aspectibus nostris subiicitur. Si enim Physicis non paucis adhibenda fides, nullum aliud reuera est primum mobile; præter Cælum stellarum (nam quo vero indicio superius illo Cælum quoddam mobile, nullis præditum, & conspicuum sideribus astruere cogimur?) est autem suo quoque Cælo stellato, motus inæqualitas; propter librationem illam duplicem; qua stellæ non solum ab ortu in occasum feruntur; sed & mutant etiam, sicut Sol puncta ortus & occasus; & modò in Austrum, modò in Septentrionem quodammodo fluitant secluso etiam trepidationis motu. Certè nullo hætenus sufficienti argumento demonstratum est; esse talem aliquem, in Cælis, motum æquabilem (ut dixi, respectu nostri, & ut aspectui nostro subest, seu prout apparet) nisi per assignationem Mathematicam, & Astronomicam æstimationem. Sed detur esse reipsa & verè, ac non solum æstimatiuè: detur, inquam, præoccupatæ iam, & præscriptæ sententiæ; detur, indefessi eiusdemque infallibilis Motoris, assiduæ sollicitudini; detur denique fini, ad quem perfectissima machina, à summo rerum Opifice, tam egregiè instructa est. Attamen super est, quod quærat Physicus; quo videlicet certo indicio deprehensum sit; inter tot, & tam va-

rios cœlestium Sphærarum motus, solum, præ cæteris, motum primi mobilis; (quo reliquos inferiores orbes abripi dicunt) esse ita sibi semper Mathematicè similem & æqualem, ut illo, tanquam certissima explorata norma omnium durationum, debeat, ipsius etiam Solis, diurnus motus mensurari? hoc equidem ex eo principio supponi videtur; quod motus primi mobilis; in quo est Æquator; sit causa motus diurni, ab ortu in occasum, orbium inferiorum; & consequenter etiam orbis solaris: inæqualitatem autem motus, secundum velocitatem maiorem, vel minorem decet non in mouente, sed in moto potius esse; quasi solaris orbis, propter suum contrarium motum, inæqualiter sequatur, impetum primi Mobilis æqualiter, quantum est de se, impellentis: Sed quid, si ex alio capite, contenderit alter? motum Solis à puncto ad idem punctum, ex proprio motu, & ex motu raptus temperatum; esse semper sibi similem; & siue secundum durationem, siue secundum velocitatem, vel tarditatem, constanter sibi met æqualem: ideoque motum primi Mobilis, non semper sibi esse æqualem; sed aliquatenus inæqualem, ut inæqualitate ipsa sua, secundum certam proportionem attemperata, producat, in motu Solis, æqualitatem illam, ad quam producendam institutus est (potius enim est, dicere primum Mobile propter Solem; quam hunc, propter illud, institutum fuisse:) sicut in ipsis artefactis vulgaribus horologijs, obseruare licet; in quibus arcana prima vis motrix, proprio suo admodum inæquali motu, annexum, versatilem horarum indicem, prorsus æqualiter mouet: siquidem tenuis illa, & oblonga, lenti chalybei organi lamella, multiplicem in gyrum conuoluta; quæ dum validè intenta est validius perurget; & subinde paulatim dum laxatur, languescit; produceret in indice motum pariter principio velocem, postremo tardiolem; ni intentæ, breuiora spatia; remissæ, longiora ad mensuram, concederet neruus, turbinati tympani cochlidio implicitus; qui certa ratione eius vectis, per singula momenta, è breuiori, sensim sine sensu, excrefcentis in longiorem, singulis momentis, parem è disparibus inæqualis motus portionibus, vim motricem colligens, motum indicis, horarumque ipsas æquat. Quidni ergo (dicat Physicus) primum Mobile, similiter possit motum suum & adnitum; cum inæquali, solaris orbis, inæqualiter ex proprio motu contranitentis resistentia; tali quodam modo contemperare: ut ipsum quidem propterea inæqualiter moueatur, moueat autem æqualiter. Præterea cum motus Solis vnicus sit, & simplex; meritòque reijciant Physici motum illum compositum, vnius corporis, quo simul, & semel ab vno termino ad duos diuersos, per duas diuersas lineas tendat; utpote impossibile: quid vetat dicere, Solis motum, esse totaliter, vel ab intelligentia specialiter deputata, vel à propria forma; à primo autem Mobili, prorsus non dependere: præsertim si Cœli fluidi, non solidi sint? Hoc autem posito, etsi demonstraretur, motum Solis, non esse similem, & æqualem motui primi Mobilis; At certè non demonstrabitur, illum prout in Ecliptica, per lineam spiralem, circa mundi axem agitur, non

non esse sibi met similem & æqualem ; cum hoc demonstrari non possit, nisi per comparisonem eius, cum motu primi Mobilis ; de quo iam ; ex hypothesi ambigitur ; an sit sibi met semper æqualis . Certè pari , si non omnino potiori iure ; astrui posset inæqualitas de motu primi Mobilis , per comparisonem ad motum Solis ; ac de motu Solis per comparisonem ad motum primi Mobilis : cum determinatè , cui imputanda sit , nullo experimento , aut instrumento explorari possit : neque hac de re , condi posse videatur , seclusa experientia , demonstratio . Adhuc tamen , concessa etiã veri motus Solis per lineam spiralem omnimoda æqualitate ; aliqua inerit diebus naturalibus , inæqualitas ; ex ipsa motus apparentis inæqualitate : dum enim Sol spiralem eam lineam , circa Æquatoris axem ; à Tropico ad Tropicum oppositum deducens ; iterumque remetiens , Æquatorem , eiusque parallelos , obliqua motus linea transcurrit ; maiorem singulis diebus declinationem circa Æquinoctia acquirit , quàm circa Solstitia : eo quòd , prædictæ lineæ spiralis , magis obliqui sunt , adeoque rariores , prope Æquatorem flexus ; prope Tropicos verò crebriores , & densiores ut potè minus obliqui : unde fit , ut in Horizonte , puncta Occasus , (idem de punctis ortuiis) nec non in meridiano , puncta meridiei , & mediæ noctis , singulorum sibi succedentium dierum prope Æquinoctia ; distent à se inuicem magis , quàm puncta , siue Occasus , siue meridiei dierum , qui sunt prope Solstitia : consequens autem est ; ut diurnus quilibet spiralis flexus , ab vno puncto siue Horizontis siue Meridiani , ad aliud eiusdem non nihil ab eo remotius deductus , longior sit ; quàm alius , ductus inter puncta duo eorundem circulorum , non adeo ab inuicem remota . Quapropter circa Æquinoctia , naturales dies necesse est , esse longiores , quàm circa Solstitia ; hæc verò dierum naturalium , quantulacumque inæqualitas ; horas eorundem æquales paritèr afficit . Et quia spiralis illa , motus lineæ , ad Horizontem obliquum , longè magis obliqua est quàm ad Meridianum ; ideo punctorum occasus , in Horizonte obliquo , distantia ab inuicem , longè magis inæqualis est ; quàm in Meridiano ; erunt igitur , propter factam modo rationem ; dies naturales ab Horizonte obliquo , siue occiduo , siue ortiuo , inchoati , minus æquales ; quàm inchoati à Meridiano : cum Meridianus , quoad hoc , Horizonti recto æquiualeat ; utpote per vtrumque mundi polum , æquè ac Horizon rectus , transiens . Sed quæcunque tandem , seu a vero , seu ab apparente Solis motu , deriuetur in ipsos naturales dies , inæqualitatis labes ; hæc certè longè abest à nostris Solaribus horarijs ; quorum non est dierum quantitatem ; sed eorum singulorum , (seu æquales illi , seu inæquales fuerint) partes æquales ostendere ; & sic horas æquare ; in quo quidem genere , Mathematicam , quantum est de se , fidem non prætereunt : licet ex ipsa , diuersorum dierum , inæqualitate , aliqua etiam in eorundem , ut inuicem collatorum , partes æquales , inæqualitas irrepat : neque verò magis obest eorum fidei ; vel nostra quidquam interest ; si fortè , ex quacumque prædictorum motuum inæqualitate , aliqua

fuerit, in eodem vno die, horarum inæqualitas; quippe cum hæc si vera est; sit pœnitus insensibilis.

Est nihilominus aliud, veræ quidem, sed insensibilis; etiam in apparente diurno Solis motu, atque adeo in horis æqualibus, inæqualitatis caput; videlicet inæqualis in aere, lucis, vel umbræ refractionis: attamen non modo æqualium horarum æqualitati; sed & legitimis, inæqualium terminis, certò Mathematicè dignoscendis; ut & omnium similium Astronomicarum observationum fidei, obest, dictæ refractionis inæqualitas; ideoque commune est malum, & ita commune; ut (quod quidem ad horas quaslibet metiendas attinet) sit etiam admodum leue, & sensum omnino fugiens, adeoque horographis valde tolerabile. Dicam solummodo liberum esse (si quis operam diligentiorē, & subtiliorem nauare voluerit) easdem, in horologijs directi radij, itemque reflexi, leges (quoad refractiones in aere,) cum debita proportionē obseruare; quas in dioptrici radij in aqua refracti, horologijs seruandas esse dicam *lib. 4.* ubi eas tradam: imo easdem horologijs, ut dixi, directi, & reflexi radij (quoad dictam lucis in aere refractionem) *secundo & tertio libro* libenter accommodarem; vel *libro 4.* ubi de refractis ex professo acturus sum, supplere studerem. Sed labor ingens, tot lineis, inæquali ductu, practicè designandis, quemlibet peritum horographum deterrere potest; maximè cum, is ipse labor, & molestiæ plurimum, & vtilitatis parum; aut nihil habiturus esset; hac ipsa de causa; quod pro diuersis aeris affectionibus, & impressionibus, variæ sint; atque adeo nunquam sibi consentiant huiusmodi refractiones: quapropter minutias illas; in obseruatione gnomonica, horarum & aliorum eiusmodi, cum communi hominum sensu, contemnendas esse duxi.

Propositio V.

Horarum Inæqualium aliquæ sunt quodammodo æquales, aliquæ nullatenus; nisi bis in anno.

Qui duodecim, in die artificiali, & toridem in nocte horas olim distinxere; varij inter sese fuerunt: aliqui enim simpliciter, quemlibet diem artificialem in horas duodecim; & noctem in toridem, distributis æqualiter vtriusque seorsum spatijs, diuiserunt; eas tamen horas, inæquales esse necesse est; prout diebus dies, & noctes noctibus, illique istis inæquales labuntur: atque id genus horas, in primis Hebræi, (ut sacra testatur pagina) & tota fere Antiquitas, ipsique etiam Romani; ut aliquibus placet, vsurparunt; vnde & vocatæ sunt, horæ Antiquæ. Alij verò in die artificiali, pariterque in nocte horas inæquales distinxerunt secundum dominia Planetarum; quas ideo Planetarias vocauerunt, itemque Naturales & Temporales: cum enim existiment Astrologi, certis quibusdam diei intervallis, singulos, ordine suo, præesse Planetas; horas Planetarias,

arias, vocauere ea interualla temporis; quibus vniuscuiusque Planetæ abfoluitur dominium. At quia non probè conftat, quali & quanto temporis fpatio; quilibet Planeta, vices imperij fui obeat, an fcilicet duodecima, æquali parte diei cuiuslibet artificialis; an verò eo fpatio temporis; in quo medietas Signi peroritur, hinc factum eft, vt horas Planetarias, ab horis Antiquis, plerique non diftinguant; alij autem diftingui velint. Ego verò in re dubia, quid potiùs afferam; non fati comperi; nifi quod æquè incertum eſſe videatur ipſum, Planetarum dominium, fic interpolatum; ac incerta ſunt momenta dominij: certè verò circa hoc, multa dicenda ſup- peterent; ſed loquendum cum multis; ſapiendum cum paucis: ideoque, abſtrahendo ab iſtiusmodi dominio; dicendum aliquid eſt de duplici genere horarum Inæqualium: diſtributio enim horarum ad placitum eſt: & ſue in re, verbi gratia, in dominio Planetarum fundamentum habeat, ſue non; perinde fieri poteſt ex conſenſu populorum, hoc vel illo modo tem- pora ſua liberè metientium: quidni enim?

Quædam igitur ſunt horæ: quæ diem artificialem, quemlibet diuidunt, in partes duodecim inuicem æquales: ſimiliter & noctem quamlibet, in totidem inuicem etiam æquales. Nihilominus iſtiusmodi horæ vocantur communiter Inæquales vt iam dictum eſt: non quod horæ vnius diei; vel vnius noctis; ſint inter ſe inæquales: (iam enim dixi eſſe æquales) ſed quod, horis vnius diei, non ſint æquales horæ alterius diei, vtpotè longio- ris aut breuioris: (idem de horis noctis, reſpectu horarum alterius noctis) vel etiam quia horis diei, non ſunt æquales horæ noctis ſequentis; vtpote, quia nox, non eſt æqualis diei: totius enim maioris, pars determinata, maior neceſſario eſt; minoris verò minor. At in Sphæra obliqua dies no- ctibus ſemper æquales eſſe nequeunt; neque diebus dies; neque noctes no- ctibus: ſolum enim, in Æquinoctijs, æquantur noctibus dies: & quilibet vnus dies, ac nox; vel quilibet duo dies; aut quælibet duæ noctes, ab eo- dem Solſtitio, hinc inde æqualiter diſtantes; inuicem quidè æquales, cæte- ris verò tum diebus, tum noctibus inæquales ſunt; ac proinde horas ipſo- rum inæquales eſſe oportet.

Aliæ autem quædam horæ ſunt; quæ diem artificialem, per interualla duodecim, & noctem etiam per totidem diuidunt: ita tamen, vt interual- la huiusmodi, neque cum alijs, neque ad inuicem æqualia ſint: quippe, quia quantitas, cuiuslibet talis interualli, eſt ſpatium temporis, quo me- dietas vnius ſigni, hoc eſt quindecim gradus Zodiaci; ſupra Horizontem aſcendunt: at verò, cùm Zodiaci partes æquales, inæquali ſpatio temporis aſcendant: medietates quoque ſignorum habebunt aſcenſiones inæquales; id eſt aſcenſionum tempora inæqualia: proptereaque horæ, ſecundum mo- ras huiusmodi aſcenſionum numeratæ, inuicem inæquales erunt.

Caterum, licet ratio & conſuetudo horas inæquales faciendi, ſue pri- mo, ſue ſecundo modo inæqualitatis; inde inualuiſſe videatur, (vt ipſo initio inſinuatum eſt) quod veteres illi, cùm in ratione temporum deſi-

gnanda, signorum ortus præcipua semper cura obseruauerint; maluerunt à motu ascendentis Zodiaci; quam à motu Æquatoris, horas dimetiri: atque ita pro vnaquaque signi medietate, hoc est pro singulis quindenis gradibus Zodiaci, supra Horizontem emergentibus, horarum vnā computauerunt. Nihilominus quia horæ Inæquales secundi generis non poterant conuenienter, & commodè assumi, pro communi mensura temporis; imo nec pro mensura vnius diei vel vnius noctis (mensura enim, nisi sit eadem, & vniformis, deficit à vera ratione mensuræ) deinde etiam quia non facîle poterant, in horologio Solari designari lineæ, quæ motum illum Zodiaci, adeo inæqualem, perfectè demonstrarent; (cùm id fieri nequeat lineis rectis, vel vno aliquo æquali ductu descriptis;) imo quia in horologijs quoque mechanicis, longè difficillimum est, (ni fortè etiam impossibile,) conuersiones rotarum; aræ, vel aquæ fluxum; ponderum recurrentium vicissitudines, & similia, attemperare prædicto motui ascendentis Zodiaci; qui singulis diebus, horis & momentis, adeo inæqualis & varius est; vt in anno totis mensibus sex, ne per vnum quidem horæ minutum, sibi similis sit. Propter hanc, inquam, vtramque rationem (vt existimare licet) veteres illi, de hac inæqualitate obseruanda, minùs solliciti; eam solam obseruauerunt; quæ quotidianam totalem, sex signorum ascensionem consequitur; ita vt totalis vnius, tum diurnæ, tum nocturnæ ascensionis tempore, in duodecim æqualia morarum interualla distributo; pro Planetarijs horis Antiquas commutauerint. Vnde nec curarunt quidem, horographi, horas Planetarias, prout ab Antiquis horis distinctas; horologijs suis inferere; nec vllus, quod sciam, hætenus Geometricè docuit earum delinationem gnomonicam. Ego tamen ne quid Horographiæ isti decesse videatur; præsertim pertinens ad perfectam notitiam, motus diurni primi Mobilis; tradam methodum satis facilem, certè verò exactissimam; quæ describi valeant lineæ quædam demonstrantes ascensionem diurnam Zodiaci; per quindenos eius gradus; hoc est per duodecim horas quas Planetarias vocant, distinctam.

Propositio. V I.

Multiplex horariorum solarium differentia, ab horarum diuersitate: vel à varijs spheræ circulis; quibus æquidistant: vel à Gnomone, umbram, aut radium varijs modis emittente, desumitur.

Horologium, vt ante aduertimus, nomen ab horis indicandis accipit; tot igitur erunt in primis Horologiorum differentiæ; quot & horarum: sunt autem, vt iam vidimus duo prima horarum genera; scilicet horarum Æqualium: & horarum Inæqualium: vnde alia sunt horologia; quæ horas Æquales indicant; alia quæ inæquales: & primi quidem generis

neris sunt ; primò Astronomicum, secundò Ægyptiacum, tertio Babylonium, quarto Italicum. Secundi autem generis sunt ; primò Antiquum, secundò Planetarium ; (quamvis forte hoc, illo antiquius) quorum singulorum propriæ rationes, è varijs horarum differentijs desumuntur. Atque hæc sunt primæ, & generalissimæ differentiæ ; secundum quas, non solum Solaria, sed & Mechanica etiam Horologia, construi possunt, arte quavis horolofactoria. Sunt verò aliæ quædam magis particulares solarium horologiorum differentiæ ; quales sunt illæ : quæ petuntur à differentijs circum Sphæræ, quibus horologia quælibet Solaria æquidistare censentur ; quæ & in hunc modum declarari possunt.

Superficies quælibet planæ, in quibus horologia solaria possunt delineari ; necessario parallelæ sunt alicui circulo, in Sphæra, maximo ; ut Horizonti, Æquatori, Verticali, Meridiano, vel alteri, quicumque is fuerit. Cum autem hi circuli, suum singuli, in Sphæra, situm proprium obtineant : consequens est ; ut & ipsæ superficies horologiorum ; prout his, vel illis circulis parallelæ fuerint ; varios quoque sortiantur situs ; tum in ordine ad totam Sphæram, tum præsertim respectu circulorum horariorum ; qui pro quolibet Horizonte, siue pro quolibet loco ; fixi semper, atque inuariabiles intelliguntur ; at ex vario situ dictarum superficierum, varius etiam in eas circulorum horariorum incurfus ; ac proinde sectionum communium. (hoc est linearum horariarum) ordo & modus varius ; atque ex eo capite, communis traditur horologiorum diuisio, secundum quam est.

1. Horizontale, quod circulo Horizonti.
2. Verticale, quod Circulo verticali primario.
3. Meridianum, quod circulo Meridiano.
4. Polare, quod circulo Polari.
5. Æquinoctiale, quod circulo Æquatoris.

} parallelum est.

Attamen, præter hæc, primarijs istis quinque circulis æquidistantia horologia, alia primò sunt quæ declinant à primario verticali, & hæc vocantur declinantia : secundò Alia sunt ad Horizontem prona ; hoc est non erecta, ad perpendicularum ; vocanturque Inclinata. Tertio Alia sunt mixta quæ videlicet declinant & simul Inclinantur ; unde & vocantur Declinantia simulque Inclinata. Horum autem trium proprias differentias statim intelliges ex dicendis *sequenti propos.* de Declinatione & Inclinatione : non enim quoad hoc, omnino conuenimus cum cæteris horographis, saltem in modo explicandi.

Præterea omnia horologia iam dicta (præter Horizontale) duas habent (vel habere possunt) facies ; quæ subinde, diuersis anni temporibus, vel diuersis eiusdem diei horis, à Sole respiciuntur : verbi gratia, Æquinoctiale habet faciem Superiorem ; qua obliquè respicit Zenith ; & hæc, Sole existente in signis Septentrionalibus ; horas ostendit : habet & inferiorem ; qua Horizontem similiter obliquè respicit ; & ista, Sole existente, in signis Meridionalibus, horas demonstrat. Polare similiter inferiorem habet quæ

horis quibusdam tantum deferuit : videlicet , ante sextam à media nocte , & post sextam pomeridianam : idque tantum Sole existente in signis septentrionalibus : superiorem quoque habet ; quæ per totum annum deferuit ; exceptis illis quibusdam horis , quibus inferiorem deferuire dictum est . Verticale rectum , habet Borealem faciem , & Australem : Borealis , tantum deferuit quibusdam horis matutinis , itemque ferotinis , Vere & Æstate ; Australis vero , reliquis omnibus toto anno . Meridianum habet vnam faciem versus Orientem ; quæ ab ortu Solis , vsque ad Meridiem , aut circiter , indicat ; Occidentalem etiam habet ; quæ paulo post Meridiem , vsque ad Solis occubitum , vmbra styli recipit . Idem seruata proportionem dicendum est de Declinantibus , & Inclinatis , & Mixtis .

Est tamen aduertendum de Declinantibus ; itemque de Mixtis , prout Declinantia sunt : quod quamuis horologia , secundum vtramque faciem , circulo denominanti parallelam , retineant eandem denominationem ab eo circulo pariter petitam ; exempli gratia , quamuis Æquinoctiale , æquè vocetur & sit Æquinoctiale secundum faciem inferiorem , ac secundum superiorem ; similiterque Meridianum , tam sit Meridianum secundum Occidentalem , quàm secundum Orientalem faciem , & sic de alijs : Nihilominus in Declinantibus , res aliter se habet : hæc enim accipiunt suam denominationem talis , vel talis declinationis , ab ijs partibus Sphæræ , seu mundi , à quibus declinant , & ad quas declinant : Vnde licet planum aliquod , duas habens superficies , horologii capaces , inuicem parallelas , sit secundum vtramque , eidem alicui circulo verticali declinanti vel pariter parallelum , vel pariter orthogonum , licetque eosdem , secundum vtramque , angulos efficiat cum linea meridiana : non tamen ideo ambæ illæ superficies , dici debent habere eandem ; id est eiusdem denominationis declinationem : sed vero quælibet earum , dicetur declinare tali declinatione , quali declinat ea medietas circuli verticalis , quæ supra ipsam orthogonalis est , & cum stylo prominente coincidit . Verbi gratia , si vna facies dicitur declinare , à Meridie in Orientem , viginti gradibus , altera ipsi parallela , & opposita , dicetur declinare à Septentrione in Occasum , viginti etiam gradibus , quod magis patebit ex dicendis de declinatione *prop.* 8 .

Dixi paulo ante præter Horizontale , quod intelligendum est in vulgari & communi horographia ; quandoquidem in nostra reflexa , reperitur Horizontale etiam duplex , vnum quidem superius directè respiciens Zenith ; aliud vero inferius , & directè respiciens Nadir .

Hæc omnia iam dicta horologia , vocant communiter horographi Scia-therica , nomine deducto , à græco *σκιά* vmbra & *θηναι* venari , indagare , inquirere , quasi horas vmbrae indicio venientur , seu potius indagantibus , & inquirentibus demonstrent : siquidem communissimo vsu , hæcenus factum est , vt horologia , soli quidem exponantur , emineat verò in eis stylus quidam , siue gnomon , qui opaco à vertice vmbra proijciat ; ipsa autem vmbra ad motum solis per varias horologii lineas subinde delata horas indicet .

Sed

Sed quo tandem nomine censebuntur, eius generis horologia; quæ in occluso cubiculo, aut alio simili parato loco, delineata; tenui foramine excipiunt insinuantem sese radium Solis, qui horas; ipse per se, quas efficit demonstrat? hæc certè non sciatherica sunt, ut est euident, sed potius Actiherica: licet autem à veteribus, nomen minime acceperint; longe tamen elegantissima sunt; & pro loci opportunitate commodissima.

Sunt etiam præter hæc, alia Horologia Solaria, quibus in prædicta communi diuisione, pars nulla esse potest; ea videlicet, quæ in superficiebus nõ planis, sed vel concauis, vel conuexis; tum Cylindricis, tum Conicis, tum Sphæricis; alijsque similibus; siue regularibus siue irregularibus delineantur: cū enim huiusmodi horologia, nequaquam plana sint; prædictis illis Sphære circulis parallela esse nequeunt; nec cōsequenter eo titulo nomē ab illis accipere: quare superest, ut huiusmodi horologijs nomina coaptentur secundū propriam cuiusque figuram; ita ut Conicum vocetur horologium, quod in superficie conica delineatum fuerit; Sphæricum quod in Sphærica, Cylindricum quod in Cylindrica. Concauum quod in Concaua; &c. Quod si quando contigat superficiem aliquam ita esse comparatam, siue à casu, siue ex arte, ad horologium depingendum; ut ea sit partim plana, partim concaua, partim conuexa, partim Sphærica, partim Cylindrica, partim conica, partim regularis, partim irregularis: tunc quidem horologio nomen faciat quilibet, ut maluerit; vel ab ipsa tam multiplici varietate facierum; vel à totius molis, siue operis symmetria, in quam tot & tam variæ formæ coiuerint; ut nauigij, propugnaculi, carchesij, columnæ, floris &c.

Nunc tandem venio ad eximia illa, noui operis horologia, quæ nostra hæc ætas ingeniosior, & Horographiam edocta nobiliorem; adinuenit: paucisque aperio, quid illa sibi proprium, & peculiare habeant; quo à communibus horologijs distinguantur: quod ut expeditius, & clarius perficiam: propono nouam generalem horologiorum diuisionem, quam ex ipsdem principijs eruo, ex quibus, mox deducturus sum vniuersæ, id est veteris, ac nouæ horographiæ theoriam facillimam: nimirum ex principijs Perspectiue. Ipsam autem diuisionem facio trimembrem; propter celeberrimas tres Perspectiue partes, videlicet Opticem. Catoptricen, Dioptricen; quarum nunc ope tria nobis horologiorum genera, iuxta tres Perspectiue nominatissimos radios commendantur. Cum enim veteres, solummodo radium directum Solis; vel eius umbram similiter directè incidentem, indicandis horis adhibuerint: nos modo Reflexum ac Refractum etiam adhibemus; vnde & pro triplici diuerso Indicis genere, triplex vniuersaliter horologiorum genus distinguo, ponoque primò, horologia, quæ directum habent indicem; siue radius ille sit, siue umbra: & si, quidem, umbra index fuerit; Sciatherica horologia vulgò vocantur: si vero radius; iam supra vocaui Actiherica: sed nunc vno vocabulo vtrique comprehendamus, & communi si placet nomine vocemus Optica, propter

Opticen; cuius est illapsus lucis, & profusiones directas; proindeque umbras similiter directas observare, ac determinare. secundo verò loco pono ea horologia; quæ pro horarum indice, habent radium reflexum (siue etiam umbram pari modo reflexam), quæ ideo convenienti nomine vocare licet Catoptrica; Catoptrices enim industria, & præclara speculorû arte, reflexus radius, parvulum nobis, veluti Solem, creat, intra camerarum cæcas testudines, aliq; id genus, soli ignota loca, in quibus designatum signiferû orbem, reuocatis ad numerum diebus, iunior Titan perlustrat; & cælestium motuum exprimit compendiarîam fidelissimam rationem; non sine summa spectantium voluptate. Tertio loco sunt horologia, quæ radio refracto (seu umbra refracta) horas commonstrant vocanturque Dioptrica, ab ea parte Perspectivæ; quæ luminum occurfus, ac per inæqualia diaphana traiectus; nec non incurvationes, seu refractiones; refractionumque modos, & quantitates docet.

Accipe nunc omnium; quæ hactenus dicta sunt, schema; quo tibi ob oculos breviter, ac dilucide ponantur cuncta, ordinibus suis, digesta horologiorum genera.

Thomson.

11102


or

11102

11102


11102

SOLARIA GNOMONICA HORO-
SCOPIS SECUNDUM PROPRIAS DIA-



OLOGIA OMNIUM GENERVM

ERENTIAS DIGESTA ORDINIBVS.



Prop. VII.


1000

1000


Propositio VII.

Gnomon in horologio est id omne, ex cuius vertice, umbra vel radius lucis, horarum Index, in superficiem horologij cadit, seu directè, seu reflexè, aut refractè.

Non solum umbra, ut communius fit, sed etiam (ut *propof. 6.* ubi de multiplici horariorum solarium diuisione dictum est) ipsa quoque lux horas indicare potest: imo utraque, non solum directa huic rei deservire; sed & reflexa è speculo; atque etiam refracta in aqua, aut simili inæquali, cum aere, diaphano. Hinc verò liquet, esse Gnomones in triplici differentia; siue umbræ, siue luci emittendæ, vel transmittendæ, idonei illi sint: alius enim est, è quo rectà cadit linea lucis, vel umbræ, qui communi nomine sine addito, & simpliciter vocatur Gnomon: alius è quo lux, vel umbra reflexè emittitur: & hic, Gnomon Catoptricus nominatur: ex alio denique lux vel umbra refractè proiecta horologij superficiem ferit: ideoque Dioptricus dicitur.



fustinentis; aliàs in modum Colubri aut Sagittæ; itemque forma Aquilæ, vel alterius volucris Solem intuentis; ipso autem rostro vel capite umbram facientis; posset & figura Mercurij indices vel Caduceo demonstrantis; siue etiam Saturni tempora; mensurantis, & summa falci cuspide indicantis.



Præterea in horarijs Dioptricis, poterit sub aquis, Neptunus Tridente; vel Concha,

Triton; vel Rostro, Caudaue Delphinus horas indicare. Denique infinitis


tis alijs modis construi potest Gnomon præsertim opacus; prout dispositio, magnitudo, & dignitas horarij postulaverit. Gnomon verò non opacus, pro Actithericis horarijs, tum Opticis, tum Dioptricis; erit in opaca, quadam lignea æneave aut simili alterius generis lamina, peruium luci foraminulum; ex quo radius in superficiem horologij directè, siue refractè cadens horas demonstrat. Pro Catoptrico demum Gnomone, speculum assumi debet; quod invariata, exceptæ lucis formam, fidelissimè reddat: tale verò est speculum planum: nam cætera vel radium dissipant ut conuexa; vel congregant quidem, sed mox à puncto Foci, eundem dissipant, ut concaua: quamuis fortè possent ea ipsa, in opere gnomonico, non prorsus videri inutilia; ut de speculo cylindrico conuexo in Iride Catoptrico-gnomonica ostendetur *libro 3. à prop. 8. ac deinceps speciali tractatu.*

Hæc quidem, in vniuersum, de Gnomone dicta sunt: alia verò, magis in particulari, dicenda relinquo proprijs locis. Solùm moneo, quod præcipuè notandum est, Gnomonem, strictè loquendo, esse lineam rectam, quæ à puncto, faciente umbram vel radium transmittente, aut reflectente, vel refringente, ad superficiem horologij, perpendicularis ducitur; ut in Schematis demonstratur, in quibus lineolæ E F, CD, G H, AB. sunt loco propriè dicti styli seu Gnomonis: utpotè ad horologiorum plana perpendiculariter ductæ à punctis umbram emittentibus.



Propositio VIII.

Declinatio plani, horologij, est eiusdem obliquus in Austrum, vel in Boream prospectus: cuius angulum, semper acutum metitur arcus horizonis, comprehensus inter circum Meridianum, & Verticalem qui ad horologij planum rectus est.




Sic circulus horizonis $A B C D$, duabus rectis, videlicet Meridiana $B D$, & altera eidem Orthogonalis, per puncta Ortus & Occasus Æquinoctiorum ducta $A C$; in quatuor æquales partes diuisus: deinde sit verticalis circulus (seu communis illius cum horizonte sectio) $O E P$, cui parallelum sit horologij planum $I K$, vtrumque verò id est tam Verticalem prædictum; quam ipsum planum horologij, secet ad angulos rectos alius Verticalis $F N G$. faciens cum illo sectionem $E L$, quæ erit propterea, axis Horizontis; cum isto autem Sectionem $M N$, prædicto axi parallelam. Clarum est superficiem plani $I K$, anticam, directè obuersam in F ; obliquè respicere Austrum, siue Meridiem, id est B ; atque adeo, à Meridiano, $E B$, deflectere, & eatenus declinare. Angulus autem declinationis est angulus $F E B$; acutus, eumque horizonis arcus $B F$ metitur. Neque verò potest angulus declinationis esse rectus, vel maior recto: quia si supponamus Verticalem $F N G$; vel alium (qui ad horologij planum, in alio situ, orthogonalis sit) esse in $A E C$, & angulum rectum facere cum Meridiano $B E D$: iam planum $I K$, esset parallelum eidem Meridiano; & ita non faceret cum eo angulum; nec ab eo diceretur declinare: nisi forte situm illud (secundum quem, horologium parallelum Meridiano est) vocare, quis velit situm maximæ declinationis; tamen horologium Meridiano æquidistans, vsu communi vocari solet Meridianum; non autem quomodo-
documque

documque declinans. Quod etiam angulus declinationis non possit esse maior recto patet; quia si Verticalis FNG , simul cum plano IK ita vertetur; donec F esset in Q , & G in R ; angulumque cum Meridiano EB , ad partes australes obtusum efficeret QEB : iam versus Boream faceret acutum QED ; & diceretur, non à Meridie, sed à Borea declinare: essetque QED angulus declinationis, quem metiretur arcus Horizontis DQ . Vnde superest declinationem plani horologii; esse eiusdem obliquum &c. sicut eam definiuimus.

Vt autem hæc definitio melius intelligatur; cogitet Sapiens Lector hemisphærij nostri, sicut & alterius cuiuslibet partes quatuor præcipuè, in ambitu Horizontis distingui; videlicet Meridiem vt B ; Septentrionem vt D ; nec non Ortum, & Occasum Æquinoctiorum vt A & C : duas itaque priores partes indicat circulus Meridianus; quem refert recta BED , utpote eius cum horizonte sectio communis: reliquas verò duas designat Verticalis, qui Primarius dicitur, qui nempe ad angulos rectos Meridianum secat; & cuius cum horizonte sectio est, AEC . Constat verò planum quodlibet horologium non posse, secundum superficiem suam, directè id est per angulum rectum respicere; nisi vnâ solam ex prædictis partibus, videlicet solum Meridiem, aut solum Septentrionem (tunc verò nulla est declinatio neque à Meridie neque à Septentrione) vel solummodo Ortum, aut solummodo Occasum (tunc verò maxima est declinatio; tum à Meridie, tum à Septentrione: ita vt superficies horologii, Meridiano circulo æquidistat) si tamen partem aliquam è quatuor illis, obliquè respiciat; potest quoque simul aliam aliquam ad latus illius positam respicere; vt Meridiem simul, & Ortum; vel Meridiem simul, & Occasum; quemadmodum planum IK obliquè respiciens Meridiem B , respicit etiam cum eo Occasum A ; ideoque à Meridie in Occasum declinare dicitur. Sic etiam potest alia ex parte, Septentrionem simul, & Occasum; vel Septentrionem simul, & Ortum respicere; vt eiusdem plani IK . postica superficies obliquè Septentrionem D spectans, Ortum etiam C cum eo respicit: vnde & dicitur à Septentrione in Ortum declinare. Facile autem quiuis dignoscet, saltem in genere, qualis sit respectus ille obliquus: seu declinatio cuiuscumque superficiæ; hac obseruatione: si plana horologii superficies à Sole oriente illustretur, eidemque postea Meridie appareat; declinat à Meridie in Ortum: ita è contra dicendum est, ex parte Occasus; vt nimirum declinet à Meridie in Occasum; si Solem meridianum, & occidentem habeat: qualis est declinatio plani IK , cum ei affulgeat Sol tum meridianus ex B tum occidens ex A . At si Sol meridianus nunquam ei appareat; signum est, in septentrionem, potiùs eam obuerti, a quo & declinare dicitur; siue in Occasum, siue in Ortum; prout hic vel ille eidem allucere deprehendetur: vt postica superficies plani IK Solem nunquam cernens meridianum; utpote à parte B auersa; declinat à Septentrione: declinat verò in Ortum, quia Solis à parte C orientis, excipit radios.

Non quidem inficior, aliquo vno, vel diuersis anni temporibus, posse eandem horologij superficiem, Sole oriente pariterque occidente gaudere, quando videlicet, aut nulla est, aut exigua declinatio: hinc tamen nemo inferat propter ante dicta eam à Meridie siue à Septentrione (prout alterutrum respicit) declinare in Ortum simul & in Occasum: Solùm enim intelligenda est declinare in eam partem, siue Ortus siue Occasus; ex qua potuimus vel diutius haurit radios Solis: vt superficies antica plani I K, licet hyberno tempore, à Sole oriente illustretur, atque etiam ab occidente (quod vtrique accidit quia amplitudinis ortuæ arcus vt CS, maior supponitur, quam arcus declinationis BF) tamen quia Sole occidente non solum hyberno, sed toto fere anni tempore, donec summa æstate, Sol in T, verbi gratia, occidat, illustratur; seu potius (quod præcipuè intendit allata regula) quia tempore Æquinoctij, Sole in C oriente non illustratur, illustratur autem eodem occidente, in A; ideo superficies I K anterior in Occasum (idem ex opposito cum proportionem dicendum de postica) declinare dicitur, minimè verò in Ortum. Solùm superesset inuestiganda declinationis quantitas; quam, vt dictum est, mensurat arcus horisontis comprehensus inter Meridianum EB & Verticalem EF, qui ad horologium I K rectus est: sed modus eam inuestigandi, & certò assignandi tradetur commodiùs 2. libro prop. 14. 15. 17. 28. & 29.



Hic denique monitum te velim, Lector, declinationem à me, non penitus eodem, quo à quibusdam solet, modo vsurpari; idque, vt visum est, ratione non solum breuitatis, sed etiam facilitatis maioris; nec non in primis vitandæ confusionis; quæ plurima in ea voce reperitur, si latius extendatur. Quod enim multi dicunt declinationem à Verticali, (scilicet primario qui ad Meridianum rectus est) sicut & à Meridiano, non displicet: cum perinde sit declinationem numerare, ex A in O; dicendo eam esse angulum contentum inter Verticalem primarium AE & alium Verticalem C


lem

lem OE, cui horologium IK æquidistat, ac numerare, ex B in F, ut supra: sed minus placet quod quidam dicunt Declinationem ab Horizonte; & horologium declinans ab Horizonte, simulque inclinatum ad Horizontem: nam inclinari quidem, propriè dicitur, id quod non est erectum omnino, & perfectè, ad perpendicularum; sed aliquo modo in vnam partem deorsum propendet: (ut vi sua vox ipsa indicat:) at si aliquid, hoc modo ad Horizontem propendens, non solum dicitur inclinari ad Horizontem; sed etià ab eodem, alio respectu, declinare; confusa nimis res esse videtur; imò absque ratione: cur enim non pariter dicere licet declinans à Verticali, & inclinatum ad Verticalem; item declinans à Meridiano, & inclinatum ad Meridianum; & sic de cæteris? Certè, declinare, propriè idem est ac divertere & deflectere; atque adeo spectata solum primigenia significatione vocis, quicumque circulus, qui alium quemcumque non directè, sed per angulum obliquum, respicit, & eatenus ab eo deflectit; ab eodem declinare dici posset. Sed ne tradendis præceptis Gnomonices difficilioribus (qualia ea sunt quæ ad Horologia declinantia, & inclinata, & mixta, pertinent) obscuritatem generet, vox ista indistinctè accepta; malui eam ad vnum arctare; hoc est ab vno solum termino, à quo, ut vocant videlicet à linea Meridiana in plano Horizontis, declinationem dicere, ita ut, siue declinent tantum horologia, siue etiam simul inclinata sint; declinatio (in quantum ea denominat) ab alterutra tantum parte Meridiani Australis scilicet, aut Boreali desumatur; nequaquam verò ab Horizonte, vel ab alio quouis circulo: quapropter, quoties de declinatione erit sermo, semper intelligetur de declinatione, quæ planum horologii, circulum Meridianum oblique secet; siue aliunde ad Horizontem erectum sit, siue inclinatum.



Propòfitio. I X.

*Inclinatio plani, horologii, est eiusdem à perpendiculo disceden-
tis, & deorsum ad Horizontem vergentis, propensio; cuius an-
gulum, semper acutum, metitur circuli cuiuslibet Verticalis
ad horologium recti arcus, gradibus à Zenith ad planum cir-
culi maximi cui horologium æquidistat, numeratis.*




Sit planum Horizontis $ABCD$; circulus Meridianus BFD ; Zenith F , à quo pendeat linea perpendiculi, seu axis Horizontis FE ; sit etiam circulus quivis maximus AGC , cuius cum Meridiano communis sectio sit EG ; faciens cum E F angulum GEF : deinde fiat planum horologii IK , eidem huic circulo maximo parallelum; sitque eius cum Meridiano BFD sectio communis MN , æquidistans ipsi EG . Certum est, huiusmodi planum esse inclinatum; id est non erectum ad perpendiculum; cum ab eo discedat; quatenus scilicet discedit, tum à Zenith F , tum à linea perpendiculi FE ; cum qua angulum facit, hoc ipso quod plano circuli AGC , parallelum est. Itaque inclinationis plani IK , angulus est GEF ; idem scilicet, qui est angulus inclinationis circuli maximæ AGC , cui ipsum horologii planum IK æquidistat: eum verò angulum metitur arcus Meridiani FG ; quia hic est arcus distantie à Zenith F : non autem eum metitur arcus GD ; quia is est potius arcus distantie ab Horizonte, & elevationis supra Horizontem; quam inclinationis ad ipsum. Cæterum hic angulus inclinationis, non potest non esse acutus; quia si perveniret usque in D , esset quidem tunc angulus rectus FED ; sed nulla tunc esset inclinatio (nisi dicas fore maximam; cum proportionem ad ea quæ supra dicta sunt de Declin:) sed planum IK æquidistaret Horizonti.

Non nemini fortè videatur aliter a me hic definiri horologij inclinatio-
nem

nem ad Horizontem, quàm *definitio 4. ij. elem.* patiat: sed licet ex ea definitione generaliter, inclinatio plani ad planum, sit angulus obliquus (id est siue acutus siue obtusus) comprehensus sub his &c. quæ ad angulos rectos, communi segmento, ad idem signum ducuntur in utroque ipsorum planorum; & ita inclinatio horologii I K, ad Horizontem A B C D, debeat esse angulus B M N, obtusus; vel angulus D M N acutus; tamen in hoc negotio ad faciliorem methodum, aliter intelligo Inclinationem; ideoque aliter definitio; propter hanc præsertim rationem: quia horologium quodlibet Inclinationem, tantam intelligitur habere Inclinationem, quantam habet à perpendiculo, siue à Zenith distantiam (nam eo magis inclinatum dicitur, quò minus est erectum & è contra:) ita ut si verbi gratia 5 gradibus distet à Zenith, atque ab erecta linea perpendiculi; totidem graduum sit Inclination, non verò 85 quanta ad rationem complementi deberet esse; si pro Inclinatione sumeretur angulus acutus sub lineis D M in Horizonte; & M N in plano horologii contentus, neque etiam 5; quanta esse deberet si pro Inclinatione sumeretur angulus obtusus sub lineis B M, in Horizonte, & M N in plano horologii contentus. Quamvis ut ingenuè fatear (quod quidem ad rem ipsam attinet) parum interfit, utrum Inclination dicti horologii, verbi gratia I K, sit angulus B M N; an B E G: hi enim in idem recidunt, & sunt æquales *per 29, i elem.* quia per constructionem parallelæ sunt M N & E G: at si ex angulo B E G auferatur angulus rectus B E F; remanebit acutus F E G, velut complementum totalis Inclinationis, reiectis 90 gradibus anguli recti B E F; & eodem modo si quis velit Inclinationem esse angulum acutum D M N; complementum eius erit, angulus F E G: quia, enim parallelæ sunt M N & E G; angulus D E G necessario est æqualis angulo D M N, & consequenter æqualia inuicem erunt utriusque complementa. Igitur complementum Inclinationis D M N (ego certè, ut supra etiam insinuavi, malletm dicere Eleuationis supra Horizontem; sicut & de Eleuatione poli dicunt omnes) erit angulus G E F: quod sufficit, pro vera Inclinationis, tum naturatum quantitate definienda; & hic modus dicendi, practici præceptis est accommodatissimus & theoreticis magis conformis ut videtur.

Tamen quidquid sit; & quomodocumque sumere libeat Inclinationem; quæcumque horologia horizontem oblique fecerint, ea nobis Inclinata, erunt: quale est in proposito schemate horologium I K. Si verò non solum Horizontem, sed etiam Meridianum oblique fecerint; non modò erunt tunc Inclinata; sed simul etiam declinabunt: ut continget, si in eadem figura quis cogitet lineam Meridianam non esse eam quæ antea supposita est, videlicet B E D, sed O E P; ita ut circulus B F D, sit Verticalis ad horologium rectus; & sic angulus Declinationis à Meridie in Ortum, sit O E B, illumque arcus O B metiatur. Superest nunc (quo omnia, quæ ad Inclinationem generaliter pertinent, concludantur) ut modum tradam dignoscendi, quam in partem Inclinari dicendum sit quodlibet horologium
Inclina

Inclinatum. Et quidem (vt iam ex dictis certum est) dici debet Inclinari à Vertice siue a Zenith; nec non etiam Inclinari ad Horizontem, cum illum propendeat: sed nunc quæritur quam in partem Horizontis, seu ad quam mundi plagam Inclinetur.




Itaque horologium, quod est simpliciter Inclinaturn, id est, quod non est simul etiam declinans, semper fecat Meridianum ad angulos rectos; atque adeo, non nisi, versus Meridiem, aut versus Septentrionem Inclinaturn: at è duobus determinatè, versus illum inclinari dicitur, versus quem ita propendet, vt eius ex parte angulum cum Horizonte acutum efficiat: vt planum I K, versus Septentrionem Inclinaturn, quia ad plagam D Septentrionalem, angulum acutum DEG, siue DMN efficit. Quando verò horologium est Inclinaturn simul, & Declinans, si maxima est eius Declinatio; ita vt integro circuli quadrante, a Meridiano absit Verticalis ille (is tunc erit Verticalis primarius) qui ad horologium rectus est: tunc quidem versus Ortum aut versus Occasum Æquinoctiorum, inclinabiturn; prout ex parte huius, vel illius angulum cum horizonte acutum fecerit. At quando arcus Declinationis continet gradus pauciores quam 90; tunc Verticalis ille, qui horologium orthogonaliter fecat, determinabit non solum Declinationem, vt dictum est, sed etiam ad quam plagam, & ad quem ventum sit Inclination, determinabit, inquam, eodem modo (seruata proportione) quo Meridianus eam determinat, cum nulla est declinatio, aut Verticalis primarius, cum maxima est.

Denique Inclinationis quantitatem, seu quot gradus contineat arcus circuli Verticalis ad horologium recti, comprehensus inter Zenith & circulum maximum cui horologium æquidistat; qualis est arcus FG; facillè cognoscetur ex dicendis lib. 2. prop. 11. & 29.

Propositio X.

Instrumentum declinationibus, atque inclinationibus planorum explicandis accommodare :

Regulæ rectilinéæ, è dolato optimo ligno; vel ex orichalco, nectantur in hunc modum: Ad utrumque caput regulæ BC longioris, stent ad perpendicularum erectæ, hinc AB, inde DC, habentes singulæ dimidiatam (vel paulo amplius) longitudinem ipsius BC; in cuius medio, ad signum F, relinquatur particula quædam; citra latus eius rectum prominens in semicirculi; vel potius dimidiati cylindri, speciem, resecta; vt in eius centro, per axem, fiat foraminulum ad usum mox dicendum: deinde alia, regula FE, cum eadē BC. ita copuletur; vt in eodem plano existens, rectos cum ea angulos constituat; & latus eius rectum, per centrum F, transeat, hoc enim latus, in usu Instrumenti erit linea fiduciæ indicis: præterea in summitate vtriusque erectæ regulæ BA & CD; ipsis, ex ipsismet adhæreat directo foraminulo per axem transfigendus, veluti cylindrus, vt A. & D: ita tamen, vt à basi BC, æqualiter distent ambo foraminula; & per eorum axes transeant, recti vtriusque lateris, planæ superficies BA, & CD. Per utrumque, modò paratum, foramen, veluti per geminos polos, traiciatur æreus axis AGD; cuius linea, cum reliquis tribus AB, BC, & CD, perfectum parallelogrammum ABCD, efficiat: eidem verò axi, ex consimili materia, versatilis circulus RPSF; ad rectos angulos, ita connectatur; vt eius quidem centrum G, sit in medio ipsius axis, inter duos polos A & D; circumferentiam verò, directè imminens centro, subiecti foraminuli in F; vel etiam illud ipsum tangentem, cohibeat crenula quædam, tali artificio, disposita; vt circumductum liberè moveri permittat; non sinat autem in hanc, vel illam partem hoc est in B, vel in C, vllatenus detorqueri: Alius præterea circulus ex orichalco ILKM, modicè crassus, & latus; cum prædicto axe tanquam cum propria diametro connectatur: itaut priori circulo ad angulos rectos sit; eidemque insuper copuletur; extensa hinc inde, ab I in R, & à K in S, diametro SKGIR. postmodum sub circulo ILKM, planum TV, eidem parallelum, statuatur; & ab eodem veluti dependeat; dispositis, per quatuor partes, appendiculis æqualibus IO, LO, KO, & MO. Denique pro basi, totius Machinæ, sit circulus integer XZY; habens in centro, tornatilem cuspidem eminulam, ipsi ad angulos rectos infixam, & immobiliter firmatam; quæ in paratum antea foraminulum F, inferenda est; itaut illud iusta mensura implens, æqualem, & facilem circa se motum permittat Indici FE; simulque residuæ Machinæ. Porro tam in hoc circulo XZY, quàm in alio prius explicato RPSF, distinguendi sunt, solito more, gradus & numeri appingendi facto initio, à Z versus






à Z versus Y, & X; & ab S versus F, & P; ac ab R versus P. tamē loco integri circuli R P S F, sufficeret semicirculus a tergo positus R F S; quod quidem attinet ad commoditatem, & elegantiam Instrumenti; licet ad faciliorem explicationem integrum circulum depinxerim. Et hæc quidem de fabrica Instrumenti; nunc verò quid singulæ eius partes significant explicandum est.

Duorum circulorum I L K M, & R P S F commune centrum G, refert ipsum Sphæræ centrum; intelliguntur enim dicti circuli, tanquam maximi, in Sphæra. Axis A G D refert sectionem communem circuli I L K M, & Horizontis; cuius quidem integer circulus, cum ob maiorem Instrumenti commoditatem, in eo situ non collocetur, representatur optime a subiecto basis circulo X Z Y; sicut centrum G à centro, quod est in F: unde axis Horizontis est linea H G F; & punctum quidem H Zenith, F autem Nadir refert. Circulus R P S F, utpote ad Horizontem rectus, Verticalem circulum designat; non quidem hunc vel illum determinatè; sed quæcunque; hoc est alium, atque alium, pro alio, atque alio posito Indicis F E, per totum Horizontis circuitum, pariter cum reliqua machina, mobilis. Circulo I L K M, duplex motus conuenit; alter quidem proprius, non circa proprium axem; qui est P G N; sed circa diametrum A G D; alter verò, ratione deferentis, videlicet ipsiusmet axis A G D; qui conuersione Indicis circa F, conuertitur etiam ipse circa Horizontis axem H G F. Hoc verò duplici motu prædictus circulus, tali modo, & in tali situ, componi potest; ut referat propositum quemlibet maximum, in Sphæra, circum; cui quomodocunque potest planum aliquod, horologii capax, æquidistare. Vnde planum T V eidem parallelis colligatum, simulque mobile; ad varios tum Declinationis, tum Inclinationis, tum vtriusque simul, gradus potest accommodari; atque adeo quodcunque, & cuiuscunque situs, planum horologii designare. Exempli causa, secundum situm in schemate expressum; planum T V refert planum horologii declinantis simul & inclinati; in quo stylus est N G; pars videlicet lineæ P G N; quæ est axis circuli maximi I L K M; cui horologium æquidistare intelligitur: unde styli vertex est G, eiusdem verò longitudo G N, est distantia imaginata inter horologium, & centrum Sphæræ. Quantitas autem declinationis, numeratur in Horizontis arcu Z E, comprehenso inter Indicem F E, & lineam quæ hic supponitur meridiana videlicet F Z. Et quia Index E est inter austrum Z, & Occasum Y; ideo dictum horologium declinat a meridie in Occasum. Demum inclinationis quantitatem, dat circuli Verticalis R P S F ad horologium recti, arcus H R; vel eidem æqualis F S; hic quidem comprehensus inter Nadir F, & S communem sectionem dicti Verticalis, circuli quæ I L K M; ille verò comprehensus inter oppositam communem eorundem circulorum sectionem R, ac Zenith H. & quia prædicti Verticalis arcus H R; & reliquus semicirculus, a tergo Horologii, est inter Septentrionem, & Ortum; idcirco inclinatur horologium ad plagam,

plagam, quæ inter Septentrionem, & Ortum est; & a Septentrione tantundem distat, quantum Index E, a Meridiano puncto Z. Atque ita constructum est & explicatum Instrumentum, Simulque declarata declinationum & inclinationum ratio, in genere Horographiæ Gnomonicæ.

Cæterum in hoc Instrumento ideo volui planum TV esse distinctum a circulo ILKM; vt ita theoreticè explicarem tum locum & situm; quem horologij cuiuslibet planum intelligitur habere, inter plana circularum Sphæræ; tum etiam eius à centro Sphæræ distantiam; quæ non alia est, quàm ipsa styli longitudo: alioqui enim inclinationes & declinationes perinde explicantur, siue planum horologij ponatur distinctum a prædicto circulo ILKM, siue non quandoquidem duorum planorum sibi met æquidistantium, eadem penitus est inclinatio, & declinatio si qua est. Quapropter si quis voluerit in loco circuli ILKM, integrum planum siue orbiculare, siue quadratum collocare; ita ut super immota recta linea ALMD moueatur: (vt antea dictum est) atque insuper voluerit



loco circuli integri RPSF, solum qui a tergo est semicirculum RFS facere; vel etiam solum, in inferiore parte, arcum SF, cum toto eo residuo quod ad integrum quadrantis complementum intelligitur superesse pone planum TV; is quidem hoc habebit maioris commoditatis, quod Instru-

Instrumentum erit multò expeditius & facilius; ac insuper inferuire poterit ad collocanda in situ debito & probàda, quælibet horologia prius delineata; ita ut si ad horographicam exercitationem, vel aliter horologium quis descripserit, secundum datam quamlibet declinationem, vel etiam inclinationem, aut utramque, aut sine illis; & postea experimentaliter ad Solem probare voluerit an recta sit ipsa descriptio, an fallax: optimè & expeditissimè rem perficiet si descriptum horologium imponat plano inclinabili, & mox debitam inclinationem, in quadrante S F &c. numeratam, nec non similiter debitam declinationem in gradibus Horizontis numeratam ei tribuat: tunc enim collocato ipso circulo Horizontis X Z Y secundum situm naturalem ei debitum, erit horologium omni ex parte in debito situ; & verum horæ momentum lucente Sole indicabit: dummodò in eius delineationem nihil erroris irrepperit.

Sit autem eorumquæ modo dicta sunt alterum schema iam appositum, in quo vides Lector planum quadratum I L K M axi A D, ut prius collocato, impositum, & firmiter copulatum; quadrantem verò S F &c. à tergo ipsius plani; eidemque ad angulos rectos optimè colligatum: sed observa quadrantem ita debere disponi; ut centrum eius sit præcisè in linea; quæ est in medio ærei axis A D: latus verò eiusdem; quod per ipsum centrum transit, & à quo incipiunt graduum notæ; æquidistet ipsi plano I L K M, vel omnino conueniat. Vides etiam in hoc Instrumento magneticam

acum G; cuius indicio lineam F Z, ad meridiem dirigere; & perpendicu-

lum A B, cuius beneficio circulum X Z Y, simulque ei æquidistantem

axem A D, in situ horizontali collocare possis: reliqua perfici-

es ex dictis. Et ita Instrumentum comparauimus quo

non solum exprimuntur planorum declinationes;

atque inclinationes; sed etiam cuiuscumque

horologij in plano mobili delineati, ex-

perimentum commodissimè fieri

potest, quod erat &c.



Propositio X I.

*Vera vniuersalis, Horographiæ Gnomonica Theoria e' varijs,
Perspectivæ arte, ordinatis circularum Sphæræ pro-
iectionibus, instauratur.*

Horographia operatrix, quam dicunt practicam, nisi veræ ac legitimæ Theoricæ, seu contemplatrici innitatur; nec regulas operandi fideles, nec operationem ipsam potest habere tutam: cum enim omnem suam lucem, ac certitudinem ab ea mutuetur; si illa defuerit, quæ radiorum occurfus, & rationes umbrarum docet; non poterit hæc non frequenter labi; dum radiorum, siue umbrarum ductus, in plano horologii, artificiosè delineare sine arte præsumit: imo errorem non facîle vitabit, si illa quoquo modo, obscura fuerit, vel captu difficilis: quapropter priusquam, ea quæ ad practicam pertinent, aggrediamur; quantum necesse fuerit, de ipsa Theoretica dicemus; hoc est veras artificiosæ horographiæ rationes, à primis principijs erutas declarabimus; & ne quem horographiæ studiosum tædio afficiat Theoria difficilior; sicque eum vel omnino deterreat à præstantissimæ artis iucundissimo studio; vel saltem cogat, regulas practicas, vt vt occurrerint, arripere; & in constructione mechanica horologii, cæco modo executioni mandare; ideo nos dictas rationes, quantum fieri poterit, dilucidè proponemus, & captui cuiusque accommodare conabimur.

Solent igitur Horographi, artis suæ Theoreticam ideam huiusmodi, communiter formare; ex qua suarum demonstrationes praxeon deducunt. Primò vniuersam hanc mundi machinam concipiunt, velut distinctam circularis; quos Astronomi communiter, in Sphæra materiali, commonstrant, videlicet, Horizonte, Meridiano, Æquatore, Tropicis, Horarijs, Verticalis, cæterisque similibus, qui omnes Sphæram componant, cuius centrum, mundi etiam centrum sit.

Secundò Imaginantur planum horologii, quasi interferi circularis illis; ita vt non quidem, per Sphæræ iam dictæ centrum incedat; sed vt ab eo distet, secundum datum aliquod interuallum, videlicet secundum datam styli longitudinem, sicque ab omnibus circularis prout occurrunt fecetur.

Tertiò Cogitant Solem, prout circulos illos successuè percurrit, radium suum ita emittere; vt radius ipse transeat per centrum Sphæræ, & sic in planum horologii incidat; illudque attingat, in ea præcisè linea; quæ est sectio communis, ipsius plani horologii, & circuli maximi, in quo tum Sol, tum radius eius reperitur.

Quartò In centro Sphæræ opacum aliquid; veluti Gnomonis apicem, ita

ita mentaliter collocant; vt ex eo emiffæ vmbra, in eadem horologii puncta cadant; in quæ ipfimet radij (quorum illæ sunt vmbra) cecidiffent; nifi ab interposito opaco illo ftylj vertice impediti fuiffent.

Quintò obferuant cuinam, ex omnibus circulis maximis, parallelum fit horologii planum; atque ex eo circulo nomen horologio imponunt; nam fi parallelum fuerit *Æquatori*; vocant *Æquinoctiale*; fi *Horizonti*, *Horizontale*; & ita de alijs, vt dictum eft *prop. 6.*

Sextò tandem his ita difpofitis, & ob oculos mentis conftitutis; diligentiffimè expendunt angulos quoslibet; qui fiunt in concurfu communi circulorum, & plani quod (vt dictum eft) prope centrum Sphæræ, id eft prope centrum mundi; imaginantur: vt pro designando horologio, fimiles omnino angulos, geometricè forment in aliquo propofito plano; fiue lapide, fiue muro, fiue alio fimili. His enim formatis diligenter angulis, & affumpto ftvlo æquali ei, quem priùs in centro mundi imaginati funt; inueniunt interualla, & puncta neceffaria; per quæ defideratas extendunt lineas, fiue horarias, fiue alias; quæ quidem fic extenfæ imaginarias illas, hoc eft ab imaginarijs circulis, in plano prope mundi centrum præconcepto, per communem fectionem designatas referunt; quemadmodum gnomonis apex centrum etiam mundi repræfentat.

Hæc igitur eft Horographiæ Theoria communis: quæ fi forè propter imaginarios illos, in Sphæra mundana, confictos circulos; alicui abtufa nimis, adeoque difficilior videatur; eam fi placet captui fuo accommodet modo ifto fenfibili, & alioqui maxime naturali. Primò concipiat Sphæram materialem (qualem Aftronomi præclaro inuento, ad ingeniorum noftrorum leuamen, excogitarunt) fujs inftitutam omnibus circulis, & ad mundi plagas conuenienter difpofitam. Secundò eam cogitet per ipfius punctum medium feu centrum in vertice ftylj aptè collocari. Tertiò radijs opticis, qui folarium radiorum vicem fuppleant, ex omnibus circulorum peripheriæ punctis, per centrum Sphæræ, hoc eft per apicem ftylj, in planum cui ftylus ad angulos rectos infixus eft, vibratis; intelligat formari in eodem plano circulorum vmbra, atque ita circulos ipfos vmbatili ductu depingi (quod nos cum *Pæfpectiuis* vocamus in planum projici; de quo poftea magis dicemus) *propofitione 20 & 21* hæ enim circulorum vmbra, funt ipfamet lineæ, in horologio designandæ, vt in *Schemate propofitionis 21*, clariùs oftenditur. Quod autem dicimus, de Sphæra aptè collocanda in vertice gnomonis; intelligendum eft, non folùm de Sphæra communi, pro communibus horologijs; fed etiam, feruata proportionem, de alijs Sphæris (de quibus ftatim agemus) pro reliquis duobus nouorum horologiorum generibus.

Porro ex hac Theoria quadruplex maxime commodum nobis erit. Primò ifta bene percepta, illa prima communis, quam initio propofuimus, & quæ eft prima radix totius horographiæ, faciliùs à Tyronibus apprehendetur; ficut enim Sphæra materialis ad hoc excogitata eft, vt per


sensibilem circulorum notitiam, ad cognitionem circulorum, & Sphæræ
 cælestis, assurgamus; ita sectiones, in plano horologii, factæ à circulis
 Sphæræ materialis, clariùs indicabunt sectiones similes factas à circulis
 Sphæræ cælestis ac mundanæ. Secundò demonstrationes, quas sin-
 gulis horologijs post delineationem practicam, adhibebimus; & in Theo-
 riam istam Opticam, proximè resoluemus; faciliùs proinde intelligentur.
 Tertio quia in horologiorum Catoptricarum ac Dioptricarum construc-
 tione, longè alia, & à communi plurimùm diuersa concipienda est, Sphæ-
 ræ mundanæ, & circulorū eius dispositio (*ut propositione sequenti declarabi-
 tur*) idcirco Theoria illa communis, aut nihil omnino deferuire potest
 horum horologiorum constructioni; aut certè totaliter est inuertenda, vt
 aliquatenus utilis esse possit; quod sine magna imaginationis molestia,
 præsertim in re noua, & insolita, fieri nequit. Atque ideo nos, Theoriæ
 modum hunc vniuersalem ex principijs Opticis erutum, adinuenimus;
 qui magna studiosorum voluptate, omnibus horologiorum generibus,
 absque difficultate, accommodari potest. Quarto instrumenta,
 quæ ad triplex horologiorum genus videlicet Opticum, Catop-
 tricum & Dioptricum fabricandum excogitauimus; tum
 secundùm compositionem ipsorum, tum secun-
 dùm vsum; quàm sint naturæ rei affinia, ac
 proinde quàm fidelia in opere, ipsius
 Theoriæ modus statim demonstra-
 bit; quàm verò sint expedita,
 meliùs probabit expe-
 rientia.



Propositio XII.

Terreni globi semidiameter adeo exigua est, si cum semidiametro solaris orbis comparetur; ut in horarijs solaribus, gnomonis vertex licet à terræ centro tota eius semidiametro distet; in eo nihilominus esse facile censerì possit, absque errore ullo sensibili: non ita tamen, si terræ globus à centro orbis solaris, longius abesset: neque etiam nunc in horarijs lunaribus.

HAc propositione satisfit cuidam dubio, quod circa prædictam Theoriam fieri solet, Quis scilicet verum esse possit, ut in quolibet horologio, gnomonis apex: ut L, vel centrum Sphæræ materialis, in eo collocatum, representet centrum terræ ut, E: cum ab eo absit, tota eiusdem terræ semidiametro; id est milliariis circiter, 3035 in sententia recentiorum Astronomorum: quamvis eam Aristotiles ad 79548, & paulo amplius extendat: Hinc enim sequitur, non idem præstare verticem styli LM in horologio PQ in superficie terræ, quod præstaret centrum terræ, E vel stylus ipsi LM æqualis imaginatus EF, in plano similiter imaginato GH; quod nimirum attinet ad rationes umbrarum, & ad motum Solis, atque ad momentum determinatum temporis, ipsarum umbrarum indicio demonstrandum.



Nam si circa terræ centrum E, sit circulus quivis maximus ABCD; & Sole in quovis eius puncto O lucente, ex O radij duo mittantur; quorum vnus per L verticem styli, in superficie terræ, incedens, subiectum planum PQ feriat in N; alter verò per E verticem styli, in centro terræ, planum GH feriat in I: facient illi necessariò angulum in O, nec erunt inuicem paralleli; ergo inæqualiter inclinabuntur ad duo plana PQ & GH Horizonti

zonti per AC, diametrum transeunti, sibi que inuicem, ex suppositione, parallela: ergo, si in utroque plano gnomones æquales repererint; quales sunt LM & EF; non producent in utroque, umbras æquales sed in altero quidem breviorē, ut FI; in altero autem longiorē, ut MN. At umbræ inæquales, in transcurso linearum æqualium, & similia intervalla habentium (quales lineæ & qualia earundem intervalla esse intelliguntur in utroque horologio PQ & GH) inæqualiter se habebunt. Ergo vel necesse est, stylum horologii LM non sumi æquale gnomoni imaginato EF; vel certè linearum intervalla, ab inæqualibus umbris transcurrentia, debent ad certam mensuram proportionē reduci, ut sint intervalla linearum horologii PQ ad intervalla horologii GH, sicut est umbra MN. ad umbram FI: aut impossibile est, ut utraque umbra demonstret eundem in cælo, locum Solis O, & idem temporis momentum. Ergo nec pro centro mundi, styli apex; nec pro horologio GH (quod sub centro mundi intelligitur fieri, à circulis Sphæræ mundanæ secantibus eius planum) sumi potest horologium PQ in superficie terræ situm, & alteri prorsus simile, quoad linearum intervalla: huic itaque dubio satisficit in hunc modum.

In primis dico corrigendam esse figuram: nam secundum Astronomos globus terræ adeo exiguus est, respectu cæli; in quo Sol movetur: ut, si cum eo comparetur; instar puncti sit in medio eius; atque adeo pro centro indivisibili, merito sumi possit. Quapropter in constructione, & usu huiusmodi instrumentorum (qualia sunt horologia solaria) Sphæra habens centrum in circumferentia terræ, censerī potest quasi illud habeat in centro ipsius terræ & consequenter styli vertex in quolibet horologio, rectè potest supponi pro centro terræ: & radij solares, per apicem styli, dato aliquo momento emissi: pro radijs eodem momento emissis, per centrum terræ: adeoque illi, perinde atque isti, verum horæ momentum indicabunt: verum, inquam, secundum æstimationem, seu designationem sensibilem; quamvis non secundum mathematicam supputationem. Horographi autem, quando in sua Theoria supponunt verticem styli, quasi realiter existentem in centro terræ, id faciunt, ut constructionem horologii, geometricè demonstrent: alioqui enim, id non esset necessarium, ad solam practicam constructionem, vel usum communem horologiorum; sed sufficeret dictum styli vertex, à centro terræ non abesse sensibilibiter; ut reuera sensibilibiter non abest: cum semidiameter terræ sit tam exigua, & tam insensibilis quantitatis; ut non solum respectu semidiametri cæli, in quo Sol movetur penè nullam; sed etiam respectu semidiametri ipsius corporis solaris, valde exigua censeatur habere: nam semidiameter terræ non solum ad semidiametrum Sphæræ solaris est ut 1 ad 1216 circiter; sed etiam ad semidiametrum ipsius Solis est, ut 2 ad 111: unde cum centrum Solis est, verbi gratia; in vero Horizonte, per centrum terræ transeunte; licet ipsum quidem centrum Solis nondum tunc appareat plano horologii Horizontalis; tamen ei iam lucent 9 partes semidiametri disci solaris

solaris, & duæ solùm, nondum lucent; quæ tamen statim lucebunt transacto temporis intervallo prorsus insensibili? Igitur ad constructionem practicam, atque usum vulgarem horologiorum, potest vertex styli, pro centro terræ sumi, absque errore sensibili: quo dato, & sufficientibus experientijs confirmato, horographi, in suis demonstrationibus, iure merito concipiunt styli verticem, quasi reuera esset in centro mundi.

Addo tamen huiusmodi hypothesim, nullatenus fore utilem demonstrationi (quemadmodum nec practicæ constructioni) horologii solaris; si fortè daretur regio aliqua extra terrenum orbem, atque à centro Sphæræ solaris notabiliter distans; pro qua horologium solare conficiendum esset; ibi enim fierent umbræ notabiliter diuersæ, ab ijs quæ hic fiunt. Exempli causa si esset alia terra immobilis, in plano atque in centro tropici Cancrici; essetque ibi designandum horologium Polare; id est parallelum axis ipsius tropici; qui idem est axis mundi: in primis ducenda esset linea Cancrici recta, non autem curua ut hic fit: è contrà verò linea æquinoctialis esset curua; & ratio est quia in eo loco, radij æquinoctiales per styli verticem transeuntes, à plano Æquatoris abessent intervallo multum sensibili; ac proinde efficerent sensibilibus, (*vide prop. 14. ac deinceps usque ad 17*) conum eius basis esset circumferentia Æquatoris cæli, in quo est Sol; vertex autem in styli vertice; atque insuper ex eodem styli vertice cadentes umbræ, similem oppositum conum formarent, secandum a plano horologii, utique in lineam curuam. Radij autem Cancrici transeuntes per verticem styli, neque sensibilibus, neque realiter discederent ab eiusdem Cancrici plano, ideoque lineam rectam efficerent in plano horologii; ut statim intelligitur ex dicendis *prop. illa 14. ac deinceps*. Ex quo manifestè sequitur, eò loci Theoriam, longè diuersam à nostra, instituendam fore; propter notabilem distantiam styli à centro Sphæræ in qua Sol mouetur. Sed hæc facile quivis intelliget; qui vel mediocriter nouerit umbrarum rationes discutere: vnde nec huius rei figuram appono; cum mihi sufficiat indicasse ea, quæ faciunt ad veritatem propositæ, & communiter receptæ theoriæ declarandam.

Addo etiam ad maiorem declarationem, non posse verticem styli pro centro terræ sumi absque errore multum sensibili, in horologio lunari; adeo ut si quis etiam in hoc orbe terræ, in quo degimus, velit horologium describere, quòd lunari umbra indicet ipsius Lunæ motum, seu diurnum, seu menstruum: non liceat ei uti præceptis horologiorum solarium; aut certè errorem non leuem committet: siquidem semidiameter terræ, est iam notabilis & multum sensibilis extensionis, si cum semidiametro concavi Sphæræ lunaris comparatur; est enim ad illam sicut 1 ad 33. & parum amplius; quæ proportio dicit differentiam magnitudinis satis sensibilibus, ex parte semidiametri terræ: ac proinde stylus huiusmodi horologii, hoc respectu, sensibilibus distaret à centro mundi; & umbræ lunares ab stylo decedentes, multum differrent, ab umbris, quæ à centro mundi cade-

rent ; quod facîle confirmare possem experimentis quamplurimis , & quidem , vt puto , accuratissimis , factis à me obseruante , lunaris reflexi radij , motum in horologio solari Catoptrico insignis magnitudinis : non raro enim deprehendi illum a vero , sibi iuxta ephemerides debito loco aberrare ; tum inter lineas horarias ; tum maximè inter parallelos radiorum Zodiaci ; idque tum tempore Eclypsis , tum aliàs ; optimè autem comprobaui , non potuisse errorem illum , in ipsius lunæ latitudinem , aut radij eius refractionem refundi : neque verò dubitare potui , de horologii solaris Catoptrici fide , cui pluribus iam annis , feliciter repetita , suffragatur experientia , ostendens omnem linearum , & præcipuè dictorum parallelorum contextum diurno motui Solis ; ad singulos Eclipticæ gradus , ab ephemeride indicatos , apprimè congruere : quare superest vt erroris causa sit parallaxis ; quam habet Luna sensibilem , ob dictam semidiametri terræ , ad Lunaris orbis semidiametrum comparatæ sensibilem magnitudinem . Non potest igitur motus Lunæ circa gnomonem , sumi pro motu eiusdem circa centrum mundi ; cùm ea respectu Lunæ distent inter se notabiliter ; & fieri non possit , vt circa duo centra fidus aliquod regulariter moueatur ; At in motu Solis (vt dictum est) aliter se res habet ; quia respectu illius , per modum vnus centri se habent vertex styli & centrum mundi .



co, in quo cum radio GA , lineam vnam talem efficiat, cuius medium videlicet A obumbrat extrema videlicet G & H , at verò linea cuius media obumbrant extrema, recta est; ex definitione Platonica referente Clauio ad 4: definitionem 1. *Elem.* Ergo si per medium vnius &c. quod fuit &c.

Aliter Vitellio l. 2. Prop. 10. demonstrat omnem radium luminosum, per medium vnius diaphani, trans verticem alicuius corporis vmbrosi protentum, esse necessario, lineam vnam rectam.

Aliter.

SI linea vmbrae AH simul cum radio GA non facit vnam rectam totalem GAH , sed angulum facit in A ; igitur non cadet vmbra in H , quia ex facta hypothefi H intelligitur esse terminus lineae rectae quae à centro Solis G per summum styli apicem duci potest: cadat ergo vmbra ex A in M verbi gratia. Dico fore vmbra in M & non fore: fore quidem ex facta suppositione: non fore autem, quia potest à centro Solis G duci alique impedimento radius lucis qui quidem substat angulum GAM à radio GA & vmbra AM productum, & consequenter perueniat in M : ex hoc autem sequitur non fore in M lumen diminutum, vt ante dictum est, carens nimirum vnico radio à centro Solis G prodeunte, ergo & sequitur non fore vmbra in M . Ergo vt vitetur hoc absurdum, dicendum est vmbra cadere in H & lineam radio & vmbra constantem, esse vnam rectam vt GAH .


Corollarium.

HInc fit lineam, radio, & vmbra, ab opaco gnomone generata, constantem, esse in plano eiusdem circuli maximi in quo est Sol, nam sit circulus quilibet maximus $E K F L$, & Sol in eius quocumque puncto G versetur; radiumque per apicem styli A emittat; & inde vsque in H & I vmbra producat opacus apex: quoniam igitur apex styli A intelligitur centro Sphaerae conuenire per 12 huius: erit & centrum circuli $E K F L$: centrum enim Sphaerae, est commune centrum omnium circulorum in ea maximorum; vt demonstrant Astronomi. Et quia linea recta ab aliquo peripheriae puncto per centrum producta, tota est in plano eiusdem circuli (aliqui enim contra 1, 11 *Elem.* pars lineae rectae esset in subiecto plano, & pars in sublimi) sequitur rectam GA esse in plano circuli $E K F L$ nempe tangentem eius diametrum. Igitur in gnomonicis istis linea radio vmbrosa est in plano circuli maximi in quo est sol.

Propositio XIII.

Solis in Aequatore existentis, motu diurno, radius ex una parte; umbra autem ex altera opposita, circa verticem Gnomonis, seclusa refractione, describunt planam eiusdem Aequatoris superficiem.

Sit circulus Meridianus $ABCD$; Horizon $ELFM$; gnomon IK plano horizontali $GQHO$ insistent; axis mundi BD ; Aequinoctialis LA MC ; quem Sol supponatur, ita percurrere; ut diurno duodecim horarum tempore nullam acquirat declinationem, licet enim Solis centrum,




in circulo æquinoctiali, non, nisi per instans, maneat; sed statim, ut ad illum pervenit, transcurrens ab illo recedat; eum tamen recessum, in præsens non attendo, supponens Aequinoctij die, Solem ita moveri; quasi ab Aequatore, centrum illius non recedat; ut reuera parum admodum recedit. Hoc posito, dico radium à centro Solis exeuntem, motu diurno, à puncto ortus ut L , usque ad oppositum occasus punctum M ; describere, dimidiati Aequatoris superficiem planam LMA : simulque ex opposito vmbra à vertice gnomonis K procreatam, ab M occasus puncto usque ad ortuum L , describere reliquam medietatem planæ superficiæ Aequatoris MLC . Quia enim per præcedentem linea radio-umbrosa est una linea recta; quæ per Corollarium eiusdem est in plano circuli maximi, in quo est Sol; inceditque per eius centrum: si Sol in Aequatoris puncto ortivo L existat; radiumque emitat ex L usque in K ; umbra perveniet in eiusdem Aequatoris punctum occiduum M , deinde si radius intelligatur moveri ab LK in NK ; umbra simul intelligetur ex opposito moveri ab MK in OK : & ita si radius in AK fuerit, umbra quoque ex opposito in CK erit; & sic de reliquis; ita ut quemadmodum puncta L, N, A , sunt puncta elevatæ, supra

pra Horizontem, semicircumferentiæ Æquatoris; & linea radij L K, N K, & A K continuè mota, si post se vestigium relinquere intelligatur, motu in M deducto, planam dimidiati Æquatoris superficiem radiosam describet L M A; sic etiam cum sint M, O, C puncta oppositæ, latentis sub Horizonte, semicircumferentiæ eiusdem Æquatoris; linea umbræ M K, O K, C K, continuè mota, si post se, ipsa quoque sui vestigium relinquere intelligatur, motu ex M in L vsque perducto, describet pariter, dimidiati Æquatoris, umbrosam superficiem planam M L C. Ergo Solis, in Æquatore, existentis, motu diurno radius ex vna parte &c. quod fuit &c.

Propositio XV.

Solis, extra Æquatorem, in aliquo eius Parallelo existentis radius ex vna parte; umbra verò ex altera opposita, motu diurno circa Æquatoris axem, geminas circa eundem, seclusa refractione, describunt oppositas conicas superficies, ad verticem Gnomonis coniunctas, quarum proinde communis vertex in vertice Gnomonis est; & alterius quidem basis est Parallelus in quo est Sol; alterius autem, Parallelus oppositus.

Sit circulus, quicumque maximus per mundi polos incedens A B C D; eiusque cõmunis cum Æquatore sectio A C; sit etiam mundi quidem axis B D, centrum verò; siue gnomonis vertex K; percurrat autè Sol inte-



gro motu diurno Tropicum Cancræ E I F N. Dico à radio interim continuè per Tropicum, vna sui ex parte circumlato; ex altera autem vertici K immobiliter hærente, describi superficiem conicam cuius basis sit E I F N, vertex autem K; & simul à linea umbrosa cum prædicto radio semper in directum coniuncta, pariterque per Tropicum Capricorni qui sit H L G M, vna

G M, vna fui parte circumlata, & altera immobiliter eidem vertici K hærente, describi superficiem conicam, cuius vertex sit idem K; basis autem H L G M. Si enim à centro K in E, communem Tropici & Meridiani sectionem, recta linea K E, intelligatur ducta; fiet triangulum rectangulum K O E, quo circa immotum axem K O continuè moto, punctum E describet circumlum Tropici E I F N: latus verò rectum K E, simul cum altero latere E O per definitionem 16.11. *Elemen.* describet conum, cuius basis erit idem Tropicus E I F N. Lineam autem K E circumduci cum toto triangulo K O E; & circumduci, modo antea dicto, radium, Sole percurrente Tropicum, in idem recidit. Ergo Sole percurrente Tropicum, radius producit superficiem conicam cuius axis est K O B, videlicet axis mundi; basis verò est Tropicus ipse E I F N; & vertex idem est, qui vertex Gnomonis, videlicet centrum mundi K. Præterea, quia umbra simul cum radio lineam vnā rectā efficit per 13 *huius*; quando radius erit verbi gratia in K I, aut in K N; umbra quoque ex opposito erit in K L, aut K M, & ad motum radij circumducetur, ac proinde pariter circa axem mundi describet conum, cuius basis erit Tropicus Capricorni H L G M; vertex autem K, centrum scilicet mundi, & vertex styli: sicut si triangulum rectangulum

K P H (intelligatur recta ducta K H) circa immotum latus K P in-

regre volueretur. Hinc autem patet prædictos conos verticem

quidem habere communem in K, & axes in Æquatoris

axe B D; bases autem hinc inde in ambobus opposi-

tis Tropici. Quod idem pari ratione dicen-

dum est de quibuscumque alijs parallelis

Æquatoris. Ergo Solis in aliquo pa-

rallelo, extra Æquatorem,

existentis radius &c.

Quod fuit propo-

situm.




Propositio XVI.

*Variae circulorum Sphaerae projectiones esse possunt. sola
Gnomonica ad rem nostram pertinet.*

Horologium quodcumque Solare, est quædam Sphaera, ac circulo-
rum eius projectio in vnâ aliquam siue planam, siue alterius cuius-
uis generis superficiem; cum igitur instituti nostri sit Horographia vni-
uersæ Theoreticæ simul, & Practicæ regulas tradere; postulat ipsa instituti
ratio: vt aliqua de projectionibus Sphaerae, necessaria præmittamus: Omis-
sis autem projectionibus in concauas, aut conuexas, atque etiam in mixtas
aut quomodolibet irregulares superficies: de projectionibus in planas solum
agam, tum quia communiores illæ sunt, tum quia ad demonstrationem
Geometricam commodiores; tum etiam quia quæ de illis dixerò, alijs a-
quouis ingenioso facile poterunt accommodari: imo quia de illis postmo-
dum etiam acturus sum.


At verò projectionem Sphaerae in planum, hic intelligimus ordinatam
quandam; & aptam delineationem circulorum Sphaerae, secundum eo-
rum sectiones in plano, diligenter inuentas, & debitis locis conuenienter
assignatas. Vt autem ratio vocabuli intelligatur, supponendum est, huius-
modi delineationem fieri arte & industria Optices, radium suum direc-
tum intendentis, per singula puncta circulorum Sphaerae; in planum vl-
tra ipsam Sphaeram, vel saltem ultra centrum illius collocatum: quod qui-
dem, potest hoc modo declarari.



Cogita oculum constitutum in A intueri Sphaeram BC, & fixo obtutu
radios opticos (in similitudinem solarium fulgentes) per omnia & singu-
la puncta circulorum transmittere in planum DE; ita vt singuli radij, sin-
gulorum, per quæ transeunt, punctorum vmbra in id planum coniiciat
statim


statim verò intelliges fore vt totius Sphæræ, in eo plano vmbra quædam, & circuli ipsi vmbra tili ductu delineati appareant, eo ordine & situ quibus occurrerunt oculo intuentis ex puncto A; quasi singula puncta circulorum secundùm radios illos, sub quibus inuenta fuere, motu quodam optico fluxerint, donec in planum DE impingerent; & sic in eo fixa manerent. Hanc ergo circulorum Sphæræ, in plano delineandorum rationem, vocamus Circulorum Sphæræ projectionem in planum. De quo genere delinationis plurima habet Aguillonius *Opticorum* l. 6.

Potest verò ea projectio, multipliciter fieri; prout è diuersis partibus, vel punctis, siue extra Sphæram, siue in ipsa Sphæra constitutis per reliqua puncta, radius dirigetur. Nam 1. si ab vno puncto, verbi gratia, polo Antartico per Arcticum, & per reliqua omnia & singula puncta circulorum, idem radius protendatur in planum Æquatori parallelum, & collocatum vltra totam Sphæram; describet commune Astrolabium quod Ptolemæo plurimi, aliqui tamen Mesahalaco, alij autem Labo cuidam tribuunt,



quod à Stophlerino, alijsque non paucis explicatum, à Clauio autem demonstratum circumfertur. Si sit polus Arcticus E, & ex Antartico oculus circulos Sphæræ contuens, radios emitat in planum Æquatori parallelum, ipsumque Æquatorem in eo, depingat vt FIGM, tropicum Cancrj depingat vt HL, Capricorni autem vt à A CBD; & Eclipticam vt FHGC, & ita de reliquis circulis. Qui in hoc astrolabio aut lineas rectas si per mundi polos incedant; aut si non incedant, circulos


circulorumue portiones efficiunt.



2. Si radius à puncto Arietis, in Horizonte orti uoexistentis, per oppositum punctum Libræ & per reliqua omnia, Sphæræ puncta, quæ sunt in tota circumferentia Meridiani, vt ACED, & in semicircumferentijs aliorum circulorum constitutis ad partes occiduas, vltra Meridianum, dirigatur in planum ipsi Meridiano parallelum; depingat Gemme Frisij Astrolabium catholicum, cuius demonstrationes tradidit egregio opere Guid. Vbaldus. In quo si linea æquinoctialis ponatur CD; tropici erunt EF, GH, & linea ecliptica erit EH; & circuli horæ 6 à merid. ac me-

dia nocte referet recta AB, eruntque A & B duo poli mundi per quos cum meridiano ACBD transeunt reliqui horarij ad Æquatorem CD recti qui omnes sicut & ipsius Æquatoris paralleli, sunt veri circulorum arcus.

3. Si crebrià parte Orientis, siue Occidentis, perinde est, velut ex infinita distantia per singula puncta circulorum Sphæræ, emittantur radij inuicem paralleli, & ad Meridianum recti; delineabunt Planisphærium Ioannis de Royas; cum in planum Meridiano parallelum inciderint; huius



etiam demonstrationes tradit Guid. Vbaldus. Et in hoc si Æquatorem referat recta CD, tropicos referent rectæ EG, HF; axis mundi & simul linea horæ 6 à merid. & med. nocte erit recta AB, Meridianus est ACBD circulus, reliqui horarij ad Æquatorem recti, & per A & B incidentes desinunt in ellipses, sicut paralleli Æquatoris in lineas rectas.

4. Ad rem nostram, si è singulis Sphæræ, siue circulorum punctis, per centrum commune radius extendatur; donec occurrat plano alicui, ita collocato; vt & datam certam obseruet distantiam à centro: & dato cuius in Sphæra circulo maximo parallelum sit; describet in eo plano horologium, siue Æquinoctiale, siue Horizontale &c. prout planum illud

Æquatori, vel Horizonti parallelum fuerit. Huiusmodi autem

projectionem vocamus projectionem Gnomonicam, quasi Gnomone dirigente factam; fit enim,

vt dictum est, radijs emissis per centrum

Sphæræ, in quo per 12 huius Gnomonis apex consistere intelligitur.

Huius projecturæ Schema

tradetur prop. 21.

Propositio XVII.

*Triplex distinguitur circulisque suis instruitur Sphæra propter
triplex Horographiæ Gnomoniæ genus.*

HAud dubium, quin alicui, prima fronte, mirum videatur; quam ob causam nos, & vnde triplicem hanc, quam inducimus Sphæram, rem hactenus inauditam, confinxerimus: sed hanc nouitatem, necessario exigunt noua horologiorum genera duo; quorum pariter, & horologii communis, theorias tradere intendimus: cum enim neque horologium Catoptricum, neque Dioptricum Sphærae communi vllatenus conformentur, (vt ex statim dicendis intelligitur) necesse fuit præter Sphæram communem; quæ cõmunibus horologijs deferuit, Sphæras alias duas excogitare; ex quarum situ, & ordine circulorum, horologii Catoptrici, & Dioptrici theorias explicemus. Tres igitur in genere Sphæras constitui- mus, propter triplicem Horographiæ theoriã explicandã. Et quidem prima est illa eadem Sphæra, quam communiter proponunt Astronomi, tanquam Sphæra cœlestis, & circulorum eius compendium; eamque nos distinctionis gratia vocabimus Sphæram Veram; reliquas verò, vt potè ex reflexione, & refractione radiorum resultantes, ambas quidem communi nomine Apparentes dicemus; proprio verò nomine, eam quæ ex reflexione, Catoptricam, & eam quæ ex refractione constat, Dioptricam nominabimus. Nunc de singulis dicamus.


Sphæram Veram; in theoria communis horologii Optico-Gnomonici, supponimus instructam esse tot, & talibus, atque inuicem ita dispositis circulis, vt Sphæram cælestem, & omnes, quos in ea cõmuniter Astronomi distinguunt, circulos, secundum eorum situm naturalem, ac verum imitetur.

1 Contineat ergo hæc Sphæra Æquatorem in primis, ac Tropicos Cancri, & Capricorni; nec non alios, hinc & inde, parallelos Leonis ac Virginis, & Tauri, ac Geminorum, nec non Scorpionis, & Sagittarij; pro arcibus eorundem in horologio describendis.


2 Habeat etiam obliquum Zodiaci seu Eclipticæ circulum, pro Signis Ascendentibus, in horologio describendum, secundum eos varios situs, quos in Cœlo respectu nostri huius hemisphærij habet, dum duodecim Signorum initia, vel eorundem quilibet alij propositi gradus oriuntur: vt suis locis dicetur.

3 Præterea circulos horarios (quorum vnus est meridianus) duodecim, qui per vtrumque polum incedentes, Æquatorem ac parallelos eius omnes, in partes 24 æquales diuidant, pro horis 24 Astronomicis, à Meridie vel media nocte computandis.

Hæc simul Schemate vno expressa cernuntur, in quo recta D B Æquator-
rem refert : E G, H F Tropicos : arcus autem inter eos medij, reliquorum.



Signorum Parallelos ; & recta E F, Eclipticam , cuius varios situs duode-
cim pro lineis Signorum Ascendentium concipere licet, si concipiatur mo-
ueri circa Æquatoris axem A C motu diurno . Per polos A & C circa dia-
metrum A C, incedunt circuli maximi duodecim ad Æquatorem (qui
circa diametrum D B intelligi debet) recti ; pro horis 24. Astronomi-
cis.




4 Habeat sex circulos maximos, quorum duo sint
Horizon, & Meridianus, in quorum etiam commu-
nibus sectionibus, reliqui se interfecent, ac per tri-
cenos Verticalis primarij, vel Æquatoris gradus
transeant ; pro Domicilijs cœlestibus. A C B D sit
Meridianus, A B Horizon seu communis eius cum
Meridiano sectio : reliqui circuli A H B G, A I B K
(qui debent intelligi duplices, cum duobus iam di-
ctis) secundum diuersas sententias, vt libro 3. prop. 7. r. dicetur ; diuidunt
in 12. partes Verticalem circulum (quem refert recta C D) vel Æquato-
rem quem recta E F repræsentat ; & ita totam Sphæram in Domos cœlestes
duodecim diuidunt.

5 Habeat circulos maximos quos vocant Verticales, qui ad Horizon-
tem recti sunt, & per eius polos, Zenith videlicet, & Nadir incedunt : eos
autem sic explicare licet in schemate quod habetur initio sequent. pag. Si
A B D C ponatur circulus Meridianus & B E C Horizon ; erit A, Zenith,
D autem Nadir ; & semicirculi F A G, H A I &c. per Zenith A incedentes,
erunt semicircumferentiæ Verticalium supra Horizontem.

6 Habeat parallelos Horizontis seu, vt vocant, Almucantarath, qui
per gradus Verticalium, vsque in Zenith, circumducuntur. Tales sunt
in eodem sequenti schemate, circuli arcubus L M, N O, ac cæteris vsque
ad


ad Zenith A ducti per Meridianum ABCD, ceterosque Verticales. Eorum



autem centra sunt in axe ipsis, & Horizonti communi A D.

7 Habeat pro horis ab ortu & occasu, 24. circulos maximos, quorum vnus est Horizon; qui quidem circuli maximi, ita disponantur; vt per quindenos gradus Æquatoris transeant; duos autem parallelos (quorum vnus est omnium semper apparentium maximus, & alter omnium nunquam apparentium maximus) tangant in 24 punctis, in quibus ijdem paralleli secantur à duodecim horarijs Astronomicis. Hos circulos 24. facile concipiemus, si vice ipsorum cogitemus Horizontem, Sphæra ad motum Solis diurnum circumducta, simul delatum; ac in locis 24 per æqualia totidem horaria spatia distinctis repositum. Vel etiam si cogitemus Horizontes 24 quibus eadem eleuatio poli, seu Latitudo; diuersa tamen Longitudo conueniat, diuersa inquam Longitudo; sed æquali ad singulos differentia graduum 15: quatenus singulorum huiusmodi Horizontum Meridiani (idest horarij Astronomici illos orthogonaliter secantes in punctis quibus ipsi, vt dictum est, duos illos parallelos tangunt) distant ab inuicem interuallo 15 graduum, videlicet vnus horæ Æquinoctialis. Conceptus enim hic vterque conformis est naturæ rei, siquidem circuli horarum ab ortu & ab occasu distinctores, omnino non differunt vel ab vno Horizonte ad 24 loca, vt dictum est, successiue promoto, vel à 24 Horizontibus per eadem dicta loca in Sphæra dispositis. Ad faciliorem huius rei captum si ponatur polus Arcticus A & Horizon B 12 C (iuxta modum projectionis Astrolabij Ptolemæi *prop. præcedente*) lineolæ rectæ 12 A 12, 2 A 2, 4 A 4, &c. erunt lineæ horarum Astronom. circulus autem, qui ex A centro, intelligitur descriptus, & dictas lineolas horarias terminans, erit parallelus omnium semper apparentium maximus; quem in puncto 12 tangit prædictus B 12 C Horizon, idemque circulus horæ 24, tum ab ortu ex parte 12 B; tum ab occasu ex parte C 12. Similiter circulus 12 L tangens prædictum parallelum in 2 (communi scilicet puncto præ-

dicti paralleli, & lineæ horæ 2 à med. noct.) distinguet ex parte 2 I, horam 2 ab ortu; & ex opposita parte L 2 distinguet horam 2 ab occasu. Et ita de alijs: qui omnes in circulo Æquinoctiali DGLK se interfecant in



punctis, per quæ etiam incederent supradictæ Astronomicæ horariæ si producerentur; vt 12 A 12 hinc inde producta, supra Horizontem quidem incederet per G punctum Æquatoris & circulorum G 8 F, ac G 4 N; quorû. Ille ex parte G 8, horam ab occasu 20; & ex parte 8 F similiter 20 ab ortu; iste autem 4 ab ortu terminat ex parte G 4; sicut 4; ab occasu ex parte 4 N, & ita de alijs.

Aduerte autem me in hoc schemate duodecim tantum circulos horarios (seu ipsorum arcus) descripsisse, & vnum in quolibet duarum horarum, spatio inter singulos omisse, dedita opera, ne multitudine linearum, confusa nimis redderetur figura. Alioqui autem, quod de istis 12 expressis dicitur; de alijs intermedijs omissis, dici debet seruata proportione.

8 Potest etiam quilibet cogitare circulos duodecim maximos, quorum vnus sit Meridianus, & alter sit Horizon; qui arcus diurnos omnes, in partes 12; & nocturnos, in totidem diuidant pro horis Antiquis. Licet enim circuli reuera esse non possint, qui diurnos arcus omnes, similiterque nocturnos omnes seorsim, in partes duodecim æquales diuidant; vt demonstrat Clavius in *Astrolab. lib. 1. lemm. 39*: tamen vt more aliorum Horographorum, horas istas Inæquales, lineis rectis in plano distinguam, circulos in Sphæra suppono, quorum in horologij plano sectiones, lineæ rectæ esse possunt. libro autem tertio prop. 68 modum indicabo, quo huiusmodi horarum spatia æqualia pro quolibet die fieri debeant; si quis eam æqualitatem optauerit.

9 Parallelos regionum, atque etiam arcus diurnos, nisi cum parallelis signorum iam num. 1. appositis identificentur, necesse erit in hac Sphæra reponere, similiterque Meridianos regionum, nisi etiam hi cum aliquo duodecim circulorum horariorum à meridie, & à med. nocte, conueniant.

Circulorum omnium istorum, in vnâ Sphæram adunatorum, non potest confici figura vna; propter nimiam eorum multitudinem, quæ non posset in exiguo schemate non parere confusionem; attamen facile intelligentur ex figuris, quas de singulis seorsim dedimus, & sic tandem Sphæram Veram instruximus.

Sphæra Catoptrica, circulos omnino eosdem continet; sed non eodem situ, neque eodem ordine dispositos: nam speculum in centro Sphære collocatum, siue radius ab ipso reflexus, verâ loca circulorum, vel omnium simul, vel saltem aliquorum, apparenter immutat: vnde & circuli ipsi apparenter vel inuertuntur, vel etiam aliò transferuntur, & alio ordine collocantur; sicque apparentem Catoptricam Sphæram componunt. Nos Sphæras huiusmodi plurimas schemate proprio illustrabimus. *libro. 3.* Cæterum huius Sphære species tot sunt, quot sunt specula specie diuersa; vt plana, Cylindrica &c. Et quot possunt esse diuersi horum speculorum situs, in eodem centro: Sed quia in huiusmodi reflexionibus, præcipuus vsus est speculi plani; ideo principaliter ex diuerso speculi plani situ, diuersas specie Sphæras Catoptricas dicemus, hoc ritu; vt nimirum circulus in Sphæra maximus, cui speculum parallelum fuerit; toti sphære nomen tribuat: Exempli causa, Æquinoctialis circulus cum ei æquidistabit speculum, denominabit Sphæram Catoptricam Æquinoctialem: ita Horizontalem; Meridianus Meridianam; circulus Polaris, Polarem, Verticalis Verticalem; & ita de reliquis.

Sphæra Dioptrica similiter eosdem omnes circulos continet; quos duæ iam explicatæ; sed ordine, ac situ omnino diuersis; nam radius, dum ex vno diaphano in aliud diuersæ densitatis, vel raritatis, cadens, in centro Sphære frangitur; circulos à proprijs, ac veris locis ad alia apparenter detorquet: atque ita ex ijs, tali vel tali modo dispositis, excitat Sphæram, Apparentem Dioptricam, de qua nos 4. *libro* figuris proprijs adhibitis: vbi etiam *definitione 4.* dicemus quot, & quæ species eius statui possint.

Cæterum de vtriusque huius Apparentis Sphære constructione intentionali, raptim & in genere aliqua dicemus *propositione sequenti* sed ex professo & in particulari *libro 3. & 4.* tanquam in proprijs locis.

Propositio. XVIII.

*Vtriusque Apparentis Sphæræ; sicut & Veræ projectio
Gnomonica radijs directis fieri
intelligitur.*

Q Vandoquidem circuli, in Apparentibus, æquè ac in Veris naturalibus Sphæræ locis, considerari, & velut conspici possunt; atque exinde in planum deduci; id est; observatis accuratè, riteque inuentis eorum; & ipsius plani sectionibus delineari; idcirco Sphæræ non tantum Veræ; sed etiam vtriusque Apparentis (de quibus supra) Gnomonicam projectionem hic magis in particulari explicandam suscipio; quantum scilicet necesse est ad pulcherrimam totius horographiæ Theoriam declarandum, & leges tradendas, in praxi tum fidelissimas, tum expeditissimas.


Equidem in Apparentibus Sphæris, Catoptrica nimirum, & Dioptrica, secundum se consideratis, reperitur genus quoddam projectionis; quatenus circuli è proprijs, ac veris locis (quæ scilicet in Vera Sphæra naturaliter obrinent) opera Catoptrices vel Dioptrices, radijs à centro reflexis, aut refractis, translati aliò coniunguntur, ad loca videlicet Apparentia; in quibus ita collocati, atque inuicem ordine quodam, ac situ secundum varias apparentiarum rationes, & modos connexi, Sphæram Apparentem Catoptricam; vel Dioptricam constituunt. Sed quamvis hoc genus projectionis, mirum in modum, instituto meo deferuiat; vt iam constat ex *prop. 17. de triplici Sphæra*; & magis constabit ex dicendis 3 & 4 *libro*: non tamen illud est, quod nunc præcipuè inquirò: hæc enim est projectio Sphæræ in Sphæram; vel potius translatio circulorum Sphæræ, à locis Veris ad loca apparentiarum, intra ipsam Sphæram Sphærico modo. Ego autem hic ago de Gnomonica Sphæra, tam vtriusque Apparentis, tum Veræ projectione in planum; quam dico pariter pro omnibus Sphæris, radijs directis fieri: quasi dicerem, Catoptrices quidem, ac Dioptrices opificium esse vtramque Apparentem Sphæram; sed ad Opticem pertinere tres æquè Sphæras, radijs suis directis in planum traducere. Licet enim reuera unica sit & non duplex projectio, qua Solis radius reflexus, refractusue, circulos intentionali ductu efformat, & locis Apparentibus Sphæræ Catoptricæ, vel Dioptricæ disponit; simulque eorundem vt sic apparenter collocatorum occurfus, & sectiones in plano, quod obuium habet, depingit: Attamen, vt rem captui Tyronis magis accomodem; prius formatam; & quasi subsistentem Sphæram Catoptricam (idem de Dioptrica, seruata proportionem) ob oculos constituo; ac deinde radijs, per eiusdem in
statu

statu vt dixi apparenti consideratæ, centrum conuenienter emissis vt in communi horographia fit, ipsam in horologij planum deduco. In quo negotio, vt perspicuum est duæ quasi exercentur projectiones; quarum prima Sphæram Veram radijs à centro reflexis (refractivæ) in Apparentem vertit: altera autem Sphæram vtramque Apparentem, sicut & Veram, radijs per centrum eductis, in horologij planum transfert. Quia, verò in hac secunda projectione, nulla amplius ratio habetur reflexionis aut refractionis; neque speculum reflectens attenditur, sicut neque diuersum diaphanum refringens; idcirco eadem secunda projectio lineis opticis adeoque directis perficitur quarto videlicet modo *prop. 16.* explicato.

Propositio XIX.

Maximus quilibet in Sphæra circulus, si Gnomonica projectione in planam horologij superficiem deducatur, rectam in ea lineam efficiet.

Repetatur cum tota dispositione figura Propositionis 14. & sit planum Horizonti subiectum $GQHO$ in quod Æquatoris arcus diurnus L AM , vel eius data portio NAP , Gnomonicè projicienda sit. Dico arcum




NAP , si (linea recta vt Radio vmbrosa, per verticem Gnomonis K educta) in prædictum planum projiciatur, efficere lineam rectam vt ORQ . Quia enim prædicta linea radio vmbrosa continuè moueri intelligitur ab NKO in AKC ; & inde in PKQ ; quando in NKO est, planum horologij ferit in O , & quando est in AKC , idem planum ferit in R ; ac tandem cum in PKQ peruenit, illud ferit in Q ; & quia dicta linea ita continuè mota superficiem planam Æquatoris describere intelligitur per eandem 14. non aliter secat planum horologij $GQHO$, quam illud secaret superficies plana

na eiusdem *Æquatoris*; & quia communis duorum planorum sectio est per 3. 11 *Element.* linea recta; erit linea *ORQ* recta. Idem autem dicendum est, sicut de *Æquatore*; ita de quolibet alio circulo maximo. Igitur maximus quilibet in *Sphæra* circulus &c. quod fuit &c.

Propositio. XX.

Circulus quivis, in Sphæra, non maximus, si Gnomonica projectione in planam horologij superficiem deducatur, curvam in ea lineam efficiet.

Intelligatur circulus aliquis maximus cuius axis *YX* vt *Æquator* circa diametrum *ZKZ*, & in exemplum sumatur parallelus eius *CTDV* Tropicus, in planum *GRHS* Horizonti, qui per *AKB* incedat, æqui-



distans, Gnomonicè proijciendus. Dico fore, vt ea projectione dictus parallelus, vel eius arcus *TCV* (qui solus à plano *GRHS* excipi potest) definat in lineam curuam. Sit enim *ERFS*, ipsi *CTDV* oppositus, & æqualis parallelus: sit etiam Meridianus circulus *YAXB* secans vtrumque in punctis diametraliter oppositis *C* & *F*; & faciens cum plano *GRHS* sectionem communem *GH* rectam; Sole autem percurrente parallelum *CTDV*, linea radio-umbrosa, vel alia recta eius vicem supplens vt *CKF* intelligatur ita moueri, vt vertici quidem *K* semper cohærens secundum medium sui punctum; secundum verò extremum *F*, per circulum *ERFS*, delata secet in transitu planum *GRHS*; verbi gratia cum in *CKF* extiterit; secet dictum planum in *I*: & quando in *LKN* venerit; illud

illud fecerit in M : & in O fecerit ; quando in QKP fuerit : adeoque in R , ac in S fecerit ; cùm fuerit in VKR , atque in TKS : denique integro motu faciat sectionem $RMIO S$. Et quia *per 15 huius* linea radio-ymbrosa eo motu describit , circa axem YKX , duos conos ; radiosum cuius basis est $CTDV$, & ymbrosus cuius basis est $ERFS$: sequitur sectionem $RMIO S$ esse conicam ; atque adeo *per doctrinam conic. Apoll.* curuam . Cum itaque idem dicendum sit de quolibet alio circulo non maximo similiter proijciendo ; sequitur &c. ut fuit propositum .

Cæterum hic modò non quæro , an sectio conica $RMIO S$, Hyperbole sit , an Parabolæ , vel Ellipsis , aut Circulus : id enim ad præsentis Theoriæ intellectum non admodum necessarium est : tamen ut aliquid dicam in proposito exemplo sectio $RMIO S$ est Ellipsis ex demonstratis à *Clavio prop. 7. 1. Gnom.* quia planum sectum $GRHS$, parallelum est horizonti quiper AKB incedens ex hypothesi non æquidistat basi $ERFS$, neque illam tangit , aut fecat .

Propositio XXI.

Gnomonicam in planum , Sphæræ projectionem explicare.


Dixi iam ante quid hæc sit projectio , & cur ita vocetur , & quo genere linearum fiat : nunc quomodo fieri intelligatur , dicendum est ; quod quidem , nec brevius , nec clarius fieri potest ; quam ipsum eius modum practicè exprimendo . Sphæram autem Veram suppono in exemplum : sed quæ de huius projectura , dicta fuerint ; nullo negotio applicari possunt Apparentium projecturis ; dummodo priùs hæ ipse Sphæræ iuxta proprios modos , intentionali saltem operatione mentis , ut superius dictum est , excitata , vel (si cui magis ita placuerit) opere fabrilis , reipsa extructæ fuerint . Proponatur igitur planum aliquod , in quo describendæ sint lineæ , quæ circulos propositæ Sphæræ , ita repræsentent ; ut transcurso radij , vel vmbre , periodos motus Solis percurrentis similes circulos Sphæræ mundanæ , demonstrare certò possint . Et supponatur huiusmodi planum parallelum , verbi gratia , Horizonti . Erigatur deinde gnomon BA ad angulos rectos cum ipso plano ; & Sphæra suis instructa circulis (ut dictum est *Propos. 17.*) ita coaptetur ut centrum eius cum vertice gnomonis , in idem punctum A conveniat ; & Horizon RQ parallelus sit Horizonti loci , atque adeo ipsi plano proposito : polus verò Arcticus Z supra Horizontem RQ tot gradibus attollatur , quot postulat Latitudo loci ; verbi gratia , hic Romæ , 42 ferè : & Meridianus $ZHMN$, sit in plano Meridiani Romani .

Collocata iam Sphæra in debito situ , concipe Solem , siue (quod in idem recidit) oculù percurrere singulos Sphæræ circulos , & radios per centrum eius , usque in subiectum planum dirigere ; vel certè (meliore seu longè com-

modiorem hypothesi,) concipe oculum in Sphæræ centro A, radiosque successivè mittentem per singula puncta circumferentiæ circulorû, qua parte subiectum planum respiciunt, sic enim fiet, ut singula illa puncta, & consequenter integræ portiones circulorum, motu quodam optico fluant, quasi à vertice styli in planum; in eoque disponantur, siue in lineam rectam, siue in lineam curvam; prout natura, situsque circulorum postulauerit: verbi gratia, radio per puncta Meridiani directo, punctum poli Antartici M fluat in E; & punctum H Æquinoctiale, fluat in F; & punctum L, Tropico Cancrî, & Meridiano commune, fluat in D; & punctum K, commune etiam Meridiano & Tropico Capricorni, fluat in G: Atque hoc modo fluentibus cæteris Meridiani punctis inter M & K contentis, integra eius portio M L H K fluat in lineam rectam E D F G, quæ in plano repræsentabit dictam portionem Meridiani; vel potius alteram ei oppositam superiorem, videlicet Z P N O: & varijs, suo tempore, umbris ab styli vertice A decidentibus, demonstrabit loca varia determinata, quæ, suo tempore, Sol in ea Meridiani parte superiore habiturus est. Nam primò punctum F, umbra in illud cadente, ostendens locum Solis in N, hoc est in communi sectione Æquatoris & Meridiani; quia radius A H est dimidiatus totius N A H, & in hac proiectione vices illius gerit: quapropter punctum F, in plano, refert punctum N in Meridiano. Deinde punctum D, umbra similiter in illud cadente, ostendet locum Solis in Cancro, simul & in Meridiano, videlicet in P; quia A L est dimidiatus totius P A L, & vicem illius gerit; ac proinde, punctum D non tam ex L, quam ex P fluit. 3. Punctum G, umbra quoque in ipsum cadente, ostendet locum Solis in O, hoc est in Capricorno, & Meridiano simul; quia radius A K æquivalenter procedit à puncto O, in quo Tropicus Capricorni Meridianum secat; ac proinde Sole existente in O, umbra ex A per K cadit in G; & ita de alijs punctis Meridiani.

Quod autem de Meridiano dictum est pari ratione dici debet de reliquis horarijs; imo de omnibus omnino circulis Sphæræ, qui prout oculus ad eos subinde aciem flectet; fluent singuli motu optico in planum; & sibi, proportionem quadam, conuenientes lineas in eo formabunt, velut sui ipsorum vicarias, à quibus repræsententur. Ego ad vitandam linearum in Schematæ confusam multitudinem, solum horæ 4 à merid. atque 8 à merid. Nocte circulum, ad exemplum, expressi; omittis reliquis similibus horarijs, præter circulum horæ 6. dictus itaque circulus horæ 4, &c. M S I Z fluit in rectam E X Y 4: nam radio emissò per punctum ipsi & Tropico Cancrî commune S, fluit ipsum S in X; quod consequenter est simul horæ 4, & Cancrî punctum. Similiter radio emissò per I punctum eidem horario circulo, & Æquinoctiali commune; ipsum I fluit in Y: adeoque punctum Y in plano horologij est simul punctum Æquinoctialis & lineæ horæ 4 à Merid. & ita de alijs eiusdem circulis punctis. Ita circulus horæ 1 à merid. licet hic non expressus, format lineam E 1: circulus verò horæ secundæ, lineam rectam E 2; circulus horæ tertiæ rectam E 3; & ita de alijs
secun-


Optico-gnomonica Sive in Lunam projectura





secundum debita earum intervalla, tam in parte ortiva, quam in Occidua. Quod autem huiusmodi lineæ horariæ inuicem concurrunt ad punctum E; ideo est, quia circuli horarij in Sphæra, concurrunt ad polum mundi; quem, ut dictum est, refert punctum E in plano; eadem ratione format circulus Equinoctialis NIH, lineam T FT rectam, sicut & circuli horarij rectas, per 19 huius. Tropici verò lineas hinc CDXC, inde VGV curuas per precedentem.

Quod si quis moræ impatiens, egrè ferat successiuas illas, & tam multiplices oculi conuersiones ad tot, & tam varios, hinc inde circulos; rem totā vnico ictu oculi perficiet; si ipsum splendenti luce micantem veluti Solem supponat: tunc enim effusa à centro lux, concuum circulorum Sphæræ, ac superficiem subiecti plani perfundet; ipsis autem circulis traiectionis eius impediens, statim in plano apparebunt eorū vmbre, seu ipsimet vmbatili colore delineati, tali loco, situ, ordine, magnitudine, figura intervallo, & alijs similibus requisitis; ut perfectè, & in omnibus respondeant ipsismet circulis, in Sphæra contentis. Atque hoc modo per projectionem Gnomonicam Sphæra Vera, (aliaque pari ratione) in planum deducitur, quod explicare fuit propositum.



DE RADII SOLARIS

EX AETHERE

IN AEREM INCIDENTIS

REFRACTIONIBVS,

Præfertim quantum ad res Gnomonicas attinet,
Tractatus.

PRAEFATIO.



QUEMADMODUM propof. 12. oftendi Gnomonis à terra centro diftantiâ Horographiæ Gnomonice non officere fenfibilter; ita nunc diligentius exquirendum effe duxi, quantum, & quanti faciendum malum, eidem afferat refractio radij Solaris, ex æthere in aerem incidentis; & an huic malo poffit remedium aliquod parari. Equidem iam fuperius aliquid dixi de contemnendis in opere Gnomonico refractionibus lucis in aere; & ut mihi videtur, ex vno, aut altero verbo in fine propof. 4. fatis conftat, non folum infiniti laboris, fed etiam vani conatus rem effe, designandis Gnomonice horarijs, alijsque fimilibus Sphæræ circulis, dictarum refractionum differentias obferuare velle,

Quia tamen aliquibus omnino placet, eas neutiquam effe negligendas in obferuatione horarum, ut Mario Bettino; qui octauo fuo Apiario putat fe regulas certiffimas adinueniffe, quibus linea Meridiana emendatè à refractionibus designetur: quod perinde dici poteft de omnibus circulorum Verticalium lineis; quod & confequenter trahere fortè quis vellet ad circulos Almucantarath, atque ad reliquos omnes. Placuit etiam mihi, id quod prop. illa 4. agens de horarum Aequalium inequalitate, paucis perstrinxi, hic pluribus edicere; & fi fieri poteft oftendere in iftis (quorum euidenter maxima eft incertitudo) non oportere nimium effe religiofum; & cautiones adhibendas non effe nifi cautè. Cæterum licet hac de re commodè agam in ifto libro, in quo hypothefes ad totam in vniuerfum Horographiam Gnomonicam pertinentes explicare propofui: tamen definitiones, aliaque ex Dioptricijs fupponenda, ac Tyronibus prius infinuanda, tradam lib. 4. commodius; cum ibi ex profeffo acturus fim de Horographia Dioptrico-gnomonica.

Solum hic præmitto, ab hac terra conuexa fuperficie, vſque ad concauam Lunarior orbis, aut (ut nunc omnino verifimilius eft) vſque ad Solem, ac ſuprema

prema etiam sidera, latè expandi substantiam quandam renuem, fluidam, lucì è superis ad nos diffuse, facile peruiam, eamque solùm ætheream atque æream; nam igneam non satis probant Peripateticorum argumenta. Ambigi Verò potest an ætherem inter ac aerem sit aliquod substantiale specificum discrimen, ratione formæ; propter quam huic densitas, illi tenuitas, & consequenter, sua cuique Sphæra debeat; sicuti aqua, sub aere, propriam Sphæram competere cernimus; sed ego eius rei nullam hactenus vidi sufficientem demonstrationem, è contrà Verò facilè mihi persuadeo aerem ab æthere non specificam habere differentiam, velut elementi ab elemento: sed solùm accidentaliter differre tanquam minus purum à purissimo; sicut cænosa aqua differt à limpida.

Vnde per modum definitionis, Aerem voco dictæ substantiæ partem ad mixto aqueo halitu concretam: Aetherem Verò; reliquam purissimam. Non autem hic loquor de eius generis halitibus, qui ita sunt crassi, ut sint etiam opaci; hi enim traiectionem lucis impediunt: ut sunt nubes, nebulae, fumus, exhalationes &c. huiusmodi; sed de alijs; qui licet aliquando sint densiores fumo & nubibus (ut ex eo patet quòd cum nubes, & fumus altiora petant; necessariò leniores sunt aere, & consequenter rariores) tamen sunt perspicui; unde etiam eatenus fugiunt visum: quamvis non sint ita perspicui; ut perspicuitatem ætheream adaequant; nam multiplicati possunt infuscare, sicut aqua in magna ipsius profunditate, & similiter Crystallus.

per *L* incedens cadat in horologii punctum *K*; posito quod totum medium Diaphanum inter *Q* & *K* contentum homogeneous sit secundum densitatem. Sed quia densior est aer, conuexa terræ superficie *E G F*, & ætheris concaua *O M P*, interceptus; ipse verò æther, ab eadem (nunc sumpta ut conuexa) aeris superficie *O M P*, sursum usque ad Lunæ concauum, vel etiâ usque ad Solem diffusus, rarior est; idcirco radius, dum ex æthere in aerem, sub incidentiæ puncto, verbi gratia *N*, penetrat; non finitur priorem coepta tramitis lineam rectam *Q N L K* prosequi: Sed in *N*, frangitur, seu incuruatur; & ad perpendicularem, quæ est *D N S* detorquetur; ac propterea ex *N* fluit in dicti plani punctum, verbi gratia, *G* diuersum ab ipso *K*, & consequenter non transit per *L*; vnde & sequitur radium hunc prorsus esse inutilem; quod quidem attinet ad rem Gnomonicam: alius verò est ex eodem puncto *Q*, utpote in orbem radiante, procedens; qui non sanè rectus, sed fractus, per Gnomonem *L* transiens, cadat in horologium: talis verbi gratia est radius *Q M* circumferentiam aeream *O M P*, non in *N*, sed supra *N* secans ut in *M*; qui quidem, si etiam intra aerem sub *M* in directum propagaretur, tenderet versus *T*, & ita neque per styli verticem, incederet, neque consequenter horologio deferuïret: sed occurssu densioris medij aerei, in puncto incidentiæ *M*, frangitur ad perpendicularem *D M C*; & ex eodem *M*, per *L* fluit, in aliquod horologii punctum, ut *I*, diuersum ab ipso *K*.

Hinc autem subnascitur scrupulus; nam euident est angulum *H I L*, maiorem esse angulo *H K L*; siue quod idem est, angulum *H I M*, angulo *H K N*: & consequenter maiorem Solis eleuationem indicari à radio refractè cadente in *I*, quàm à radio rectà cadente in *K* indicetur; nam supposititijs radius rectus *K N Q*, indicat Solem eleuatam arcu *B Q*; refractus verò *I M Q*, indicat eleuatam arcu *B R*: siquidem recta ex *I* per *L*, & *M* producta Verticalem *A C B* secat supra *Q*, ut in *R*: & ideo licet Sol in *Q* exeat; tamen hoc radio refracto *I M Q*, apparet in *R*; quasi radius, per quem cernitur, esset directus *R M I*.

Vnde patet circuli *A C B* punctum *Q* minimè repræsentari in plano à puncto horologii *I*; sed verò repræsentari ab eiusdem puncto *K*: si verum est quod *prop. 11*. dictum est, nimirum radios opticos (id est rectos) solarium radiorum vicem supplere; quando è varijs circulorum peripheriæ punctis, per styli verticem ducti, circulos ipsos in plano depingunt. De facto tamen punctum *I* in plano *H K* refert punctum *Q*: nam de facto, ex *Q* per verticem styli *L* radius cadit in *I*, nimirum refractionem passus in *M*.

Quod idem dicendum est de alijs omnibus radijs; eos scilicet non nisi refractè in horologium peruenire: ut vel maximè constat, Sole existente, prope Horizontem. Nam secundum Tychonicas refractionum tabulas, quando centrum Solis est in *B* puncto Horizontis *A D B*, per terræ centrum transeuntis; apparet eleuatam 34 minutis, ut in *Y*. Igitur quando
est

est in X, videlicet totidē ferè minutis sub B; apparet nihilominus in B; id est sub Horizonte existens, apparet in Horizonte; vnde & dies sunt reuerà maiores, quàm forent seclusis refractionibus; & consequenter in nostro Gnomonico negotio radij optici, seu recti non probè supplere possunt vicem radiorum solarium, sed tantum id possunt dioptrici, id est refracti; quemadmodum ipsi Solis radij refracti sunt: qua propter non directis, sed refractis radijs contra id dictum *prop. 11*. vtendum erit in legitima Horographia Gnomonica: atque adeo in opere Gnomonico minimè contemnendæ sunt refractiones, quas in aere lux patitur; contrà quàm *propos. etiam 4*. dictum fuerat: sed pro quibuscunque horologijs, talis quædam priùs erigenda est Sphæra in aere Dioptrica, qualem nos *prop. 18*. volumus erigi pro horologijs Dioptricijs.

Hæc est proposita difficultas, ad quam, vt decet, diluendam sequentes fient propositiones; quæ non tantum Horographiæ huic nostræ; sed etiam rebus alijs Astronomicis non parum vtilis esse poterunt.

Propositio. XXIII.

Densitatem aeri accedere, accessu vaporum densiorum eorundem verò recessu decedere, cæteris paribus.

Quia iuxta definitionem aeris datam *suprà in præfatione*; quò purior est aer, eò magis de æthere, & minùs de vaporibus participat; ac è contrà; sequitur puriorem aerem plus habere de subtilitate, ac raritate ætheris, & minùs de densitate vaporis; ac è contrà. Vapores enim dum se se per ætherem, huc illuc sparsi, insinuant; sui ipsorum diffusionem, cum illo imbibuntur; & eatenus cum illo componunt veluti mixtum quoddam, ipso quidem æthere densius, vaporibus autem minùs densum. Quod cum ita sit; sequitur densioribus vaporibus, densiorem effici aerem; tenuioribus autem tenuiorem: seu quod idem est, accessu vaporum densiorum, densitatem aeri accedere; ac eorundem recessu decedere; si cætera, quæ ad raritatem, vel densitatem conferunt, sint paria.

Et quamuis non concederetur *suprà* allata aeris definitio; negari tamen minimè potest, vapores quoslibet de nouo excitatos, aeri (quidquid sit aer) de nouo permisceri: cum autem illi sint aere densiores, (vt apud omnes in coniecto esse existimo) necesse est ex ambobus simul mixtis conflare aliquid aere densius, vaporibus minùs densum: sicut ex vino rariori, & aqua densiori commixtis constat aliquod tertium aqua rarius, vino densius. Igitur quomodocunque sumatur aer, siue pro corpore ex æthere, ac vaporibus concreto; siue pro corpore simplici, substantiam ab æthere omnino diuersam habente; verum est aeri densitatem accedere, accessu vaporum densiorum. &c. vt fuit propositum.

Pro-

Propositio XXIV.

*Aerem sub remisso gradu frigoris, interdum esse densiorem,
& sub intenso minus densum.*

Paradoxum hoc alicui fortè videbitur, cùm in Thermoscopio nihil evidentiùs cernamus, quàm calore aerem rarefcere, ideoque ampliora spatia occupare, subsidente aqua, eique locum præbente: ac ibidem etiam (succedente post calorem frigore) cernamus ascendentem in tubo aquam; (vide huius instrumenti descriptionem inferiùs *prop. 37*) quod fieri nequit, nisi aere ab iisdem spatijs recedente, atque adeo patiente condensationem ob frigus. Attamen verum etiam est vt proposui aerem aliquando densiorem esse, & simul minus frigidum; ac è contrà frigidior, & simul minus densum; quod sic ostendi potest.

Tunc aer, cæteris paribus, densior est, cùm ad aqueam humiditatem propiùs accedit; & tunc densissimus est, cum in proximo est vt in aqueum humorem, siue in aquam resoluatur: nam non potest ea humiditas, absque sibi proportionata densitate consistere; est autem sine dubio aqua aere densior. At verò aerem interdum, sub gradu frigoris remisso, plurimum habere aqueæ humiditatis; & sub intenso è contrà parum aut nihil; constat evidenti experientia, eaque satis frequenti: persæpe enim accidit, vt post frigidiores Boreæ flatus, aura spiret ab Austro tepidula; tunc verò experimur aerem facilè in aquam cogi, & (vt causam prober effectus) omnia aqueæ modo latè humectare hinc enim fit vt saxa; parietes, aliaque similia frigida, & minus porosa large velut sudare cernantur: & cancellis fenestralibus inducta papyrus, priùs ad Boream, tympani modo distenta, languescat, ac remittatur: nec non vt lignea quæque in ædibus, veluti Ianuæ, Arcæ, & similia arida, plurimo se se per poros insinuante aere humidior imbuta turgescant. Quibus, & similibus evidenter constat, aerem tunc proximè accedere, ad aqueam humiditatem, & consequenter, vt dictum est, maximam habere densitatem. At sine dubio tunc etiam remissius est in aere frigus, quàm paulò ante foret; dum frigidò spirante Borea, madidi panni aeri libero expositi siccabantur; etiam nube obtectis, adeoque nihil conferentibus solaribus radijs. Ergo tunc aer, sub remisso gradu frigoris densior est; priùs autem sub intenso minus erat densus.

Cæterùm non nego aerem, aliquando calore attenuari, ac rarefcere; frigore autem addensari: vt cernitur in Thermoscopio: sed solum dico ipsummet aerem aliquando etiam esse minus frigidum, & simul densiorem; alias autem è contrà frigidior, simulque minus densum. Quæcunque enim sint effectuum ita contrariorum causæ (quas hic, ne prolixior siam, non discutio) id in hac infima parte, aeris reuera contingere; evidenter

denter (meo quidem iudicio) probat allata experientia ; in parte autem suprema , ac media , idem contingere , à pari saltem probare licet ob eandem aeris in vtraque parte naturam .

Neque extrarem fore puto ; si aliam addidero experientiam , omnibus notam ; qua id ipsum , quod proposui , comprobari posse videatur argumento ducto ab aqua ad aerem : vt nimirum concedatur posse aeri conuenire densitatem maiorem sub remissiori gradu frigoris , & sub intensiori maiorem ; si verum est hoc ipsum in aqua contingere . Nam aer quidem , *per præcedentem* , à vaporibus densioribus densitatem maiorem recipit &c. vapores autem ab aqua vnde originem ducunt , non differunt substantialiter . Quare si de aqua constet plus ei frigoris inesse aliquando sub densitate minori , & aliàs sub maiori minus ; idem proportionem constabit de vapore , & consequenter de aere vapo : sic autem se habet id probans experientia .

Brumali tempore , dum omnia frigoribus rigent , durata gela aqua superfertur alteri liquidæ , & quidem secum aliàs prorsus homogeneæ ; vt necesse est fateri , saltem quando congelatione facta non sub dio , sed intus in cubiculo , & vase perbene occlusis , ac impredientibus ingressum exteriorum tum vaporum , tum exhalationum , vel aliorum huiusmodi corporum ; aqua sic congelata alteri ex eodem fonte haultæ imponitur : vnde ita formatur argumentum . Quia ex demonstratis ab Archim. *lib. de ijs que vehuntur in aqua* , aqua congelata innatans liquidæ , est minus grauis , quam sit liquida ipsi secundum molem æqualis : sequitur esse simul eadem minus densam : siquidem (vt discurrenti per omnia tum grauias , tum leuia patebit) quantitas magna materiæ sub parua mole grauitatem ; & è contrà quantitas parua materiæ sub magna mole leuitatem habet semper annexam .

Eandem minorem aquæ congelatæ densitatem cum ipsius probatæ leuitate iunctam , ostendunt vasa vitrea ob aquam intus congelatam diffracta , non (quemadmodum vulgi aliàs opinio fuit) metu vacui ; sed verò fugiendæ penetrationis ergo : vt euidenter fit pluribus experientijs , præsertim verò ista ; quam quidem ego nondum facere potui ; sed ab alijs debite factam fuisse audiui . Si tubus aliquis æreus , vt bellici tormenti , ore in sublime verso , aqua oppleatur , immisso desuper embolo , qui aquam intus contentam tangat , vel etiam premat (non enim , vt certissimis experimentis constat , eam premendo densabit , quantacunque vi premat) ita vt lateribus etiam tubi perfectè congruat , ne vel aliquid aquæ exire , vel aliquid aeris , siue alterius fluidi corporis subingredi possit . Deinde si eo modo sinatur acerrimo Boreæ expositus tubus ad certissimam congelationem : inuenietur embolus non profundius sub os tubi depressus , sed è contrà altiùs elatus , vtpote coactus recedere , & recessu concedere locum aquæ congelatæ postulanti maiorem , quam priùs postularet liquida .

Cum itaque congelata iam aqua , nulla substantiæ parte auctior , maiorem

rem quam priùs molem habeat, habet etiam necessariò minorem densitatem : vt constat ex definitione densi, ac rari : densum enim est quod sub parua molis quantitate plurimùm habet substantiæ, seu, vt vocant, materiæ : rarum autem è contrà quod sub magna molis quantitate parum habet materiæ. Quia verò dubium non est intensius esse frigus in aqua congelata, quàm sit in liquida, cui superfertur (cùm constet experientia superferri etiam multò minùs frigidæ) euident est esse interdum in aqua minùs frigida maiorem, & minorem in frigidiori densitatem. Ex aqua autem, vt iam dixi, argumentum sit ad vapores, & ex his ad aerem vapidum.

Quod dixi de aquæ congelatæ raritate (seu minori densitate, quod idem est) video à quibusdam minùs recipi dicentibus totale quidem aquæ congelatæ corpus ad maiores secundùm molem dimensiones extendi (vt conuincit tum fluitatio, tum embolus recedens &c. vt suprà) sed verò singulas aquæ partes non ita extendi : quia nempe maiusculi multi apparent in aqua congelata pori, seu potiùs cavitates, velut in pumice. Cavitates autem illas putant repleri aere, qui priùs in partes minutissimas, & prorsus insensibiles diuisus, atque huc illuc sparsus, aquæ fluidæ immiscebatur : adueniente autem frigore, & poros aquæ constringente, diffugere coactus, ac pluribus velut in vnum agmen glomeratis particulis, vires suas colligens, per antiperistasisim, intendat innatum calorem, & raritatem ex eo consequentem augeat : atque ita rarefactus, in illis maiusculis cavitatibus, quamuis numero paucioribus, locum occupet ampliorem, quàm priùs occuparet in omnibus simul porulis, quamuis numero multò pluribus. Et hinc euenire aiunt vt integra molès ex aqua congelata, & aere intra cavitates eius sic rarefacto constans, maior sit quàm foret priùs moles constans eadem aqua soluta, & eodem aere non ita rarefacto.

Attamen hæc responsio (quomodocunque se res habeat quoad poros illos maiusculos, & cavitates pumiceas) supponit primò aerem esse naturæ calidum, vt possit per antiperistasisim calorem natium intendere : quod longe plurimi non sine multa ratione Peripateticis negant : atque ita apud illos non valet ea responsio. Secundò supponit responsio aerem in illis cavitatibus ita rarefactum retinere toto tempore congelationis, intentionem sui caloris initio productam, vt ita cum calore raritatem retineat. Sed, vt puto, non facile illi probabunt calorem tantuli aeris, acerrimo ingentis gelidæ molis frigore vndequeque circumdatum, & naturali eius contraria vi fortissimè, ac indefinenter oppugnatum, posse inuictum permanere totis mensibus sex; quot nonnunquam glacies perdurat in partibus Aquilonaribus. Igitur aut ipsi hac ratione victi concedent, non propter maiorem aeruli illius sic incalescentis raritatem conuenire aquæ gelidæ molem maiorem : aut certè fatebuntur aerulum ipsum in ijs cavitatibus, frigore tandem victum, & calorem amittere, & vi restituendi in se caloris seu eius actu priuari ; ita tamen, vt raritatem ex pristino (sed iam amisso) calore ortam retineat. Hoc autem si fateantur, fatentur clarè aerem sub remisso

remisso gradu frigoris interdum esse densiorem, & sub intenso minùs densum, vt fuit propositum.

Propositio. XXV.

Aeris densitatem non esse constanter, & ubique, ac semper eandem, sed frequentissimè, ac sine certa lege variari.

PRæterquam quod non similia semper vaporum, vel exhalationum admixtionem recipit æther; cùm illum aliquando graues, ac densi, aliquando leues, ac tenues halitus occupent (si vel ipsis oculis habenda fides) insuper experimur aerem nunc calidiorem, vt æstate, nunc frigidiorẽ vt hyeme; aliàs vt Vere, & Autumno, media temperie tepidulum; & quidem tali, ac tanta diuersitate, vt ne integro quidem vnus diei spatium, eadem inuariata fruamur aeris temperie; cùm potiùs mane frigeat, ferueat meridie, vespere tepescat. Præterea diuersis in locis, eodem etiam tempore, diuersa est aeris temperies, prout ea loca ad Austrum, vel Septentrionem, plùs minùsue, accedunt: imò neque eandem habent omnia loca, sub eodem parallelo constituta, vt experientia constat.

Denique eidem loco, simili recurrente anni tempestate, simili quoque recurrente die, ac etiam diei hora, diuersa prorsus accidunt aeri dispositiones: quod quidem probatione non indiget; nisi quis contendat serenitatẽ, quæ Romæ Kalendis Aprilis fuit anno præterito; hoc etiam anno, & alijs omnibus deinceps, cum iisdem reuocatis Kalendis pariter, atque necessariò reuocatum iri. Nam circa huiusmodi aeris dispositiones, aut dispositionum vniuersitatem, lex naturæ nulla est, quam imperturbatam esse sinant venti; modò ab Aquilone, modò ab Austro &c. flantes; quibus nihil est inconstantius: quia itaque cæteris licet paribus accidit aeri per 23. prop. densitas non tantùm sub frigore, sed etiam sub calore; atque adeò nunc ab Austro, nunc ab Aquilone &c. sequitur diuersis temporibus eodem loco, & diuersis locis eodem tempore; quin etiam eodem loco, ac tempore; in varijs partibus spatij, quod quasi per lineam rectam à quolibet puncto supermæ aeris superficiei vsque ad imam superficiem tenditur; diuersos inæquales densitatis gradus, sine vlla certa lege aeri conuenire. Igitur aeris densitas non est constanter, & ubique ac semper eadem sed &c. Quod fuit &c.

Propositio XXVI.

Superficiem aeris conuexam, sphaericam esse, terreoque Orbi concentricam non satis constare.

Affirmant quidem communiter autores refractionum, ac reponunt inter hypotheses aeream sphaeram, terræ concentricam: sed ego eā non ita gratis concesserim; quinimo est cur negem: quare enim non potius in ellipsim conformata dicatur, velut sub Zona torrida elatior, ob abundantiam vaporum ardore Solis excitatorum; sub frigidis vero humilior, ob eosdem vapores à frigore dissipatos eo fere modo quo mediæ aeræ regionis frigida conuexam superficiem, sub Aequinoctiali humiliorem, sub polis altiore, vulgò dicunt illi, qui tres in aere regiones distinguunt. Non potest autem esse sphaerica superficies; nisi æqualem vndique habeat distantiam ab aliquo, verbi gratia, terræ centro; neque potest esse terræ concentrica, nisi sit sphaerica. Igitur superficiem aeris conuexam sphaericam esse &c. non satis constat. Quod fuit &c.

Hic fortè respondebitur librationem fieri omnium partium aeris vaporum; sicut fit partium aquæ; & ex ea libratione resultare, sicut in mari, ita, in aere figuram sphaericam, etiam permissa inæqualitate caloris &c. sed ad librationem huiusmodi statuendam prius necesse foret ostendere vapores, in toto aere circa terram, vbi libet excitatos, esse æqualiter graues: nam,

sine grauitatis æqualitate, in pari quantitate molis non potest stare libratio; aut si aliqua nihilominus est libratio; ea ita fiet,

vt duæ partes aeris, graues, exempli gratia, singulae vt vnum, librentur cum vna, quæ cæteris

paribus, sit grauis vt duo; hoc autem modo duæ, cum habeant maiorem ex-

tensionem quàm vna; intumes-

cent supra illam; & sphae-

ricam figuram, cum

illa non consti-

tuent.

Propositio XXVII.

*Superficieî aeris conuexæ sphericam, siue ellipticam,
figuram non esse mathematicè
perfectam.*

ESto sit spherica (hoc enim parum facit ad propositum) suprema, conuexa aeris superficies, sicut aquæ, terræque : tamen non ideo concedendum est, eam esse ita regularem, & mathematicè perfectam; ut nullæ in ea particulæ, cæteris quodammodo altiùs intumescant; nullæ subsidant; sed omnes æqualiter à centro distent, remoto asperitatis vitio prorsus omni. Si enim mare quamuis nutu suo figuram sphericam affectans; ut pote fluidum, & secundùm omnes partes homogeneous; atque adeo ad commune grauium centrum, æquali suarum partium grauitate æqualiter adnitens; tamen & æstu suo proprio efferuescit; & ventorum procellis, in ingentes fluctuum moles extollitur; quin etiam ad leniorem auræ flatum, vndante molliter æquore, simul inæqualiter fluctuat. Quanto magis noster hic aer, & ipse fluidus, imo longè quàm aqua mobilior; in quo, velut in propria regione, perpetuam luctam exercent venti, discurrent vapores, exhalationes funduntur; superficiem habebit anfractuosa, inæqualem?

Certè neque vapores figuram, ex se ipsis, regularem determinatam ullam habent, ut in nubibus, alijsque similibus, seu aqueis, seu terreis halitibus crassioribus, cernere est. Neque aer seorsim à vaporibus consideratus talem aliquam sibi propriam sub æthere figuram habere potest; cum ut paulò ante in præfatione dictum est, aer ab æthere non distinguatur nisi tanquam à purissimo minùs purum, minus, inquam, purum ob admixtionem vaporum.

Præterea certum est, nullam esse naturæ legem, qua vapores (quæcunque sint illorum causæ) vndique in toto terræ circuitu excitentur æqualiter tenues aut crassi; item æqualiter leues, aut graues; vel omni prorsus ratione homogenei, ut hoc supposito (aliàs enim non possent) totum circumfusum ætherem spherico modo inuadere, & illi æqualiter per omnem, ac in omnem partem permisceri; atque etiam æqualiter à terræ centro eleuari debeant: ita ut obseruatis æqualibus, ad acerrimam geometricam normam, terminis eleuationum perfectam vapidi aeris Sphæram, sub æthereæ Sphæræ concauo constituent.

Denique si quis forte putaret à frigore fieri posse, ut aer (quem etiam
natura

natura frigidum esse multò verisimilius est) perfectam in Spheram conglometur; certum est frigus (quæcunque sint illius causæ) circa terræ superficiem, non ita æqualiter, & vniformiter posse in aerem diffundi, & circunquaque ita perfecto sphærico modo extendi; vt. vndique in sui termino perfectum sphæricum frigidum orbem efformet. Nam nec frigoris causæ habent, in toto terræ ambitu (vt fat constat) vim ita æqualem, & licet haberent; plurima contraria (quæ per gyrum vbique esse æqualia nemo dixerit) obsisterent sine dubio sphericæ illi frigoris effusioni: quatenus ipsa suæ resistentiæ inæqualitate, non sinerent vim, quantumvis aliàs æqualem, agere æqualiter.

Quod de frigore dictum est, pari ratione dici etiam potest de calore.

Cum itaque nullæ aliæ sint assignabiles causæ; quæ sphæri-

cām illam, siue ellipticam, aut aliam quamcunque, ma-

thematicè perfectam figuramus, aeri tribuere pos-

sint: & assignatæ à nobis sint causæ sufficien-

tes, quæ illam asperent; ac imperfectam

reddant: sequitur superficiæ aeriæ

conuexæ sphæricam, siue

ellipticam figuram,

non esse mathe-

maticè

perfectam. Quod fuit

propositum.



Propositio XXVIII.

Superficieï aeris convexæ figuram, quæcunque illa sit, momentis fere singulis incerta lege mutari.

Quemadmodum in procelloso mari fluctus; ac in feruente olla bullæ, aqueam rotunditatem non solum corrumpunt; sed etiam infinitis semper varijs configurationum modis, perpetua vicissitudine, immutant: sic aeris superficieï figuram, quæcunque illa sit, creberrimæ inuertunt vaporum, præsertim tenuiorum, ebullitiones, & ventorum flatus assidui; itaut impossibile sit aerem sua illa perfecta, sibi debita (si forte quouis modo, ex quavis nobis ignota causa, debita est) rotunditate siue alia regulari figura, vel vno horæ minutulo gaudere; quandiu ventorum agitationi, & vaporum inæquali admixtioni suberit; vt iam ostensum est subesse.

Præterea quia vapores à meridiano Sole vehementius excitantur, quàm à matutino vel serotino; sequitur æream sub circulo meridiano superficiem, cæteris paribus, elatiorem esse meridie; mane autem ac vespere humiliorem quemadmodum sub Zona torrida, vt prop. 26. dicebatur. Quia verò Sol, continuo motu, alijs atque alijs subinde locis meridianus fit; efficit etiam vt iisdem locis subinde elatior à terra immineat aeris superficies: at hoc posito necesse est aeris molis figuram, respectu cuiuslibet loci, continuè mutari, vtpote ad Solis motum continuè alteratam. Quia denique nulli geometricæ legi ventorum flatus, aut vaporum ebullitiones astringuntur, Sol verò excitans vapores, pro modo, & dispositione subiecti, maiori vel minori copia eos excitat; Sequitur non solum mutari assidue figuram aeris, vt dictum est, sed etiam sine certa lege mutari. Quod fuit propositum.

Propositio XXIX.

A multiformi, non regulari superficie diaphani refringentis, refractiones effici pariter multiformes; sed sine lege, & confusas.

IN omni simili superficie eiusdem diaphani, radij secundum æquales angulos incidentes, secundum æquales angulos refringuntur, & si maiores sunt anguli incidentiæ, maiores sunt anguli refractionum, & si minores, minores per 50.2. *Vitell.* ex hoc autem necessario sequitur à multiformi superficie, id est constante pluribus simul iunctis superficieculis, seu planis, seu sphæricis, conuexis, aut concavis, vel mixtilineis &c. diuersos pro diuersitate superficieculum fieri angulos refractionum. Nam pro varia cuiuslibet superficieculæ dispositione, secundum situm, vel figuram; necesse est varios esse angulos incidentiæ cæteris paribus; & consequenter varios etiam esse angulos refractionum: in Crytallis polioptris, ac Adamantibus, aliisque similibus angulatim cæsis, cernere est superficiem vnus diaphani multiformem; in qua nimirum plures sunt, diuersimodè inclinatæ, minutulæ superficies, quarum quælibet sibi propriam & conformem refractionem efficit.

Et quidem si omnes illæ superficies in vno diaphano, debito quodam ordine disponantur; cernimus eidem ordini, ac legi optimè respondere, refractiones: cernimus enim ipsos refractos radios, aut in vnum perfectè coincidere, aut ad certa intervalla dissipari &c. At verò quando illa multiformis, vnus diaphani, superficies minimè regularis est; ita ut superficieculæ, quibus constat, nullam seruent propriæ figuræ, & situs, ac inclinationis certam legem; nulla esse tunc potest regula certa refractionum: quod etiam sequitur ex illa 50. *prop. Vitell.* cum enim posita irregulari huiusmodi superficie, nulla esse possit incidentiarum regula (vt euident est) nulla etiam potest esse regula refractionum. Erunt igitur confusæ tunc, & sine lege refractiones.

Certè verò (vt præter demonstrationis fidem, id ipsum aliqua experientia illustrem, in gratiam Tyronum) fenestralia vitra communiora, quæ videlicet nullum alium habent planæ figuræ, ac posituræ modum, præter imperfectum illum, quem in fornace vitraria suscipere, visibilibus simulacra ad oculum transmittunt distorta, contracta, gibbera, regibbera, denique omni genere deformia: neque huius rei alia causâ est; quam quòd vitra illa careant vniformi perfectè æquata superficie. Id etiam luculentius cernitur in Tubi Dioptrici lente crySTALLINA, quæ quamuis splendidissimæ polituræ fulgore commendetur; nullam tamen vtilem radij visui refractionem efficit, si superficies illi adsit crebris inæqualibus tuberculis; &

valleculis aspera, vel minùs exquisitè, ad optimam debitæ figuræ normam, conformata; vnde paucorum adeo diligentia suum id assequuta est, vt perfectas omni ex parte lentes edat; cùm tamen nobile opificium non iam versetur in rudibus vulgariis artificum; sed in honestissimorum virorum ingenuis, iisdemque solertissimis manibus ferueat. Adeo verum est confusas, & sine lege, refractiones fieri à refringentis diaphani superficie multiforini non regulari, quod erat propositum.

Propositio XXX.

Radiatorum non solum ex aethere in aerem; sed etiam ex una aeris parte in aliam eiusdem partem incidentium refractiones sæpissime fieri.

TOties videlicet fiunt huiusmodi radiatorum refractiones, quoties in aliquam densiorem, aeris partem, ex alia eiusdem minùs densa parte, vel è contra incidunt: sæpissimè occurrunt aeris partes ita inæqualiter densæ; tum ob variam inæqualem vaporum agglomerationem; tum ob inæquale frigus, vt satis constat ex 25. huius.

Præterea id ipsum experimento confirmare licet in hunc modum. Cùm in longinqua respicimus adhibito dioptrico Tubo præsertim eximio, sæpissimè contingit vt ædificia, aliaque visibilia remota, nobis appareant incessanter tremula; visuiis nimirum radijs, ad nos undatim vectis, ob inconstantiam refractionum; quas in aere iisdem radij patiuntur, etiam sub suprema conuexa aeris superficie (quod maximè notari velim) inconstantia verò hæc refractionum, non in aliam causam coniicienda est, quam in varios crassiores vapores vagè sparsos, & inæqualiter, atque interruptis voluminibus agglomeratos subsultim, ac identidem se se interponentes.

Et hoc experimentum quilibet facere potest, præsertim dum Sol clarius nitet; quamuis tunc aer, ad simplicem sine Telescopio intuitum, purissimus appareat: cernit enim tunc visibilia remotissima, vt dixi, incessanter tremere, imò & ipsos inæquales, quos dixi, vaporum globos satis facile discernet; qui alias fugiunt visum; discernet inquam, & agnoscet, eorum interpositu aliorum obiectorum vterius longè positorum visionem perturbari; itaut lineæ rectæ, tum quæ ad Horizontem perpendiculares sunt: vt extremi parietum anguli, & fenestrarum latera; tum quæ eidem Horizonti æquidistant, vt fastigia tectorum, & suggrundulæ; continuis velut undis contorqueri, & inflecti; adeoque titubare quodammodo, ac tremere ipsa ædificia videantur.

Hic verò trepidulus motus, non tantum Sole clarius nitente, sed etiam latente sub nubibus, imò nondum exorto conspicitur; licet alioqui aer purissimus

riſſimus appareat, vt paulò ante dixi, imò ſereno tempore clariùs cernitur fortè quia tunc minus continui ſunt, ſeu magis interrupti illi vapores ob paucitatem: nam non ſereno tempore, cum magna eſt eorum copia, maiorem ad inuicem continuitatem habent, & ſic vnã efficiunt ſimul omnes refractionem; non autem plures illas vndulatas.

Propoſitio XXXI.

In radij ſolaris ab aere facta refractione, ſuperficiem refractionis non ſemper eſſe Verticalem.

Superficies refractionis (in qua ſcilicet per definit. 6. 4. huius continentur lineæ incidentiæ, & refractionis) eſt neceſſariò perpendicularis ad ſuperficiem refringentem per 2 poſtulatũ eiusdem, Si itaque aëria ſuperficies; quæ radios infringit; eſſet ſphærica, mathematicè perfectã, & concentrica terræ: certiffimè ſuperficies refractionum (de quibus hic agitur) eſſent omnes ad terræ globosam ſuperficiem, atque ad Horizontem rectæ; id eſt Verticales: ſed primò ſuperficiem illam aëris, ſphæricam eſſe, ac terræ concentricam non immeritò in dubium vocat, *propoſitio noſtra* 26: deinde eam *propoſitio* 27. demonſtrat non eſſe mathematicè perfectam; cuiuſcunq; figuræ ſit; ſed eſſe aſperam, & inæqualiter, ac irregulariter anfractuofam, ſimilem ſuperficieĩ maris, dum valido perſtante Euro ſuſque deque vertitur.

Quia verò ex demonſtratis *propoſ.* 29, vitium ſuperficieĩ refringentis, in ipſas ab eadem factas refractiones deriuatur, ſequitur ſuperficiem refractionis non eſſe Verticalem, ſi ſuperficies aërea refringens, non ſit perpendicularis ad circulum Verticalem, in quo cum radio tum incidente, tum refracto Sol verſatur. At in ſuperficie huiuſmodi anfractuofa; impoſſibile eſt, vt Verticalis circulus, in quo eſt Sol, perpendiculariter ſecetur ab omnibus, ac ſingulis eiufdem anfractuofæ ſuperficieĩ partibus, tum extuberantibus, tum dehiſcentibus, tum complanatis. Igitur impoſſibile eſt, vt idem dictus Verticalis, ſit ſuperficies refractionis, reſpectu omnium refractionum, quæ ſiunt ab illis, ita diuerſimodè inclinatis ſuperficieĩ aëriæ anfractuofæ partibus.

Cum itaque naturaliter ſit impoſſibile, vt ſtante aëris mobilitate, de qua *prop.* 27, & 28, non ſit illi ſuperficies inæqualis, anfractuofa, &c. Sequitur in radij ſolaris ab aere facta refractione, ſuperficiem refractionis, non ſemper eſſe Verticalem, vt erat propoſitum.

Propositio XXXII.

Solo radij refracti indicio non posse cognosci certò, in quo vere Sol versetur circulo Verticali.

Quia enim per 31. superficies refractionis non semper est Verticalis: contingere potest, ut Sol in aliquo Verticali circulo existat; in quo minimè existet radius refractus; qui semper existit in superficie refractionis: & hoc casu certum est, à radio refracto minimè indicari Verticalem Solis: quia verò incertum est, quando nam superficies refractionis sit Verticalis, & quando non sit: neque potest vi solius radij refracti cognosci planum circuli Verticalis, nisi eius in quo ipse est; sequitur radij refracti solius indicio non posse cognosci certò Verticalem circulum in quo verè Sol versatur. Quod fuit &c.

Propositio. XXXIII.

Posse contingere, ut posita eadem, vel æquali supra Horizontem elevatione Solis, eodem vel diuersis diebus; eadem vel æqualis non sit radij ab aere refracti, per Gnomonis verticem, aut simile aliud obseruandi Instrumentum ducti inclinatio ad eundem Horizontem.

Radij solaris refractè per Gnomonis verticem &c. emissi inclinatio ad Horizontem diuersa est, cæteris paribus; prout diuersus est angulus refractionis: nam prout maior, minorue est radij refracti inclinatio ad axem refractionis; maior, minorue necessario est eiusdem inclinatio ad axem Horizontis: cum hi axes se in centro terræ secent, & pariter ab eodem refracto radio secentur. Si itaque contingat diuersis temporibus, angulum refractionis diuersum, aut inæqualem esse; existente nihilominus eadem vel æquali Solis supra Horizontem elevatione; euident est fore, ut simul diuersa sit, vel inæqualis radij refracti per Gnomonem &c. emissi inclinatio ad Horizontem.

At posse ita contingere, constat primò quia per 25 huius adeo mutabilis est aerea densitas; ut tum eodem, tum diuersis diebus, diuersa esse facile possit; etiam æquali posita Solis supra Horizontem elevatione. Mutata, autem solùm densitate diaphani refringentis; mutatur per postulatam 3, 4 huius, angulus refractionis. Ergo &c. Secundò idem constat; quia licet ad quamlibet datam similem, & æqualem Solis elevationem supra Horizontem; æqualis semper foret densitas in aere: non tamen foret necessa-
riò

riò eadem figura : cum *per* 27 & 28 *huius* non semper eandem siue regularem, siue irregularem habeat aer configurationem. At cæteris paribus, posita solum diuersa, in superficie refringente, figura præsertim irregulari, diuersus fit angulus tum incidentiæ, tum consequenter refractionis.

Præterea licet poneretur tum densitas, eadem tum figura similis in aere; quoties eadem est vel æqualis supra Horizontem eleuatio Solis: non tamen necessario sequitur, esse tunc simul eandem superficiiei aeris refringentis distantiam à terra; cum (vt dicitur *prop.* 38) hæc distantia sit ex varijs causis mutabilis. At cæteris paribus, prout ea distantia maior, minorue est, diuersa est radij per Gnomonem &c. emissi inclinatio ad Horizontem; vt colligi poterit ex dicendis *prop.* 39 & 40. Igitur, sicut fuit propositum, contingere potest, vt posita eadem vel æquali &c.

Propositio XXXIV.

Solaris radij refractiones, quæ in aere fiunt, maximo perturbatas esse.

IN exemplo rem facile exponam; & mox facilius demonstrabo. Certum est lucem ex aere in aquam incidentem refringi; ac pro modo, & quantitate anguli incidentiæ, constanter vniformes esse angulos refractionum *per* 50, 2 *Vitell.* hoc tamen supponit stabilem esse, & inuariatam aquæ superficiiei figuram. Nam si (vt accidit ad quemlibet auræ flatum) aqua vel tantulum fluctuet; cernimus illico tremulam, ad aquæ tremorem, Gnomonis vmbra, sub aquis, huc illuc incertam agi: cuius rei non alia esse potest ratio; quam quia dum aquæ superficies perflata varijs modis nunc intumescit, nunc subsidit; vel inclinatur modo in hanc modo in illam partem; mutatur hoc ipso angulus incidentiæ; licet non mutetur Solis supra Horizontem eleuatio; mutato autem angulo incidentiæ, cæteris paribus, mutatur angulus refractionis. Et quia inconstans est, ac minimè vniformis auræ status; inconstans etiam est, ac minimè vniformis, non tantum aquæ fluctuatio; sed & lucis in aqua refractionis; itaut radius refractus ad perpendicularem nunc magis accedat, nunc minus, nunc in hanc, nunc in illam partem vagus feratur; immutata tamen Solis, vt iam dixi, supra Horizontem eleuatione. Itaque vt sunt in aqua, sic in aere, si non sint, concipi tamen possunt aliquæ refractiones; quæ ordinatè fiant constantes, & vniformes; aere nimirum ita tranquillo, vt omnino retineat inuariatam conuexitatis figuram, & densitatem homogeneam pariter inuariatam.

Sed huiusmodi vniformes refractiones, assidue turbat incerta assidua, immutatio, tum figuræ in superficie conuexa, *per* 28, tum densitatis in tota, quanta est, mole aerea *per* 25. quod amplius confirmat certissimi
expe-

experimenti fides. Nam Solis non tantum prope Horizontem, sed etiam multum eleuati radius estote se se per tecti, vel (vt in templis contingit) per altissimæ cuiusdam fenestræ foraminulum insinuans, ac in aduersi longè diffusi parietis, vel imi pauimenti superficiem incidens, non constanti, & æquato, sed quodammodo incerto, ac titubante motu trepidulus decurrit. Præterea eiusdem Solis species expressior, Tubo Dioptrico immobiliter firmato, trans vtramque lentem, in subiectam immotam chartam emissâ, (vt fit in obseruatione solarium Macularum); tremula etiam conspicitur. Cum autem hæc apparens Solis trepidatio, nec in chartâ, vel Tubi, nec in foraminuli, vel parietis, seu pauimenti; & multò minis in cœlestis orbis Solem deferentis vitium refundi possit; necesse est refundi eam in incertas, & inconstantes aeris dispositiones; propter quas (vt etiam in re simili dicebam *proposit.* 30.) fiat, vt radij solares, huc illuc, ob frequentissimam incertæ refractionis mutationem, vacillantibus, Sol ipse continuè secundum apparentiam titubare cernatur. Id verò non solum in Sole deprehendi, sed etiam in alijs planetis, vt Saturno, Ioue, Venere, Luna &c. cum eos optimo, eoque firmato Telescopio obseruarem,

Corollarium.

STante hæctenus dicta aeris assidua mutabilitate secundum instabiles configurationis modos, ac etiam secundum incertos densitatis minime vniformis gradus; velle obseruare, & sub normam aliquam redigere, refractiones radij solaris &c. quæ in aere fiunt: perinde est ac velle regulatè obseruare, simulque metiri eiusdem radij refractiones, quæ in maris turbida superficie fiunt, dum aliter, atque aliter nunc flatu, nunc fluctu agitante, in incertum versatur. Hoc verò si est impossibile; (vt puto ab omnibus iudicari) illud certè multò minis possibile est.

Primò quia longè maiores excitantur in aere fluctus, quàm in mari; cum sit aer longè mobiliior. Deinde quia in aere est insuper mutatio densitatis, qualis aquæ marinæ non ita facilè accidit. 3. Quia cum sint quodammodo sensibiles refractiones illæ, quæ in aqua fiunt, minis difficile erit distinguere id refractionis, quod densitati aquæ debetur, ab eo quod commotio vel addit, vel detrahit: è contrà verò, quia valde exiguæ sunt, & paucorum minutorum, ac ferè insensibiles aeris refractiones; longè difficilior erit distinguere id quod densitas aerea efficit, ab eo quod commotio. Præterea difficultatem ex parte aquæ minuit; quod aliàs, tranquilla aqua, vt in cubiculo perbene clauso, vbi nulli flant venti, relicto solum ad radij ingressum foramine; experimentum certum fieri potuit quantitatis refractionum in eadem aqua: è contrà verò ex parte aerearum refractionum, difficultatem auget quod nunquam factum est, aut fieri potuit, tranquillo aere, tale experimentum: cum nunquam sit imperturba-

ta densitas : quis enim aerem certò deprehendit fuisse aliquando ab omni prorsus tum ventorum agitatione , tum ebullitione vaporum liberum ; vt eo tempore potuerit ad rem certam experiri quantitatem imperturbatam refractionum , quæ quantitati densitatis aeræ præcisè respondet ?

Adde quòd cum sit ita insensibilis refractionum quantitas , quæ aeræ densitati præcisè respondere existimatur ; facile est vt prædicta commotio radium refractum , ad terminos irrefracti reducat , quatenus ex ea commotione contingere potest , vt ad radium incidentem perpendicularis sit ea pars aeræ superficiæ , in quam incidit ; quo posito non refringetur radius . Sicut è contra facile est , vt eadem commotio eandem superficiem in contrariam partem inclinet , & simul eò ducat radium refractum quò ipsum duceret si maior esset refractionis angulus : quia sic inclinando efficiet , vt maior sit angulus incidentiæ . Alioqui autem radium refractum , dicto modo reuera duci , ac reduci per aliquot minutulorum interuallum ; constat ex eo motu trepidulo antea dicto .

Propositio XXXV.

Quamuis per impossibile , aeri concedatur non tantum puritas vbiq̃ue similis & æqualis ; sed etiam figura perfectæ sphericæ , terræ concentrica , simulque constans , & nullis unquam perturbata vaporum inæqualibus nouisque ebullitionibus , aut flatibus ventorum ; adhuc tamen eius refractiones talem ob inæqualitatem frigoris perturbationem patientur ; vt idem radius pluribus contrarijs refractionibus nunc ad perpendicularem , nunc à perpendiculari refringatur .


QUæ præcedenti propos. dictæ sunt refractionum perturbationes , potissimum accidunt , ob aeris impuritatem non vbiq̃ue æqualem , & quodammodo etiam ob figuram , vt dictum est prop. 28 , identidem variatam . Nunc verò dico alias accidere iisdem refractionibus perturbationes , licet supponatur puritas aeris in tota eius sphaera , ac in omnibus partibus , æqualis cum sphaerica figura inuiolabili .

Sit YOB recta Horizontalis superficiem terræ KOM , cuius centrum A , tangens in O : & sit AOZ axis Horizontis . Incedat verò superficies refractionis per circuli maximi sphaeræ solaris arcum DPC ; simulque superficiem aeream perfectè (vt nunc condono) sphaericam , ita fecet vt circuli arcum in ea efficiat FGE circa A centrum tum dictæ Sphaeræ cœlestis , tum terræ KOM . Sit verò ex hypothesi totus aer inter EF , & KM interceptus , purissimus ; quantum sub æthere inter DC & FE contento , esse potest ; & quidem æqualiter , itaut æqualis vbiq̃ue sit vaporum omnino similitum

milium diffusio: caleſcat verò radijs ſolaribus idem aer ſub circulo FE, vſque ad KM. Et quia circa KM Solis radij plùs calefaciunt ob reflectionem, quàm prope FE, vbi non terminantur: calidiôr erit aer prope KM, quàm prope FE; eritque in toto ſpatio quod FE, & KM interioret, calor vniſormiter difformiter diffuſus; vt ſolent communiter propagari ſimiles qualitates. Cæterum vniſormem iſtam caloris in aere difformitatem, eò faciliùs ſupponere licet; quò ab extrinſeco, nèpe à Sole calorem hunc produci ſupponitur; ſiue aliàs in aere ſit calor, ſiue non quamvis omnino verius ſit (quidquid fruſtra reclament Peripateci) aerem natura eſſe frigidum, vtpote æthere, atque vaporibus natura frigidis conſtantem.

Ponatur itaque Sol in D puncto circuli DPC, & radius ab eius centro incidat in G punctum aerij circuli FGE; ducaturque per G perpendicularis AGP. Et quia ſub puncto incidentiæ Gaer denſior eſt, quàm ſit æther ſupra idem G; radius incidens DG per 43, 2 Vitell. frangetur ad perpendicularem AG; eritque inter eandem AG, & lineam incidentiæ productam DGR, radius refractus vt GI: & hic quidem per poſtul. 1. 4. huius in lineam rectam, vt GIH, propagaretur; ſi aer totus eſſet æqualiter in tota ſua ſphæra denſus: ſed quia ſupponimus calorem in illo vniſormiter quidem ſed difformiter diffuſum; propter caloris inæqualitatem; erit etiam (cùm cætera ſint paria) denſitatis inæqualitas.

Et quia, ex facta hypotheſi, quò
magis



magis ad KM acceditur, intensior est in aere calor, si fumamus in linea GH punctum aliquod I : erit sub I , & sub circulo TS ex centro A per I ducto, calor intensior, & consequenter raritas maior, seu densitas minor, quàm sit inter I , & G . Ducta itaque perpendiculari AIQ , radius GI frangetur in puncto I à perpendiculari per 45.2 Vitell. eritque refractus, verbi gratia, IL ; qui iterum per lineam ILN rectam propagaretur per idem postulatum, si æqualis esset in toto sub TS aere densitas; sed quia propter dictam difformem vniformitatem, eò minor est, quò propius acceditur ad KM : denuo radius in puncto, verbi gratia, L (quasi in L alia aerea Sphæra reliquis superioribus concentrica, sed minorem habens densitatem inciperet) frangetur à perpendiculari ALC ; eritque refractus, ut LO : & ita de alijs punctis: quia enim sub G seu sub FGE , ex facta hypothefi, non possunt descendendo versus KM , duo sumi puncta, in quibus sit densitas æqualis; sed in omnibus semper est minor, & minor: sequitur radium in singulis, per quæ transit, frangi similiter à perpendiculari. Quia verò prima refractione quæ facta est in G , erat ad perpendicularem, sequitur, ut fuit propositum, radium refringi contrarijs refractionibus nunc ad perpendicularem nunc à perpendiculari, licet aeri concedatur æqualis vbique puritas &c. Videantur sequentia Corollaria.

Corollarium 1.

Sequitur ex hic demonstratis contingere posse in facta hypothefi, ut radius vltimò refractus, prope terram, ut LO , ob aeris in eadem parte raritatem maximam, ita refringi à perpendiculari; ut producta refractionis linea OLV , per eam refractè Sol possit conspici prope, aut etiam in vero loco D ; quasi nulla facta fuisset refractione; nimirum secundis refractionibus à perpendiculari, compensantibus primam, quæ est ad perpendicularem.

Corollarium 2.

Addo rem fortasse miram, quæ tamen ex demonstratis sequitur, videlicet de radio DG , in æthere (quem sane inalterabilem esse nulla hactenus ratio satis probauit) idem seruata proportionem dicendum, quod de radio GIL , in aere: id est in æthere, suo modo fractum esse, sicut in aere. Cum enim Sol cum luce calorem, & cum calore raritatem à G versus KM descendendo producat vniformiter difformiter; producet similiter ab eodem G versus D ascendendo; ut nimirum in partibus ipsi D vicinioribus sit cum intensiori calore, raritas in æthere maior, & in partibus ab eodem D remotioribus versus G , sit raritas, sicut & calor, in æthere minor. Quia verò raritas minor, respectu maioris pro densitate habetur; sequetur radium, dum ex æthere rariore in minùs rarum ætherem penetrat, frangi

H

seruata

servata proportionē sicut si penetraret in densum ; & quidem frangi ad perpendicularē *per 43. 2. Vitell.*

Quo posito erit linea radiosa , inter duo extrema ætheris puncta D & G, curua ; quemadmodum inter duo extrema aeris puncta G, O, sed curvitatē ducto in contrariam partē sinu ; cū refractiones inter D, G, sint ad perpendicularē ; at verò inter G, O, à perpendiculari. Nisi fortè quis existimaret non esse inter singulas ætheris partes minùs , ac minùs raras, discrimen sufficiens ; ut ratione minoris illius raritatis radius è rariori in vicinissimam , & conterminam minùs quodammodo raram ingressus patiatur ab ea refractionem : eo quòd discrimen illud à solo intellectu notari, à sensu autem nullatenus deprehendi possit ; ac propterea videatur rem corpoream, atque sensibilem, qualis est lux, non posse ob tantulum illud discrimen , aliquid diversitatis in se ipsa pati ; atque adeo etiam videatur lux in uniuerso æthere per lineas rectas emitti, ac intra ipsum nullatenus frangi : quod idem à pari dici etiam posset intra aerem , supposita prædicta puritatis per totum æqualitate ; quo enim tenore sibi succedunt æthereæ partes in eadem linea descendendo, minùs ac minùs semper raræ ; eodem sibi succedunt aereæ , in eadem linea ascendendo, pari modo semper minùs , ac minùs raræ, in facta hypothēsi .

Sed huius rationis vim leuem admodum esse conuincitur, ex eo quòd cernimus in similibus , ut in Telescopij lentē , discrimen figuræ perfectæ à non perfecta ut plurimum à nullo quantumvis lynceo oculo posse deprehendi ; & tamen maximas visionis Dioptricæ differentias efficere . unde credibile sit lucem acie quavis humani sensus subtiliorem posse à prædictis raritatis , ac densitatis differentijs, quantumlibet insensibilibus, aliquid diversitatis etiam quodammodo sensibilis (quantò magis diversitatis insensibilis, qualem fateor esse istam siue in æthere , siue in aere) in sui diffusionē pati ; atque adeo arcuatim , & sinuosè protendi à supremo etiam cælo usque ad nos .

Certè verò , nisi hoc dicatur, pari ratione dici posset , sæpe nullam radij etiam ex æthere in aerem incidentis refractionem esse ; quia sæpe ætheris , ac ipsi contermini aeris discrimen aut est, aut esse potest insensibile ; si nimirum maxima sit in ea parte, aeris puritas ob vapores paucissimos, vel tenuissimos, ut contingere potest. Adeoque concedendum est vel nullam aliquando esse lucis ex æthere in aerem lapsæ refractionem propter dictum discrimen densitatis ac raritatis prorsus insensibile , & ferè nullum ; vel infinitas esse refractiones eiusdem lucis lapsæ ; tum ex aeris in aeris, tum ex æthereis in æthereas veluti Sphæras , propter id quòd in eis est discrimen densitatis , atque raritatis verum , ac minimè fictitium.

Corollarium 3.

Licet radij lucis suapte natura rectitudinem affectent, de facto tamen ob dictam diaphani tum ætherei, tum aerei densitatem continuè inæqualem, per lineas curuas emittuntur. Hoc autem posito instrumenta obseruandi maxima (quæ quidem cæteris paribus optima existimantur) refractiones quaslibet ostendent maiores, quàm minoribus instrumentis deprehendantur; idque propter radij curuitatem, quæ sicut locum habet in toto aeris, vt dictum est, globo; ita & in instrumento, quod in aere est. Verbi gratia, si tale sit instrumentum, & ita dispositum; vt vnius eius pinnaculum visorium sit in O & alterum in L, Sol ea obseruatione per lineam OL productam deprehendetur tanquam eleuatus in V. Si autem maius sit instrumentum, & primo pinnaculo existente in O alterum sit in I, Sol eo radio curuo OLI, deprehendetur tanquam eleuatus in X: quæ eleuatio, altera priori maior est. Contrarium verò accideret si refractiones omnes in aere sint ad perpendicularem, tunc enim Instrumenta maiora minorem ostenderent, minora maiorem, tum eleuationem, tum consequenter refractionem.

Ea itaque radij curuitas nouo titulo dubiam reddit cuiuslibet obseruationis fidem: quandoquidem eodem inuariato radio refracto, varijs instrumentis, licet alioqui optimis & exquisitissimis, varia & varia eleuatio inuenietur; si solum fuerint instrumenta magnitudine inæqualia. Adeo vt vel propter hoc solum nulla vnquam certitudo mathematica haberi posse videatur de quantitate refractionum: quantò magis cum incertum sit, an hæ refractiones prope terram sint à perpendiculari (quales sunt in hypothesis facta hac propositione) an verò ad perpendicularem (quales sunt quando aer in infimis densior est quàm in superis) hoc autem incertum esse necesse est quando fit obseruatio: cum (supposita etiam vt dictum est puritatis æqualitate) nulla certa lege constet aerem esse calidiorem prope terram; nam potest etiam esse multò magis frigidus, quàm sit eodem tempore in remotissimis à terra partibus, ob varios vapores à varijs ventis delatos.

Corollarium 4.

EX dictis constat, aliquod posse esse discrimen inter solares, ac lunares, ac etiam reliquorum Planetarum, nec non etiam fixarum stellarum refractiones; tum primò propter distantiam à terra maiorem, aut minorem (contrà quàm sentiat Keplerus *cap. 4. numero 6. prop. 4. suorum in Vitell. paralip.* sine dubio nihil cogitans de hætenus dicta radij in medio etiam æthereo refracti curvitate) ratione cuius cæteris paribus in diuersa distantia, diuersa necessariò est euariatio; tum secundò propter diuersam ætheris dispositionem: nam prope Solem calidus ac rarus est æther procul à Sole frigidus etiam naturaliter (vt antea iam insinuavi) aut saltem (vt omnino à nemine concedente eius alterabilitatem negari potest) minùs calidus, atque adeo minùs rarus: vbi autem diuersa est mediij diaphani raritas, diuersa est refractionis præsertim cum radius ex alijs, in alias æthereas Sphæras minimè concentricas permeat. Sphæra namque ætheris rarioris, & sensim sine sensu desinentis in minùs rarum, non terræ, non aeri, non denique cæteris æthereis Sphæris, sed Soli concentrica est: vnde stellarum radij, è frigido illo supremæ stellatæ Sphære contermino æthere, in inferiorem calidiorem, adeoque rariorem ætherem, qui vicinior Soli est, decedentes; & inde iterum in frigidam infimi à Sole remoti, proptereaque minùs rari ætheris regionem penetrantes, diuersas oppositas refractiones patientur etiam vno eodemque tempore; quamuis alio, cum scilicet Sol longiùs abest, frigore totum intermedium ætherem siue equaliter, siue vniformiter difformiter addensante, possit non tanta, vel non talis esse refractionum vnus radij varietas.

Et ista quidem, aliæque permulta, quæ nunc libens omitto, ne longior fiam, ex facta illa hypothesi consequuntur; quæ sine dubio quodlibet metiendis refractionibus impensum studium facile deludere possunt: ipsam verò hypothèsim, quatenus iuxta caloris, vt dictum est, & consequenter raritatis, difformiter vniformem diffusionem varias heterogeneas, tum in aere, tum in ætheræ Sphæras ponit; haud scio an rejicere queant qui (vt supra visum est) Sphæram æream perfectam, ac terræ concentricam inter hypothèses ponunt.

Ego certè quod ad rei veritatem attinet, neque hanc, neque illam hypothèsim recipio: nam licet speculatiuè Sphæram æream, seu vnica homogeneam, seu verius plures, vt vnā ab FGE vsque ad TIS; & aliam ab TI S vsque in ÆLZ, ac tertiam ab ÆLZ vsque in KOM, aliasque inter eas medias infinitas heterogeneas; nec non & alias superiores æthereas inter FGE, & DPC; ac supra DPC pari modo heterogeneas tum concentricas terræ, tum Soli concentricas, cum illa, quam dixi, difformi vniformitate densitatis, aut raritatis, cogitare possimus quasi perfectas, & ad amissum mathematicam exploratas: tamen nemo est, qui non statim iudicet rem esse

esse naturaliter prorsus impossibile; & saltem evidens est id esse fortuitum, & omnino nullam habere permanendi constantiam ex dictis propositione 25, 28, &c.

Quod si quis aliam quasi mediam viam tentare voluerit, & Sphæras tum aereas, tum æthereas supponat neque omnino mathematicè perfectas, neque etiam omnino corruptas; item neque dicto modo uniformiter heterogeneas, neque etiam prorsus homogeneas; sed alium quendam habentes medium statum ex utroque extremo participantem; tum secundum figuram, tum secundum raritatem, ac densitatem (quod sane longè verisimilius est) adhuc tamen multò plura, ac maiora se se obijcient impedimenta optantibus refractiones metiri. Nam facta ea hypothesi evidens est contingere posse, ut radius refractus, si non totaliter est curvus, neque rectus totaliter; mixtus sit ex recto & curvo. Item ut aliquando sit totus, aliquando solum secundum partem aliquam sui, extra Verticalem circulum, in quo est reuera Sol. Item ut aliquando partim ad perpendicularem, & partim à perpendiculari refractus undatim emittatur (eo scilicet modo quo solent à Pictoribus fulgurum euibrationes, inter disruptas nubes, longo sinuoso tractu exprimi) propter medijs diaphani vna sui parte rari, altera mox rarioris; ac iterum alia minùs rari; ac denique Sphæras non concentricas habentis inæqualitatem.

Quidquid sit, cum tot sint possibiles adeo varij, & prorsus fortuiti aerearum refractionum modi, etiam seclusis vaporibus, qui temerè per aera, vagantur; haud scio qualem earum mensores, & quàm certum, atque constantem optatæ mensuræ modum adinuenire possint; ut eo scilicet inuento certiore, quàm nunc sit, tum Astronomiam, tum Horographiam habeamus. In sequentibus autem videbimus, an absolute modum illum qualemcunque adinuenire valeant.

Propositio XXXVI.

Horologiorum Gnomonica delineationi, vel vsui nihil affert utilitatis observatio refractionum lucis incidentis ex æthere in aerem.

VT evidenter fiat ista propositio, distinguo breuiter duplicem quasi modum Horographiæ Gnomoniæ, sicut & distinguere quivis potest in cuiuscunque generis Instrumentis mechanicis. Primò enim quædam sunt, vel communiter sunt horologia solaria, in quibus, utpote in vsu vulgi deputatis; sufficit mediocri diligentia, observasse ea, quæ necessaria sunt ad indicandam horam vulgarem, aliaque eiusmodi. Cum autem non querat vulgus mathematicos terminos quibus horæ, aliaque

similia complentur; non curat etiam Horographus in eo opere geometricam illam subtilitatem, quæ etiam indivisibilia rimatur; sed solum moralem confert diligentiam, quæ morali optatæ horarum fidei sufficiat; Si errorem valde sensibilem nullum admittat. 2. Alia condi possunt melioris notæ horologia, quibus delineandis, non sedos solum errores caueat Horographus, sed etiam quemlibet minutissimum à quovis peritissimo; perspicacissimoque censure notandum, prorsus denitet;

Dico igitur inutilem esse ac vanam dictarum refractionum in opere Gnomonico observationem, seu quis horologia quarat solum vulgaria; seu velit exquisitissima, quantum humana mentis, manusque solertia perfici possunt.

Prima hæc fit ratio in vulgari Horographia: quia in hac non admodum religiosè servantur eæ leges, quæ & plurimum difficultatis, & parum utilitatis habent. Lex autem observandarum huiusmodi refractionum, quam parum utilis sit, & ex dictis hætenus constat, & magis constabit ex dicendis; quantam verò inuocat operationis molestiam, inde constat quod linearæ horariæ, aliæque similes ferè omnes, quæ circulos in sphaera maximos referunt (sicut illæ quæ minores representant) si legibus refractionum lucis in aere astringantur, erunt sectiones, non quidem conicæ, sed quasi conicæ; ideoque conicis longè difficiliores; quia circuli refracti, dum amittunt suorum planorum æqualitatem, uniformem sectionis conicæ flexum non obtinent; sed alium multiformem, eumque non parum irregularem, *vt libro 4* ostendam cum de Sphaera Dioptrica erigenda. Si igitur difficillima est, & molestissima cuiuslibet conicæ sectionis in plano delineatio (vt ipsa probat experientia) cogitare cuius licet quantum molestiæ insit delineandæ sectioni, quæ & à rectitudine deflectit, & uniformem sectionis conicæ flexum (qualem, verbi gratia, explicuimus *prop. 20. huius*) non observat.

Secunda ratio fit. Quia sectiones in plano siue conicæ, siue aliæ quæcunque non possunt designari lineis nisi sensibilibus, & latitudinem quandam habentibus; vmbraque in eas non cadunt nisi sensibiles, & lata: ea, verò tum linearum, tum vmbraarum latitudo, vt plurimum, & in horologijs ad vulgi vsus deputatis, est satis notabilis ac propterea in ea absorbetur quidquid intercedere potest discrepantiæ, ob refractiones. Cuius enim vel Lyncei oculi in exigua longitudine styli, & magna linearum simulque indicantis vmbra latitudine, novent minutula illa prima, & multò minùs secunda, quibus vmbra medium punctum indivisibile, lineam horariam indivisibilem (quantumvis mathematicè, seclusis refractionibus, veracem) intelligitur præterire ob refractiones, quæ tam exiguæ sunt; vt eas vel ipse Tycho, suis illis ingentibus, exquisitissimisque Instrumentorum machinis assequi non potuerit, nisi cum sensibili inter earum differentias inæqualitate; quæ (vt Keplerus ipse fatetur *cap. 4. prop. 9. paralip.*) in nullo ordinato locum habere potest, seu cuiuscunque alterius rei ordinatæ naturam imitetur.

Alteram.

Alteram partem propositionis, quæ in Horographia accuratissima ver-
satur, facile probo. Nam & si quis magno animo, & magna ingenij vi
molestiam difficillimæ delineationis superius dictam deuoraturus conten-
deret, lineas illas obliquas, ne dicam ambiguas, quantumlibet difficiles,
subtilissimis capillaceis ductibus designare: hæere tamen eum in medio
conatu necesse foret; donec certò nosset, quæ vel quò eas dirigeret; quod
quidem nisi certò cognita earum refractionum quantitate scire nequit;
eam vero quantitatem, nisi certæ, & fidelissimæ experientiæ demonstrent;
ingenij vis nulla assequetur. Cum autem, sicut in præcedentibus visum
est, in hoc refractionum negotio maxima sit inconstantia, & consequen-
ter incertitudo; quomodo se geret in ea incertitudine diligentissimus quis-
que Horographus; dum in sua delineatione differentias refractionum lu-
cis in aere factarum, vel addere, vel subtrahere peroptabit? is credo vel
hærebit anceps (nā temerè agat); & lineam nullam ducet; vel omnino mi-
nutias illas suo in opere contemnet. Nihil igitur utilitatis ex earum refrac-
tionum obseruatione obuenit ipsi etiam accuratissimæ Horographiæ; ut fuit
propositum.

Sed hoc idem ex eo, præter hætenus dicta, euidentius constat; quod
ut *propof. 25. & 28.* ostensum est, non vna est constans, & inuariata, ac
vbique, aut semper eadem aeris refringentis siue figura, siue densitas: ex
hoc autem manifestius sequitur oleum prorsus, & operam perdere eum,
qui in negotio Horographico constantem aliquam, & mathematicæ fidei
regulam quærit obseruandam, quoad refractiones lucis in aere, siue ad-
dendas, siue detrahendas; nisi fortè iam ipse legem posuerit enumeratis,
adeo inconstantibus refractionum causis; easque ad vnā aliquam certif-
simam, constantissimam refractiue virtutis mensuram redegerit; aut cer-
tè modum adinuenerit; quo vel arceatur ab aere illa tanta, ac tam incer-
ta impressionum inæqualitas; vel cum hac ipsa inæqualitate conseruetur in
eodem aere, vna eademque inuariata addensationis, & attenuationis æqua-
bilitas; aut denique nisi diuinans quales, & quantæ futuræ sint quolibet
dato die refractiones, singula in singulos dies horaria disponat: eum enim
hodiernæ refractiones, non sint hesternis omnino similes (ut fat constat ex
inæquali quotidiana aeris temperie, antea dicta) non poterunt hesterno
horario hodiernæ horæ, sine errore (quantuluscunque sit error) cognosci,
sicut neque crastinæ hodierno ob eandem rationem.

Addo vnum, quod mihi, non sine magna ratione, dici posse videtur,
præsertim perperis ijs quæ hætenus dicta sunt. Fateatur harum refrac-
tionum assertores, in magna Solis eleuatione non refringi radium: Ty-
cho non agnoscit refractionem supra gradum 45; alij etiam in multò in-
feriori non agnoscunt; & ratio solum esse potest: quia obliquitas incidentiæ
aut nulla est, aut ita est exigua, ut nullo etiam ex arce Tychonica, instru-
mento deprehendi possit. Deinde iam ostensum est fluxam esse, & ad fla-
tus etiam tenuissimi placitum, mobilem, & mutabilem aeris superficiem:

nec

nec certum esse quòd ea sit verè terræ concentrica; secluso etiam omni ventorum statu.

His autem ita se habentibus, manifestum videtur posse contingere, vt vbi aliquando deprehensa est refraction maxima, vt prope Horizontem, ibidem aliàs aut nulla sit, aut minima sit; è contrà verò vbi minima, aut nulla, vt prope verticem, deprehensa est, maxima sit. Contingere enim potest, vt prope Horizontem superficies vapida ita disponatur, vt radiorum in ipsam incidentia sit vel omnino, vel ferè perpendicularis, sicut prope verticem: & è contrà prope verticem ita disponatur, vt maximè obliqua sit incidentia: quid ni enim?

Itaque si quis religiosius vellet in horographica delineatione, refractionū euariationes obseruare; deberet horis matutinis, & vespertinis, & meridianis, refractorias eleuationes nunc addere, nunc detrahare, nunc minuere, nunc augere; cuius additamenti, vel augmenti, siue subductionis aut imminutionis tota regula foret, aeristum secundum figuram, situm, amplitudinem &c. tum secundum qualitates alteratiuas, dispositio; eo sibi semper constans, quod sibi nunquam constet: quare nec sibi constaret religiosa adeo Horographia; vnde nec admittendæ eius leges. Igitur, Horologiorum Gnomonicæ delineationi &c. Quod fuit propositum.


Propositio XXXVII.

*Nullò hætenus inuento instrumenti Thermoscopi genere
acquiri posse notitiã certam æqualitatis, vel inæ-
qualitatis Astronomicarum refractionum quas
diuersis diebus, vel etiam horis eiusdem
diei in aere lux patitur.*

DVo tantum, quod sciam, Thermoscopa instrumenta hætenus inuēta sunt, de quibus aliquid dicendum mihi est, priusquam ad demonstrationem propositionis deueniam.

Commune Thermoscopiū, quo varij gradus caloris, ac frigoris cognoscuntur; constat vitreo globo, vt A B; qui mox definit in tubum oblongum ac teretem vt B D: & huius quidem pars aliquantula, in imo vt G D, aquæ immergitur contentæ in vase vt E F: reliquus vero tubus ab G vsque in B diuiditur in varios quasi gradus, duplici ordine numerorum, quibus distinguitur caloris, descendendo, & frigoris ascendendo, quantitas; nam aer intus inclusus ad quasilibet caloris, aut frigoris in externo aere, vel alio globum A B ambiente corpore, mutationes, alteratur, & calore quidem rarefcit, frigore autem densatur: vnde quia densatus minorem locum occupat, rarefactus autem ampliorem petit; fit vt frigore constringente, se





se intra globum AB, recipiat; ac ne interim vacuus maneat tubus BG, aqua subingreditur (urgente arcana naturæ) & in vi locum ab aere derelictum succedit: è contrà verò calore laxante distenditur idem aer, eique in tubum BG se diffundenti cedit spatij aqua, & subsidit, simul indicans descensu vim caloris, sicut ascensu vim frigoris.

Alterum est Thermoscopi instrumenti genus, quod nouo ingenioso inuento, humiditatis, ac siccitatis variam in aere temperiem ostendit: cui si placet nomen aptemus Hygroskopium ab humiditate; quemadmodum Thermoscopia à calore nomen inditum est. Habet verò Hygroskopium instar horarij mechanici versatilem indicem vt QR; qui intra pyxidem IK, crystallo coopertus quolibet in externo ambiente aere contingentes humiditatis mutationes, etiam minimas conuersione sui commonstrat in circulo intus circa P centrum descripto, ac in gradus 8, eorumque minuta diuiso. Vertitur autem idem index perurgente arcana vi organi, cui cera tenaci autaliter copulatur: organi inquam non certè chalybei, vel ænei, siue alterius artefacti; sed ipsius Naturæ ingenio compacti; vilissimi quidem in speciem, sed cui, quemadmodum, & alijs cunctis Naturæ operibus, plurimum inest admirationis.

Nota est eius generis Auena, quæ passim sponte nascitur: huic è gluma eminet longa Arista lignosa, recurua; cuius pars superior directæ, & aspera acuminata est; inferior verò, geminis velut staminibus in se ipsa conuolutis, replicata ac tortilis, multiplicem spiram, ad leuissimum humidulæ auræ appulsum, resolutis sensim voluminibus explicat; replicat verò iterum, & retorquet affluente spiritu ficciori. Huius aristulæ obtortæ meminit Io: Baptista Porta l. 2. *Mag. Nat. in fine capitis* 14. vbi & refert, quod alias ipse vidi à ludentibus pueris agitatum; videlicet huic Aristæ copulatas cera tenaci geminas chartulas ex aduerso dispositas, nunc erigi, nunc deprimi; & modo in hanc, modo in illam partem versari; (diceres exercere luctam) similiterque nummum (vt ille ait) styli acie volitare.

Itaque indici QR cerca tenaci copulatur sub vmbone V, tortilis Arista, ac inde per foramen, quod in P centro pyxidis modicè pater, recta ducitur iterum copulanda seu filo serico tenuissimo colliganda in O, vt inibi firma hæreat: vt autem prædicti indicis motus fiat magis sensibilis (si quis id ita esse optauerit) poterunt duæ, vel tres, quatuorue Aristulæ, in vnum secundum lineam rectam copulari; illæ enim ita multiplicatæ, cæteris paribus, motum indicis velociorem, & promptiorem efficient: singulæ enim suas in commune vires conferent: ad cuius rei exemplum cernis geminas ex V, ex & ductas Aristulas in vno puncto O inuicem colligatas: quo casu firma esse debet & immobilis ima pars in a.

Curauì autem incidi specimen Aristæ sicuti cernitur adhibito Microscopio; nam alias ita exigua est, vt vix acutissimi oculi, in ea percipiant sinuosam dictorum staminum complicationem; vnde necesse fuit exploratore, illo lynceo vti, ad peruidendos minutissimos aculeos, quibus flaua superior

pars

pars tota horret, geminamque in ea striam; tum etiam villos albos, quibus pars inferior nigricans integitur &c.

M M pars Aristæ superior creberrimis aspera aculeis, figuræ quadrangularis, sed retusis angulis; cuius duo opposita latera striam habent perpetuam.

S S Aristulæ inferioris villosæ, & in sinus conuolutæ particula.

X Glumæ particula, cui Aristæ adnata est.

T Aristulæ solutis sinubus explicatæ particula.

Y Aristulæ superioris cæsura, in diametro habens venulam nigram, quæ in utramque supradictam striam definit.

Cæterùm licet puerorum lusibus, atque etiam Circulatorum, hæc olim Aristula feruerit: eius tamen ita dissectæ curiosiorem disquisitionem putavi non fore iniucundam curioso, ac sapienti Lectori recolenti in primis illam dudum felici inuento, à puerilibus, ac iocularibus vindicatam, ad feriam verò, atque Philosophicam translatam.

Ne verò quod alienæ est gloriæ, vanus ipse, & ingratus, mihi arrogare videar: præclari huius inuenti notitiam primam acceptam refero Serenissimo eidemque sapientissimo *Principi Ioanni Carolo Cardinali Medices*, qui Romæ cum aliquoties me pro sua singulari quidem, sed *Mediceæ* ingenua Genti humanitate ad familiarissima colloquia adhibuisset istud mihi, plurimæque alia diuersi generis; noui pariter inuenti, non minùs iucunda, & admiranda instrumenta spectanda præbuit. Agnoui tunc euidentiùs, & felici, quamuis in re parua, experimento comprobaui, quod clara vbique fama vulgatum iamdiu noueram, *Florentiæ* non modò florere cum cæteris Virtutibus *Sapientiam*; sed & abundè cumulata iam esse Platonis vota, dum ad Orbis miraculum feliciter in Aula Hetruriæ & *Sapiunt Principes, & Imperant Sapientes.*

His præmissis de utroque instrumento ad aereas affectiones obseruandas accommodato: venio nunc ad propositum. Putauere aliqui, vt Bettinus supra in præfatione relatus, modum certissimum se inuenisse cognoscendi saltem æqualitatem, vel inæqualitatem, quæ est inter duas aliquas aereas refractiones diuerso tempore factas: hic autem modus in eo consistit, vt certò cognoscatur æqualitas, vel inæqualitas densitatis, quæ in aere est utroque illo tempore: ipsam autem densitatem Thermoscopio metiuntur. At non sufficit Thermoscopium; Nam non sola caloris immutatione variatur aeris densitas, sed etiam accessu, vel recessu vaporum per 23. prop. Vapores autem prout sunt ipsi densiores, maiorem afferunt aeri densitatem, etiam sub eadem caloris, aut frigoris inuariata temperie; imò aliquando maior est densitas sub remissiori frigoris gradu per 24. huius.

Constat verò aerem vitreo Thermoscopio inclusum, immunem esse à circumstantis, in proximo externo aere, vaporis humidioris, vel alterius halitus siccioris admixtione, ac non aliter ab ijs pati immutationem raritatis

tatis, aut densitatis; nisi quatenus ab iisdem recipit plus caloris, aut frigoris; quam ante haberet. Igitur ad cognoscendam eam densitatis mutationem, quæ aduentu vaporum densiorum, vel recessu in aere fit; minimè idoneum est Thermoscopij indicium. Ergo nec valet ad eam æqualitatem, vel inæqualitatem refractionum discernendam, quæ pendet ab aeris æquali, vel inæquali densitate.

Reiecta Thermoscopij fide, utpotè in isto negotio minùs sufficiente, posset fortasse alicui in mentem venire adiungendum esse Thermoscopio Hygroscopium; ut ex isto suppleatur, quod illi deest; habeaturque vtriusque consortio integra mutationum aeræ densitatis notitia. Attamen licet vtriusque simul instrummenti fide comprobari possint mutationes densitatis, quæ aeri proximè circumfuso accidunt; non tamen illæ cognosci possunt, quæ fiunt in suprema aeris conuexitate; quarum tamen potissimum querenda esset in hoc negotio notitia; cum in ea parte fiant refractiones: constat autem ex 25 *propositis* totam aeris vapidi regionem vastissimam non æqualiter in singulis partibus supremis, imis, ac medijs affici: & aliunde certum est instrumenta hæc nostra à sola vicini ambientis aeris temperie alterari posse; cum in ea vel prorsus non agant partes remotissimæ, vel certè non nisi priùs egerint in medias; & similiter mediæ, nisi prius egerint in imas; quæ scilicet Thermoscopium, vel Hygroscopium ambiunt.

Igitur Instrumenta ista minimè sufficiunt, siue seorsim, siue coniunctim, ad certò demonstrandam æqualitatem illam, vel inæqualitatem, quæ Astronomicis refractionibus accidit, cæteris paribus, ob inæqualitatem, vel æqualitatem densitatis aeris.

Certè verò multò minùs sufficient ad eam demonstrandam æqualitatem, vel inæqualitatem, quæ non ex densitate vel raritate; sed ex æquali, vel inæquali, siue simili, aut diutimili medij refringentis configuratione oritur: ex huius enim diuersitate efficitur in refractionibus non minima diuersitas, ut intelligitur ex demonstratis *prop. 29*. In vno autem diaphano præsertim fluido non est necesse, ut similis sit figura, quoties æqualis est densitas; ut patet in mari cuius densitate inuariata, infinitis fluctuum modis corrumpitur perfecta Sphærica figura: ita & in aere à fortiori cum sit mobilior. Cum itaque certum sit de figura aeris nihil posse Thermoscopio, vel Hygroscopio deprehendi; sequitur neque posse etiam aliquid certò cognosci de æqualitate, vel inæqualitate refractionis; quantumuis cognosceretur aliquid de æqualitate densitatis. Igitur nullo hæctenus inuento &c. quod fuit &c.

Propositio XXXVIII.

Nulla certo argumento constare quanta sit aeris convexæ superficiei refringentis elevatio eo tempore ; quo refractionum observatio aliqua fit.

Quanta sit superficiei supremæ aeris distantia à terra, necesse est ignorari, donec id ipsum signo aliquo sensibili minimè fallaci compertum fuerit. Signum verò sensibile nullum est hætenus inuentum ; nisi lucis alicuius ad nos reflexio facta à vaporibus, alijsue halitibus ; hi enim vapores ipsa luce, quam reflectunt, fiunt visibiles ; & ex eorum altitudine, aeris altitudo colligitur : siquidem ex supradictis aer ab æthere non nisi per admixtos vapores, vel exhalationes distinguitur. Ita Alhaz. lib. de Crepusculis prop. 6 ex ipsis Crepusculis colligit vaporum altitudinem, passuum 52000, similiterque Vitell. lib. 10 prop. 60 : Alij ex Cometis, seu similibus Meteoricis impressionibus idem colligere tentant.

Sed licet hoc signum sensibile (& quidem vnicum) omnes habeant, lucis, vt dixi, reflexæ ; non tamen ipsum caret fallacia : cum enim hac in re discordes sint Astronomorum ex eodem signo collectæ sententiæ ; constat vel omnes deceptos fuisse eo signo, vel aliquos : fallax ergo est illud signum. Keplerus cap. 8 paralip. ad Vitell. ponit 12 miliarum Germanicorum altitudinem ; quæ longè abest à supradictis 52000 passibus : alij ponunt 13, alij 15, alij plura millia : alij extendunt usque ad Lunæ concavum.

Quid quod neque conveniunt de altitudine secundum numerum graduum in circulo Verticali, quæ tamen mensura longè facilior est, quam illa prædicta, quæ est secundum distantiam à terra in linea per centrum transeunte : Tycho enim vespertini Crepusculi mensuram reperit grad. 17 in circulo Verticali ; Rothmannus, verò eius æmulus grad. 24. At (si qua meis etiam fides observationibus.) ego neque hanc, neque illam comperi, neque semper eandem. Quæ ergo est hac in re certitudo dicti signi ?

Certè verò supra altitudinem eius materiæ quæ solitam Crepuscularem nobis accendit facem, visæ sunt aliquando intèpsta nocte nubeculæ splendide ferè circa Verticem : & cum (vt est observatum) à Luna tunc lucem recipere non possent ; eam à Sole necessario accipiebant : oportuit verò vt umbræ terreæ pyramidem superarent ; quod non poterant nisi in altitudine multò maiori, quam sit Crepuscularium vaporum solita altitudo : alioqui Crepuscula in summam noctem communiter durarent, etiam vbi est exigua poli elevatio.

Quod adduxi de hac nubecula, memini me observasse cum essem Tolo-

ſe iam ante annos viginti ſeptem ; ſiquidem nocte quadam ſerena , ab hora vndecima poſt meridiem , vſque ad ipſas mediæ noctis vigilias , menſe Auguſto , Luna exiſtente ſub Horizonte , ſpectavi in quarta Septentrionali ſub Meridiano ſerè vſque ad Zenith diffuſam nubeculam adeo fulgidam , vt ſpendoris radios , ſicut Aurora per fenestræ rimas immitteret : at cum poſt matutinas horas perſolutas , rediſſem cum inſtrumento obſeruaturus , penitus non apparuit nubes illa ſplendida ; fortè enim diſſipata , vel terræ umbram ſubingreſſa fuerat .

Simile quid apud Sabinos ſe ante 8 annos accuratè obſeruafſe , mihi nuper affirmabat Vir eximius Michael Angelus Riccius , cuius ego auctoritatem eò pluris facio , quò maximam ille iamdiu obtinuit , ſingularis eruditionis laude ; quæ non ſolùm hic in patria , totaque Italia ſed etiam in Gallia , Germaniaque commendatur apud rerum Geometricarum , nec non in primis Algebricarum , ac totius Matheſis peritiſſimos quoſque , qui etiam auidè expectant egregias ipſius lucubrationes , quamprimùm , Deo fauente , luci , & vtilitati publicæ comittendas .

Cùm itaque (vt ad propoſitum redeam) res ita ſe habeat , vt incerta ſit altitudo eorum vaporum , qui Sole ſub Horizonte depreſſo , ab eodem illuſtrati cernuntur ſupra ipſum Horizontem ; euidentis eſt nullum , eorum indicio colligi poſſe terminum certum altitudinis aeris ; eius inquam altitudinis , ad quam idem aer ſupra noſtrum hemiſphærium attollitur , Sole in alio hemiſphærio exiſtente . Ex quo infero , multo minùs inde colligi poſſe quam habeat aer altitudinem Sole illuſtrante , & caleſcènte noſtrum hemiſphærium : Si quidem ex dictis *prop. 26* , & *28* , conſtare poteſt non eandem eſſe noctu , ac interdiu , neque integro vnius diei ſpatio inuariatam permanere aeris altitudinem . Igitur ſiue noctu refractionis radij ſtellarum , Lunæ &c. ſiue Solis interdiu obſeruatio fiat , lucis Crepuſcularis vel nocturnæ , vt dictum eſt , indicio non ſatis perſpectum eſſe poteſt , quæ ſit geometricè altitudo aeris eo tempore quo ſit obſeruatio .

Aliud verò nullum habemus dictæ altitudinis indicium ; niſi fortè quis putet poſſe eam ex altitudine nubium colligi : ſed quis non videt quàm hoc ſit fallax ? nam in primis quis nouit nubes eſſe in ſuprema aeris parte , in confinijſ æthereis ; itaut ſupra illas nihil aeris ſuperſit ? deinde non eſt vnus fixus , ac ſemper idem inuariatus eleuationis nubium terminus , vt ſat conſtat euidenti experientia ; & quamuis foret aliquis huiusmodi terminus ; quibus quæſo inſtrumentis geometricis metiemur hanc nubium à terra diſtantiã ? certè verò ſat experimur inſtrumenta illa metiendi , in exiguis etiam centenum paſſuum interualliſ , eſſe vt plurimum Inſtrumenta mentiendi . Quid ergo futurum eſt in interuallo 12 , 13 , 15 , vel etiam 52 miliariorum ? Itaque non eſt vnde certi eſſe poſſimus geometricè , quanta ſit ſuperficiæ aeris diſtantiã à terra eo tempore quo ſidereæ lucis refractiones obſeruare voluerimus . Quod fuit propoſitum .

cùm nulla alia suppetant media, sequitur ad cognoscendam anguli refractionis quantitatem, priùs necesse esse cognoscere, an punctum refractionis sit potius in hoc, quàm in illo puncto lineæ refractionis; ut an sit potius in E, quàm in I.

Et quia hoc cognosci non potest, nisi sciatur an superficies aeris transeat per E, potius quàm per I; siquidem punctum refractionis est in superficie refringente, quæ est aeris: sequitur quantitatem anguli refractionis cognosci nullatenus posse, nisi priùs cognoscatur vtrum superficies aeris à terra eleuetur vsque in KEL, ut transeat per E; vel solum vsque in MIN, ut incedat per I. Igitur refractionis quam in &c. ut fuit propositum.

Propositio XXXX.

Nullum nobis suppetere sufficiens medium, quo certò cognosci possit quantitas anguli refractionis, quam in aere siderea lux patitur.

Quæcunque adsint media, & Instrumenta cognoscendi, si solum ignoretur, quantum à terra attollatur superficies aeris refringens; quantitas dicti anguli cognosci non potest per *propof. præcedentem*: at per 38 nullo, certo argumento constat quanta sit dictæ superficiæ eleuatio à terra. Igitur &c.

Scholium.

Quod in præcedenti propositiõne & alijs dixi de quantitate anguli refractionis, duobus modis potest intelligi, primò fumendo angulum refractionis geometricè iuxta definit. 10, 10 Vitell. pro inclinatione lineæ refractionis ad lineam incidentiæ, ut est angulus FEG, vel FII *H prop. 39*: & hoc sensu puto demonstratum esse, anguli refractionis quantitatem non esse à nobis cognoscibilem naturali vlla ratione; itaut vi illius certus esse quis possit, certitudine præsertim mathematica, angulum huiusmodi in propofita Solis, vel alterius fideris distantia à Zenith, esse tot, vel tot graduum.

Sed quia sensus ille non admodum facere videtur ad res Astronomicas; vbi non tam quaritur quanta sit geometricè inclinatio radij refracti ad lineam incidentiæ, in data fideris à Zenith distantia: quàm quanta sit visus, propter radij refractionem, aberratio: quod quidem nosse, in Astronomicis maximè est necessarium: illud autem vix aliquam habet vtilitatem. Ideo in sequentibus videbitur an fumendo refractionem pro aberratione, seu deuiatione visus, veluti causam pro effectu; maior aliqua certitudo haberi possit à nobis quantitatis refractionis in isto sensu quàm in illo primo.

ma linea omnium, quæ in cæli superficie spherica duci possunt à puncto C in R.

Ponatur itaque fieri loci Solis in prædicto circulo obseruationem per refractum G E; & in ea obseruatione inuestigari quantitatem refractionis, seu iuxta præcedens Scholium, quantum aberret visus, dum refractè Solem. conspicit in R; seu quod idem est quanta sit distantia puncti C à puncto R.

Dico huiusmodi obseruatione id cognosci non posse, nisi ex præsupposita notitia certa aliunde acquisita loci veri C. Quia enim radius hic refractus in Astronomica obseruatione per quodcunque Instrumentum facta ita ostendit sui ipsius inclinationem ad Horizontem B A, & ea mediante inspecti sideris fallacem, ac solum apparentem eleuationem B R; vt tamen minimè ostendat, vel ostendere possit se solo, quantum ipse inclinetur ad perpendicularem A D; vel quantum declinet ab incidentiæ linea intra aerem producta E F: inde fit vt nullum ex parte dicti refracti radij suppetat medium, quo possit eius quantitas refractionis cognosci, nisi inclinatio illa iam dicta ipsius ad Horizontem, & ex ea resultans apparentia fallacis eleuationis Solis, quem solum eius effectum nobis cognitum habemus. At eleuationis apparentia fallax non aliter potest esse medium cognoscendi quantitatem fallaciæ, seu erroris ex refractione prouenientis, nisi quatenus coniuncta erit cum notitia aliunde acquisita veræ eleuationis; hac enim mediante concludetur quantum à vero aberratum fuerit; & si hæc lateat, impossibile est distinctè cognoscere quantum aberratum fuerit, seu quantum à vero absit ea apparentia.

Sicut enim omnino deprehensum non est refringi reuera sideream lucem in aere, & sui refractione visum in errorem inducere; nisi ex eo quod Solis locus per Instrumenta mediante lucis radio obseruatus, repertus est diuersus ab eo in quo verè Solem esse, aliunde certò constabat (hoc modo *Alhazen. lib. 7. prop. 15. & 16, Vitell. lib. 10. propof. 49, & 50*, cæterique omnes deprehenderunt, nec alio vnquam deprehendissent; quia errorem subesse visui nunquam aliter suspicati fuissent) Ita deprehendi non potest quanta sit refractionis, seu quantum faciat radius à veri loci puncto C aberrare, dum apparentis loci punctum signat R; nisi priùs aliunde, nempe ex aliquo à refractionibus immuni principio cognoscatur ipsum loci veri punctum C, à quo facit aberrare. Ergo ad refractionis quantitatem cognoscendam obseruatione, quæ radio solari refracto fit; necesse est cognoscere priùs locum Solis verum. Idem autem seruata proportionem dicendum est de alijs aliorum siderum radijs, & obseruationibus. Igitur nulla per radium refractum facta obseruatione Astronomica potest cognosci quantitas &c. Quod fuit &c.

Corollarium :

Vice versa ob rationis paritatem non potest indicio solum radij refracti, ex loco apparente R cognito, colligi verus C; nisi prius cognita refractionis quantitate, seu nisi prius cognoscatur quantum ille radius faciat aberrare.

Propositio XXXII.

Non potest una, & eadem per radium refractum facta observatione Astronomica cognosci quis sit verus Astri locus, & simul quanta sit refractionis quantitas posito quòd utrumque pariter lateat.

Q Via vel cognosceretur immediatè alterum per alterum reciprocè; & hoc est impossibile; sic enim cognosceretur ignotum per æquè ignotum: vel cognoscerentur ambo, vel saltem vnum ex illis, per aliquod tertium prius cognitum; & de hoc tertio quæro, an fuerit cognitum observatione facta per radium refractum, vel facta per irrefractum: at primò nullus ad nos pervenit irrefractus; ergo non per irrefractum. ergo &c. 2. si per refractum facta observatione, redit argumentum *propositionis precedentis, & Corollarij.*

Tycho pro illo tertio prius cognito supponit cognitam horam, cognitam elevationem Poli &c. At neque Poli altitudo, neque hora secundum minuta & secunda, quæ præcisè est nunc, verbi gratia, quando sit observatio, cognosci potest, vel potuit nisi mediante radio Solis, vel alterius sideris: cum autem hic radius non fuerit nisi refractus; de eo, ut dixi, redit difficultas. Sciò aliquos, ut Bettinum *Apiar.* 8, qui ut hanc difficultatem superent, prius indicio, & fide Thermoscopij emendatam à refractionibus lineam Meridianam designant; & cum è Gnomone umbra in eam ceciderit; horarium mechanicum fidelissimum; emendatissimum ad horam eandem meridianam componunt: ac eo deinde tanquam iustissima, certissimaque temporum mensura, se putant horas earumque minutula posse indubitanter metiri.

Sed 1. iam supra in dubium meritò vocata est Thermoscopij fides *prop.* 37. deinde constat per 32, non posse radio refracto cognosci Verticalem Solis; cum contingere possit, ut Sol in vno sit Verticali, & in alio appareat per refractionem: quod autem dicitur de Verticali, æquè dici potest de Meridiano circulo, qui est pariter Verticalis. Ex hoc autem sequitur contingere posse, ut in lineam Meridianam mendosam umbra cadat Sole renera in Meridiano existente; & è contrà non existente, cadat in emenda-

tam

ram, & veracem; siue eam ex emendantis diligentia singulari, siue casu veracem esse contigerit. Itaque non omnino fida est, licet ingeniosa videatur ea cautio.

Denique licet concederetur ea cautione fuisse utcumque superatam, difficultatem illam horæ; superest difficultas altitudinis Poli, quam nec Thermoscopio, nec tabulis vllis superari posse constat; cum necessario veniendum sit ad observationem per radium refractum; si verum est non nisi refractos ad nos peruenire. Stat igitur nulla per radium refractum, facta observatione Astronomica posse simul, & eadem opera cognosci quantitatem refractionis, & verum locum; quod fuit propositum.

Propositio XXXXIII.

Nulla prorsus à quouis Astronomo facta observatione posse certò cognosci quantitatem refractionis, quam in aere siderea lux patitur.

Quia enim per 41. *prop.* quantitas refractionis ipso mediante radio refracto cognosci non potest sine præsupposita notitia veri loci; hæc autem similiter radio refracto acquiri non potest, nisi prius habeatur notitia quantitatis refractionis *per Coroll. eiusdem*: & præterea non possunt ambæ simul vna observatione cognosci *per præcedentem*: sequitur prorsus cognosci non posse quantitatem refractionis; vel quod idem est quantum faciat refractione aberrare; donec habeatur radius aliquis irrefractus, per quem observatio fiat, & acquiratur veri loci cognitio. At si aer radios ex æthere incidentes refringit, cum nos aerem superare, aut purissimo æthere in his inferioribus frui non possimus, nullum irrefractum radium vnquam obtinebit Astronomus. Atque adeo nulla prorsus à quouis Astronomo facta observatione &c. Quod fuit &c.

Propositio. XXXXIV.

Non est talis, ac tanta umbrarum euariatio, quæ refractiones lucis in aere factas consequitur; ut absque errore sensibili in opere Gnomonico facile contemni non possit. Imò talis est, ut oportuno beneficio emendet quodammodo (si non penitus ad debitos Mathematicos terminos reducit) errorem illum, qui ob Gnomonis à terræ centro distantiam, solaribus eleuationibus accidere potest,


Cum in delineatione Gnomonica, eiusque usu, refractiones lucis in aere, solaribus supra Horizontem eleuationibus, atque etiam, ut ostensum est, verticalibus à Meridiano distantijs, vitium aliquod, & perturbationem afferant; nec possit, ut etiam ex dictis constet, malum hoc humana industria euitari: videri merito posset leuem esse consolationem, qua solum ostenditur malum esse necessarium, non autem leuatur. Sed id ipsum est quod propositione ista præstatur; ut scilicet malum hoc refractionum, non solum leue in re nostra, ac valde tolerabile, sed etiam quodammodo vtile esse probetur: vnde si hactenus angebat, malum esse necessarium, id est inuitabile; nunc delectet esse idem necessarium, id est tale, ut sit nobis non parum eius opera necessaria ad malum aliud, quod etiam inuitabile est, moderandum, si non omnino sanandum; & hoc ipso iam quodammodo non amplius esse malum, quod bono vertitur.

Leue esse malum in re Gnomonica refractiones lucis in aere; vel ex eo constat quod ita sunt insensibiles, præsertim sereno, & puro aere, ut accuratissimis observationibus deprehendi vix possint: & quidem ita sunt exiguae ut in Thyconicis tabulis quas refert *suprà citatus* Keplerus Sole existente in Horizonte, refractione solum sit minutorum 34: & eodem eleuato grad. 1 refractione sit min. 26: & in 33 eleuationis gradu sit solum 55 Secundorum; & ita deinceps decreascit, donec euanescat.

Vt autem intelligatur qua ratione prædictæ refractiones (si quæ forte sint constanter vniformes) præclare corrigant, saltem ex parte, euariationem, quam in umbris licet insensibilem efficit Gnomonis à centro terræ distantia; recolantur ea quæ de hac ipsa distantia, & errore inde consequente dicta sunt *propof. 12 huius*; & ips in memoriam reuocatis.

Sit in terræ superficie horologium MK Horizonti AB æquidistans, & simile alteri, videlicet DE, quod *per eandem* 12 sub eodem Horizonte, ultra terræ centrum C, esse, & æqualem cum illo, stylum habere intelligitur: sit etiam circuli cuiuslibet maximi ad Horizontem recti semicircumferentia ASB, & in ea Sol eleuatus in puncto F, ex quo radius per ter-

rae centrum seu styli verticem C emissus cadat in E punctum Horizontalis subterranei horologij; sitque ille radius FCE secans horologium MK, in M: alius vero ex eodem F radius directè emissus per alterius styli verticem L, cadat in K punctum horologij Horizontalis in superficie terræ collocati: erit sine dubio angulus DEF (qui per 29 1 *Elem.* æqualis est ipsi E



MK) maior angulo MKF; cum hic per 16 eiusdem sit minor eodem E MK: erit inquam maior, sed non sensibilibiter, vt eadem propof. 12 huius explicatum est.

Iam verò dico illud, quod licet insensibile, deest æqualitati dictorum angulorum, quodammodo suppleri (quodammodo inquam, quia non penitus assero fieri, saltem semper, compensationem ad æqualitatem geometricam) si refractiones fiant regulatè in conuexa Sphærica, terræque concentrica aeris superficie minimè anfractuosa. Sit enim huiusmodi aeris superficie, & superficie refractionis sectio communis circumferentia GNH, & in ea ipsum punctum incidentiæ sit N, in quod ex eodem supradicto F dirigatur radius FN. Quia igitur supponitur diaphanum secundum sub GNH contentum, densius esse quàm sit diaphanum primum, inter superficiem GNH conuexam, & concavam AFB comprehensum: radius FN refringetur in N versus perpendicularem, quæ sit CNO: si verò ita refractus per styli verticem L incedat, ac inde in horologium MK cadat; cadet necessariò inter locum styli, & horologij punctum K, verbi gratia in I, quasi non ex F, sed ex R puncto superiori, per lineam directam, & minimè refractam RNL I fluxisset.

Hoc autem posito perspicuum est, inæqualitatem supradicti anguli minoris

parentiam ex F in R; ita & transfert Horizontem ex ACB in PLQ, & Verticalem semicirculum ASB in PTQ. Vnde admissis prædictis refractionibus verius erit quod *prop. 12 huius* dicebatur, styli verticem L in superficie terræ existentem, posse absque errore sensibili censerique quasi existentem in eiusdem terræ centro C: quandoquidem translatione prædicta refractoria Verticalis ASB in PTQ, transfertur simul etiam centrum eius C in L.

Propositio XXXXV.

Satisfit scrupulo qui prop. 22 fiebat ob refractiones.

Satisfit, inquam, dicendo lineas rectas, quas vocauimus Opticas, seu radios Opticos, absque erectione Sphæræ Dioptricæ in practica Horographia Optico-Gnomonica, esse vel fideiores, vel æquè fideles (aut parum admodum abest) ac essent lineæ refractæ; ac proinde illis æquè (aut saltem ferè æquè) ac istis suppleri vicem radiorum Solis quamuis refractorum; idque ideo quia, vt *prop. præcedenti* ostensum est, dicti radij Optici, attollendo Solem, compensant parallaxes, quæ illum deprimebant: & quamuis vt *ibidem* dicebatur, eum aliquando attollant supra iustæ compensationis debitum terminum (præsertim, vt etiam *prop. 22* dicebatur Sole existente, non solum in Horizonte, sed etiam infra Horizontem) & ita diem longiorem faciant, quàm aliàs futurus reuera esset: & error inde ortus appareat saltem speculatiuè aliquando sensibilis; hunc tamen ipsum errorem, (& si quis alius similis est) contemnere cogit, perfectæ & vniuersaliter veræ emendationis impossibilitas orta ex refractionum varietate, inæqualitate, ac inconstantia, quæ maxima est etiam respectu eiusdem loci, & diei, vt superius ostendi.

Præterea errorem illum contemnere suadet incerta admodum refractionum doctrina. Nam ex hæcenus dictis non modò incertum est quanta sit, Sole existente in Horizonte, vel prope Horizontem siue infra, siue supra, refractionis, sed nec penitus certum est, esse reuera semper (de industria dico semper, quia vt plurimum esse non nego) seu prope Horizontem, seu in magna eleuatione, aliquam refractionem; cum & hoc ipsum meritò in dubium reuocari posse videatur ex dictis *in fine propof. 36*.

Alterutro autem ex his duobus posito, periculum est ne dum scrupulosè nimis, à communi certissima Horographiæ Theoria receditur sub specie emendandi erroris, qui fortè non nisi imaginariò error est; aut saltem non est fortè tantus quantus creditur; veri erroris, & crassi labes turpiter incurritur: sicut ei contigit, qui

Incidit in Scyllam cupiens vitare Charybdim.

Non igitur ob refractiones lucis in aere, deferenda est, vel quouis modo

inmutanda communis receptissima, & à nobis hætenus explicata Horographiæ Theoria.

Haud equidem diffiteor esse aliquando cauendum à refractionibus; ut quando instituitur præcipua aliqua observatio, ex qua multæ postmodum faciendæ operationes dependent; aliàs enim, si in primarias operationes error irreperet; in reliquas omnes pariter deriuaretur. Ita video observatum à Ioanne Baptista Benedicto *ipso primo cap. Rei suæ Gnomonica*, ubi aduertit die Æquinoctij plurima umbræ è stylo decidentis puncta in plano, statim atque à Sole cæperat illustrari, paulatim singulis semihoris plùs minùsue, signata non cadere in lineam rectam. Sed fortè cùm hoc ille observauit; non observauerat an planum, in quod cadebant umbræ, esset perfectè planum, ut ego observandum esse moneo *lib. 2. prop. 1.* ex hoc enim potest error, aliquando etiam grauis contingere. Hoc ipsum tamen illi, utpote accurato, & viro aliàs doctissimo condono, fateorque potuisse errorem illum punctorum non in vnâ rectam coincidentium, ex refractione tunc fortè maxima in aere facta prouenire. Sed si ille existimat, ita semper, & quidem regulatè, constanterque euenire; hoc verò est, quod minimè condonauerim ob rationes iam satis, superque in superioribus insinuatas. Et hìc tandem finem accipiat nostra hæc de aerijs lucis refractionibus disceptatio, quæ sola ad absolutam vniuersæ Horographiæ Theoreticæ tractationem, ac libri de ea inscripti coronidem desiderari videbatur.

FINIS LIBRI PRIMÌ.



OPTICE HORARIA

Siue

HOROGRAPHIAE GNOMONICAE

LIBER SECVNDVS.

In quo proponuntur, & demonstrantur praxes expeditissimæ, quibus ad Horariorum Solarium delineationem faciliè in quamlibet, & quouis modo dispositam superficiem præsertim planam, projiciantur circuli Sphæræ, qui ita proiecti, cœlestium motuum periodos, radio, vel vmbra Gnomonicè directis, indicare possunt.

P R A E F A T I O.

QUAE ad communem radij directi Horographiam videri possent necessaria per modum seu definitionis, seu Postulati &c. qualia in similibus scribendi argumentis præmitti, ac præsupponi mos est; satis fusè habentur libro primo: nec aliud video, quod præterea hic in particulari addi debeat quoad Theoriam. Quoad Praxim verò inuenient hoc libro Tyrones problemata quædam, velut præludia ad ipsam horarij legitimam delineationem necessaria; quæ haud scio an faciliè alibi, saltem ita collecta, sint reperturi: itaque in gratiam ipsorum, ne quid illis desit ad perfectam omni ex parte Horographiam Practicam in primas 30 propositiones, peculiari studio contuli ea omnia, quæ in hac parte existimaui esse magis necessaria; ut superficiem in opus Gnomonicum destinate planitiem examinare; Gnomonem orthogonaliter erigere; situm


Horizontalem, vel Inclinationem planorum; lineam Meridianam in quocunque immobili plano tum per Instrumenta, tum sine illis, etiam dato solum unico umbræ è Gnomone decidentis puncto; Declinationem quoque plani cuiuslibet Verticalis; & Poli tum supra Horizontem, tum supra quoduis aliud quomodocunque dispositum planum eleuationem, &c. inuenire. In ijs autem, ut & in cæteris deinceps, eas potissimum leges tradere studui, quæ factis experimentis visæ sunt habere vel praxim faciliorem, aut compendiosiore, vel (quod præcipue semper attendo) tutiorem, seu errori minus obnoxiam in operatione fidem.
Prop. 31 & sequentibus usque ad 38, horas Astronomicas in quolibet, & quomodocunque disposito plano describo tum lineari methode Geometrica, tum etiam Arithmetica per tabulas; & quidem tali tabularum compendio, ut duæ omnino, ad quamlibet Poli eleuationem, tabulæ sufficiant pro omnibus horarijs, etiam Declinantibus, ac insuper Declinantibus simul, & Inclinantibus. Arcus tum radiorum Zodiaci, tum similes alios diurnos, una eademque arte, omnibus utcumque sitis Astronomicis horarijs planis communi, designo: alios tamen facillimos ad rem eandem assigno modos organicos pro omnibus omnis generis horarijs seu planis, seu minime planis: quos inter fortè is non contemnendus, qui uno simplici ductu quoslibet arcus (seu Hyperbolici illi sint, seu Parabolici, siue Elliptici) quemadmodum circino Circulos, describit. Demum à proposit. 49 ad finem usque, horas Italicas, & Babylonicas, atque etiam Inæquales communes delineo; cæteris, quæ ad rem Gnomonicam quomodocunque pertinent, lineis in 3 librum remissis, ut etiam in fine istius præmoneo.

Propositio I.

*An sit perfectè plana superficies qualibet in opus aliquod
Gnomonicum destinata, certò
inuenire.*

Non eodem modo à superficie plana, & à non plana secantur superficies, siue planæ, siue conicæ; de quibus *primo libro, præsertim prop. 19, 20, & 21* actum est. Nec possunt umbræ similes cadere ex eodem, vel simili Gnomone, in superficies minimè similes. Inde autem est, ut minùs accurati in errores incident; quales ego vidi aliquando fœditissimos: quamuis hi ipsi, non facilè, & à quouis deprehendantur; præterquam in linea Æquinoctiali, vel in Arcubus radiorum Zodiaci: Solis enim in signi alicuius initio existentis radius, vel umbra in horologio, si ab ea linea, quæ signi eiusdem initium refert, discesserit; Horographi vel imperitiam, vel incuriam arguet; demonstrabitque discessisse ipsum, & aberrasse, à debita norma, atque à præscripto legitimæ Horographiæ.

Quapropter operæ pretium erit, si Horographus (quem ego in omnibus opto esse accuratissimum) priusquam in proposita superficie lineam ullam ducat, eam ad amussim exploret, sitne idonea, in qua horologium, aut simile quid Gnomonicum delineetur: & si quidem deprehenderit non esse planam; vel curet diligenter explanari eam; vel aliam ineat delineandi horologii rationem, similem illi de qua *in tertio libro* acturus sum, cum de horologio Catoptrico; cuius etiam usum tradam, *hoc ipso libro prop. 47, & 48 præsertim in Scholio.*



Sit itaque superficies ACBD (seu muri illa sit, seu asseris, seu marmoris exacti, vel similis alterius corporis) in qua delineandum proponitur horologium; & de qua nunc ante ipsam delineationem inquiritur, sitne

perfectè plana. Regula verò rectilinea probata applicetur lateribus eius primùm, videlicet AB, CD; necnon AC, & BD; ac insuper varijs locis tum inter AB, & CD; tum inter AC, & BD: postmodum decussatim applicetur eadem regula binis simul oppositis angulis A, & D, atque etiam B, & C: si enim sic applicatæ regulæ bene coarctetur superficies, erit illa sine dubio plana.

Ego vice regulæ rectilineæ Amussi vtor exquisitissima, quam impensis non multis mihi comparo sic. Ex osse vel potius pinna Balenæ, seu ex alia simili materia lenta, arcum conficio vt IHL: cui moderatè incuruato tenuissimum filum sericum bene compactum, vel etiam fidiculam vt IL, subiendo; & si quidem validior fuerit arcus, quàm vt eius vim intenta nimis fidicula, seu filum sericum continere queat; aliam aliquantò crassiorẽ chordam sufficio, vt FG, quæ difficiliorem, & durius reluctantem flexum ita frænet, ac temperet, vt is tenuissimam lineam IL validè quidem intendat, sed minimè diffringat.

Huius instrumenti ita compositi longè certior est fides, quàm cuiuslibet regulæ ligneæ, vel etiam aenæ, aut ferreæ; præsertim si longior requiratur regula. Nam, præterquam quod non ita facili, & communiter fiunt regulæ longiores; etiam si fiant, perfectam rectitudinem, vel recipere, vel certè diu retinere vix possunt. Fili autem tenuissimi validè intenti rectitudo non est in dubium vocanda, vt magis dicam *sequenti libro ad postulatum quintum*.

Possit præterea quis, si libuerit, filum sericum summis vtrinque digitis apprehensum intendere, & ita intentum, vt supra, superficie examinandæ applicare; sed hoc intelligitur cùm parua fuerit superficies, nam in maioribus omnino aduocandus erit arcus, vel certè focij alicuius manus auxiliatrix.

Demonstratio.


Quia enim per 2.11 Elem. triangulum ACB in vno est plano, & similiter oppositum triangulum BDC in vno quoque est plano; linea AD secans trianguli ACB latus vtrumque in angulo A, & subtendentem CB in E, est per eandem proposi. in plano eiusdem trianguli ACB. Quia verò eadem AD, secat etiam vtrumque latus trianguli BDC in angulo D, & in E communem vtriusque trianguli subtendentem CB: erit dicta AD etiam in plano trianguli BDC. Et quia dicta AD supponitur recta; sequitur vtrumque triangulum in vno esse plano; alioqui enim essent in duobus planis adinuicem inclinatis, & facientibus angulum in communi segmento CB; & ita sequeretur recta AD partem AE esse in subiecto plano, reliquam verò eiusdem partem ED esse in sublimi, quod est impossibile per primam 11. Igitur tota superficies ACDB, continens prædictum vtrumque triangulum, & amissi, vt dictum est, applicatæ perfectè congruens

gruens, æqualiter suas interioret lineas, atque adeo plana est iuxta defini-
tionem 7. *Elem.* Quod fuit demonstrandum.

Propositio II.

*Gnomonem ad angulos rectos, in dato
plano erigere.*

Sit planum AB , in cuius puncto dato C figendus proponitur stylus CI , tali modo, vt cum dicto plano angulos ex omni parte æquales efficiat. Ex C tanquam centro ducatur circulus ad libitum $DFEG$, ductisque dua-



bus diametris DE & GF inuicem se orthogonaliter secantibus in C producatur CF; vsque in H; itaut CH æqualis sit longitudini styli IC: mox ducta subtendente EH, aperiatur circinus secundum interuallum EH, eiusque ita aperti pes vnus, vertici Gnomonis iam erecti I applicetur; alter verò hincinde per puncta E, & D, necnon G, & F, vel etiam per totum circumulum ducatur: Et si quidem dictis punctis, vel toti circulo æqualiter omni ex parte congruat, iam plano stylus ad angulos rectos insistit: sin autem pes ille mobilis ex vna parte intra circumulum, ex altera verò extra cadat; adducatur, vel reducatur in hanc vel illam partem (prout opus esse conficietur) vertex I, donec circini, vt priùs, aperti pede immobili eidem, vertici semper adhærente, mobilis pes dicta puncta E, D, G, F æqualiter attingat, ac tum demum in optato orthogonalī situ Gnomon CI collocatus fuerit, quod erat propositum.

Aliter

Aliter Gnomonem ad angulos rectos, in dato plano erigere.

Possit idem adminiculo vulgaris normæ rectangulæ præstari; si enim eius, vicissim per quatuor (aut saltem per duas ut in C E, & C F) partes, inter stylum, & planum aptatæ latus vnum plano, alterum stylo debite congruat; erit tunc stylus ex omni parte ad angulos rectos cum plano. Tamen si fortè ad basim atque ad cuspidem non æquale fuerit styli crassamentum, hac arte, ut perspicuum est, non facile succedet negotium, latera enim styli, verbi gratia conici, cum non possint simul hinc, & inde angulos rectos cum plano facere; consequenter erecto lateri normæ rectangulæ, ipsis subinde applicatæ, non poterunt æquè conuenire: sed huic incommodo satisfiet, si chartaceus, aut similis alterius materiæ solidus orbiculus refecetur æqualis basi styli, ac deinde in summitate eiusdem styli ita collocetur, ut orbiculus quidem basi parallelus existat, centrum, verò eius axi tum basis, tum totius styli, conueniat; tunc enim erectum normæ rectangulæ latus basim styli, simul & circulum chartaceum per quatuor, vel saltem tres, aut duas, ut dictum est, partes æqualiter contingens demonstrabit legitimum styli situm.

Si verò è contra stylus non ad angulos rectos erigendus foret, sed siue ob venustatem, (ut *prop. 7 primi huius* habetur) siue ob aliud maius commodum, cum quadam inclinatione collocari deberet; tunc quidem quoad priorem praxim nihil penitus immutandum est: quia licet tunc stylus, siue aliud quid simile vmbrosum, figi non debeat in puncto C, sed alibi; ut inter C, & A, aut inter C, & B; tamen iuxta dicta eadem citata *prop.* punctum C censetur, & dicitur locus styli; cui loco ad angulos rectos imminet apex, qui & Sphæræ centrum refert, & vmbra proijcit, qualemcumque, vel vbiicumque situm obtineant imæ partes hastilis, aut similis opaci corporis, cuius solus vertex vilem vmbra producit: ac proinde ex puncto C describendus circulus D F E G, sicut priùs; aliaque simili modo præstanda sunt.

Quod si quis norma rectangula uti maluerit iuxta posteriorem praxim, is primo circulum circa centrum C describat æqualem illi maximæ peripheriæ verticis vmbriæri, quæ plano horologii parallela futura est; tum verò huic peripheriæ, & descripto circa C circulo aptata hincinde norma rectangula orthogonalem supra C verticis situm indicabit; cum autem de peripheria maxima verticis vmbriæri loquor, suppono eminere in summo Gnomonis saltigio globulum, siue stellulam, aut simile quid latitudinem aliquam habens, ex quo sensibilis cadat vmbra in horologium; ut dictum est eadem *prop. 7*; aliàs enim si stylus sic esset acuminatus, ut extrema sola cuspis acutior pro sphæræ centro deputaretur quemadmodum in minoribus horologijs fieri potest, tunc sanè soli cuspidi, & puncto C applicanda esset norma rectangula, dum tamen inclinatio styli tanta esset,

esset, ut eius extrema cuspis ab erecto normæ latere contingi valeret.

Sed quid in istis diutius immoror? Iam enim ex dictis facile quivis intelligere potest quid in quavis differentia Gnomonis, in proposito negotio agendum sit.


Demonstrationem huic utrique praxi subijcere, superfluum existimo, nam posteriorem quidem demonstrat abundè, sola normæ rectangulæ non dubia fides: prior verò nullo negotio demonstrari potest tum per 4 1 1

Elem. tum per definit. 3 eiusdem.

Propositio III.

Datum planum ad Horizontem parallelas constituere.

Fabrūm hoc problema est, ut videtur; nonnihil tamen in eo est, quod accuratior obseruet Horographus: equidem communiter ita fit, ut plano I K super basim L ad Horizontem parallelas constituendo Libella,




E G F aptetur primū, verbi gratia, secundū lineam A B, deinde secundū lineam C D; & planum ipsum in hanc vel illam partem moueatur, deprimatur, extollaturue, donec filum perpendiculi conueniat lineolæ fiduciali H. Ita, inquam, communiter fabri: sed illi vix aut parum curant duo, quæ ego velim præcipua cura obseruari. Primum est, ut Libella angulum E G F habeat acutum, potius quàm obtusum, vel etiam rectum; & transuersa regula E F distet à vertice G quantum fieri poterit, id est quantum permiserit magnitudo globuli plumbei M; qui sub illa,
ita

ita liberè moueri posse debet, vt nec eam, nec subiectum planum IK contingat; hoc autem ideo requiro, vt & longius sit filum perpendiculi GHM , & simul maius sit interuallum quod est inter verticem G , & notam fiducialem H in regula EF ; quò enim maius est hoc interuallum cæteris paribus, eò certior est Libellæ fides. Sit etiam filum GHM perpendiculi tenuissimum, vt non fabrilem, sed mathematicam amissim sapiat. Mitto alia quæ ad mechanicam legitimam structuram instrumenti pertinent, vt scilicet trianguli duo latera GE , & GF , à vertice vsque ad imam utramque basim regularum lateralium sint perfectè æqualia; punctum vero G , cui filum adhæret immobiliter, & lineola fiducialis H , sint in linea quæ totum triangulum GEF in duo æqualiter diuidit, aut certè in alia quæ eidem sit parallèla.

Aliud, quod in hac, & similibus operationibus obseruari desidero, est; vt nec statim, nec facillè credatur filo perpendiculi, cùm in lineolam fiducialem H ceciderit, sed iterum, interamque & sæpius probetur, vtrumnam liberè, & minimè agitato pondere in illam sponte cadat, facillè enim potest in his error contingere. Præcipuè verò timeri debet error, si quando (vt non rarò accidit) vento, vel aliter commotæ auræ expositum sit perpendiculum; siquidem ventus, etiam lenior, liberum perpendiculum perflat, & commouet, ipsaque vel leui agitatione constantiam eius, ac fidem in ambiguum adducit; quapropter omnino suaferim opus differri, donec compositus ventus, vel aura quieuerit; vt ita perpendiculi fides minimè dubia habeatur.

Hoc equidem casu perpendiculum ego ita communio, vt in Theca lignea probè reconditum, ventorum flatus quoslibet facillè spernat, hoc




modo, Thecam vt GH oblongam è ligneis tabellis optime dedolatis construo, cuius anterior tabella fibulis in hunc finem aptè confertis aperiri possit, cùm opus fuerit, & occludi, relicta solum in imo veluti fenestella, qua cernatur latentis intus perpendiculi tum globulus, tum filum, sicut & lineola fiducialis similis illi, quæ paulò ante in regula EF notata fuit signo H : ipsam tamen fenestellam crystallus, aut simile quid pellucidum aptè integat.

integat. Filum perpendiculi opto esse partim sericum, & partim æneum, sed tenuissimum; ita vt tam superior pars duos solum transuersos digitos, quam ima (ad lineam fiducialem H, & globulum) tres circiter longa, serica sit: reliqua autem inter eas media longior pars fiat ex æreo filo tenuissimo, non rigido, sed ad ignem coctione mollito, & quidem non perpetuo, sed in tres quatuorue catenatim nexas partes diuiso. Rationem cur longiusculo perpendiculo filum æneum interferam, dicam inferius *prop. 12, 4 modo inuenienda linea Merid.* In sequenti schemate, vbi Theca expressa est velut aperta, conspicias filum perpendiculi (dicto videlicet modo compactum e serico, atque æneo) secundum supremam sericam partem alligari, vel committi perforatæ tabellæ in summa Theca ad medium; & secundum imam pariter sericam partem, probe globulum, ferire lineolam fiducialem, quæ item ad medium est, ita vt integra illi conueniens perpendiculi linea, lateribus Thecæ æquidistet.

Huiusmodi Thecam perpendiculariam, necto cum supradictæ Libellæ triangulo EGF, itaut illi firmiter copuletur, eius verò puncta fiducialia, apprimè respondeant lineæ (vt ante dicebam) triangulum EGF, in duo æqualiter diuidenti, in qua videlicet sunt punctum G cui filum adhæret, & lineola fiducialis H: & vtor iam vt suprà Libellæ sic instructa ad rem certam.

Vel aliter. Thecæ perpendiculariæ annecto regulam rectilineam NO, itaut cum eius latere item rectilineo, ac ipsi interiori lineæ fiduciali parallelo rectum angulum in O constituat. Et hoc etiam instrumento, facillimè, & certissimè comprobo, num Horizonti planum IK æquidistet; ipsius nempe instrumenti seu normæ rectangulæ regulam NO applicando; vt suprà, vtrique plani IK lineæ AB & CD; Theca ipsa, cum perpendiculo, libere deorsum propendente ex A, seu ex B; atque etiam ex C, vel ex D.




Demonstratio.

Quia enim linea perpendiculi recta est ad Horizontem, vtpote à Zenith, hoc est à polo Horizontis, versus centrum pendens, atque adeo cum eiusdem axe coincidens: & quia insuper eadem linea perpendiculi *per 4, 11 Elem.* ad planum IK recta est; cum iuxta instrumenti fidem recta supponatur ad vtramque in eo plano ductam lineam AB, & CD: sequitur *per 14 eiusdem 11* planum IK parallelum esse Horizonti.

Propositio IIII.

Lineam Horizonti parallelam in plano supra Horizontem quomodocunque erecto designare.


DVobis modis potest aliquod planum supra Horizontem erigi, nempe quia potest cum eo constituere angulum, vel rectum, vel obliquum; nam hoc ipso quod non æquidistat Horizonti, intelligitur supra ipsum erigi; si autem non æquidistat, necessario angulum cum eo facit, & quidem rectum (si planum fuerit Verticale) vel obliquum acutum (si fuerit planum ad Horizontem inclinatum) ex prop. 9 libri 1, vbi plani ad Horizontem Inclinationem definiui. Hanc itaque propositionem duobus præceptis absoluiam: primo enim dicam de linea quæ Horizonti æquidistet in plano ad Horizontem recto designanda; 2. De eadem designanda in plano ad Horizontem inclinato.



Sit planum AB ad Horizontem perpendiculare (an autem sit reuera perpendiculare statim dignosces ex applicatione perpendiculi, nec est cur in hoc immorer) in quo proponitur designanda linea Horizonti parallela. Huic itaque plano si regulam rectilineam vt IK applicueris, cuiusque superiori lateri Libellam *propositæ* & descriptam imposueris EGF; cum linea, perpendiculi in punctum fiduciale H ceciderit, erit prædictum latus regulæ IK, Horizonti parallelum: & ita secundum idem latus lineam LM describes; quæ erit optata Horizonti parallela in plano ad ipsum recto.

In plano autem ad Horizontem inclinato similem Horizonti parallelam lineam sic inuenies. Sit in sequenti figura propositum planum ad Horizontem inclinatum AB: sit etiam regula rectilinea IK eidem applicata, cuius superiori antico labro, vt in O, & N, imponatur Libella EGF; teneatur autem eo modo erecta Libella, moueaturque simul cum regula IK, donec linea perpendiculi liberè penduli, puncto fiduciali H conueniat; tunc enim posticum superius regulæ labrum, à quo subiectum planum, inclina-

inclinatum AB contingitur, erit Horizonti parallelum, sicut & parallelum est antico labro NO, si quidem regula bene constructa sit. Atque




adeo secundum idem posticum regulæ labrum, vel etiam secundum anticum (si exigua fuerit regulæ crassities) vel potius secundum utrumque ducenda erit Horizonti æquidistans Linea LM.

Demonstratio in his esto penes fidem Libellæ, & regulæ rectilineæ.

Propositio V.

Dato stylo in plano ad Horizontem recto, lineam Horizontalem id est communem eiusdem plani; et Horizontis sectionem in eodem plano designare.




Sit AB planum Verticale quodcumque, id est siue declinans, siue non; sit etiam (per ea quæ dicta sunt in fine prop. 7 primi huius) C locus dati styli CD. Accepta regula rectilinea, & Libella, ut præcedenti propositione, duco per C locum styli, rectam EC F; quæ erit sectio communis propositi plani, & Horizontis.

Demonstratio.

Quia Horizon per D verticem styli tanquam per centrum Sphæræ transit ex dictis *prop. 11 primihuius*; & quia insuper stylus, utpote ad planum Verticale rectus, est in plano Horizontis; transibit idem Horizon (atque adeo communis eius, & plani A B sectio) per C locum styli. Reliqua penes fidem Libellæ sunt iuxta dicta *duabus præcedentibus propositionibus*. Igitur dato stylo rectè inuenta est linea Horizontalis; quod fuit &c.

Propositio VI.

Dato stylo in plano ad Horizontem recto lineam, Verticalem, quæ sit communis sectio eiusdem plani, et circuli Verticalis ad ipsum recti, inuenire.



Repetatur præcedentis *prop. figura*; sitque planum Verticale quodcunque AB, & stylus eidem ad rectos angulos insitens C D. Ex C loco styli, demitto liberum perpendicularum C G, ac disposita secundum eius lineam, regula rectilinea, describo optatam Verticalem C G.

Demonstratio.


Quoniam enim stylus D C per constructionem ad planum A B rectus est; circulus Verticalis per eius verticem D, & locum C incedens, erit *per 18. 11 Elem.* ad idem planum rectus; & quia tam Verticalis ille circulus, quàm ipsum planum propositum, rectos cum Horizonte angulos constituunt, erit *per 19* eiusdem communis eorum sectio C G ad Horizontem recta; atque adeo optimè ea ducta fuerit secundum lineam perpendiculari, quæ non potest non esse ad Horizontem recta. Igitur dato stylo in plano ad Horizontem recto, lineam Verticalem rectè inuenimus, quod fuit demonstrandum.

Pro-

Propositio VII.

Dato stylo in plano inclinato, designare in eodem lineam Verticalem, idest sectionem communem ipsius plani inclinati, et circuli maximi tum ad idem planum, tum ad Horizontem recti.

Sit planum inclinatum AB, & stylus EF eidem *per prop. 2 huius*, ad angulos rectos infixus. Sumo extremis digitis perpendiculari filum FG, eoque ad verticem styli F applicito, sino globulum G liberè dependere, &



paulatim absque agitatione prolabi; donec inferior prominens, & in hanc rem optimè aptata (aptata inquam modo statim dicendo) globuli cuspis subiecto plano allabatur vt in G : si enim per punctum huius contactus G diligenter notatum, ac per locum styli E lineam rectam duxero E G ; erit hæc desiderata linea Verticalis.

Opto autem præsertim ad negotium huius problematis, & similium, vt globulus perpendiculi ex ære, aut ferro, vel alia simili materia solidiori, quam sit plumbum, **torno** (si fieri potest) elaboretur, aut aliter ita affabrè conficiatur, vt cum pependerit, centrum grauitatis eius, inæque cuspidis vertex, in vna simul recta linea perpendiculi producta, vt est $R P Q$, reperiatur; hoc enim tantum modo poterit ea cuspidis dictum punctum, fideliter indicare.


Demonstratio.

Concipiatur triangulum $H L G$ super immota basi $L G$ attolli, donec
 $E H$ cum stylo $E F$ conueniat, coincidet quoque tunc $H G$ cum linea
 perpendiculi $F G$: quia verò linea perpendiculi, coincidit cum Hori-
 zontis axe, per quem, & per rectam productam $G E L$ transit Verticalis
 ad planum propositum rectus per *precedentem prop.* erit $H L$ (siue $F L$,
 quod nunc idem est) in plano eiusdem Verticalis: & quia dicta $H L$ rec-
 ta est ad $H G$, siue $F G$ axem Horizontis, qui *ex propof. 11 primi huius* tran-
 sit per verticem styli F ; erit eadem $H L$, (siue nunc $F L$) etiam in plano
 Horizontis: atque adeo illa erit communis sectio Horizontis, & prædicti
 Verticalis: & commune vtriusque punctum in plano $A D$, erit L . Igitur
 per L ducenda est in proposito plano desiderata linea Horizontalis $M L$,
 M : ducenda, inquam, est ad angulos rectos cum linea Verticali $G E L$:
 quia enim $A B$, & Horizon, duo plana ad circulum Verticalem, qui per
 $F E$ incedit, recta sunt, eorum quoque communis sectio $M N$ erit ad
 eundem Verticalem recta per *19 propositio 11 Elem.* quia
 verò $G E L$ per *precedentem* est in plano eiusdem circuli Ver-
 ticalis; ideo cum hac etiam rectos in puncto L an-
 gulos facit eadem Horizontalis $M N$ per *3 defn.*
11 elem. Igitur in dato plano inclinato li-
 neam Horizontalem rectè designa-
 uimus, quod fuit de-
 monstrandum.



Propositio IX.

Dato plano inclinato, quantitatem inclinationis eius inuenire.




Repetatur figura *prop.* 8; signatoque, vt ibidem, puncto G, ac ducta linea Verticali GE; fiat vt in *precedenti* triangulum GHE; tum ex puncto G, tanquam centro, ducto arcu circuli EI, numeratisque accurrate gradibus contentis inter rectas GI, & GE, cognoscetur statim quantitas anguli IGE, cui æqualis est angulus inclinationis: & ita quantitas anguli inclinationis erit cognita.

Demonstratio.

Concipiatur vt *precedenti prop.* triangulum GHL, simul cum recta HO (quæ per verticem styli H, siue F, ducenda est parallela ipsi GE L) concipiatur, in quam, attolli donec EH cum stylo EF conueniat; erit, vt dictum est, recta GH, siue GF, axis Horizontis: recta verò HO erit communis sectio Verticalis circuli ad planum AB recti, & simul circuli maximi, cui idem planum æquidistat. Et quoniam per *propof. 9 primi huius*, angulus inclinationis est GHO; vtpote comprehensus inter axem Horizontis GH, & circulum maximum, cui dictum planum æquidistat; ideo quantitatem propofitæ inclinationis dabit angulus HGE, cum hic ipsi GHO æqualis sit per *conuersam propof. 27 primi elem.* Itaque recte inuenta fuit quantitas inclinationis plani AB, quod fuit demonstrandum.





Propositio X.

Instrumentum ad inclinationes planorum inueniendas construere.

Paretur è Nuce, Pyro, Sorbo, aut simili electo ligno, vt Ebena, regula, A B longa Palmos circiter duos, vel tres; duos crassa digitos, lata verò tres, cæteroqui perfectè dolata, & explanata, & conuadrata; quæ erit veluti basis instrumenti: tum à perito artifice fiant in vtraque extrema regulæ parte ad A scilicet, atque ad B incisuræ, seu crenæ se se ex aduerso respicientes, quæ semicirculos vtriusque mox describendæ regulæ nempe F, & C, circa sua ipsorum centra, cum ipsismet suis regulis mobiles admittant: hæ tamen crenæ non sint æqualiter latæ, sed crenæ A tribuatur media tantum pars latitudinis crenæ B: & huius quidem locus sit in medio crassamenti regulæ inter vtramque laminam, (de qua mox) L videlicet, & M: crenæ autem A locus sit præcisè à lineola, quæ est in medio crassamenti; exporrigaturque secundum latitudinem versùs laminam O.

Itaque quoad laminas; in lateribus regulæ ad medium vtriusque incisuræ, vt in M, & L, similiterque in O, & N, excauato hincinde paululum ligno, coaptentur, coæquentur, & firmiter copulentur quatuor orichalceæ laminæ, vt aliquantulum emineant supra superius vtrumque labrum regulæ. Hæ verò ita aptè perforentur; & ipsum regulæ lignum, ad vtrumque eius caput videlicet A & B, inter geminas laminas, sulco semicylindrico; sic excauetur ad mensuram semicircumferentiæ inferioris foraminum, vt orichalcei teretes clauuli H, H geminis in O, N, & M, L foraminibus inserti, ea quidem simul cum sulco ad iustam mensuram impleant; extent verò media præcisè parte suæ propriæ crassitie, supra superiorem illam regulæ planitiem, & cum vtraque laterali eiusdem regulæ planitie sint ad angulos rectos.

Deinde alia è consimili ligno, similiter doletur regula, vt C D, tres plus minùs lata digitos, tali crassitie, vt crenam B quasi digitalem exactè impleat, habeat verò in ima sui parte circulum C ex se ipsa sibi cohærentem, sic aptè refecatum, & perforatum, vt foramen quidem immissus ad angulos rectos clauulus H impleat; per centrum verò foraminis transeat hincinde labri vtriusque linea fiducialis E C; hic vero ita paratus circulus crenæ B aptè committetur; in eaque simul cum adhærente sibi regula, confirmabitur traiecto clauulo H. poterit huius circuli diameter sicut & crenæ B longitudo, esse duorum digitorum: huius præterea regulæ tanta sit latitudo, vt extra circulum C ad partem D, locus in ipsa supersit pendenti globulo perpendiculari, cuius superius sili tenuissimi caput colligandum est ad punctum I, itaut liberè possit dependere, & coaptari lineæ in ipsa.

ipsa regula notatæ ab I versùs D, quæ quidem linea æquidistet fiduciali recto regulæ labro E C.

Sumpta postmodum distantia, quæ est inter centra duorum foraminum N, & L, siue inter O, & M in regula A B, sumatur eidem distantia æquale intervallum à centro circuli C sursum versùs, in hac eadem regula E D; termineturque dictum intervallum, verbi gratia, ad punctum P: itaque ex P in Q ducenda est linea ad latus E C, atque ad latus K D pariter perpendicularis: ab hac autem linea P Q sursum, versùs E K subtiliter refecanda est media pars crassamenti regulæ, ita tamen vt sursum versùs E relinquatur quod sustineat laminam orichalceam P E ibidem aptè copulandam, & confirmandam, relicto inter P, & E quadrangulâ meatu, quo liberè moveri, & excurrere possit, immissa regula mox describenda. in ea demum lamina ad medium dicti meatus sit cochleola, quæ intus adacta regulam illam liberè cæteroqui mobilem constingat, & hoc modo totum instrumentum in optato angulo contineat, cum opus fuerit.

Tertiò simili opere, & è consimili materia fiat regula F G, cui quidem latitudo tribuatur paulò maior quàm digitalis, crassities verò æqualis dimidiatæ crassitiei regulæ vltimò descriptæ E D; eique similiter ex se ipsa adhæreat circulus F refecandus, & perforandus ad modum circuli C, committendus verò paratæ ipsi in A crenæ, & trāiecto mox clauulo H in eadem firmandus: regulæ ipsius pars reliqua vsque in G ita fiat, vt quadrangulâ parato in E P meatu inserta liberè moveri possit; longitudo ipsius regulæ tanta debet esse, vt commisso incisuræ A circulo eius F, extendi possit ultra meatum P, vsque in K, vel circiter; quando regula E D (prout aliquando opus erit) constituetur ad angulos rectos cum subiecta regula A B.


Denique in hac regula distingui debent gradus quadrantis circuli; vnde & vocari potest scala quadrantis circuli: modum tamen quo gradus illi in ea distinguendi sint, hic non dicam, quia *libro 3 prop. 32* eum exponam, vbi scalam semicirculi integram descripturus sum; tantùm hic aduerto semidiametrum circuli, qui in hoc opus pro designandis in dicta regula gradibus adhibebitur, debere sumi æqualem toti intervalllo, quod est inter duo quælibet laminarum foramina, videlicet L, & N, seu M, & O, siue, quod in idem recidit, intervalllo quod est inter centrum circuli, foraminisque C, ac punctum P, à quo sursum versùs incipit meatus quadrangulâris supradictus. Reliqua ad designationem graduum necessaria reperies, vt dixi, *lib. 3 prop. 32*.

Poterit huic instrumento, si ventus coegerit, adiungi theca perpendicularia modo iam indicato *prop. 3 huius*.

Propositio XI.

Plani cuiuslibet propositi ad Horizontem non recti inclinationem ; parati iam instrumenti beneficio inuenire.

PRæter modum inueniendæ inclinationis, iam traditum *prop. 9*; placet etiam alium tradere, qui perficitur ope instrumenti, de cuius constructione cum actum sit *prop. 10 præcedenti*, nunc de usu agendum; erit autem hic fortasse non iniucundus; utpote, qui sit & non multum operosus; & simul tamen admodum certus; quin fortè etiam certior illo iam dicto *prop. 9*; certior, inquam, quoad praxim; nam quoad Theoriam; certitudinem demonstrationis superare nequit instrumenti quantalibet certitudo. Nostri itaque instrumenti, in inueniendis inclinationibus, usus, duobus modis absolui potest: vel primò supponendo iam designatam in plano inclinato lineam, Verticalem, de qua *prop. 7*; vel independenter ab illa. Vtrumque verò modum sic paucis explico.



Primò si linea Verticalis ut CD, in plano inclinato AB designata iam sit per *prop. 7 huius*, vel quouis alio modo, iuxta & secundum illam collocetur ad amussim regula inferior EF, seu basis instrumenti; itaut regula perpendiculi, partem inferiorem teneat, altera superiorem: mox verò amba istæ regulæ, videlicet KH, & scala LG, ex sua quæque parte paulatim attollantur, donec liberum perpendiculum in debita linea fiduciali componatur; tunc enim gradus scalæ inter centrum eius L, & terminum I (quo videlicet

videlicet erectæ regulæ KH latus KI scalam LG fecat) comprehensi dabunt quantitatem inclinationis dicti plani.

Secundò, si linea Verticalis nondum habeatur, poterit nihilominus solius ope instrumenti, eadem inclinatio, imò & ipsa linea Verticalis, una eademque opéra inueniri. Erigantur, ut suprà, ambæ regulæ mobiles instrumenti, ita tamen ut eiusdem basis ad superficiem ipsius plani inclinati applicata incedat per locum styli, qui sit verbi gratia C ; & regula perpendiculi KH stet in parte inferiori, ut etiam suprà dicebatur; tunc verò altero capite basis ut E adhærente semper dicto loco styli C , alterum eiusdem basis caput F paululùm huc illuc moueatur, & interim perpendiculum diligentissimè obseruetur: nam ubi erit maior basis EF eleuatio, seu ubi erit minor angulus, inter basim eandem, & regulam perpendiculi; vel, quod idem est, ubi erit minor numerus graduum scalæ à prædicta regula perpendiculi abscissus, ibi in proposito plano, secundùm latus basis instrumenti, erit vera linea Verticalis per C locum styli ducenda; & præterea abscissus tunc in scala graduum numerus dabit quæsitam inclinationis quantitatem.

Demonstratio huius operationis eadem est quæ *prop. 9, & 7*; quare inde peti poterit, neque hic est repetenda.


Propositio XII.

Lineam Meridianam inuenire.

ANtequam de linea Meridiana in plano ad horarij delineationem parato designanda agatur, dicendum est de eadem inuenienda quasi in genere, & solùm respectu cuiuslibet loci, in quo varia plana, & diuersi modè disposita esse possunt; Nam cognita semel linea meridiani respectu alicuius loci, facillimum erit (ut dicitur *sequenti prop. 13*) dato stylo in quouis plano eiusdem loci, designare lineam, quæ sit sectio communis illius plani, & circuli Meridiani; in quam proinde, cùm Sol in meridie fuerit, umbra vel radius index cadat. Quinque autem modos hic tradam inueniendæ, ut dixi, velut in genere, & solùm respectu loci, in quo quis fuerit, lineæ Meridianæ; qui modi præ cæteris, visi mihi sunt maiorem habere cum certitudine facilitatem; quamuis hi ipsi non omnes æquè faciles sunt, vel æquè certi; quare tutius erit, non vno solùm, sed duobus, vel etiam tribus vti, ad omnimodam certitudinem lineæ Meridianæ, cuius in negotio Gnomonico præcipuus vsus est. Itaque ad faciliorem methodum, singulos modos sub singulis titulis seorsim exponam sequenti ordine.

*Primò inueniri potest, quouis tempore, linea Meridiana solo
vmbrae indicio.*

Paretur planum aliquod solidum, perfectè, inquam, planum per
prop. 1 huius, & Horizonti statuatur parallelum per 3 etiam huius; in
eo autem sic firmiter collocato, ex quouis puncto E tanquam centro, def-



cribatur circulus vnus, vel plures; in E autem ad angulos rectos erigatur
stylus EF per 2 huius. Tum lucente Sole tribus quatuorue horis ante me-
ridiem obseruetur diligentissimè motus vmbrae è stylo EF in dicto
planum cadentis: cum enim vmbrae vertex circulum ex delineati
quemlibet, verbi gratia, interiorem attigerit, vt in G; notandum est ac-
curatè ipsum punctum G. Post meridiem etiam (& quidem vno eodem-
que die, propter rationem mox dicendam) obseruetur extremus, alterius
vmbrae similis, vertex; & cum is eundem interiorem circulum, verbi
gratia, in H, attigerit, vt suprà; notetur similiter accuratè punctum H.
Denique diuiso in duas æquales partes arcu GH, per inuentum ea diuisio-
ne, medium punctum K, ducatur ex E centro ipsius circuli, seu loco styli,
linea recta EK; hæc namque est Meridiana: & cum in eam postridie vel
quouis alio die ceciderit vmbra ex E styli vertice, erit tunc Sol in circulo
Meridiano.

Dixi vmbrae vtriusque in G, & in H faciendam esse vno, eodemque die
obseruationem; quia si diuersis diebus fieret; linea Meridiana sic inuen-
ta, certa esse non posset: & ratio est, quia cum diuersis diebus non sit ea-
dem Solis ab Æquatore declinatio; non est etiam similis, aut æqualis, eiuf-

M dem

dem supra Horizontem eleuatio, etiam hora simili, ac proinde nec similis, nec æqualis umbra erit; sed vno die longior, altero breuior; etsi aliunde æqualiter à Meridiano Sol distet. Si tamen aliquis peritus secundam obseruationem differret in alium diem, quo ex Ephemeridibus, vel aliter certò sciret Solis declinationem hora 3, verbi gratia post meridiem, fore similem, & æqualem ei, quæ fuerat prius hora 9 post mediam noctem; is consultissimè ageret: & potius id laudarem.

Sed non facile continget mathematica illa diuersis diebus solaris declinationis antemeridianæ, & pomeridianæ æqualitas; quapropter vix continget, vt secunda umbra obseruatio in alterum diem vtiliter differri possit; vno ergo die vtraque facienda: quamuis omnino concedendum sit Solis ab Equatore ad easdem partes declinationem vno die, sumptis paribus ante, & post meridiem interuallis, nunquam esse eandem, vel æqualem mathematicè, nisi solummodo in Solstitijs, si fortè occurrat Solem in Meridiano simul, & in principio Cancrì, vel Capricorni versari; vnde non diffiteor aliquantulam esse posse erroris in hac operatione labeçulam; saltem si fiat circa tempus Æquinoctiorum, licet reuera error ille, vix possit esse sensibilis: qui tamen maiorem certitudinem operationis amabit, hanc exerceat circa Solstitia; nam tu ac exigua multo tempore acquiritur differentia declinationis; circa Æquinoctia verò, exiguo tempore magna saltem respectuè.

Longe maior esset erroris occasio, si planum, in quo descripti sunt illi circuli, non foret perfectè planum, vel Horizonti minùs perfectè parallelum. Posset & ex alio capite error irrepere, si videlicet umbra apex non perfectè dignoscatur; nam is aliquando, præsertim nubilo tempore, aciem fugit; satis tamen distinctè cognoscetur, si absque nubilo Sol clariùs splendeat, & planum, in quo umbra obseruatur sit album: in albo enim, vtpote magis ad naturam lucis accedente, faciliùs & distinctiùs deprehenditur lucis, & umbra differentia.

Suaderem in hoc negotio, umbram in locum lucis, & vicissim in locum umbrae lucem substitui; distinctiùs enim cernitur, tenebroso in loco, affusa subiecto præsertim albo exigua lux, quàm in aperta, & magna luce, cernatur umbra, etsi plurima; atque adeo multò perfectiùs, & certius termini lucis, in obscuro; quàm in lucido, termini umbrae designantur quapropter poterit is, quem maxima delectat operationis certitudo, efficere, vt planum album, in quo supradicti circuli descripti fuerint, obscuretur; (sicut dicam inferiùs num. 2.) relicto tamen foraminulo, quasi cuspidè tenuissimæ acus factò, in aliqua bractea ferrea, vel orichalcea; per quod tenuissimus lucis radius subingredi possit; prædictum verò foraminulum debet necessariò esse in axe prædictorum circulorum sicut in eodem axe est F vertex styli antea dicti E F.

Demonstratio.

Quia singulis diebus Sol, ab exortu suo, paulatim sopra Horizontem ascendendo, umbram in plano Horizontali facit ex eodem Gnomone paulatim minorem, & minorem, donec ad circulum Meridianum peruenerit; quo tempore umbram omnium eiusdem diei minimam efficit: & inde usque ad occasum paulatim item descendendo, paulatim efficit maiorem, & maiorem: sequitur cæteris paribus, umbras esse æquales ante; & post meridiem, ijs horis vel momentis, quibus Sol à meridie æqualiter distat: in punctis autem G, & H, sunt æquales umbræ rectæ, ut patet ex lineis EH, & EG, quæ sunt semidiametri eiusdem circuli GKH; igitur hæc duo puncta videlicet G, & H à linea Meridiana, in quam cadit umbra omnium minima, æqualiter distant. Igitur punctum K, inter G, & H medium, est vnum punctum lineæ Meridianæ. Et quia circulus Meridianus planum Horizontale ad angulos rectos secat, adeoque per stylum incedit; erit etiam locus styli E aliud punctum, per quod, & per K integra Meridiana, hoc est sectio communis plani propositi Horizontalis, & circuli Meridiani ducenda est. Igitur rectè inuenimus lineam Meridianam, quod fuit demonstrandum.

Corollarium 1.

Sicut in plano Horizontali, modo iam dicto, inuenta est linea Meridiana loci; ita & poterit inueniri in plano ad Horizontem simul, & ad Meridianum recto.

Corollarium 2.

Praterea poterit eodem modo, in quolibet plano siue declinante, siue inclinato, siue mixto inueniri linea Meridiana eius loci, cuius Horizonti, vel circulo Verticali primario, planum illud æquidistat; hæc verò linea in eo plano designata, vocatur quoque linea Meridiana ipsius plani; & alio nomine vocatur linea styli, cuius præcipuus vsus in horologijs declinantibus, & inclinatis, & mixtis; sed de hoc inferius dicetur *prop.* 24, 25, 26, 28, & 29.


A C I eidem B M æquidistans; atque ita C B Z erit communis sectio plani Meridiani, & Verticalis: Z autem erit Zenith: & A C I erit communis sectio dicti Meridiani, & Horizontis. In quadrante I Z numeretur ab I versus Z, eleuatio Æquatoris supra Horizontem; quæ hîc Romæ est 48 grad. cùm sit ibidem eleuatio poli graduum 42 (aut parum abest) sumpto itaque arcu I P graduum 48, ducatur recta P C Q, communis sectio Æquatoris, & Meridiani, deinde inquiratur in Ephemeridibus, quæ & cuius signi gradum Sol in Zodiaco possideat eo die & hora; & cùm id fuerit cognitum, inquiratur in tabula declinationum &c. quæ habetur inferius *propof.* 39, quanta, & qualis sit declinatio illius gradus; vt, hoc inuento, sumatur à puncto P versus I, aut versus Z (prout opus fuerit) arcus declinationis, dicti grad, & ducatur eiusdem parallelus.

In exemplum suppono Solem eo tempore, quo vmbra punctum H inueni, esse in principio Cancrî: quia itaque declinatio principij Cancrî, Borealis est, & in sententiâ communi grad. 23 min. 30; à puncto P versus Z numero gradus 23 min. 30; & per finem numerationis S duco rectam S R æquidistantem Æquatori P Q: sic erit S R communis sectio Meridiani, & paralleli in quo, tempore obseruatæ vmbrae E H (in altero præcedente schemate) versatur Sol.

His peractis ex M per F ducatur recta M C N, secans Meridiani circumferentiam in N; ac per N ducatur Horizonti A C I parallela N O, secans Meridiani quidem circumferentiam in N, & O; rectam verò Z B in X, & rectam S R in T. Sic autem erit N O communis sectio Meridiani, & circuli Almucantarath, in quo est Sol tempore dictæ vmbrae E H: longitudo enim eius (in hanc figuram translata) B M è stylo B C (qui per constructionem est æqualis ipsi E F) necessariò tribuit Soli eleuationem supra Horizontem A C I, in circulo Verticali in quo est, æqualem arcui A N, siue I O:

Itaque circa centrum X ad interuallum X N, siue X O describatur parallelus dictæ eleuationis, seu Almucantarath N Y O; quem recta T Y ducta ex T perpendicularis ad N O, secet in Y: sic erit T Y communis sectio dicti Almucantarath, & paralleli Cancrî, cuius diameter est S R: erit igitur Y punctum, quod in dicto Almucantarath possidet Sol tempore dictæ vmbrae E H; vnde si ex Y per X ducatur recta Y X, erit hæc communis sectio dicti Almucantarath, & circuli Verticalis, in quo est Sol, seu transeuntis per Y, & per Z X B communem omnium Verticalium sectionem; quem etiam (in altero Schemate) exprimit vmbrae linea vltra E locum styli producta H E L: & Solis in dicto Almucantarath distantia à Meridiano erit eiusdem Almucantarath arcus Y O. Ac proinde si circa E locum styli, in prima figura, interuallum X N, siue X O sumpto in secunda figura, describatur circulus *b a c d*, secans lineam vmbrae E H in *a*, & abscindatur arcus *a c* æqualis arcui Y O; recta per *c*, & E locum styli ducta, erit linea Meridiana in proposito plano Horizontali.

Huic descriptioni demonstrationem simul ipsius implicui ad brevitatem, & ni fallor vtramque satis explicui; nec aliud addere necesse est, quàm ut semicirculus NYO circa immotam diametrum NO moveri



intelligatur donec ad angulos rectos fit cum meridiano $ABIZ$; sic enim erit in situ naturali, qui prædicto Almucantarath debetur; vnde statim intelligitur quæ dixi de lineis TY , & YX , & de arcu YO ; quòd scilicet linea YX , umbram HE referat; & arcus ac factus æqualis arcui YO angulum aEc det æqualem angulo YXO ; & consequenter, quòd linea cE , seu $bEcK$, optimè referat diametrum NO id est sectionem Meridiani, & prædicti Almucantarath.

Solum moneo duo. Primum est. Si umbra observata longior esset quam EH , seu quam BM ; & consequenter si punctum N esset proximus puncto A , quam nunc sit; accidere posset, ut diameter circuli Almucantarath fecaret diametrum paralleli diurni SR in V puncto videlicet quod eidem SR , & lineæ Verticali ZB commune est; vel in alio quouis puncto inter V & R . Si fecaret in V , itaut in V caderet T ; punctum, quod nunc est Y , distaret ab O integro quadrante, & recta TY cum Verticali ZB coincideret; unde consequens esset Solem tempore prædictæ umbræ versari in circulo

cularis, siue ipsi EP æquidistans (quæ erit sectio communis prædicti Verticalis, & parietis) fecetque Horizontalem in K ; & fiat EL Gnomoni EF æqualis, & iungatur KL .

Descritto autem circulo $ABIZ$, in figura separata (vt præcedenti Scholio factum est) sumatur in eius diametro ACI (quæ Horizontem refert) portio CD æqualis ipsi KL ; & ex D demittatur Verticali ZB æquidistans recta DM , æqualis ipsi KH ; ac per M ducatur recta $M CN$: nec non per N recta $N O$; & cætera vt prius: inuenitoque puncto Y , ex L tanquam centro, intervallo autem XO , siue XN , describatur circumferentia $bac d$ secans rectam KL in a ; & abscindatur ab a versus d , arcus ac æqualis arcui OY ; ac per c ducatur recta Lc secans horizontalem in G : inuenito autem puncto G , demittatur recta GQ ipsi EP æquidistans; hæc enim erit optata Meridiana. Dixi autem arcum ac sumendum esse ab a versus d ; quia, suppono ymbra H esse antemeridianam; hoc enim supposito linea Meridiana est necessariò versus d in parte dextra; esset verò in sinistra versus b si umbra H esset pomeridiana.


Pro demonstratione, præter dicta in superiori Scholio, triangulum KG L super immota basi KG moueatur, donec ad angulos rectos sit cum plano Verticali; & sic L coniungetur cum styli umbræ vertice F ; eritque dictum triangulum in plano Horizontali, sicut est planum circuli Almucantarath NYO : cum itaque recta YX sit sectio communis eiusdem Almucantarath, & circuli Verticalis, in quo est Sol tempore umbræ H , ipsamque YX , in plano Horizontali optimè referat recta La siue $L a K$ etiam in plano Horizontali; angulus quoque $KL G$ angulum YXO referet; erit igitur LG Meridiana in plano Horizontali, sicut est ipsa XO : & consequenter per G incedit Meridiana in plano proposito Verticali, ad datum stylum EF ; incedit, inquam, ad Horizontem recta, vt GQ ; ergo GQ est optata Meridiana.

Scholium Tertium.

Vnico tantum umbræ dato puncto in plano inclinato, poterit in eodem inueniri linea Meridiana certissimè.

STylo EF per 2 huius ad angulos rectos fixo in plano inclinato; & descripta per 7 linea Verticali LEP ; & per 8 Horizontali KG , quæ fecet Verticalem in S : sit cuiusvis umbræ, verbi gratia, antemeridianæ datum punctum extremum H ; & sit P in eodem plano inclinato punctum inuentum beneficio perpendiculari à vertice F dependentis, vt est *propof. 7* punctum G : ducatur per P , & H recta PHK , secans Horizontalem in K : & hæc erit communis sectio plani inclinati, & Verticalis circuli, in quo Sol

Sol versatur, tempore umbræ H. Sumatur ER, stylo EF æqualis; perpendicularis autem ad LP; iunganturque SR, & RP: sic nempe, erit R P portio axis Horizontis inter verticem F, & planum inclinatum comprehensa,



& æqualis lineæ perpendiculari, quam repræsentat FP: erit autem eadem RP ad RS perpendicularis per 8 huius nisi sit erratum.


Sumatur $S L$ æqualis ipsi $S R$, & iungatur $L K$: ipsi autem $L K$ fumatur æqualis $C I$ in figura separata (sicut in vtroque præcedenti Scholio factum est) fumatur autem in ea circuli $A B I Z$ diametro, quæ lineam Horizontalem refert, vt est $A C I$: deinde in diametro Verticalem lineam referente, vt est $Z C B$, sed producta ultra B abscindatur $C A E$ æqualis rectæ $R P$; iungaturque $I A E$ (quæ nisi erratum fuerit, æqualis erit ipsi $K P$) in eadem autem $I A E$ fumatur $I e$ æqualis ipsi $K H$; & ex e per centrum C ducatur $e C N$, secans circulum $A B I Z$ in N ; & alia deinceps fiant vt in primo Scholio, donec inueniatur punctum Y , & recta $Y X$; tunc autem ex L tanquam centro, sumpto interuallo $X O$ describatur peripheria $b a c d$, secans rectam $L K$ in a ; & in ea fumatur versus d ad dexteram (quia umbra H supponitur antemeridiana) arcus $a c$ æqualis arcui $O Y$, & per c ex L ducatur recta secans Horizontalem in G : eritque G punctum meridianum in linea Horizontali eius plani. Et quia P ex prædictis est in axe Horizon-

tis,

tis, per quem axem incedit necessario Meridianus circulus, sicut & omnes Verticales; si per G, & P ducatur recta GP, erit hæc optata linea Meridiana, communis videlicet sectio plani inclinati, & circuli Meridiani.

Cuius rei demonstrationem facile percipiet Horographus, si triangulum SPR intelligat, super immota basi SP moueri, donec ad angulos rectos sit cum plano inclinato; & similiter triangulum KGL, super immota basi KG, donec L vertex cum vertice R coniungatur: sic enim tam L quam R erit in vertice styli F; & RP in linea perpendiculi, siue Horizontis axe, ad quem per constructionem recta est SR: quo posito erit triangulum KGL in plano Horizontis, ergo rectam KL refert IC; ipsamque RP refert CÆ; sicut IÆ ipsam KP; & Ie ipsam KH; ergo similiter recta KL ipsam YX refert; & angulus a Lc, siue KLG angulum YXO: ergo sicut XO est Meridiana in plano Horizontali, ita & LG: igitur per G in plano inclinato incedit eius Meridiana linea: incedit autem etiam per P, ex demonstratis. Igitur &c.

*Secundo inueniri potest quouis tempore linea Meridiana
indicio umbræ simul, & circuli Verticalis
in quo est Sol.*



G Nomone, vt supra, in plano Horizontali orthogonaliter erecto in aliquo ipsius plani puncto E; obseruetur matutinis horis (idem aequè fieri posset serotinis) beneficio Planisphærij Ioannis de Royas, vel Astrolabi catholici Gemmæ Frisij, vel alterius similis instrumenti magni præfer-
tim, & quamdiligentissimè elaborati; obseruetur, inquam, circulus Ver-
ticalis

ticalis (aliàs vocant Azimuth) quem Sol dato momento temporis possidet; & eodem penitus momento notetur in eo plano linea vmbre vt EI: nam recta CI coincidens cum vmbra EI, eo erit cõmunis sectio plani Horizontalis, & circuli Verticalis, in quo est Sol eo tẽpore. tũ ex E loco styli, tanquam centro; describatur circulus K D A B, more quidem solito diuidendus, sed initio facto à puncto I, quo scilicet eum secat linea vmbre EI.

Deinde si Verticalis ille, in quo est Sol, sit à parte ortiua in quarta septentrionali, quæ sit BA, vmbra ex opposito erit à parte occidua in quarta meridionali KD; vnde si à puncto I, in circulo K D A B numerentur versùs K tot gradus quot supersunt Verticales à Sole transcurrenti, vt ad primum, qui est Meridiano rectus, perueniat; & numerus compleatur, verbi gratia, in K; per K, & E ducenda erit recta AEK communis sectio plani Horizontalis, & circuli Verticalis primarij: at verò ad rectam AEK per E ducta perpendicularis BED erit Meridiana, in quam scilicet vmbra styli in E orthogonaliter fixi cadet cũ Sol in circulo Meridiano fuerit.

Possit autem similis operatio, sicut in plano Horizontali, ita in alio, quod circulo Verticali primario æquidistat, perinde exerceri.


Cæterum tradita regula certissima est, dummodo Astrolabia habeantur accuratè elaborata, qualibus ego vtor, bipedalis diametri, in quibus circuli Verticales per gradus singulos Horizontis, sicut & circuli Almucantarath per singulos omnium Verticalium gradus, & paralleli Equatoris per singulos binos Ecliptice gradus, quantum permittit ipsius maxima circa Tropicos obliquitas, delineati sunt.

Vnum tamen moneo, quod scilicet loco, & vice styli adhiberi potest filum aliquod tenue firmiter inter duos terminos immobiles tensum, atque ad perpendicularum erectum; dummodo vmbra eius per centrum B transeat, vel quod in idem recidit, dummodo in linea notatæ vmbre, vt EI, fiat centrum circuli prædicti. Præterea, iuxta dicta in præcedenti regula; optimum erit si loco styli aut fili adhibeatur rimula vt FG, inter latera rectilinea duarum tabularum vt HL, studiosius procurata, & ad perpendicularum erecta; nam cæteris in toto subiecto plano obscuratis, sola subintraret linea lucis quæ per FG in EI, verbi gratia, incidens, idem quod vmbra antea dicta præstaret, & quidem multò certius.

Demonstratio vltior nulla hinc est necessaria scienti dispositionem, & naturam circulorum Verticalium; hi enim ad angulos rectos sunt cum Horizonte, sicut & Meridianus; qui, vnus ex ipsis cũ sit, transit sicut & illi per polos Horizontis, Zenith videlicet, & Nadir; & illum, qui inter cæteros Verticales primarius est, ad angulos rectos secatur; vnde qui Solis à primo Verticali distantiam per Astrolabium, aut aliter nouit, scit quoque hoc ipso distantiam eiusdem à nonagesimo Verticali, qui idem Meridianus est circulus. Igitur &c.

Tertiò inueniri potest linea Meridiana solo, umbræ indicio, in Aequinoctijs.

POsito plano Horizontali A B, Fixoque C D stylo, vt supra, lucente Sole, die Æquinoctij, siue ante, siue post meridiem, siue ante simul, & post, obseruetur diligenter bis saltem, vel ter vmbra vertex, vt in punctis



E, & F, vel etiam H; recta enim ducta ex E per F, & H, atque etiam per alia, eodem *Æquinocij* die similiter notata puncta (si forte aliqua alia notare libuerit) erit communis sectio plani *Horizontalis*, & circuli *Æquinotialis*: recta verò CD ad æquales angulos eam secans, & per C locum styli transiens erit quæsitæ *Meridiana*.

Hoc idem, vt *ſuprà*, fieri poteſt in plano ad Horizontem recto , ſed minime declinante . Siue autem planum Horizontale, ſiue Verticale fuerit, ſi loco ſtyli opaci CD, foraminulum ; & loco vmbræ, radius lucis adhibeatur ; vt *numero primo* , *vel etiam ſecundo* ; erit fanè operatio longè certior.

Demonstratio.

Quia lineæ vmbrarum DE, DF, DH sunt in plano Æquinoctialis circuli per 14 prop. primi huius; erit per 19 eiusdem recta EFH sectio communis eiusdem circuli, & plani AB. Et quia tam Æquinoctialis circulus, quàm planum AB (seu fuerit Horizontale, seu Verticale non-declinans) rectos cum Meridiano angulos efficiunt; eorum quoque sectio communis EH rectos cum eodem Meridiano angulos similiter efficiet per 19 prop. 11 elem. Quia vero linea Meridiana CG in plano Meridiani est, ideo cum hac quoque rectos angulos facit eadem linea Æquinoctialis EH per definit. 3. eiusdem. Igitur rectè inuenta est linea Meridiana, quod fuit demonstrandum.

*Quartò multò certius inueniri potest quous tempore linea
Meridiana solo stellæ Polaris noctu
inspectæ indicio.*

Quartus hic modus omnium certissimus mihi visus est, licet nonnihil operosus; sed non est accurati Horographi laborem refugere, præsertim in negotio totius Horographiæ pene summo: ego quidem delineaturus insigne aliquod horarium, præsertim Catoptricum, (qualia iam auxiliante Deo feliciter delineauimus plurima, ut Lectori ipso initio dixi) quarto isto modo, lineam Meridianam inuestigare soleo, idque vel solo, vel etiam secundo (quem paulò ante exposui) ad maiorem cautelam adhibito; labori namque hac in re, ut & in alijs similibus, parcendum esse nunquam putauimus; & hinc credo factum est, ut horarium (quæcunque hæcenus à me, vel etiam ab alio ex iisdem præceptis delineata sunt) fides instrumentis exquisitissimis, necnon adhibito certissimo ephemeridum calculo, explorata, cum Solis in cælo motu ad usque minuta concors inuenta semper fuerit. Cæterum hunc modum inuestigandæ lineæ Meridianæ, iam ante annos ferè 26, cum essem Burdegalæ adinueni, coque deinceps, ut dixi, usus sum. Illum autem non commodius vel clarius exponere posse me credo, quàm si breuiter, hic referam, quid ego ipse hac in parte vel egerim, vel obseruauerim tum in Gallia sæpius, tum etiam Romæ non semel, præsertim verò in Palatio Eminentissimi Cardinali Spada; cum elegantissimum idemque fidelissimum Astrolabium Catoptricum in amplissimi ambulacri testudine, ac parietibus delineandum, ipso iubente Eminentissimo Domino, suscepi.

In primis igitur ductu acus Magneticæ communis (vel etiam perfectissimæ, de qua sequenti numero 5) vel aliter, quero locum mihi commodum inter duo quædam ædificia se se mutuò inter austrum & septentrionem respicientia, & ab inuicem conuenienti, id est 30, aut 40, vel etiam 50, aut 60, passuum interuallo distita; cum his conditionibus ut scilicet, Primò ex inferiori parte eius quod ad septentrionem spectat, velut ex G, liber mihi ad stellam Polarem pateat prospectus. Secundò ut in parte superiori eiusdem, veluti A (siue ibi sit fenestra latior, siue subdiale, siue ipsa tecti ora, vel pinna) liber pateat locus per aliquantulum saltem spatium, verbi gratia, duorum, vel trium passuum, quo aut versùs ortum S, aut versùs occasum Q excurrere deferri possit funiculi extensi (de quo statim) caput A. Tertio ut Soli radios in oppositi ædificij partem I N vibranti meridie nihil officiat.

Locum verò huiusmodi commodissimum nactus sum in Regio nostro Romano Sanctissimæ Trinitatis conuentu in monte Pincio, ubi ex parte sacræ Ædis septentrionem respiciente, longa, lataque porrigitur ambula-

N


tio

tio hypætra elegantem habens in QS è candido lapide affabrè secto peribolum. Oppositæ verò parti perittylij vt in I, & N liberè Sol meridianus lucet: imò ea parte, sicut & toto per quadrum ædificio regnat pulcherri-
ma concamerata cryptoporticus, in cuius ego fornice, ac parietibus longè latèque patens Catoptricum Astrolabium annis ab hinc ferè duodecim accuratissimè delineauì, speculo in fenestrâ I parte inferiore constituto.

Loco itaque sic ad propositum inuento, duos paro funiculos, quales sunt AB, & CI, tantæ longitudinis, vt medianti BC, filo ferreo crassiori bipalmari, vel tripalmari hinc inde in B, & C optimè colligati tendi simul possint ab I in A: ipsi autem filo ferreo BC (alio similiter ferreo, vel æreo, sed tenuissimo filo) aptè circumligo militaris igniarij funis dato tempore accendendi particulam, eamque ex vno capite, vt (cùm opus fuerit) ignem faciliùs concipiat, sulphure obliuo, vel more militum pyrio puluere impleo. Ita paratum funiculum annulo supernè ad medium fenestrâ I firmiter hærenti insertum nodo constringo; aliud verò eiusdem caput ex parte A adalligo quidem, sed non omnino confirmo; obseruo tamen, vt funiculus ita extensus consistat in plano circuli Meridiani, ad prope verum, vt dici solet, quantum scilicet assequi id possum indicio acus Magneticæ. Ac denique funiculo IA connexum in puncto E (hoc est duorum, vel trium palmorum ab A interuallo) tenuiorem alium funiculum demitto cum perpendicularo, vt est EF.

Hunc verò, quem dico tenuiorem funiculum, nolo esse contortum; ne propter nimiam longitudinem, in gyros contrarios ab appenso pondere, distorqueatur, & ita quietem fideli perpendicularo prorsus necessariam non admittat. Sed cum proportionem, sicut in alijs perpendicularis minoribus, vt or funiculo quaternis vel octonis, siue duodenis, aut pluribus ritè implicitis staminibus contexto, vel catenula conferta è palmaribus filis ferreis vel æneis se se inuicem, extrema vtrique parte in annulum retorta, continentibus. His tamen, vt potè rigidi, satque adeo non facilè in lineam rectam extendendis interpono ad imum, vt in G aliquantulam funiculi portionem, quantam videlicet postulat lineæ perpendiculari rectitudo necessaria ad lineam opticam GH certò dirigendam.

His interdiu comparatis, dum nocte ferena clariores micant stellæ, adisco, & diligentissimè annoto in qua præcisè parte cœli sit, prope duas vltimas stellæ caudæ Vrsæ minoris, verum punctum Poli Arctici, & ad hoc quidem vt or præcepto quod tradit Iunctinus in Sphær. Ioann. de sacro Bosco cap. 1; nimirum inter extremas duas stellæ caudæ Vrsæ minoris K, & L, duco imaginatione rectam KL; super hac autem tanquam basi triangulum æquilaterum K L H constituo versùs caput Vrsæ maioris, eius enim trianguli apex H, est (saltem hac ætate) verus locus Poli, vt ostenditur in figura Vrsæ minoris huc ex eodem Iunctino cum dicto triangulo relata. Itaque loco Poli H ita accuratissimè notato Catapultariæ recti BC ignem adhibeo, qui ex suppositione rutilet in D: ideo autem Ignem adhibeo; ne
per





per obscuriorem noctem halluciner, vel omnino non videam funiculum AI; igniculus autem etiam in longam distantiam per quaslibet densissimas tenebras clarius cernitur, unde & ad maiorem facilitatem operationis, optarem non tantum in D, sed multis etiam alijs in partibus funiculi AI, similes igniculos accendi.

Tum demum accedens ad perpendicularum EF, oculum constituo in G; hoc est in aliquo puncto lineæ rectæ quieti, & immoti perpendiculari; aciemque per igniculum D in polum H intendo; & quidem si à linea optica GH distet siue ad ortum, siue ad occasum igniculus D, seu funiculus AI; focium (qui desuper in subdiali adest ad hoc ipsum paratus) moneo ut caput funiculi A ducat reducatue in ortum, aut occasum (interim verò perpendicularum ego leui manu semper quietum contineo) donec tandem lucidum punctum D, vel aliud etiam non lucidum in eodem funiculo AI existens, constituatur in eadem linea optica simul cum H puncto poli, & cum G, aut simili æquivalenti puncto lineæ perpendiculari EF, quod, ut dixi, volo omnino esse quietum. Cum enim tria hæc puncta in vna recta linea visuali GDH constiterint, erit certissimè funiculus ADI in plano circuli Meridiani; atque adeo in A secundum eum situm accuratissimè religandus, & confirmandus in sequentem diem. Ne qua verò esse possit hallucinationis suspicio circa situm prædictorum trium punctorum G, D, & H in eadem linea visuali, idem sæpius pertento; donec tandem rem optatam pluribus feliciter, & eodem modo succedentibus experimentis comprobauero.

Alia etiam ratione funiculum AI in plano Meridiani collocare possum, videlicet lineam opticam dirigendo, non, ut dixi, in verum locum poli, sed in stellam polarem, (idem seruata proportionem dicendum de quauis alia stella insigni, quæ tamen dum est in Meridiano distantiam à Zenith habeat notabilem) quæ nimirum vicinissima polo, vltima est in cauda Vrsæ minoris. Sed hæc ratio non est ita vniuersalis, ut prior.

Nam primò non potest qualibet noctis hora vsurpari; sed eo solum momento temporis, quo dicta stella est in circulo Meridiano; quod tantùm bis in spatio 24 horarum contingit: si tamen hanc rationem vsurpare quis velit, discat per calculum Astronomicum, siue per instrumentum, vtputa, cœlestem Globum, vel Astrolabium, discat inquam horæ momentum, quo dicta stella in Meridiano futura sit; omnibus enim, ut prius dixi, debite comparatis, si eodem temporis momento visum ex G in eam stellam (quam hic designat littera L) dirigat, & in eadem linea visuali concurrat etiam funiculus AI, siue aliquod eius punctum ut D; erit tunc funiculus in plano Meridiani. Dixi eodem illo temporis momento, quia si paulò ante, vel paulò post id fiat, non ritè fiet, nec obtinebitur situs funiculi sub Meridiano.

Secundò fati difficile est nosse quandonam adsit momentum illius temporis; id enim vix aliter sciri potest, quàm ope horologij rectissimi, vel accuratissima obseruatione eleuationis maximæ, vel minimæ eiusdem stellæ,

in vitroque autem & difficultas, & fallaciæ periculum est.

Tertiò multæ labuntur noctes quibus ea stella in Meridiano nunquam est, quando nimirum Sol maximè distat ab ijs Signis cum quibus illa in Meridiano est; eo enim tempore stella existente in Meridiano, Sol est in oriente vel in occidente: quare fatius est, & certius si linea visualis in verum locum poli probè notum dirigatur. Hæc enim ratio, cum non ad aliquod in particulari, noctis tempus restringatur, difficultate illius obseruandi non tenetur, & qualibet noctis hora, imò & tota nocte, dummodo serena, quocunque anni tempore, utilis est.

Collocato, vt dictum est, funiculo ADI in plano circuli Meridiani, ibique optimè religato, & confirmato; sequenti die cum illuxerit, vel certè paulò ante meridiem suspendo ex parte I perpendiculum MN alligatum, quidem funiculo ADI prope I, confectum verò è funiculo, quem, vt suprà etiam adueri, non in diuersum torqueat attrahens deorsum pondus; ne videlicet gyri illi contrarij, vel reciproci, quietem simul, & fidem perpendiculi conturbent: tum in fenestra constitutus, & tabulam albam, seu chartam manu gestans, eamque veluti parallelam Horizonti, vel etiam, inclinatam, aut Verticali æquidistantem, prope lineam perpendiculi, collocatam tenens, vel potiùs eam sinens immotam super fenestræ margine, obseruo diligenter momētum, quo umbra lineæ perpendiculi MN, & umbra funiculi ADI in vnā eandemque lineam perfectè coierint in prædicta charta; ac eo temporis momento Solem esse in Meridiano pronuntio: vnde si fortè tunc paratus ibidem, aut prope eum locum fuerit Gnomon; potest eius è vertice cadens umbra diligenter notari: hæc enim umbra est certò Meridiana; & per id punctum ducenda est Meridiana linea.

Demonstratio.

Quoniam duæ lineæ perpendiculorum EF, & MN appensi ponderis inclinatione naturali ad commune grauium, ipsiusque terræ centrū diriguntur, & in eo, si producerentur, angulum facerent se inuicem secantes; in vno sunt plano per 2. 11 elem. Quia vero eas in E, & M secans alia extensi funiculi ADI linea vnum triangulum cum eisdem efficit; sequitur eam quoque in vno pariter cum illis plano esse per eandem 2. 11. & quia hoc planum, (vt natura demonstrat perpendiculi) ad Horizontem rectum est, inceditque per Zenith; & præterea (vt ostendit linea optica GDH) per polum mundi transit; sequitur illud cum plano Meridiani conuenire. Igitur cum radius lucis, à centro Solis prodians ON, in eo plano fuerit, erit consequenter in plano Meridiani: esse autem illum reuera in eo plano, euidenter ostendit umbra vnica cadens à duplici eiusdem plani linea, videlicet AM, & MN. Et consequenter umbra, quam eodem temporis momento proiecerit non longè ab eo loco fixi styli apex, erit verè

rè vmbra meridiana ; & per eius vmbra punctum ducenda erit Meridiana linea, quod fuit demonſtrandum.

*Quintò inueniri poteſt linea Meridiana ductu acus
Magneticæ.*

VTere Inſtrumento declinatorio, cuius deſcriptio habetur inferius *prop. 16.* in quo ſuppono contineri Magnete imbutam chalybeam acum ad minus palmarem eamque optimam, & probatam, cuius eo in loco, in quo es, declinationem diſtinctè noueris (modus eam declinationem cognoscendi tradetur *eadem prop. in fine*) ſic autem operabere. Capſulam AD à quadrato OR auulſam (ſiue cum eo coniunctam) colloca in plano Horizonti parallelo, eamque ita, ac tamdiu moue, donec placide conqueſcens acus directæ cuspide H gradum prædictæ declinationis reſpiciat in arcu, & limbo FG; tunc enim linea quæ per L, & M ducitur, vel altera eidem parallela, erit linea Meridiana; hoc eſt, communis ſectio plani Horizontalis & circuli Meridiani; cuius rei demonſtratio pendet ex dicendis *eadem citata prop. 16.*


Propoſitio XIII.

*Lineam Meridianam loci ex prædictis inuenire dato ſtylo in
quouis ad horarij delineationem comparato plano,
quod tamen non æquidiſtet circulo
Meridiano.*

PLura hoc problemate continentur, quàm vt poſſint vno communi præcepto abſolui; cùm enim non vnus, idemque ſit omnium planorum ſitus, non idem etiam eſt lineæ Meridianæ in eis deſignandæ modus, ſiquidè in plano Horizontali, vt & in Verticali, ac etiam inclinato non declinante, linea Meridiana per locum ſtyli incedit; in alijs verò, id eſt in declinant, & in inclinat. ſimulque declinant. minimè. Dicam itaque in ſingulis qua ratione rem hanc ego peragam; præcipuè enim mihi curæ eſt, in negotio horographico (vt antea dixi) lineam Meridianam certò inuenire, cùm ex ea, maximam partem, pendeat horariorum recta delineatio.

In primis igitur pro quibuſcunque planis obſeruo diligentiffimè vmbra, quæ à vertice ſtyli in ipſum planum cadit eo temporis momento, quo Sol in circulo Meridiano lucet (id vero momentum agnoſco aliquo ex quinque modis præcedenti *propoſit. 12* explicatis, ſed præcipuè quarto cuius mihi fides præ cæteris arridet) & punctum eiufdem vmbra rubrica,
vel

vel impresso aliquo signo subtiliter annoto. Tale est punctum C in prima figura; & F in secunda; & K in tertia; ac tandem O in quarta. Deinde si planum est Horizontale, vt est 1; ex C puncto vmbra meridianæ obseruatæ,



per A locum styli duco rectam AC, in quam semper meridiæ vmbra verticis B. Eodem modo, seruata proportione, faciendum est in plano Verticali directo, ac etiam in plano inclinato minimè declinante, tam in inferiori, quàm in superiori facie; in his enim planis, vt ante dixi, linea Meridiana per locum styli incedit; quia videlicet ea plana ad angulos rectos fecat Meridianus.

Si verò planum fuerit Verticale declinans, vt est 2; tunc assumo perpendiculum, eiusque liberè ex loco superiori, vt G, pendentem quietam lineam, notatæ prius vmbra puncto F applico, & secundum eius lineæ fidem, lineam Meridianam GF designo, in quam videlicet, semper meridiæ cadet vmbra à vertice E; quod autem vides Meridianam hanc minimè transire per D locum styli; ideo est, quia hoc planum, vt dixi, declinat, hoc est, non ad angulos rectos à Meridiano fecatur.

Si planum fuerit inclinatum, simulque declinans secundum faciem superiorem, vt est 3; perpendiculum à styli vertice H pendens demitto, & paulatim labi sino, donec inferior eius cuspis (quæ necessariò in eadem linea recta, in qua est filum perpendiculi, esse debet, vt notavi *prop. 7*) subiectum planum attigerit, vt in L; nam per contactus punctum diligenter notatum, ac per K punctum meridianæ prius obseruatæ vmbra, duci debet linea LK, in quam semper à vertice H cadet vmbra meridiæ.

Si denique planum fuerit inclinatum, simulque declinans, vt præcedens, sed secundum inferiorem faciem, vt est 4; perpendiculum supernè, vt in P, applicatum ipsi plano. Sic dirigo, vt eius liberè pendens, & quæta linea PQ attingat styli verticem N, & tunc diligenter noto punctum contactus plani cum linea perpendiculi videlicet P; ac per P, simulque per O punctum videlicet obseruatæ prius vmbra meridianæ, duco lineam PO, in quam à vertice N, semper vmbra meridiæ cadet,

Demonstratio.

Facilis est demonstratio quoad planum figuræ primæ, videlicet Horizontale, aut Verticale; aut etiam, vt dixi, inclinatum non declinans cum enim stylus ad ea plana supponatur rectus, & similiter circulus Meridianus ad eadem rectus sit, sequitur ipsum, qui *per prop. 11 primi huius* per verticem styli, vtpote in centro Sphæræ existentem, transit, transire etiam per totum stylum, atque adeo per locum eius in plano horologij, vtpote A: quia verò ex obseruata meridiana vmbra, eiusque puncto notato C, constat ipsum C in plano circuli Meridiani esse *per Coroll. prop. 13 primi huius*; sequitur rectam CA esse communem huius plani, & circuli Meridiani sectionem.

At verò quoad planum Verticale declinans, vt est 2; quia planum Meridiani, & planum horologij ad Horizontem recta sunt; erit quoque *per 19 11 elem.* ad eundem Horizontem recta eorum communis sectio. Et quia punctum obseruatæ vmbrae F est in ea sectione *per Coroll. prop. 13 primi huius*; sequitur dictam eorum communem sectionem esse rectam GF, quæ beneficio, & indicio perpendiculari ducta est ad Horizontem recta per dictum vmbrae punctum F.

Quoad planum 3 figuræ inclinatum, & declinans secundum faciem superiorem; quia circulus Meridianus per axem Horizontis, atque adeo per lineam perpendiculari transit, transit etiam per punctum in quo eidem axi, seu lineæ perpendiculari, planum horologij occurrit, quale est punctum L, quod hoc loco ipsum Nadir representat: aliunde verò *ex Coroll. prop. 13 primi huius*, transit idem Meridianus per obseruatæ vmbrae Meridianæ punctum K: igitur recta per L, & K ducta, erit communis sectio plani inclinati, & declinantis, cum circulo Meridiano; ac in eam cadet semper meridie vmbra è vertice H.


Denique quoad planum quartæ figuræ; quia punctum P, in quo lineæ perpendiculari, seu axi Horizontis, planum hoc inclinatum occurrit, refert punctum Zenith in horologio; transibit communis circuli Meridiani, & huius plani sectio per dictum punctum P. Et quia etiam obseruatæ ac notatæ vmbrae punctum O, est in plano Meridiani, *ex Coroll. prop. 13 primi huius*, recta per O, & P ducta, erit linea Meridiana, seu sectio communis Meridiani, & plani huius inclinati, simulque declinantis, secundum faciem inferiorem. Igitur dato stylo in quolibet plano &c. lineam Meridianam, loci rectè designauimus, quod fuit demonstrandum.

Alium præterea modum postea tradam (*prop. 48*, eiusque Scholio) lineæ Meridianæ designandæ in quacunque non solum plana, sed etiam conuexa, vel concaua seu regulari, seu irregulari superficie; qui modus facillimus est, idemque certissimus.

Propositio XIV.

Dato stylo, & linea Meridiana loci in plano Verticali declinate, declinationis angulum inuenire.

Sit datus stylius AB, & linea Meridiana iam ducta IK in plano declinate, cuius tamen declinationis quantitas ignota quæritur. Per locum styli A ducatur *per prop. 6 huius* linea Verticalis AD, producatque sursum



versus C. ducatur etiam *per prop. 5* linea Horizontalis EF, quæ Verticalem quidem in A loco styli, Meridianam verò secet in G. Sumatur deinde, aperto circino longitudo styli AB, eique, in linea producta Verticali abscindatur æqualis AC: tum ex C per G ducatur recta CG: & angulus GCA, erit angulus declinationis; cuius quantitas cognoscetur in arcu HA ducto ex centro C, & comprehenso inter rectas CG, GA.

Demonstratio.

Intelligatur triangulum AGC moueri super immota basi AG, donec ad angulos rectos plano, in quo nunc videtur esse, insitat; itaut eius vertex C cum styli vertice B conueniat: erit tunc dictum triangulum in plano Horizontis (sicut nunc est in plano ad Horizontem recto) recta autem CG, erit communis sectio Horizontis, & Meridiani. Et quia CA, seu BA (quod nunc idem est) est communis sectio eiusdem Horizontis, & circuli Verticalis, qui ad horologij planum rectus est; sequitur *per prop. 3 primi huius*, angulum GCA esse angulum declinationis; quem per eandem metitur arcus AH, in plano Horizontis, comprehensus inter Meridianum, & Verticalem, qui ad planum horologij rectus est. Igitur dato stylo, &c. angulum declinationis rectè inuenimus, quod fuit demonstrandum.

Corollarium 1.

E Conuerso inueniri poterit in eodem plano linea Meridiana, dato stylo, & declinatione, hoc modo, & ordine. Designata, vt priùs, linea Verticali CD, necnon Horizontali EF, atque etiam sumpto centro C, & ducto arcu AH; gradus declinationis cognitæ numerentur ab A versùs H (si quidem declinatio fuerit à meridie in ortum, vt hìc; aliàs enim in oppositam partem versùs L numerandi essent, si esset declinatio à meridie in occasum) & per finem numerationis ducatur recta CH secans Horizontalem EF in G; eritque G punctum, in quo sectioni communi Horizontis, & Meridiani, videlicet rectæ CG, planum declinans occurrit; atque adeo per punctum G ducenda erit beneficio perpendiculari Meridiana linea IGK.


Corollarium 2.

H Oc modo non tantum cognoscitur quantitas declinationis, sed etiam plaga mundi, in quam est declinatio, seu in quam obuertitur planum horologii quia enim triangulo GAC, in plano Horizontis, vt supra, collocato, apex eius C, utpote cum styli vertice B, cohærens, centrum Sphæræ refert, per prop. 11 primi huius, consequenter recta CG in eo situ refert & in plano Horizontis partem Meridianæ lineæ, quæ versùs septentrionem est inter Sphæræ centrum, & planum horologii; similiterque arcus HA, refert & arcum Horizontis, qui à septentrione versùs occasum tendens terminatur ad Verticalem CA (seu BA) igitur hæc linea Verticalis GA, à styli vertice, seu à centro Sphæræ versùs planum horologii, vel etiam ultra per A in directum protensa respicit eam mundi plagam, quæ est inter septentrionem, & occasum, siquidem arcus HA est minor quadrante circuli: si verò in oppositum ex A per C produceretur eadem Verticalis, citra centrum Sphæræ C; tenderet ad plagam, quæ est inter meridiem, & orientem; hæc quippè plaga præcedenti opponitur, atque inde cognoscitur planum propositum declinare à meridie in ortum. Quoties itaque linea Meridiana in horologio inter ortum, & locum styli est; (vt hìc) declinatio est à meridie in ortum: si verò inter eundem locum styli, & occasum contineatur linea Meridiana; declinatio erit à meridie in occasum. Ita, seruata proportionem, cogitare licet de planis, quibus à meridie omnino auersis apparet septentrio; quorum consequenter declinatio ex dictis prop. 8 primi huius non à meridie, sed à septentrione denominanda est.

Propositio XV.

Datis stylo, & linea Meridiana loci in plano inclinato, simulque declinante; declinationis angulum inuenire.

Sit in plano inclinanto ac declinante datus stylo AB, & Meridiana. etiam data CD, per prop. 7 huius. ducatur Verticalis EAF; & per 8 eiusdem ducatur Horizontalis GH, secans Verticalem in K, & Meridianam in



N: tum AI, ad Verticalem EF, perpendicularis, fiat æqualis stylo AB; sumptoque IK interuallo æqualis abscindatur KM in Verticali KE; atque ex M per N recta educatur MN: & angulus declinationis erit NMK, cuius quantitatem indicabit arcus KO ductus ex M centro, & comprehensus inter rectas MK, MN.

Demonstratio.

Si triangulum AKI super immota basi AK moueri intelligatur, donec ad angulos rectos plano inclinato insistat, eiusque latus AI cum stylo AB conueniat; erit tunc recta IK sectio communis Horizontis, & circuli Verticalis, qui ad planum ipsum inclinatum rectus est. Si deinde producat recta NM, vsque in P; & triangulum NKM super immota basi NK moueatur simul cum opposito triangulo MPE; donec M, verticem styli B tangat; & MK cum IK Verticali (quæ iam erit producta vsque in E) congruat: erit PMN communis sectio Horizontis, & circuli Meridiani; eritque OK arcus Horizontis comprehensus inter lineam Verticalem MK, & Meridianam MN, & consequenter per prop. 8 primi huius angulus declinationis erit KMN; eumque per eandem metietur arcus Horizontis OK. Et quia Verticalis KM à puncto K, quod est in ipso plano declinante

Propositio XVI.

Instrumentum inuestigandis planorum declinationibus accommodatum construere.


E Dolata Nuce, vel Ebena, siue alio solido ligno, capsula AD oblonga quadrangula, tali arte compingatur, vt absque vllis ferreis, vel chalybeis clauis, quatuor in gyro tabellæ ad basim orthogonæ, optimo taurino glutine, & internis commissuris, cum eadem basi, ac inuicem affabrè connectantur. Non solùm à capsulæ, sed à totius etiam instrumenti compagine ferreos clauos, chalybeosque, seu ferrum ipsum, & chalybem prorsus arceo, imò & in vicinia esse non patior; ne sollicitante naturali sympathia (quæ Magnetem inter, & ferrum est) cognata Magnetica acus, lapidis amore abrepta, atque decepta fidem fallat.


Optimum verò esset si non è ligno, sed ex orichalco fieret capsula, ipsumque etiam quadratum, de quo postea; quod & de reliquis instrumentis intelligi velim: nam instrumentum ligneum variæ (quæ subinde in ambiente aere succedunt affectiones) vel torquent, & incuruant, vel distendunt, vel contrahunt; atque adeo æqualitatem graduum, & similium mensurarum ei omnino adimunt, saltem quoad eam partem, quæ latitudini asseris respondet: vnde quando ligneis huiusmodi instrumentis vti cogor, ea ita confici curo, vt notæ omnes, aut certè præcipuæ, lineis secundum asserculorum longitudinem extensis, non autem secundum latitudinem transuersis committantur. Vide prop. 21 sequentis libri.

Capsulæ longitudo AC, seu BD secundum internum capacem aluacolum, tanta sit, vt chalybeam acum circiter palmarem, & insuper transuersam orichalceam lamellam: vt mox dicetur Z b vnum ferè digitum latam recipere possit. Eiusdem verò latitudo duas quintas ipsius longitudinis partes contineat, vel parum amplius.

Denique altitudo, seu profunditas capsulæ sufficiat tum altitudini styli E, simulque vmbilici, seu cuculli K; tum geminis intus per gyrum excauandis crenis; quarum primæ, idest superiori, ambulatorium operculum, vt p q perbelle committi poterit; alteri verò scilicet inferiori inserta crySTALLUS plana, & nitida acum cuspidi E impositam proteget; ita tamen vt eam non quidem contingat, ne liberè moueri non sinat: sed solùm beneficio transuersæ in summo vmbilico lineolæ K, in statu contineat ne de loco suo deturbetur, si quando inuerti aluacolum, aut concuti acciderit.

Stylus E, tornatilis ex orichalceo, desinat sensim in acumen; sub basi autem latiore, virgulam habeat, in principio quadrangulam, in imo terebrem, & stria in spiram secta munitam, quæ parato in inferiori asseri ad medium quadrato foraminulo commissa, & contorto subtus cochlidio firmata





mata stylum immobilem contineat. Opto autem supremam styli cuspidem chalybeam esse; quod facile erit, si resecta cuspide orichalcea, in eius locum substituat, atque argenteo ferrumine copuletur chalybea; quæ tamen, postquam temperata fuerit, cote ita corrodat, ut quambrevissima, tenuissimaque supersit chalybea cuspis, acumine quidem subtilissimo, sed tantulum extendo, ac mox læuigando.

Acus è purissimo chalybe cudatur, elimetur, læuiget, tenuissima, leuissima, longa, ut dixi, palmum unum, specie sagittæ; sed in medio latior propter foramen ibidem faciendum: supra ipsum verò foramen coaptatus cucullus orichalceus K, transuersam lineolam in summo gerat; subtilius verò in modum conicaui ita perfectè vacuetur, ut interior summæ concauitatis umbilicus optimè formatus, & læuigatus parati iam styli cuspidem pariter, ut dixi, læuigatam commodè excipiat, neque latior, neque arctior quàm par sit.

Ego acum huiusmodi conficio ex illo tenuissimo genere lamellæ, cuius intra versatile tympanum conuolutæ usus est communis in minoribus organicis horologijs ad rotas, quæ vel indici horario, vel pulsando tympano deseruiunt, promouendas: constat namque eius generis lamina è chalybe defæcatissimo, & summa diligentia cuso, estque affabre elimata, ac exposita ad omnimodam crassitiæ æqualitatem, & ob tenuitatem forficibus facile præsecatur, simulque erodente conformatur in sagittæ similitudinem: illi verò ad medium foramen, cucullum coapto, non ferrumine villo; ne, ignis ardore soluta chalybis temperie, nimium languescat acus, & proprio licet admodum exiguo pondere incuruetur; sed ipsius cuculli basim accommodatè ad sagittæ tum latitudinem, tum crassitiem sic incido ad modum securicæ, seu, ut aiunt, hirundininae caudæ, ut immixtam aliquantulum vi sagittam hincinde amplexans firmiter contineat.

In posteriori, seu boreali capsulæ parte C D, configuratur ad medium orichalcea lamella ut L, quæ in circulum explicata extra basis interrasilem coronam emineat, ita tamen ut in eodem cum infima asseris superficie plano consistat; ipse verò circulus foraminulum habeat, cuius centrum sit in linea L E M, quæ videlicet vtrique lateri C A, & D B æquidistans per E (id est per punctum quod in inferiore eius asseris facie est, directè, atque ad perpendicularum sub vertice styli E) ducitur, ipsamque basim in duas æquales partes diuidit. In eadem linea ad oppositam partem A B producta, sit latus fiduciale, tres circiter digitos longum, alterius similis, & similiter confixæ, ac in eodem pariter plano existentis lamellæ M.

Ad extremum paretur alia pariter ex orichalco lamina quadrangula ut Z b, cuius, ut supra dixi, latitudo sit ferè digitalis, crassities modica, longitudo verò tanta, quanta est interna capsulæ latitudo F G, & parum amplius, quantum videlicet sufficit, ut paratis hincinde, id est in F, & in G incisuris commissa, stet in plano, æquidistans imo asseri, secundum eleuationem, quam præcisè habet sagittæ stylo impositæ, & æquilibratæ cuspis H. In ea

verò lamina priusquam loco suo disponatur; tot notentur gradus circuli, quot continere poterit; notentur autem in hunc modum.

Collocata eadem lamina super affere plano, itaut in eo stet firmiter agglutinata siue pice, siue aliter, ducatur ad eius latus rectum ab per mediū punctum Y perpendicularis Yd ; tum aperto circino sumatur interuallum, quod est inter sagittæ cuspidem H , & centrum mediij foraminis, quod est directè sub vmbilico cuculli K ; eique interuallo abscindatur æqualis Yc ; in c autem figatur clauulus ferreus, siue æreus, qui ad mensuram eleuationis laminæ supra ipsum planum, cui ea agglutinata est, extuberans, describendi circino arcus centrum inuariatum c contineat. Itaque producta per mediam clauuli bullam linea Yd , sumptoque iterum interuallo Yc , ac signo c ope styli chalybei, non admodum altè, sed quantum satis est, impresso imponatur circini pes immobilis; alter verò ultra prius assumptum interuallum KH , tantulum extensus, ac per laminam ductus designet, & altè incidat primò quidem arcum ZYZ , mox verò alium eidem parallelum ef : interualla autem graduum à puncto Y versùs Z , & Z hincinde circino transferantur in arcum ZYZ ; transferantur, inquam, ex aliquo circulo æqualis prorsus diametri, in suos (vt assollet) gradus seorsim diuiso: postmodum in eadem lamina ducantur transuersæ graduum singulorum, & quinorum, ac denorum distinctiuæ lineolæ, numerique hincinde scribantur ducto initio à puncto Y .

Quo facto lamina auulsa ab affere, limula subtiliter eradatur secundum arcum ZYZ , ac mox suo, vt prius dictum est, loco statuat, itaut sagittæ stylo impositæ, ac in modum ambulatoriæ diametri, circumductæ cuspidis non quidem eam attingat, sed per totum æqualiter gyrum proxime accedat ad eius contactum: propterea enim ad arcum ZYZ designandum pedem circini mobilem paulò ante iussu extendi tantulum ultra prius assumptum interuallum KH , & illud tantulum vltioris extensionis est hoc ipsum tantulum quod nunc ad dictū arcus cuspidisque contactum superesse, vel interesse iubeo. Est autem omnino necessarium vt lineola rY vnde incipiunt numerari gradus, & quæ Meridianam lineam indicabit, sit directè ad perpendicularum supra lineam LEM , antea designatam tum intùs in ipso capsulæ fundo, si opus fuerit, tum præcipuè in inferiori sub capsula superficie. Cæterum de interiori, vel exteriori instrumenti ornatu nihil dico; liberum enim est cuique, pro suo arbitratu, quem maluerit ornatum adhibere.

Explanetur postmodum, & optimè læuigetur amplum, & perfectum quadratum è solido ligno, si fortè aliquod reperiat, tale, ac ita tempestiuè cæsum, vt inuariatam quadrati figuram cum perfecta planitie semper teneat: vel commodius è præstanti lapide Ardosio (cuius in similibus planis instrumentis laudatissimus est vsus) hunc Galli dicimus Ardoise, Itali Lauagna vocitant: commodissimè autem fieret ex orichalco, vt antè dixi.

Sit igitur quadratum $OSRT$ talis, ac tantæ magnitudinis, vt (sumptis inter-

interuallis P S, & Q T æqualibus latitudini dimidiatæ basis L D, siue L C; ductisque duabus rectis Q N, & P N ad se inuicem, & ad opposita quadrati latera T O, & S O perpendicularibus) duci possit ex N tanquam centro quadrans circuli Q P, cuius semidiameter sit æqualis interuallo, quod inter centrum circuli orichalcei L, & extremam cuspidem regulæ M intercipitur, & præterea supersit locus, designandis tribus alijs exterioribus quadrantibus illi alteri parallelis ad interualla graduum, vt vulgò fit, distinguenda, & numeros inscribendos.

Ducto itaque cum dictis eius parallelis quadrante Q P, sumatur intus, versùs centrum N, digitorum circiter trium spatium, quantum scilicet linea fiduciæ in regula, seu lamina M, prominet extra imam basis oram, & paulò ampliùs; ac in eo spatio alij interiores sex quadrantes primo illi æquidistantes describantur, quos ad singula graduum minuta distinguenda reticulatim interfecent lineolæ rectæ, sed in obliquum ductæ. Quale verò & quantum interuallum inter dictos parallelos quadrantes seruari; & quæ debeat esse lineolarum rectarum obliquitas, vt explicem curauì tabellam hanc accuratè, & subtiliter incidi, quæ licet 10 tantum gradus quadrantis, contineat; reliquam tamen omnium 90 graduum seriem, vt pote similem, facilitè demonstrat.

Ex A tanquam centro ducatur, & leui circino, sed constante exaretur circuli arcus notatus D E, nec non & alius interior, tres circiter latos digitos ab eo distans notatus F G. Vterque verò, vt dixi, è 90 gradibus quadrantis, decem accuratissimè diuisos, eorumque semisses contineat. Deinde in arcu D E citra latus, seu semidiametrum D A, extenso, abscindatur portio D H æqualis dimidiato gradui D d, diuidaturque notatis quinque punctulis in sex inuicem æquales particulas, (quarum quælibet 5 minuta gradus continebit) & iungantur puncta duo H, & F, lineola recta subtilissima H F, quam in punctis N, M, L, K, I, fecent subtilissimæ aliæ quinque rectæ, à centro A (velut semidiametri) ductæ ad singula quinque iam in arcu D H distincta punctula. Per puncta verò hæc videlicet N, M, L, K, I ex A centro ducendi sunt paralleli arcus N O, M P, L Q, K R, I S; ita tamen vt tenuissima circini cuspidè subtiliter exarentur, non autem latiori sulco altius imprimantur.

His peractis, à puncto D in *a* (hoc est à principio primi gradus in quadrante D E ad finem primi semissis, primi item gradus in arcu F G) ducatur tenuissimo, & rectissimo ductu lineola D *a*; tum ex *d*, alia similis in *b*; hoc est à puncto medio primi gradus in arcu D E ad initium secundi gradus in arcu F G; & ita deinceps cancellatim ducantur per similia, & pari modo sibi respondentia cuiuslibet tum gradus tum semissis puncta lineolæ similes, quasi parallelæ, donec integrum totius quadrantis (vel vt hic graduum 5) rete omnino compleant. Possunt & vndatim alio ritu designari hæ lineæ quemadmodum in quinque sequentibus huius tabellæ gradibus exprimitur: ita scilicet, vt singulorum graduum in arcu D

E ini-

rectilinear: tamen aliam habet ea trasuersarum curuitas difficultatem in usu instrumenti, quam non habet rectitudo; quod scilicet oculus longè facilius distinguat, ac certius notet concursum duarum pariter rectarum; quàm vnus curuæ, & alterius rectæ: at linea fiduciæ indicis, qualis in capsula Magnetica, notatur *M* recta esse ponitur: quâuis & ipsa curua esse posset, si illæ aliæ ponerentur rectæ cum interuallis inter dictos arcus æqualibus; omnibus tamen pensatis satius esse existimaui, interualla circulatorum, inæqualia, cum trasuersis lineolis rectis, & indice etiam recto, quàm cum &c. æqualia facere.

Supereſt vt in quolibet latere quadrantis, è regione septem arcuum (quibus rete minutorum constat) dispositis ritè bis sex areolis, gemini vtrinq; numerorum ordines scribantur, sed interest vnde illi inchoentur: nam si trasuersariæ lineolæ primo antea dicto modo contextæ sint; à superiori arcu *DE* initium sumet vterque ordo qui in latere *DF* scribetur itaut arcui *IS*, respondeat 5; arcui autem *KR* respondeat 10; & sequenti *LQ*, 15; & ita deinceps vsque ad inferiorem *FG*; cui conuenit 30. Et rursus incipiendo à primo *DE*, cui etiam conuenit 30; arcui *IS* conueniet 35; & sequenti *KR* conueniet 40; & sic de aliis vsque ad vltimum *FG*, cui conuenit 60. In altero autem latere quadrantis, scribendi sunt opposito modo numeri, ita vt vterque ordo inchoetur ab arcu interiori *FG*, ducaturque versus exteriorem *DE*, ac in eodem terminetur.

Sed si trasuersariæ lineolæ secundo modo vndatim disponantur in latere quidem quadrantis *DF*, primus numerorum ordo initium sumet ab exteriori arcu *DE* descendendo, vt priùs, vsque ad interiorem *FG*; sed secundus quasi reflexè ab hoc eodem *FG* inchoatus, in exteriorem *DE*, ducetur; ita vt arcui *NO*, cui ex primo ordine numerorum conuenit 25, conueniat ex secundo, vt dixi, reflexo 35; & ita deinceps vsque ad arcum *DE*, cui conuenit 60. In opposito autem quadrantis latere *GE*, prima numerorū series ab arcu interiori *FG* exordium ducet, & ea vsque ad exteriorem *DE* ascendendo perducta, ibique scriptis 30, altera series reflexè, vt priùs, ad eundem interiorem *FG* reducetur, ibique 60 scribentur; sicut ad dictum *GE* latus expressum vides; nam in latere *DE* iam ab alijs notis occupato eos numeros non scripsi.

Hæc modo de contextu retis: quod verò ad usum eius attinet, expono paucis quid, & quantum valeant singula cuiuslibet arcus segmenta, nam hoc solo probè cognito, cum in aliquod huiusmodi segmentum incidit index, statim intelligetur, quot gradus, quotque minuta commonstret.

Igitur arcus *IS* segmentum comprehensum inter quadrantis latus *DA*, & notam *f* in lineola *Da*, valet 5 min. circuli verò *KR* segmentum comprehensum eodem latere *DA* & nota *g* in eadem lineola *Da* valet 10 min. & ita deinceps vsque ad circulum *FG*, cuius segmentum *Fa* valet 30; & tantum etiam valet segmentum *Dd*, in arcu *DE*; quia scilicet est segmentum dimidiati gradus, sed sequentis arcus *IS* segmentum terminatum ad

notam

notam l , in lineola db valet 35 min. & sic deinceps vsque ad segm. Fb , in arcu FG , quod valet 60 min. id est gradum vnum integrum, quantum scilicet etiam valet segmentum De in circulo DE ; & sic de alijs. Si itaque index cum capsula Magnetica mobilis, tangat præcisè, exempli causa, punctum n , quo lineola db arcum LQ secat; dabit grad. 0 min. 45; vt etiã indicaret, secunda in latere DE scribenda ad dexteram, vt dictum est, series numerorum: quod quidem intelligitur, quando à latere DF versùs oppositum latus EG procedit index: nam in contrario processu, daret tunc index pro eo contactu notæ n grad. 89 completos in notula b , & insuper min. 15 completa in notula n ex his cætera sunt facillima, nec est quod in ijs immorer: quare pergo ad reliquam instrumenti fabricam.

Supereft autem faciendum in centro N (repetatur prior figura) foraminulum orbiculare, æquale alteri priùs factò, in medio circuli L ; ita autem subtiliter fiat; vt teres orichalceus clauulus V illud, sicut & aliud iam dictum, iusta mensura implens, ad angulos rectos sit toti plano quadrato. Cum denique capsula quadrato imposita fuerit, & traiecto prædicto clauulo copulata; clauulus ipse à parte inferiori conuerso cochlidio X constringetur; capsula verò, simul cum acu Magnetica circa centrum L , siue N , conuerti in hanc, & illam quadrati partem faciliè poterit.

Aduertere autem potes, Lector, me ideo centrum motus capsulæ, non in E puncto ipsius medio collocasse, sed in L puncto extremo, vt nimirum index M , longè maioris diametri arcum describat (vt est quadrans QP , in quo faciliùs quàm in minori minuta graduum distinguì possent.

Pene omisseram, quod præcipuum est totius instrumenti, acum videlicet seu sagittam ostensoriam Magnetica virtute imbuendam, & deinde, inuestigandam eiusdem, in dato loco, vel ciuitate, declinationem à Meridiana linea.

Quoad primum itaque optimus quæraturn Magnes; isque magnus, nam parvus, licet alioqui optimus, vix sufficientem communicaret vim acui solito longiori, qualem parauimus; magnus autem & præstans eam faciliè confert. Ego quidem talem Romæ eximium virtute, ac mole Magnetem nactus sum apud præclarum virum Gualdi equitem ordinis Sancti Stephani, qui in pereleganti Museo infinita, pene omnium generum, antiquitatis monimenta, nec non rara quæque vel curiosa tum Naturæ tum Artis opera præcipuo studio collecta asseruat: est autem ibidem pulcherrima statua marmorea manu prædictum Magnetem, eumque armatum prætendens: ipse verò Magnes pendentem antiquam militarem chalybeam securim longa & valida à fronte cuspide, longo etiam à tergo manubrio pariter chalybeo grauissimam sustentat: illum porro exarmare permissum est mihi in beneficium ostensoriæ meæ sagittæ, quam eidem ita spoliato, ad poli punctum diligenter inuentum affricui.

Polum autem seu polos ambos Magnetis ipsamque axis lineam hoc modo certissimè deprehendo (quem quidem modum haud scio an alius scripserit

scripserit) geminas acus sartorias (vel pro minori Magnetis virtute, gemina acus fragmenta) trahendas ipsi Magneti permitto; tum festuca, aut stylo quodam, tantum non ferreo, vel chalybeo eas huc illuc impello, donec videam ambas in oppositis faxi partibus, conuersis in ipsum, atque in se inuicem cuspidibus, in vna eademque recta linea consistere; hæc enim linea est verus axis virtutis Magneticæ; duo verò puncta quibus in superficie faxi cuspides vtriusque acus insistant, poli sunt Magnetici, qui ea præsertim arte certissimè, & absolutissimè deprehenduntur.


Cum iam imbuta fuerit Magnetis virtute acus, fidem eius diligentissimè exploro, hac arte: illam in primis sua capsula inclusam & crystallo protectam, ac longissimè à ferro, seu chalybe positam sino liberè quiescere, & quietis punctum, quem ipsa sua cuspe signat in gradibus arcus FG annoto: tum illam de loco, & puncto quietis dimoueo; non quidem capsulam concutiens, vt vulgò fit, (ne dum volo acum mouere, punctum in quo quieuerat simul moueam, & ita signum quietis amittam) sed aut chalybem, aut Magnetem ipsum illi offerens, quem illa trahentem sequitur, & statim amoto quam longissimè chalybe, seu Magnete, obseruo num ad idem prioris quietis punctum, iterum conquiescat acus; quod ipsum sæpius pertento, & cum idem repetitis pluribus experimentis feliciter cesserit, constantissimæ, eiusdemque probatissimæ fidei acum habeo.

Postmodum declinationem probatæ iam acus hac arte inuenio. Super linea Meridiana, aliquo ex modis *prop. 12* traditis, præsertim quarto designata, in plano Horizontali capsulam ita colloco, vt linea media LEM cum eadem Meridiana congruat, & sino acum liberè conquiescere; tum in arcu FG accuratissimè obseruo gradus, & quantum possum, etiam minuta inter lineam mediam quæ est Yr, & punctum quietis à cuspe H signatum comprehensa; hæc enim mihi dant quantitatem declinationis, certè verò quicquid obseruauerint alij quos refert P. Kircher. in sua Philosoph. Magn. ego Romæ declinationem reperi esse gr. 1. min. circiter 55 à meridie in occasum, vel ex opposito (quod in idem recidit) à septentrione in ortum. Deinceps igitur quoties hoc instrumento Romæ uti volo, illud ita dirigo, vt sagittæ cusps notum, notatumque punctum quietis id est grad. 1. cum minutis circiter 55 inter meridiem, & occasum præcisè respiciat; tunc enim recta ducta secundum alterutrum latus capsulæ, vel secundum mediam eiusdem lineam LEM, est verè Meridiana linea. Et sic tandem instrumentum inuestigandis planorum declinationibus accommodatum construximus; vt erat propositum.

Propositio XVII.

*Plani cuiuslibet in austrum, vel aquilonem non directe obuersi
declinationem, parati iam instrumenti bene-
ficio inuenire.*

Q Valecunque fuerit planum, cuius inuestiganda proponitur declina-
tio, id est siue fuerit declinans tantum modo, siue simul etiam incli-
natum; ductæ prius in eo lineæ Horizonti parallelæ, vt IK per 4



huius; applicetur illud quadrati latus quod eidem conuenient secundum
modum declinationis, ita scilicet vt quadrantis centrum E, semper ad par-
tem borealem sit, circumferentia verò GH, austrum respiciat; vt hic lineæ
IK applicatur latus AB. Deinde constituto etiam toto instrumento ad
planum Horizontis, moueatur circa centrum E index F cum tota capsula,
& ostensoria sagitta donec ipsius cuspis in proprio per præcedentem propo-
sitionem notato declinationis puncto constiterit in gradibus arcus OR; tunc
verò index F in gradibus quadrantis GH, ostendet quantitatem declina-
tionis plani propositi: sed obseruandum est quòd gradus declinationis nu-
merari debent ab eo quadrantis latere quod lineæ Horizontali IK ad an-
gulos rectos est; quale est hic latus GE, quod productum vsque in L, præ-
dictam IK ad angulos rectos ibidem secat. Itaque gradus declinationis
hic numerandi sunt à G versùs H procurrendo vsque ad contactum indicis
F, qui ex toto quadrante abscindit, verbi gratia, arcum GF 38 graduum:


& tantam dico esse declinationem plani propositi, cui secundum lineam eiusdem Horizontalem congruit latus AB . Declinat ergo id planum, grad. 38 ab F , id est à meridie in G , id est in ortum; quia G respectu F , ad ortum est.

Ita si quis esset murus in parte opposita, cui septentrionem respicienti, coaptaretur quadrati latus DC , secundum eundem instrumenti situm, qui nunc est; numerandi essent gradus declinationis, à quadrantis latere GE ; quia scilicet illud est ad lineam Horizontalem in eo muro designatam perpendicularare; quapropter declinatio eius esset quidem eadem quæ præcedentis, quoad quantitatem videlicet grad. 38; sed quoad terminos, ut dicitur, à quo, & ad quem, omnino contraria: esset enim à septentrione in occasum. Similiter si alius esset murus declinans cui quadrati latus AD cohæreret in situ in quo nunc est: eius muri declinatio numeranda esset à quadrantis latere, quod Horizontali ipsius lineæ, ut prius ductæ, vel conceptæ perpendicularare est, videlicet à latere EH ; atque adeo gradus inter H , & indicem F comprehensi darent quantitatem eius declinationis, videlicet grad. 52, & quidem à Septentrione in ortum. Ita etiam è contrà si in eodem quadrati situ, lateri eius BC alius iungeretur murus; numeranda esset eiusdem declinatio ab eodem quadrantis latere HE , id enim usque in M productum, lineam eius muri Horizontalem ad angulos rectos secaret in M : quare eius declinatio esset quidem priori æqualis videlicet grad. 52; sed dicenda esset à meridie in occasum. Ex his nunc puto facillimum esse murorum quaslibet declinationes expendere. Nec est necesse alia ponere exempla, præter hæc quatuor, cum in his omnium species declinationum contineantur.

Demonstratio.

Producatur linea Meridiana FE in N ; fiatque ad eam perpendicularis PEQ : sit verò C centrum Horizontis: erit tunc EN portio Meridianæ, quæ à centro Horizontis versus septentrionem porrigitur: PEQ verò erit sectio communis Horizontis, & circuli Verticalis ad Meridianum recti, quæ Æquinoctiorum ortum in Q , occasum verò in P designat. Quia igitur quadrati latus AB , lineæ Horizontali IK in plano declinante, congruit; erit quadrantis latus productum HEM (utpote ductæ IK æquidistans) communis sectio Horizontis, & circuli maximi plano declinanti æquidistantis. Et quia quadrantis latus productum, GEL , est tum ad planum IK , tum ad latus HEM , rectum; erit eadem recta GEL , communis sectio Horizontis, & circuli Verticalis, qui ad utrumque pariter rectus est. Et quia hic Verticalis ab L puncto plani declinantis, per E centrum Sphæræ seu mundi tendit in G , hoc est respicit

plagam, quæ est inter meridiem F, & ortum Q; ideo ipsum planum I K, respicit oblique meridiem, declinatque ab eo in ortum *per prop. 8 primi huius*, & per eandem angulus declinationis est F E G, cuius quantitatem casus arcus Horizontis G F.




Similiter quoad secundum exemplum. Quia quadrantis latus H E æquidistat lineæ Horizontali plani declinantis, cui quadrati latus D C congruit erit recta H E M communis sectio Horizontis, & circuli maximi, cui dictum planum declinans æquidistat; recta vero G E L, erit sectio communis Horizontis, & Verticalis ad idem dictum planum recti. Et quia hic Verticalis à parte ipsius plani declinantis, G, per Horizontis centrum E, tendit in L; atque adeo dirigitur ad plagam, quæ est inter septentrionem N, & occasum P; ideo dictum planum respicit oblique septentrionem, declinatque ab eo ad occasum *per 8 primi huius*, & per eandem angulus declinationis est N E L; seu alius ad verticem E, ipsi æqualis F E G, quem metitur arcus Horizontis F G. Hanc vtrunque demonstrationem facile quivis per se ipsum applicabit tertio exemplo, quod est de plano declinante secundum latus A D; & quarto etiam exemplo, quod est de plano declinante secundum latus B C; nec non alijs quibuscunque exemplis. Igitur plani cuiuslibet non directè in austrum vel septentrionem obuersi, declinationem per instrumentum rectè inuenimus; quod fuit demonstrandum.

Propositio XVIII.

Ad poli, vel sideris cuiuslibet eleuationem certius inueniendam; instrumentum cum circuli quadrante construere, idemque in situ ad obseruationem conueniente ita firmare, ut ventorum impetu non commoueatur; & tamen ad placitum huc atque illuc ad quamlibet aliam similem obseruationem faciendam, momento conuerti possit, conuenientem nihilominus obseruationi situm semper equaliter retinens;

Non placet hac in parte, quia neque satisfacit, vulgaris quadrans, vel aliud eiusmodi instrumentum, de manu videlicet pendulum: nam & manus extensa vix potest firma consistere, etiam breuissimo tempore, quin fessa pondere, tum suo ipsius, tum instrumenti, quod gerit, tremulo quodam motu concutitur; & oculus ipse nimia simul cum manu contentione lassulus aciem, per pinnacidiorum dioptras, in incertum dirigit; præterea verò penfile instrumentum, vel tremore manus vel saltem leuissimæ auræ flatu facile in varias partes agitur; atque adeo vix, ac ne vix quidem, errorem fugere potest; vel certum ac verum eleuationis gradum, ostendere. Vnde existimaui tale in hoc negotio instrumentum esse debe-



re, quale nec trepidatio manus, nec venti etiam impetus commoueat; tunc enim, vel libero oculo certissimus extenditur per pinnacidia visus, si noc-

Æterna obseruatione stellæ alicuius, aut puncti veri polaris, fiat proposita. operatio; vel si diurna fiat obseruatione solaris altitudinis (vt mox dicetur) constans & minimè dubius per eadem pinnacidia se se insinuans radius excipitur.

Fiat igitur tale instrumentum quale *tertio libro prop. 21*, & *sequentibus* describam, atque instruam, vocaboque Verticalem mobilem, vt B C, in quo gradus quadrantis contineantur: aut si quis voluerit vti quadrante, reticulato iam hic descripto *prop. 17*; illi sicut & Verticali mobili fibulæ affigendæ, & cardines pari modo aptandi sunt vt *prop. 24 lib. 3* dicetur. Collocetur etiam quadrans, seu Verticalis mobilis in debito situ, prout dicetur etiam *prop. 40 eiusdem*: excepto quòd instrumenti centrum A debet in parte superiori collocari: & quòd loco fili eidem centro dicta *prop. 40* aptati, aptanda hic est regula rectilinea vt A D cum pinnacidijis.


Ipsa verò pinnacidia, quoad obseruationes diurnas (quæ non linea visuali, sed ipso Solis radio per eorum foramina excepto sunt) optima sunt communia, quæ scilicet plana sunt, & in medio perforata, & ad regulam ipsam A D (quæ Allidada dicitur) orthogona: debent autem eiusmodi foramina ita fieri, vt eorum centra sint in vna linea recta, quæ lineæ fiduciali dictæ Allidadæ æquidistet. At verò quoad obseruationes nocturnas, ego pinnacidijis cylindricis vti malo absque vlllo foramine, quia nocte obscura pinnulæ ab oculo remotæ foramen; præsertim si longior fuerit Allidada (qualis esse debet, vt accuratior, & certior sit operatio) visum fugit.

Duos itaque cylindros diametro duum circiter transuersorum digitorum inuicem omnino æquales aptè colloco, (vide id quod iam dico expressum tum sequenti ænea tabellâ; tum etiam alia *4 lib. prop. 1*) bases videlicet eorum ita confirmans; in plana superficie Allidadæ, ad duo eius capita, vt conuexæ ipforum superficies non excedant, sed æqualiter attingant lineam fiducialem; aut si forte non attingant, vel si excedant, æqualiter ab ea distent. In vsu autem instrumenti, libero oculo visum, per vtriusque cylindri conuexam superficiem, ita dirigo in destinatum signum vt linea visualis, lineæ fiduciali Allidadæ, ipsique instrumento æquidistet. Posset non dissimili modo, & fortè etiam non minori certitudine, ac facilitate dirigi visus per superiora latera pinnularum planarum, si pariter ita disponentur, vt eorum laterum lineæ ad planum Allidadæ rectæ forent, & ab eiusdem lineæ fiduciali æqualibus interuallis distarent.

His præmissis eleuatio poli inueniri potest, tum interdiu, tum noctu. Noctu quidem obseruatione ipsius poli iam noti ex dictis *prop. 12 huius, numero 4*; vel obseruatione altitudinis stellæ cuiuslibet; cum hac duplici conditione; videlicet, quòd nota sit stellæ ab Æquatore declinatio; & quòd illa tunc temporis in Meridiano consistat. Interdiu verò inuenietur altitudo poli, obseruatione altitudinis solaris, dum Sol est in Meridiano. Singuli hi modi breuiter exponendi sunt, & primò hic vltimus.

Sit fenestra GH in meridiem obuersa, & in ea duplici transuersario tigillo

gillo I K, & L M sustentatum instrumentum circa axem A C versatile, in debito situ, ad Horizontem scilicet orthogonali, collocatum, vt *prop. 40 lib. 3* dicitur. Deinde obseruetur per 1.2 *huius*, momentum temporis quo Sol in Meridiano lucet; & tunc conuerso ad Solem instrumento, eleuetur, aut deprimatur Allidada, donec Solis radius per vtriusque pinnulæ foramen rectà transeat; noteturque diligenter in gradibus instrumenti, punctum à linea fiduciæ AD indicatum: nam gradus inter id punctum, latusque superius A B, comprehensi dabunt veram meridianam Solis eleuationem; qua sic inuenta statim inuenietur eleuatio Equatoris, hoc modo.



Si Sol tunc temporis in Equinoctiali fuerit, eadem erit eleuatio Equatoris, quæ & Solis: Si verò Sol in aliquo Signo boreali fuerit, Vere scilicet vel Æstate; cognito priùs, per ephemerides, in quo Signo, & gradu Zodiaci Sol existat; in tabula declinationum (quæ habetur inferius *prop. 40* quæratür declinatio eius Signi, vel gradus; & hæc ita cognita subtrahatur ab eleuatione Solis priùs inuenta; subtractione autem facta, gradus qui supererunt, dabunt veram Equatoris eleuationem. Si verò Sol in aliquo Signo australi fuerit, vt Autumno, vel Hyeme; inquiretur, modo iam dicto, tum gradus Zodiaci, in quo est Sol; tum eius gradus declinatio ab Equatore, & hæc declinatio ita cognita addatur eleuationi meridianæ Solis inuentæ; numerus autem graduum ex vtraque conflatus dabit veram eleuationem Equatoris. Denique si gradus eleuationis Equatoris ab integro quadrante circuli, id est à 90, subtrahantur; residuus numerus dabit veram eleuationem poli desideratam.

Exemplum. Sit Solis meridiana Romæ obseruata eleuatio graduum 57 min. 46; & quidem Veris tempore, dum Sol est in gradu 25 Arietis (quod ex ephemeridibus notum esse suppono) quærat in antea dicta tabella, quanta sit declinatio 25 gradus Ariet. & è regione 25 gradus, inuenietur sub Ariet. gr. 9 min. 42: igitur ab eleuatione 57 gr. min. 46 subtrahatur declinatio gr. 9 min. 42; & supererunt grad. 48 min. 4, pro eleuatione Æquatoris: ac denique si à 90 subtrahantur grad. 48 min. 4; supererunt gradus 41 min. 56, pro eleuatione poli. Erit itaque Romæ poli eleuatio grad. 41 min. 56.

Pari omnino ratione institui debet operatio, si obseruatione eleuationis meridianæ stellæ alicuius, inquiratur poli eleuatio: vt videlicet ab eleuatione meridianæ stellæ, subtrahatur eiusdem declinatio; si fuerit borealis; sic enim inuenietur eleuatio Æquatoris: & hac cognita, vt prius, statim cognoscetur poli eleuatio. Quod si quis polum ipsum obseruare maluerit, & eleuationem eius absque tot (vt prædictum est) calculi operationibus immediatè ex ipsomet cognoscere: in primis instrumentum collocet in aliqua fenestra septentrionem respiciente; illudque versùs punctum poli *ex prop. 12 citata* optimè cognitum dirigat; & Allidam ita attollat, vel deprimat, vt in lineâ recta per vtrumque pinnacidium ducta, videatur dictum poli punctum: & tunc arcus inter lineam Horizontalem instrumenti, videlicet AB, & lineam fiduciam Allidam comprehensus dabit veram poli eleuationem. Neque ad huius præcepti intelligentiam, necessarium est aliud exemplum.

Sed fortè non nemini tædio sit, translatitij quadrantis, ad quoslibet vsus in varijs fenestris collocandi, atque aptandi ratio iam tradita. Equidem fateor eam esse minùs facilem, & minùs expeditam, & vtentis, paupertatem vtrunque redolere; licet alioqui certissimæ fidei sit. Sed ingenuè dicam, id me, non tantùm in hoc, sed in alijs etiam similibus instrumentis, semper egisse; vt certitudinem operationis, magis quàm splendidum, & magnificum instrumenti cultum, curarem; idque apparatus tenuiculi tum, votiuo studio, tum necessitate. Quapropter, ne Mathematicas obseruationes, vel similes operationes quæ instrumentorum ope fiunt, impediatur rerum inopia; studui semper, quantum licuit, vt cum paupertate, quæ Mathematicis, licet non omnibus votiuæ, tamen quamplurimis familiaris est, fidelem instrumentorum structuram, vsuque coniungerem. Alioqui enim suppetit quo ditioribus, & ipsis etiam (quos similia Mathematica oblectant) Magnatibus satisfaciam, instrumentorum concinnitate, ac notularum eleganti pariter, & accurata impressione, necnon expedito faciliq; vsu. Quare ecce in ipsorum gratiam, eundem antea descriptum quadrantem, nunc iterum propono, sed nobiliore pariter & commodiore apparatu, cultuque instructum; totius verò machinæ fabricam, atque vsu, sic paucis edissero.

Fiat pedamentum, vt LMN, triquetrum ex optimo, & solido ligno (vel etiam





etiam ære fuso, pariter cum reliquis partibus) amplum, & ponderosum, datis in singulos radios HL, HM, & HN, duobus palmis vel amplius. Terna dein pedamento fulcra, eleganti opere, sed firmitlimè inhæreant; sustineantque etiam firmissimè ipsis connexum solidum orbem I, habentem in medio foramen orbiculare, tres quatorue digitos latum, alteri ad perpendiculum imminens foramini similiter orbiculari, sed multò minori in imo, id est in H posito. Sit verò tota pedamenti altitudo à pavimento vsque in I, quatuor circiter palmorum. Præterea singulæ singulorum radiorum capitibus L, M, N, cochleæ maiusculæ vt O, P, Q, ad angulos rectos inferantur; quæ transfixæ pavementum tangant; & cum altiùs adactæ fuerint, pedamenti radios, è sua quæque parte, in sublime attollant.

Paretur postea electus è solido, ac tempestiuè cæso, & absque nævis, aut nodis ligno, tigillus arrectarius G T decem circiter palmos longus, cuius inferior scapus S T, ita sit tornatus, vt parato pedamento insertus vtrumque foramen videlicet maiusculum I, & minusculum H ad iustam mensuram impleat; imumque latiore pedem, torno æqualiter derasum, in-nixus basi H, facilè in omnem partem verti possit. Reliqua verò superior tigilli pars, à thorulo V versus G, æqualiter dedoletur in quadrum, tali arte, vt integer tigillus, duplici hac parte, ima videlicet tornatili, & superiori exquadrata constans, rectissimus sit. Postmodum relicto inter thorulum V, & R K, spatium quatuor vel quinque digitorum, infecetur à G vsque in R K, & tantundem refecetur de crassitie quadrati tigilli ex vna eius parte, quantum sufficit, vt, crassitie quadrantis B A C locum segmenti explente, eiusdem plana exterior superficies cum residua intacti tigilli quadri superficie R K F exæquetur.

Quadrans verò circuli (cuius semidiameter sit quatuor vel quinque palmorum) diuidendus in gradus, & minuta (modo antea tradito *prop.* 16) fiat ex orichalco: vel ex electa quadam Ardosiæ crusta; digitali, & quidem æquali, præsertim circa limbum A C, crassitie: mox factò in centro B, rotundo foramini, clauus orichalceus tornatilis, illud idem perfectè implens, sed tamen intra illud facilè versatilis, ita coaptetur, vt rectos cum plana, quadrantis superficie angulos efficiat; eiusque, explanatum torno caput latius, excavatæ intra quadrantis crassitiem lacunulæ mādatur, cum anteriori eiusdem planitie omnino exæquetur; ipsumque simul contineat, ne loco suo cadat, quando erecto tigillo impositus, & clauo ipso à parte posteriori, intra strictius paratum in tigillo foramen immisso sustentatus, huc illuc mouebitur. Hoc verò foramen, in tigillo ita fiat ad medium, inter vtramque oram superficiei G R K (quæ post factam antea dictam sectionem læuigari debet, & explanari) vt cum eadem omnino ad angulos rectos sit.

Dictus autem clauus foramini ipsi commissus, cochleola à tergo constringente, confirmandus est; vt in eo immobilis quidem consistat, libe-
rum

rum tamen, sed æqualem, & minimè tremulum, aut subsultorium motum quadranti circa centrum commune permittat. In eo autem quadrantis, & clauī communi centro, per axem terebretur idem clauus, latiori quidem à tergo foramine, sed à fronte tenuissimo; vt creditum sibi pariter tenuissimum filum perpendiculi BF, fideliter in cētro quadrantis semper teneat. Porro per medium superficiēculæ R K F ductu rectissimo, & subtilissimo (regula à centro B deorsum disposita) designetur linea fiduciæ, in quam semper cadat filum perpendiculi: ne verò filum à globuli appensi crassitie impediatur quò minùs lineæ ipsi fiduciali coniungi possit, vacuetur in F, (qua scilicet globus ferit) tantula pars ligni, vt globi libero motui conueniens concedatur locus, idest non nimium laxus, ne scilicet ille tardiùs, vel difficiliùs quiescat.

Emineat etiam supra hanc lacunam semiannulus è filo orichalceo, firmiter cohærens ligno, qui lineam perpendiculi contineat ne dum machina per varia loca defertur, huc illuc ab appenso pondere agitetur, & abrumptur. Præterea ad latus dictæ lacunæ F, in K, habile ex orichalco affigatur cochlidum, quo limbum quadrantis (cū opus fuerit) trudente, firmari ipse quadrans possit in situ desiderato.

Superiunt quadranti aptanda pinnacidia; quæ quidem ad obseruationes nocturnas, & alias, quæ radio visuo fiunt, opto (quemadmodum *hæc ipsa prop.* dixi) esse cylindracea, vt vides in D, & E; licet non displiceant plana, dummodo ad rectos angulos insistant planæ quadrantis superficiēi, & à lineæ lateris AB æqualiter distent: ad diurnas verò obseruationes, quæ radio Solis fiunt, optima sint perforata.

Ad hæc si quadrans è lapide Ardosio sit, duo sunt obseruanda propter fragilem teneritudinem eius materiæ. Primò ne quadrantis limbum offendant, atque comminuat, durum nimis impactæ cochleæ K metallum, mollior asserculus, aut quid simile ea parte sic aptetur, ne facile decidat; quo protegente, & duritiem, impetumque orichalci sustinente, quadrantis, nihilo minus in debito situ firmati, mollities illa seruetur. Secundò ne frequenti circa centram clauum B, conuersione, paulatim deteratur lapis, & foramen à priori iusta mensura, in latiorē formam extendatur, aut etiam extra conuenientem centri locum deiiciatur; fiat ad centrum B, in lapide foramen quadrangulum, & eidem æqualis è fusili orichalco annulus, extrinsecè quadratus, intùs ad mensuram clauī antea facti rotundus, & tum clauī ipsius, tum latioris eiusdem capitis, vt suprà capax, intra lapidei quadrantis crassitiem stanno seu plumbo liquefacto, per vacuitates quaslibet rimularum se se subtiliter insinuante, easdemque exactè implente, ac mox coalescente confirmetur; tali tamen arte; vt foraminulum, ex quo dependet linea perpendiculi, semper, & perfectè sit in centro quadrantis.

Optarem ego priùs planum lapideum perforari; mox eidem aptari prædictum annulum; ac tertio ad omnimodam æqualitatem cum annulo, & clauo

clauo, expoliri planam lapidis superficiem; ac tandem è clauo foraminulo veluti centro designari in ea dictos circuli quadrantes, & reliquum linearum contextum perfici: sic enim facilius, & certius fient quæ ad verum centri locum pertinent.

Instrumenti sic constructi vsus est iste commodissimus idemque expeditissimus. Nisi pauimentum pedamento subiectum, Horizonti perfectissimè æquidistet, attollatur, ex hac, vel illa parte pedamentum ipsum: attollatur, inquam, conuersione cochlearum O, P, Q; donec liberè pendentis perpendiculari filum antea designatæ inter K, & R lineæ fiduciali omnino congruat; tunc verò ad obseruandum propositum signum, vt X, conuersus quadrans attollatur, donec radius visiuus YX plano quadrantis cohærens vel certè æquidistans, per conuexam vtriusque cylindri D nimirum & E, superficiem, in centrum stellæ, vel alterius signi obseruandi rectà dirigatur; & statim versa cochleola K, firmetur in eo situ quadrans: arcus verò AZ videlicet comprehensus inter latus AB, & lineam perpendiculari BZF, dabit stellæ siue alterius obseruati signi eleuationem supra Horizontem in gradibus, & minutis. Idem seruata proportionem dici debet, quando obseruatione diurna perforatis pinnulis, radius ipse Solis excipitur, ad eiusdem cognoscendam eleuationem.

Propositio XIX.

Quinam è duobus polis supra quoduis planum eleuetur, determinare.

Quodlibet planum, secundùm se spectatum, quamuis sit tantùm superficies absque profunditate, id est sola longitudo, & latitudo; censetur tamen geminas habere facies in oppositas plagas respectantes: quarum altera in planis inclinatis solet dici superior; quæ nimirum ad Zenith directè, vel obliquè versa est; altera inferior; quæ ad Nadir. Præterea ex ijs faciebus altera dicitur aliquando anterior; altera posteriori: sed anterior illa est, supra quam erectus stylus eminet, & de hac facie (seu de plano secundùm hanc faciem) intelligenda est propositio, sicut & aliæ similes. Cùm autem duo sint poli, Arcticus videlicet, & Antarcticus; qui hinc inde axem Æquatoris terminant; ille supra planum dicitur eleuari, qui ab eo siue directè siue obliquè respicitur: quotiescunque enim à plano secatur axis mundi; alter è duobus polis necessariò à plano respicitur, directè quidem si ad angulos rectos axis ab eo secatur; obliquè autem si ad angulos inæquales: cùm verò nullatenus secatur, sed eidem æquidistat, neuter etiam tunc polus supra id planum eleuatur.

Esto in exemplum Meridianus ABCD, Horizon AC; Verticalis BD; Æquator ST; eiusque axis EF; polus Arcticus F; Antarcticus E; centrum Sphæræ

circulum, constitutis; omni plano Horizontali respicienti Zenith attolli-
tur polus Arcticus; respicienti autem Nadir, Antarcticus.

Secundò omni plano Verticali directè australi, Antarcticus; Verticali
autem directè boreali Arcticus eleuatur.

Tertiò omnia Verticalia à meridie quidem declinantia, Arctico; de-
clinantia autem à septentrione Arctico subiacent.

Quartò omnia inclinata (quæ nempe ad Meridianum quidem recta,
sunt, sed non ad Horizontem) si ad plagam australem inclinentur, &
Nadir respiciant, polo gaudent Arctico; Arctico verò cùm Zenith res-
piciunt.

Quintò similibus inclinatis, sed ad plagam septentrionalem; quamdiu
eorum siue à Zenith, siue à Nadir distantia, in circumferentia Meridia-
ni, minor est complemento eleuationis poli supra Horizontem; res-
picientibus Zenith, apparet Antarcticus, Arcticus verò respicientibus Nadir.
Quando autem eorum à Zenith, vel à Nadir distantia maior est comple-
mento eleuationis poli supra Horizontem; tunc respicientibus Zenith ele-
uatur Arcticus, Antarcticus verò respicientibus Nadir. Quando demum
eorundem inclinatum distantia è Zenith &c. æqualis est complemento
eleuationis poli supra Horizontem, neuter eis polus apparet, quia tunc
nullum cum axe angulum efficiunt, sed ei æquidistant.

Sextò omnia inclinata, & simul declinata, declinatione maxima, itaut
sint ad Verticalem primarium recta, siue ad plagam orientalem, siue ad
occidentalem inclinentur; polum Arcticum habent, si Zenith respiciunt;
Antarcticum verò si Nadir.

Denique de cæteris inclinatis, & simul declinantibus, declinatione non
maxima, quomodocunque, id est siue à meridie, siue à septentrione, id-
que aut versùs ortum, aut versùs occasum declinent; ex ijs, quæ dicta sunt,
facile quivis poterit iudicium ferre: ego verò libens ea omitto, ne diutius
in re iam non admodum difficili immorer. Neque necesse est am-

pliozem eorum, quæ exposui, demonstrationem proferre: so-

lùm sufficiet Tyroni Sphæram, & planum circulis inter-

positum, seu mente, seu etiam oculo intueri, nisi

malit ad facillimum eius rei conceptum effor-

mandum, instrumento declinationi-

bus, ac inclinationibus planorum

quibuscunque accommoda-

to, (quod habetur pri-

mo lib. prop. 10)

vti

nā, referet communem sectionem Horizontis, & circuli Meridiani; cuius consequenter quadrans borealis, ab ipso Zenith vsque ad Horizontem, erit OM. Cum itaque arcus MN sit arcus eleuationis poli supra Horizontem, erit MGN angulus eiusdem eleuationis. Et quia MG parallela est ipsi DC, quæ est Meridiana in plano Horizontali; erit angulus DCN, vt pote per 19. 1. elem. æqualis ipsi MGN, angulus eleuationis poli supra ipsum planum Horizontale. Et quia in quadrante MO, punctum N polum ipsum Æquatoris, & quidem Arcticum refert; erit recta NGC axis Æquatoris, qui sub Horizonte, in quadrante Meridiani HA opposito ipsi MO, indicat in puncto I polum Antarcticum, ac proinde idem axis NGI occurrens plano in C, dat ipsum C, pro futuri horologij centro. Igitur datis in plano horizontali &c. rectè designauimus &c. quod fuit demonstrandum. Hanc demonstrationem facillè intelliget qui prædictos quadrantes MO, & HA cogitabit simul cum toto triangulo DCN, super eiusdem, immota basi DC attolli, donec punctum G, cum styli vertice B copuletur; sic enim tum prædicti quadrantes, tum axis, & aliæ lineæ concipientur in situ naturali, qualem in ipsa Sphæra obtinent.

Propositio XXI.

Datis in plano Horizontali, Meridiana linea, & cognita poli supra Horizontem eleuatione; futuri horologij centrum eligere; & angulum eleuationis poli supra id planum, constitutere; lineamque axis inuenire.



SIt, vt præcedenti propositione stylus AB, & linea Meridiana DP; in ea verò ad libitum (conuenienter tamen, spectatis magnitudine plani, & loco, seu spatio ad horologij constructionem idoneo) ad partem tamen-

Q 2

austra-

australem ipsius, eligatur in centrum futuri horologii punctum C; atque ex eo tanquam centro ad quoduis intervallum, & ad partem septentrionalem, designetur circuli quadrans KQ, ducta recta CQ ad Meridianam, perpendiculari: tum à K versus Q, numerentur gradus elevationis polaris, & per finem numerationis, vt L, ac per C ducatur recta LC, quæ erit linea axis *Æquatoris*; & angulus KCL, erit angulus elevationis poli supra planum Horizontale.

Demonstratio :

Quia enim hoc planum supponitur Horizonti parallelum; æqualis est supra vtrunque poli eleuatio; velut in *precedenti* demonstratum est angulum DCN æqualem esse angulo MGN; quia verò angulus KCL factus est æqualis angulo elevationis poli supra Horizontem; cum arcus eius sit KL, sequitur eundem angulum KCL, esse quoque angulum elevationis poli supra planum Horizontale, & consequenter recta LC, erit axis *Æquatoris*, quod fuit demonstrandum.

Propositio XXII.

Datis in plano Verticali, stylo, & Meridiana linea, & cognita eleuatione poli supra Horizontem; angulum eleuationis etiam polaris supra id planum, constituere, & lineam axis designare; atque etiam futuri horologii centrum inuenire.

Sit in plano Verticali austrum respiciente stylus AB, & Meridiana DP; ducatur autem per A locum styli recta EF, ad Meridianam perpendicularis; & in ea abscindatur AG, æqualis ipsi stylo AB; mox per G, recta MGH ducatur æquidistans Meridianæ DP; & ex G tanquam centro ad quodlibet intervallum describatur circulus integer, vel duo eius quadrantes oppositi MO, & HA; vel etiam solus MO; in quo, à puncto O versus M descendendo; in altero autem quadrante, è contrà ab A versus H ascendendo, numerandi sunt gradus elevationis poli; ac per finem numerationis, vt est N in quadrante OM, & I in quadrante AH, ducenda est linea axis NGI, quæ producta versus Meridianam, eam secabit vt in C; eritque C centrum futuri horologii; & DCN angulus elevationis poli Antartici supra propositum planum Verticale.

Propositio XXIII.

Data in plano Verticali, Meridiana linea, & cognita poli supra Horizontem eleuatione centrum horologij eligere; & angulum eleuationis poli supra id planum constituere; simulque lineam axis inuenire.

Fiat vt *propof. 21* circuli quadrans KQ ex horologij electo centro C , ducta recta CQ , Horizonti æquidistante. Deinde à Q descendendo versùs K , numerentur gradus cognitæ polaris eleuationis supra Horizontem, & per finem numerationis vt L , ac per C punctum centri electum, ducetur linea axis CL : eritque DCN angulus eleuationis poli Antartici supra id planum: neque hic requiritur noua demonstratio præter duas vltimas præcedentium duarum propositionum.

Propositio XXIV.

Datis in plano Verticali declinante, stylo, & linea Meridiana loci, & cognita etiam eleuatione poli supra Horizontem, Meridianam plani declinantis propriam (quam vocant lineam styli) id est sectionem communem eius plani, & circuli maximi ad ipsum atque ad Æquatorem recti, inuenire; nec non lineam axis designare; & angulum eleuationis poli supra idem planum constituere.


SIt in quouis plano Verticali declinante, verbi gratia, à meridie in occasum, stylus AB , & Meridiana CD : ducatur per A locum styli, Horizontalis GH per *prop. 5 huius*; secetque ipsa GH Meridianam in K : ducatur & per *prop. 6* linea Verticalis EAF : atque in hac à puncto K versùs F ; stylo AB æqualis abscindatur AI ; & iungatur KI ; cui rursus æqualis abscindatur KL ; in linea Horizontali GH ; ex puncto autem L , tanquam centro, describatur arcus MN secans ipsam GH in M ; & ab M versùs N numerentur gradus cognitæ prius eleuationis poli supra Horizontem; ac per finem numerationis, vt N , ducatur, & producat recta LN , donec loci Meridianam CD , secet in O ; & sic duo iam erunt cognita puncta, videlicet A locus styli, & O punctum poli; per quæ si recta producat OQ , erit hæc desiderata linea styli, seu communis sectio plani declinantis, & Meridiani circuli ad ipsum recti. Inuento iam centro horologij O , & Meridiana plani propria OQ , ex A loco styli ducatur ad ipsam O per-

verticibus prius eleuatorum triangulorum, coniungatur: tunc enim recta OX , cum recta OL congruet; unde cum demonstratum sit hanc in eo situ esse lineam axis, & illa similiter erit; quare AOX , in eo situ, erit verè angulus eleuationis poli supra id planum; & huiusmodi eleuationis gradus numerari poterunt in arcu AV , descripto quidem ex centro horologii O , terminato autem ad lineam axis OX . Igitur datis stylo & linea Meridiana, &c. Quod fuit &c.

Propositio XXV.

Cognita eleuatione poli supra Horizontem, & datis stylo, ac linea Meridiana loci in plano declinante, simulque non solum ad Horizontem, sed etiam ad Æquatorem inclinato, Meridianam ipsius propriam, id est lineam styli, in eodem inuenire; atque etiam lineam axis; & angulum eleuationis poli supra id planum, designare.

SIt stylus AB datus, in plano declinante vt à meridie in occasum, inclinato autem ad Horizontem, exempli causa, versùs plagam, quæ in-



ter ortum, & septentrionem est; necnon ad Æquatorem etiam inclinato, id est minime æquidistante axi illius: sit etiam data Meridiana loci CD . Ducatur per Z huius, Verticalis QAD secans Meridianam in D : ducatur etiam

etiam ^{per} 8, Horizontalis GH secans eandem Meridianam in M , & Verticalem in T : ducatur insuper ipsi Horizontali parallela, per A locum styli recta FAE , secans eandem Meridianam in L . Deinde stylo AB abscindantur æquales AE , & AI ; hæc in Verticali QAD , illa in ipsa FAE : iunganturque ED , & IL . Postmodum aperto circino sumatur interuallum DE , & eo interuallo, ex D centro describatur versùs K segmentum circuli; rursusque aperto circino sumatur interuallum LI , & eo interuallo ex L tanquam centro describatur aliud circuli segmentum interfecans illud prius iam designatum in puncto K ; & hoc facto iungantur KD , & KL , ac etiam KM ; erit autem KM ad KD perpendicularis, si non fuerit erratum. Deinde, sumpto etiam interuallo MK , describatur ex M tanquam centro segmentum circuli secans Verticalem QD in S ; vel quod eodem recidit, ipsi iunctæ TE æqualis sumatur TS : iungaturque MS .

Denique ex K tanquam centro ad quodlibet interuallum, vt KM , versùs M describatur arcus circuli MN ; in eo autem numerentur gradus altitudinis poli (quæ iam supponitur nota) à puncto M versùs N ; & recta ex centro K per finem numerationis N producta secabit Meridianam vt in C ; quod erit centrum horologij: recta autem CAO , videlicet per punctum C iam inuentum, ac per A locum styli designata, erit vera linea styli. Inuento autem horologij centro C , ac linea Meridiana plani propria CO , ad eam per A locum styli ducatur perpendicularis AX æqualis ipsimet stylo AB ; tum per C , & X ducetur linea axis CX ; & angulus eleuationis poli supra planum hoc declinans, & inclinatum, erit angulus ACX ; quem metitur arcus AV ex eodem centro C descriptus, & inter rectas CO , CX comprehensus.

Demonstratio.

Eleuentur duo triangula DTE , & LAI ; istud quidem super immota basi AL , illud verò super immota basi TD ; donec ambo rectos cum horologij plano angulos efficiant; ita vt vtriusque vertices, I videlicet, atque E , cum styli vertice B conueniant; atque adeo sibi congruant latus AI , & recta AE . Eleuetur deinde super immota basi CD , triangulum KCD , donec eius vertex K tangat vtrunque prædictorum triangulorum verticem, nimirum I , & E (qui iam, vt dictum est, cum styli vertice B , vnicum punctum efficiunt) & in vnum conueniant duo latera KD , & ED . Præterea super immota basi MT moueatur triangulum MTS , donec vertex S , quatuor antea iam in vnum coniunctos vertices tangat, & eiusdem latus MS conueniat cum recta MK , & alterum latus TS , lateri TE copuletur.

His ita dispositis, triangulum DTE erit in plano circuli Verticalis, qui ad planum inclinatum, ac declinans rectus est: triangulum autem KCD erit in plano Meridiani: & triangulum MTS in plano Horizontis: denique

que triangulum $L A I$ in plano circuli maximi, qui ad prius dictum Verticalem, & simul ad planum inclinatum; ac declinans rectus est: linea verò $E D$, seu $K D$, erit axis Horizontis: & $K M$ ad ipsam recta, erit communis sectio Horizontis & Meridiani: $T E$ verò similiter ad $E D$ siue $K D$ per 8 huius recta, erit sectio Horizontis, & circuli Verticalis ad propositum planum recti: angulus autem $M S T$ per 8 primi huius erit angulus declinationis; sicut angulus $E D A$ (seu alius eidem sub Horizonte æqualis $A E T$) est per 9 eiusdem, angulus inclinationis. Igitur arcus $M N$ in circulo Meridiano; erit arcus eleuationis poli supra Horizontem, atque adeo recta $K N C$ erit axis mundi: C verò polum repræsentabit. Et quia per polum transeunt omnes Meridiani; iste etiam qui ad propositum planum rectus est, per C transibit; & quia is ipse per styli verticem B (qui nunc idem est K) ac etiam per eiusdem locum A (vt præcedenti prop. demonstratum est) transit, sequitur rectam per C , ac per A eductam $C A O$, esse communem sectionem plani propositi declinantis; inclinatique, & circuli Meridiani, qui ad ipsum rectus est.

Hinc verò sequitur angulum $A C X$ esse angulum eleuationis poli, supra hoc planum declinans, & dicto modo inclinatum, seu, quod in idem recidit, supra Horizontem, cui illud æquidistat; poli, inquam, Antartici, cum à puncto C representetur polus Arcticus. Huiusmodi verò eleuationis gradus numerari poterunt in arcu $A V$, cuius centrum sit C ; linea enim $C X$ secans eum arcum in V , est axis mundi, sicut & recta $K C$, cui coniungitur in situ triangulorum antea constituto; linea verò $C A$, est communis sectio plani declinantis, simulque dicto modo inclinati, & circuli Meridiani ad ipsum recti; in cuius propterea plano est arcus $A V$. Igitur cognita eleuatione poli supra Horizontem &c. Quod fuit &c.

Propositio XXVI.

Datis stylo, & linea Meridiana loci, in plano declinante, simulque ad Horizontem inclinato, sed ad Æquatorem recto, Meridianam eiusdem propriam seu lineam styli inuenire.


Proponitur planum, exempli causa, à meridie in ortum declinans, & ad Horizontem inclinatum, versùs plagam, quæ inter occasum, & septentrionem est, æquidistans autem axi mundi; quod est, rectum esse ad Æquatorem: datus verò stylus est $A B$, cum linea Meridiana loci $C D K$ inuenta per 13 huius, videlicet beneficio perpendiculari, è styli vertice B dependentis, & planum in lineæ Verticalis puncto C tangentis; ac beneficio vmbre Meridianæ, ab eodem vertice, in punctum D cadentis: vel aliter: hoc

uentum, posset pariter per hoc solum punctum Meridiana loci CDK designari parallela ipsi EF.

Propositio XXVII.


In quocunque plano data linea Meridiana ipsius propria; atque etiam data linea axis, si fortè axis illud planum secet, lineam Æquinoctialem inuenire.

Communis hæc est omnibus planis regula; quòd nempe linea Æquinoctialis semper sit ad angulos rectos cum linea Meridiana ipsius plani, quæ videlicet est communis sectio illius, & circuli maximi ad ipsum, & ad Æquatorem recti; siue ea linea sit Meridiana solum respectu ipsius plani propositi (quo modo vocatur linea styli) quod contingit in omnibus declinantibus; siue, vt contingit in cæteris omnibus, sit simul Meridiana respectu dicti plani, & respectu Horizontis loci. Cùm itaque dicta Meridiana, & Æquinoctialis inuicem ad angulos rectos secum semper sint; superest, vt inuestigetur datæ Meridianæ punctum, quo eam Æquinoctialis fecat; ad eius verò puncti inuentionem, duæ solum obseruandæ sunt leges. Primò si planum propositum secet Æquator ad angulos rectos, seu quod in idem recidit, si id planum æquidistat circulo maximo per polos mundi transeunti linea Æquinoctialis fecat Meridianam supradictam in ipso puncto, quod est locus styli.



Sit enim, vt suprà, in plano à Meridie in ortum declinante, & ad Horizontem inclinato, recto autem ad Æquatorem, stylus AB, & linea plani Meridiana propria EAF; ducatur ad eam perpendicularis GAH, per A locum styli; eritque hæc communis Æquatoris, & plani propositi sectio desiderata. Et ita de alijs.

Secundò si planum propositum fecet *Æquator* ad angulos obliquos, siue illud sit ad *Horizontem* perpendicularare, siue inclinatum, vel eidem æquidistans, siue etiam declinet, siue non; inuenta in eo plano linea axis; ducendus est ad eam, per verticem styli, perpendicularis radius *Æquatoris*; is verò *Meridianam* plani propriam secabit in puncto, per quod designanda est optata *Æquinoctialis* linea, ad ipsam *Meridianam* plani propriam perpendicularis.



Sit planum quodcunque obliquos cum *Æquatore* faciens angulos; sit etiam in eo plano stylus *AB*, & linea eiusdem *Meridiana* propria *CO*, cum linea axis *CX*. Ab *A* loco styli ducatur ad *CO* perpendicularis *AX* secans ipsam *CX* in *X* (erit autem *AX* si non fuerit erratum æqualis stylo *AB*) & rursus per *X* ducatur ad axem *CX* perpendicularis *XR* pro radio *Æquatoris* qui *Meridianam* plani propriam *CO* secet in *R*. per ipsum verò punctum *R* designetur recta *YRP* ad ipsam *CO* perpendicularis; & hæc erit linea *Æquinoctialis*, quam quærebat.

Proposui exemplum in plano declinante, & simul inclinato, propter difficultatem, quam fortè aliquis posset suspicari maiorem esse in huiusmodi planis quam in reliquis; ceterum in omnibus, quoad hoc, eadem penitus est lex; nec est necesse alia ponere exempla pro *Verticalibus* directis, & pro *Verticalibus* declinantibus, vel pro inclinatis minimè declinantibus, imò nec pro *Horizontalibus*. Cum enim hæc omnia ab axe *Æquatoris* secentur, poterit in ijs ipsis dictus axis designari per aliquam ex propositionibus, 20, 21, 22, 23, 24, & 25 huius, atque adeo radius *Æquatoris*,

& consequenter linea *Æquinoctialis*; vt *prop. 20* radius *Æquatoris* est GR, *Æquinoctialis* verò linea SR T; similiterque *prop. 21, 22, & 23. prop. autem* 24 radius *Æquatoris* est, sicut & hic XR; linea verò *Æquinoctialis* YR P.

Demonstratio.


QUoad primam partem, quæ versatur in planis ad *Æquatorem* rectis, sic demonstratur. Quia *Æquator* supponitur ad hoc planum rectus; stylus AB, qui etiam ad illud idem rectus est, erit in plano ipsius *Æquatoris*, alioqui facerent angulum stylus, & *Æquator* cum in huius centro sit illius vertex *per 11 primi huius*; si verò facerent angulum non possent ambo esse ad idem planum recti, aut certè ab eodem puncto, in sublimi, videlicet centro *Æquatoris*, seu quod idem est à vertice styli (cùm in vnum idemque punctum conueniant) duci possent duæ lineæ ad idem planum perpendiculares, quarum vna esset ipse stylus extra planum *Æquatoris*, altera verò esset in plano eiusdem, hoc verò esse impossibile faciliè demonstrari potest *per 13 11 elem.* erit igitur tam B vertex styli quàm A eiusdem locus in plano *Æquatoris*; & consequenter per idem A incedet communis *Æquatoris*, & huius plani sectio. Quia verò hoc ipsum planum, & Meridianus eiusdem proprius, pariter *Æquatori* sunt ad angulos rectos communis eorum sectio, videlicet EF, erit etiam ad *Æquatorem* recta *per 19 11 elem.* atque adeo *per definit. 3 eiusdem*, recta erit ad communem eiusdem plani, & *Æquatoris* sectionem: & consequenter GH, quæ per A locum styli, ducta est ad EF perpendicularis, est ipsa *Æquatoris* cum hoc plano communis sectio, id est linea *Æquinoctialis*:

Secunda pars, quæ de alijs quibuscunque planis est, sic demonstratur. Quia ex demonstratis *prop. 25*, recta CX, utpote per polum, ac per centrum *Æquatoris* ducta, est linea axis eiusdem *Æquatoris*; & in situ triangularum eadem *prop.* inter demonstrandum eleuatorum, dicta CX, est in plano Meridiani proprii illius plani simul cum CO, quæ est communis vtriusque sectio; sequitur ipsam XR esse quoque in eodem plano illius Meridiani, utpote cùm ipsas CO, CX secet in R, X. Et quia eadem XR, per constructionem, recta est ad axem *Æquatoris* CX, erit necessariò ipsa XR in plano eiusdem *Æquatoris*, tanquam communis eius, & Meridiani proprii sectio, igitur per punctum R transibit communis sectio *Æquatoris*, & plani horologij. Quia verò planum horologij, simulque *Æquator* sunt Meridiano illi proprio pariter ad angulos rectos; sequitur *per 19 11* communem eorundem sectionem, videlicet lineam *Æquinoctialem*, esse etiam ad planum eiusdem Meridiani rectam, neque hoc tantum, sed etiam rectam esse ad communem eiusdem Meridiani, & plani horologij sectionem *per definit. 3 11*. Cùm igitur recta CO supponatur tanquam Meridiana propria plani *per prop. 25 huius* inuenta; recta QP per punctum R hic inuentum, ad ipsam CO perpendiculariter ducta, erit linea *Æquinoctialis* feliciter dicto modo inuenta, quod fuit demonstrandum.

Propositio XXVIII.

In plano Verticali declinante, dato solum stylo, & ignorata non solum declinationis quantitate, sed etiam poli supra Horizontem eleuatione: lineam eius plani Meridianam; & Equinoctialem: & axem Aequatoris; & centrum horologii; & Meridianam loci; & plani declinationem; & poli eleuationem; tum supra id planum, tum supra Horizontem; nec non differentiam longitudinum, quæ est inter utrunque Meridianum; ac denique ciuitatem, aut locum cuius Horizonti, id planum æquidistat, absque instrumento, vel analemmate, solo triplicis umbræ indicio certissime inuenire.

Hæc propositio multa continet, & quidem periucunda, ac non minus vtilia, facilia tamen. Sit stylus A B ad angulos rectos per 2 huius, plano alicui Vertic. declin. infixus in A: per idem autem A designetur



Verticalis A Z per 6 huius; & Horizontalis R P per 5 eiusdem tum ex ipso met A tanquam centro describatur circulus, vel arcus circuli, vt CED, ad partes, in quas umbram è vertice styli B, casuram esse iudicatur. Lucente autem Sole obseruentur puncta duo eius circuli, quæ eodem die sua-

tempore, vmbra vertex continget vt primum in D, & postmodum in C; ijs verò diligentissimè notatis sicut cum proportionem dictum est *prop. 12 num. 1*) diuidatur arcus DC in duas partes æquales; hac enim diuisione inuenietur medium punctum E, per quod, & per A locum styli, Meridiana plano propria (seu linea styli) producenda est EAL. Sequenti die obseruetur etiam quam diligentissimè punctum eiusdem modo designatæ lineæ, in quod prætercurrentis vmbra vertex decideret vt F.

Possent verò tres istæ obseruationes vno die commodissimè celebrari, si nimirum non tria solùm ea puncta, D videlicet, & C, atque F; sed etiam integrum flexuosum vmbra curriculum frequentibus notatis punctis mox coniungendis vna linea, curuo quidem, sed æquali, & sine angulis ductu, designanda, qualis est DFC, quæ eandem Meridianam EA, secat etiam in F (equidem non erit vnum idemque Mathematicè punctum, quo vmbra, verbi gratia, hodiernæ linea curua DFC eam Meridianam secat, & quo eandem attingeret crastinæ vmbra vertex, cras enim Sol non eundem parallelum percurreret: sed hîc vtrunque punctum vnica litera signo, tum quia non nisi breuissimum inter ea intervallum esse potest, tum ne ipsum schema nimia literarum multitudine confusum reddam) & hunc modum præcipuè laudo, tanquam priori certior.

Inuento itaque puncto F, fiat AG recta, stylo quidem AB æqualis, ad Meridianam verò EAL perpendicularis; iungaturque GF: ex ipso autem G tanquam centro describatur ad partes F arcus circuli, quem dicta GF secet in H, deinde ex Ephemeride disce Signum Zodiaci, eiusque gradum, in quo Sol eo die versatur, vt est anno 1645, 1 Augusti, Leonis grad. 9 min. 16: eius verò gradus, & minuti declinationem pete ex tabula quâ *prop. 39* describam, & inuenies pro dicta declinatione, gradus ferè 18; quos numerabis in prædicto arcu à puncto H versus stylum, seu rectam AG; per finem verò numerationis, vt I, duces rectam GI, quæ secabit Meridianam plani propriam EL vt in K: & per K, ad ipsam EL perpendicularem duces OKP, quæ erit linea Aequinoctialis.

Alio modo facilius, & citius inuenies punctum prædictum K, si figuram radiorum Zodiaci fideliter designatam, & singulos gradus Signorum continentem habueris, cuius descriptionem tradam *eadem prop. 39*. Nam applicata ipsi horologii plano ea figura, itaut centrum eius cum G puncto coniungatur, & Leonis gradus nonus cum dictis minutis, vt supra conueniat lineæ GF; radius Aequatoris ipsius figuræ, dabit in plano horologii, similem radium GI, secantem prædictam EL in K; vel potius ipsemet radius Aequatoris figuræ, secabit ipsam EL in K.

Quod si fieret, ipso Aequinoctij die, hæc vmbra obseruatio; caderent illæ omnes continuè in vnâ rectam lineam per 141 huius, quæ esset ipsa PO: nec esset tunc adhibendus arcus HI, vel figura radiorum Zodiaci; nam immediatè per suas ipsius vmbra inuenta esset linea Aequinoctialis; ad quam per A locum styli ducenda esset perpendicularis Meridiana


Meridiana plani FAL , quæ necessariò eam secaret in K : & sic vna eademque opera inuentum etiam esset punctum K .

Ipso autem puncto K inuento, & ducto radio $\text{Æquatoris } GK$; designetur per G , recta GL ad ipsum radium GK perpendicularis; quæ erit linea axis Æquatoris ; cum autem ille Meridianam plani propriam EAL secuerit in L ; erit L centrum horologij: quo inuento centro, si ab eo deorsum, recta LMO (dirigente eius ductum perpendiculo) designetur; erit hæc Meridiana loci secans Horizontalem quidem RP in M , Æquinoctialem verò PO , in O .

His porro ita designatis lineis, primò angulus polaris eleuationis supra hoc planum erit angulus ALG ; cuius gradus dabit arcus AV , ex L centro descriptus.

Secundò angulum declinationis plani sic inuenies: in linea Verticali ZA producta ab A versùs N , abscinde AN æqualem stylo AB ; & ex M in N ducta recta MN , habebis angulum declinationis MNA ; cuius quantitatem inuenies in gradibus arcus AT , ex N centro descripti.

Tertiò si in linea Horizontali RP feceris MR , ipsi MN æqualem; & ex R in L rectam duxeris RL , hoc ipso angulum eleuationis poli supra Horizontem constitueris $MR L$; cuius quantitatem reperies in gradibus arcus MY , ex R tanquam centro descripti. Connexa autem RO erit ad ipsam RL perpendicularis, nisi sit erratum.



Quartò angulum differentie longitudinum, quæ est inter Meridianam loci LO , & Meridianam plani propriam LE , sic inuenies. In ipsa LE , ex

R 3,

Kab-

K abscinde KQ æqualem radio Aequatoris GK, & ex Q duc in O (idest in commune punctum quo se Aequinoctialis, & Meridiana loci intersecant) rectam QO; & erit OQK quæsitus angulus differentia longitudinum; cuius quantitatem dabunt gradus numerati in arcu Aequatoris SK, ex Q tanquam centro descripto: erit autem ipsa OQ æqualis rectæ OR nisi sit erratum.

Quintò denique ciuitatem, aut locum, cuius Horizonti hoc planum æquidistat, in Globo vel Mappa Geographica, statim inuenies hoc modo. Quære in Globo Meridianum loci, quem LO linea Meridiana refert, deinde gradus 44, verbi gratia (quot nempe continentur in arcu SK) numera in Aequatore Globi versùs occasum; Meridianus enim plani proprius, quem refert in horologio recta LE, est altero occidentalior (quod patet quia planum à meridie in occasum declinat; si autem declinaret in ortum, esset tunc ille Meridianus orientalis; & sic prædicti grad. 44 numerandi essent, non versùs occasum, sed versùs ortum) & in fine numerationis erit Meridianus ille plano proprius, qui scilicet ad ipsum rectus est.

Postea quia plano isti per 19 huius, eleuatur polus Antarcitici; quære in ipso Globo inter Aequatorem, & polum Antarcicum, parallelum latitudinis graduum 27 min. 30; quot videlicet grad. & min. ex hypothesi inuentus est arcus AV: in concursu autem eius paralleli, & iam inuenti Meridiani plano proprii, erit locus seu regio, vel ciuitas, cuius Horizonti æquidistat planum hoc nostrum, in quo horologium, nobis quidem Verticale declinans, illi verò ciuitati Horizontale describetur; ita vt si postquam descriptum fuerit, eò deferretur, cum suis tum stylo, tum signis, & lineis, ac illi Horizonti parallelum statueretur, verso ad septentrionem centro L; F autem, siue E verso ad austrum, siue ad plagam poli Antarcitici; optimè horas, aliaque ostenderet.

Demonstratio.


IN primis intelligatur triangulum FLG, super immota basi FL, moueri; donec plano ipsi, in quo nunc iacet, ad angulos rectos sit, & AG recta cum stylo AB congruat: deinde triangulum OPQ, super immota OP attollatur, & versùs rectam KG (quæ in triangulo FLG iam eleuato est) moueatur, donec cum eadem KG coniungatur recta KQ. Tertiò triangulum MAN, super immota MA, moueatur deorsum, versùs stylum AB; donec cum eodem copuletur latus AN. Quartò tandem triangulum ORL, super immota basi OL, versùs stylum AB moueatur; donec eius verticem B, contingat trianguli mobilis vertex R.

Ita erunt in styli vertice B, quatuor simul triangulorum vertices, videlicet N, G, Q, & R; & recta GL, in vnâ conueniet cum LR; sicut R O, cum OQ; & MR, cum MN; ac præterea KQ, cum KG.

Præ-

Præterea intelligatur pars quædam coni, ab umbra descripti per 15 primi huius: cuius quidem coni vertex sit B idem qui vertex styli; latera verò sint BD, BF, ac BC; ipsius autem coni, communis cum plano sectio sit linea curua DFC per 20 primi huius.

His ita in debito situ constitutis triangulis, & coni umbrosi segmento; sic dico. Primò quia ab eodem styli vertice B, geminæ eodem die in eundem circulum umbræ cadunt, ad puncta videlicet D, & C; punctum E, inter ea medium in eodem circulo, est id punctum, per quod, & per A locum styli designanda est Meridiana propria huius plani, per corollarium 2 prop. 12 huius; erit igitur recta EAL, communis sectio plani, & circuli Meridiani, ad ipsum recti; in cuius plano est, simul cum stylo, totum triangulum FLG. Secundò quia cum linea umbræ BF videlicet meridiana 1 Aug. ann. 1645, Sole existente in gradu Leon. 9 min. 16, coniungitur in præstituto situ, recta FG; erit FG radius Leon. grad. 9 min. 16. Et quia arcus HI, est in plano eiusdem Meridiani, ab ipsius, & communi Sphæræ centro G (quod nunc est B) ductus; in eoque per constructionem continetur declinatio eius gradus 9 min. 16 Leonis; sequitur rectam per G, & I ductam, Aequatoris esse radium qui productus occurrit plano, ac simul Meridianam secat in K; itaut à styli vertice G (feu B) in K casura sit um-



bra, die Aequinoctij, cùm Sol in eo Meridiano extiterit. Igitur per K, incedit communis sectio eius plani, & Aequatoris; quæ cùm, ex dictis prop. 27 huius, recta sit ad cuiusvis plani propriam lineam Meridianam, dicta sectio

tio Aequatoris in hoc plano non potest esse alia quàm OP; quæ ad LKE recta est per constructionem.

Tertiò quia dicta OP est communis sectio plani huius propositi, & Aequatoris cuius radium esse rectam GK iam demonstratum est; sequitur triangulum OPQ (vt antea dictum est) eleuatum, esse in plano circuli Aequatoris. Et quia recta GL, est in plano ad Aequatorem recto, putà Meridiani LEG; & per constructionem perpendicularis est ad dictum radium GK (qui in ipso Aequatore est tanquam communis eius, & dicti Meridiani sectio) recta quoque erit ad planum Aequatoris; vnde cum per centrum eius, vtpote Q (seu G, & B, quæ in vnum coniuncta sunt) transeat; erit eadem GL, axis Aequatoris.

Quartò quia GL axis Aequatoris Meridianam EA productam secat in L; sequitur ex demonstratis *prop. 20 huius*, L esse gorologij centrum, & ALG esse angulum eleuationis poli supra hoc planum; poli, inquam, Antartici *per 19 huius*; & in arcu Meridiani proprii AV, numerandos esse gradus eius eleuationis *ex demonstratis prop. 24*.


Quintò cum sit L centrum horologij, & polum ipsum referat; per ipsum L transibit Meridianus loci: quia verò tam huiusce Meridiani, quàm ipsius horologij plana, ad Horizontem pariter recta sunt; sequitur communem quoque eorum planorum sectionem, rectam esse ad Horizontem, *per 19 11 elem.* Igitur recta LO, quæ à centro horologij L, ducta est ad Horizontem perpendicularis, penes fidem ipsius perpendiculi; erit linea Meridiana loci in hoc plano.

Sextò quia trianguli MAN non solùm basis MA, est in plano Horizontis, cum tota simul linea MAP, sed etiam latus AN, cum stylo AB, cui coniungitur; erit etiam alterum eius latus MN in eodem plano Horizontis *per 2 11 elem.* & quia dictum latus MN, plano horologij occurrit in M (quo videlicet puncto se inuicem secant Meridiana LO, & Horizontalis PR) transitque per N (seu B styli verticem) erit MN communis sectio Horizontis, & Meridiani loci: & quia alterum latus AN, stylo congruit, rectumque est ad horologij planum; erit MNA angulus declinationis, cuius quantitatem indicat arcus Horizontis AT, *per 8 primi huius*.

Septimò quia in præsupposito situ trianguli ORL, recta MR coniuncta est ipsi MN; sequitur ipsam quoque esse in plano Horizontis, esseque communem sectionem Meridiani loci, & Horizontis; atque adeo ipsam RL, quæ cum GL congruit (ei enim æqualis est, si non fuit erratum) esse (sicut & illa est) axem Aequatoris, prout in plano Meridiani loci, in quo etiam plano est totum dictum triangulum; quod cum ita sit, angulus MRL, erit angulus polaris supra Horizontem eleuationis, cuius quantitatem metitur meridiani arcus MY.

Octauò quia in circulo Aequatoris numerant Geographi gradus longitudinum, triangulum verò POQ, in eius plano est, & arcus KS, ex eius centro Q (siue B) descriptus est; sequitur angulum OQR esse angulum diffe-

differentiæ longitudinum inter Meridianum plano proprium EL , & Meridianum loci OL , & consequenter SK esse arcum eius differentiæ: igitur quando in Globo inuentus fuerit Meridianus loci, si ab eo versùs occasû seu versùs ortum, prout in descriptione differitur, numerentur in Aequatore ipsius Globi, tot gradus, quot in arcu SK continentur, inuenietur in fine numerationis Meridianus plano proprius. Et quia inuentum est huic plano polum Antarcticum grad. 27 min. 30 eleuari, sequitur illud æquidistare ei Horizonti, cui pariter ad angulos rectos est idem ille Meridianus, & cui pariter conuenit dicta eleuatio poli Antartici: is verò Horizon eius regionis vel ciuitatis, quæ in concursu Meridiani vltimò in Globo inuenti, & paralleli latitudinis grad. 27 min. 30, reperitur: quare ea est ciuitas, siue regio, cuius Horizonti æquidistat hoc planum. Igitur in plano Verticali declinante, dato solùm stylo &c. rectè inuenimus &c. Quod fuit &c.




Monitum.

IN planum Verticale declinans declinatione maxima, quæ est graduum 90, non caderet Meridiana loci LO , quia tale planum est illi Meridiano parallelum, nec in eo esset vllum horologij centrum (quale est L) quia Meridiana eius propria vt EAL , æquidistaret axi Aequatoris; radius enim Aequatoris GK cum GA , id est cum stylo BA , coincideret.

Propositio XXIX.

In quouis plano inclinato, vel etiam declinante simul, & inclinato, ignorata non solum declinationis, sed etiam inclinationis quantitate, ac etiam poli supra Horizontem elevatione, lineam eius plani Meridianam; & Aequinoctialem; & alia, quæ in præcedenti prop. continentur; ac insuper inclinationem plani certissime inuenire.

EAdem ratione, & iisdem, seruata proportionē, legibus, in quouis plano inclinato, ac etiam declinante simul, & inclinato, inueniri possunt dato solum stylo, ea omnia, quæ in Verticali declinante antea inuenta sunt; præterquam centrum horologii in planis ad Aequatorem rectis, cum enim illius axi ea plana æquidistant, non possunt habere huiusmodi centrum, vt paulò ante monui. Quia tamen propter inclinationem aliqua specialis in huiusmodi planis difficultas esse videtur; non erit abs re (ne quid desideret, vel ne in aliquo hæreat Lector) totum hoc, in planis etiam inclinatīs, negotium aperire; ideoque in exemplum propono



planum declinans simulque inclinatū, in quo dato stylo AB obseruentur vt dictum est vmbra BD, BF, & BC: designeturque Meridiana plani propria EAL; & Aequinoctialis, ad eam perpendicularis OP ducatur per K con-

K concursum radij GK, & dictæ Meridianæ: fiat etiam axis GL, ad dictum radium Aequatoris rectus, & secans prædictam Meridianam in L. Iam vero propter inclinationem Meridiana loci hoc modo inuenietur; inquiretur per 13 huius, beneficio scilicet perpendiculari à styli vertice B dependentis, punctum V, in quo dicti perpendiculari cuspis planum inclinatum contingat; per hoc autem punctum sic inuentum, & per L centrum horologij, ducetur optata Meridiana loci secans Aequinoctialem in O. Deinde ex puncto A fiat AX, stylo quidem AB æqualis, perpendicularis autem ad AV, quæ per 7 huius sit communis sectio plani, & Verticalis circuli ad ipsum recti; iungaturque XV, & ad ipsam ducatur perpendicularis XY, quæ Verticalem AV sursum versus S productam secet in Y; ac per Y ducatur per 8 huius, linea Horizontalis, secans Aequinoctialem quidem OP, in P; loci autem Meridianam LV, in T: fiat postmodum YS æqualis ipsi YX, & connectatur TS: similiterque fiat AN, æqualis stylo AB; & connectatur MN.

Deinde ex L tanquam centro ad interuallum LG, describatur versus R, segmentum circuli, necnon & aliud, ex M tanquam centro, ad interuallum MN, vel etiam tertium (si opus fuerit) ex V tanquam centro ad interuallum VX; quin & quartum ex O, tanquam centro ad interuallum, OQ: quæ segmenta se inuicem secant in R. Et connectantur RL, & RT, & RM, & RV, necnon RO, (licet in ipso schemate non expressa) erit autem recta RO ad angulos rectos cum RL, si non sit erratum. Præterea fiat KQ æqualis radio KG, & connectantur QO, & QP; eruntque, si non sit erratum, ipsæ QO, & QP, ad inuicem perpendiculares. His ita peractis, erit ut in præcedenti propositione 28 centrum horologij L; Meridiana loci LV; angulus inclinationis AVX; angulus declinationis YST; angulus eleuationis poli supra Horizontem TRL; angulus differentiae longitudinum KQO; angulus eleuationis poli supra horologij planum, ALG; cætera omitto quia huic, & præcedenti propositioni communia.

Demonstratio.

Singula triangula, videlicet FGL, & OPQ, & MAN, moueantur, & collocentur, ut in præcedenti propositione: Et insuper triangulum TYS, super immota TY moueatur, ac deprimatur; donec S in B vertice styli sit; & triangulum XYV, super immota YV moueatur; donec X, prædictum styli verticem B tangat: necnon etiam triangulum LVR, super immota LV, versus eundem verticem B moueatur; itaut in eodem styli vertice constituatur trianguli vertex R. Ita fiet, ut in vnam rectam conueniant LG, & LR, per constructionem factæ æquales: similiter in vnam coniungentur TS, & TR, utpote etiam æquales: ita etiam MR, cū MN conueniet; & YX, cum YS; & (quæ veluti designata esset, concipi potest) RO, cum QO; ac denique RV cum linea perpendiculari XV.

Quia

Quia itaque R, vt pote cum B iunctum, est centrum Sphæræ atque adeo Horizontis, erit R V, axis Horizontis; & quia R T ad eundem axem recta, est necessariò in plano Horizontis, sequitur rectam T P, per ipsum punctum T, ad fidem libellæ per 8 huius, in plano inclinato designatam, esse communem Horizontis, & eiusdem plani sectionem; & consequenter triangulum T Y S esse in plano Horizontis. Quia verò Meridianus loci transit per axem Æquatoris, & per axem Horizontis, sequitur triangulum L V R, cuius latus R L est idem cum axe Æquatoris G L, & alterum latus videlicet V R (est idem cum axe Horizontis, id est cum linea perpendiculi X V, seu B V) esse in plano Meridiani loci, cuius consequenter, & plani horologij sectio communis erit recta L V.

Quod cum ita sit, sequitur rectam R T (seu S T) esse communem eiusdem Meridiani, & Horizontis sectionem: ex quo iam fati intelliguntur cætera, videlicet angulum eleuationis poli supra Horizontem, esse T R L; & angulum declinationis, esse Y S T; & angulum inclinationis esse A V X, seu alium ipsi æqualem videlicet A X Y; angulum verò differentię longitudinum esse, K Q O; & alia quæ libenter omitto tanquam iam demonstrata in præcedenti propositione.

Propositio XXX.


Axem, horarum Astronomicarum indicem, in debito situ collocare.

Theoreticè quidem certum est per 11 primi huius axem istum ita collocari debere, vt axi Æquatoris semper congruat; in praxi autem prius inspiciendum est, num axis Æquatoris æquidistet plano horologij, vel ad illud inclinetur; an verò perpendicularis sit: tum hæ regulæ generatim seruandæ.

Prima regula. Si axis Æquatoris ad horologium rectus sit, cognito centro ipsius horologij (quod quidem horologium in hac hypothefi erit semper Æquinoctiale) figatur in eodem centro axis horarum index ad horologij planum perpendicularis per 2 huius; nam in hac hypothefi non differt axis à stylo, nisi quòd hic determinatam habet longitudinem, ille verò indeterminatam. Huius autem rei nouam condere figuram non putò esse necessarium.


Secunda reg. Si axis Æquatoris horologio æquidistet, æquidistat etiam lineis horarijs Astronomicis, vt ex earundem descriptione constabit inferiùs prop. 32, & 33: quapropter in linea horaria, quæ per locum styli transit; vel certè (si nulla horaria per locum styli transeat) in alia per eundem locum styli transeunte, ac simul ipsis horarijs æquidistante; qualis est verbi gratia A C B, quæ semper erit Meridiana saltem plani, si non etiam lo-

ci. Posito quòd stylus sit CD, duo alij, ad eandem lineam, simulque ad horologij planum perpendiculares, conuenienti ab inuicem interuallo diffiti, vt FH; & E G, figantur, ipsi CD æquales; si enim illis imposita fuerit linea quæuis solida nempe ferrea, vel ærea, vt recta GH; erit ea tunc in situ axis Æquatoris.



Aliter etiam commodissimè fiet si lamina ferrea, vel orichalcea EGHF adhibeatur, loco dictorum stylorum FH, & EG, ac loco lineæ GH; sit tamen ea lamina, lata quidem quantum longus est stylus CD; longa verò, & crassa quantum postulat, tum horologij magnitudo, tum operis venustas: ea porro geminis, vel etiam ternis ex ipsamet prominentibus cuspidibus, vt in E, C, & F, depactis in totidem foramina, infuso etiam plumbo liquefacto, vel gypso firmiter copuletur horologij plano ad lineam ACB; tum applicata norma rectangula, explorabitur num ea lamina rectos cum plano angulos efficiat; & si quidem ita sit, erit illa in debito situ; sin minus inclinanda est in hanc, vel illam partem, donec normæ rectangulæ fidei omni ex parte congruat; & tunc denique cum axe etiam Æquatoris congruet superioris lateris GH, linea ipsi AB parallela.

Tertia regula. Si axis Æquatoris angulos cum plano horologij obliquos efficiat (quod quidem contingit in omnibus planis, quæ nec Æquatori, nec alicui per eius polos incedenti circulo maximo æquidistant) in primis inquirenda est linea Meridiana plani propria, siue ea conueniat cum Meridiana loci, siue non; deinde inquirendum est centrum horologij; nam ijs inuentis, statim cognoscitur quis, & quantus sit angulus inclinationis dicti axis ad planum horologij; hoc modo.



Sit in plano horologij recta AB Meridiana eius propria per aliquam ex precedent. prop. inuenta; in ea sit E centrum horologij per aliquam etiam ex precedentibus inuentum. Ducatur autem per styli verticem (qui sit D) ac per E recta DE; eritque DEC. angulus eleuationis poli, atque adeo eleuationis axis, supra

planum horologij; quapropter si ad similem angulum eleuetur supra lineam AB, virga quolibet ferrea, vel alia similis, in E optimè firmata vel etiam (si opus fuerit) fulcro aliquo vt CD sustentata; erit illa in vero situ axis Æquatoris. Poterit etiam ad modum laminæ quadrangulæ paulò ante descriptæ, confici triangularis æqualis triangulo CED, pari modo copulanda plano horologij, & ita aptanda super dicta AB, vt extremo basis, & inclinati lateris angulo E congruat cum horologij centro etiam, notato E; erectaque maneat in modum cristæ ad horologij planum orthogona.

Demonstratio.

Licet regulæ tres modò traditæ suam fecum in praxi demonstrationem afferant; tamen vt Tyronibus ampliùs satisfaciã, eas earumque praxes breuiter sic demonstro. Et primò quidẽ quia horologium Aequinoctiale parallelum est plano circuli Aequatoris; huius axis, vtpote ad ipsum perpendicularis, erit etiam ad planum horologij perpendicularis *per conuersam* 14 11 *elem.* igitur vt axis, qui est index horarum in horologio Aequinoctiali, congruat cum axe Aequatoris; debet ille esse ad ipsum horologium rectus. Secundò quia *per* 11 *primi huius*, vertex styli intelligitur esse in centro Sphæræ; linea GH in prima figura transiens per D verticem styli DC, transibit etiam per centrum Sphæræ, atque adeo Aequatoris. Et quia linea AB est ad planum Aequatoris recta (vt demonstrabitur, cùm de eius generis horologijs dicetur *prop.* 32, & 33) erit etiam linea GH ad idem Aequatoris planum recta *per* 8 11 *elem.* hoc ipso videlicet quòd facta est ipsi AB parallela. Igitur erit dicta GH, in situ axis Aequatoris, qui ad ipsum rectus est, & per verticem D incedit. Tertiò quia D, in secunda figura est etiam in centro sphæræ, vtpote vertex styli DC; E verò, inuentum est centrum horologij; id est punctum in quo axis Aequatoris occurrat plano horologij; sequitur necessariò ipsam DE, congruere cum eodem axe. Igitur axem horarum Astronomicarum indicem rectè, & in debito situ collocauimus, quod fuit &c.

Monitum.


O biter hìc aduertant Tyrones axem modò descriptum, vsui esse posse solum ad indicandas eas lineas, quæ sunt sectiones circulorum maximorum per polos Aequatoris incedentium: quales sunt lineæ horarum Astronomicarum, stylum verò & ijs ipsis iam dictis lineis indicandis vtilem esse, & ad reliquas omnes indicandas necessariò requiri; necessariò, inquam, nisi loco ipsius insigne aliquid in ipsomet axe collocetur, quod centrum sphæræ referat.

Propositio XXXI.

Dato stylo, & linea Meridiana, in plano, quod circulo Aequatori æquidistat, horas Astronomicas delineare.

Sit AB planum Aequatori æquidistans; quod quidẽ an reuera æquidistat Aequatori potest cognosci *per antecedentes prop.* cognito scilicet an habeat aliquam declinationem, & simul quantam, & qualem habeat incli-

inclinationem; si enim nullam habeat declinationem, & inclinationem habeat inclinationi Aequatoris æqualem, erit parallelum Aequatori; alias non: inclinatio verò Aequatoris semper est æqualis eleuationi poli, summa



enim inclinationem pro distantia à Zenith, *vt in primo libro dictum est proposit. 9.* Itaque ducta per 13 aut aliam huius, in eo plano Meridiana linea CD; in aliquo eius puncto E statuatur circini pes immobilis, alteroque ad quoduis interuallum extenso versùs C, aut D, circa E centrum describatur circulus CFDG; quem primò in quatuor partes æquales diuidant rectæ FG, & CD concurrentes in centro E ad angulos rectos; singuli verò quadrantes CF, CG, DF, DG, in sex partes æquales diuidantur; & ita 24 partes in toto circuitu, pro totidem horis Astronomicis, distinctæ erunt; quas singuli singulis respondentes radij à centro E ducti indicabunt, numeris eo ordine, quem figura ostendit, ascriptis. Gnomon denique in centro E figatur vt EH, ad angulos rectos cum plano ipso AB, *per 2 huius.*

Præterea planum quidem AB supponitur esse immobile; sed tamen si quis in plano mobili prædictum horologium descripserit, debet postmodum in vsu ipsius, planum eius ita collocare, vt Aequatori æquidillet: quod quidem non erit difficile exequi beneficio instrumenti *prop. 10 primi huius* constructi pro inclinationibus, & declinationibus. Denique si quis Aequinoctiale gestatorium desideret, illi adhibeat Magneticam acum, qua in meridiem dirigatur; & quadrantem circuli adiungat, quo in debito inclinationis gradu statuatur,

Demonstratio.

Quia Gnomon EH perpendicularis est ad horologij planum AB; ad Aequatorem etiam, vtpote illi parallelum, perpendicularis erit, *per conuersum 14 11 elem.* atque adeo in eo situ congruet Gnomon

S 2

cum

cum axe Aequatoris, cuius centrum in vertice H, esse intellegitur *per 11 primi huius*. Quia verò horas Astronomicas, siue à meridie, & à media nocte, distinguunt circuli maximi duodecim per axem Aequatoris incidentes, diuidentefque eiusdem circumferentiam in partes 24 inuicem æquales, erunt, eorum circulorum, & plani Aequatoris communes sectiones lineæ *per 3 11 elem.* rectæ; & quidem à centro eius per quod axis transit, ad circumferentiam ductæ, eamque secantes in punctis, in quibus eam iidem secant. Quia insuper prædicti circuli; non solum Aequatorem, sed etiam illi parallelum horologij planum secant; erunt communes eorum sectiones in plano scilicet Aequatoris, ac in plano horologij inuicem parallelæ, *per 16 11 elem.* atque adeo *per 10 eiusdem*, æquales ad communem Aequatoris, & plani horologij axem, angulos comprehendunt: & consequenter sicut Aequatorem, ita parallelum ei circumulum CFDG, in partes 24 æquales diuident circuli illi duodecim, horarum à meridie, & media nocte distinctores. Igitur horologium Aequinoctiale Astronomicum rectè constructum est; quod fuit demonstrandum.

Corollarium.


EX hac modò explicata horologij Aequinoctialis descriptione facta in plani facie superiori; intelligitur qui fieri debeat, in eiusdem; aut similis plani facie prona, seu inferiori: siquidem horologium Aequinoctiale inferius, à superiori non differt, siue quoad situm, siue quoad ordinem horarum, siue etiam (quod præcipuum est) quoad angulos, quos horariæ lineæ in eius centro efficiunt: cum pariter vtrunque parallelum sit Aequatori; atque adeo simili modo secetur à circulis horarijs ad vtrunque pariter rectis.

Propositio XXXII.

In plano quod circulo Polari, ut dicitur, idest per polum, ac per communes Aequatoris, & Horizontis sectiones transeunti æquidistat, horas Astronomicas delineare.

Quilibet circulus maximus per Aequatoris polos incedens, nomine circuli Polaris, quantum fert vis vocis, gaudere possit, nisi iam inualuisset usus, quo apud Horographos ille solus, velut antonomastice, vocatur Polaris, qui per prædictos polos transiens ad Meridianum loci rectus est, & per communes Aequatoris, ac Horizontis sectiones incedit, estque circulus horæ sextæ à meridie, & à media nocte. Sit itaque eidem huic

huic circulo Polari planum æquidistans A B ; erit verò tale si nullam habeat declinationem ; & ad partem septentrionalem , inclinationem habeat complemento altitudinis poli æqualem ; sic enim eiusdem altitudini æqualem habebit eleuationem supra Horizontem : in hoc itaque plano , erecto per 2 huius , ad angulos rectos stylo E Y ; ductaque per 13 linea Meridiana CED , quæ in hoc horologio est non solum Meridiana plani ipsius , sed etiam Meridiana loci ; denique designata per 27 linea Aequinoctiali F E G ; aperto circino sumatur longitudo styli E Y , & eidem æqualis E H abscindatur in linea Meridiana ; ex puncto autem H tanquam centro describatur semicirculus I L K , cuiuslibet magnitudinis ; ducta per centrum H , diametro I H K parallela quidem ipsi Aequinoctiali F G , ad Meridianam verò C D orthogona.



Diuidatur postea semicirculus in partes duodecim æquales ; & per puncta earam distinctiua , ac per centrum H , ducantur rectæ occultæ secantes Aequinoctialem F G , in punctis M , N , O , P , Q , à parte orientis , & in punctis R , S , T , V , X , à parte occasus . Sufficeret quidem solum circuli quadrantem L K , verbi gratia , diuississe , vel etiam descripsisse ; sed tunc ductis , vt priùs lineolis occultis ex ea solum parte , intervalla intersectionum Aequinoctialis E M , & E N , & E O , &c. transferenda essent ope circini ex eodem puncto E in aliam partem eiusdem lineæ Aequinoctialis versùs F . Notatis denique punctis M , N , O , &c. itemque R , S , T , &c. ducantur per ea puncta lineæ horarum , à meridie , & à media nocte , inuicem , & Meridianæ C D æquidistantes : & numeri singulis ascribantur eo ordine , quem figura ostendit .

Demonstratio .

COgita lineam I H K (diametrum videlicet Aequatoris) cum toto pariter eiusdem semicirculo I L K super immota Z Z moueri , donec parte Z K I Z , supra planum horologii extante , & reliquo arcu Z L Z subidente , integrum semicirculi planum I L K ad angulos rectos sit plano horologii ; & centrum H in puncto Y , id est in vertice styli consistat . Tunc

enim erit dictus semicir. in situ naturali Aequatoris, qui ad circulum horæ sextæ à meridie, & à media nocte, rectus est: recta autem FG (quæ est ipsa ZZ producta) erit communis sectio plani horologij, & Aequatoris: ipsa verò IHK in eo situ erit communis sectio Horizontis, & circuli horæ sextæ, atque etiam Aequatoris: lineolæ autem occultæ à centro Aequatoris H, siue Y in circumferentiam ad puncta diuisionum ductæ plano horologij occurrent in punctis E, M, N, O, P, Q, ac R, S, T, V, X; ex quo intelliges per eadem puncta transire eos circulos maximos, qui horas à meridie, & à media nocte distinguunt.

Quia verò hi ipsi circuli horarij, sicut & horologij planum, ad angulos rectos sunt plano Aequatoris, sequitur per 19 11 *elem.* communes eorum sectiones esse quoque eidem Aequatori ad angulos rectos, atque etiam ipsi FG, per *defin. 3 eiusdem*; siquidem recta FG in Aequatore est, tanquam communis eius, & plani horologij sectio. Quapropter rectæ per puncta M, N, O, P, &c. ductæ perpendiculares ad Aequinoctialem FG, erunt in plano Polari lineæ horariæ à meridie, & à media nocte. Igitur horas Astronomicas in plano Polari rectè delineauimus; quod fuit &c.

Corollarium.


EX præcedenti horologij Polaris descriptione facta in superiori facie propositi plani AB, facile intelligitur quomodo institui debeat similis in facie inferiori descriptio; siquidem lineæ horariæ inferioris, sunt directè sub lineis horarijs superioris horologij; & numeri eodè modo in utroque disponendi sunt, quantum ad respectum, quem ad ortum, vel occasum habent. Porro umbra Gnomonis in horologio quidem inferiori eas tantum horas indicabit, quæ sunt ante sextam à media nocte, vel post sextam à meridie; in superiori verò reliquas omnes, ut iam dictum est *lib. 1 prop. 6*; ipsam verò sextam tum matutinam, tum serotinam ostendet ipse radius Solis cum horologij plano parallelus fuerit, ita quòd nec superiorem eius faciem, nec inferiorem, sed solum latus illustret; cum enim Sol est in dicto circulo horæ sextæ, cui planum horologij æquidistat, linea radio-umbrosa per styli verticem incedens, horologij plano parallela, in ipsum cadere non potest. Quod verò attinet ad horarum indicem; poterit loco styli EY, disponi supra Meridianam CD, axis per 30 *huius*.

Quòd si fortè in plano mobili descriptum sit hologium, siue inferius, siue superius; poterit in debito ad vsum situ collocari, eodem modo, seruata proportionem, quo dictum est *propositione præcedenti* collocari posse horologium Aequinoctiale.

Propositio XXXIII.

In plano, quod circulo Meridiano æquidistat, horas Astronomicas delineare.

Proponatur planum circulo Meridiano parallelum, spectans, verbi gratia, ortum; quod quidem tale erit, si ad Horizontem rectum sit, declinationem verò maximam, id est 90 graduum habeat tum à meridie,



tum à septentrione, & ab exoriente Sole illustretur. Descripturus itaque, in eo plano horas Astronomicas, id est à meridie, atque à media nocte, designe per 2 huius, stylium vt AB ad angulos rectos: & per 5 eiusdem duc per A locum styli, Horizontalem lineam CD: tum ex eodem loco styli A tanquam centro, ad quodlibet interuallum, describe circuli quadrantem EF, supra Horizontalem CD, ad partem quæ austrum respicit: diuiso autem eo quadrante in gradus 90, numera à puncto F versùs E, eleuationem poli supra Horizontem; vel è contrà, à puncto E versùs F eleuationem, Aequatoris (quod in idem recidit) & per finem numerationis G, simulque per locum styli A extende lineam Aquinoctialem GAH, cui per idem punctum A, perpendicularem age lineam horæ sextæ à media nocte, videlicet IA 6, quæ in hoc plano est Meridiana eius propria, seu linea styli; mox aperto circino fume styli AB longitudinem, eidemque in dicta linea horæ 6, abscinde æqualem AI; & ex I tanquam centro describe semicirculum cuiuslibet magnitudinis LAK, ducta LIK diametro parallela ipsi Aquinoctiali GAH: hunc verò semicirculum diuide in partes 12 inuicem æquales, & per puncta singularum diuisionum produc à centro I occultas lineolas,

lineolas, donec Aequinoctialem GH fecerit in punctis S, R, Q, P, O, N, M ; ac denique per hæc ipsa puncta, rectas duces inuicem & lineæ horæ 6 parallelas; quæ erunt communes sectiones plani horologii, & circulorum horariorum à media nocte; quibus & adijcies numeros vt in schemate factum vides. Cæterum pro indice horarum poteris loco styli super linea horæ sextæ axem collocare per 30 huius.

Demonstratio.

Quia planum horologii parallelum est plano circuli Meridiani, parallela etiam inuicem erunt geminae sectiones, quas in illis planis efficit Horizon; atque etiam alia gemina, quas in iisdem facit Aequator, per 16 11 elem. & consequenter per 10 eiusdem, angulus in plano horologii comprehensus inter sectiones communes illius cum Horizonte, & cum Aequatore, æqualis erit angulo comprehenso inter horum etiam sectiones, factas ab eisdem in plano Meridiani. Quare cum in plano horologii supponatur communis eius, & Horizontis sectio CD ; erit GAH communis eiusdem, & Aequatoris sectio, quia angulus EAG factus est æqualis angulo elevationis Aequatoris supra Horizontem. Nunc verò si cogitetur eleuari semicirculus LAK simul cum triangulo MIS , super immota basi MS ; donec ad angulos rectos plano horologii infillat, & centrum eius I cum styli vertice B coniungatur; erit tunc dictus semicirculus in situ naturali Aequatoris, eiusque diameter KL erit communis sectio Aequatoris, & circuli Meridiani; quæ cum sit plano horologii parallela, cum eodem concurrere non potest: quæ ratio est, cur in hoc genere horologii Meridiana linea haberi non possit. Præterea tam B vertex styli, quam I centrum semicirculi, in eo eius situ, est centrum Aequatoris, seu ipsius Sphæræ; & consequenter lineolæ occultæ ab eo centro per puncta diuisionum prodeuntes, sunt communes Aequatoris, & circulorum horariorum à media nocte sectiones: & in quibus punctis lineolæ illæ, plano horologii occurrunt, in iisdem eidem occurrunt dicti circuli horarij: & quia ad eos recta sunt plana horologii, & Aequatoris, sequitur communes eorundem cum plano horologii sectiones, non tantum ad Aequatorem rectas esse per 19 11 elem. sed etiam ad ipsam GH (quæ est communis ipsius Aequatoris, & plani horologii sectio) per 3 definit. eiusdem 11 ac propterea rectæ per puncta O, P, Q, R , &c. ductæ perpendiculares ad GH , seu, quod idem est, æquidistantes ipsi lineæ horæ 6, sunt in plano, quod circulo Meridiano parallelum est, communes eiusdem, & circulorum horariorum à media nocte sectiones. Atque ita in plano quod circulo Meridiano æquidistat, horas Astronomicas rectè descripsimus; quod fuit demonstrandum.


Corollarium.

DEscripto hoc horologio Meridiano orientali, ijsdem præceptis (cùm opus fuerit) describes occidentale; non enim est inter ea discrimen aliud; quàm ordinis, & numeri horarum. Hoc tantùm obserua, vt sicut in orientali, ita in occidentali eleuetur à parte austri supra Horizontalem CD, linea Aequinoctialis GAH; à parte autem septentrionis sub eadem Horizontali deprimatur. Quoad ordinem verò horarum; quæ in orientali horologio 11 est post mediam noctem, erit in occidentali, post meridiem; & quæ est 10 erit 2 & ita de alijs.

Propositio XXXIV.

In plano, quod circulo Verticali primario æquidistat, horas Astronomicas delineare.

Proponitur planum in meridiem directè obuersum, ad Horizontem quidem perpendiculare, parallelum autem circulo Verticali primario, qui ad Meridianum rectus est. Tres verò modos hic ego proferam.



descriptionis propositi horologij in eo plano; & primus quidem via geometrica perficitur, ac sic se habet. Dato loco styli A, & eiusdem posita longitudine AB, ducatur per A Horizontalis CAD per 5 huius; similiterque per 13 Meridiana YAH secans CD in A; deinde in Horizontali abscindatur AE æqualis stylo AB, ac ducto ex E centro ad quodlibet intervallum arcu circuli AF, numeretur ab A versùs F complementum elevationis poli; vel, quod idem est, elevatio Aequatoris supra Horizontem, & per finem numerationis, vt F, producaturs recta EFG, que erit radius Aequatoris

toris secans Meridianam in G; ac per G ducatur ad Meridianam perpendicularis QGX Æquinoctialis; in eadem verò Meridiana abscindatur GI æqualis ipsi radio GE; atque ex I tanquam centro describatur ad quodlibet intervallum semicirculus KGL, cuius diameter KL fiat ipsi Horizontali CAD, vt & Æquinoctiali QGX æquidistans; deinde diuidatur semicirculus in 12 partes inuicem æquales, ac per singula diuisionum puncta occultæ à centro I lineolæ educantur secantes Æquinoctialem in punctis M, N, O, P, Q, ex vna parte; & in punctis R, S, T, V, X, ex altera; sufficeret verò alter, è duobus, circuli quadrans, verbi gratia, GL; cuius ope ductis, vt priùs, lineolis inuenientur prædicta puncta in ea parte lineæ Æquinoctialis; sed tunc deberent seruatim ex altera parte æqualibus intervallis notari à G versùs Q similia puncta, vt ita haberentur in lineæ Æquinoctiali puncta omnia horarum; omnia, inquam, quæ in illam cadere possunt.

Sed tamen præter hæc puncta, in quibus lineæ horariæ Æquinoctialem secant, adhuc superest inquirendum aliud punctum commune, per quod etiam omnes illæ horariæ transeunt; quod idcirco centrum horologii dicitur, & polum Arcticum refert. Illud verò ex dictis prop. 22 hoc modo inuenietur: per punctum E ad ipsam EG perpendicularis ducatur ZEY secans Meridianam in Y. Eritque Y punctum illud optatum, per quod, & per singula in lineæ Æquinoctiali iam priùs notata puncta describendæ sunt rectæ omnes YM, YN, &c. lineæ horariæ, quibus ascribendi sunt numeri, vt figura ostendit. per idem autem punctum Y ducetur ad Meridianam YH perpendicularis lineæ horæ sextæ, tum à meridie, tum à media nocte; cui idcirco ascripti sunt hincinde numeri 6. 6. Si loco flyli AB velit aliquis pro indice horarum, axem adhibere, is per prop. 30 huius, erigat super lineam GY, & centro Y coaptet; triangulum simile triangulo GYZ.

Aliter, per tabulam arcuum circuli Verticalis.


Idem horologium maxima facilitate describetur adminiculo tabulæ indicantis arcus circuli Verticalis comprehensos inter communem eius, & Meridiani sectionem, ac singulos circulos horarios à meridie, & à media nocte. Vt verò ipse descriptionis modus explicetur, ponenda in primis ob oculos est huiusmodi tabula.

*Tabula arcuum circuli Verticalis primarij comprehensorum
inter communem eius, & Meridiani sectionem, ac
singulos circulos horarios à meridie, & à
media nocte, pro varijs poli eleua-
tionibus supputata.*

Hora	à med. nocte. à meridie.	1		2		3		4		5		6	
		11		10		9		8		7		6	
		G.	G. M.	G. M.	G. M.	G. M.	G. M.	G. M.	G. M.	G. M.	G. M.	G. M.	G. M.
ELEVATIONES POLI.	35	12	22	25	18	39	19	54	49	71	54	90	0
	36	12	13	25	2	38	58	54	29	71	41	90	0
	37	12	5	24	43	38	37	54	8	71	28	90	0
	38	11	55	24	27	38	15	53	46	71	13	90	0
	39	11	45	24	9	37	52	53	24	70	59	90	0
	40	11	35	23	52	37	28	53	0	70	43	90	0
	41	11	25	23	33	37	3	52	35	70	28	90	0
	42	11	17	23	13	36	37	52	9	70	11	90	0
	43	11	5	22	53	36	11	51	42	69	53	90	0
	44	10	54	22	33	35	44	51	15	69	35	90	0
	45	10	43	22	12	35	17	50	46	69	15	90	0
	46	10	32	21	51	34	47	50	16	68	54	90	0
	47	10	22	21	29	34	18	49	44	68	33	90	0
	48	10	10	21	7	33	46	49	12	68	11	90	0
	49	9	57	20	44	33	16	48	39	67	47	90	0
	50	9	45	20	21	32	44	48	4	67	21	90	0
	51	9	33	19	58	32	11	47	28	66	55	90	0
	52	9	22	19	34	31	37	46	50	66	29	90	0
	53	9	10	19	9	31	2	46	11	66	0	90	0
	54	8	57	18	46	30	26	45	30	65	29	90	0
	55	8	43	18	18	29	49	44	49	64	58	90	0

Nunc ad horologii descriptionem veniamus. In plano Verticali in meridiem directè obuerso, & minimè declinante, sumpto per 23 huius puncto A tanquam centro horologii, describatur ex eodem semicirculus BED; & ex A deorsum ad Horizontem perpendicularis ducatur linea Meridiana AE: deinde ducta recta BAD Horizonti parallela per 4 huius, quadrans vterque EB, & ED in gradus 90 more solito diuidatur; tum cognita loci latitudine, siue poli supra Horizontem eleuatione ad locum
ad

adquem construendum est horologium; quærat in latere sinistro tabu-



læ numerus eiusdem eleuationis, eoque inuento è regione illius in singulis per ordinem ad dexteram areolis, sub numeris horarum, qui in fonte tabellæ scripti sunt, inuenientur numeri pro singulis arcubus ad singulas horas numerandi a puncto E versùs B pro horis ante meridiem, & ab eodem E versùs D pro horis post meridiem. Sit hoc exemplum.


Proponitur horologium Verticale describendum pro loco, in quo est eleuatio poli graduum 42. delineato, ac diuiso, vt iam dictum est, semicirculo BED, ductaque Meridiana AE, quære in latere, vt dictum est, tabullæ inter areolas eleuationum polarium, numerum graduum 42; & e regione sub numero horæ 1 post meridiem, ac etiam 11 ante Meridiem, inuenies gradus 11 cum minutis 17: igitur in semicirculo BED totidem gradus, & totidem minuta numerabis hincinde ab E versùs B, & versùs D, ac per vtriusque numerationis finem, vt F & F, ac per centrum A duces in quadrante occidentali EB rectam AF pro hora 11 ante meridiem, & alteram similiter rectam AF in quadrante orientali ED pro hora 1 post merid. Eodem modo è regione eleuationis polaris grad. 42, in eadem serie, sub horis 2 post meridiem, & 10 ante merid. reperies gradus 23 minuta 13; & totidem gradus ac minuta numerabis ab E in G in vtroque quadrante; ac per A, & G ex vna parte duces lineam AG pro hora 2; & per A, & G ex altera duces lineam AG pro hora 10: & sic de alijs vsque ad sextam tum post, tum ante merid. quæ in huiusmodi horologijs est semper parallela, Horizonti, transique per horologij centrum A.

Supereft indicem horarum horologio constructo aptare, quod quidem ita fiet: in alterutro è duobus quadrantibus, verbi gratia, orientali numerentur *ex dictis prop.* 23, à D versùs E gradus eleuationis Poli videlicet gradus 42 & per finem numerationis, vt L è centro A ducatur recta AL, linea axis; electo autem ad libitum in Meridiana AE puncto N, ducatur ex N ad eandem Meridianam perpendicularis, seu ipsi AD æquidistans NM secans rectam AL in M; eritque NM longitudo styli, eius verò locus erit N; quare stylus longus, vt NM, figatur in N ad angulos rectos cum plano horologii *per 2 huius*; eiusque ita fixi vmbra horas demonstrabit. Poterit etiam

etiam pro indice horarum per 30 aptari triangulum vt NAM, super basi NA, infiltens plano ad angulos rectos: poterit & sola virga ferrea, vt AM L, ita tamen vt fixa in A, & supra planum horologij eleuata, in plano circuli Meridiani consistat, & cum linea AE, hoc est communi horologij, & eiusdem Meridiani sectione, angulum complementi eleuationis poli, qualis est Angulus EAL, efficiat.

Aliter quando non potest haberi centrum horologij.

Nonnunquam accidit, vt propter loci angustias non possint designari supra stylum, & supra lineam Horizontalem illæ lineæ occultæ, quæ ad inueniendum horologij centrum necessariae sunt; vt igitur deli-



neari nihilominus possit (si necessitas occurrerit) propositum horologium absque centro; tertiam hanc delineationis eius rationem tradendam existimaui; ea verò ex antedictis, quodammodo mixta est, partimque lineis more geometrico ductis, & partim indicio tabulae perficitur, tabulae inquam, non eius quam *hac eadem propositione* tradidi, sed alterius mox *sequenti propositione* tradendæ, quæ arcus Horizontis inter quoslibet circulos horarios a meridie, & a media nocte, & lineam Meridianam comprehensos ostendit. Sit itaque, vt supra in primo modo, linea Horizontalis DAC ducta per A locum styli; sint etiam Meridiana AG, & Æquinoctialis QX, vt ibidem, designatæ: & sint in ipsa Æquinoctiali, inuenta iam puncta M, N, O, &c. ex vna parte, & R, S, T, &c. ex altera. Superfunt inuenienda alia similia puncta in linea Horizontali CAD, per quæ, & per iam dicta Æquinoctialis puncta, designari possunt lineæ horariæ; sic verò inuenientur certissimè, & facillimè.

In Meridiana AG abscindatur AZ æqualis stylo AB; tum ex Z tanquam centro describatur semicirculus YAE (sufficeret solus quadrans YA) & diuidatur more solito in suos gradus: postea in tabula arcuum Horizontalium (quæ vt dixi habetur *propof. sequenti*) quæretur numerus

conueniens eleuationi polari, ad quam conſtruitur horologium, verbi gratia, vt ſuprà numerus 42; & ſtatim è regione in eadem ſerie ſub ſingulis numeris horarum in fronte tabulæ contentis, apparebunt numeri graduum, & minutorum pro arcubus comprehenſis inter eaſdem ſingulas horas, & lineam Meridianam in circulo Horizontis, atque adeo in ſemicirculo Y A E, qui eiufdem ſemicirculum repræſentat. Exempli cauſa, quia pro hora 7 à media nocte aſſignantur gradus 68 minut. 11, & pro octaua gradus 49 minut. 12; & ſic de alijs; ideo à puncto A verſus Y numerandi ſunt ſigillatim gradus illi cum aſcriptis minutis, & factò in fine, cuiuſque numerationis ſigno, vt F, K, &c; per eadem ſigna, ex centro Z extendantur rectæ occultæ lineolæ ſecantes Horizontalem D C in I, L, &c. ac denique per I, & Q ducenda eſt linea horæ 7 à media nocte; linea autem horæ octauæ per L & P; & ita de alijs, non tantum ad partem C, ſed etiam ad partem D: ſpatia enim horarum ab A verſus D æqualia ſunt ſingula ſingulis ſpatijs horarum æqualiter à Meridiana A G diſtantium, ab eodem A verſus C: proptereaque paulò ante dixi ſufficere quadrantem A Y, quia poſtquam in Horizontalis parte A C, diſtincta fuerint horarum interualla, poſſunt eadem beneficio circini transferri ſingula ab A, verſus D, vt I in H, &c. ita vt interuallum A H pro hora 5, poſt meridiem, æquale ſit interuallo A I pro ſeptima poſt mediam noctem; & ſic de alijs.


Monitum.

Licet quam plurimi alij circumferantur modi, quibus huius generis horaria lineæ designari poſſunt, tamen mihi præ cæteris placuit primus ille adductus geometricus, velut ad naturam proiectionis Sphæræ optimè accommodatus ſecundùm Theoriam explicatam *prop. 21 primi huius*; Alij autem duo modi, quos adieci, ſunt quidem etiam ipſi in ſuo genere geometrici, & cum eadem Theoria pariter concordēs, licet in eam non ita immediatè reſoluantur ſicut primus: ratio verò quare hos duos præ cæteris huc conſulerim; eſt quia eius generis tabularum uſus facillimus eſt, & inſtrumentis horographicis, quæ poſtea conficiam, maximè conuenit, vnde & eum ipſo initio explicare cœpi, vt ſimilibus operationibus deinceps tradendis paulatim Tyro Lector aſſueſcat.

Demonſtratio primæ descriptionis.

Intelligatur triangulum G Y E ſuper immota baſi G Y eleuari, donec in vertice E, ſtyli verticem B tangente, horologij plano ad angulos rectos inſiſtat; eritque E ſive B centrum Sphæræ. Et quia CAD *per 5 huius*, eſt communis ſectio plani horologij, & Horizontis; recta verò Y H *per 23*, eſt communis ſectio plani horologij, & circuli Meridiani, erit A E (quæ nunc eſt ipſa A B) cõmunis ſectio Horizontis, & Meridiani. Et quia per conſtructionem

tionem angulus AEG est sub Horizonte angulus, quem cum eodem facit Aequator; erit EG communis sectio Aequatoris, & Meridiani. Et quia




YE facta est ad EG perpendicularis, erit eadem YE communis sectio Meridiani, & circuli horæ sextæ à meridie & à media nocte, seu (quod idem est) erit axis Aequatoris, & punctum Y polum Arcticum repræsentabit, eritque centrum Horologii. Angulus verò AEY erit angulus eleuationis poli, cum sit complementum anguli AEG, qui est æqualis angulo eleuationis Aequatoris supra Horizontem. Nunc verò si semicirculus KG L eleuetur, ita vt eius quidem semidiameter GI, rectæ GE antea simul cum prædicto triangulo GYE, erectæ copuletur; diameter verò KIL rectorum cum YE angulos efficiat; erit dictus semicirculus in situ naturali Aequat. cuius etiam communis cum plano horol. sectio, erit recta QX: rectæ verò è centro I (quod est E, & B) prodeuntes, erunt communes eiusdem Aequatoris, & circulorum Horariorum à meridie, & à media nocte sectiones, quæ plano horologii occurrent in punctis M, N, O, P, Q & R, S, T, V, X. Et quia prædicti horarij circuli, vtpote ad Aequatorem recti, per eius vtrunque polum, necnon per axem transeunt, transibunt etiam per Y punctum in quo dictus axis plano horologii occurrit, quodque polum Arcticum refert. Igitur rectæ ex Y per singula puncta Q, P, O, N, M, &c. ductæ, erunt communes plani horologii, prædictorumque horariorum sectiones: & consequenter eædem erunt veræ lineæ horarum Astronomicarum. Igitur in plano Verticali australi horas Astronomicas rectè delineauimus; quod fuit demonstrandum.

Demonstratio secundæ descriptionis.

IN primis supponenda est veritas tabulæ, de cuius compositione non est mihi nunc voluntas, sicut neque necessitas agendi; qui tamen curiosior leges condendæ tabulæ desiderauerit; eas apud alios inueniet præsertim.

tim apud Claviū *l. 5 Gnom. prop. 4.* Supposito itaque legitimo calculo tabulæ, si planum BDE esset ipsummet planum circuli Verticalis, qui ad Meridianum loci rectus est, constat certissimè lineas à centro A (quod tunc foret centrum Sphæræ) ad circumferentiæ puncta E, F, G, H, &c.




hincinde ductas, fore reuera sectiones eiusdem Verticalis, & circulorum horariorum à meridie, & à media nocte. Siquidem primò per A vtpote centrum Sphæræ incedunt prædicti circuli, cùm sint omnes in Sphæræ maximi: deinde verò singuli arcus EF, EG, EH &c. distincti sunt secundum intervalla, quibus dicti circuli à Meridiano (cuius sectio est AE) distant in plano prædicti circuli Verticalis.

Sed quia dictum planum BDE non sumitur hinc pro plano circuli Verticalis, sed pro plano horologii illi æquidistantis, idcirco nunc demonstrandum est in utroque plano tum scilicet circuli Verticalis, tum horologii illi æquidistantis, similes omnino esse sectiones, & æquales ab eis angulos comprehendi. Intelligatur itaque triangulum ANM, super immota basi AN ita attolli, ut ad angulos rectos plano horologii BDE insittat; erit NM stylus, & AM linea axis; M verò centrum Sphæræ, & A centrum horologii. Quoniam igitur M, nimirum vertex styli, est centrū Sphæræ per 11 *primi huius*; erit & centrum circuli Verticalis, qui propterea ita concipiendus est, ut centrum habens in M æquidistet plano dicti horologii à tergo eius, id est, ad septentrionē positi: quòd cū ita sit, erunt per 16 11 *elem.* circulorum horariorum sectiones in plano circuli Verticalis ex una parte, & in plano horologii ex altera, inuicem parallelæ; & consequenter per 10 *eiusdem* æquales (ad easdem axis partes A, & M) angulos continebunt: cū igitur in plano horologii ducta fuerit recta AE tanquam communis eius, & Meridiani sectio, reliquæ lineæ optimè designatæ sunt obseruatione angulorum, quos præscripti in tabula arcus, siue arcuum numeri determinant. Igitur horologium Astronomicum Verticale australe, hoc etiam secundo modo, rectè descripsimus; quod fuit demonstrandum.

Demonstratio tertiæ descriptionis :

Supposita veritate tabulæ, vt priùs ; triangulum $I H Z$, simul cum semicirculo $Y A E$, erigatur super immota basi $I H$, donec ad angulos rectos cum plano horologii constitutatur ; & centrum Z , styli verticem B



contingat ; erit tunc semicirculus $Y A E$ in vero situ Horizontis ; recta autem $C D$ erit communis sectio Horizontis, & plani horologii : cum igitur obseruata fuerint legitima, in tabula, præscripta interualla arcuum, $A F$, $A K$, aliaque deinceps ; erunt rectæ $Z F$, $Z K$, aliæque similes, communes Horizontis & circulorum horariorum à meridie, & à media nocte sectiones ; quæ si productæ fuerint donec plano horologii occurrant, indicabunt in linea Horizontali $C D$, puncta I , L , H , & alia intermedia, per quæ eorundem circulorum horariorum, & plani horologii sectiones communes incedunt : quapropter cum iam demonstratum sit easdem sectiones incedere etiam per puncta Q , P , O , N , &c. si nunc rectæ per bina quæque sibi inuicem, tum in Horizontali $C D$, tum in Æquinoctiali $Q X$, respondentia puncta, ducantur, vt $I Q$, $L P$, &c. erunt illæ veræ lineæ horariæ à meridie, & à media nocte. Igitur in plano Verticali horas Astronomicas rectè etiam hoc tertio modo delineauimus ; quod fuit demonstrandum.

Corollarium.

Idem modis quibus descriptum est horologium Verticale australe, describetur & boreale : non enim inter se differunt, nisi quod per 29 huius ; australe polum Antarcticum respicit, boreale verò Arcticum, vnde australis horologii stylus sub centro, & sub linea horæ sextæ est ; borealis verò est supra centrum, & supra eandem lineam horæ sextæ : atque adeo boreale est ipsummet australe, sed inuersum : imò si huius lineæ omnes supra centrum extenderentur, vna & eadem opera duplex esset delineatum horologium

calis ; certum est eas non alio modo esse designandas , nec diuersos ab eis contineri angulos in anteriori circuli eius facie quæ austrum respicit, & in facie postica quæ ad septentrionem est . Si enim concipiatur planum eius circuli , quasi superficies sola indiuisibilis, & nullam in profundum habens dimensionem , non est difficile intelligere easdem omnino esse in eius plani facie , seu antica seu postica , sectiones circulorum horariorum. Deinde quia rectæ AR, & AS, necnon AP, & AQ, sunt ipsæmet rectæ AK, & AI productæ per A, id est per commune omnium circulorum horariorum, & circuli Verticalis punctum, quod est in Æquatoris axe LAO ; sequitur dictas AR, & AS, &c. esse supra rectam ABD sectiones eorundem circulorum horariorum , quorum etiam sectiones sunt prædictæ rectæ AK, & AI sub eadem recta ABD. Sed quia (quemadmodum in ea secunda demonstratione dictum est) lineæ ipsæ horariæ IAR, KAS &c. non sumuntur hic vt sectiones circuli Verticalis, sed vt sectiones plani horologii eidem Verticali æquidistantis, & quidem velut collocati inter ipsum Verticalem, & plagam australem, ita vt centrum Sphæræ iam concipiatur in H, id est in vertice styli GH, sicut pro horologio australi concipiebatur esse in M, videlicet in styli NM ; ideo demonstrandum superesset, similes omnino esse sectiones, & æquales earum angulos in plano horologii, & in plano circuli Verticalis, nisi hoc iam demonstratum esset ad secundam descriptionem horologii australis ; quod propterea hic repetendum non videtur, cum inde facile peti possit.

Præterea quemadmodum huic eidem boreali horologio accommodari possunt reliquæ duæ australis horologii descriptiones, ita & descriptionibus propriæ iam traditæ demonstrationes.


Propositio XXXV.

In plano ; quod Horizonti æquidistat , horas Astronomicas delineare.

Proponitur planum Horizonti æquidistans, ac in eo describendum horologium Astronomicum. Si itaque id planum sit iam firmum, & immobile, designetur per 13 huius, linea Meridiana DC (vel, si planum fuerit mobile, designetur eadem linea ad placitum, conuenienti tamen in parte ipsius plani) deinde in eadem linea ad partes eius meridionales sumatur per 21 huius aliquot punctum C pro centro horologii, ac per illud ducatur ad DC perpendicularis ECF, quæ erit linea horæ sextæ à meridie, & à media nocte : tum ex puncto C, tanquam centro describatur circuli quadrans GH, eoque in gradus 90, more solito, distributo, ac numerata, poli eleuatione, à puncto G (quo scilicet dictus quadrans Meridianam secat)

Aliter beneficio tabulæ arcuum Horizontalium.

D Vctis duabus rectis BC, & AD, se se inuicem ad angulos rectos in A discescentibus; ex A tanquam centro ducatur ad quodlibet inter-



uallum semicirculus BDC, in 180 æquales partes, more solito diuidendus (sufficeret tamen diuuisse alterutrum circuli quadrantem DC, vel DB) facto initio à puncto D; in vtramque partem, vt sit recta AD in horologio linea Meridiana; BC autem linea horæ sextæ, tum à meridie, tum à media nocte. Deinde pro reliquis horis consulenda est subiecta tabula, ea enim indicabit, quot ad datam poli eleuationem, gradus in semicirculo BDC, (qui borealem Horizontis semicirculum refert)

singulis horis tum ante, tum post meridiem debeantur; &

hi gradus numerandi sunt à puncto D in vtramque

partem, tum versùs ortum B, tum versùs occa-

susum C. Sit igitur hæc tabella, cuius vsum

practice statim explicabo,

in exemplo.



Tabula arcuum Horizontis comprehensorum inter lineam Meridianam, & singulos circulos horarios à meridie, & à media nocte, pro varijs poli eleuationibus à gradu 35 ad 55 supputata.


Hora	à meridie.		1		2		3		4		5		6	
	à med. nocte.		11		10		9		8		7		6	
	G.	G. M.	G.	G. M.	G.	G. M.	G.	G. M.	G.	G. M.	G.	G. M.	G.	G. M.
ELEVATIONES POLI.	35	8 43	18	18	29	49	44	49	64	58	90	0		
	36	8 57	18	46	30	26	45	30	65	29	90	0		
	37	9 10	19	9	31	2	46	11	66	0	90	0		
	38	9 22	19	34	31	37	46	50	66	29	90	0		
	39	9 33	19	58	32	11	47	28	66	55	90	0		
	40	9 45	20	21	32	44	48	4	67	21	90	0		
	41	9 57	20	44	33	16	48	39	67	47	90	0		
	42	10 10	21	7	33	46	49	12	68	11	90	0		
	43	10 22	21	29	34	18	49	44	68	33	90	0		
	44	10 32	21	51	34	47	50	16	68	54	90	0		
	45	10 43	22	12	35	17	50	46	69	15	90	0		
	46	10 54	22	33	35	44	51	15	69	35	90	0		
	47	11 5	22	53	36	11	51	42	69	53	90	0		
	48	11 17	23	13	36	37	52	9	70	11	90	0		
	49	11 25	23	33	37	3	52	35	70	28	90	0		
	50	11 35	23	52	37	28	53	0	70	43	90	0		
	51	11 45	24	9	37	52	53	24	70	59	90	0		
	52	11 55	24	27	38	15	53	46	71	13	90	0		
	53	12 5	24	43	38	37	54	8	71	28	90	0		
	54	12 13	25	2	38	58	54	29	71	41	90	0		
	55	12 22	25	18	39	19	54	49	71	54	90	0		

IN ferie eleuationum polarium, quære numerum eleuationis ad quam proponis delineare horologium, exempli causa 42; & ad eius numeri latus, vno ordine senis areolis distincto, sub singulis horis, quæ in fronte tabulæ descriptæ sunt, inuenies numeros eis debitos tum graduum, tum minutorum. Vt primæ horæ post meridiem, & vndecimæ ante meridiem assignantur gradus 10 cum minutis etiam 10: hoc igitur simul cum ascriptis minutis numerata in semicirculo BDC à D vtrique versùs B, & C;

ac per terminos utriusque numerationis ut E & K deduces à centro A lineam AE pro 1 hora post meridiem, & AK pro 11 ante meridiem: similiter pro horis 2 post meridiem, & 10 ante meridiem reperies in tabula cum minutis 7, gradus 21; & eos pariter numerabis à D versùs B & C: ac per finem numerationum ut F, & L, describes, ut priùs, à centro A rectam AF pro secunda post meridiem, & AL pro decima ante meridiem. Et ita de reliquis. Cum autem perueneris ad 4, & 5 pomeridianas, necnon ad 8 & 7 antemeridianas, eas pariter ultra centrum A produces, & sic habebis rectas AP, & AQ, pro 5, & 4 matutinis; similiterque rectas AS, & AR pro septima, & octaua ferotinis; nec est necesse plures designare, saltem in his regionibus; ubi tamen aliæ forent necessariae, eodem modo haberi possent quo istæ. Pro indice horarum, numerentur à D versùs B, siue versùs C gradus eleuationis poli, ut supra, 42; & per finem numerationis ut X, ducatur à centro recta AX, quæ erit linea axis, quem per 30 huius eleuabis secundum angulum DAX; est enim A centrum horologij. Si verò stylum malueris, à quolibet puncto axis AX, ut Y, designabis rectam ZY, quæ Meridianam AD secet ad angulos rectos in Z, eritque Z locus styli longi ut ZY, erigendi autem ad angulos rectos per 2 huius.

Demonstratio primæ descriptionis.

SI triangulum GCB super immota basi GC intelligatur eleuari, donec rectum sit ad horologij planum; atque adeo in plano circuli Meridiani consistat; erit B styli vertex, & Sphæræ centrum; recta autem BC erit




axis Æquatoris unde C erit centrum horologij polum Antarcticum per 29 referens, & angulus GCB erit angulus eleuationis poli Arctici supra planum horologij; cum arcus GI sit factus æqualis eleuationi eiusdem supra pla-

planum Horizontis. Præterea recta BG, utpote ad BC axem recta, & per Sphæræ centrum B transiens, erit communis sectio Meridiani, & Æquatoris, quam vocant radium Æquatoris. Vnde si semicirculus OGP, cum toto triangulo VVN, super immota VV, moueatur donec GN cum GB in prædicto situ existente coniungatur, erit tunc N, sicut B, commune centrum Æquat. ac Sphæræ; & totus semic. OGP erit in situ naturali Æquat. & recta VGV erit communis sectio Æquatoris, & plani horologij. Quia igitur lineolæ NV, NT &c. à centro N ad puncta in circumferentia OGP per factam diuisionem inuenta, sunt communes ipsius Æquatoris, & circulorum horariorum sectiones; erunt Q, R, S, T, V, utrinque puncta in quibus eadem productæ sectiones; plano horologij occurrunt. Quia verò C est centrum horologij, in quod axis BC, idest communis omnium huiusmodi horariorum circulorum sectio, incurrit; rectæ ductæ per C, & V, itemque per C, & T, &c. erunt communes eorundem horariorum, & plani horologij sectiones. Igitur rectè horas Astronomicas in plano Horizontali delineauimus hoc primo modo; quod fuit de monstrandum.

Demonstratio secundæ descriptionis.

SI semicirculus BDC esset ipsius Horizontis semicirculus septentrionalis (septentrionalis dico, quia D septentrionem respicit, A verò austrum per 21 huius) arcus eius DE, & DF, & DG, &c. hincinde, supposita fide tabulæ (pro cuius demonstratione, vel etiam constructione vide Clauium citatum suprà in demonstratione 2. descript. horologij Verticalis) essent




arcus intercepti inter communem Horizontis, & Meridiani sectionem, (quæ supponitur esse AD) ac singulas communes eiusdem Horizontis, & circu-

circulorum horariorum à meridie, & à media nocte sectiones; rectæ verò E A, F A, &c. hincinde essent ipsæmet dictæ sectiones, vt in simili dicebatur citata illa demonstratione præcedentis propositionis. Quia verò prædictus semicirculus est in plano Horizonti æquidistante, cum supponatur horologium Horizonti æquidistare; idcirco tales omnino sunt, tum dicti arcus, tum prædictorum circulorum sectiones, in hoc horologij plano, quales & forent in ipsomet Horizonte, vt demonstratum est de lineis horarijs, & similibus arcubus in horologio Verticali præcedenti prop. &c. quod hic non est necesse repetere, cum inde facile peti possit. Igitur rectè etiam hoc 2 modo horas Astronomicas in plano Horizontali descripsimus; quod fuit demonstrandum.

Propositio XXXVI.

In plano Verticali declinante horas Astronomicas delineare.

Proponatur planum ad Horizontem perpendiculare, declinans à meridie in occasum, in quo pingendæ sint horarum Astronomicarum lineæ. In primis dato stylo A B per 2 huius ad angulos rectos fixo, descri-



batur per quintam, linea Horizontali GAH: tum inueniatur Meridiana loci OD per 13, vel per Coroll. 1 decimequartæ; postea per 24 inueniatur ad datam poli eleuationem linea styli CA secans Meridianam loci, vt

V in O,

in O, quod erit centrum horologij; inueniatur etiam *per* 27 radius *Æqua-*
toris XR, ipsaque linea *Æquinoctialis* QP secans lineam styli in R. Aliter
tamen possunt hæc ipsa simul omnia inueniri *per* 28 etiam huius.

Illis autem siue hoc, siue illo modo ritè inuentis, sumatur aperto circi-
no interuallum XR, longitudo scilicet radij *Æquatoris*, & eidem æqualis
abscindatur RC, in linea styli: atque per C ducatur recta ECF secans Me-
ridianam OD in E, quo videlicet puncto eandem fecat *Æquinoctialis* PQ:
deinde ex C tanquam centro describatur quouis interuallo circulus YVI
F diuidendus in partes 24 æquales, sed initio facto à puncto V, quo scilicet
eum secat recta ECF: peracta autem diuisione, per singula eius circum-
ferentiæ puncta, ex centro C, rectæ occultæ educantur secantes *Æquinoc-*
tialem in punctis L, E, M, N, S, T, R, P: ac demum per ista singula ductæ
ex O centro horologij rectæ, erunt optatæ lineæ horarum à meridiæ, & à
media nocte, videlicet OL, OM, &c. quibus adijciendi sunt numeri, vt
cernitur in schemate.

Monitum.


Nisi error aliquis in delineatione fuerit admissus, lineola quæ occulte
à centro C producta per I punctum circumferentiæ secat *Æquino-*
ctialem in K pro puncto horæ sextæ, erit quidem perpendicularis ad ipsam
ECF, secabit autem non solum dictam *Æquinoctialem*, sed etiam simul
cum ea Horizontalem lineam in K, ita vt sit K punctum, quo & se inui-
cem tres illæ lineæ secant, & simul secantur à linea horæ 6 O K.

Aliter per tabularum numeros.

Hunc alium modum delineationis horarij Verticalis declinantis tra-
do, præcipuè vt ex eo suppleri possit, quod illi iam tradito deest. Si-
quidem ex illo primo non possunt haberi in linea *Æquinoctiali* puncta,
omnia horarum, quibus tamen superficiæ illi declinanti Sol lucet; vt in
hoc iam delineato horologio non potest nisi in parte remotissima haberi
punctum horæ decimæ à media nocte: isto verò modo quem nunc des-
cribo statim inuenietur punctum, quodcumque de fuerit, siue ante, siue
post meridiem; quin etiam posset hoc etiam modo integrum horologium
construi; perficitur autem hic ipse modus beneficio alterius, vel vtriusque
simul tabulæ iam antè in horologijs Verticali directo, & Horizontali
traditæ.

Sit vt in præcedenti schemate linea Horizontalis GH, & eam in C secans
Meridiana OD, & O centrum horologij; sit etiam A locus styli. Nunc
fiat recta AB stylo, quidem æqualis, perpendicularis autem ad GH; & ex
B centro, ad quoduis interuallum, circuli arcus describatur vt ELN: iun-
ta autem CB fecet prædictum arcum in L; deinde ex B fiat ad CB perpen-
dicula-

dicularis BK secans eundem arcum in E, & Horizontalem GH in K : sic erit LE Quadrans circuli, diuidendus solito more in gradus 90, initio facto



à puncto L; similis autem fiat residui arcus diuisio ab L versùs N, necnon etiam, si opus fuerit, ex parte E sursum. Quibus debite peractis, recurrendum est ad tabulam arcuum Horizontis, &c. quæ habetur *prop. 35 præcedent.* & ex eiusdem tabulæ indicio pro singulis horarijs punctis in linea Horizontali inueniendis numerandi sunt in circumferentia ELN, ab L versùs E pro horis post meridiem, & rursus ab eodem L versùs N pro horis ante meridiem; numerandi, inquam, sunt gradus singulorum arcuum Horizontis comprehensorum inter lineam Meridianam, & singulos horarios circulos; ac per terminum cuiuslibet arcus ex B centro designanda sunt cæcæ lineolæ rectæ, quæ productæ secabunt Horizontalem in punctis, vt P, Q, G, &c. ac tandem ex O centro horologii per P ducenda est linea horæ 11 post mediam noctem, item ex O per G linea horæ 10, & horæ 1 à meridie ex eodem O per Q, & ita de alijs quatuor à meridie contentis inter C, & K; nam per K ex O ducitur 6 à meridie, vt in præcedenti figura: similiterque de alijs, quæ ultra K versùs H in eandem Horizontalem cadere possunt, ad eum modum, quo *prop. 34, 3* delineationis modo puncta horaria inuenta sunt in Horizontali eadem, quæ illic notatur CD.

Tantum aduerto quoad punctum H inueniendum pro hora 7 à meridie sumendum esse arcum ER æqualem arcui comprehenso inter E, & lineolam quæ ex B ducta punctum horæ 5 ostendit in Horizontali CH: siue

quod in idem recidit, fumendum esse complementum arcus Horizontis, qui ex praescripto eiusdem tabulae conuenit horae 5 à meridie: vt quia ad poli eleuat. 42 pro hora 5 arcui Horizontis ab L versus E numerando competunt gradus 68 min. 11, cuius complementum est grad. 21 min. 49; ideo pro hora 7 à meridie numerandi sunt ab E sursum grad. 21 min. 49, ac per finem numerationis vt R, ducenda est recta BR donec Horizontalem fecerit in H; eritque H in Horizonte punctum per quod ex O designanda est linea horae 7 quaesita. Non dispari ratione ultra H, si fuerit necesse, inuenietur punctum pro hora 8, &c.

Cogitauì praeterea alium similem modum, quo puncta horaria, si quae sint, quae nec in linea Aequinoctiali, nec in linea Horizontali obtineri possint, facile inueniantur in linea Verticali, quae uidelicet est communis sectio plani horologii, & Verticalis circuli ad meridianum recti. Aperto circino sumatur interuallum KB, abscindaturque ipsi aequalis KF in linea Horizontali GH producta, & ex F tanquam centro describatur cuiusuis magnitudinis circuli quadrans KS, vel etiam semicirculus XK S ducta diametro XFS perpendiculari ad GH; necnon ducta per punctum K tangente KM perpendiculari ad eandem GH: facta autem diuisione quadrantis in gradus 90, vt assolet, numerentur ab S versus K gradus, qui ex praescripto tabulae (quae habetur *prop. 34, in 2 delineationis modo*) debentur singulis arcibus, & per terminos eorum ducantur rectae à centro F occultae secantes tangentem KM in punctis vt M, V, I, &c. per quae si ex O centro horologii, designentur rectae, erunt istae lineae horariae desideratae. Exemplum non pono, quia res est facilis.

Solum moneo sicut paulò antè in simili monebam uidelicet in KX quadrante pro horis quae sunt supra K, fumendos esse ab X versus K arcus aequales arcibus sumptis ab S versus K in quadrante KS pro horis quae sunt sub K: vel, quod idem est, fumenda esse à K versus X sursum complementa arcuum, qui competunt horis, tantundem à sexta versus Meridianam OD retrocedendo, distantibus; vt pro septima complementum quintae, cuius complementi arcu terminato, verbi gratia, in T, ac per T ex F ducta occulta quae tangentem KM fecerit in V; per V, ac per O describenda est linea horae 7; vel quod in idem recidit, fumendi sunt à K versus X arcus aequales arcibus, qui sunt à K versus S, pro horis, quae hinc inde aequaliter distant à sexta OK; vt pro hora 9 OI, sumatur arcus KY aequalis arcui inter K, & rectam FM comprehenso, qui est pro hora 3 OM, & ita de ceteris.


Quod si in nullo erratum fuerit, licet triplici via, triplex etiam pro hora, verbi gratia, 7, punctum inuentum fuerit, primum quidem in linea Aequinoctiali, alterum verò in Horizontali, ac tertium in Verticali, quae est ipsa tangens IVKM: tamen ea tria puncta conueniant necesse est in eandem rectam ex O centro horologii ductam; alioqui sine dubio erratum est.

Praeterea aduerte lineam horae 9 post meridiem IO productam versus
Z dare

punctum C, circumferentiā verò Y V I F: recta autem ex C per E (punctum communē Meridianæ OD & Æquinoctiali QP) ducta erit communis sectio Meridiani loci, & plani Æquatoris: & quia hæc circumulum eiusdem Æquatoris Y V I F secat in V sequitur *per constructionem*, ab V tanquam à meridie, atque etiam à media nocte; unde cæteræ lineæ ex eodem centro C ductæ hinc inde per puncta diuisionis ita factæ, dabunt in lineâ Æquinoctiali, L, M, N, S, &c. puncta horaria, per quæ ex horologij centro O, ducendæ sunt lineæ horariæ desideratæ OL, OM, &c. Igitur in plano Verticali declinante horas Astronomicas rectè delineauimus; quod fuit demonstrandum.

Demonstratio alterius delineationis.

SVper immota GH eleuetur cum toto arcu NLR, triangulum GHB donec ad angulos rectos fit cum plano horologij. Et quia in descriptione iam supponitur demonstratum rectam GH esse communem plani



horologij, & Horizontis sectionem; rectam verò OD esse Meridianam loci; erit dictum triangulum in plano Horizontis, & recta BC quæ ipsas OD, & GH secat in C, erit communis sectio eiusdem Horizontis & Meridiani; circumferentiā verò NLR circumulum ipsum Horizontis in proprio situ referet,

feret, cuius centrum erit B. Igitur arcus Horizontis, qui singulis horis ante, vel post meridiem, ex præscripto tabellæ in descriptione indicatæ debentur, numerandi sunt in prædicto arcu NLR factio initio ab L tanquam puncto meridiei, hincinde versùs E & N. Igitur per terminos singulorum arcuum, ut dictum est, ex B ductæ rectæ BG, BP, BQ, &c. erunt sectiones communes plani Horizontis, & circulorum horariorum. Et quia dictæ rectæ BG, BQ &c. secant Horizontalem GH, & simul plano huius declinantis horologij occurrunt in illis ipsdem punctis G, Q, P, &c. si per ea ex O centro Horologij ducantur rectæ OG, OP, OQ &c. erunt hæ lineæ horariæ optatæ.

Quod etiam addidi de punctis horarijs inuēiendis in IKM tangente circuli Verticalis, facillè demonstratur. Moueatur super immota IKM triangulum MIF cum semicirculo XKS donec FK coniungatur cum recta BK, quæ est in triangulo iam ante eleuato GHB; quod quidem fieri poterit, quia per constructionem semidiameter KF æqualis est ipsi KB: sic autem centro F existente in vertice B, dependebit diameter XS ad normam perpendiculari; & erit prædictus semicirculus in situ circuli Verticalis ad Meridianum recti; siquidem, per constructionem, recta KB, seu KF, (quod nunc idem est) perpendicularis est ad Meridianam BC, in plano Horizontis, & consequenter recta XS in eo situ erit communis sectio Meridiani, & Verticalis; tangens verò IKM, erit communis sectio eiusdem Verticalis, & plani horologij: Igitur arcus Verticalis, qui singulis horis in indicata tabella assignantur, sumendi sunt in quadrante SK ab S versùs K; lineæ verò per terminos eorum arcuum, & per centrum F ductæ, erunt communes sectiones circulorum horariorum, & ipsius Verticalis circuli; cum autem hæ ipsæ productæ secant dictam tangentem IKM, & simul plano horologij occurrant in punctis M, V, I, &c. sequitur ea puncta esse verè in eo plano, horaria; ita ut si per eadem, ac per O centrum horologij ducantur rectæ ut OM, OV, OI &c. sint hæ veræ lineæ horariæ, quas quærebamus. Igitur hoc etiam altero modo horas Astronomicas in plano Verticali declinante rectè descripsimus, quod fuit demonstrandum.

Propositio XXXVII.

In plano inclinato horas Astronomicas delineare.

Planum inclinatum ex propof. 9 primi huius; hinc intelligo tale planum, quod cum à Meridiano minimè declinet, ita est ad ipsum perpendiculare, ut tamen ad Horizontem perpendiculare non sit; & quidem, ut eadem propositione habetur, inclinationis gradus numero in quadrante Meridiani à Zenith usque ad concursum circuli maximi cui planum inclinatum æquidistat, siue ex parte australi, siue ex parte boreali, prout ad hanc,
vel

vel ad illam, planum propendere conspicitur; & quantitatem inclinationis addisco *per 9 vel 11 huius*. Cum autem sit maximum discrimen inter varias planorum inclinationes, tum spectatas secundum quantitatem, tum spectatas secundum orbis plagam, australem videlicet aut borealem, ad quas esse potest inclinatio; inde est, ut non vno modo designari queant propositæ horæ in quolibet inclinato plano; quapropter vtendum erit aliqua distinctione, qua obseruata, facillima erit delineatio.

Primò itaque, si inclinatio à Zenith versùs septentrionem, æqualis sit complemento eleuationis poli, seu quod idem est, si ex parte septentrionali tantundem supra Horizontem eleuetur planum, quantum supra eundem eleuatur polus; iam hoc ipso planum hoc, erit Polare; atque adeo horæ Astronom. in eo designandæ sunt tanquam in plano Polari *per 32 huius*.

Secundò, si à Zenith versùs meridiem, planum propendeat, & inclinatio sit æqualis eleuationi poli supra Horizontem, seu complemento eleuationis Aequatoris; erit sine dubio planum illud parallelum Aequatori; atque adeo in eo designandæ erunt horæ Astronom. *per 31 huius*, sicut in plano Aequinoctiali.

Tertiò, si ad plagam septentrionalem inclinatio, maior sit complemento altitudinis poli, seu quod in idem recidit, si plani propositi eleuatio supra Horizontem minor sit eleuatione poli, supra eundem; tunc in eo plano designandæ sunt horæ Astronom. sicut in plano Horizontali *per 35 huius*: cum hac sola obseruatione, quòd ad lineam axis CI (ut in dicta *prop.* habetur) inueniendam, numerandi sunt in quadrante GH gradus quibus eleuatur polus, non iam supra Horizontem, (cum hoc planum Horizontale non sit) sed supra ipsum planum, seu supra illum alium à nostro diuersum Horizontem, cui idem planum æquidistat: hi autem gradus ita, facillè inuenientur. Sit eleuatio poli supra nostrum Horizontem grad. 42; inclinatio verò plani sit 70, cuius complementum, seu (ut ante dicebam) plani propositi supra ipsum Horizontem eleuatio est 20, minor scilicet eleuatione polari quæ est 42: à 42 subtraho 20, & remanent 22, pro eleuatione poli supra planum inclinatum. Igitur in quadrante iam dicto GH numerandi sunt à G versùs H gradus 22; & per finem numerationis duccenda est linea axis. Cætera fiant ut ibidem dicitur.

Quartò, si inclinatio versùs septentrionem fuerit minor complemento eleuationis poli, ita ut *per 19 huius*, plano huic inclinato non appareat polus Arcticus (loquor autem nunc de eo plano secundum faciem eius superiorem; nam inferior parum commoda est horarum delineationi, cum vix eam Sol respiciat) sed polus Antarcticus; fiet in eo horarum Astronom. delineatio sicut in plano Verticali *per 34 huius*, hac solùm adhibita cautione, quòd videlicet ad radium Aequatoris EG, ut in ea *prop.* habetur inueniendum, numerandi sunt in quadrante AF gradus complementi eleuationis poli supra Horizontem, non quidem supra Horizontem tui loci, sed

sed supra illum alium Horizontem, ad quem planum propositum est perpendicularare; hos verò gradus sic inuenies; ad eleuationem poli supra tuum Horizontem, quæ sit, verbi gratia, 42, adde quantitatem inclinationis à Zenith, vt dictum est, numeratæ, quæ sit, verbi gratia, 8: fient 50, pro eleuatione poli supra illum alium, quem dixi, Horizontem (qui & dici potest proprius illius plani Horizon, cuius videlicet respectu illud planum est Verticale) cuius eleuationis complementum est 40: igitur in arcu AF numera gradus 40 ab A versùs F, & per finem numerationis ex E centro duces pro radio Æquatoris rectam EG. In cæteris nihil mutandum.

Quintò, si inclinatio versùs meridiem sit minor inclinatione Æquatoris, numerando, vt dixi, à Zenith; eodem modo instituenda est horarum Astronom. delineatio in inferiori superficie (de hac enim sola nunc loquor tanquam de commodiori, cum superior, præsertim si exigua sit inclinatio, vix à Sole illustretur) plani inclinati, quo in superficie australi plani Verticalis. Sed sicut immediatè antè pro inueniendo radio Æquatoris iussu ad eleuationem polarem supra Horizontem loci, addi gradus 8, videlicet quantitatem inclinationis; ita hic volo quantitatem inclinationis addi ad complementum eleuationis poli supra Horizontem loci; ita vt, si inclinatio sit, verbi gratia, 8, vt supra, numerentur in arcu AF gradus 56 pro complemento graduum quibus polus supra Horizontem propositi inclinati plani proprium eleuatur, qui sunt 34; demptis videlicet illis 8, qui inclinationi debentur. Quod quidem statim intelligetur in instrumento propositionis 10 primi libri.


Cætera quæ ad horariam hanc in plano inclinato delineationem, pertinere possent, libens omitto, quia vel sunt parum vtilia, vel ex dictis facillè suppleri possunt; nec existimo in his diutius immorandum.

Propositio XXXVIII.

In plano inclinato, simulque declinante horas Astronomicas delineare.

SIt planum quod *prop. 25 huius*, supponitur declinans à meridie in occasum, & inclinatum ad plagam, quæ inter ortum, & septentrionem est; Sec. In eo autem sint inuentæ lineæ, Horizontalis quidem GH, *per 8*; Meridiana autem loci CD, *decima quarta per 13, aut per coroll. 1. vel per 29*; & Meridiana plani propria CO *per 25, aut 29*, cum centro Horologij C; & axe CX; ac denique *per 27*, radio Æquatoris XR, cum linea Æquinoctiali QP. Sumatur nunc aperto circino radius Æquatoris XR, & in Meridiana eius plani propria, seu linea styli CO, abscindatur ipsi XR æqualis RS; atque ex S, tanquam centro describatur circuli arcus VNY cuiusvis magnitudinis

gnitudinis, quem ex puncto T (quo nimirum se Meridiana CD, & Æquinoctialis QP interfecant) ducta per centrum S recta secet in N; & postea hanc ipsam in eodem centro S ad angulos rectos secet recta SP, quæ etiam circuli arcum VNY secet in Z; eritque, si nullus interuenerit error, communis trium linearum, videlicet Æquinoctialis QP, & Horizontalis GH, & huius ultimo loco designatæ perpendicularis SP, intersectio in ipso puncto P; per quod insuper incedet CP linea horæ 6 à meridie.




His peractis erit prædicti circuli segmentum NZ perfectus eiusdem quadrans diuidendus in sex æquales partes, quibus etiam aliæ similes & æquales partes distinguendæ sunt in residuis arcibus ab N versùs V, & ab Z versùs Y. Notatis autem diuisionum punctis in peripheria, per singula ea puncta ducantur occultæ à centro S secantes lineam Æquinoctialem in Q, E, F, I &c. ac denique per hæc eadem Æquinoctialis puncta ducantur ex C horologii centro, horariæ lineæ rectæ CQ, CE, CF, &c. singulisque apponantur conuenientes numeri, vt figura ostendit.

Aliter tabularum adminiculo.

Sicuti præcedentibus propositionibus vsum duplicis tabulæ, arcuum videlicet Horizontis, & arcuum Verticalis circuli, &c. suggesti tum ad integram delineationem, earum beneficio, perficiendam; tum velut
in

in subsidium, vt videlicet cū non possent in linea Aequinoctiali puncta, quādam horaria, aut etiam in linea Meridiana centrum ipsum Horologij, obtineri; alia his ad idem negotium æquivalentia puncta, in linea Horizontali, aut in linea Verticali, ope dictarum tabularum inuenirentur: ita conuenit nunc earundem vsum ad horariam in plano inclinato, ac declinante delineationem extendere; quod quidem, vt spero, non erit iniucundum, cū hoc ipso earum tabularum vsus vniuersalis reddatur; sicut neque est inutile, cū in huiusmodi planis, vel ob inclinationem, vel ob declinationem, aut simul ob vtranque, accidere soleat vt centrum horologij longius à stylo absit, vel aliās non nisi difficulter haberi possit; ac etiam aliqua semper desint in linea Aequinoctiali puncta horaria: hæc verò possunt in hoc etiam genere plani facillè suppleri indicio, & vsu alterutius, vel simul vtriusque iam dictæ tabulæ; si tamen debitus vtendi modus obseruetur, qualem hic volo exponere; est enim aliquid in hoc genere plani specialiter obseruandum propter ipsum specialem eius situm.



In plano vt suprà declinante atque inclinato, posito styli loco A, & in
uento

uento *per 7 huius*, puncto D, ac designata recta TAD pro communi sectione ipsius propositi plani, & circuli Verticalis ad ipsum recti; ductaque (vt iam dictum est) Meridiana loci CD; ac inuento C horologij centro; necnon per A locum styli ducta FE, Horizonti parallela; & sumpta A E æquali ipsi stylo, iunctaque DE, ac etiam, vt prius, designata ipsa Horizontali GH secante Meridianam in M, & Verticalem in T; iungatur TE; & in recta DT sursum producta abscindatur TS æqualis ipsi TE; atque ex S tanquam centro describatur ad quoduis interuallum, circuli arcus YZ; deinde iungatur MS, secans ipsum YZ in B, atque ad eandem perpendicularis ducatur per centrum S recta SP secans eundem arcum in Z, & lineam Horizontalem in P, quo etiam puncto eandem prius secabat CP linea horæ 6, & QP Æquinoctialis. His positis erit BZ quadrans circuli Horizontis diuidendus vt solet in gradus 90: similis autem diuisio in utroque residuo arcu fieri debet ultra B versus Y, ac etiam ultra Z, seruata proportione.

Facta verò huiusmodi diuisione graduum, recurrendum est ad tabelam arcuum Horizontis &c. quæ habetur *prop. 35*; atque ex eius præscripto numerandi sunt gradus cuilibet arcui horario debiti, à puncto B versus Z pro horis à meridie, & à B versus Y pro horis à media nocte: notatis autem punctis in quolibet numerationis termino, rectæ occultæ à centro S per ea eductæ secabunt Horizontalem GH in punctis G, N, O, &c. per quæ demum à centro horologij C describendæ sunt horariæ lineæ CG, CN, CO &c.

Altera tabula, quæ est arcuum Verticalis &c. habeturque *prop. 34*, vt etiam poterimus, si prius ipsum circulum Verticalem, videlicet primarium, qui ad Meridianum rectus est, eiusque communem cum plano hoc inclinato, ac declinante, sectionem ritè designauerimus: & quidem iam duo habemus puncta per quæ necesse est dictam sectionem incedere: tale est in primis punctum D beneficio perpendiculari à styli vertice dependentis inuentum *per 7 huius*: alterum autem est iam inuentum in linea Horizontali videlicet punctum P; per quod, vt dixi, transit linea horæ 6, & linea Æquinoctialis, per quod etiam necessario transit dictus Verticalis primarius.


Ducta itaque recta DP pro tangente dicti Verticalis, superest nunc eiusdem centrum in hoc plano inuenire, vt ipsemet describatur: circino itaque aperto ad interuallum DE, ex D tãquam centro describatur versus I segmentum circuli occultum: deinde circino etiam aperto ad interuallum PS, ex P tanquam centro describatur aliud simile circuli segmentum, quo prius illud secetur; sitque I punctum communis utrique sectionis: sic erit idem I centrum optatum circuli Verticalis primarij in hoc plano.

Describatur ergo ex I ad quodlibet interuallum, circuli arcus VL, quæ cum iuncta ID secuerit in K, & altera similiter iuncta IP secuerit in L, erit KL quadrans & duo enim rectæ ID, & IP, si nullus interuenerit error, erunt

erunt ad inuicem perpendiculares) diuidendus, vt moris est, in grad. 90; similis autem diuisio etiam fiat in vtraque residua parte arcus tum vltra K versùs V, tum vltra L: facta autem diuisione, notentur ex præscripto tabulæ vltimò dictæ, puncta singulorum arcuum, pro horis quidem pomeridianis à puncto K progrediendo versùs L, pro antemeridianis verò, progrediendo ab eodem puncto K versùs V: cæcæ namque lineolæ per ea puncta, quoslibet arcus terminantia, vt V, & Q, ductæ à centro S, secabunt tangentem DP in punctis, vt X, & R; per hæc verò describendæ sunt ab horologij centro C lineæ horariæ CV, CR, &c. Vel casu quo centrum C non haberetur, duci possent eadem horariæ à singulis respondentibus punctis in linea Horizontali paulò antè inuentis, verbi gratia, ab O recta OX, quemadmodum à C recta CX; punctum enim O si nullus sit error cadet necessariò in eandem rectam, quæ ex C in X ducitur. Quod etiam de alijs, seruata proportione, intelligendum est.

Demonstratio primæ descriptionis.

Attollatur super immota basi CR triangulum CRX, itaut plano horologij orthogonaliter infillat: attollatur etiam super immota PQ triangulum PQS, cum NZ quadrante, ac residuis arcubus, donec recta



RS, quæ in eo triangulo est, alterius trianguli iam eleuati lateri RX, (cui per constructionem æqualis est) coniungatur; & centrum S in X vertice
X styli


styli collocetur. Quia igitur ex demonstratis 27 huius, recta RX est radius \AA quatoris eleuatus in proprio situ, recta autem PQ per eandem est communis sectio eiusdem \AA quatoris, & plani horologii; sequitur triangulum PQS dicto modo eleuatum, esse in plano \AA quatoris, eiusque circumferentiæ ex S siue X centro descriptæ portionem, esse VNY . Et quia per constructionem recta CD est Meridiana loci, quam in T secat \AA quinocctialis PQ , erit recta ST , communis sectio \AA quatoris & Meridiani. Et quia per 8 huius recta GH , quam \AA quinocctialis secat in P , est communis sectio Horizontis, & plani horologii, erit recta SP in plano etiam Horizontis, tanquam communis eius, & \AA quatoris sectio. Et quia Horizontis, sicut & \AA quatoris, ad Meridianum recta sunt plana; erit dicta SP non tantum ad Meridianum recta per 19. 11 elem. sed etiam per 3 definit. eiusdem, recta erit ad communem \AA quatoris, & Meridiani sectionem; quæ consequenter erit ipsa ST , ad quam per constructionem perpendicularis est SP ; atque adeo erit NZ quadrans \AA quatoris, in sex, vt dictum est, partes diuidendus, initio facto à puncto N tanquam puncto meridiei. Cætera iam ex dictis sæpe aliàs, & hic modò non repetendis satis intelliguntur. Igitur horas Astronomicas in plano inclinato simulque declinante rectè delineauimus; quod fuit demonstrandum.

Demonstratio secundæ descriptionis.

Eleuetur triangulum DTE super immota basi DT , donec plano infistat ad angulos rectos: deinde triangulum GPS super immota PG moueatur, donec alterius trianguli iam eleuati lateri TE coniungatur, ipsi per constructionem æqualis recta TS . Quoniam igitur per 7 huius, recta DT est communis sectio plani horologii, & circuli Verticalis ad ipsum recti; & recta GH eandem secans in T est per 8 sectio communis plani horologii & Horizontis; recta autem AE per constructionem est æqualis stylo; erit (posito prædicto trianguli situ) dicta AE coniuncta ipsi stylo, cuius consequenter vertex erit E siue S ; recta autem ED erit axis Horizontis ex dictis prop. 7; & recta ET erit communis sectio Horizontis, ac circuli Verticalis, qui ad planum horologii rectus est. Ex quo sequitur rectam ST , cum toto triangulo GPS , esse in plano Horizontis, cuius circuli portio ex communi sphaeræ centro S , siue E , descripti erit YBZ . Et quia M est punctum communes Meridianæ CD , & Horizontali GH per constructionem; erit recta MS communis sectio Meridiani, & Horizontis; ipsa verò SP ad eandem perpendicularis, erit communis sectio Horizontis, & circuli Verticalis ad Meridianum recti: vnde sequitur, arcum Horizontis inter vtranque rectam contentum videlicet BZ (cum à Meridiana secetur in B , & à Verticali in Z) esse Horizontis quadrantem diuidendum, vt solet, in grad. 90, sed initio facto à puncto meridiei B , ex quo consequenter debent hinc inde, id est, versùs Z , & versùs Y , computari gradus arcuum horariorum.

ex præscripto tabulæ. Cætera, quæ ad hanc partem spectant, facillè intelliguntur ex alijs dictis.

Quod autem pertinet ad vsum alterius tabulæ, arcus horarios in circulo Verticali assignantis. Eleuetur super immota DP triangulum DPI, donec I eius vertex, cum E, & S verticibus antea eleuatorum triangulorum coniungatur; quod fieri potest, quia *per constructionem* recta PI est æqualis ipsi PS; similiterque recta DI ipsi DE; hoc ipso autem coniungentur in



vnam lineam duæ rectæ DI, & DE; similiterque in vnâ aliâ duæ rectæ PI, & PS, quo facto, erit ID in situ axis Horizontis, sicut & ED; recta autem PI erit communis sectio Horizontis, & Verticalis primarij vt PS. Et quia I est iam centrum Sphæræ, cum sit vertex styli; portio circuli in hoc trianguli DPI plano, ex I centro descripti VKL, erit portio eiusdem Verticalis primarij, cuius quadrantem KL, abscindent rectæ ad inuicem orthogonæ ID, & IP, eundem secantes hinc in K, inde in L. Et quia ID (cum, vt dixi, sit in situ axis Horizontis) est etiam communis sectio dicti Verticalis, & Meridiani, erit K in plano Meridiani, sicut est in plano Verticalis

ticalis; atque adeo à puncto K, veluti à puncto meridiei, in circumferentia Verticalis computari debent gradus singulorum horariorum arcuum ex præscripto huius tabulæ; idque hincinde, versùs L quidem pro horis post meridiem, versùs V autem pro horis ante meridiem. Cætera omitto, quia iam trita. Igitur horas Astronomicas, beneficio etiam harum tabularum, rectè delineauimus in plano inclinato simulque declinante; quod fuit demonstrandum.


Propositio XXXIX.


Figuram quam vocant radiorum Signorum Zodiaci, ad eorundem signorum, aliosue similes parallelos in quocunque dato horologij Astronomici plano, præclara generalissima methodo delineandos, construere.

Varij quidem à varijs afferuntur modi, quibus paralleli Signorum Zodiaci describantur; sed vnus mihi præ cæteris placuit, qui & breuissimus est, & in praxi facillimus, atque etiam certissimus, addo, & maximè vniuersalis, cum in omni prorsus horologij plano (quicunque tandem sit eius situs) locum habeat; perficitur autem operationum miro, & iucundissimo compendio, sola adminiculante figura radiorum Signorum Zodiaci, absque vilo alio cuiusvis generis analemmate: atque haud scio an aliquis alius eum exposuerit; quamuis Clavius in quodam opusculo, & Voell. (quos memini alios me legisse) simile quid habere videantur quatenus dictæ figuræ adminiculo dictos arcus describunt: tamen illi (vt optimè etiam memini) neque ita facilem, ac expeditum, neque ita vniuersalem, imò neque ita certum in praxi habent modum vtendi ea figura, vt ille est, quem hic ego tradere proposui. Opto autem figuram hanc accuratissimam esse, & amplissimam, vt in ea designari queant radij pro Signorum non modò initijs, sed etiam singulis gradibus; his enim opus erit, tum hoc ipso libro; tum præsertim sequenti; & præterea si solùm quis desideret radios pro Signorum initijs, facillè eos excerpere poterit ex ea ipsa figura, continente omnes omnium graduum radios.

In electa igitur ampla orichalcea, vel lapidea (nam lignea huic operi minimè idonea est) plana, & læuigata superficie, ducatur vtcunque linea recta BA, & ex eius aliquo puncto B tanquam centro, interuallo autem, quàm fieri poterit maximo BA, describatur circuli arcus, vt C AD secans prædictam rectam in A; in eodem autem arcu à puncto A vtrunque, maxima Eclipticæ declinatio numeretur vsque in C ex vna parte, atque in D ex altera: gradus autem maximæ declinationis sunt ex communi sententia 23 grad. 30 min. vel, vt Tychoni Braheo placet, grad. 23 min. 31 secund. 30.

Facto





Facto itaque vtrunque termino dictæ declinationis (siue ex communi sententia, siue ex Tychonicis hypothefibus) C, & D; ducatur recta CD, secans priorem antea dictam rectam in G: atque ex G tanquam centro circa diametrum CD, describatur extra arcum CAD, semicirculus CQD secans rectam productam BA in Q: huic verò semicirculo alter æqualis, & inuariato circino describatur ex B centro; quem secet in E, & F diameter EBF, ad ipsam BQ perpendicularis; Sitque is alter semicirculus EQF, cuius conuexitas, prioris concauitatem respicere poterit, nec erit necesse illum in oppositam partem conuertere.

Diuidatur postmodum vterque semicirculus non solum in partes sex æquales, vt fieri solet ab ijs, qui solum quærunt radios pro Signorum initijs; sed etiam in 180 gradus; (quæ est communis semicirculi diuisio) vt ita obtinere possimus radios in hac figura pro singulis Eclipticæ gradibus, vt antea dixi. Quia tamen in hoc schemate angustus est locus tot radijs designandis, ego fugiens linearum confusionem, solos pro initijs Signorum radios describo, vnde & dictos semicirculos in sex tantum partes æquales diuido: sed hinc faciliè quiuis intelliget, quid in totali 180 dictorum graduum diuisione, sit præstandum pro radijs singulorum graduum. Imò addo satis esse si duo soli quadrantes oppositi QD, & QF (vel alij duo ex altera parte) diuidantur singuli in gradus 90; vel, vt hic propter schematicis angustias, in partes tres æquales. Sint ergo diuisionum puncta in altero quidem K, & L, præter Q, & D; in altero autem I, & H, præter Q, & F.

His peractis recta per I, & K producta secet arcum AD in O, & similiter altera recta per H, & L producta secet eundem arcum AD in P; beneficio autem circini transferatur interuallum AO ex A, in AN, & notetur in termino punctum N; similiterque interuallum AP ex eodem A transferatur in AM, imprimaturque nota M. Ac tandem è centro B ad singula, in arcu CAD, sic notata puncta, ducantur pro optatis radijs rectæ BC, BM, BN, ex vna parte; itemque ex altera, rectæ BO, BP, & BD; & Signorum characteres singulis inscribantur, radio quidem medio videlicet BA, γ, & α: radio autem BO, χ & radio BP, ζ, & ϕ; necnon radio BD, Υ eodemque modo ex parte altera radio BN inscribantur, η & τ & radio BM, ι & Ω; ac denique radio BC, σ. Et ita perfecta erit figura radiorum Signorum Zodiaci: cuius figuræ demonstrationem qui desiderauerit, petat à Clauio prop. 1 lib 1 *Gnomonices in demonstratione Analem-matis*.

Aliter, ope tabellæ declinationum graduum Eclipticæ.

Construi etiam potest eadem radiorum figura per subiectam hinc tabulam declinationum Eclipticæ in singulis gradibus Signorum, hoc modo. Diuiso arcu CAD non tantum in gradus, sed etiam in minuta, (per ea quæ dicta sunt 16 huius, sumpto diuisionis initio à puncto A in vtramque

que partem) numerentur ab A versùs C, aut versùs D gradus, ac minuta, vel etiam, si fieri potest, secunda quæ debentur propositorum Eclipticæ punctorum declinationibus, ac per finem cuiuslibet numerationis ducatur ex B centro dicti arcus, quilibet optatus radius. Sit hoc exemplum; Proponitur describendus radius initij ϕ ; recurro ad tabellam, videoque in ea gradus 23, min. 30, tribui declinationi initij ϕ ; vnde consequenter à puncto A versùs D numero grad. 23, min. 30; facto autem in fine numerationis puncto, vt D, ex B in D sicut priùs duco pro initio ϕ radium

BD. Ita pro initio \approx numerabo ab A versùs D gradus 20, min. 12

ex præscripto tabellæ, & facto numerationis termino in puncto, verbi gratia, P; ex B in P ducam, vt priùs, radium pro initio \approx BP. Et ita de alijs non solum initijs Signorum, sed etiam quibuslibet propositis gradibus.



Declinationes Signorum Zodiaci ad singulos eorum gradus.

	♈		♉		♊	
	G. M.		G. M.		G. M.	
0	0	0	11	30	20	12 30
1	0	24	11	51	20	25 29
2	0	48	12	12	20	37 28
3	1	12	12	33	20	49 27
4	1	36	12	53	21	0 26
5	2	0	13	13	23	11 25
6	2	23	13	33	21	21 24
7	2	47	13	53	21	32 23
8	3	11	14	13	21	42 22
9	3	35	14	32	21	51 21
10	3	58	14	51	22	0 20
11	4	22	15	10	22	9 19
12	4	45	15	28	22	17 18
13	5	9	15	47	22	25 17
14	5	32	16	5	22	32 16
15	5	55	16	23	22	39 15
16	6	19	16	40	22	46 14
17	6	42	16	57	22	52 13
18	7	5	17	14	22	58 12
19	7	28	17	31	23	3 11
20	7	50	17	47	23	7 10
21	8	13	18	3	23	12 9
22	8	35	18	19	23	15 8
23	8	58	18	34	23	19 7
24	9	20	18	49	23	22 6
25	9	42	19	4	23	24 5
26	10	4	19	18	23	26 4
27	10	26	19	32	23	28 3
28	10	47	19	46	23	29 2
29	11	9	19	59	23	30 1
30	11	30	20	12	23	30 0
	♈	♉	♊	♋	♌	♍

Gradus superiorum sex Signorum.

Gradus inferiorum sex Signorum.

Placuit præter istam communem tabulam declinationum &c. apponere simul aliam quæ Tythonica est; fortè enim aliquibus magis ipsa placebit.

Decl-

*Declinationes Signorum Zodiaci ad singulos eorum
gradus, ex Tycho.*

	♈ S.				♉ S.				♊ S.			
	G. M. S.				G. M. S.				G. M. S.			
0	0	0	0		11	30	42		20	13	22	30
1	0	23	56		11	51	48		20	25	57	29
2	0	47	53		12	12	40		20	38	9	28
3	1	11	49		12	33	21		20	50	0	27
4	1	25	43		12	53	49		21	1	25	26
5	1	59	37		13	14	5		21	12	29	25
6	2	23	28		13	34	7		21	23	7	24
7	2	47	16		13	53	57		21	33	22	23
8	3	11	4		14	13	32		21	43	15	22
9	3	34	47		14	32	55		21	52	42	21
10	3	58	28		14	52	0		22	1	45	20
11	4	22	4		15	10	50		22	10	22	19
12	4	45	37		15	29	26		22	18	35	18
13	5	9	5		15	47	47		22	26	22	17
14	5	32	29		16	5	51		22	33	44	16
15	5	55	47		16	23	39		22	40	39	15
16	6	18	58		16	41	9		22	47	10	14
17	6	42	6		16	58	22		22	53	13	13
18	7	5	6		17	15	18		22	58	51	12
19	7	28	0		17	31	54		23	4	3	11
20	7	50	46		17	48	14		23	8	47	10
21	8	13	26		18	4	14		23	13	5	9
22	8	35	58		18	19	57		23	16	56	8
23	8	48	20		18	35	18		23	20	20	7
24	9	20	54		18	50	21		23	23	18	6
25	9	42	41		19	5	4		23	25	45	5
26	10	4	38		19	19	26		23	27	51	4
27	10	26	24		19	33	27		23	29	27	3
28	10	48	2		19	47	7		23	30	35	2
29	11	9	27		20	0	26		23	31	17	1
30	11	30	42		20	13	22		23	31	30	0
	♋				♌				♍			

Gradus superiorum sex Signorum.

Gradus inferiorum sex Signorum.

Propositio XXX.

Descriptam modo radiorum figuram, ad usum Gnomonicum optatum, in formam instrumenti redigere.

SI in paruo quopiam horologio, parallelos Signorum designare quis velit, sufficere est figura *prop. precedenti* descripta radios seruatis debite interuallis transferre in laminam subtenuem pellucidam, qualis est cornea, vel in chartam oleo, ceraue purissima imbutam, ea tamen charta, seu bractea cornea, tali modo refecetur, vt illi ad alterum latus adhæreat particula à centro B producta, & secundum lineam EB præfecta, ita vt in charta, seu bractea sit, simul cum radijs Signorum, ipse etiam Aequatoris axis, ad eiusdem radium BA perpendicularis videlicet BE.

Cum autem maiora fuerint horologia, maiorem etiam conuenit esse figuram radiorum, vt destinato maiori operi idonea esse possit. Tunc itaque est regulis orichalceis, vel etiam ligneis, sed non admodum crassis inuicem confertis fiat instrumentum quale *prop. 47 & 48 huius*, ac *27 lib. 3* habetur, excepto quòd hic sufficient regulæ aptè, & firmiter inuicem connexæ, absque alijs, quæ ipsius instrumenti circulari motui, vel radij in ipso instrumento ambulatorij liberis excursionibus deferuiunt, prout *indicatis locis* dicitur. Itaque in instrumentum simpliciter constructum, (si fortè ita simplex magis placeat) transferantur tum Signorum initia, tum si opus fuerit, reliqui etiam gradus, eo modo, quo eodem *lib. 3 prop. 28* dicitur, prætereaque fila tenuissima septem perbenè tensa ab instrumenti centro Feducta singulorum Signorum initijs in regulam AB (figuræ eiusdem *prop. 28*) cohæreant firmiter colligata, quæ quidem eorundem Signorum radios permanenter referent: sit tamen aliud insuper filum eidem centro F cum reliquis commissum, sed longius, atque ex altera sui parte liberum, vt (cum opus fuerit) eius ultra regulam AB extensi beneficio possit quilibet radius, ad puncta in partibus horologii remotioribus, notanda produci; neque necesse est hac de re speciale schema condere. Tantum moneo in horologijs Optico-Gnomonicis (qualia communiter pinguntur in parietibus Soli expositis) non requiri tantæ magnitudinis figuram radiorum, quantæ est mea illa, quem *dicta prop. 27 lib. 3* volo pro horologijs Catoptrico-Gnomonicis, quinque palmorum esse: sed in his de quibus modo ago horologijs radij directi, sufficere figuræ magnitudo (qua radius Aequatoris tenditur) bipalmaris, vel omnino tripalmaris: sed hæc quilibet per se satis intelliget. Nunc ad ipsum figuræ usum venio.

Propositio XXXI.

Figura radiorum iam constructa expeditissimum Gnomonicum usum, ad Signorum arcus, necnon ad alios quoslibet (quorum nota sit declinatio) in quocunque dati horologij Astronomici plano delineandos, tribus solum traditis præceptis theoreticè exponere.

Figura radiorum Zodiaci refert planum aliquod circuli in Sphæra maximi, ad Æquatorem recti, verbi gratia, Meridiani; unde & nomen Meridiani mobilis eiusmodi instrumento attribuiam *lib. 3 in Apparatu instrumentorum*. Itaque figuræ axis BE (*prop. 39 huius*) refert in plano Meridiani axem Æquatoris; radius autem eiusdem Æquatoris, seu Ariet. & Lib. videlicet BA, est communis sectio plani Æquatoris, & Meridiani; cæteri verò radij aliorum Signorum, sunt sectiones communes plani Meridiani, & conicarum superficierum, quas per 15 primi huius, Solis in quolibet Signo existentis radius circa Æquatoris axem, ad verticem Gnomonis describit: cum enim Meridianus, à vertice per axem secet huiusmodi conicas superficies, earundem in plano ipsius Meridiani sectiones, sunt necessariò lineæ rectæ, *per doctrinam Conicorum Apollon.* tales verò sunt in dicta nostra figura lineæ BD, BP &c.

Non solum autem hæc figura refert planum eius Meridiani, qui respectu cuiuslibet loci propriè Meridianus dicitur: sed etiam cæterorum omnium plana perinde refert; qui quodammodo Meridiani nomine censentur, qui videlicet per Æquatoris polos incedunt, quales sunt omnes horarij à meridie; & à med. nocte: quoad hoc enim omnium huiusmodi circulorum eadem penitus est ratio. Quapropter quando dicta figura, lineæ cuiuslibet horariæ in horologio Astronomico, debito postea dicendo modo applicata fuerit; tunc quidem referet illum ipsum in particulari Meridiano, cuius ea linea sectio est communis cum horologij plano: unde quia tunc eius Meridiani vicem geret figura, respectu talis horariæ lineæ; optimè eidem communicabit in communi contactu puncta conuenientia radiorum quos defert.

Erit verò ipsa figura debito modo applicatâ tali cuius horariæ lineæ, si collocata in plano horologij, talem respectu eiusdem lineæ situm seruet iacens, qualem habere intelligitur, erecta in situ naturali, dum scilicet ipsius centrum vertici Gnomonis cohæret, & axis axi Æquatoris congruit. quod equidem in praxi erit facillimum, & *tribus sequentibus propositionibus* absoluetur. Sed ad rationem theoreticam necessarium esse duxi, hîc priùs insinuare quomodo ad tria omnino capita reuocentur cuncta horologia Astronomica, quod attinet ad propositam parallelorum delineationem.

vt ita tribus solum præceptis (quæ mox dabo) totum hoc negotium perfici posse ostendam .

Astronomica itaque horologia quælibet ita se habent , vt ad eorum plana, simulque horarias lineas rectus sit, vel inclinatus, vel certè iisdem æquidistet axis Æquatoris, similiterque axis figuræ radiorum, qui in hac parallelorum delineatione vices illius gerit. Quod cum ita sit; tria possunt horologium Astron. genera distingui: & primum quidem est eorum quibus Æquatoris axis æquidistat, qualia sunt Polare, Meridianum, & alia omnia, quæ circulo cuius maximo per Æquatoris polos incedenti æquidistant. In secundo verò genere est horologium Æquinoctiale, cui soli dictus axis ad angulos rectos insistit. Sub tertio denique continentur cætera, quæcunque eum axem obliquè secant, videlicet (in Sphæra saltem obliqua,) Horizontale, Verticale, declinans, inclinatum (dummodo ita sit inclinatum, vt nec Æquatori, nec circulo horæ sextæ æquidistet) item inclinatum simulque declinans, ita tamen vt nulli per Æquatoris polos incedenti circulo maximo parallelum sit, qualia sunt omnia inclinata, & declinantia, quæ centrum horarium habent; vt ita simul dicam, quo certo indicio hæc ab alijs, quæ in primo genere sunt, distinguantur. Hinc iam eruuntur tria sequentia præcepta pro delineatione arcuum Zodiaci vniuersalissimè in quocunque Astronomici horologii plano.

Primum est. In horologijs Polari, Meridiano, alijsque similibus Æquatoris axi æquidistantibus, puncta per quæ designandi sunt arcus Signorum, in cuiuslibet datæ horæ Astronomicæ linea indicabit figura radiorum, si hæc illi ita applicetur, vt simul radius Æquatoris figuræ, cum linea Æquinoctiali, quæ in horologio est, copuletur: & centrum eiusdem figuræ tanto interuallo ab ea linea horaria distet, quanto ab eadem Gnomonis verticem distare compertum fuerit.

Secundum est. In horologio Æquinoctiali, puncta per quæ designandi sunt arcus Signorum in cuiuslibet datæ horæ Astronomicæ linea, indicabit figura radiorum, si hæc illi ita applicetur, vt radius quidem Æquatoris figuræ, parallelus sit eidem lineæ horariæ; centrum verò eiusdem figuræ distet à centro horologii, tanto interuallo, quanto, ab eodem centro distans est styli vertex.

Tertium denique sic se habet. In quocunque horologio axem Æquatoris obliquè secante, vt Horizontali, Verticali, &c. (quemadmodum paulò antè dictum est) puncta per quæ designandi sunt arcus Signorum, in cuiuslibet datæ horæ Astronomicæ linea; indicabit figura radiorum, si hæc illi ita applicetur, vt ipsius centrum tanto interuallo distet ab horologii centro, quanto styli verticem ab eodem distare constat: & simul axis talem, cum ea horaria linea, angulum efficiat iacens qualem cum eadem efficere intelligitur in proprio naturali situ eleuatus.


Hæc porro, quæ *tota ista prop.* theoreticè dicta sunt, commodiùs simul cum conueniente praxi demonstrabuntur sequent. *propositionibus.*

Propositio XXXXII.

Arcus Signorum Zodiaci in dati cuiusvis Astronomici horologii plano, quod circulo alicui maximo per Æquatoris polos transeunti æquidistet, delineare.

Sit horologium Astron. Polare per 32 huius constructum, quod quidem solum hic in exemplum propono, volens de cæteris huic similibus, servata proportione, intelligi dictum quicquid de eo dixerò. Sint autem in

SEPTENTRIO.



AVSTER.

linea Æquinoctiali, horaria puncta T, O, P, Q, R, S; itaut per T quidem transeat Meridiana; per O, linea horæ 1 à meridie; & per P, horæ 2; & per Q, 3; per R, 4; ac demum per S, 5. Quibus positis abscindatur à loco styli T versùs L, Meridianæ portio TL æqualis longitudini dati styli *ab*, ac deinde collocato in S immobili pede circini, alius mobilis pes in L extendatur; hocque intervallo, ex eodem S, in linea Æquinoctiali signet ultra T notam F; ita ex R, sumpto intervallo RL, imprimendum est eidem Æquinoctiali punctum E; necnon punctum D, ex Q, sumpto priùs intervallo QL; & ita de reliquis vsque ad punctum A, quod ex T, sumpto intervallo TL, signabit: cadet autem necessariò A, nisi error intercefferit, in punctum horæ 9 à media nocte. Atque hac arte puncta sex in linea Æquinoctiali parte orientali consequemur, quibus figillatim applicato centro figuræ radiorum, & radio Æquatoris cum linea Æquinoctiali prorsus conveniente, cæteri radij puncta Signorum in singulis à meridie horarijs lineis indicabunt hoc modo.

Sit in exemplum linea horæ 5 à meridie, punctis distinguenda Signorum. Collocato centro figuræ in F, ipsam figuram ita dispo in plano horologii, vt radius Æquatoris lineæ Æquinoctiali VS, inter F, & S, perfectè

ctè congruat : & statim video lineam horæ 5 secari à radio quidem *Æqua-*
toris in S, in quo & secat eam linea *Æquinocialis* ; à radio autem ∞ in M,
atque à radio ϕ in N, necnon ab alijs intermedijs in G, H, I, K, punctis
quæ etiam impressis diligenter notulis obfigno : mox verò eadem sigilla-
tim ex puncto S aperto circino accepta transfero in lineam horæ 7 à media
nocte, ex puncto scilicet V, hincinde versùs Z, & Z, hoc ordine. Sumpto
interuallo S N, siue S M (sunt enim æqualia) in lineam horæ 5 abscindo ipsi
S N æqualem V Z hincinde à puncto V, ad vtranque partem lineæ horæ 7;
ita sumpto interuallo S G, abscindo ipsi S G æqualem V Y hincinde; ac de-
mum sumpto interuallo S H, abscindo V X: & sic in duabus æqualiter à
meridie distantibus horarijs lineis eadem opera obtinui puncta Signorum.
Similia verò puncta in lineam horæ 4 à meridie obtinebo si radio *Æquatoris*
à linea *Æquinociali* minimè recedente, figuræ radiatorum centrum collo-
cauero in puncto E; tunc enim radij eodem modo secabunt dictam horæ
4 lineam, quo priùs lineam horæ 5 secabant; ego verò puncta intersectio-
num diligenter notata, & beneficio circini ex puncto R sigillatim sumpta
transferam in vtranque partem lineæ horæ 8 à media nocte : & ita de alijs
donec ad Meridianam lineam venerim ; in qua etiam puncta Signorum
consequar collocato figuræ centro in A.

Cùm verò lineæ omnes horariæ fuerint hac arte punctis insignitæ Si-
gnorum, ipsos eorundem arcus dabunt lineæ quædam inflexæ per omnia
ad vnum quodlibet Signum pertinentia puncta, continuo, & sine an-
gulis flexu ductæ, beneficio regulæ incuruatæ, atque ad ea omnia,
puncta conuenienter accommodatæ : de quo regulæ genere vide *præfatio-*
nem nostram ad Apparatum Instrumentorum libro 3 post propositionem 20.
Quod si aliquando inter duas horarias lineas; atque adeo inter duo eiusdem
Signi puncta in eis notata, maius intercefferit spatium quàm par sit, vt ar-
cus inter ea contenti curuitas conueniens certò obtineri possit; opto præ-
ter lineas integrarum horarum, interponi lineam semihoræ, vel aliam
æquiualentem, & in ea, sicut in alijs dictum est, seruata proportionem, puncta
eorundem Signorum diligenter notari, vt horum punctorum indicio
curuitas arcus, ductu certiori, fideliter dirigatur.


*Monitum pro horologijs ad Horizontem inclinatis, sed ad
Æquatorem rectis.*

Sicut in hoc Polari horologio punctum L in linea Meridiana sumitur,
ita in omnibus alijs horologijs, quibus axis *Æquatoris* æquidistat, su-
mendum est simile punctum L in linea propria illius plani Meridiana, seu
in linea styli, quæ videlicet per locum styli transit ad *Æquinocialem* per-
pendicularis, siue illa sit linea cuiusdam horæ, siue non: quomodo autem
ea linea sit inuenienda, habetur *prop. 26 huius*. Quòd autem ad breuia-

rium, ac expeditiorem, fortasse etiam certio rem, operationis modum. puncta Signorum in linea M N primum inuenta, circino transfuli in lineam Z Z, ac similiter ex alijs in alias, ipsis pares, & pari à Meridiana intervallo distitas; locum etiam habet in quibuslibet horologijs Polari, vt dictum est, similibus: sed in illis lineæ illæ tantum censentur inter se, quoad hoc, similitudinem habere, quæ à lineæ styli hincinde æquali distantia ab- sunt. Si verò, vt in aliquibus contingit, nullæ sint in eis horariæ lineæ, quæ distantias habeant à lineæ styli, æquales; erit equidem necessariò tunc applicanda singulis, figura radiorum, notatis tamen priùs, pro loco centri figuræ, punctis in lineæ Æquinoctiali; qualia hic notata sunt, F, E, D, C, B, A, non solum ex vna parte lineæ styli, sed etiam ex altera pro alijs nimirum lineis horarijs; itaut cuilibet ab alijs diuersæ lineæ, diuersum huius generis punctum respondeat in lineæ Æquinoctiali.

Demonstratio.

Connectatur LS , & triangulum $TS L$ super immota basi TS erigatur donec plano horologii orthogonaliter insistat. Quoniam igitur T est locus styli, & TL facta est eidem stylo æqualis, erit L vertex styli.




Deinde figuræ radiorum triangulum MNF , super immota recta MN , ita eleuetur ex parte centri F , vt ipsum F , seu centrum figuræ, cum L vertice styli coniungatur, & recta FS cum SL ipsi *per constructionem* æquali conueniat. Quia igitur styli vertex L centrum Sphæræ esse intelligitur; lineam verò MN suppono esse communem plani horologii, & circuli horæ 5 à merid. sectionem; erit nunc ex dictis *præcedent. propos.* figura radiorum in situ dicti circuli horarij, & earum (de quibus etiam dixi ibidem.) superficierum conicarum Cancrî, Leonis, &c. Igitur radij figuræ sic erectæ, lineam horariam MN in iisdem punctis secant, in quibus eam fecerant,

rent, similes radij Signorum in illo ipso circulo distincti, seu in quibus eam velut in plano illius circuli existentem secarent illæ ipsæ Signorum superficies; Quia verò radij figuræ, tum dicto *in descriptione* modo ac situ iacentis, tum hic *in demonstratione* erectæ, perinde in iisdem punctis eam lineam horariam secant; sequitur ea esse legitima Signorum puncta in ea linea. De alijs autem lineis eadem est ratio. Translatio verò punctorum ab vna linea in aliam, ex altera horologij parte illi similem non eget demonstratione. Igitur linea curua per quælibet ad vnum Signum pertinentia puncta, seu figuræ radiorum applicatione, seu translatione inuenta, in singulis horarijs lineis, est legitima illius Signi conica sectio in plano horologij; & consequenter arcus Signorum Zodiaci in horologio Astron. Polari (necnon eadem opera, seruata tamen proportione, in alijs, vt dictum est, similibus) rectè delineauimus; quod fuit demonstrandum.

Propositio XXXXIII.

Arcus Signorum Zodiaci in dati cuiusvis Astronomici horologij plano, quod circulo Æquatori parallelum sit, delineare.



E Sto dati horologij Astron. Æquinoctialis per 3 1 huius constructi linea Meridiana DG; & linea horæ 6 à merid. & à media nocte EF, secans Meridianam in A centro, & loco styli. Abscindatur AB dictæ Meridianæ

Y 3

portio

portio æqualis ipsi stylo : & puncto Baptetur centrum figuræ radiorum ; ipsa autem figura ita disponatur iacens in plano horologij , vt radius Æquatoris B M æquidistet lineæ horæ 6 A F ; sic enim radius γ & η , siue is qui proximus est ab Æquatoris radio , eandem A F secabit vt in F ; vt alter sequens radius π , & ω , eandem secabit vt in H ; ac denique vltimus , qui est φ , in I . Itaque pro arcubus Signorum , ex A tanquam centro , interuallo autem A F , describatur circulus F G E D ; & interuallo A H alter similiter describatur circulus H L , ac tantem tertius I K vtrique concentricus interuallo A I . Characteres verò Signorum circulis descriptis apponantur , vt in schemate ostenditur ; in quo quia facies horologij superior , boream spectans , exhibetur , Signa borealia continentur : in facie autem inferiori , designatis pari modo parallelis inscribi debent Signorum australium characteres . y tamen , & α in hoc plano (saltem quoad ipsorum initia) locum non habent ; quia radius Æquatoris , vt est B M , ipsi æquidistat , nec ullatenus illud secare potest :

Demonstratio.

Concipiatur triangulum F A B , cum tota simul radiorum figura , moueri super immota recta F A donec horologij plano insitit orthogonaliter ; eo enim motu fiet , vt figuræ segmento F ω I , sub dictum planum subsidente , tota reliqua figura supra illudmet eleuetur : in eo autem situ orthogonali secabit ipsum planum , eritque communis vtriusque sectio recta A F , radio Æquatoris B M parallela ; à reliquis autem Signorum , videlicet borealium , radijs secta in punctis F H I . Nunc autem si hoc modo erecta , atque in proprio naturali situ existens figura intelligatur circumduci , circa immotum axem A B ; equidem radius Æquatoris B M ad ipsum perpendicularis describet superficiem Æquatoris planā *iuxta prop. 14 primi huius* : ceteri verò radij ad eundem axem inclinati describent eo motu singuli conicas , ad styli verticem B superficies *iuxta 15 eiusdē* : hæc verò superficies conicæ planum ipsum horologij , vtpote æquidistans basibus ipsarum , videlicet parallelis Signorum , ita secabunt , vt *per 4 prop. 1*

Apoll. earundem sectiones in horologio sint circuli , & quidem per puncta F H I incidentes , centrum autem habentes in axe B A , videlicet in puncto A . Igitur arcus Signorum Zod. in horologij Astronom. Æquin. plano rectè delineauimus ; quod fuit demonstrandum .

Propositio XXXXIII.

Arcus Signorum Zodiaci in dati cuiusvis Astronomici horologij plano, quod circulo cuiunque maximo Aequatorem quomodolibet oblique secanti equidistet, delineare.

Hic complector omnia tertij generis horologia Astronomica, quæ *prop. 41* enumeravi, è quibus omnibus vnum assumo in exemplum, videlicet Horizontale *per 35* huius constructum; in quo sit horarium centrum A; locus styli R, eiusdemque longitudo RC; linea Aequinoctialis PKP secans Meridianam AB in K: sint etiam reliquæ horariæ lineæ hinc inde dispositæ, & Aequinoctialem secantes in punctis L, M, N, O, P, vt in schemate cernitur. Fiat RC in plano horologij secans quidem Meridianam in R, æqualis autem stylo; deinde ex A tanquam centro, interuallo autem AC, describatur circulus; vel eius arcus aliquis à puncto C versus Q, secans Meridianam in I: mox iuncta KC erit radius Aequatoris (sic enim semper eam nominauimus in descriptione huiusmodi horologiorum circino autem aperto sumatur interuallum KC, eique in linea Meridiana, æqualis portio abscindatur KB; atque ex B sic inuento puncto sumenda sunt ope circini interualla singula inter ipsum B, & puncta L, M, N, O, P: eadem porro interualla sigillatim transferenda sunt à dictis singulis punctis L, M, N, &c. respectiue in circulum paulò antè ex A centro per C descriptum; atque iis interuallis, puncta in eodem circulo notanda sunt D, E, F, &c. hoc ordine. Sumpto interuallo BL, ex L fignetur D in circulo; & sumpto interuallo BM, ex M fignetur E; pariterque F ex N; G ex O; ac tandem H ex P.

Inuentis hoc modo punctis istis in dicto circulo, facillimè inueniemus puncta Signorum in singulis horariis lineis, verbi gratia, in linea horæ 9 à media nocte, sic. Quia dicta lineæ Aequinoctialem secat in N, & ad interuallum BN ex eodem N facta est in circulo nota F; ideo in puncto F collocandum est centrum figuræ radioꝝ, vt eorundem sectiones, id est puncta Signorum, in dicta horaria (quæ est ASNT) inueniri possint.

Non tamen sufficit centrum figuræ in debita tum à centro A, tum à puncto N distantia collocasse; sed insuper axis figuræ per ipsum A transire debet, sicut per illudmet transit axis Aequatoris; vel, quod in idem recidit, debet radius Aequatoris (qui est in figura ipsa radioꝝ) ita disponi, vt transeat per punctum N, in quo, vt iam dixi, Aequinoctialem (quæ in horologio est) secat nostra hæc lineæ horaria: debite autem collocato axe figuræ, vel radio Aequatoris simul cum centro, cæteri radij hoc ipso etiam rectè dispositi sunt respectu eius lineæ horariæ: quare diligenter notanda sūt puncta


puncta, in quibus tunc illi eam secuerint; vt sunt puncta T, V, X, Y, Z, S.

Simili opera, in quauis alia horaria linea, sua Signorum puncta distinguuntur; in Meridiana quidem collocato figuræ centro in C, radio Æquatoris per K transeunte, axe autem per A; item in linea horæ vndecimo à media nocte collocato centro figuræ in D, & radio Æquatoris transeunte per L, axe autem per A; item in linea horæ 10, collocato dicto centro in E, & radio Æquatoris transeunte per M, axe autem semper per A: & ita, de alijs, donec ad lineam horæ 6 veniatur, in qua etiam sic inueniuntur puncta Signorum. Centrum figuræ radiorum collocetur in I, quo puncto, ex constructione Meridianam secat circulus ex A descriptus; axis verò figuræ copuletur cum eadem Meridiana, & ex I per A transeat; sic enim radius Æquatoris ipsius figuræ, æquidistabit lineæ Æquinoctiali horologii quæ est P K P, & soli radij Signorum borealium lineam horæ 6 secabunt.

Tandem in linea horæ 5 similia puncta sic inueniuntur. Abscindatur arcus I Q, arcui I H æqualis, & centrum figuræ collocetur in Q, axis verò eiusdem transeat vt priùs per centrum A, & lineam horæ 5 à media nocte secabunt radij eorum Signorum quorum arcus semidiurnus est horarum, 7, vel ampliùs. Ita arcui I G alter ex parte Q abscindi posset æqualis, vt in eodem circulo punctum proprium signaretur, sicut signatum est Q, si forè in ea regione, ad quam contruitur horologium, arcus semidiurnus alicuius Signi esset horarum saltem octo, cuius proinde punctum in linea horæ 4 à media nocte quæreretur.

Superest iam puncta hæc omnia Signorum in lineis horarijs à media nocte sic inuenta, in similes horarias à meridie transferre: transferentur autem optimè sumptis ope circini interuallis, quæ sunt inter centrum A, & singula ea puncta in singulis lineis: nam ad singula interualla, ex eodem centro A, notæ imprimi possunt in alijs respondentibus lineis, quæ scilicet à Meridiana æqualiter distant, ita vt horæ 1 à media nocte puncta transferantur in 1 à merid. puncta 10 in 2; & 9 in 3: & sic de alijs. Denique punctis Signorum accuratè, vt dictum est, signatis, eorundem Signorum arcus, ductu regulæ conuenienter incuruatæ designare licet per eadem puncta, sicut in simili factum est *prop.* 42.

Suadeo tamen etiam hic, sicut & dicta *prop.* 42 insinuaui inter lineas horarias interponi lineam semihoræ, vel aliam æquiualentem, quando puncta vnius Signi in duabus horarijs notata, ita à se inuicem distant, vt periculum sit erroris in incuruanda conuenienter regula, atque adeo in arcu debite curuitatis designando: sed sufficiat monuisse, cum nulla sit, quoad hoc, specialis in praxi difficultas; quo enim modo lineis horarijs, eodem semihorarijs, vt sic dicam, alijsque æquiualentibus applicanda est figura radiorum, nec de hoc necesse est proprium schema condere:





Monitum pro horologijs declinantibus , tum rectis ad Horizontem , tum inclinatis ad eundem.


IN horologijs ad Horizontem siue rectis, siue inclinatis, dummodo ad Meridianum rectis; nihil est quod specialiter in arcuum Signorum delineatione obseruari debeat præter hætenus dicta in horologio Horizontali, quod in exemplum proposui; eadem enim methodo, in eorum omnium lineis horarijs quærenda sunt puncta Signorum. At in horologijs, quæ à Meridiano declinant, siue alias recta sint ad Horizontem, siue inclinata; nonnihil est quod obseruetur (sicut in simili obseruandum esse, monebam *prop. 42*) propter eam ipsam rationem, quam ibidem attigi; quia videlicet linea Meridiana plani declinantis, siue alias ad Horizontem recti, siue inclinati propria, non est eadem cum Meridiana loci.

Itaque hoc est obseruandum, vt punctum B, quod *hac prop.* sumendum dixi in linea Meridiana AK; semper sumatur in linea, quæ est communis sectio plani horologii, & circuli maximi ad ipsum, atque ad Æquatorem recti, siue illa sit eadem cum Meridiana loci) vt in horologio Horizontali, & alijs ad Meridianum rectis) siue ab ea distinguatur; vt in omnibus quomodocunque declinantibus necessario accidit. Quapropter in horologijs declinantibus tum ad Horizontem rectis, tum inclinatis, punctum B sumendum erit in linea styli, hæc enim, *ex alijs sæpe dictis*, est sectio plani horologii, & circuli maximi ad ipsum, atque ad Æquatorem recti; unde etiam *ex dictis prop. 27*, in quocunque horologio recta est ad Æquinoctialem lineam. Atque hac solum obseruatione facta, methodus ista nostra locum habet tam in horologijs declinantibus, quam in Horizontali. Ne tamen in praxi difficultas aliqua Tyroni relinquatur, totum negotium sic breuiter explico.

Sit in horologio ad occasum declinante à meridie; à Zenith autem inclinato ad plagam, quæ inter ortum & septentrionem est *per prop. 38* constructo, centrum horarium A; Meridiana loci A 12; linea styli AB; & eandem in K orthogonaliter secans Æquinoctialis V X, annotata habens puncta horaria, & proprios eisdem ascriptos numeros.

Inueniatur, vt priùs, punctum C tanquam styli in plano iacentis, atque ad Meridianam eidem plano propriam recti, vertex; deinde ex A centro per C describatur circulus, siue eius arcus SCQ, lineam styli secans in T. Sumpto autem interuallo KC, abscindatur KB ipsi æqualis in linea styli: eritque B punctum, ex quo sumenda sunt interualla singula, secundum quæ à singulis horarijs in Æquinoctiali notatis punctis, secetur arcus SQ; hoc modo & ordine. Collocato circini pede immobili in 2, alter eiusdem pes primùm extendatur in B, ac deinde conuersus ad arcum SQ, ad partes TS, eundem secet in D; ita collocato pede immobili in 1, alter primùm
extensus

extensus in B, & inde conuersus in arcum S Q, illum ex 1, intervallo 1 B, fecet in E. & sic de alijs horarijs punctis, 1 2, 1 1, 1 0 in *Æquinoctiali* à puncto K versùs V contentis, quibus respondentia in arcu Q S puncta, debent signari in ea eiusdem portione, quæ est à T versùs S: Nam pro punctis horarijs, quæ sunt in eadem *Æquinoctiali* à puncto K versùs X, vt 3, 4, 5, 6, &c. respondentia iisdem in arcu Q S puncta debent signari in altera eius portione, quæ est à puncto T versùs Q. Vt sunt L, M, N, O, P.



Cætera fiant sicut in horologio Horizontali ; cùm nullum inter huiusmodi horologia sit discrimen , nisi quatenus horæ inchoantur à Meridiana loci , non autem a Meridiana plani propria ; vnde fit , vt intervalla horaria in lineæ Æquinoctialis parte K V non sint æqualia residuis , quæ sunt in eiusdem parte K X ; nisi fortè contingeret lineam styli , seu punctum eius K , in punctum aliquod horarium , vel præcisè semihorarium cadere ; quo quidem casu sufficeret , sicut in Horizontali horologio , puncta D , E , F , &c. in alterutro arcu T S , vel V Q , signasse . Sed de industria tale exemplum posui , in quo punctum K distat , & quidem inæqualiter , a punctis horariis hincinde , vt hac occasione dicerem modum inveniendi in arcu T Q puncta L , M , N , &c. pro punctis horariis , quæ sunt in Æquinoctialis parte K X , quando eorum intervalla non sunt æqualia intervallis punctorum horariorum , quæ sunt in residua parte K V .

Quod si quis laborem non refugiens vellet occultè designare lineas ho-
rarias

rarias plano huic proprias, prout scilicet (ex alijs dictis præsertim *prop. 28 huius*) illud est quoddam planum Horizontale; videret nullam esse huius plani ab Horizontali nostro antea in exemplum adducto differentiam, quod attinet ad Signorum delineationem ex nostra methodo, quæ lineas horarias huiusmodi Astronomicas supponit, non prout horarias, sed solum prout sectiones circulorum, quos figura nostra radiorum pro situs diuersitate repræsentare potest, quales sunt omnes, ac soli maximi ad Aequatorem recti; nihil autem interest, quoad Signorum delineationem, sintne 11 circuli, horarum loci, vel semihorarum, vel quadrantum, &c. distinctiores, dummodo eorum in plano horologij sectiones, punctis Signorum, ex præscripta lege, debite insigniantur.

Demonstratio.

Delineationem arcuum Signorum in horologio Horizontali expositam demonstrabo, sed poterit Lector demonstrationem ipsam extendere ad alias similes in planis alijs (quæ dixi esse huic quoad ad hoc similia) delineationes.

Itaque (in Schemate horologij Horizontalis) erigatur triangulum AKC super immota basi AK , ut ad angulos rectos sit cum plano horologij. Quoniam igitur A est centrum horologij repræsentans polum Antarcticum *per 19 huius*; C autem styli vertex, centrum Sphæræ est, *per 11 primi*; erit recta AC in situ axis Aequatoris; recta verò CK ad ipsam perpendicularis, erit communis sectio eiusdem Aequatoris, & Meridiani.

Deinde connectatur NB , & triangulum NKB , super immota NK , moueatur donec latus KB , rectæ KC *per constructionem* æquale, eidem copuletur; & B in C cadat: sic erit totum triangulum in plano Aequatoris; quia, ut dictum est, KC est sectio communis Meridiani, & Aequatoris; recta autem PKP (cuius portio est NK) est communis sectio eiusdem Aequatoris, & plani horologij. Et quia in N se communiter secant, ut supponitur, dicta Aequinoctialis, & linea horæ 9 à media nocte AT ; sequitur dictam NB , in dicto situ trianguli NKB eleuati, esse communem sectionem Aequatoris & circuli maximi, qui horam à media nocte nonam terminat.

Eleuetur demum super immota basi AT triangulum ATF , & in tali situ collocetur, ut centrum figuræ radiorum in ipso triangulo delineatæ, videlicet F , sit in vertice styli C ; & dicti trianguli latus AF , id est axis figuræ radiorum, cum axe AC conueniat; & NF radius Aequatoris figuræ, cum NB latere trianguli NKB antea eleuati coniungatur: hæc enim omnia facile sibi conuenient, quia recta AF æqualis est rectæ AC *per constructionem*, cum sint ambæ semidiametri eiusdem circuli; recta autem NF , est etiam *per constructionem* æqualis ipsi NB . Quia verò recta AT est communis sectio plani horologij, & circuli horæ 9 à media nocte C verò styli apex; (cui iam coniunctum est F ,) est centrum Sphæræ; erit dictum triangulum

Propositio XXXXV.

Arcus diurnos, quorum nota sit declinatio, præsertim arcus horarum 14, & 10; item horarum 18, & 6; dato cuius horologio Astronomico inscribere.

HOrum arcuum delineandorum artem similem, seu potius eandem cum ea qua usus sum in arcuum Signorum delineatione præcedent. *propof.* hic annecto, ea præsertim de causa, quia arcubus quibusdam diurnis uti volo, ad horarum ab ortu, & ab occasu, atque etiam Inæqualium communium descriptione; huic enim, praxi fidelissima, necnon vniuersalissima, in quocunque horologii situ, optimè deferuire possunt arcus illi horarij quos iam assignaui horarum videlicet 14, & 10, &c. licet aliàs optimum etiam usum, & iucundissimum habeant ex se ipsis tum hi, tum alij similes arcus; quatenus (vmbra quolibet die in ipsos cadente) statim demonstrant, quorū horas dies hic contineat. Venio igitur ad eorum delineationem.

In figura radiorum Zod. descripta superius *prop.* 39, in gradibus arcus CAD numeretur nota declinatio arcus diurni cuiuscunque propositi à puncto quidem A versùs C, si est borealis declinatio; si verò sit australis, ab eodem A versùs D; & per finem numerationis, à centro B ducatur linea recta similis radijs Signorum, siue inter ipsos, siue etiam vltra ipsos, prout quantitas declinationis postulauerit. Exèmpli causa, in tabella arcuum horarum 10, & horarum 14 (quam hic subiicio pro diuersis eleuationibus) deprehendo declinationem arcus horarum 10, esse australem, & sub eleuatione poli graduum 42, complecti gradus 16 minut. 2; declinationem verò arcus horarum 14 (vbi eadem est poli eleuatio) esse quidem illi alteri æqualem, sed esse borealem; hinc est, ut in arcu CAD, ab A tum versùs D, tum versùs C numerem gradus 16, cum 2. min. quorum numeratio compleatur, verbi gratia, in punctis X, X, hinc quidem pro arcu horarum 14, inde autem pro arcu horarum 10. Ad vtrunque autem punctum X à centro B geminas rectas BX delineo tanquam radios eorum punctorum Eclipticæ, in quibus cum fuerit Sol, diem efficiet horarum hinc quatuordecim inde 10.

Simili modo pro arcubus diurnis horarum 18, & horarum 6, numerandi sunt declinationis gradus pro isto quidem ab A versùs D, imò vltra, vsque in Y, verbi gratia; pro illo autem ab eodem A versùs C, atque etiam vltra, cum id postulet quantitas declinationis, quam indicat tabella altera, pro huius etiam vtriusque arcus declinatione ad varias poli eleuationes, hic apposita. Itaque facto vtrinque puncto Y, geminæ rectæ ut priùs BY, & iterum BY delineandæ sunt, tanquam radij eorum Eclipticæ punctorum;

*Declinatio arcuum diurnorum horarum 14, & 10; itemque
horarum 18, & 6, ad poli elevationes
annotatas.*

Elevationes polares.		G. M.		G. M.	
35	Arcus horarum 14 declinationem habet borealem.	20	17	45	2
36		19	36	44	1
37		18	57	43	0
38		18	20	41	59
39		17	44	40	59
40		17	9	40	0
41		16	35	39	1
42		16	2	38	2
43		15	31	37	6
44		15	0	36	10
45	Arcus horarum 10 declinationem habet australem.	14	31	35	15
46		14	2	34	20
47		13	34	33	26
48		13	7	32	32
49		12	41	31	39
50		12	15	30	46
51		11	50	29	54
52		11	26	29	2
53		11	3	28	11
54		10	41	27	20
55	Arcus horarum 18 declinationem habet borealem.	10	20	26	30
	Arcus horarum 6 declinationem habet australem.				



in quibus si Sol existeret, diem efficeret hinc horarum 18, inde 6. Licet autem in his nostris regionibus Sol nunquam efficiat diem horarum 18, neque etiam horarum tantum 6; nihilominus ubi est maior poli supra Horizontem eleuatio, tales dies imò etiam longiores illo, & breuiores isto efficit, quod satis patet ex obliquitate Sphæræ, siquidem arcus diurnus Cancrì longior est quàm horarum 18, & Caprioorni è contrà breuior est quàm horarum 6; ubi eleuatio poli est grad. 60.

Vfus radiorum pro dictis arcubus, cùm cæteris Signorum Zodiaci radijs, in eadem figura delineatorum facillimus est, ex dictis hactenus de vfu radiorum Signorum: qua enim arte isti deferuiunt ad inueniendâ in lineis horarijs puncta, per quæ arcus Signorum describendi sunt; eadem illi deferuiunt ad inueniendâ simul, ac semel in ijsdem lineis horarijs alia puncta, per quæ arcus isti nostri diurni designari debent.

Exempli causa *propof. 44 precedente* dum in linea horæ 9 notantur puncta Signorum, videlicet in communibus lineæ horariæ AT, & singulorum radiorum in figura pro Signis contentorum; simul ac semel notanda sunt puncta arcuum horariorum in communibus eiusdem lineæ AT, & radiorum, pro ijsdem arcubus in eadem figura iam descriptorum, vt pro arcu horarum 14, punctum *b* ex parte Signorum borealium in concursu lineæ horariæ & radij *bF*; atque eodem modo pro arcu horarum decem ex parre opposita inter Signa australia notandum est punctum

a in concursu eiusdem horariæ, & radij *aF*, & similiter in alijs horarijs lineis.

Item pro arcu horarum 18 notandum est punctum

c ex parte Signorum borealium in concursu eiusdem horariæ AT & radij *Fc*. Et ita de alijs. In quo

nulla est noua difficultas, cùm arcus diurni, sicut & arcus Signorum sint perinde paralleli Æquatoris; quare neque est

hic noua vlla adhibenda

demonstratio.




Propositio XXXXVI.

Arcus circularum Latitudinum, seu parallelorum regionum, aut ciuitatum, vel aliorum insignium locorum, in quolibet horologio Astronomico describere.

HI circuli, seu paralleli non differunt à parallelis Signorum, cum vtrique pariter *Æquatori* æquidistant, quemadmodum & arcus diurni, de quibus *immediatè precedente prop.* actum est. Imò paralleli Signorum, paralleli etiam sunt earum omnium regionum, seu ciuitatum, per quarum Zenith incedunt; ac proinde vtrorunque in horologijs describendorum, eadem est omnino ratio, sicut & dixi de arcubus diurnis. Horum igitur omnium circularum, vel cuiuslibet ipsorum arcus, eodem prorsus modo sunt describendi, quo arcus, verbi gratia, Cancrī, vel Tauri. Et ad hoc solum necesse est, vt ipsorum radij, iuxta cuiuslibet declinationem siue australem, siue borealem in figura radiorum (de qua *prop.* 39) designati prius fuerint, numeratis in arcu *CAD* gradibus cuiusque declinationi debitīs. Hos autem gradus addiscere licet vel ex tabulis Latitudinum locorum apud Geographos, vel etiam ex Globo, aut Mappa Geographica, numerando nimirum gradus quibus locus aliquis propositus distat ab *Æquatore* in Globo seu Mappa: cum enim totidem gradibus ab *Æquatore* distare intelligatur parallelus, qui per eiusdem loci verticem incedit; si totidem gradus in figuræ rad. arcu *CAD* numerauerimus, ab *A* versùs *C*, seu versùs Cancrum, pro locis septentrionalem habentibus Latitudinem, & pro meridionalem habentibus ab eodem *A* versùs *D*, seu versùs ϕ ; & per finem numerationis à centro *B* lineam rectam duxerimus; habebimus hoc ipso radium propositi paralleli per Zenith propositi loci transeuntis. Sit pro exemplo Iaua maior apud Indos orientales: nominatissima Insula: quia enim ea ab *Æquatore* versùs polum Antarcticum in Globo, distare cernitur gradibus ferè 10; totidem quoque ab eodem *Æquatore* distare intelligitur parallelus, qui per illius verticem transit, estque eiusdem paralleli declinatio australis: vt verò radium eius paralleli in figura rad. describam; numero ab *A* versùs *D*, id est versùs ϕ , gradus 10, & per finem numerationis ex *B* figuræ centro, educo rectam pro illo optato radio, quo sic delineato vtar ad puncta paralleli Iauæ maioris in lineis horarijs inuenienda, sicut & alijs tum Signorum, tum arcuum diurnorum radijs, ad inuenienda ipsis propria puncta vsus sum *precedentibus propositionibus*. Quemadmodum videre est in figura *prop.* 44. vbi ducta recta *Fd* pro radio paralleli Iauæ, eaque horariam *AT* secante in *d*; est *d* punctum eius paralleli in illa horaria. Nec est hic aliquid, quod sit præterea demonstrandum.





Propositio XXXVII.

Figuram radiorum Zodiaci in aliam, præter antea traditam instrumenti formam, qua vno ductu expeditissimè, ac fidelissimè, non modò Signorum, sed etiam regionum parallelorum arcus diurnos, &c. in quacunque data superficie, quamvis minimè plana, designare possis, redigere.

VSus figuræ radiorum Zodiaci hætenus expositus astringitur lineis horarijs Astronomicis, aut certè alijs similibus, quæ videlicet sint sectiones plani horologii, & circulorum maximorum per Æquatoris polos incedentium. Placuit verò alium quoque usum eiusdem figuræ tradere, horologijs saltem minoribus accommodatum, qui nullas supponat lineas; imò qui easdem inuenire doceat præsertim Astronomicas: supponat verò solummodo, locum styli in horologio datum, simul cum eiusdem longitudine; & notitiam eleuationis poli supra superficiem, in qua designandi sunt Signorum paralleli.

Sed cum radiorum figuram in simplicem trianguli chartacei, vel cornei, siue etiam lignei, aut orichalcei, addito solum ad latus axem, reduxerim *prop.* 40, pro usu illo hætenus exposito; hic insuper ad nouum propositum usum addenda sunt alia quædam, vt in primis ea, quæ requiruntur ad circularem instrumenti motum circa proprium axem; deinde radius quidam ambulatorius, cuspidatus, qui motu suo, paralleli arcum describat: necnon ea, quæ ad eiusdem radij conuenientem, id est certam, ac facilem excursionem necessaria sunt. In hunc itaque modum singulæ partes instrumenti suo ordine construentur.

Primò radius ex orichalco ductili optimè cudatur, elimetur, ac læuigetur quadrágulus (forma parallelepipedo) tres circiter palmos longus, vt SZ; qui quidem talem habeat cum longitudine, crassitie proportionem, vt à vi deferentis, ac dirigentis (vt postea dicitur) instrumenti, in usu atque opere nullatenus incuruetur: Præterea in eius aliquo latere plano, vt QZ, diuisis in duas æquales partes, transuersis summitatum lineolis YZ, & QR; per medium ducatur recta XV (quam vocabimus deinceps lineam fiduciæ) in quam præcisè cadere debet cuspis V chalybea; nam ad TYZ, orichalco particula chalybis optimi copulanda est YZVT, ac deinde temperanda, atque exacuenda; ita tamen, vt in eandem planam, vt dixi, lateris QZ, superficiem exæquetur pariter cum orichalco, chalybis YZV superficiecula; nec ex ea parte vnquam admoueatür coticulæ, cum exacuatur, sed tantummodo ex altera opposita, quæ posterius est versùs T, ac etiam ex parte vtriusque lateris TYV, & ZV; vt semper sit cuspis V in linea fiduciæ, quemadmodum iam dixi.

Secundò

Secundò geminæ fibulæ vt M, & M, etiam ex orichalco, ferè semidigitum latæ, & conuenienter crassæ elimentur, explanentur, & læuigentur, forma saltem interiùs perfectè quadrangulari, atque ita capace, vt radium *num. 1* descriptum ad iustam mensuram inclusum amplectantur, & cùm repositæ fuerint, atque firmatæ in proprijs sedibus (de quibus interiùs *num. 4*) non nimis arctæ, neque nimium laxæ, eundem facili, ac vbique pariter libero lapsu, placidè non subsultim excurrentem contineant, regantque, ne huc atque illuc titubanter actus, perturbato motu ductum similiter contortulum delineet. Præterea vtrique fibulæ bini ex ipsamet hinc inde dispositi in directum adhæreant styli NP, ab radicibus quidem in N quadratuli (quantum postulabit profunditas, permittetque flexus circularium crenarum, de quibus postea *num. 4*) deinceps autem vsque in P teretes; spirali tamen stria conuenienter secti, & verlatilia comparia cochlidia O, & O, arripentes.

Tertiò tabella orichalcea (ita conuenienter crassa, vt in operatione omnino firma sit, ac minimè flexibilis) optimè explanetur, læuigetorque, tali forma, quali hoc schemate exprimitur; tali verò magnitudine, vt radiorum Zodiaci figuram ferè palmarem capere possit. Vt verò in eam ipsamet radij Signorum ex figura *prop. 39*. constructa conuenienter transierantur, describatur in primis recta CD, tanquam futurus axis instrumenti: atque vt circa eam instrumentum ipsum moueri possit, in vtraque eiusdem extrema parte, videlicet in C, ac in D, emineat paruula in modum semicirculi resecta lamina, affabrè copulata, orthogonalis tum ad planam tabellæ superficiem, tum ad ipsum axem CD, secundum quem etiam ita, subtiliter dicta vtraque lamina terebranda est, vt & ambo foramina se se mutuò directè respiciant, vt per eorum centra eadem axis linea CD examutim incedat; sintque hæc ipsa foramina talis latitudinis, vt geminos tornatiles cardines, (de quibus *num. 5* dicitur) admodum tenues, velut gemini poli admittant.

Iam verò in eadem recta CD, interuallo ferè sesquidigitali ab D, sumatur F pro centro instrumenti, ac describendæ in eo figuræ radiorum, ex quo ad ipsam CD perpendicularis ducatur radius Æquatoris FE, quem in E, id est ad oræ maginem ferè extremum, secet arcus LK, ex F centro descriptus: huic verò alter æqualis diametri arcus in figura radiorum Zodiaci *prop. 39* constructa, describatur ex Beiisdem centro, secans in *d* quidem, verbi gratia, Æquatoris radium, & vtriusque Tropici in *a*; reliquos verò intermediorum Signorum radios in *b*, & *c*: interualla enim earum sectionum ex puncto *d* sigillatim circino aperto sumpta, eodem transferenda sunt in instrumenti huius arcuum LK hincinde à puncto eius Æquinoctiali E versùs L, & K.

Imò non tantum puncta pro Signorum initijs in arcu LK notanda sunt; sed velim etiam in eo distingui singulos Zodiaci gradus, quantum fieri poterit, spectata instrumenti magnitudine: facile autem erit ex eadem

figura

figura *propositionis* 39 singulorum (si eos illa habeat) graduum radios initia Signorum excerpere, pariterque in arcum nostrum LK transferre. Singulis verò graduum punctus hoc modo accuratissimè notatis, describantur alij quinque arcus ipsi LK concentrici, interuallis ab inuicem talibus distiti, vt conuenienter secundùm instrumenti magnitudinem distinguant interiectis (vt moris est) lineolis primò singulorum graduum areolas; tum denis quibusque gradibus respondentia interualla duplici ordine, propter duplicem numerorum ordinem; ac denique integris etiam Signis respondentia spatia, duplici quoque ordine, propter duplicem etiam ordinem characterum Signorum ipsis inscribendorum: porro radij ad Signorum initia, vel etiam ad graduum decades, inde à centro F integri exarentur.

Volo tamen, vt post areolas graduum, numerorum, &c. primi ordinis, relinquatur locus incisuræ AB, de qua *sequenti num.* dicam; mox autem post incisuram sequatur alter graduum, numerorum, & characterum ordo. Denique lineis omnibus, cæterisque, vt decet, eleganter exaratis, tabella ipsa orichalcea refecanda est secundùm arcum LK, & eiusdem ita cæsæ limbulus superior læuigandus est, vt in eo etiam exarentur quasi reflectæ singulæ graduum (qui in arcu LK distincti sunt) lineolæ addito etiam quintarum, ac decimarum, &c. aliquo discrimine, quo ad faciliorem numerationem, cùm opus fuerit, dignosci queant.

Quartò fibulis superiùs num. 2 confici iussis, parandæ sunt conuenientes in instrumento sedes. Itaque ex F centro describatur arcus AB non longè ab extremo tabellæ labro LK, videlicet statim sub graduum notis, & primo numerorum atque characterum ordine, vt paulò antè dicebam, ac secundùm eius ductum ita infecetur tabella orichalcea, vt vna per omnes Signorum radios regnet arcuatim incisura tanta latitudine, ac longitudine, vt ~~transmissis~~ per eam binis, vnius fibulæ, stylis N, & N, possit fibulæ ipsa liberè meabilis, secumque deferens insertum radium ambulatorium, aptari ad quemlibet Zodiaci gradum, & contortis à tergo cochli dijs O, & O, in optato situ confirmari.

Alteram huic similem, & modo non multùm dispari meabilem fibulam excipient binæ in I, & H propè centrum F, hincinde dispositæ incisuræ, etiam ipsæ arcuatim ductæ circa idem centrum F, interuallo quod statim dico; aperto circino sumatur interuallum, quo in radio ambulatorio linea fiduciæ XV ab vtraque hincinde angulari linea QY, & RZ, dirimitur, videlicet interuallum XQ, siue XR; & eodem interuallo describatur ex F centro circulus qui interiorem concavum crenulæ vtriusque circuitum terminet; nam ex *num.* 2 suppono internam capacem latitudinem fibulæ ipsæ crenulis committendæ, æqualem esse latitudini dicti radij, id est toti rectæ QR, cuius medietatem XQ assumpsis in semidiametrum descripti modò circuli. Externum ambitum crenularum designabit alter circulus interiori concentricus, sed ab eodem tantùm distans, quantum postulat

postulat vtriusque styli N crassities; illorum quippe latitudini commensuranda est crenularum latitudo: earundem verò longitudo tam versùs G, quàm versùs radium Æquatoris F E extendatur, donec fibulam eis creditam sinant, saltem in vtriusque Tropici radium, modò hunc, modò illum sic directè obuerti, vt rectos cum eo angulos efficiat; aliàs enim non posset radius ambulatorius ad Tropicos filiti, nec consequenter eorum conicas sectiones describere.


Quintò cardines (quos opto esse ferreos siue chalybeos; ac vt etiam *número 3* dicebam, non admodum tenues) circa quos instrumentum circũuoluatur, tali modo disponi conuenit, vt ad varias poli supra data quælibet horologiorum plana, eleuationes, prout occasio tulerit, aptari possint, ac firmi consistere. Ego quidem negotium hoc totum relinquo peritiæ, ac ingenio cuiusque, ratus esse mihi satis si ea solùm, quæ præcipua sũnt indicauero: dicam tamen qua arte eos cardines ipse disponam.


In primis igitur geminas è ferro seu chalybe laminas planas K P, & L S ita comparari decet, vt & suus cuique cardo tornatilis prominens adhæreat in P quidem paululum productior, in S (autem breuior) & vtranque pariter penetret longior crena, qua meabilem elicam clauem latiore capitulo instructam vt M, & N excipiat. Huiusmodi clauem elicam seorsim in Z designatam cernis; eius verò quadratam feci eam partem, quæ in regulatum A G, tum B H (de qua mox) crenam inditur: & quidem ad mensuram latitudinis ipsius crenæ; idque ne intra eam rotetur dum a tergo torquetur cochleola; sicut è contrà rotundam feci seu cylindricam alteram, eiusdem partem, quæ crenæ K P, itemque L S respondet; vt scilicet cardini non solùm adducendo, reducendoue (vt statim dicetur) sed etiam in primis inclinanda secundum poli eleuationem, librum motum permittat.

Deinde geminas etiam regulas ligneas, antica saltem parte perfecte planas A G, & B H, breuiorem hanc, longiorem illam, in asserem optimè explanatum depactas sic inferi iubeo, vt in eo ad angulos æquales stent firmiter erectæ, & quidem tali modo ad se ipsas versæ, vt vtriusque plana antica superficies; quasi in vno simul ambæ essent plano, regulam rectilineam transuersim vtrique simul applicitam ita contingat, vt eidem penitus coæquetur.

Easdem insuper regulas ita infecari volo, vt à summo ad imum ferè, ductis crenis æquè peruia, admittant etiam ipsæ iam dictam vtranque elicam clauem meabilem, contorta, cum opus fuerit, à tergo cochleola constringendam; hac enim arte faciliè attollo, vel deprimò vtrunque simul cardinem P, & S, vel alterum tantum, prout longitudo styli, & poli supra horologij planum eleuatio postulat; eosque si nimium ab inuicem distauerint admoueo; vel remoueo, si proximiores fuerint, quàm exigit longitudo axis C D, simul cum instrumento, ipsis imponendi, atque ad placitum eximendi, ipsis interim cardinibus prorsus immotis, ac inuariatis.

Item





Item hac arte eisdem (quod semper necessarium est) ad mutuū di-
rectum aspectum perduco, ac demum in debito situ collocatos adacta, vt
dixi, à tergo clauis elicæ cochleola, confirmo, ne deinceps moueantur, do-
nec perfectum fuerit optatæ delineationis opus; si enim aliquando ante
finem operis, ex quadam occasione, velim instrumentum ab ipsis cardini-
bus deponere; axem CD tantulum moueo versus cardinem superiorem
 P , quem in hunc usum feci altero longiorem, & de industria non totum
indidi in polum C , vt huic motui axis, aliquantulum spatium tribueretur,
quantum videlicet sufficit, vt cardo inferior, ac breuior S , polum D eo-
dem motu recedentem deferat: cum enim deferuit, axe paululum decli-
nato, ac iterum, vt effluat, leui manu attracto, cardinem etiam superio-
rem P , è polo C eximo.

Sextò delineaturus parallelos Zodiaci, ipsamque lineam Æquinoctialem,
ac deinde lineas horarias, in aliqua tabula ænea, vel lapidea, aut simili, mo-
bili quidem (vt communiter fiunt horologia minora) sed post comple-
tam delineationem collocanda ad Solem in tali, vel tali situ, siue cum in-
clinatione, aut declinatione, siue non: tabulam illam in assero plano (de
quo paulò antè dictum est) colloco sub instrumento, inter duas erectas
regulas AG , & BH ; eamque ibidem confirmo, ne moveatur, donec com-
pleta fuerit delineatio saltem Signorum, mox duo obseruo.

Primum est, vt punctum F , centrum videlicet instrumenti, respondeat
examussim illi puncto loci, in quo postmodum futurus est vertex styli fixi
ad angulos rectos, verbi gratia in E (ipsum verò stylum seorsim delineat-
um cernis in X) id verò obtineo aliquo ex præceptis hoc ipso libro tradi-
tis *prop. 2.*

Alterum est, vt axis CD , cum subiecta horologii superficie plana efficiat
angulum polaris supra ipsam eleuationis, quam quidem suppono mihi
esse notam; aut si eam ignorauero (vt in superficiebus declinantibus, aut
inclinatis communiter contingit) eam prius addisco, *per aliquam ex propo-
sitionibus huius libri à 22. vsque ad 29;* vel alio modo.

Quod si aliquando superficies mihi ad horologium delineandum pro-
posita fuerit non plana, sed concaua, aut conuexa; tunc sumo eleuatio-
nem polarem supra planum, eandem superficiem concauam, aut conue-
xam contingens in puncto, in quo stylus ad angulos vndique rectos erigen-
dus est, veluti in E . Itaque polaris eleuationis supra horologii planam su-
perficiem, vel supra planum eandem, vt dictum est, contingens mihi co-
gnitæ angulum designo in charta crassiori, ductis videlicet duabus rectis
eum continentibus, deinde chartam ipsam secundum easdem rectas ac-
curatè refeco, reflectam verò ita applico, vt vnum eius latus cum plana
horologii superficie, vel cum plano eandem, vt dictum est, contingente
congruat, ac per E locum styli transeat; alterum verò eiusdem chartæ la-
tus transeat per centrum F : si enim huic ipsi lateri chartulæ sic applicito
congruat simul centrum F , & totus axis CFD , erit hic sine dubio in de-

bita eleuatione supra subiectam horologij superficiem.

Septimò instrumento hætenus constructo, & suis iam cardinibus debite imposito sic vti licet. Fibulis in paratas crenas insertis, radius ambulatorius committatur, tali modo, vt ea eiusdem facies, in qua exarata est linea fiduciæ XV , superficiem planam tabellæ instrumenti tangat optimè illi cohærens; cuspis autem V deorsum in horologium respiciat; deinde conuersis in hanc, vel illam partem fibulis, perducendus est ipse radius ad quemlibet optatum Zodiaci gradum, verbi gratia, ad primum gradum Cancrī; tunc verò eum reuera attingere censendus est, quando linea fiduciæ eundem in limbo reflexo LK (vt dictum est num. 3) notatum continget; ac tunc quidem confirmatis in eo situ fibulis, & instrumento inclinato versùs horologij partem dexteram, vt Q verbi gratia, permittatur sibimet radius, vt placidè suo motu excurrat ad læuam versus V ac T donec eiusdem horologij planum delibet summa cuspidē, mox enim manu dextera eleuante instrumentum, sinistra verò, si opus est, radium repellente, recurret ille paulatim in suas fibulas, & cuspidē interim planum continuè scalpente, cū ad maximam instrumenti eleuationem ventum fuerit, læuam paralleli Cancrī partem integrè descripserit: eiusdem verò residuam partem dexteram describet, conuerso in læuam instrumento, ipse enim tunc in dexteram exurret. Quod dico de parallelo Cancrī, intelligendum est de alijs quoruncunque Signorum &c. parallelis; nec est quod in istis immorer.

Solum dico, radio ambulatorio ad principium Y seu Δ , vt hic videre est in YFV , collocato describi non arcum, sed per 19 & huius lineam rectam, vt QVT ; ad ipsam verò si perpendicularis ducatur per E locum styli; erit hæc, linea styli, seu Meridiana istius plani propria vt EI , secans ipsam Æquinoctialem in I (siue ea sit simul Meridiana loci, siue non) in qua etiam extensa inuenietur horologij centrum horarium R , ducta secundum axem CD recta eandem secante in R , cū autem iam habeamus centrum horologij R , ac lineam Æquinoctialem, & styli tum locum E tum longitudinem EF ; nullo negotio construere potest horologium Astronomicum (siue aliud quoduis) per ea, quæ de eorum constructione habentur hoc ipso libro. Plurima alia dicere possem de vsu huius instrumenti, sed ea facillè colligentur ex dicendis tum sequenti prop. tum libro 3, cū de vsu Meridiani mobilis agetur.

Demonstratio.

Demonstratio huius propositionis inde conficitur, quod cū axis CD in situ axis Æquatoris debite collocatus fuerit respectu horologij; & similiter instrumenti centrum F collocatum fuerit in situ centri Sphæræ, hoc est in vertice styli, tabula ipsa instrumenti circa cardines, vt supponitur, debite dispositos mota, respondeat successiue varijs ac varijs Meridianis

ridianis, idest circulis maximis per polos *Æquatoris* incedentibus eisdemque transeunter representet. Et quia in eadem instrumenti tabula, radij seu gradus Signorum secundum legitimas eorundem declinationes, distincti sunt, linea fiduciae in radio ambulatorio exarata, atque ad primum gradum $\overline{\sigma}$, seu γ , &c. collocata, ac per centrum F, seu per styli verticem transiens, refert eiusdem *Cancris*, & γ , &c. radium; eadem autem circumducta circa axem CD describit ad verticem F duplicem conum iuxta dicta *propof. 15 libri primi*; at verò per fibulas, simul cum radio commensuales remeans, cuspidis motu iam ex duobus, ut patet, composito, sectionem conici inferioris in plano designat. Eadem est ratio de alijs similibus conicis sectionibus. Cum autem in *Æquinoctiali* (ut in *schemate* expressum vides) constituitur linea fiducialis, ea quidem, motu circa axem CD, describit superficiem *Æquatoris* planam per *14 primi huius*, at verò per *19 eiusdem*, cuspidis planum continuè radens describet lineam rectam veluti sectionem communem duorum planorum, *Æquatoris* videlicet & horologii. Et ita rectè figuram radiorum *Zodiaci* in aliam &c. quod fuit &c.

Propositio XLVIII.

Eandem figuram radiorum Zodiaci in aliam adhuc instrumenti formam, ad quemlibet opati paralleli arcum, in muralibus maioribus horologijs siue planis, siue non planis designandum redigere.

Quatuor, è Nuce, aut Pyro affabrè dedolata, regulæ VX, VN, NM, MX, vnum ferè digitum crassæ, duos autem latæ, conuenienti longitudine, ut *Æquatoris* radius FL (de quo postea) sit saltem duorum, vel, si ita placuerit, trium ferè palmorum; confertis inuicem capitibus tali arte connectantur, ut in vno æqualiter plano consistant; & quinta regula T utriusque angulum in M facienti, videlicet MX, & MN, optimis ac firmis commissuris copulata eundem angulum M, quem subtendit, ceterosque simul in eodem semper statu contineat, ne qua iniuria violari possint. In regula XV disponantur fibulæ seu poli, eo modo, quem latius explicabo *libro 3 prop. 29 & 30*; vel facilius, & minoribus impensis *prop. 52*. Centrum eligatur in axe XV, sitque verbi gratia F: sed omnia, quæ spectant siue ad centrum laminula *onchalcea* muniendum, siue ad gradus *Zodiaci* in regula MN distinguendos; fiant accuratè iuxta leges tradendas *lib. 3 prop. 28*: sed & gradus quadrantis circuli pro polaribus elevationibus determinandis, quasi ex centro F descripti, notandi sunt in latere XM, & in ML, videlicet ab X vsque in L, id est ab axe vsque ad *Æquatorem*; suppono enim radium *Æquatoris* FL, regulam NM secare in L, à

dio ; sed ne forte dum contorquetur cochlidium ; clavis ipsa elica gyros agens vim contorquentis deludat, operæ pretium est in regula K G ex vitro que latere patentis rimæ incidi quendam veluti canaliculū, qui sibi ad iustam mensuram commissum clavis elicæ capitulum quadratum contineat cohibeatque simul clauem, ne vt dixi, vim contorquentis effugiat. Sed & à tergo, cochlidio constringenti supponere necesse est, ferream laminam crathorem in quam primò cadat vis cochlidij, & eadem mediante cadat etiam in regulam ED (quod pariter intelligendum est in alijs similibus) vt dixi, cum altera videlicet KG firmiter constringendam.

Regula ED, firmissimè committatur, seu etiam clavis pluribus copuletur lignæ moli velut cubicæ C perforatæ, & recipienti clauem aliam elicam habentem à parte inferiori capitulum (vt paulò ante in simili dicebam) quadratum ; hæc verò eadem clavis desuper committatur tigillo solidiori BA infecato, & fissuram alijs iam antea dictis similem habenti, committatur inquam, & cochlidio desuper validè contorto firmetur simul cum regula DE, ac reliquis eidem, licet mediatè, adhærentibus : ipse demum tigillus BA, ex parte A firmiter depactus in murum reliqua parte emineat supra locum, in quo designandum est horologium, & ante illum retineat instrumentum pendulum, quod modò descriptum est.

Superest instrumento ita librato debitum situm, futuræ nimirum delineationi conuenientem tribuere, quod quidem in hunc modum præstare ego soleo. Primò. antequam etiam tigillum AB muro committam, suppono stylum in O verbi gratia fixum ; sed quò rem totam commodius peragam, ita fixum, vt eum postmodum amouere possim, quod facile est multis modis, sed hoc præcipuè : si videlicet ipse stylus extrema sui parte, versùs O striatus sit in cochleam ; cochlidium verò eidem compar ferreum inhærescat muro altè implicatum gypso tenacissimo, pandens tamen in ipsa horologij superficie os liberum, cui nimirum lentis conuersionibus stylus inferatur. Stylo autem sic inserto, die, verbi gratia, 28 octobris anni 1645, lucente Sole vmbram, quæ in paratam horologij superficiem cadit, toto tempore, quo in eam cadit, diligenter noto per interualla varia, saltem tria, scilicet cum primùm umbra in eam superficiem cadit, & paulò antè quàm ab ea recedat, atque in medio, alicubi, sicut dixi *propositione* 28, & 29 *huius libri* & dicam *sequentis libri prop.* 38.

His suppositis, & notatis accuratissimè ternis, vt dictum est, vmbrarum punctis ; consulo Ephemerides, & cognito Solem die 28 octobris anni 1645, versari in gradu 5 Scorpi, cum 16 minutis, præter aliqua secunda, quæ facile spernere possum ; in instrumento meo Signifero gradum 5 Scorpij (qui necessariò est inter L & N) cum 16 illis minutis, peculiari nota, deletili tamen, insignio.

Deinde stylo existente in loco suo, vt priùs, cum eius vmbræ, die 28 octobris signatis punctis notabantur, duas regulas ligneas (etiam duas arundines, aut simile quid obuium) assumo, alteram quidem stylo per-

fectè

fectè æqualem videlicet à loco eius in superficie horologii, seu ab ore cochlidij O, vsque ad eiusdem verticem (quem intelligo esse in centro globuli, vel stellæ, aut similis vmbrosi latioris, siue iam connexi cum ipsa styli virgula siue postmodum, vt fortè tutius est, addendi) alteram verò longiorem, cuius vnum caput acuminatum applico summo vertici styli, alterum verò non minùs acuminatum applico simul parieti, punctumque contactus in linea Horizontali OS, vel circum circa, noto S; idem autem regulæ caput transfero, deinde in lineam verticalem OY; aut circum circa, altero capite verticem styli semper contingente, & sic noto punctum contactus vt Y.

His peractis stylum cochlidio O eximo; tigillum autem AB muro, vt priùs dixi, committo, & eidem instrumentum appendo; sed vt illud in debito situ collocem, tria obseruo.

Primum est, vt perpendiculum FZ gradum eleuationis polaris supra Horizontem, ab L versùs V numeratum contingat.

Secundum est, vt filum tenuissimum sericum centro F commissum per notam factam in gradu 5, ac 16 min. Scorpj, eductum ac simul cum conuenienti instrumenti conuersione perductum sigillatim ad terna vmbrearum puncta priùs, vt dictum est, notata, illis omnino conueniat.

Tertium est, vt centrum F sit præcisè in loco in quo priùs erat styli vertex, quod quidem ex eo cognoscetur, si regula illa lignea seu arundo (de qua paulò antè dictum est) stylo æqualis, ex vna parte centro F, ex altera verò ori cochlidij O applicetur: sed hoc non sufficit; debet enim altera regula (de qua etiam simul paulò ante dictum est) puncto S primùm, ac deinde puncto Y, ex vna parte; ex altera verò centro F applicari: si enim centrum F verticibus duarum regularum sic applicatarum optimè congruat, erit præcisè in loco vbi primùm erat, & postmodum etiam repouendus est styli vertex.

At verò cùm tria illa iam explicata debità conuenerint, videlicet primò gradus eleuationis poli cum perpendiculo FZ; secundò tria vmbrearum puncta cùm filo, à centro F per 5 grad. & 16 min. Scorp. producto; tertio centrum F cum vertice dictarum regularum, seu (quod idem est) styli; erit instrumentum in debito situ, atque in eo tunc omnia confirmanda, videlicet clauis elicæ ambæ in E, & supra C, ac etiam tigillus BA in muro ex parte A, addita etiam si opus fuerit regula aliqua siue fulciente, siue retinente ex parte B. Quod totum relinquo ingenio Horographi. Instrumenti ita dispositi beneficio facillimum est, filo ex centro F educto per Signorum initia in regula MN notata, eorundem arcus in superficie horologii, siue plana, siue non plana designare; modum autem vide clariùs expositum libro 3 prop. 46, & 47.

Arcubus autem Signorum, simulque linea Æquinoctiali designatis, imò antequam designentur, instrumento solùm collocato in debito situ, vt dictum est, lineam Meridianam absque vilo Magneticæ acus adminiculo, &

nulla

duo, sed etiam tria, & plura puncta ad lineæ Meridianæ, sicut & ad aliarum quarumcunque designationem, vt decet, fidelem.

Ego denique huius instrumenti ope non solum Zodiaci parallelos, & lineam Meridianam, sed etiam arcus diurnos quoslibet, & lineas quasvis horarias facile describo; sed primò pro arcubus diurnis in regula *M N* diligenter annoto punctum declinationis cuiusque arcus *secundum dicta propof. 45 huius*: pro horis verò Astronomicis designandis instrumento adiungo gubernaculum in *L*, & gubernaculo scalam semicirculi annecto, modo quem dicam *libro 3 prop. 30, & 33*. Sed & Acum numeratricem, vt dicam etiam *eiusdem libri prop. 39* optimè colloco in concursu circuli Meridiani, & Equatoris, vt in puncto vbi in figura est *L*. Nimirum regulas ligneas aliquot ita dispono, vt vna ex illis à pariete producta versus *L*, ibidemque terminata dictam Acum fixam retineat; ipsa verò ab alijs regulis, & sustentetur, & retineatur in eo situ immota: sed hæc peti possunt ex *dicta prop. 39*, seruata proportionem: licet enim situs instrumenti non idem sit ibi, qui hic exhibetur, seruata tamen proportionem, vtrobique perinde se habent omnia; quare hic non immoror, quia illic hæc ipsa ex professo tractaturus sum.


Completa delineatione tigillum *BA*, simul cum instrumento, & reliqua regularum strue, amoueo; stylum verò in os cochlidij *O* inféro validè contorquens, ita tamen vt vertex eidem penitus loci puncto restituatur, in quo prius erat, cum tria illa umbrarum ex eodem cadentium notata sunt puncta: eidem tamen vertici stellam aut globulum, aut simile quid adiungo à quo latior magisque sensibilis umbra procreetur.

Demonstratio.

Demonstratio huius propositionis eadem est, quæ præcedentis; filum enim centro *F* commissum, deinde validè tensum, & lineam rectam efficiens, vt supponitur, ac per Signorum quoslibet gradus eductum, idem præstat quod *superiori prop.* linea fiduciæ in radio ambulatorio exarata. Aliunde verò instrumentum in debito situ collocatum esse, fidem faciunt perpendiculo conueniens gradus eleuationis polaris, & situs centri *F* in vertice styli, ac denique fili per Scorpij grad. 5, ac min. 16 emissi, atque cum instrumento ad terna puncta umbrarum perducti concors cum eisdem contactus: ex his enim sequitur centrum *F* cum centro Sphæræ; axem verò *XV* cum axe Equatoris conuenire; his autem stantibus instrumento circa axem *XV* conuerso necesse est simul motum radium *FL*, videlicet Arietis, & Libræ, planam Equatoris superficiem describere *per 14 primi huius*, reliquos verò aliorum Signorum radios *iuxta dicta prop. 15 eiusdem* ita moueri, vt motu suo describant singuli ad verticem *F* proprios conos. Et quia filum ipsdem radijs debitè applicatum, pro ipsismet reputatur; eius ita circumducti contactus cum superficie horologii, sectionem cuiuslibet Signi optimè designat. Recte igitur figuram radiorum Zodiaci, &c. quod fuit &c.

Scholium





Scholium.

EXistimaui me Horographiæ Gnomoniæ studiosis rem gratam facturum si pro quibuscumque horologiis figuram iam sæpius dictam radiorum Zodiaci, in aliam adhuc faciliorem, & ut puto, omnium quotquot hactenus excogitatae sunt expeditissimam, & pulcherrimam instrumenti formam redigerem, ac exponerem; id verò picta hac pagella prætabo magis quam præceptis scripto traditis, inspecto enim solum schemate quivis artifex modum conficiendi, & Horographus etiam Tyro modum utendi statim intelliget.

A F E sit lamina orichalcea optimè explanata, ac lævigata, crassitiem habens sufficientem, ut incuruari, aut flecti nequeat; in ea autem sumpto puncto A tanquam centro describatur circuli quadrans, vel ferè quadrans E F, & in eius aliqua parte extrema, ut G F sumantur gradus 47 pro figura radiorum Zodiaci, & tropicus quidem Cancræ sit in G, Capricorni verò in F. ac in medio Æquinoctialis, cuius radius A Z. Deinde ad partes E versus C bellè refecetur lamina, ac eidem ferrumine argenteo copuletur C p orbiculus crassior directæ terebra perforandus, ac deinde immisso cochleæ chalybeæ, ut aiunt, masculo quinis vel senis striatæ spiræ orbibus infecandus; huic verò postmodum orichalcea compar cochleolæ D committatur acuminata: quod quidem tali modo fiat, ut axis cochleolæ, eiusque cuspidis, sicut & alterius ex aduerso cuspidis in V ferruminatæ, punctum extremum sit ad amussim in supradictæ laminæ superficie anteriori, ita ut neque supra illam emineat, neque sub illa versus posteriorem superficiem vlatenus deprimatur: præterea sic agatur, ut linea à centro A in B cuspidem cochleolæ CD, per cuspidem V ducta angulum rectum in A efficiat cum radio Æquatoris A Z.

Vtraque iam dicta cuspidem B, & V sustineatur cum suo pariter axe V B, orichalcea rota H I, in laminam quidem A F E (recta, & Æquatori A Z æquidistante crena in B K sectam) inserta, in partes verò æquales 24 pro totidem horis Astronomicis diuisa, & ductis à centro B lineolis distincta, & ad singulas lineolas transfuersis per canthum incisa crenulis, quæ cum opus fuerit, immissam fibulæ L K cuspidem excipere queant, & eadem sic excepta laminam cum rota firmiter in statu optato retinere.

Rotæ axis B V tornatilis globulum ex semetipso habeat M, quem sicut & alium similem videlicet P anceps ad utriusque modulum incauata forceps N N, & O O contortis validè cochleolis a & b pressaprehendat, globulo autem P adhærens forceps Q Q, cochleola c constringente, arcto morfu premat quadrangulum parieti infixum clauum R. Huiusmodi verò forcipes ad placitum longiores effici, vel multiplicari possunt: utcumque res habeat, illis aptè dispositis pendulum retinebitur instrumentum; quod

B b

quidem

quidem in hunc modum in situ debito componetur.

Cochlea D B, & cuspide V, torni modo, rotam axemque stabili pressu complectentibus, vertatur ipsa rota donec in horæ 12 denticulum infecatum mittatur fibula L K, rotamque & laminam eo situ inuariato inuicem copulatas contineat; tum laxata paululum forcipe N N, alijsque (si opus fuerit) moueatur cum toto pariter instrumento globulus M, itaut primò axis V B constituat cum Horizonte angulum eleuationis poli, vel (quod idem est) perpendicularum A T gradum eleuationis poli in limbo Z G E à radio Æquatoris A Z versùs E numeratum, verbi gratia, 42 tangat: ac deinde plana laminæ superficies A F E congruat plano circuli Meridiani: quod quidem obtineri poterit varijs modis hactenus traditis, vt dirigente acu Magnetica, quam pyxidicula Y, vt solet, inclusam, & Horizonti æquidistantem deferet clauulus teres Æ parato in X, vel alibi conuenienti foramini creditus, & vi contorti à tergo cochlidij firmatus.

Cùm hæc duo simul conuenerint, videlicet eleuatio axis V B debita; & situs laminæ sub Meridiano; erit instrumentum conuenienter dispositum, adeoque cochleolis *a, b, c* adactis firmandum. Tunc verò educto ex A filo tenuissimo per planitiem A F E, ac vsque in obuiam parietis superficiem, extenso designabitur linea Meridiana vt *hf*: aliarum autem horarum lineæ singulæ designabuntur pari modo; & solum necesse est, resoluta fibula L K, rotaque H I cum suo axe V B, manente prorsus immota, laminam A F E ad singularum horarum denticulos ducere, & iniecta iterum fibula L K retinere.


Horarijs lineis sic descriptis (vel, si commodius fuerit, antequam illæ describantur) arcus Signorum Zodiaci delineabuntur soluta fibula L K, & lamina circa immotum axem V B circumducta, ac filo educto ex A per singulos Signorum in limbo F G notatos radios, vt iam sæpius insinuatū est.

Stylus ita collocandus est, vt verticem habeat in A, quod est centrum instrumenti, atque adeo totius Sphæræ ex sæpe dictis. Posito autem quod S A sit stylus, & ille sit ad parietem rectus; per S, tanquam per eius locum, incedet Horizontalis linea vt *e k*, & Verticalis S i, quæ erit sectio plani horologii, & Verticalis ad ipsum recti. Centrum horarium dabit linea axis B A sursum versùs *n* producta donec Meridianam similiter versùs *m* productam secet. Lineam Æquinocbialem *f g* designabit extensa per radium Æquatoris linea fili A *f* circumducti simul cum lamina A F E circa axem B A. Capricorni verò arcum dabit etiam linea fili A *b* similiter circumducti sed extensi per radium Capricorni; &c. Quæ quidem omnia iam sunt in superioribus satis demonstrata.

Propositio XLIX.

*In plano, quod Æquatori parallelum est, horas ab ortu,
atque etiam ab occasu delineare.*

HOras ab ortu, & ab occasu simul distinguunt circuli maximi 24, quorum vnus est Horizon, Æquatorem quidem secantes in ijs punctis in quibus eundem secant circuli horarum Astronomicarum: parallelos ve-



rò duos, quorum alter est omnium semper apparentium, alter omnium nunquam apparentium maximus, contingentes in punctis, in quibus eisdem parallelos secant horarum Astronomicarum circuli. Huiusmodi autem circulorum sectiones in plano Æquinoctiali hac arte facillima, & in praxi tutissima designare licet. Describatur in primis per 31 huius horologium Astronomicum Æquinoctiale superius, deinde per 43 eiusdem designentur (si ita libuerit) circa centrum A paralleli Signorum.

Mox linea Horizontalis FG secans ad angulos rectos Meridianam in E designetur vel per 8 huius, vel certè hoc modo expeditissimè. Abscindatur in linea horæ 6 recta AB stylo æqualis, & ex B tanquam centro describatur arcus circuli cuiuslibet magnitudinis, secans eandem horæ 6 lineam in C: in eo autem circuli arcu numerentur gradus eleuationis poli à puncto C versùs D, sitque finis numerationis D: itaque recta ducta ex B in D secabit Meridianam in E, per quod designanda est dicta Horizontalis FG: quia verò ipsa Horizontalis secat lineam horæ 5 à med. nocte in H, verbi gratia, horæ verò 7 à meridie in I, si ex A centro describatur circulus per H, & I; erit is arcus diurnus horarum 14 secans horas à media nocte in punctis H,

Bb 2 X, &c.

X, &c. & horas à meridie in punctis I, K, &c. pari modo describi potest arcus horarum 16; videlicet ex A centro per N, & S, quibus punctis eadem. Horizontalis hinc à media nocte quartam, inde octauam à meridie secat: hic verò arcus secabit; à med. nocte in T, & 6 in V, & sic de alijs: septimam verò à meridie secabit in O, & sextam in P, &c. Præterea ex eodem centro A, interuallo A E describi potest circulus E Z, qui erit parallelus omnium semper apparentium maximus.

Nunc veniamus ad propositarum horarum delineationem. Primò quidem Horizontalis à puncto E versùs G erit linea horæ 24 ab ortu; ab E autem versùs F, horæ 24 ab occasu. Deinde hora 1 ab ortu, erit recta ducta per T ex X; 2 verò, recta ducta per V & Y; & sic de alijs. Ex opposito 23 ab occasu, erit recta ducta per O, & K; 22, recta ducta per P & L; & ita de alijs.


Sufficeret quidem ad istarum horarum delineationem arcus diurnus horarum 14 per I, & K descriptus, simul cum parallelo omnium semper apparentium maximo videlicet E Z; quia lineæ istæ horariæ tangunt omnes hunc parallelum, vt initio propositionis dixi, in punctis horarum Astronomicarum, vnde per ea dicti paralleli puncta, imò ad solum contactum circumferentiæ illius ex punctis K, L, &c. ab vna parte, & ex punctis X, Y, ab altera duci possent horæ istæ ab ortu, & occasu, absque arcu horarum 16, & absque eius punctis O, P, Q, &c. tamen hunc etiam arcum, in descriptione addidi, vt eius quoque vsum indicarem, tam pro hoc plano, quàm pro alijs, in quibus fortè non semper haberi potest parallelus ille semper apparentium maximus; addo etiam quòd si quis noluerit horas Astronomicas integrè designare, sufficiat abundè si arcum horarum 14 per H nimirum, & I transeuntem diuidat in partes æquales 14; similiterque arcum per N & S transeuntem, in partes 16. Numeri apponentur horarijs lineis vt in figura ostenditur.

Denique ex hac, istiusmodi horarum, delineatione in plani Æquinoctialis facie superiori, facile intelligitur, quid in similis plani inferiori facie sit obseruandum ad similes horas delineandas. Imò si lineæ singulæ horariæ supra Horizontalem F G producerentur, esset eadem opera non solum superius horologium, sed etiam inferius descriptum.

Demonstratio.

ERigatur super immota recta A E triangulum A E B, & constituatur ad angulos rectos cum plano horologij. Quia igitur A est locus styli, A B autem est eius longitudo; erit B eiusdem vertex, seu centrum Sphæræ, & recta A B erit axis Æquatoris. Et quia recta E A est portio lineæ Meridianæ; erit ipsum triangulum A E B in plano Meridiani. Quia verò per constructionem angulus A B E, seu C B D est angulus eleuationis poli supra Horizontem; erit recta B E communis sectio Meridiani, & Horizontis, ergo per

per E tanquam per punctum eidem B E, & plano horologii commune incedit linea Horizontalis F G, quæ in hoc plano, utpote ad Meridianum recto, ex demonstratis *prop. 8 huius*, ad Meridianam lineam perpendicularis esse debet. Iam verò quia dicta Horizontalis horam à media nocte 5 in H, & à meridie 7 fecat in I; sequitur parallelum, qui per H, seu I ducitur, esse arcum diurnum, qui incipit à quinta antemeridiana, & completur in 7 pomeridiana; hic verò continet horas 14. Et quia eadem Horizontalis quartam horam matutinam fecat in S, octauam autem ferotinam in N; sequitur propter similem rationem ab S in N duci arcum horarum 16. Et quia per E ductus circulus E Z Horizontalem tangit in E, sequitur eum esse parallelum semper apparentium maximum. Cum itaque horæ ab ortu, atque ab occasu sint ex dictis *prop. 3 primi huius* inuicem æquales, sicut & horæ Astronomicæ; sequitur eas simul cum Astronomicis in toto vnus




diei arcu conuenire, si in puncto Horizontis siue ortiuo, siue occiduo conueniant; conueniunt autem manifestè in punctis H, & I, per quæ dictus arcus horarum 14 transit: quæ ratio etiam valet in arcu horarum 16 per S, & N transeunte. Igitur rectæ per singula horaria puncta huius vtriusque arcus sub linea Horizontali sumpta, vel per singula puncta arcus horarum 14, & per contactum peripheriæ paralleli omnium semper apparentium maximi E Z ductæ, sunt lineæ horarum hinc ab ortu, ut E G, T X, V Y, &c. inde ab occasu ut E F, O K, P L &c. Igitur horas tum ab ortu, tum ab occasu in plano Æquinoctiali rectè delineauimus quod fuit demonstrandum.

Propositio L.

*Horas ab ortu, nec non ab occasu in quouis alio horologij
Astronomici plano, delineare,*

Propositionem præcedentem pro plano Æquinoctiali tradidi separatim ab hac, quam modo trado pro cæteris quibuscunque planis, propter discrimen nonnullum, quod inter ea plana est; quatenus *per 43 huius* in plano Æquinoctiali designari nequit arcus horarum 12, qui est idem cum linea Æquinoctiali: in cæteris autem omnibus designari potest: At



istius ope, addito solum arcu horarum 14, atque etiam horarum 10; mira facilitate horæ ab ortu, & ab occasu in quibuscunque planis designantur per ea dictorum arcuum puncta, in quibus se communiter horæ Astronomicæ, atque horæ ab ortu, & occasu interfecant: quæ quidem puncta pro singulis arcubus, singulis subiectis tabellis indicantur; Cum autem pro omnibus huiusmodi horologijs sit lex ista vniuersalissima in solo Verticali horologio exemplum pono.

Sit horologium Verticale Astronomicum, aliquo ex modis *prop. 34* traditis constructum, cuius horarium centrum A, Meridiana AG, Horizontalis CD, Æquinoct. EF, simul cum lineis horarijs ab centro A prodeuntibus, quamuis necesse non sit eas supra Horizontalem extendere; sint etiã in eodem horologio descripti, *per 45 huius*, diurnus arcus horarum 10 IMH, & arcus horarum 14 RVS, licet non integer; sufficit autem puncta solum notare in quibus illi horas Astronomicas secant, ego autem eosdem proprijs lineis hic designavi, vt magis appareant.

Notatis itaque diligenter ijs punctis in quibus tum dicti arcus, tum linea Æquinoctialis EF horas Astronomicas secant; recurro ad tabellas infra descriptas, & in eisdem quæro, cum qua hora Astronomica arcum horarum

10, & cum qua arcum horarum 12, (ideſt, vt dixi, lineam *Æquinoctialem*) ſecet linea horæ primæ ab ortu (vt ab iſta incipiam) & video ab ea ſecari arcum hor. 10 ſimul cum hora à med. nocte 8, vt in puncto K; arcum vero horarum 12, ſimul cum 7 à media nocte, cuius interſectionis punctum notatur O; igitur per K, & O ducolineam horæ primæ ab ortu.

Ita 2 ab ortu horam ducol per P & L; quia in prima tabella video ab hora 2 ab ortu ſecari arcum horarum 10, ſimul cum 9 à media nocte videlicet in puncto L; cum octaua autem etiam à media nocte ſecari arcum horarum 12, videlicet in P.

Ita etiam tertiæ horæ ab ortu lineam deſcribo per puncta T M, quia ex prima tabella addiſco huius horæ 3 lineam ſecare arcum hor. 10, ſimul cum hora à med. nocte 10; hoc eſt in puncto notato M: & arcum horarum 12, ſimul cum nona à media nocte ideſt in puncto notato T, arcum verò horarum 14 (in puncto quod extra noſtram figuram eſt) ſimul cum hora 8 à media nocte: & ſic de alijs ſimiliter deſignandis per eorundem arcuum puncta conſequentia: quod facile erit, etiam abſque alio interato recurſu ad tabellas.

Quod dictum eſt de horis ab ortu, nullo negotio applicatur horis ab occaſu: nam decimatertia, verbi gratia, deſignatur per O, & punctum arcus horarum 14 (quod vt iam dixi eſt in linea horæ 8 à media nocte extra figuram) quia ſecunda tabella indicat ab illa ſecari arcum horarum 12, ſimul cum hora 7 à media nocte; ideſt in puncto O; & tertia tabella arcum horarum 14, ſimul cum octaua à media nocte. Ita decimaquarta, per puncta I, P, Z deſignanda eſt; quia ex tabellarum indicio compertum eſt ab hac decimaquarta ſecari arcum hor. decem ſimul cum ſeptima à media nocte, vt in I; & arcum horar. 12, ſimul cum octaua à media nocte videlicet in puncto P; ac denique arcum horarum 14 in Z, ideſt ſimul cum nona à media nocte. Et ita de alijs deſignandis pari modo per puncta ſibi met in ſingulis dictis arcubus conſequenter reſpondentia.

Demonſtrationē hīc ſubtexere non eſt neceſſe, tum quia arcus iſti diurni debito modo deſcripti, ſatis euidenter indicant puncta iſtarum ab ortu videlicet, & ab occaſu in lineis horarijs Aſtronomiſ; tum quia ea ipſa, quæ dicta ſunt *hac prop.* facile intelligi poſſunt *ex dictis prop. ſuperiori*; cum enim ſimilibus arcubus diurnis vtraque innitatur eadem neceſſariò eſt vtriuſque ratio, ſeruata proportione.



*Tabula tripartita horarum ab ortu, & occasu quæ Astro-
nomicas interfecant in annotatis arcu-
bus diurnis.*

In arcu diurno ho- rarum 10.			In arcu diurno ho- rarum 12.			In ortu diurno ho- rarum 14.		
ab ortu	a media nocte.	ab occasu	ab ortu	a media nocte.	ab occasu	ab ortu	a media nocte.	ab occasu
24	7	14	24	6	12	24	5	10
1	8	15	1	7	13	1	6	11
2	9	16	2	8	14	2	7	12
3	10	17	3	9	15	3	8	13
4	11	18	4	10	16	4	9	14
5	12	19	5	11	17	5	10	15
			6	12	18	6	11	16
						7	12	17
6	1	20						
7	2	21	7	1	19			
8	3	22	8	2	20	8	1	18
9	4	23	9	3	21	9	2	19
10	5	24	10	4	22	10	3	20
			11	5	23	11	4	21
			12	6	24	12	5	22
						13	6	23
						14	7	24

autem recta per N & O similiter ducta; & sic de alijs.

Alter modus est, si arcum diurnum FCG, in partes 12 æquales, vt prius, diuidamus notatis punctis G, M, O, &c. & nocturnum eiusdem paralleli arcum videlicet FBG in 12 etiam partes æquales diuidamus, notatis etiam punctis F, P, Q. &c. si enim opposita, duorum arcuum puncta lineis rectis connectamus, habebimus, eadem opera, hinc quidem diurnas, inde verò nocturnas horas Inæquales: nam recta per M & P ducta, erit hinc prima diurna, inde nocturna etiam prima; recta autem per O & Q ducta, vtrique secundæ deferuiet, videlicet nocturnæ & diurnæ; & ita de alijs. Imò hoc modo horas Inæquales pro vtraque plani Æquinoctialis facie, superiori videlicet & inferiori designabimus. Siquidem arcus FBG cum alijs pari modo ab Horizontali FEG, reſectis, qui nocturni sunt in facie plani polum Arcticum respiciente, seu superiori; sunt in inferiori id est polum Antarcticum respiciente, diurni.


Demonſtratio.

CUm cætera sint manifesta, solummodo demonſtrandum hinc est, arcus diurnos, nocturnosque ad istiusmodi horarum Inæqualium delineationem, diuidendos esse, vt dictum est, in partes æquales. Id autem ex eo facillè demonstratur, quòd in plano horologii Æquinoctialis, parallelus Cancrì, verbi gratia, cuius arcus diurnus est IKH, nocturnus autem IDH: ita est conica sectio, vt per 43 huius sit verus circulus, quemadmodum & basis, cui æquidistat, id est quemadmodum parallelus eiusdem Cancrì in ipsa Sphæra existens. Hinc autem sequitur parallelum Cancrì, in horologio diuisionem suæ circumferentiæ sortiri similem ei qua idem, prout in Sphæra existens diuidi intelligitur; quia si à vertice coni secundum eius latera, lineæ rectæ (qualis est linea radio-vmbrōsa continuo diurno motu describens eum conum per 15 primi huius) ita disponantur vt basis peripheriam fecerit in punctis cuiusdam in ea factæ, vel intellectæ diuisionis: secabunt quoque simul circumferentiam cuiuslibet circuli, qui fuerit sectio eiusdem coni æquidistans illius basi; secabunt, inquam, efficientque in ea diuisionem similem illi alteri, quæ in basi esse supponitur. At dubium non est, quin arcus Cancrì diurnus in Sphæra, diuidatur ab horis istis Inæqualibus in partes æquales. Est verò centrum illi eidem iam dicto arcui, æquidistare istum alterum, videlicet IKH, qui est in horologio tanquam sectio coni æquidistans basi. Igitur linea radio-vmbrōsa motu diurno transcurrentes æquales partes circuli Cancrì in Sphæra, transcurrent simul partes æquales circuli eiusdem Cancrì in horologio isto Æquinoctiali. Et ita de cæteris arcubus similium parallelorum. Igitur ad horarum istiusmodi Inæqualium delineationem, arcus tum diurni tum nocturni in plano Æquinoctiali, diuidendi sunt in partes æquales, quod fuit demonſtrandum.

Propositio LII.

Horas easdem Inæquales, in alio quocunque horologij Astronomici plano, quod videlicet Æquatori non æquidistet, delineare.

Beneficio arcuum diurnorum horarum 6, vel horarum 12, simul cum arcu horarum 12, qui est linea Æquinoctialis; in quolibet horologio designari facile possunt horæ istæ. Exemplum autem proponam solum in plano Verticali; quia quoad hanc delineationem tum in hoc, tum in alijs



Æquat. minimè æquidistantibus planis, eadem prorsus seruandæ sunt leges. Sint igitur in plano Verticalis horologij per 34 huius descripti, centrum horarium A; linea Meridiana AD; Horizontalis EF; Æquinoctialis autem BC, atque in ea notata puncta horaria, tum à media nocte, tum à meridie vt 7, 8, 9, &c. vsque ad 5 describatur per 45 huius arcus horarum, sex GLH; quem in G secet horæ nonæ à media nocte occulta lineola A 9: & in H eundem similiter secet horæ tertiæ à meridie lineola A 3. Sed & si non fuerit erratum per eadem puncta G & H, transibit Horizontalis EF. Hic modò arcus videlicet GLH diuidendus est non solum in sex, quas continet integras æquales horas, sed etiam in earundem semihoras, vt scilicet optata duodecim horarum Inæqualium in eo; sicut in cæteris arcibus diurnis interualla distinguantur. Fiet autem istius arcus dicta diuisio hoc modo. In linea Æquinoctiali BC à puncto horæ nonæ à media nocte vsque ad punctum horæ tertiæ à meridie, notentur puncta semihorarum quemadmodum integrarum horarum puncta notata sunt per 34 huius. Cum autem ea puncta notata fuerint; rectæ ad ea sigillatim ductæ ex A centro horario, secabunt arcum GLH in partes duodecim; quæ erunt totidem horæ Inæquales ipsius. Iam verò quia arcus diurnus Æquinoctialis,

lis, est etiam horarum 12; itaut horæ istæ Inæquales cum æqualibus in Æquinoctiali conueniant (vt intelligi potest ex dictis *prop. 5 primi huius*) cùm iam habeamus puncta horaria in arcu Æquinoctiali, hoc est in linea BC; lineas horarum Inæqualium facîle per bina earundem puncta hinc in arcu GLH, inde in linea BC notata, designabimus ordine qui infra scripta tabella indicatur. Videlicet, finis duodecimæ nocturnæ, & simul initium primæ diurnæ erit lineæ Horizontalis portio GE: linea autem primæ horæ completæ, Æquinoctialem secabit in puncto 7; id est simul cum hora 7 à media nocte: arcuum verò GLN qui est horarum sex æqualium secabit simul cum hora nona & semis à media nocte. Similiter linea horæ 2 Inæqualis secabit Æquinoctialem BC in puncto 8; arcum verò GLH in puncto quo eundem secat decima à media nocte, videlicet recta occulta, A 10 & sic de alijs. Hora autem 6 Inæqualis semper conuenit cum Meridiana. Duodecima demum Inæqualis, cadit semper in Horizontalis partem occidentalem HF.

Si loco arcus horarum sex oporteat aliquando vti arcu horarum 18; est enim in quibusdam horologijs commodior eius vsus, vt in Horizontali: describitur ille quidem *per 45 huius*; sed necesse est illum diuidere in horas ipsius Inæquales 12; hoc verò facile est, si priùs in linea Æquinoctiali notentur puncta non solum pro horis Astronomicis integris, sed etiam pro singulis semihoris; ductis enim à centro horario lineis occultis per ea horaria, vel semihoraria lineæ Æquinoctialis puncta, secabitur ille arcus in partes 12; quæ erunt totitem eius horæ Inæquales; dummodo vnique earum duodecim partium ipsius arcus, tribuatur ex eis quæ sunt in linea Æquinoctiali, integra vna hora cum dimidio alterius; quemadmodum, singulis horis 12 Inæqualibus in arcu GLH, qui est solum 6 horarum Inæqualium, attributæ sunt ex ijs quæ sunt in Æquinoctiali BC singulæ semihoræ.

Demonstratio.

Cum in linea Æquinoctiali BC tanquam in arcu diurno horarum 12, puncta horarum æqualium rectè inuenta fuerint *per 34 huius*; & horæ Inæquales cum æqualibus in Æquinoctiali conueniant *per 5 primi etiam huius*; sequitur puncta 7, 8, 9, &c. in linea BC esse etiam puncta horarum Inæqualium. Arcus verò diurnus horarum sex GLH qui rectè descriptus supponitur *per 45 huius*, rectè etiam diuisus est in suas 12 horas Inæquales; cùm enim æquales integras sex contineat, vt patet tum ex puncto G in quo secatur ab hora 9 à media nocte, tum ex puncto H in quo pariter secatur ab hora 3 post merid. sequitur singulas 12 eiusdem horas Inæquales æquiualeere singulis 12 medietatibus horarum

*Horæ Inæquales à quibus Astronomica vel earum semisses
intersecantur in annotatis arcubus diurnis.*

Horæ à media nocte.	3	4	5	6	7	8	9	10	11	12	à meridie.	1	2	3	4	5	6	7	8	9	10	11	12
Horæ Inæquales.	12	1	2	3	4	5	6					7	8	9	10	11	12						
In arcu diurno horarum 18.																							
Horæ à media nocte.	6	7	8	9	10	11	12	à meridie.	1	2	3	4	5	6	7	8	9	10	11	12			
Horæ Inæquales.	12	1	2	3	4	5	6					7	8	9	10	11	12						
In arcu diurno horarum 12.																							
Horæ à media nocte.	6	7	8	9	10	11	12	à meridie.	1	2	3	4	5	6	7	8	9	10	11	12			
Horæ Inæquales.	12	1	2	3	4	5	6					7	8	9	10	11	12						
In arcu diurno horarum 6.																							

rarum sex æqualium : atque adeo has ipsas horarum æqualium medietates debite in eo arcu notatas coincidere cum veris eiusdem horis Inæqualibus integris : quod pariter seruata proportionem valet in arcu horarum 18 ; vt scilicet in eo horæ singulæ Inæquales æquiualeant singulis æqualibus horis cum semisse. Igitur rectæ per dicta, tum lineæ Æquinoctialis BC, tum arcus GLH puncta ductæ, sunt lineæ horarum Inæqualium in plano hoc Verticali ; quod fuit demonstrandum.

Præter circulos, quorum hætenus in horologijs Optico-Gnomonicis delineandorum leges, quantum potui, faciliores ac magis vniuersales tradidi; alij supersunt plurimi, qui solent, aut certè possunt in iisdem horologijs depingi: vt circuli Longitudinũ ciuitatum; circuli Verticales; paralleli Horizontis; circuli Positionum, ac præsertim illi qui per initia Domorum cœlestium transeunt; Signa Zodiaci ascendentia; ac demum horæ Inæquales, quæ quindenos ascendentis Eclipticæ gradus distinguunt, quarum descriptionem me daturum promiseram libro 1. *propositione* 5. Sed hæc omnia,

nunc breuitati studens omitto; remitto autem in tertium librum,

vbi de illis omnibus in horologio Catoptrico-Gnomonico

designandis sigillatim dicturus sum. Non erit verò

admodum difficile regulas quarumlibet deli-

neationum in idem excerptas ad horo-

logia Optico-Gnomonica trans-

ferre. Atque ita libro huic

secundo finem

impono.

FINIS SECVNDI LIBRI.



CATOPTRICE HORARIA

Sive

HOROGRAPHIAE GNOMONICAE LIBER TERTIVS.

In quo primùm ea proponuntur, quæ ad Horographiæ Catoptrico-Gnomonicae theoriæ pertinent. Deinde practica traduntur præcepta, & varij modi quibus in quamlibet, & quouis modo dispositam superficiem, ex dato speculi plani tum immobiliter fixi, tum certa lege versatilis positu, projiciantur Sphæræ circuli, ut ita proiecti varios orbium cœlestium motus, radio Solari, vel etiam Lunari Gnomonicè reflexo indicent. Denique miræ quædam, ac noui inuenti Catoptrico-Gnomonicae delineationes explicantur, quæ ad speculi tum concaui Sphærici, aut Parabolici, vel alterius similis; tum conuexi Cylindrici reflexionem, prædictos motus indicare possunt.

PRÆFATIO.



Præcipue sunt Catoptricae Horariae, Opticaeque, communia tum quoad theoriæ, tum quoad praxim; eaque ex primo ac secundo libro peti commodè possunt: sed quidquid peculiare est Catoptricae, tertius hic liber edisserit. Quia verò Catoptrice ista duobus in genere speculis præcipuè vititur, plano videlicet, atque cylindrico conuexo (quamvis sphærici etiam, aut similis concaui usum aliquem interserat prop. 82 ad maiorem operis elegantiam) idcirco duæ possunt huius libri partes præcipuæ (licet aliàs uno tenore, ac numerorum

ordine perpetuo propp. omnes decurrant) distinguui: quarum prior præcepta tradit horarij Catoptrico-Gnomonici delineandi posito speculo plano; altera posito cylindrico conuexo: & utraque suas habet praxes, ut & propriam theoriam, ex qua praxes ipsas demonstret. Ipso autem initio conuenientes definitiones, ac necessaria postulata præmittuntur, non equidem omnino nude, sed additis in gratiam Tyronum, vel etiam (ubi opus esse visum est) discussis rationibus ita postulandi; aut definiendi.

Primæ partis theoriam continent propositiones viginti priores: ipsa namque vigesima ostendit, quomodo (iuxta ea quæ dicta sunt lib. 1 prop. 16, 17, 18) Gnomonica Sphæræ Catoptricæ proiectione horarium Catoptrico-Gnomonicum efficiatur. Sed quia ad hoc necesse prius fuit Sphæras ipsas Catoptricas, saltem aliquas, excitare; quinque omnino, videlicet Polaris, Æquinotialis, Verticalis, Meridiana, & Horizontalis excitantur, seu construuntur modo suo apparenter, a prop. 15 ad 19; præmissis tamen prop. 14 necessarijs ad eas, aliasque similes, construendas legibus: ut autem ipsa earum constructio legitima esse demonstrari possit; primæ septem propp. ostendunt quid singulis accadat circulis in reflexione ad quemlibet datum speculi plani situm.

Præterea propositione 8, & sequentibus quinque, radius reflexus, & umbra à communi stylo cadens, inuicem comparantur secundum rationes gnomonicas, eo fine ut (quemadmodum in præfatione ad apparatus instrumentorum dicitur) attenta radij reflexi natura, solius ope circini, ac regulæ; præceptis lib. 2 ab Optice traditis, strui possint, & demonstrari ab ipsa Catoptrice horologia, in quibuslibet planis, ex quocunque speculi plani positu.

Eiusdem primæ partis opera praxim habentia difficiliorem perficiuntur (ut facilius, & simul accuratiùs fiant) varijs instrumentis, ut peculiari ad eorum apparatus præfatione dicitur. Parantur autem huiusmodi instrumenta, id est, construuntur, concinnantur, debitis notis insigniuntur, &c. a prop. 21 ad 33. Mox eadem a prop. 37 ad 40 conuenienter disponuntur ad usum Catoptrico-Gnomonicæ delineationis: prius tamen prop. 34, & sequenti speculum planum electo ad fenestram loco aptatur; firmatur autem prop. 38; postquam scilicet compertum est radium ab eo reflexum cadere in lineam Meridianam prop. 36 designatam,

tam, & simul in punctum paralleli diurni in eadem Meridiana inuentum prop. 37.

Instrumentorum debitis locis dispositorum vsus Gnomonicus à prop. 41 vsque ad 54 explicatur velut in abstracto (ita vt paucis mutatis quemadmodum prop. 55 dicitur, accommodari, & inseruire possit ipsi etiam Opticæ) mox verò in particulari a prop. 56 ad 74 elegantissimo Astrolabio, quod Romæ in ædibus Eminentissimi Card. Spada fulget; alijsque similiter vbiuis ad eius exemplum ex Horizont. Catoptr. Sphæra designandis applicatur.

Subinde prop. 75, & 76 duo alijs facillimi assignantur eiusdem Catoptrico-Gnomonicæ delineationis perficiendæ modi: & occasione posterioris traditur prop. 77 ars egregia, sic aptè deformandi quamlibet optatam pictæ imaginis figuram in plana, aliaue superficie, etiam irregulari; vt mox ad intuitum ex assignato puncto perfectè reformata cernatur. Postmodum à prop. 78 ad 81, ex alijs etiam Catoptricis Sphæris, Polari nimirum, Æquinociali, &c. horologia concinnantur vsu similiter Gnomonico supradictorum instrumentorū ad ipsa extensio. Denique prop. 83, & 84 in duplici Sphæra Vaga exemplum datur delineationis horologij reflexi speculo plano circa datum axem vnum, vel multiplicem versatili.

Secundæ partis theoria à prop. 85 vsque ad 113 tanquā res noua diligentius discutitur, & fusiùs exponitur: praxis verò reliquis propofit. vsque ad 126 nouo, ac plano miro inuento, Iris reflexa (cuius definitio habetur prop. 111) nō solū exhibet parallelū Æqu. vel Horizontis in quauis intra camerā superficie; sed insuper quolibet momento temporis depingit quemcūque maximum Sphære circulum, in quo tunc Sol existit, siue horariū in omni æqualiū hor. genere, siue Verticalē, aut Positionis, &c. imò Eclipticā ipsam secundum sitū, quē illa tunc habet respectu nostri hemisphærij. Quo fit vt quouis momento temporis distinctè cernatur quis Eclipticæ gradus versetur non solū in Horizonte ortiuo, occiduoue, sed etiā in omnibus alijs Astrolabij lineis; quas eadem Iris simul secat: item vt indicentur Stellarum, & Planetarum exortus, & loca in circulis horarum Astronomicarum, ac etiam in circulis Domorum cælestium, alijsque. Demum libro coronidem imponit prop. 127 idonea ac necessaria in prædictos Catoptrices Horariæ vsus, specula concinnans.

Definitiones.

1. Radius est lux a luminoso diffusa.

Lux apud Opticos non est nisi sensibilis, atque adeo non sine aliqua latitudine; ut enim ait Vitellio *lib. 2. prop. 3.* post Alhaz. *lib. 4. prop. 16.* in minima luce quæ sumi potest est latitudo; quoniam minimam lucem dicimus, quæ si diuidatur non habet ampliùs actum lucis, quia non erit visibilis; sed vtrique pars extinguetur, quia neutra pars eius erit lux, neque apparebit sensui; est ergo in linea radiali secundum quam fit diffusio luminis aliqua latitudo, propter quam inest ei sensibilitas.


Possum ego addere, in linea radiali non solum esse latitudinem sed etià profunditatem; idque propter rationem, quam pro affirmanda latitudine habet citatus Vitell. scilicet quia lux non procedit nisi à corpore quoniam non est nisi in corpore: ex hoc enim patet quòd sicut à quouis puncto corporis lucidi punctum lucis fluit, quod inde propagatum lineam lucis efficit (licet etiam ab vno puncto infinita quaquauerius fluant puncta ex quorum propagatione similiter infinitæ constant lineæ) & à qualibet lineæ eiusdem corporis lucidi fluit linea lucis (& , ut de punctis dictum est, seruata proportionem, infinitæ) quæ propagata superficiem lucis efficit, ita demum à tota eiusdem lucidi corporis superficie, superficies lucis fluit, cuius propagatione moles quædam seu fluuius, ut sic dicam, lucis trinam habens dimensionem exundat, qui quidem dicitur radius.

Optici tamen Vitell. Alhaz. & alij imaginantur in medio radij, seu, (ut illi vocant) in medio lineæ naturalis, siue sensibilis, lineam mathematicam, quam pro radio sumunt inter demonstrandum, ut & ego sumam eorum inherens veltigiis, in meis ad Horariam istam Catoptricen pertinentibus demonstrationibus: atque ut hoc ipsum exemplo magis illustrem sic dico.

Si à solis disco *F G* in speculum *V X* lux incidat inter rectas *F V*, *G X*, aliasque similes per ambitum connectentes Solis ac speculi opposita latera; erit totum spatium dictis rectis conclusum via, qua lux à Sole in speculum propagatur; ipsa verò lux ita propagata, erit radius. Et rursus lux eadem si à speculo refiliens versùs *C* iteratur, & in parietem *K L* incurrens, aream eius *I H* peritundet speculo ipso *V X* maiorem (ut reuera maiorem esse constat experientia; imò eo maiorem, quo maiori interuallo paries à speculo distat; ita ut in amplitudinem *S T* disco *F G* æqualem extendenda foret lux reflexè, si absque sui dissipatione posset in distantiam *B R* ipsi *A B* æqualem propagari) lineæ *I V*, *H X*, aliasque similes vndique latera dictæ areæ speculique connectentes concludent spatium seu viam, qua lux reflexè in obuium parietem propagatur; eam verò sic propagatam pari modo vocant radium; cum hoc tamen discrimine, quòd lucem *X H I V* vocant radium reflexum; sicut incidentem, ipsam *F V X G*.

Et

paulò antè dicebam) lucis propagatione exundans ad angulos rectos fluat, ita vt latera radij rectos angulos efficiant cum lucis propagatæ superficie fluente, (vt dixi) à lucidi superficie: cùm enim facillè supponi possit singulis partibus lucidi æquales ad lucis emissionem inesse vires, quas simul totas & æqualiter exerceant; consequens est, vt dum lucem illæ ante se profundunt, non obliquè fundant, sed directè, & vt dixi per angulum rectum, verbi gratia, si ponatur AB linea corporis lucidi, & ab ea fluat linea lucis quæ primò ad HI , deinde ad KL , mox ad DC propagata radium efficiat, cuius latera sint AD , BC ; ea latera sibi inuicem æquidistant, recta autem erunt ad AB , sicut ad HI , KL , DC ; quia, vt dixi ex hypothesi, lucidum AB totis viribus operatur. Si enim latera radij essent non AD , & BC perpendicularia; sed AE , BF , aut quæuis alia angulos cum AB obliquos efficientia, lucidum AB non operaretur totis viribus, sed diminutis, secundùm rationem, quam habet AG , ad AB : quia enim AG , perpendicularis



ad AE & BF metitur latitudinem radij obliqua lucis propagatione producti AEB ; sicut AB latitudinem directi radij ACB ; ille erit illò latior ea proportionem qua AB maior est, quàm AG : ergo lucidum emittens lucem obliquè, minùs operatur quàm si directè emittat cæteris paribus: ergo tunc operatur viribus diminutis, cùm in argentibus necessarijs vires necessariò commensurentur effectui, sicut reciprocè effectus viribus.


Superest igitur vt propria directi radij figura sit illa, quæ continetur lateribus angulos rectos faciètibz cum superficie lucem profundente; itaut cylindri, verbi gratia, figuram, vel parallelepipedum rectanguli aut prismatis, habeat radius directus, prout luminosi figura circularis, quadrata, triangularis &c. fuerit.

Hunc radij directi conceptum habet Anglus Philosophus Hobs laudatissimus apud Merfennum nostrum *lib. 7 Optice*, vbi eum definit, *Qui secutus plano per axem exhibet in plano secante figuram parallelogrammam*, & quidem *rectangulam*, vt puto omnino supplendum tum ex mente illius, tum ex vi rationis ab ipso adductæ in suo postulato, & hic à me paulò fufius expositæ in gratiam Tyronum.

Itaque, vt ad propositum redeam, quoties mihi de radij seu incidentis seu reflexi assignanda vel metienda inclinatione ad speculum, vel ad obuiũ opacum, sermo erit; solidam radij figuram aut latitudinem nullatenus attendam; sed in reflexione quidem speculi plani pro radijs, verbi gratia, FV , XG , VXH in primo schemate, solùm eorum axes AB , & BR , seu BC , sumam; quandoquidem ex inclinatione axis pensenda est inclinatio radij; neque ad hanc metiendam quicquam confert figura solida. Ob eandem autem rationem etiam in ijs quæ dicturus sum, de reflexione speculi cylindrici

drici, solam in radio considerabo superficiem, siue planam, siue recur-
uam ex infinitis, velut insectilibus, lucis lineis ordine quodam incidentibus,
aut reflexis; vt tunc clariùs definiam. Attamen quando, *ad 3 postulatam*
meum, causam inuestigabo æqualitatis angulorum reflexionis, & incidenti-
æ, eamque è phycis ipsius lucis conditionibus conabor eruere, tunc in-
quam, radij figuram, vel sane latitudinem maxime attendam (saltem
quoad incidentiam obliquam) quia tunc de **radio ipso** non in abstracto,
sed phycè considerato loquar.

2. *Linea incidentia est linea secundum quam lux incidit speculo, vt AB; reflexio-
nis verò linea est ea secundum quam reflectitur, vt BC.*



3. *Punctum incidentiæ est in speculo punctum, quod radius incidens ferit, à quo etiam vicissim repercutiente reflectitur: quale est B in medio plani speculi V X.*

4. *Angulus incidentiæ est ille, quo ad speculum, seu ad planum in puncto incidentiæ contingens, inclinatur linea incidentiæ; qualis est angulus M B A. Et angulus reflexionis ille est, quo similiter ad speculum, seu ad planum contingens inclinatur linea reflexionis, vt est angulus N C B.*

5 Cathetus est linea recta à quovis puncto lineæ reflexionis ad superficiem speculi perpendiculariter ducta,) vt CN, & hic dicitur, Cathetus reflexionis; alter quoque est Cathetus incidentiæ, qui à quovis puncto lineæ incidentiæ ad eandem speculi superficiem perpendiculariter item ducitur vt A M. Itaque iste angulum incidentiæ, ille reflexionis angulum subtendit.

6 Superficies reflexionis ea dicitur, in qua cum linea incidentia, reflexionis etiam linea continetur : qualis est superficies incedens per puncta A C B.

7 *Axis reflexionis est in superficie reflexionis linea recta, quæ ad punctum incidentiæ rectos angulos efficit, cum linea quæ est communis sectio superficiæ reflexionis & speculi, vel plani contingentis speculum in puncto incidentiæ, ut est OB perpendicularis ad PQ, posito quod PQ seu PVXQ sit communis sectio speculi & superficiæ reflexionis antea definitæ.*

8 Gnomon catoptricus, ad similitudinem sciatherici, est linea recta quæ à specu-
lo

lo, siue à puncto incidentiæ ad superficiem horologij ducta rectos cum eadem angulos constituit. Hanc tamen vocem sæpius usurpabimus pro ipso speculo, siue pro puncto incidentiæ tanquam pro præcipua parte Gnomonis videlicet pro vertice; vt pro puncto B in medio speculi V X.

9 Sphæra Catoptrica velut apparenter reflexè excitata, non differt à vera naturali, siue mundana; nisi quòd eius circuli, vel circularum partes situm, & ordinem naturalem minime seruent: sed alium habeant diuersum (quem apparentem vocamus) illum videlicet quem eis tribuit reflexio speculi collocati in ipsius Sphære centro.

Eiusmodi verò Sphære species desumuntur à vario speculi positu plani (cuius hac in re præcipuus vsus est) denominanturque ab eo circulo maximo in cuius plano fuerit speculum; vnde verbi gratia Catoptrica Sphæra Horizontalis dicitur ea, cuius speculum Horizonti congruit æqualiter collocatum in eius plano; & sic de alijs vt dictum est libro primo. Sphære Catoptricæ Vagæ definitionem dabo ad prop. 83.

10 Conicum reflexum voco figuram, quam frusto conii recti quodammodo similem, & quodammodo etiam dissimilem gignunt infiniti ab speculo cylindrico, ex infinitis ab vno puncto incidentibus reflexi radij.

11 Iridem Catoptrico-Gnomonicam voco fasciam lucidam gnomonicè à speculo cylindrico reflexam in cubiculi, vel similis loci diligenter oclusi dealbato pariete, testitudine, &c. refulgentem.

Postulata.

1 Lucis tum incidentis, tum reflexæ, rectæ sunt lineæ.

Euclides in suis opticis suppositione 1 supponit radium visuum ab oculo per lineam rectam emitti; & in Catop. sup. 1 supponit eundem radium esse lineam rectam cuius media obumbrent extrema. In sententia autem Euclidis post magiltrum Platonem radius visuius est radius lucis ab oculo emissæ.

Vitellio l. 2 theor. 1 supponit radios quorumcunque luminum protendi secundum rectas lineas; quod & probat non demonstratione, vt ait, sed instrumentaliter idest experimentis factis per instrumenta.

Alhazen idem supponit l. 1 prop. 14, 18, & 28; & l. 7, prop. 2: vbi & illud probat instrumentaliter.

Ioannes Keplerus paralipomenis in Vitellionem cap. 1 prop. 4 idem probare seu potius, vt ait, declarare conatur quibusdam adductis rationibus quæ apud illum videri possunt.

2 Superficies Reflexionis est ad speculum recta.

Superficies Reflexionis ex Defn. 6 huius continet simul radium incidentem & reflexum: hanc itaque prout vtrunque radium continet, esse ad speculum rectam, vt concedatur, petimus: quamuis enim demonstrabile sit vtrunque seorsum radium esse in aliqua superficie ad speculum recta.

et cum suo catheto (qualis est, *suprà in definitionibys*. Superficies trianguli M B A, itemque trianguli N B C) & licet demonstrabile etiam sit vtrunque simul esse in aliqua vna superficie, *per 2 11 elem.* non tamen æquè facile est demonstrare hanc superficiem, quæ vtrunque simul continet radium, esse ad speculum rectam.


Alhazen. *lib. 4 prop. 13*; & post eum Vitellio *l. 5 propof. 25* id probant exemplariter, vt aiunt, id est per instrumentum.

Vitellio *eadem prop. 25* putat se demonstrare hoc modo. Quia enim lineæ incidentiæ, & reflexionis continent angulos æquales cum perpendiculari (erecta nimirum in puncto incidentiæ) erit vtraque in eadem superficie cum dicta perpendiculari *per 2 11 elem.* Ex quo infert. Ergo & ipsæ ambæ sunt in eadem superficie (videlicet cum dicta perpendiculari) sed hanc consequentiam debet probare; cum non statim constet tres lineas in vno communi puncto se tangentes in eadem vna superficie plana, esse; si enim ita necessario esset, & aliter esse non posset, nullus esset possibilis solidus angulus *contra definitionem 11 11*; neque pyramis, neque conus *contra 12 & 17 defn. eiusdem*. Præterea Vitellio nondum probauerat illam lineam, quam vocat perpendicularem (& nos vocamus axem reflexionis *defn. 7 huius*) esse reuera perpendicularem ad speculum sed solum, *prop. sequenti* vult illud demonstrare: at ibi ego circulum logicum eumque vitiosum, pace dixerim, potius animaduerto; quàm veram geometricam demonstrationem: prius enim concludit superficiem reflexionis esse ad speculum rectam, quia in ea est axis reflexionis ad speculum rectus (quem vt dixi ille vocat lineam perpendicularem) deinde verò concludit dictam perpendicularem (siue axem) esse ad speculum rectam quia est in superficie ad speculum recta, & simul rectos facit angulos cum linea quæ est communis sectio speculi, & dictæ superficiæ reflexionis. Neque deest qui in eodem, quem dixi, logico circulo, oppositam ludat choream dum prius concludit axem reflexionis esse ad speculum rectum; ex eo quòd sit in superficie reflexionis ad speculum recta, & simul rectos angulos faciat cum communi sectione, vt dictum est: deinde verò infert superficiem ipsam reflexionis esse ad speculum rectam; ex eo quòd axis reflexionis ad speculum rectus in ea sit superficie.

Deberet, ni fallor, altera quælibet ex his duabus propositionibus independenter ab altera demonstrari; dum enim altera vicissim per alteram sine noua euidencia sumptam demonstratur, vtraque relinquitur indemonstrata.

Keplerus *paralip. in Vitell. cap. 3 prop. 16* postulatum hoc nostrum probat vnico fundamento, quod ante posuerat *cap. 1 prop. 18*, nimirum quia lux in superficiem illapsa repercutitur in plagam oppositam ei vnde aduenit. vt si in speculo B D C E circa punctum medium A, sint quatuor plagæ, duabus rectis B C & D E se inuicem ad angulos rectos in A secantibus, distinctæ; quas & denotent quatuor lineolæ per B, D, C, E, transeuntes ad ipsum

ipsum speculum rectæ; vel duæ superficies planæ ad inuicem atque ad speculum rectæ; eo modo quo præcipuas quatuor mundi plagas denotant duo circuli maximi per Zenith & Nadir ducti, Meridianus & Verticalis: sitque ex illis superficiebus vna FGHI. Hoc posito vult reflexionem lucis, ex plagâ FI puncto aliquo F incidentis in A, fieri ad aliquod punctum G plagæ oppositæ GH; adeoque superficiem reflexionis (in qua nimirum est linea incidentiæ FA, & reflexionis AG) esse ad speculum rectam (qualis per constructionem est ipsa FGHI) si enim esset inclinata, verbi gratia, versùs plagam E; non esset verum reflexionem fieri omnino ad plagam oppositam (quæ est GCH respectu FBI, vnde incidit radius) quia fieret aliquo modo ad lateralem; qualis respectu eiusdem FBI, est E. Sed hic deside-



rabat aliquis rationem ob quam reflexio fiat necessariò ad plagam oppositam. Ratio autem non est ea quam Kepl. dicta prop. 18 habet, quod pulsus cum sit actio, sit inter contraria; percussui autem quo lux ferit superficiem ex vna plaga, contrarius sit percussus in partem alteram: nam potius verum est, contrarium esse percussum in partem eandem à qua lux aduenit, vt dicam ad 3 postul. lemmate 4. Præterea quæri adhuc potest cur reflexio ita necessariò fiat ad plagam oppositam, vt fieri non possit in plano ad plagam lateralem aliquatenus inclinato, vt accideret si seruata descriptione iam facta plagarum, radius ex F incideret, non in A, sed in aliud aliquid rectæ AD punctum L, & nihilominus reflecteretur vt priùs in G. Cur itaque non possit fieri reflexio in plano sic inclinato, sed fiat necessariò in plano perpendiculari; ratio est quia cum radius ob resistantiam speculi resiliat, resilit necessariò per planum, in quo est maxima restentia. maxima autem est in plano ad speculū recto; quia in illo sit æqualis vtrinque ab omnibus partibus resistantia. Quod quidem facilius intelligetur si radius FA directus (iuxta dicta ad 1 definit.) incidat in A cum quadam latitudine, qua extendatur secundum lineam EAD, & axis eius sit FA: cum enim speculi pars AD, & pars AE resistant æqualiter; radius habens latera inuicem parallela, & ad ipsam EAD perpendicularia, non poterit vi dictæ æqualis

æqualis resistantiæ remoueri à plano quod æqualiter inter E & D erectum est videlicet à plano BFGC.

3 *Incidentia & reflexionis æquales sunt anguli.*

Idest luce ex hypothesi incidente ex F in A & reflexa ex eodem A in G, concedatur angulum reflexionis GAC æqualem esse angulo incidentiæ FAB, & ita in quacunque alia facta hypothesi incidentiæ. Euclides in *Catoptrici theor.* 1 id demonstrat, sed ex facta prius *suppositione* 3, quod nimirum si speculum collocetur in plano supra quod ad angulos rectos stet altitudo aliqua, verbi gratia, CG; vt linea inter A punctum incidentiæ, & B pedes inspicientis comprehensa videlicet AB; ad AC inter idem punctum incidentiæ, ac inum altitudinis erectæ comprehensam; ita erit FB altitudo inspicientis ad GC altitudinem erectam, quæ reflexè inspicitur. Attamen saluo meliori iudicio, perinde esset in ijs triangulis supponere ipsam angulorum æqualitatem, ac supponere dictam proportionem earum linearum; cum perinde fieri possit reciproca illatio.


Alhazen. *lib. 4 prop.* 10, 11, 12, probat experimento facto in organo reflexionis, vt vocat; & *prop.* 18 declarat similitudine, quam petit ex corpore spherico decedente in superficiem, à qua repercutitur. Et tandem addit rationem naturalem.

Vitellio *lib. 5 à prop.* 10 ad 17 idem probat in varijs generibus speculorum, sed instrumentaliter, vt ait. Deinde *prop.* 18 vult demonstrare omnem rem visam per speculum quodcunque (videlicet planum, conuexum & concauum) sub breuissimis lineis comprehendi à visu, idque *per propof.* 5 *eiusdem* vbi ostendit naturam agere in omnibus secundum lineas breuiiores, pro quo & citatur ibidem Euclides in *præfatione suorum Optic.* Et Ptolem. 1 *theor.* 1 *Catopt.* Quo posito *propositione* 19 demonstrat lineas incidentiæ & reflexionis continentes angulos æquales super superficiem speculi plani, vel conuexi esse breuiiores omnibus lineis ab eisdem terminis super eandem superficiem speculi productis continentibus angulos inæquales. Idem generaliter demonstraerat in linea recta, & in linea conuexa, vt vocat, *lib. 1 prop.* 17, & 18. Præterea *prop.* 20 vult probare in speculis concauis æqualitatem angulorum à breuitate linearum; quam tamen breuitatem in eisdem speculis concauis non demonstrauit, licet *prop.* 18 putauerit se generaliter demonstrasse in quocunque speculo: pro qua breuitate linearum in quocunque speculo citatur apud Vitell. *eadem prop.* 18 Ptolem. 4 *theor.* 1 *Catopt.* Similiter Heliodorus Larissæus in *ultimo cap. suorum Opticor.* refert Heronem in *Catoptrici* demonstrasse æqualitatem angulorum incidentiæ & reflexionis per breuitatem linearum.

Clavius in eadem breuia & ipse impegit *lib. 8 Geom. practica propof.* 7. Mitto alios qui in hoc ipso excusationem habere posse viderentur, quod post tot & tam celebres autores errauerint; nisi errorem fecissent suum.

Ioannes Keplerus *paralip. in Vitell. cap.* 3 *prop.* 16 improbat modum probandi æqualitatem angulorum incidentiæ & reflexionis à breuitate linea-

rum; & præcipuè mouetur, quia stellarum imagines cernuntur in lacubus, iisdem repercussuum legibus, ubi tamen comparatio linearum euanescit. Et insuper ex eo quòd hæc ratio valere non possit in refractionibus, cum reuera lineæ continentes angulos incidentiæ & refractionis non sint breuissimæ omnium, quæ ab iisdem terminis ad eandem refringentem superficiem duci possunt; sed nos efficacius hunc ipsum modum probandi conuellemus demonstrantes in ipsismet reflexionibus, lineas quæ continent angulos æquales, non semper esse dicto modo breuissimas; imò specialiter in ipso speculo concauo esse longissimas. Prima demonstratio per sinus procedet, altera geometricè.



Sit speculi hemispherici superficies concaua FBG, ex cuius centro H intelligatur semicirculus FEG ita delineari, ut ad speculi concauam superficiem continuetur cum ea linea quæ speculum in duas æquales portiones diuidit, estque sectio communis speculi, & superficiæ reflexionis. Tum verò in aliquo eius puncto A sit oculus, seu punctum luminosum, ex quo radius incidat B, & ex B reflectatur in C. Suppono autem ad maiorem demonstrationis facilitatem, arcum AFB continere gradus 120, & totidem arcum oppositum CGB: ex quo in primis patet angulos æquales esse tum ad superficiem speculi hinc inde, tum etiam ad axem reflexionis EHB. Sed tamen dico lineas AB, & BC simul sumptas, non esse breuissimas omnium, quæ ab eisdem terminis A & C super eandem speculi superficiem produci possunt: lineæ enim AD, & DC simul sumptæ sunt longè breuiores; quod sic ostenditur.


Contineat sinus totus partes 60; ergo sinus grad. 60 continebit partes 60, min. 57, sec. 41: hic autem bis sumptus pro integra chorda arcus AFB (quem feci grad. 120) continebit partes 103, min. 55, sec. 22; tot ergo sunt partes &c. in linea incidentiæ AB. Hæc itaque simul iuncta cum BC linea reflexionis sibi æquali continebit partes 207, min. 50, sec. 44.

Deinde

Deinde sit altera linea incidentiæ AD per centrum H incedens, & consequenter contineat partes 120 duplicatum sinum. Tertiò sit CG ipsi AF æqualis arcus grad. 15; cuius sinus consequenter sit partium 15, min. 31, sec. 45; & idem bis sumptus pro integra chorda arcus CGD graduum 30, seu pro altera linea reflexionis DC, continebit partes 31, min. 3, sec. 30; atque adeo duæ simul sumptæ AD, DC continebunt partes 151, min. 3, sec. 30. Inde autem evidens est eas à primis pariter simul sumptis AB, BC superari partibus 56, min. 47, sec. 14. Vt verum sit lineas, quæ faciunt æquales angulos ad superficiem speculi concaui esse longissimas omnium, quæ ab eisdem terminis ad eandem speculi superficiem duci possunt; adeo non sunt omnium brevissimæ; adeo non propter brevitatem, natura æqualitatem angulorum affectat in omnibus reflexionibus.

Aliter Geometricè.

SIt A B C portio circuli, qui sit communis sectio superficiei reflexionis, & superficiei Sphæricæ vnius speculi, eamque tangat in C recta D C G: supponatur autem obiectum in puncto A peripheriæ, per lineas A C,



C B visum ab oculo in B collocato ; ita tamen vt anguli B C D, A C G reflexionis & incidentiæ sint æquales. Dico lineas A C , C B esse maximas omnium, quæ in portione A B C duci possunt . Ducantur utcumque A H, H B. Et quoniam angulus A C G est æqualis angulo A B C in alterno segmento ; & eadem ratione B C D angulo B A C; erunt duo anguli C A B, A B C æquales ; & consequenter latera illis subtensa A C, C B æqualia : fiat igitur centrum C ; & intervallo A C describatur circulus A B F E : deinde producantur A C, A H quousque incident in circumferentiam A B F E in punctis E, F: & imaginentur lineæ E B, B F: erunt anguli A C B, A H B æquales quoniam sunt in eodem segmento ; eorumque residui E C B, F H B æquales : sed anguli quoque A E B, A F B insunt eidem peripheriæ A B, & sunt æquales:

D d 2,

ergo

planum continuè tangat ; vt si ex B per A feratur in C, vel ex D per A in E. Hic autem motus vocatur parallelus, velut si fieret per lineam FG vel alià subiecto plano BDCE similiter æquidistantem.

Tertiò potest esse pilæ motus quidam medius, qui scilicet vtriusque extremi particeps, aliquid habeat de perpendiculari, & aliquid de parallelo, huiusmodi autem est motus obliquæ tum incidentiæ tum reflexionis, vt motus per lineas FA, AG, ille enim habet de perpendiculari, quatenus est à linea FG, in qua est punctum F; ad lineam BC, in qua est punctum A: & iste similiter habet de perpendiculari, quatenus est à linea BC, in qua est A; ad lineam FG, in qua est G: & secundùm hoc, vterque similitudinem habet cum motu, qui fit per lineam KA reciprochè aut per FB, ac GC. Item motus per lineam FA similitudinem habet cum motu parallelo quatenus est à linea FB, in qua est F; ad lineam K, in qua est A quemadmodum motus, qui est per lineas FK, & BA: idem cum proportionem dicendum de motu per AG. Sint iam duæ istæ hypotheses.

Primò consideretur pila perfectè Sphærica, quasi nihil habeat grauitatis, seu iuuantis in motu incidentiæ impetum ab externo impellente impressum; seu obfistens motui reflexo: & quasi nihil etiam difficultatis patiatur ex parte medijs diuidendi, siue incidendo siue resiliendo: aut si quid patitur æqualiter in vtroque motu patiatur.


Secundò planum obijciatur pilæ, firmissimum, solidissimum, quod scilicet eius vim incidentis, atque percutientis ita excipere ac sustinere valeat, vt quantum ab ea patitur percussum, tantundem in eam reagat re-percutiens; siue repercussu id solum præstet, vt impetum incidentis nullo penitus modo imminutum, vel debilitatum determinet ad mouendum in contrariam partem; siue aliquid de ipso incidentis impetu extinguat, & vice illius ita extincti impetus, alium æqualem & æquè viuum, sed contrarium imprimat, ac substituat.

Lemma 1.

INter pilam incidentem & planum in quod ea incidit mutua quædam est contrarietas, seu oppositio maior aut minor, ea proportionem qua totalis motus incidentiæ plus minusue habet de perpendiculari.

Quando in planum substratum AB, pila LDON cum impetu cadit, illudque ipsa allisione ferit, est ibi quædam actio pilæ in planum, nimirum percussio: quia verò quidquid in aliud agit, vicissim ab eo patitur; patitur aliquid pila à plano; atque adeo est in pilam reactio plani, nimirum repercussio; quidquid enim ab alio patitur in idem reagit. Quia igitur pila cadendo percutit planum, ab eoque repercutitur & mutua lucta esse non potest absque mutua contrarietate, euidentem est aliquam intercedere contrarietatem & repugnantiam (seu vocare malis oppositionem) inter pilam incidentem, & percussam ab ea planum. Quia verò ea contrarietas seu

oppositio tunc maxima est; quando incidentia est perpendicularis; ut quando ex H pila cadit in D punctum plani AB, per lineam perpendicularem HD, & ea contrarietas paulatim decrescit, prout incidentia à perpendiculari defleat, donec tandem euanescat, & nulla sit; quando nulla est incidentia; cum scilicet pila fertur motu parallelo, ut per lineam MQ ipsi ST æquidistantem: sequitur in quibuscumque incidentiæ obliquæ angulis inæqualem esse contrarietatem, maiorem scilicet in maiori, minorem in minori; idque ea proportionem, qua in quouis obliquo angulo totalis incidentiæ motus, plus minusue habet de perpendiculari. Quia enim simplicem perpendicularem motum per GS, verbi gratia, adeoque maximam, quæ in eo est, oppositionem metitur ipsa GS: motum verò paral-



lelum, & oppositionem carentem à plaga CS in qua est G, vsque in D, metitur recta SD, vel eidem æquidistans, & æqualis MI; sequitur motum obliquum per GD ex utroque compositum, atque adeo ex illo habentem quod opponatur; ex isto autem quod non opponatur habere æqualibus rationibus de perpendiculari, & de oppositione. Ergo pilæ motu perpendiculari per GS incidentis oppositio ad planum AB est ut ipsa GS simpliciter: pilæ autem obliquo motu GD incidentis erit propter compositionem ut GS, ad SD. Igitur &c.

Lemma 2.

Quando incidentia est perpendicularis, planum percutit pila toto impetu: quando verò incidentia obliqua est, impetu diminuto, ea proportione, qua in eius motu minus est de perpendiculari.

Sit pila $L D O N$ cum subiecto ei plano $A B$ (vtrique conueniant conditiones debitæ iuxta præmissas hypotheses) pilæ autem intelligatur à proijciente impressus impetus qualiscunque δ ; eaque hoc impetu ex C emittatur secundum lineam directionis aliquam $C E$, quæ circumferentiam eius fecerit in L , atque in O , incedat autem per centrum I . Cum itaque in pilâ proiecta, & pulsa, impetus δ insit, quo illa defertur motu per $C E$ directo; & hic impetus partes pilæ omnes vniuniformiter occupet; erit quemadmodum in pila quanta, centrum magnitudinis, vt vocant; & in pila graui, centrum grauitatis; ita in eadem pulsa centrum impulsus: imò si pilæ partes ponantur homogeneæ, idem illi erit centrum magnitudinis, & grauitatis, atque impulsus, nimirum I . per id autem centrum incedit linea quædam (vocetur diameter impulsus) circa quam necessariò sunt vndique in pila partes virtutis impulsuæ æquales.

Quia verò quidquid est impressi impetus in pila, vim impulsuam suam exercet secundum lineam directionis, vt $C E$, aliasque eidem parallelas, vt est $G D$; vtpote cum secundum illas motum vrgeat, non autem secundum transuersas: sequitur diametrum impulsus cum linea directionis per centrum incedente semper conuenire: vnde in facta hypothesi lineæ directionis $C D$, diameter impulsus erit $L O$: & pari modo si pila intelligatur proijci ex H per lineam directionis $H D$, quæ circumferentiam eius fecerit in N & D , & per I centrum incedat, diameter impulsus erit $N D$, & ita de alijs.

Demum quia percussio fit non puncto aliquo intimæ profunditatis, sed extimæ superficiæ: punctum cuiuslibet percussionis, est punctum in superficie pilæ, quo illa cum impetu allapsa planum vtrunque ferit, vt D ; sed quando D est simul etiam in diametro impulsus; tunc ipsum D est, & dicitur centrum percussionis; vt accidit quando pila per $H D$ labitur: cum autem per $C E$ incidit, non est D centrum percussionis, sed est O in summitate nimirum diametri impulsus $L O$: & ita de alijs seruata proportione.


Nunc itaque dico primò à pila per $H D$ perpendiculariter incidente, percuti planum $A B$ toto impetu δ . Cum enim in communi collisione, vim impetus sui ad percutiendum applicet pila, necessariò integram δ graduum vim applicat dum percutit illo sui puncto quod est centrum percussionis, vt D ; tunc enim hoc ipso percutit collectis in vnum viribus suis omnibus, quatenus vndique partes impetus omnes, circa diametrum $N D$, æqualiter ad percutiendum vnà incumbunt in D .

At verò è contrà, quia in alio quouis puncto extra centrum percussionis,

non

non ita vigere possunt omnes in vnum collectæ vires impetus; idcirco dico secundo in incidentia obliqua per lineam C E non percuti planum à pila toto impetu, sed impetu diminuto; cùm iam punctum percussionis D, non sit centrum percussionis, vt dictum est.

Dico tertio partes totalis impetus 8, in hac (idè de alijs seruata proportionè) incidentiæ obliquitate ad percutiendum adhiberi eò pauciores vel plures, quo totalis motus incidentiæ CE minùs habet, vel ampliùs de perpendiculari. Id est, cùm in totali motu obliquo per CE, id quod in eo est de parallelo, metiatur recta SE; id verò quod de perpendiculari est, metiatur similiter perpendicularis CS; si hæc fuerit minor illa, pauciores ad percutiendum impendentur partes impetus, & plures supererunt, quæ non impendentur, vel contrà; ea ratione qua est CS ad SE. Cùm enim percussio non fiat, adeoque impetus ad percutiendum non adhibeatur; nisi proportionè oppositionis, quam habet motus incidentiæ ad planum percussum:



quantitas verò oppositionis ex præcedenti lemmate fit in motu CE, vt CS ad SE: sequitur quantitatem etiam impetus ad percutiendum adhibiti in motu CE, esse ad residuam eiusdem partem minimè adhibitam, vt est CS ad SE: igitur hæc percussio fit impetu diminuto, ea proportionē qua minus est de perpendiculari in motu per CE: & ita de alijs. Igitur &c.

Corollarium. 1.

EX dictis hæcenus de applicatione impetus in toto, vel in parte, ad percutiendum; licebit distinguere, in motu incidentiæ obliquæ, duas veluti partes impetus, vnam quæ illum efficiat motum secundum id quod in eo est de perpendiculari; alteram quæ illum ipsum efficiat secundum id quod in eo est de parallelo: quemadmodum in motu perpendicularis incidentiæ totus impetus confert ad mouendum perpendiculariter.

Corollarium 2.

Hinc etiam consequens est, vt quemadmodum totus impetus ad percutiendum applicatur, quando incidentia est perpendicularis: ita, quando incidentia obliqua est; tota quidem ea pars impetus ad percutiendum adhibeatur, quæ seruit efficiendo motui incidentiæ secundum id quod in eo est de perpendiculari: residua verò pars impetus, quæ eidem motui seruit secundum id quod in eo est de parallelo, minimè adhibeatur ad percutiendum: cum enim ad percutiendum requiratur oppositio, & contrarietas: hæc autem ex 1 *Lemmate* sit maior aut minor, prout in motu incidentiæ plus minusue est de perpendiculari; sequitur, vt quemadmodum in incidentia perpendiculari totus impetus motum efficiens totaliter perpendicularem impenditur ad percutiendum propter maximam oppositionem, quæ in eo motu est; ita in incidentia obliqua ad percutiendum impendatur ea sola pars impetus, quæ in motu incidentiæ efficit id quod in eo est de perpendiculari; id est id secundum quod est oppositio: residua verò pars motui seruiens prout habenti de parallelo; percussioni non feruiat: cum vt sic nullam dicat oppositionem inter pilam, & planum.


Lemma 3.

Percussioni repercussio ad æqualitatem respondet secundum vim impulsus, & repulsus.

Quia enim per 2 *hyoth.* quantum à pila incidente patitur planum percussum, tantumdem in pilam reagit planum repercutiens: sequitur passioni reactionem æqualem esse. Quia verò certum est plani percussi passionem, & pilæ percutientis actionem æquales esse (nam quantum pila in planum agit, tantum patitur planum à pila) sequitur actioni æqualem esse reactionem, percussioni repercussionem; per *comm. sentent. Quæ sunt æqualia vni tertio &c.*

Corollarium 1.

ERgo non tantum quando perpendicularis est incidentia; id est, quando iuxta *Lemma 2* toto impetu fit percussio; sed etiam in incidentia obliqua, cum scilicet iuxta idem *Lemma*, percussio fit secundum partem aliquam impetus; repercussio vel totum impetum, vel dictam eius partem compensabit ad æqualitatem, impetu contrario nouiter impresso, vel priori impetu in contrariam partem determinato iuxta dicta in 2 *hypothesi*; ita ut vel totus impetus pilæ, vel tanta præcisè eius pars à plano percusso redundatur, quanta à pila ad percutiendum impensa est.



Corollarium 2.

ERgo etiam pars impetus, quæ in incidentia obliqua feruit motui ut habenti de parallelo, non repercutitur; cum ab ea parte non fiat percussio per 2 *Coroll. Lem. 2*.

Lemma 4.

Vis percussionis, quantum est de se, & nisi impediatur, pellit pilam in partes unde incidit, ac per ipsammet lineam incidentiam.

Quia enim percutiens, & reperiens, se inuicem pro viribus pellunt; eam verò non exercent luctam, nisi prout sibi met opponuntur iuxta Lemma 1; eadem est necessariò inter utrumque linea mutuæ sicut oppositionis, ita pulsionis: atque adeo secundum eam ipsam lineam se pellunt, ac repellunt, secundum quam opponuntur. Cum autem inter duo, ut pilam L D O N, & planum A B, non nisi una esse possit mutuæ oppositionis linea (nam si essent duæ lineæ, non una esset oppositio mutua, sed duæ non mutuæ, quod est impossibile) hæc verò, ut est evidens, ex parte pilæ percutientis, sit linea incidentiæ, ut C E (vel eidem æquidistans G D ad punctum percussionis D terminata) eadem quoque erit ex parte plani reperiens lineam tum oppositionis eius, tum repulsionis actiua, & consequenter impetus eadem repulsione impressi.

Hinc verò sequitur, vi reperiens (quantum quidem fert eius natura, ut dixi, & cæteris paribus, & dummodo non impediatur) impetum percutientis à reperiens retorqueri per ipsammet incidentiæ lineam: sicut de facto contingit evidentiùs in incidentia, & reperiens perpendiculari; in qua nihil est quod impediatur, ut magis dicam inferiùs.

Id ipsum etiam patebit in obliqua incidentia: si planum A B intelligatur moveri oblique, id est partim in frontem, & partim in latus, ut secundum K D G quæ sit linea directionis eius motus: si namque ita motum, offendat & percutiat in puncto D quiescentem pilam (quam, si placet, concipiamus ut indivisibile quid, ne propter molis magnitudinem non possit ei per omnes partes æqualiter applicari impulsus à plano sic oblique pellente; id nempe est quod impediret) illi sine dubio imprimet impetum suo similem, qui scilicet per eandem directionis lineam D G moveatur. At verò quod faceret motu suo, & pulsu planum; facit suo ad pilæ motum repulsi. Itaque si punctum veluti pila moveatur incidens per G D; repellatur à plano A B per D G: quemadmodum per D H perpendicularem pelleretur si planum A B secundum lineam directionis perpendicularem R D H impetu moveretur; & ita pilam quiescentem in D offenderet.


Hinc modò probatur propositum, videlicet angulos incidentiæ & reflexionis æquales esse.

Primò quando incidentia est perpendicularis, ut per lineam H D, angulo recto S D H. Quia enim tunc per Lemma 2. totus incidentis pilæ impetus, ad percutiendum impenditur; in eundem etiam totum feretur vis reperiens, per Lemma 3. Quia verò per Lemma 4. reperiens quantum est de se, & cum nihil impedit, pellit per lineam incidentiæ; sequitur ut quando incidentia perpendicularis est, per eam de facto pellat, quia

tunc

tunc nihil est quod impediat, hoc ipso quod tunc repercussio, vt dictum est, totum incidentiæ impetum reuerberat. Posito autem quòd per lineam DH pila repellatur; angulus reflexionis TDH , seu SDH , est necessariò æqualis cum angulo incidentiæ; imò veriùs vnus idemque est, cum sit vna eademque reflexionis, & incidentiæ linea DH & HD reciprocè ad idem planum AB perpendicularis.


Secundò quando incidentia est obliqua sic proceditur. Quia motus incidentiæ obliquæ ex posita superiùs distinctione triplicis motus, medius est inter parallelum, & perpendicularem, & ex vtroque componitur: impetus autem pars, quæ illum vt de parallelo habentem efficit, non seruit percussioni per *Coroll. 2 Lemm. 2*; atque adeo neque repercutitur per *2 Coroll. 3 Lem.* sequitur eam partem sibimet omnino permitti, vt ex determinatione, quam à primo impellente accepit; moueat ad plagam oppositam ei à qua est incidentia; iuxta dicta ad *2 postul.*



Hoc posito repercussio ius quidem alienum non inuadens finit obliquū pilæ incidentis à plaga CS motum, vi partialis illius impetus, dirigi in plagam oppositam videlicet PT : sed ius tamen suum repetens cogit eundem pilæ motum dirigi ad partes à plano AB tantundem auersas in plaga PT , quantum in plaga CS auersæ erant ab eodem plano partes, à quibus fuit incidentia: id est permittit quidem vt motus reflexionis tantundem habeat de

de parallelo quantum habuit motus incidentiæ; sed simul etiam efficit ut tantundem habeat de perpendiculari quantum ille. Et consequenter motus uterque pariter medius est; & iisdem rationibus de perpendiculari, ac de parallelo participat; id est, si quæ ad parallelum hinc inde pertinent videlicet SE , FT , æqualia sunt; pari modo quæ ad perpendicularem pertinent, videlicet CS , TP erunt æqualia. Ergo si linea motus incidentiæ fuit CE incedens per pilæ centrum I , & faciens cum plano AB angulum SEC ; linea motus reflexi incedens etiam per I , erit FP faciens ad idem planum, angulum TFP , ipsi SEC æqualem; alioqui duo motus non participarent iisdem rationibus de parallelo, & perpendiculari: idem erit si linea motus tum incidentis, tum reflexi sumatur ea, quæ per D punctum collisionis incedit; nimirum GD , & DV . Cum autem hæc ratio æquæ valeat in omni alia obliqua incidentia, probat vniuersaliter angulos incidentiæ, & reflexionis, quando obliqua est incidentia, esse æquales. Igitur & c.

Potest eadem ratio sic etiam exprimi, sit planum AB , & in eo punctum incidentiæ C ; describatur autem circa idem C , circulus $AGBF$, & ex eius aliquo puncto D , incidat pila obliquè per DC , angulo ACD ; reflectaturque in E , angulo BCE . Dico æquales esse ACD , BCE . Produca-



tur DC , donec circumulum secet in G ; similiterque ipsa CE eundem circumulum secet in E : erunt ergo æquales inuicem rectæ DC , CG , CE utpote semidiametri. Si itaque supponatur pila per DC incedens, motum atque offendiculo in C , prosequi usque in G , recta semita DCG ; erit sub linea AB , motus CG non solum æqualis ipsi DG supra eandem AB , ut dictum est; sed etiam erit similis, videlicet æquè obliquus; id est æqualiter cum illo habens tum de perpendiculari, tum de parallelo; proptereaque angulum BCG efficiet, qui ad verticem æqualis sit ipsi ACD per 15 1 *Elem.* Et quia ex demonstratis partialis idem impetus efficit partem perpendicularem motus obliqui tum incidentiæ tum reflexionis; similiterque alius partialis partem parallelam; tantum de parallelo, & de perpendiculari tribuit motui CE , quantum continuata incidentia tribuisset ipsi CG , ergo semita

E c

C E, &

CE, & CG, æquales ad CB angulos efficient; erunt ergo BCE, ACD anguli æquales *per comm. sentent. Quæ sunt æqualia uni tertio &c.*

Quæ de reflexione pilæ dicta sunt, argumēto longè efficaciori transferri possunt ad reflexionem lucis (si ea figuram globosam habere concipiatur, ut dixi initio) impetum enim quo lux mouetur, non ita faciliè alterare possunt grauitas, vel alia (ut ex occurſu medij diuidendi &c.) impedimenta. Igitur luci, ut postulaueram, concedi tutò potest æqualitas angulorum incidentiæ & reflexionis.

Eiusdem æqualitatis angulorum incidentiæ, ac reflexionis ratio redditur etiam è principijs physicis, sed sub alia consideratione radij lucis.

QVandoquidem lucis propagatæ sit aliquando refraction, & aliquando reflexio; faciliè existimare licet aliquam ex parte ipsius esse causam communem refractioni, & reflexioni; quamuis diuersitatis eorum effectuum causa particularis petenda sit ex parte corporum, quæ propagationi diuersimode obſiſtunt. Nam sine dubio lux, siue refringatur postquam incidit, siue reflectatur propter occurſum corporis hoc vel illo modo obſiſtentis eius propagationi; ipsa tamen utrobique, dum incidit, quantum est de se, eodem penitus modo se habet. Sed quia in re omnium maximè viſibili, maximè caligant sicut oculi, ita ingenia; satis difficile est nosse, quo lux incidens modo physico se reuera habeat. Attamen si inter cæteros imaginabiles, talis aliquis modus se habendi reperiatur, qui refractionis, & reflexionis rationibus reddendis pariter accommodetur, faciliè cenſeri potest, illum verè modum esse, quo se lux physicè habet respectu vtriuſque, aut certè longè ſimilior verò, quàm qui non pariter accommodatur.

Cùm itaque varij ſecundùm varias hypotheſes proſequuti ſint refractiones, itemque reflexiones; & utraſque in ſuo genere ſœliciter explicuerint (ſaltem quoad veritatem deductæ conſuſionis, licet fortè non perinde, quoad veritatem aſſumpti principij) mihi præ cæteris arridet radij directi definitio ſuperiùs à me *ad 1. defmit.* relata ex autore Anglo Hobs apud Merſennum noſtrum *lib. 7 Opticæ*; eoque magis placet, quò præcipuè ex ea ſicut ille refractionum, ita ego reflexionum rationes phyſicas, ex parte lucis, reddere me poſſe ſpero: imò ſi quam fortè meus hic futurus diſcurſus ab illius demonſtrationibus lucem accipiat; puto fore, ut & reddat, attento argumentum veritatis principij poſiti eſſe non leue, quòd ex eo æquè faciliè ratio reddatur effectuum adeo diuerſorum, quidquid interim ſit de phyſica lucis entitate; quia enim difficillimum eſt eam penitus rimari, nec mihi circa illam penitus probatur ſententia dicti autoris; ſufficere nunc videtur, ſi talis quædam adducatur eius conditio naturalis, quæ proximè cauſam

derit in H, E descenderit in G; adeoque erit tunc linea lucis EF propagata in GH: & quando idem F venerit in K, E peruenerit in I; eritque tunc eadem EF, propagata in IK; & ita consequenter, prout descendet E in L, erit F in M: ac demum cum E allabetur speculo in N; terminus F eleuatus erit in O; eritque tunc linea propagata lucis in NO: cuius quia tunc simul terminus N percutit incidentiæ suæ motu speculum, atque ab eodem repercutitur; resilit etiam ipse statim, sicut prius resiliuerat terminus F: sed quia motus vertiginis, prima in F collisione inductus, secunda nunc in N collisione comprimitur; linea lucis (quæ iam est in NO) ex vi sui solius impetus feretur, vt prius, motu recto, & radium directum, vt NPQO, efficiet propagata reflexè angulo vt ANP.


Ne verò quæ dixi toto hoc progressu, gratis dixisse videar, do statim singulorum, suo ordine, & gradatim rationes; vt ita demum constet angulum reflexionis ANP non posse non esse æqualem angulo incidentiæ BFD.

Primò sit in linea lucis EF propagatæ vt dictum est, & obliquè incidentis angulo BFD, medium inter E & F punctum *a* quod consequenter *iuxta dicta superius Lemmate 2* sit centrum impulsus eius lineæ, & simul centrum percussionis. Et quia quoties mobile obliquè incidens impingit in aliquid obuium, quod vltiori motus recti propagationi obsistit, illudque ferit puncto sui aliquo; quod non est centrum percussionis; toties ob inæqualem percussionem, ea pars mobilis quæ est vltra centrum percussionis, vi proprii impetus pressa inclinatur (teste etiam ipsa experientia) quasi adnites prosequi motum priorem; altera interim parte (in qua nimirum est punctum ipsam quo facta fuit percussio) resiliente ob repercussionem: vnde fit vt toties etiã perturbetur impetus; id est vt excitetur in toto mobili motus aliquis vertiginis, & quidem eò velocior quò fortior est percussio, ac repercussio. Dum ergo linea lucis EF speculum ferit non sui centro percussionis *a*; sed alio puncto nempe F; pars quæ est vltra *a* videlicet *a* E, inclinabitur versùs speculum: sed parte *a* F ob repercussionem resiliente, perturbato impetu vertiginem concipiet ipsa EF: cum autem ob maximum impetum, quo terminus F incidit & ferit speculum, fortissima sit tum percussio tum repercussio, citissimè vertetur ipsa EF.

Secundò quia prædicto conuersionis motu, aliqua lineæ EF puncta simul cum termino E deorsum, id est versùs speculum, feruntur; & simul etiã aliqua alia cum termino F sursum elata ab eodem speculo recedunt; necesse est motum illum, prout est punctorum eleuatorum atque depressorū, fieri circa aliquod ipsius EF punctum quiescens, ita inquam quiescens, vt ipsum neque eleuetur neque deprimatur. Et quia terminorum EF, aliorumque punctorum à centro impulsus *a* æqualiter distantium æqualis est impulsus (cum ex hypothesi *a* sit centrum impulsus) est etiam æqualis velocitas; ac proinde quantum vrget sursum terminus F reflexè motus, tantundem vrget deorsum incidens adhuc terminus E; quia verò inter vtrumque in medio est *a*, in *a* necessariò completur vis vtriusque; istius quidem

dem efferens, illius autem deprimens: alioqui dicendum esset eodem instanti idem punctum a ab isto efferri, ab illo deprimi; quod est impossibile; sic enim esset a in duobus simul locis. Igitur a est punctum dicto modo quiescens, circa quod cetera vertuntur.

Tertiò vis percussionis terminum F vertigine actum resilire quidem cogit (id est *ex Lemmate 4* impetum eius retorquet quantum est de se) in partes à quibus inciderat: sed quia motus obliquus, utpote medius, ex dictis etiam antea, aliquid habet de parallelo; & consequenter *per coroll. 2 Lem. 2* non totus impetus ad percutiendum impenditur, adeoque residua eius pars nihil patitur à percussione *per 2 Coroll. Lem. 3*: Sequitur cum prædicto motu vertiginis in linea EF aliquid esse de motu parallelo, itaut punctum eius a per lineam rectam ao ipsi AB æquidistantem, moueatur, & pro modo elevationis puncti F ac depressionis puncti E , ex a migret in n & in e , ac mox in m , donec eadem termino E percutiente speculum in N , ipsum a venerit in o . Hinc autem sequitur curvas utriusque termini F nimirum & E semitas $EGILN$, $FHKMO$ cycloides esse; promotum enim per lineam rectam a , terminus F circa illud rotatus describit cycloidis cuiusdam, si non primariæ, ut vocant, saltem alterius in alia specie portionem ascendentem; E verò similiter rotatus alterius cycloidis portionem descendentem, ut facile possem demonstrare.



Quartò dictæ semitæ cycloides, sunt omnino similes & æquales: similes quidem, quia sunt portiones similes duarum cycloidum eiusdem speciei, hoc ipso quod duo termini E, F , vel sunt in eadem circumferentia circuli genitoris, cuius centrum a ; vel æqualiter ab ea distant, cum distent æqualiter ab ipso a , & insuper sunt in eadem recta per centrum incedente: æquales verò etiam sunt eadem semitæ; quia in eadem recta AB (quæ utriusque cycloidis aut basis est, aut basi æquidistat) duos habent terminos N videlicet & F ; reliquos verò duos E , & O habent in sublimi æqualiter ab

ipsis N & F distantes ; cùm ob velocitatis æqualitatem omnimodam in punctis E & F, & propter motum parallelum puncti medij *a* per lineam *ao*; quantum E motu vertiginis descendit versùs N, tantundem F ascendat versus O. Itaque (quod inde sequitur) earundem semitarum subtendentes EN, & FO sunt inter se æquales ; quemadmodum æquales etiam ad inuicem sunt connectentes EF, NO.

Quintò quia motum vertiginis in linea lucis E F excitauerat prima termini F percussio ; eundem compescet, atque extinguet opposita & æqualis repercussio termini E lapsi in N ; adeoque impetu (qui priùs erat turbatus) in pristinũ restituto & sanato, linea lucis in N O propagatæ , prorsus liberatur ab omni rotationis agitatione, ac proinde solus ei iam superest impetus ad motum simplicem rectum, vi cuius, vt priùs, in directum *per factam hypot.* propagabitur, adeoque radium efficiet cuius latera ad ipsam recta sint vt NPQO : hic verò ex dictis *superiùs ad 1 definit.* est radius reflexus, qui cùm efficiat angulum reflexionis ANP ; dico ipsum ANP æqualem esse angulo incidentiæ BFD, quod nunc facillimum est demonstratu.

Quia enim ex demonstratis æquales sunt duæ EN, & OF ; similiterque duæ EF, & NO ; sequitur duo triàngula NFO, FNE, quæ basim etiam habent communem NF, esse æqualia, & habere angulos ONF, EFN ad basim æquales *per 8 1 elem.* Cùm autem ex *facta superiùs hypotthesi, seu ex definit. radij directi*, angulus PNO rectus sit, quemadmodum DFE ; sequitur ANP, BFD hincinde residuos, æquales inuicem esse. Idem autem æquè valet in alia quauis incidentia obliqua. Ergo reflexionis & incidentiæ anguli obliqui, sunt semper æquales. Quod erat probandum.

Nunc verò similiter probatur, quando angulus incidentiæ rectus est, reflexionis angulum esse pariter rectum, atque adeo æqualem angulo incidentiæ : à linea lucidi RS fluat linea lucis ipsi æqualis, quæ propagata radium efficiat, cuius latera RT, SV, ad speculum AB recta sint ; & ita dicta linea lucis incidat angulo recto, feriatque altero sui termino speculum in V ; dico fore vt idem speculum simul etiam feriat altero termino in T. Quia enim RT, & SV *per constructionem*, recta sunt ad AB, & *per dictam hypoth.* ad RS, sequitur *per 34 1 elem.* ea esse inuicem æqualia : ergo eodem momento linea lucis utroque sui termino, imò se tota ferit speculum AB, ipsique congruit in TV. Ergo eodem momento vterque terminus, ipsaque tota incipit reflecti, & æquatis progressionum momentis, nulla (vt in obliqua incidentia) intercedente vertigine propagari. Hinc verò sequitur ab eadem ita reflexè propagata effici radium, cuius latera sicut ad ipsam TV recta sunt *ex dicta hypotthesi* ; ita ad AB recta sint : at hoc posito angulus reflexionis rectus est, sicut angulus incidentiæ ; imò vnus idemque est vtriusque angulus reciproce ATR, siue BVS. Igitur &c.

Monitum.

A Duertis, mi Lector in incidentia perpendiculari nihil esse quod cogat fumi radium, cuius latitudo sit sensibilis; cum tota linea lucis propagata, æquè simul, & tota feriat speculum (vnde pro linea lucis propagatæ ab R S, in T V, fumi poterat punctum lucis Z propagatum per Z Y incidendo, & rursus per Y Z resiliendo) esse autem quod cogat in incidentia obliqua, ubi neque tota linea speculum ferit, neque simul utroque sui termino.

Corollarium

EX dictis de reflexione lucis, seruata proportionem, dato quolibet & cuiuslibet figuræ corpore secundum quemlibet angulum incidente, ratio reddi poterit reflexionis eius; si ad tria attendatur, videlicet figuram, diametrum impulsus, & puncti percussionis distantiam à linea directionis: potest enim ob inæqualitatem figuræ contingere, ut non quali incidit angulo mobile reflectatur, sed vel maiori vel minori. Imò aliquando non ad partes quæ sunt ultra axem incidentiæ, sed ad eas quæ sunt citra. Quia verò in linea directionis quacunque siue incidentiæ siue reflexionis, semper est diameter impulsus; attento puncto percussionis, id est, attenta ut dixi, eius distantia à linea directionis incidentiæ, & attenta dispositione figuræ, statim percipietur quanta inter primam, & secundam repercussionem futura sit, & ad quas partes futura sit agitatio vertiginis, priusquam ineatur reflexa directionis linea. Et insuper intelligetur an reuera post secundam repercussionem aliqua talis iniri possit linea, si attendatur quam habeant puncta vtriusque percussionis dispositionem ad diametrum impulsus: nisi enim hæc duo puncta sint in eadem linea ad dictam diametrum recta, & ab eadem æqualiter distent, vel certè nisi magis distet punctum secundæ percussionis, mobile non reflectetur per vnam directionis lineam, sed in incertum subsultorio motu feretur titubanter. Alia multa circa hoc dicere possem, sed de industria omitto, ne extra propositum longius protrahar, & ita venio ad reliqua postulata.

4 *Speculum in horologio solari pro Gnomone positum ita se habet, ac si punctum incidentiæ in eo sumptum, conueniat centro Sphæræ solaris, & plana eius superficies congruat plano circuli maximi cui æquidistat.*

Fundamentum huius petitionis continetur *prop. 12 1 huius*; ibi enim dictum est verticem Gnomonis in horologio solari non distare interuallo sensibili à centro mundi, etsi tota terræ semidiametro distet. Cum igitur speculum, seu punctum incidentiæ in eo sumptum, videlicet punctum eius medium, sit vertex Gnomonis Catoptrici *per definit. 8 huius*, erit quo ad hoc vtriusque Gnomonis eadem ratio, ut scilicet centrum speculi cen-

seatur

seatur cohærere centro mundi, atque adeo centro omnium circularum maximorum in Sphæra: quare etiam superficies speculi (plana, inquam, superficies, quia speculo plano hac in re maximè utimur) eadem de causa, cenferi debet cōgruere plano circuli maximi cui æquidistat hoc ipso quòd ei æquidistat: cum enim ab eo non distet (sensibiliter inquam) sublato distantiae interuallo, superest ut ei congruat. Vnde sequitur, ut anguli omnes tum incidentiæ tum reflexionis, quos ad speculum in horologio debite collocatum, verbi gratia, Horizonti parallelum, fecerit radius solaris; sumendi sint pro angulis, quos idem radius efficit ad planum ipsius Horizontis, qui per mundi centrum incedit. Dixi, in horologio solari, quandoquidem in horologio lunari non pariter valet ea ratio: quia enim, ut eadem propos. 12 lib. 1. ostendi, terræ semidiameter non est quid insensibile, sed est reuera multum sensibile interuallum respectu distantiae Lunæ à terra; anguli qui à radio lunari fierent ad planum Horizontis per mundi seu terræ centrum transeuntis, multum sensibilibiter differrent ab angulis, qui ab eodem radio fierent ad speculum planum parallelum quidem eidem Horizonti, sed in terræ circumferentia collocatum.

5 *Filum tenuissimum, si validè intendatur inter duo puncta, mediocri interuallo ab inuicem separata, euadit in lineam ita rectam, ut absque errore sensibili in opere Gnomonico, possit pro linea mathematicè recta sumi, præsertim si non Horizonti parallelum tendatur.*

Galilæus de motu proiettorum dialogo 4 in fine demonstrauit funem vel aliquid simile, non posse vi vlla, nisi infinita, adeo intendi inter duo puncta ab Horizonte æqualiter eleuata, ut ad lineæ rectitudinem mathematicam adducatur: quæ demonstratio ex hoc mechanico principio procedit; quòd nimirum mouens, licet exiguarum virium, si tamen cum velocitate moueat; poterit superare quantamlibet resistentiam mobilis tardè mouendi; dummodo sit maior proportio velocitatis ad tarditatem, quàm resistentiæ ad vires exiguas; ut patet in vecte, & in statera.

Nihilominus filum tenuissimum (quod si placet supponamus fericum, geminis tantum ijsque tenuissimis in sese contortis staminibus bene compactum) licet pondere aliquantulo suo pressum, & incuruatum rectitudinem lineæ mathematicam refugiat, ab ea tamen vix recedit; imò sensibiliter non recedit, si validè intendatur; & interuallum, quo puncta, seu termini tensionis ab inuicem distant, non sit maius quàm 25, vel 30 palmorum aut circiter.

Nam primò huiusmodi filum, utpote tenuissimum, parum habet ponderis; & quando est explicatum, ac extensum vix grauitat in ipso aere; adeo ut ab ipso quasi sustineri videatur; quod patet quia si sibi ipsi relinquatur ut decidat, non facile aerem diuidit, & motu satis tardo cadit.

Secundò vero tortilium staminum bombycinorū constantissima tenacitas est, ac proinde validam admodum sine fractione tensionem facile patitur. Igitur in mediocri fili longitudine proportio quā habet, vel habere po-

teat

rest velocitas grauitatis valde exiguae trahentis deorsum, & incuruantis idem filum; ad magnam resistentiam virtutis validè, licet tardè attrahentis, & in directum adducentis idem filum, non est sensibilibiter maior proportione, quam habet eadem virtus validè & tardè attrahens &c. ad exiguam resistentiam eiusdem grauitatis incuruantis &c. Ergo hæc illam non ita superabit, vt curuitatem sensibilem efficiat. Ergo in opere gnomonico poterit filum ita conuenienter intendi, & sic in directum adduci, vt nulla in eo curuitas sensibilis relinquatur.

Neque verò vllum eo ex capite periculum erroris erit; non magis certè, quàm si loco fili adhiberetur regula quævis lignea vel ænea exquisitissimæ rectitudinis, quantam ei ars conferre possit: quinimo filum ego adhibeo, vt pote rectitudinis longè fidelissimæ præ regula quacunque, quam artificis solertissima manus elaborare valeat: & dato etiam quod regula fidelissima, & mathematicæ rectitudinis conderetur; hæc tamen cum non possit non esse quodammodo flexibilis, habeatq; grauitatem valde notabilem, & tantò maiorem, quantò est materiæ minus flexibilis (vt patet in materia lignea & ænea) non poterit non incuruari ab suo ipsius pondere, præsertim si fuerit eius longitudo vel mediocriter notabilis.

Præterea si esset aliquod periculum erroris, occurri facilè posset obseruata semel quantitate curuitatis; sed hæc (vt hoc etiam addam) deprehendi sensu nequit; me enim faciente accuratissimum huius rei experimentum, filo etiam non admodum validè intento, nullam in tota palmorum 30 longitudine curuitatem animaduertere potuerunt multorum oculi perspicacissimi: optimè enim conueniebat filum cum linea visuali, & cum puncto, quod in medio totius spatij, in directum inter vtrunque extremum punctum, dispositum fuerat secundum rectitudinem lineæ visualis dirigentis.

6 *Speculum cylindricum æquiualeat infinitis speculis planis tangentibus eius superficiem. Vel æquiualeat speculo uni plano superficiem eius tangenti, & continuè circa eiusdem axem circumducto. Vel qualibet linea longitudinis in eius superficie sumi potest pro speculi plani linea, quæ ipsi congrueret in communi vtriusque speculi contactu.*


Huius rei ratio ex eo peti potest, quod quemadmodum circulus est quoddam veluti polygonum infinitorum laterum, ita cylindrus sit quoddam prisma infinitarum facierum.

Theoria reflexionis radij solaris pro constructione Sphærae
Catoptricæ ad quemlibet datum plani spe-
culi situm.

Propositio I.

*Circulus maximus, in cuius plano fuerit speculum, retinet in
Sphæra Catoptrica proprium sibi locum, quem
in Sphæra Naturali obtinet.*

SIt circulus maximus in Sphæra quicunque, vt Horizon A B C D, in
cuius centro E ita collocetur speculum, vt in eius quoque plano sit;
neque angulum vllum cum eo efficiat: luceat verò Sol in quouis eius pun-
cto A. Dico Horizontem A B C D reflexione non moueri loco, sed in Sphæ-
ra Catoptrica perinde ac in Vera, proprium sibi ac naturalem locum reti-
nere. Quia enim Horizon nullum cum speculo angulum efficit, sequitur
radius Solis in Horizonte existentis, vtpote radius A E, non facere etiam
angulum cum eodem speculo, ac proinde nullam ab eo pati reflexionem;



sed per planam tum ipsius speculi, tum Ho-
rizontis superficiem, quæ vna est; illæsum
recta via protendi in oppositum periphæriæ
punctum C: alioquin contra *1 1 1 elem.* pars
lineæ rectæ esset in subiecto plano, & pars in
sublimi. Quia igitur punctum C est in eo-
dem plano Horizontis, in quo est A; sequi-
tur punctum A ea projectione non ferri ex-
tra locum naturalem totius circuli Horizon-
tis. ergo Horizon ipse quoad hoc punctum è
totali suo loco non dimouetur; idem autem

dicendum de alijs punctis eodem modo. Ergo circulus maximus &c. quod
fuerat demonstrandum.


Corollarium

Singula puncta huiusmodi circuli, in cuius plano fuerit speculum, mu-
tant loca propria, & transferuntur, licet sine reflexione, vt dictum est,
ad loca ex diametro opposita, vt A in C, & B in D, & sic de alijs; vnde
totus circulus A B C D dicitur inuerti; puncta verò inuicem opposita, di-
cuntur commutari.

Propositio II.

Circulus maximus, cui speculum ad angulos rectos fuerit, retinet in Sphæra Catoptrica proprium sibi locum, quem in Sphæra Naturali obtinet.

SIt circulus maximus quicunque, vt Meridianus $ABDC$, & in eius centro speculum E in plano Horizontis BC ; & consequenter ipsi Meridiano ad rectos angulo. Dico Meridianum reflexione non motum iri loco suo. Primò enim si Sol in Zenith A , vel in Nadir D iterit, radius reflectetur in se ipsum; per 3 postul. quia incidentia tunc erit perpendicularis; & consequenter etiam reflexio: si autem luceat Sol in B , vel C communibus Meridiano & Horizonti punctis, transibit in punctum oppositum sine reflexione, per præcedentem; denique si in quouis alio puncto Meridiani, vt F , fuerit Sol, radius ex F incidens in E ex eodem E reflectetur in G , ita videlicet vt in circulo Meridiano sit G quæ admodum & F . Quia enim per 2 postul. radius incidens, & reflexus in vno sunt plano ad speculum recto, quod per 7 definitionem vocatur superficies reflexionis; sequitur vtrunque prædictum radium FE & EG esse pariter in plana Meridiani superficie, quæ in hac hypothese est ipsamet superficies reflexionis: cum enim ad speculum recta sit & in ea contineatur radius incidens FE (vt supponitur, quatenus in ipsa circuli circumferentia est Sol F , & in eiusdem centro, punctum incidentiæ E) in eadem simul reperitur radius reflexus EG Meridianum secans in G . Ergo Meridiani puncta A, D, B, C , dicta reflexione non recesserunt à plano, & circumferentia eiusdem: ergo quoad illa non mutauit locum Meridianus. Est autem eadem ratio non solum de cæteris punctis eiusdem Meridiani; Sed etiam de quouis alio circulo maximo ad speculum recto. Ergo circulus maximus &c. Quod fuit demonstrandum.




Corollarium.

Huiusmodi circuli puncta singula mutant locum vt B in C , F in G ; exceptis A & D , quæ sunt in axe reflexionis, illa enim in seipsa reflectuntur, vt dictum est; quare hic circulus ita inuertitur vt semicirculus ABD transeat in locum semicirculi ACD .

Propositio III.

Circulus minor parallelus circuli maximi, in cuius plano existit speculum, retinet in Sphæra Catoptrica proprium sibi locum, quem in Sphæra Naturali obtinet.

Sit AHC circulus aliquis maximus, vt Æquator, cuius poli BD. Sit etiam eius, circa EF diametrum, parallelus quicunque vt Tropicus Cancræ: speculum autem collocetur in centro G in plano Æquatoris. Dico fore vt Tropicus EF, reflexione non moueatur loco suo naturali totali. Sumatur in parallelo, quodlibet punctum E, per quod, & per polos B, D,



ducatur planum faciens in Sphæra quidem circulum Meridianum ABCD, in parallelo autem, & Æquatore communes sectiones E, F, A, C, Sole enim lucente in puncto Cancræ si radius ex E incidat in G, indeque reflectatur in F: in primis per præcedentem, punctum F erit in circulo Meridiano quemadmodum, & E: cum Meridianus ad speculum rectus sit; vt & ad Æquatorem, in cuius plano est speculum. Et quia per 3 postul. angulus reflexionis CGF æqualis est angulo incidentiæ AGE; erit arcus CF æqualis arcui AE per conuersam 27 3 elem. Quia verò Tropicus Cancræ, cum sit parallelus Æquatori, æqualem ex vtraque parte Meridiani arcum abscindit, erit F communis eius Tropici & Meridiani sectio ex vna parte, sicut ex alia E est communis etiam vtriusque sectio; & consequenter erit F in circumferentia Tropici Cancræ, sicut & E. Itaque punctum E non projicitur extra locum naturalem totius circumferentiæ Tropici Cancræ, ergo quoad hoc punctum, loco suo non mouetur Tropicus: est autem eadem ratio de alijs eius punctis. Igitur Tropicus, & pari ratione quiuis alius circulus minor, &c. Quod fuit demonstrandum.


Corollarium.

Singula puncta huiusmodi circuli mutant loca propria & transferuntur ad loca diametraliter opposita, vt E in F, & sic de alijs: propter quod circulus ipse dicitur inuerti.

Propositio IV.

Circulus minor parallelus circulo maximo, cui speculum ad angulos rectos est, retinet quidem in Sphæra Catoptrica situm similem ei, quem in Sphæra Naturali obtinet; sed locum mutat, transferturque in alteram partem ultra circulum maximum, cui est parallelus.

SIt quicumque circulus maximus circa diametrum BC, ut Horizon, cui perpendiculariter in centro E insistat speculum. Sit etiam aliquis Almucantarath, supra Horizontem, circa diametrum FG. Dico fore ut hic reflexione appareat sub Horizonte, parallelus & æqualis sibi ipsi. Intel-




ligatur circa diametrum IH, circulus oppositus, & æqualis dicto Almucantarath, parallelus eidem Horizonti: & sumpto quolibet puncto G in Almucantarath, ducatur per ipsum, & per lineam EC. (sit autem EC axis reflexionis) planum secans, quod in Sphæra faciat sectione circulum maximum ABDC, speculo perpendicularem; & in duobus parallelis communes sectiones FG, HI abscindentes è circulo ABDC æquales arcus GC, CI per 18 2 lib. Sphæric. elem. Quare si Sol in puncto G luceat, radius incidens in centrum E, reflectetur in circuli ABDC circumferentiam, per 2 huius; & in eius punctum I ob æqualitatem angulorum GEC, IEC, quos radij constituunt cum EC axe reflexionis. Similiter demonstrabitur cætera suppositi Almucantarath puncta reflecti in circumferentiam circuli circa diametrum HI descripti, qui per constructionem circulo maximo circa diametrum BEC descripto parallelus est, & æqualis ipsi Almucantarath FG. Patet ergo propositum.

Propositio V.

Circulus maximus in Sphæra Naturali ad speculum quidem inclinatus, sed tamen perpendicularis alteri circulo maximo secanti speculum ad angulos rectos, est quoque in Sphæra Catoptrica, eidem circulo maximo perpendicularis; ad speculum verò similiter inclinatus.

Sit Circulus maximus quicunque $BHCI$, & in eius plano simulque in centro A speculum, cui perpendicularis ponatur DAE axis reflexionis. Incedat verò per DAE alius maximus circulus $BDCE$, qui rectus erit tum ad circulum $BHCI$, tum etiam ad speculum, quod ipsi congruit. Demum intelligatur maximus circulus $FHGI$ circulum $BHCI$, & speculum obliquè, perpendiculariter verò secans circulum $BDCE$, & faciens communem sectionem cum illo quidem HAI , cum isto autem FAG .



Dico circulum $FHGI$ ita reflecti, vt in Catoptrica Sphæra appareat circulus eidem $BDCE$ perpendicularis, & speculo similiter inclinatus. Sumatur DK æqualis arcui DF ; & per K lineamque HAI ducatur planum reddens in superficie Sphærica maximum circulum $KILH$, cuius sectio communis cum circulo $BDCE$ sit recta LAT ; & HAI erit sectio communis cum circulo $BHCI$. Primò constat per 2 huius, punctum F incidens per radium FA in speculum, reflecti in punctum K : est enim ex constructione $BDCE$ circulus maximus ad speculum perpendicularis; & in eo tanquam in plano reflexionis angulus incidentiæ FAD æquatur angulo reflexionis

flexionis DAK ; cum *ex constructione* æquales sint arcus DF , & DK : & eadem ratione constat etiam punctum G reflecti in L . Secundò puncta H & I commutantur inuicem, vt apertum est. Igitur quatuor iam assignata puncta circuli $FHGI$ locum apparentem habent in perimetro circuli $KILH$; scilicet in K , & G in L , & H in I , atque vicissim I in H .

Iam verò sumatur in eodem circulo $FHGI$, quodcunque aliud punctum M ; per quod & per axem reflexionis DAE ducatur circulus $DMEN$ faciens cum circulo $BHCI$, sectionem communem QAR , & cum circulo $FHGI$ sectionem MAO , & cum circulo $KILH$ sectionem NAP . Sic autem demonstrabimus circuli $FHGI$ punctum M cadere reflexè in aliquod punctum circuli $KILH$. Quia enim in duobus triangulis Sphæricis $MF D$, & NKD , duo anguli duobus sunt æquales, videlicet vterque D ad verticem; & F atque K *per constructionem* pariter recti; & duo latera DF ac DK (quæ iam *ex constructione* supponuntur æqualia) dictis hinc inde æqualibus angulis subiecta sunt; sequitur *per 52 lib. 3 de triang. Ioann. de Reg. Monte*, angulo DMF æqualem esse angulum DNK , & latus KN , lateri FM ; necnon latus DN lateri DM æquari. Quòd cum ita sit, punctum N est commune vtrique circulo, videlicet $DMEN$ & $KILH$. Quoniam igitur arcus DM , DN sunt æquales, erunt etiam æquales anguli $MA D$, NAD , illis insistentes; quare cum MA sit radius incidens; DA axis reflexionis, erit NA radius reflexus, & consequenter circuli $FHGI$ punctum M reflexè cadit in N punctum circuli $KILH$. Idem de cæteris eiusdem $FHGI$ circuli punctis. Ergo omnia puncta huius circuli reflexionem suam habent in perimetro circuli $KILH$, qui propterea est idem ipse $FHGI$ in Sphæra Catoptrica apparens.

Rursus HAI *per 19 11 elem.* erit perpendicularis plano circuli $BDCE$, vtpote communis sectio duorum planorum eidem circulo perpendicularium *per constructionem*. Ergo circulus apparens $KILH$ transiens per HAI erit *per 18 eiusdem* similiter perpendicularis circulo $BDCE$. Et cum HAI sit perpendicularis plano $BDCE$, erit etiam perpendicularis li-

neis AC , AK ; & consequenter KAD erit angulus inclinatio-

nis circuli IKH : & eadem ratione erit FAD , angulus

inclinationis plani IFH ; sed anguli KAD , FAD

demonstrati sunt æquales: ergo plana circu-

lorum $FHGI$ $KILH$ erunt circulo B

HCI , seu speculo æqualiter incli-

nata. Quod propositum,


erat demonf-

trare.

Propositio VI.

*Circulus minor in Sphæra Naturali, parallelus circulo cuius
maximo ad speculum inclinato, est pariter eidem
parallelus ac sibimet æqualis in Sphæra
Catoptrica.*

Repetatur figura propositionis 5 præcedent. cum omnibus ut ibidem
supposita sunt; ac præterea sit *ST* parallela rectæ *FG*, & circa eam
tanquam diametrum, circulus minor (cuius tamen sola in schemate semi-



circumferentia *SYT* exprimitur) æquidistans maximo circulo *FHGI*, & alium maximum *DME* *N* secans in *Y*. Dico hunc circulum minorem, ita reflecti, ut in Sphæra Catoptrica appareat similiter æquidistans eidem *FHGI* apparenti per 5 in *KILH*. Sumatur *KV* æqualis arcui *FS*; & sic totalis arcus *DV* æqualis erit totali *DS*; adduntur enim æqualibus æqualia; iam per *V* recta ducatur ipsi *LAK* parallela *VX*, quæ necessariò erit æqualis rectæ *ST*, cum enim ambæ à duabus rectis sibi parallelis, & per *A* centrum incedentibus æqualiter distent propter æqualitatem arcuum *KV*, & *FS*, distant etiam æqualiter ab ipso centro *A*; ac proinde per 14 prop. 3 elem. sunt inter se æquales. Si itaque circa rectam *VX* tanquam diametrum, ducatur *VZX* circulus parallelus circulo maximo apparenti *KILH*; erit hic minor circulus necessariò æqualis ipsi *SYT*, per 1 definit. 3 elem. sunt enim ex iam demonstratis æquales amborum diametri *VX*, *ST*.

Ipsum verò circulum minorem, qui est circa *ST*, ita reflecti, ut appareat

reat in $VZ\bar{X}$ sibi æqualis, & ipsi $KILH$ parallelus; sic demonstrabitur. Primò enim quia arcus DV & DS , sunt (vt iam demonstratum est) æquales; & DA est axis reflexionis; si angulus incidentiæ est $DA S$, angulus reflexionis illi æqualis, erit $DA V$: ac proinde circuli $S Y T$ punctum S reflexè apparet in V puncto circuli $V Z X$.

Deinde circulus maximus $D M E N$, minorem qui circa diametrum $V X$, secet in Z ; quemadmodum illum, qui est circa diametrum ST , secat in Y ; & hoc supposito, punctum Y reflexè cadere in Z (ita vt in plano reflexionis $D M E N$ angulus reflexionis $DA Z$ æqualis sit angulo incidentiæ $DA Y$) sic demonstratur. Quia enim in duobus triangulis Sphæricis YSD , ZVD , duo anguli duobus sunt æquales nimirum YDS , & ZDV ad verticem; ac etiam YSD & ZVD , cum sint *per constructionem* recti: & quia insuper duo latera DS , & DV iam ex demonstratis inuicem æqualia, dictis duobus hincinde angulis æqualibus subiecta sunt: sequitur *per 52 lib. 3 de triang. Ioann. de Reg. Monte* angulos DYS , DZV esse æquales, & latera VZ , SY esse similiter æqualia; ac insuper latus DZ lateri DY esse æquale: cum igitur æquales sint arcus DZ , DY ; anguli reflexionis $DA Z$, & incidentiæ $DA Y$ illis insistentes, sunt *per 27 3 elem.* æquales. Igitur punctum Y reflexè apparet in Z : at Z est punctum circuli minoris $V Z X$; quemadmodum Y est punctum circuli $S Y T$. Igitur &c. Et ita ostendi potest de cæteris punctis. Igitur omnia puncta circuli $S Y T$, apparent in circumferentia circuli minoris illi æqualis $V Z X$, qui propterea est ille ipse in Sphæra Catoptrica apparens, æqualis sibi ipsi, & parallelus ipsi $KILH$. Igitur circulus minor in Sphæra Naturali, &c. Quod fuit demonstrandum:

Propositio VII.

Quem circulum in Sphæra Vera Sol tenuerit, eundem eodem tempore, in propria Sphæra Catoptrica, solis vice radius reflexus tenet.

Quia enim *per definit. 9 huius* Sphæra Catoptrica à Vera Naturali non differt nisi ratione situs, quem *iuxta dicta precedentibus propositionibus* (saltem magnam partem) à vero diuersum circulis tribuit reflexio: ex hac autem euenit, vt locus verus cuiuslibet circuli, vel cuiuslibet puncti, in apparentem commutetur, seu (quod idem est) euenit vt verus circulus, seu verum veri circuli punctum, fiat circulus apparens, aut circuli apparentis punctum item apparens: Sequitur locum apparentem veri puncti, aut veri circuli, in quo Sol dato tempore versatur, ibi esse vbi eodem tempore reperitur radius reflexus, qui vice Solis est, seu Sol ipse apparens: vel (quod in idem recidit) sequitur Solem eodem tempore verè

simul & apparenter eundem circulum possidere. At verè possidet in Sphæra Vera, apparenter autem in apparente Catoptrica. Igitur quem circulum; &c. Quod fuit &c.

Corollarium


Motus Solis apparentis in Sphæra Catoptrica, similis omnino est motui Solis in Sphæra Vera. Motus enim non fit nisi locum vnum deferendo, & alium acquirendo; igitur si locus vnus derelictus cum alio derelicto; & vnus acquisitus cum alio acquisito similitudinem habuerint, qui inde constiterint motus, necessariò erunt similes: at in Sphæra Vera, & Catoptrica ita se habent quælibet Solis loca, vt ostensum est; imò locus Solis in Sphæra Catoptrica, idem est qui in Sphæra Vera, sed in hac est verè, in illa est apparenter. Igitur &c.

Radius reflexus, & umbra directæ secundùm rationes gnomonicas inuicem comparantur.

Propositio VIII.

Si lucente Sole, ab eodem Sphære centro hinc umbra directè, inde radius reflexè emittatur, erunt pariter umbra radiusque in eodem plano circuli maximi ad speculum recti.

Sit quicumque circa BC diametrum circulus maximus BIC, vt Horizon; cui in A centro congruat speculum; ipsi autem speculo simulque Horizonti ad angulos rectos insittat maximus alius quiuis circulus BGC



CH, ex cuius puncto quolibet D, radius incidens DA, reflectatur ex A in E: deinde intelligatur stylus aliquis vt HA, tangens vertigè centrum A, & generans umbram AF ex eodem iam dicto incidente radio DA. Dico radium reflexum AE, & umbram AF, esse pariter in plano circuli maximi BGC.

Cùm enim linea umbrosa AF in vnâ rectam coincidat cum radio DA, per 13 huius; necesse est tam umbram, quàm radium directum simul in vno esse plano; alioqui pars lineæ rectæ in plano esset, & pars in sublimi contra 11 elem. Quia verò per 6 definit. huius, radius reflexus AE est simul cum incidente DA in eadem superficie reflexionis, quæ per 2 postul. ad speculum recta est; sequitur ambos

ambos pariter esse in plano circuli maximi BGCH: hic enim *per constructionem* est ad speculum rectus; & in eo iam supponitur esse radius incidens DA: at ostentum est iam in eodem circuli BGCH plano, esse quoque lineam umbræ AF. Igitur si lucente Sole, &c. Quod fuit demonstrandum.

Propositio IX.

Si lucente Sole, ab eodem Sphæræ centro hinc umbra directè, inde radius reflexè emittatur; æquales inuicem angulos ad circumulum maximum, cui congruit in centro speculum, umbra radiusque efficient.

Repetatur figura præcedentis propositionis; & hic sumantur penitus omnia iuxta suppositiones idem factas: ac insuper radius reflexus AE, & linea umbræ AF ad idem circuli BIC planum angulos efficient, umbrosum quidem CAF, radiofum verò CAE. Dico eos esse inuicem æquales. Quia enim posito incidentiæ angulo BAD, non solum *per 3 postul.* angulus reflexionis CAE; sed etiam *per 15 1 elem.* æqualis illi est ad verticem angulus umbrosum CAF; sequitur huic ipsi CAF æqualem esse, angulum reflexionis CAE *per comm. sent.* Quæ eidem æqualia, & ad inuicem sunt æqualia. Igitur si lucente Sole ab eodem Sphæræ centro, &c. Quod fuit demonstrandum.

Propositio X.

Si lucente in propria Sphæra Sole, fuerint duo plana circulo maximo, cui congruit in centro speculum parallela; & ab eodem centro in eorum unum umbra directè, in alterum verò reflexè radius cadere intelligatur; æquales inuicem erunt radij umbræque inclinationes ad ipsa plana.

Intelligatur circa diametrum BC maximus quilibet circulus, ut Horizon; cui congruat in A centro speculum. Duo autem plana per rectas IK, LM incedant sibi inuicem, ipsique per BC incedenti Horizonti parallela. Deinde circulus maximus quicumque ad Horizontem rectus BDC E faciat cum eo communem sectionem BAC, & cum utroque dicto plano sectiones etiam communes IK, & LM: luceat verò Sol in quocunque dicti circuli maximi puncto F, & per A centrum ab erecti styli LA vertice, umbra emittatur AH, plano per rectam LM incedenti occurrens in O: necnon ab eodem centro A, seu speculo ibidem collocato, reflexus radius emittatur AG, plano, quod per IK rectam transit occurrens in N.

Dico


per 3 postul. æquales anguli incidentiæ & reflexionis FAD , GAD . Igitur anguli ANL , AML sunt inuicem æquales, utpote, æquales duobus æqualibus: Atque adeo si lucente Sole &c. Quod fuit demonstrandum.

Propositio XII.

Si lucente Sole fuerint duo plana, circulo maximo, cui congruit in centro speculum, in oppositas partes æqualiter inclinata, & ab eodem centro in eorum alterum umbra directè, in alterum verò radius emittatur reflexè, æquales inuicem erunt, radij umbræque ad ipsa plana inclinationes.

Intelligatur circa BC diam. circulus quivis maximus, ut Horizon, cui congruat in A centro speculum, & utrunque ad angulos rectos secet circulus alius maximus quicunque BDC : sitque recta DAE axis Horizontis simulque axis reflexionis; & D Zenith; E autem Nadir: deinde per AP femidiametrum incedat circulus maximus aliquis ad BDC rectus; ad Horizontem verò BAC inclinatus à Zenith D versùs C ; sitque per 9 primi huius angulus inclinationis DAP . Alius etiam huic similis maximus circulus per femidiametrum AQ transiens, ad BDC e pariter rectus, ad Horizontem autem BAC æqualiter inclinatus, sed in partem contrariam à Nadir videlicet E versùs C (perinde esset dicere à Zenith D versùs B ; sed prædictas femidiametros non produxi ad vitandam linearum in schemate multitudinem confusam) & angulus inclinationis sit EAQ æqualis ipsi DAP . Dicto circulo per AP transeunti intelligatur æquidistans planum horologij Catoptrici per rectam KL incedens, & similiter planum horologij Sciatherici per rectam KM transiens, parallelum circulo inclinato per AQ transeunti, habensque in I fixum orthogonaliter stylum, qui vertice tangat centrum A . Luceat demum Sol in quocunque circuli BDC puncto F , & radio ex F in A incidente, reflexo autem in G abeunte, & horologij planum in N secante, styli umbra feratur versùs H , & horologij plano, occurrat in O .

Dico inclinationem lineæ reflexionis AG ad planum per KL transiens, æqualem esse inclinationi umbræ AH ad planum per KM incedens: seu (quod idem est) angulum radiosum ANK : æqualem esse umbrato AO . Cum enim duo triangula AKN , AKO habeant duos angulos duobus æquales, vnum quidem vni in A ; nam angulo BAF æquales sunt OAK



OAK per 15 1 elem. & NAK per 3 postul. huius; ergo cum hi duo æquales sint vni tertio, sunt etiam æquales inter se: secundum verò angulum habeant dicta triagula etiam æqualem in K per constructionem si quidem fecimus arcus inclinationum DP, EQ æquales: habeantque insuper latus adiacens æquale, imò commune videlicet AK; habebunt necessariò reliquum angulum reliquo æqualem in N, & in O, per 26 1 elem. Ergo inclinatio radij &c. Quod fuit &c.

Propositio XIII.

Silucente Sole, ab eodem Sphæra centro hinc umbra directè inde radius reflexè emittatur; & umbra quidem diurno motu planam, aut conicam superficiem describere intelligatur; similem radius quoque superficiem planam, aut conicam describet.

Quia enim per 14, & 15 1 huius, dum radius ex vna parte superficiem planam, vel conicam describit; umbra etiam ex opposito æmula planam, aut conicam simul describit; & quia per Corollarium 7 huius, motus Solis in Sphæra Catoptrica similis omnino est motui eiusdem in Sphæra Vera; sequitur motum lineæ reflexionis similem esse motui lineæ incidentiæ; at eidem similis est motus umbræ ex iam demonstratis: igitur similes inuicem erunt motus radij reflexi, & lineæ umbræ: & consequenter quando hæc planam, aut conicam superficiem, tunc etiam illa similem planam, aut conicam describet.

Corollarium.

Linea umbrosa in plano horologij sciatherici describente rectam, aut curuam lineam, similem quoque curuam, aut rectam radius reflexus describet in plano Horologij Catoptrici: vt enim demonstratum est propositione 19, & 20 1 huius, umbra planam circuli maximi superficiem diurno motu describens, sectionem facit rectam in plano horologij; curuam autem efficit, dum conicam circuli minoris superficiem describit.

Propositio XIII.

*Leges aliquas, seu regulas, ad facilem Sphæræ cuiuslibet
Catoptricæ constructionem, necessa-
rias statuere.*

Regula prima.

AD constructionem cuiuslibet Sphæræ Catoptricæ, in primis excitentur, & debito ad inuicem ordine componantur, tanquam pro fundamento, & primis totius futuræ machinæ basibus, duo circuli maximi; illi videlicet, qui ex *prop. 1. & 2* locum naturalem minime amittunt, quorum quidem vnus is est, in cuius plano speculum intelligitur consistere; alter verò illum primum simul cum speculo ad rectos angulos fecat. Ex his enim circulis tanquam communibus terminis immobilibus (cùm in vtraque Sphæra maneant ijdem inuariati) perpendi facillè potest quid in alterutra, reliqui circuli habeant vel simile vel diuersum.

Regula secunda.

Collocato speculo, vel tanquam collocatum esset, intellecto, inuestigetur *ex definit. 7*, axis reflexionis, ab eo enim in partem incidentibus radijs oppositam, metiendi sunt anguli reflexionum; vt ijs videlicet inuentis, loca circulorum apparentium simul inueniantur, nisi quis malit eosdem angulos dimetiri ab ipsomet circulo in cuius plano est speculum, hoc est ab ea linea, quæ est communis sectio circuli modò dicti, & alterius ad ipsum recti; perinde enim est, ac in idem recidet operatio.

Regula tertia.

IN constructione cuiuslibet Sphæræ Catoptricæ deberent quidem adhiberi, siue tanquam adhibita intelligi duo specula sibi inuicem parallela; quorum vnum applicaretur vni faciei, verbi gratia, superiori circuli Polaris, aut Æquatoris, vel alterius inclinati; aut similiter vni faciei, verbi gratia, orientali Meridiani, vel australi Verticalis, &c. alterum verò applicaretur alteri faciei inferiori, occidentali, septentrionali, &c. vnus enim tantum speculi reflexio non potest extendi ad vtranque medietatem Sphæræ, cùm nulla reflexio fieri possit sub speculo, nec consequenter sub circulo maximo; in cuius plano speculum fuerit.

Nihilominus quia axis reflexionis est linea ad speculum perpendicularis *ex definit. 7*; si hæc sub speculo in directum protèdatur, vices implebit alterius

terius axis excitandi ad aliud speculum, si poneretur priori speculo parallelum in altera facie eiusdem circuli maximi, vt dictum est, (hanc lineam sub speculo productam vocare possumus vmbrosam axem reflexionis) quare ad constructionem quidem Sphære sufficiet concipere speculum vnicum in centro collocatum in plano propositi cuiusvis circuli maximi: at pro constructione horologii, quod fiet ex projectione Sphære apparentis prius excitatæ, speculum aliquandò vnicum sufficiet; nonnunquam tamen duo erunt necessaria, maximè si quis integrum horologium ad omnes diei horas desideret, vt in sequentibus magis dicetur.


Propositio XV.

Sphæram Catoptricam Polarem, ad poli eleuationem excitare.

SIt in exemplum Sphæra Catoptrica Polaris ad poli eleuationem graduum 42 excitanda. In primis *iuxta regulam 1 prop. 14 traditam* sit circulus Meridianus K L R S (hic enim tam circulum Polarem, quàm speculum in eius plano existens ad angulos rectos secat; adeoque *per 2 huius* retinet in hac Sphæra situm naturalem) & in eo puncta præcipua notentur, quæ naturalem Sphære obliquæ situm indicent ad eleuationem poli Arct. grad. 42 vt K, R, quæ sint communes sectiones ipsius Meridiani & Horizontis veri, itaut linea recta ab K, in R, per centrum A ducta, sit communis sectio vtriusque plani, Meridiani nimirum, & Horizontis veri. Similiter punctum L indicet locum veri Zenith; punctum verò S illi oppositum indicet locum veri Nadir, & sic linea recta ab L per centrum A, in S demissa, sit communis sectio Meridiani & Verticalis veri.

His autem dispositis & designatis; à loco veri Horizontis R in parte septentrionali numerentur sursum versùs L, 42 gradus eleuationis poli Arctici; & in parte opposita totidem depressionis poli Antartici, numerentur sub K versùs S; ac denique in fine vtriusque numerationis factò hinc puncto G, inde puncto F, vtrique aptetur circulus Polaris, Meridianum ad angulos rectos secans F E G D: hic enim (cum in eius centro secundum accliuem ipsius superficiem collocandum sit speculum) locum naturalem etià ipse in hac Sphæra retinet *per 1 huius* ac proinde simul cum Meridiano *per primam hac de re traditam paulò ante regalā* in proprio situ collocari debet; vt possint exinde reliquis circulis conuenientes assignari situs, prout reflexio postulauerit: quod equidem facile erit, si priùs *per 2 regulam*, axis reflexionis inueniatur. Hic verò cum ad rectos angulos speculo immineat cadet necessariò pro dato hoc speculi posito in communem sectionem Æquatoris, & Meridiani; quæ est linea A B; quia enim hi circuli ad Polarem perpendiculares sunt, communis quoque illorum sectio, erit ad eum similiter per-

Sphæra *Catoptrica* *Polaris*





perpendicularis *per 19* 1 *elem.* nec ex puncto incidentiæ A, vlla alia potest duci perpendicularis; præter dictam communem sectionem *per 13 eiusdem*. Inuento axe reflexionis, reflexionem quamcunque nullo negotio ex illo metiemur, & angulos examinabimus & Sphæram conformabimus hoc modo, & ordine.

Locus apparentis Æquatoris.

SI Sol Æquatorem percurrens in Meridiano constiterit, eleuatus supra Horizontem grad. 48, quæ est eleuatio meridiana Æquatoris, supposita eleuatione poli 42; radium vibrabit per lineam BA: cum autem hæc sit axis reflexionis, vt dictum est, radius per eandem reflectetur in se, & sic in se ipsum recidet, signabitque in B punctum vnum, per quod Æquator apparens duci debet. Beneficio verò istius puncti B, oppositum obtinebimus in C; si rectam BC, per centrum A educamus. Præterea duo alia in circulo Polari necessariò inuenienda sunt puncta, per quæ integrum Æquatorem circumducamus. Supponamus igitur Solem in Æquatore versari, & ad horam sextam à media nocte peruenisse in D: quoniam igitur circulus horæ huius sextæ, est ipsemet circulus Polaris FECD; incedet tunc radius solaris per speculi planum; cum scilicet supra ipsum (sicut nec supra circulum Polarem) nullo modo eleuetur; sed in ipsius plano sit: ac proinde ex puncto circumferentiæ D, per planitiem speculi A, absque reflexione, perueniet in E punctum eiusdem circuli Polaris ex diametro oppositum ipsi D; eruntque D & E in circulo Polari, duo puncta Æquatoris in hac Sphæra apparentis. Igitur per ipsa D & E, perque alia duo puncta in Meridiano iam prius inuenta nimirum B & C, duci debet in hac Sphæra Æquator. Et hic ei situs etiam naturaliter conuenit *per 2 huius*; nec aliam ei affert reflexio diuersitatem, præter solam hanc; quòd videlicet punctum eius Ortium in Occiduum commutat; quod idem de singulis alijs punctis inter D & B contentis, seruata proportionem, dicendum est; donec in B perueniatur, quod punctum (vt ante dictum est) è suo naturali loco hac reflexione non dimouetur.

Locus apparentium Tropicorum; qui etiam est locus parallelorum regionum; item & arcuum diurnorum.

LOco Æquatoris sic inuento, facile est Tropicorum situs inuenire; percurrat enim Sol, Cancrì circulum, & ad Meridianum peruenisse supponatur; sitque in O, & radium vibret in A: quoniam igitur angulo incidentiæ OAB, qui est in plano Meridiani, debet angulus reflexionis in eodè plano æqualis assignari; assignetur BAN sumpto arcu BN æquali ipsi BO;

& iam intelligitur punctum B hoc est locum verum Cancrī in Meridiano, apparere in N. Si ergo per 4 huius per N, parallelum Æquatori circumduxerimus N e T, Tropicum Cancrī duxerimus, qui eatenus locum Capricorni naturalem occupabit. Et è conuerso, si Sol Capricorni circum simulque Meridiani teneat in N, & inde radius vibret in A, reflectetur radius ob æqualitatem angulorum in O; erit ergo O in Meridiano locus Capricorni apparentis, qui consequenter per O & per V, parallelus Æquatori circumduci debet. Ex quo vltcrius intelligitur loca Tropi corum inuicem commutari; nec aliter eos à proprio situ hac reflexione deijci; nisi quod (vt dictum est de Æquatore) puncta orientalia vnus, quæ illi in situ naturali competunt, in puncta alterius occidentalia vertuntur; si enim in circulo vero Cancrī, Sol steterit, & à parte orientali circum horæ 6, seu Polarem obtineat in P; radius inde emissus per A perueniet in Q punctum occidentale circuli Capricorni, in quo is circum horæ 6 à meridie, seu Polarem secat: puncta ergo orientalia vnus, in puncta occidentalia alterius commutantur.

Locus circulorum horariorum Astron. apparentium qui etiam est locus Meridianorum regionum diuersarum.

Cum iam habeamus situm Æquatoris, & circulorum, qui ei paralleli sunt, facile reperiemus situm eorum, qui eidem sunt ortogoni videlicet circulorum horariorum. Cum enim illi per polos Æquatoris transeant, & poli vtriusque locus iam sit inuentus in F & in G; certum est circulos horarios per F & per G duci debere; sicut de facto iam per ea ducti sunt circuli Meridianus, & Polaris, hic horæ 6 ille 12. Cæterum interualla reliquorum horariorum, vt solet, distinguenda sunt in circulo Æquatoris B D C E, per quindenos eiusdem gradus. In schemate autem illos alios circulos non descripsi ob vitandam tot linearum nimiam confusionem; sed poterit quisque suo eos animo depingere.

Locus Horizontis apparentis.

Veniamus tandem ad Horizontem, & cæteros circulos, qui ab eo dependent. Supponamus Solem, aut luminosum quoduis aliud fulgere in puncto K, quo scilicet Meridianus Horizontem verum secat; patet illico fore vt radius ex K, in speculum A emissus, sursum versùs reflectatur, & Meridianum feriat in H; sic enim erit angulus reflexionis H A B æqualis angulo incidentiæ K A B; vnde colligas punctum Horizontis K reflexione ferri in H; ac proinde per H & punctum ei diametraliter oppositum I, ducendum esse Horizontem apparentem. Tantùm supersunt inquirenda duo alia puncta lateralia; ea verò sunt D, & E, communes scilicet

cet intersectiones circuli Polaris, & Æquatoris iam inuentæ. Ergo integer ex reflexione Horizon, erit circulus HDIE.

Locus apparentis circuli Verticalis primarij, & aliorum ab eo declinantium.

A Genunc, quis est locus circuli Verticalis, ex reflexione apprens; si fingamus Solem imminere vertici nostro, & ex puncto Zenith L radium emittere in speculum A; radius hic ex reflexione perueniet in M. angulus enim reflexionis MAB æqualis est angulo incidentiæ LAB. Erit ergo M, locus Zenith apprens; producta autem recta MA vsque in X, habebimus Nadir apprens in X: quæ sunt duo puncta in Meridiano, per quæ Verticalis circulus duci debet. Deinde quia dictus Verticalis per communes sectiones Horizontis, & Æquatoris transit; hæ verò iam pridem inuentæ sunt in D, & in E; consequens est integrum apparentem circulum Verticalem, esse MDX. Et atque adeo cæteri Verticales ab isto primario declinantes, per eosdem Horizontis polos M & X, ac per singulos, seu per denos, vel quindenos ipsius Horizontis gradus duci debent.

Locus circulorum Almucantarath.

Circuli Almucantarath, cum sint paralleli Horizontis, erunt etiam per 6 propo. huius paralleli circulo HDIE; hic enim est Horizon in hac Sphæra apprens; atque adeo circa eiusdem axem AM, disponentur, donec perueniatur in M; vbi tanquam in Zenith apprens collocabitur 90 Almucantarath.

Locus apparentium circulorum Domorum cœlestium.

Circulos Domorum cœlestium apprens iam duos habemus, videlicet Horizontem HDIE, & Meridianum KLR S; quatuor autem reliqui incedent primò per communes sectiones Horizontis, & Meridiani H & I; & deinde per trigessimum quemque gradum Æquatoris BECD, ex mente quidem Regiomontani; at verò ex mente Campani, per trigessimum quemque gradum circuli Verticalis MEXD.

Locus apparentium circulorum horarum ab ortu & occasu.

Circuli horarum ab ortu, & horarum ab occasu diuidunt Æquatorem, eiusque parallelos omnes, vsque ad eos duos, quorum vnus est omnium semper apparentium maximus, & alter maximus item omnium, nunquam apparentium, in duas partes æquales, & horum circulorum

vnus est Horizon vt dictum est *lib. 1. propof. 17* : in hac autem Sphæra, prædictorum circularum loca apparentia sic designantur. Sit parallelus verus omnium semper apparentium maximus *HcRd* : similiterque parallelus omnium nunquam apparentium maximus *KaIb* : deinde intelligantur tum hi duo paralleli tum Æquator, secari in partes 24 æquales, à duodecim horarijs circulis, quorum vnus est Meridianus *KLRs*, & alter circulus Polaris *EFDG* : his enim ita constitutis, quemadmodum Horizon circumducitur à puncto *I*, in quo Meridianus parallelum vnum secat; ad punctum *H*, quo parallelum alium secat idem Meridianus; per duo puncta *D* & *E*, quibus Æquator à circulo horæ *c* *EFDG* secatur; ita cæteri circuli horarum ab ortu, & ab occasu, parallelum quidem vtrunque in alijs correspondentibus prædictarum sectionum punctis attingunt; Æquatorem verò communiter secant cum cæteris horarijs à meridie & à media nocte.


Locus apparentium circularum, qui horas inæquales distinguunt,


Circuli horarum Inæqualium arcus omnes diurnos in partes 12 æquales, & nocturnos item in alias inuicem æquales partes 12, diuidunt : quare in hac Sphæra ita collocandi sunt, vt Cancrī arcum diurnum *eNf*, & Æquatoris arcum item diurnum *DBE*, necnon Capricornī arcum diurnum *hOG*; aliosque similiter in partes 12 æquales diuidant, sic enim initium horæ primæ erit Horizontis arcus *eDh*; horæ verò *c* finis arcus Meridiani *OBN*; & horæ 12 terminus; arcus Horizontis *fEg*; & sic tandem horarum Inæqualium circulos secundum loca apparentia in arcubus diurnis composuimus : in oppositis verò arcubus nocturnis ex hoc iam facile quiuīs collocare poterit.

Locus eorum circularum, qui Signa ascendētia indicant.

Circuli isti, alij non sunt quàm ipsemet circulus lineæ Eclipticæ, prout delatæ motu primi mobilis, & sic alium, atque alium respectu nostri Horizontis & Meridiani, locum & situm acquirentis: licet autem dictus circulus, quolibet momento locum & situm mutet, præcipuè tamen duodecim huiusmodi situs obseruantur; illi videlicet, quos in exortu 12 Signorum Zodiaci obtinet: adeo vt ipsemet circulus lineæ Eclipticæ in eo situ, quem habet Arietis, verbī gratia, Signo ascendente, sit illa eadem lineā, quam vocant Arietis ascendētis, in quam videlicet radius cadit, dum Aries supra Horizontem ascendit. Cum igitur circulus Eclipticæ angulum 23 grad. & min. 30 efficiat cum Æquatore; euidenter est, locum circuli indicantis Arietem ascendētem, talem in hac Sphæra apparenti esse

atli-





assignandum, ut Horizontem quidem fecet in puncto ortiuo D, angulum autem 23 grad. 30 min. efficiat cum Æquatore in eodem puncto communi D; ita tamen ut in puncto O & Meridianum fecet, & Tropicum Capricorni tangat. Ideo autem adhas partes vergit linea Arietis ascendentis potius quàm ad oppositas, quæ sunt Cancræ, quia iuxta successionem Signorum Zodiaci (ut bene norunt qui Sphæram materialem norunt) quando Aries exoritur, cælum mediat Capricornus; ac proinde linea Ecliptica, in qua huiusmodi Signa resident, ita in illo momento est disposita respectu Meridiani, & Horizontis; ut illum quidem in puncto O fecet unà cum Capricorno, istum verò in D, simul cum Æquatore; ubi & Signum Arietis oritur: Ergo circulus permanentemente repræsentans circulum Eclipticæ, prout in eodem situ, qualem raptim, tunc temporis habet, debet per eadem puncta D & O, necnon per alia duo his ex diametro opposita videlicet T & E circumduci. Pari modo quia oriente Libræ medium cæli tenet Cancer; idcirco Eclipticæ circulus, tunc ita dispositus est, ut Horizontem in D simul cum Æquatore (inibi enim Libra, sicut & Aries exoritur) Meridianum verò simul cum Tropico Cancræ fecet in N: ergo circulus exorientis Libræ debet per D, & N, ac per opposita eis puncta V & E circumduci. Reliquorum autem circulorum cætera Signa ascendentia indicantium loca, ex dictis facile erit determinare; dum modo quis sciat in quo puncto Horizontem fecet cuiuslibet Signi parallelus, ut nos *suo loco prop. 69 huius* diligentius trademus. Et ita Sphæræ præcipuos in usum horologiorum circulos, secundum catoptricas apparentias è speculo ad planum circuli Polaris constituto, delineauimus: quod fuit propositum.

Propositio XVI.

Sphæram Catoptricam Æquinoctialem ad poli datam elevationem construere.

Detur eleuatio poli Arctici grad. 42, ad quam Sphæra Catoptrica Æquinoctialis construenda proponatur. Primò *iuxta primam regulam propositionis 14*, sit circulus Meridianus KIO P (hic enim *per 2 huius* locum non mutat, cum sit ad speculum rectus) atque in eo puncta Horizontis veri, I & P; Zenith autem verum sit in K, & Nadir in O. Deinde *iuxta eam regulam* circulus Æquatoris in cuius plano est speculum, & cui consequenter suus naturalis locus immutatus manet *per primam huius*, ita collocabitur: à puncto P versus K in circuli Meridiani parte australi numeretur complementum iam datæ eleuationis poli, videlicet grad. 48; & per finem numerationis D, ac per punctum diametraliter oppositum E circumducatur Æquator ad angulos rectos cum Meridiano, prout naturalis & verus exigit situs: hi enim duo circuli in hac Sphæra locum naturalem

lem feruant, vt dictum est.

Collocati iam in debito situ *Æquatoris* faciei superiori respicienti polum Arcticum B, ac in centro eius A, applicetur speculum planum, cum eiusdem *Æquatoris* plano conueniens; & statim iuxta 2 regulam intelligetur axem reflexionis cadere in *Æquatoris* axem BAC; qui & ipse consequenter locum naturalem feruat.

Circuli horarum Astronomicarum non mutant locum per 2 huius, sunt enim omnes speculo sicut & *Æquinoctiali* ad angulos rectos; transeunt verò per vtrunque polum B & C, & per quindenos gradus in circuitu *Æquatoris* D F E G disponendi sunt. Vnus ex illis est ipse Meridianus K I O P, sicut etiam vnus ex eis est circulus horæ 6 à meridie & à media nocte BGC F, *Æquinoctialem*, & Horizontem simulque Verticalem secans in G & in F.


Horizon apparet in H G M F: cum enim axis reflexionis sit axis *Æquatoris* BA, punctum veri Horizontis I reflectitur in H, propter æqualitatem angulorum IAB, & HAB. Licet autem puncta Horizontis, quæ sunt in Meridiano, extra locum veri Horizontis transferantur in eundem Meridianum; tamen ea quæ sunt in circulo *Æquinoctiali*, videlicet G & F, non transferuntur extra *Æquinoctialem*, cum ipse totus *Æquinoctialis* locum naturalem retineat, vt dictum est, vnde etiam Horizon apparens, quemadmodum verus perpendicularis erit Meridiano per 5 huius.

Circulus Verticalis primarius apparet in L F N G: nam Zenith verum K reflectitur in L; vt angulo incidentiæ KAB sit æqualis angulus reflexionis LAB. Erit autem etiam ipse per 5 huius, perpendicularis ad Meridianum quemadmodum & Horizon: puncta namque eius duo, quæ sunt in *Æquinoctiali* videlicet G & F, retinent suum locum, vt dictum est de Horizonte. Cæteri autem circuli Verticales ab isto declinantes, per eadem duo puncta communia L, & N transeunt; & inde disponuntur circa Horizontem H G M F, per singulos etiam gradus.


Circuli Almucantarath per 6 huius ducentur paralleli Horizonti H G M F, & eorum communis axis erit linea LAN, quæ est communis sectio Meridiani, & Verticalis apparentis.

Atque ita præcipui in Sphæra circuli suis ordinibus, & locis prout exigebat proposita speculi dispositio collocati sunt: cæteros verò, cum ex eis omnino pendeant, poterit per se quiuvis nullo negotio disponere.

Obiter tamen adnotandum est, in Sphæra maximè obliqua, id est vbi eleuatio poli est 90 graduum, Horizontem, secundum iam propositam speculi dispositionem, apparere in loco suo naturali, coincidit enim tunc Horizon cum *Æquatore*, cui speculum æquidistat. In Sphæra autem recta, Horizon similiter remaneret in loco naturali, coincideretque cum circulo Polari. At in Sphæra obliqua 45 grad. Horizon appareret in loco Verticalis, & è contrà.



Sphaera Catoptrica Verticalis



Propositio XVII.

Sphæram Catoptricam Verticalem, ad poli datam eleuationem, struere.

ESto, verbi gratia, ad poli Arctici eleuationem grad. 42 struenda Sphæra Catoptrica Verticalis. In hac Sphæra locum naturalem seruat Verticalis circulus DGEF, *per primam huius*; seruat etiam suum Meridianus BDCE, *per 2*; sicut & Horizon BGCF *per eandem*; illi ergo tres, aut saltem duo primi, *iuxta primam regulam propof. 14*, locis proprijs disponendi sunt. *Per 2 regulam* inuentus axis reflexionis est BAC, communis nempe sectio Horizontis, & Meridiani.

Eleuatio Æquatoris supra Horizontem grad. 48, est arcus CH; unde punctum H reflectitur in I, ob angulorum incidentiæ, & reflexionis HAC, IAC æqualitatem. Igitur recta per I & A, vsque in L ducta, erit diameter Æquatoris apparentis; qui consequenter circumduci debet per I & L, ac per F & G, id est per communes Horizontis BFCG, & Verticalis DGEF sectiones. Ipse enim Æquator amittit quidem locum naturalem; sed manet perpendicularis ad Meridianum *per 5 huius*. Æquatori sic collocato æquidistant duo Tropici apparentes PO, & NM, *per 6*.


Poli Arctici verus locus Q transfertur reflexè in R; posito enim *per 3 regulam prop. 14*, speculo in politica superficie Verticalis DGEF, angulus incidentiæ esset BAQ nimirum gradum 42 eleuationis poli; & consequenter angulus reflexionis illi æqualis, est BAR: igitur R est polus Arcticus apparens: & *per eandem 3 reg.* ducto Æquatoris axe RAS, erit S locus poli Antarktici apparentis.

Circuli horarum à media nocte, & à meridie per vtrunque polum apparentem R & S, ac per quindenos Æquatoris IFLG gradus duci debent ad ipsum recti.

Circuli Almucantarath circa Horizontis axem DAE circumducentur ipsi Horizonti BGCF æquidistantes *per 4 huius*.

Reliquos circulos faciliè quilibet in suo Marte disponet.





Propositio XVIII.

Sphæram Catoptricam Meridianam, ad poli datam eleuationem, excitare.

Sphæra huius constructio omnium facillima est: primò enim Meridianus vt BDCE locum naturalem seruat *per primam huius*: deinde etiam Horizon vt BFCG, sicut & Verticalis qui sit DGEF; necnon ipse Æquinoctialis qui sit HGIF, sua pariter loca naturalia seruant *per 2 huius*. Tropici vt OP, MN, manent paralleli ipsi Aequatori *per 4*; licet locum inuicem commutent per eandem: quod idem dicendum est de circulis Almucantarath, circa Horizontis axem DAE circumducendis. Quia verò *per Corollarium primæ huius* Meridianus inuertitur; polus Arcticus, qui ad eleuationem 42 grad. verbi gratia, sit K, & Antarcticus L; commutantur, vnde erit L Arcticus apparens, K verò Antarcticus: nihilominus per vtrunque, vt moris est, & per quindenos Aequatoris HFIG gradus, circumducendi sunt horarij à meridie, & à media nocte. Cætera sunt facilia ex istis.

Propositio XIX.

Sphæram Catoptricam Horizontalem, ad poli datam eleuationem, excitare.


Proponitur, exempli causa, Sphæra Horizontalis Catoptrica ad poli Arctici eleuationem grad. 42 excitanda. Quia itaque *per primam huius* Horizon locum suum naturalem in hac apparente Sphæra seruat; sicut & Meridianus suum, similiterque Verticales omnes, *per 2 eiusdem*; *per primam regul. prop. 14*, Horizon, DBEC & Meridianus DFEG ante cæteros sunt in debito situ collocandi, velut pro fundamento supponendo in reliqua huius Sphærae structura.

Axis reflexionis, est axis Horizontis videlicet AF:

Cum Horizonte locum naturalem seruant circuli Almucantarath (vt-pote ipsi paralleli) *per 3 huius*, describendique sunt circa eiusdem axem AF.

Æquinoctialis ita mutat locum vt puncta eius, quæ in Meridiano sunt simul cum Meridiano *per Coroll. 2 huius* inuertantur, & punctum H, quod erat australe, fiat septentrionale; è contrà verò I septentrionale fiat australe in inferiori hemisphærio. Angulus tamen EAH est ipse angulus eleuationis Aequatoris graduum 48; vt in Sphæra naturali: hic enim est angulus reflexionis, qui æqualis est angulo incidentiæ graduum totidem. Manet præterea Aequator perpendicularis Meridiano *per 5 huius*; atque adeo.

H h 2. diame-



diameter eius B A C, quæ est communis eius sectio cum Horizonte, & circulo Verticali, ac etiam cum circulo polari, manet immota; solumque punctum orientale B, & occidentale C in inuicem commutantur.

Paralleli Aequatoris, quales sunt Tropici, transferuntur simul cum ipso, à parte australi in septentrionalem propter eandem rationem; manent tamen *per 6 huius* eidem paralleli in loco apparenti, Cancer quidem in M N, Capricornus verò in O P.

Poli Aequatoris, cum sint in Meridiano (qui *per Corollarium 2 huius* inuertitur) simul cum eodem Meridiano inuertuntur, & in oppositas partes transferuntur Arcticus quidem in K, Antarcticus verò in L, & axis Aequatoris apparens est recta K L. Angulus verò D A K est angulus eleuationis poli, qui supponitur grad. 42.

Circuli horarum Astronomicarum simul cum polis Aequatoris, per quos incedunt, mutant locum; atque vnus ex illis est circulus horæ 6 à meridie & à media nocte, seu Polaris K B L C: cæteros faciliè est disponere per circuitum Aequatoris H C I B.

Reliqua sunt per se facilia, quare hæc sufficiunt ad constructionem Sphæræ Catoptricæ Horizontalis, quam proposueram.

Atque hæc in præsens sufficiant constructæ Sphæræ Catoptricæ; cum ipse sint præcipuæ, & ex earum constructione faciliè iam intelligatur, qui sit ordinanda aliarum constructio: præsertim cum cæteræ omnes, ab istis hæctenus constructis, sola declinatione, vel inclinatione differant. Nam præter Verticalem, verbi gratia, antea excitatam, sunt aliæ ab ea declinantes, quas vocare licet Sphæras Catoptricas Verticales declinantes, quarum videlicet speculum, sit in plano alicuius circuli Verticalis à primario Verticali declinantis: ita præter Horizontalem sunt aliæ ad Horizontem inclinatæ: sunt & aliæ inclinatæ simul, & declinantes; quod totum intelligitur ex diuerso positu speculi.

Alias tamen postea dabo Sphæras pulcherrimas, quas nolo istis nunc immiscere, quia multum ob ijs differunt propter Catoptricum Gnomonem, quem facio vno quidem modo stabilem, alio tamen mobilem, quodam nimirum certo, & inuariato mobilitatis ordine: quare commodius de his agam *prop. 83, & seq.* vbi & structuram ipsam Sphærarum declarabo, & projectionis præcepta tradam.

Adijciam etiam pulcherrimam Iridem, quam voco Catoptrico-Gnomonicam, à speculo Cylindrico, in parietibus ac fornice cameræ occlusæ procreatam, Aequatorem eiusque parallelos, cum in illis Sol extiterit, vno perpetuo lucis, reflexè arcu signantem.

Addam insuper absquè vllius Catoptricæ Sphæræ compositione Horarium Catoptrico-Gnomonicum, in superficie parietis, vel testitudinis candida occlusæ similiter cameræ, depictum nullis in ea ductis lineis.

Nunc solum necesse est specimen aliquod ob oculos ponere projectionis, Catoptricæ Sphæræ (sicut *libro 1 propos. 21* projectionis Sphæræ Natu-

ralis, ac Veræ specimen dedi) vt ita velut in vnum collecta omnia praxeon Horographiæ istius Catoptrico-Gnomoniæ præcepta, quæ deinceps in particulari de singulis circulis distinctiùs tradam, hic sub vno schemate, vno intuitu faciliè quiuis perspiciat, intelligatque quàm bene ea ipsa cohæreant Theoriæ, tum *primo libro* in genere, tum *tertio isto* in particulari expositæ.


Propositio XX.

Horarium Catoptrico-Gnomonicum, Gnomonica Sphæræ Catoptricæ projectione efficitur.

SIt planum verticale CNRF; & aliud in sublimi CFME parallelum Horizonti; quæ duo plana ita sint inuicem coniuncta, vt angulum rectum faciant in linea communi CF. Sit deinde Sphæra Horizontalis Catoptrica *per præcedentem* constructa, quæ secundùm cardines mundi, (prout situs iste apparens exigit) ita collocetur, vt polus eius Arcticus *g* ad meridiem sit, & Aequator septentrionem respiciat. Horizon verò, & Verticalis circulus, in locis suis maneant, quemadmodum & Meridianus. Sphæra enim apparens, qualis est ista Catoptrica Horizontalis, debet ad constructionem horologii Catoptrici disponi secundùm situm, & locum propriæ apparentiæ conuenientem, quemadmodum ad constructionem horologii optici, Sphæra Naturalis, & Vera disponitur secundùm situm, & locum naturalem, & verum.

Ita tamen collocetur dicta Sphæra, vt certam aliquam distantiam à dictis planis habeat, qualem nimirum, & quantam Horographus pro oportunitate loci commodiorem iudicauerit. Hic pro distantia centri Sphæræ à plano verticali ponimus lineam rectam (velut longitudinem Catoptrici Gnomonis) AB; pro distantia autem eiusdem centri à plano horizontali, rectam TA, tanquam longitudinem alterius Catoptrici Gnomonis ad idem planum horizontale orthogonaliter fixi in T.

His positis statuatur oculus in centro A, & inde per singula puncta Meridiani, vsque in obuia plana proposita, aciem intendant. Ita fiet vt totus Meridiani quadrans interceptus inter lineam Verticalem Ad, & Horizontalem AZ, radijs opticis (quos si placet, ad faciliorem intellectum, supponamus splendidos, & vmbra facientes, veluti solares) quasi depingetur, & *per 19 prop. primi huius* extendetur in vtranque rectam TD, & DB; quæ proinde representabunt in prædictis planis, Meridiani quadrantem *daZ*. Quod si planum horizontale produceretur vterius versus H; in illud incideret polus Arcticus *g* per radium, AgH; sicut in I punctum pavimenti cadit Antarcticus *h* per radium AhI; essetque integer inter vtrūque polum contentus Meridiani semicirculus superior proiectus in lineas HD, DI, II:





& consequenter esset H polus Arcticus proiectus, & centrum horologii Horizontalis, in plano C F M E: eodemque modo punctum I polum Antarcticum *h* referret, essetque centrum alterius Horizontalis horologii in pavimento.

Deinde vertat se oculus, & aciem ita inclinet, vt conueniat plano circuli horæ 2 à merid. qui sit *g e h*, & depinget in tribus planis tres rectas HQ, Qm, & m I; quæ simul sumptæ integrum semicirculum horæ 2 à meridiæ referent: nec dispari ratione reliquos horarios circulos in lineas rectas horarias deducet, per 19 primi huius. Præterea oculus aciem applicet circulo Aequinoctiali *a f*; & radij per eum educti formabunt in plano horizontali rectam K X, quæ in eo horologio erit linea Aequinoctialis, perpendicularis Meridianæ T D; parallela autem lineæ angulari duorum planorum, quæ est D E.

Tandem si idem oculus in eodem centro manens prospiciat per circuitum Tropici, verbi gratia Cancrī, *b e*: radius visuius ipso suo splendore, ac luce non superficiem aliquam efficiet, sed per prop. 15 primi huius, conum fulgidum; cuius vertex erit in A centro oculi siue Sphæræ; basis verò erit ipsa Tropici circumferentia, cuius singula puncta singulis radijs in superficie conica contentis fluere intelliguntur donec ijsdem radijs ad planum terminatis, similitudinē sui in eo exprimant, ac per 20 primi huius depingant lineam curuam L V. Eodem modo ex altera parte Tropicus Capricorni *c*, cum in planum verticale simili cono optico fluxerit, desinet in lineam curuam S O.

Quomodo autem reliquorum circulorum proiectio intelligi debeat, ex his satis perspicitur, neque necesse est de singulis insinuare, cum sit vna, omnium ratio, seruata proportionē situs, & loci proprii singulorum in propria Sphæra; vt videre est Horizontem projci in lineam B G.

Et hæc sufficiant ad Horographiæ Catoptrico-Gnomonicæ partem theoreticam intelligendam; Nunc tandem properandum ad alterius partis, videlicet practicæ, tradenda præcepta breuiter & dilucidè quantum Deus dederit in re, vt sat quilibet nosse potest, perdifficili.



Instrumentorum apparatus in vsum Horographiæ practicæ
præsertim Catoptrico-Gnomonicæ.

P R A E F A T I O.

CVM radius reflexus, & umbra, ceteris paribus, pari modo se habeant respectu planorum, ad quæ terminantur, ut suprâ demonstratum est, propos. 8, & sequentibus; possent absolute, & secundum se horologia Catoptrica (ut & Optica) absque usu instrumentorum construi, solis nimirum præceptis geometricis, quæ in 2 libro tradita sunt; tantum paucis immutatis propter reflexionem. Nihilominus specialis dispositio, et natura locorum, in quibus communiter fieri convenit horologia Catoptrica, omnino cogit instrumenta adhiberi, non modò ad facilitatem operandi, vel ad certitudinem operationis; sed etiam ad absolutam effecttionem operis.

Nam primò in huiusmodi horologijs, prout ea communiter fieri convenit (ut dixi) non est liberam eligere longitudinem Gnomonis Catoptrici tantam vel tantam: sed necessario assumenda est tota quanta est ea distantia, quæ inter fenestram, id est, locum speculi, testudinemque, ac parietes camerae continetur: quæ distantia communiter magna est, & sine dubio longè maxima, si cum longitudine sciaherici Gnomonis vulgaris comparetur. At iuxta datam longitudinem supponenda esset proportionata longitudo, & latitudo plani horologii, capax tot linearum occultarum, quæ necessario præcedere debent horariarum, & aliarum similium delineationem: longitudo autem Gnomonis Catoptrici nonnunquâ superat, vel ut plurimum, saltem æquat latitudinem longitudinemque tum testudinis, tum parietum: ut patet quando camera in quadro posita est, vel in longum parum protenditur. Et consequenter non poterunt testudo, vel parietes capere tot, & tam longas lineas occultas, quæ horologii delineationi geometricæ, necessarie sunt; præsertim cum quilibet paries diversas occultas, sibi, siueque speciali declinationi convenientes requirat.

Secundò superficies in quibus horologia Catoptrica fieri convenit, sunt ut plurimum, & non uno modo irregulares, saltem maximam partem: ac proinde horologijs in eis designandi regulæ generales purè geometricæ dari nequeunt.

Quare recurrendum tandem est ad organa, quorum usus cum ingenio, æquè ac manibus absolvatur; & Geometriam non minùs sapiat, quàm vulgaris usus regulæ, circinique; non certè magis dedecet ingenuum Horographum.

Igitur priusquam ad constructionem horologii Catoptrici deveniatur; appanda sunt organa idonea, & eorum declaranda compositio. Et quidem illa duo, mihi visa sunt optima, quibus à viginti, & ampliùs annis sæpius usus sum, construendis celeberrimis, eximijque horologijs; tum quia simplicissima sunt, & consequenter errori minùs obnoxia; ut experiienti patebit: tum quia optimè representant circulos seu plana circulorum Sphæræ in horologium reducenda, quemadmodum

admodum ex eorum constructione & usu intelligetur. Potuisset è duobus unicuique fieri, quod simul ordine quodam notas, & figuras amborum complecteretur; sed ad vitanda incommoda, quæ (si ita fiat) occurrunt in usu practico non pauca; duo efficere malui, quorum alterum voco Verticalem mobilem; & alterum Meridianum item mobilem; ut ita commodius alterum seorsim ab altero proprijs vsibus aptarem.

Præterea utrique vicissim instrumento administram regulam adhibeo, quam voco Scalam semicirculi, seu graduum semicirculi, quia continet chordas graduum semicirculi, etiam cum minutis quantum licet ea assequi; ac propterea illam sicut et ipsa instrumenta, volo esse notabilis magnitudinis, ne si parua sint, usus habeant parum certos, præsertim in horologij longè, ac latè protensi delineatione.

Tandem quoad materiam, ex qua compingi debent; equidem laudatissima sunt cuprum, vel orichalcum, vel etiam ferrum: non tamen omnino displicet lignum dummodo eligatur perbenè siccum, & solidum, sanum, & simile, absque naui, & nodo, nec inæqualibus Venarum toris intertextum (quantum fieri poterit) ne propter aliquem eiusmodi defectum, inæqualiter, & obliquè se torqueat, & ita rectitudinem prius acceptam deperdat. Fibulas tamen, & cardines, aliaque similia regendo instrumentorum motui, vel quietis firmitati stabiliendæ necessaria (de quibus statim agendum) è ferro, vel orichalco fieri omnino conuenit.

Præter hæc magis præcipua instrumenta, eorumque appendices (de quibus postea in particulari dicam) necessarium est præparare clauulos complusculos è ferro seu chalybe temperato, tenues, ac teretes; qui quidem in pariete, vel testitudine, aut alia qualibet simili superficie horologij, modicè desigi possint, & præstita necessaria opera, reuelli absque sensibili damno æqualitatis seu lenoris eiusdem superficie.

Paretur etiam sili optimi serici tenuissimi glomus unus & alter. Opto autem fila tenuissima stamine deducta æquali, modicè intorto, non crispulo, neque villosa (sed & si qua fuerint minutiora capillamenta, cera oblinantur) alterum, quidem colore roseo dilutiore, alterum amaranthino saturo, aut alio simili suffusco, ut in usu atque opere lenis sine pressu contactus amborum facilius deprehendatur ex diuersitate coloris. Possent quidem assumi colore flauo alterum, alterum ceruleo, aut alijs pariter dissimilibus. Non placet tamen nigrum, solum quia nimis fragile, fortè ex tincturæ quadam caustica vi: displicet etiam candidum; quia ob similitudinem coloris, qui est in superficie horologij, in errorem aliquando, minùs cautos inducere posset, ut et ego aliquando obseruau.

Parentur regule lignee rectissima oblongæ 8, vel 10 pedum; itemque aliæ breuiiores trium, vel quatuor pedum: aliquæ tamen habeantur ita tenues, ut si quando occurrerit in superficie horologij elatum aliquid vel depressum, flecti facile possint, & applicari omnibus punctis prius inibi notatis.

Aliæ etiam habeantur regule oblongæ quidem, sed tenues, & simul ita late, ut non solum flecti possint secundum planam superficiem, sed etiam secundum latus seu secundum lineam fiducia incuruari, atque ita accommodari cuilibet arcui

arctui uniformiter, & absque angulis delineando, ac depingendo in superficie, horologij siue plana, siue concava, aut conuexa. Huiusmodi regula fieri possunt ex osse, ut vocant, vel potius pinna Balena. Certè in hoc opus optima ille sunt; siue osse sint, siue nucæ, seu abiegna, quæ se se ad quemlibet oprata curvitatæ flexum conuenienter aprari facile sinunt; mox autem pristina rectitudinis statum sponte repetunt; sic enim nullum habent propriæ curvitatæ vitium, quo regularem desideratam lineæ designandæ curvitatem fædari periculum sit.

Denique comparentur ea omnia, quæ necessaria visa fuerint ad lineas ipsas, primò quidem rubrica designandas, deinde verò post primam illam graphidem, insigniendas picturæ coloribus. Nam quia in huiusmodi operibus Catoptrico-Gnomonicis celebrioribus, non unius solum generis lineæ, ut horarum Astron. aut solim horarum ab occasu &c. Sed etiam omnium simul generum lineæ, quæ quoslibet Sphæræ circulos Gnomonicè proiectos referre possunt, describi solent (saltem à me ita fieri consuevit) ideo omnino necesse est quælibet unius generis lineas aliquo specialis picturæ colore, ab alijs alterius generis lineamentis distingui; alioqui foret maxima, tot linearum confusio, nec in usu possent faciliè à quouis etiam perito dignosci.


Cum autem ad easdem tandem pingendas lineas deuenietur, velim omnino curuas, equè ac rectas, regula penicillum dirigente, pingi celeri, alacri ductu, elegantes, lepidas, continuas; non tarda manu rudes, laceras, et angulosas. Quapropter regula flexilis (ut antè dictum est) ita comparetur, ut ex eius latere superficiem horologij contingente, angulus fiducialis, obliqua cæsura, decurtiatur; sic enim alter equè fiducialis, velut in sublimi positus, & penicillum optimè reget, & quamuis colorato madeat liquore, maculas tamen (ut aliàs facile accidit, stillis immodicè, et inæqualiter affluentibus) in superficiem horologii non deriuabit.

Enixè autem Lectorem rogò, ut si quæ in tota hac deinceps faciendæ organorum descriptione, videantur nimium curiosè, aut fortè dicat aliud, nimium scrupulosè notata, vel inculcata præsertim nouis, et hæctenus inauditis adhibitis nominibus; condonet hæc ipsa beneuolus, volenti bona fide certissimas, et quamplurimis, à me ipso experimentis feliciter comprobatas, difficillimæ huius Catoptrico-Gnomonicæ delineationis praxes, necnon cautiones necessariò adhibendas accuratiùs describere.

Propositio XXI.

Verticalem mobilem struere.

Quatuor è lectissima Nuce, Pyro, vel Sorbo, regulæ quinos, vt minimum, palmos longæ; digitos transversos quatuor latæ; vnum & semis crassæ dedolentur: tum earum capita bina inuicem conferta habiles firmæque commissuræ, affuso etiam taurino glutine tenacissimo ita connectant; vt perfecti formam quadrati $ABDC$ compingant; cuius quatuor simul latera in vnam perfectè planam superficiem exæquentur.



Alia tamen similis regula E, duabus in eundem vnum angulum conuenientibus AB, & AC inserta, tum istas, tum reliquas pariter coerceat; ne quo infelici euentu, laxatis compagibus, perfecti quadrati forma prior in rhombum turpiter declinet. Atque hoc modo optati Verticalis materiale corpus, vt aiunt, perfectum erit.

Sed fortè quæret aliquis, vt quid Verticalem mobilem huiusmodi nuncupatum

cupatum, quadratum fecerim, non autem verum circuli quadrantem, quemadmodum rei natura exigere videbatur? Certè quidem, ideo, quia ligneum feci. Nam nec adeo facilè est, arcum ligneum tantæ magnitudinis, cum tam modica latitudine, tamque exiguo crassamento, perfectum, & æqualem, ex vno integro, licet aliquantulum recuruo assero refecare; aut etiam è pluribus inuicem confertis partibus compingere: Et quamuis eum tandem perficeret longus accuratissimus artificis labor; non tamen æquè posset impedire, quin ad humentem acrem, se distendat; ad sudum, vel etiam æstuosum, se contrahat in se se; atque adeo signa sibi credita fecum huc illuc multis modis in incertum torqueat; & vtentis operam diligentiamque deludat. At regulis rectilineis, vtpote, secundum ligni electi æqualiter distentas venas minimè incisas, exporrectis, non pariter, aut certè non ita sensibilibiter nocet inæqualis auræ temperies. Alioqui autem si cui animus fuerit, tum Verticalem hunc mobilem, tum cætera instrumenta ex orichalco, vel alio simili egregio metallo conficere; non impedio; quin potius opto solitam naturalem quadrantis formam seruari, ac in eius circumferentia distingui æqualibus interuallis gradus, quos inæqualibus distingui necesse est, in hac ascripta quadrati forma; dum tamen de præscripta instrumenti magnitudine nihil detrahatur.

Propositio XXII.

*Verticalem mobilem inscriptis, ad usum Horographiæ
Catoptrico-Gnomoniæ, conuenientibus
notis insignire.*

AD angulum exteriorem B, atque circa centrum I (quod ab extrema ora vtriusque pariter regulæ AB, & BD, absit interuallo paulò maiore quàm transuersi digiti) excauata in orbem lacunulæ imponatur lamella orichalcea; & ita subtiliter affigatur retusis clauulorum capitibus, vt neque extet, neque nimium subfidat; sed ad reliquam totius instrumenti superficiem explanetur: si quid verò fuerit asperum, vel quouis modo elatum, arrodat limula, & exæquet. Affixa lamella, subtenui foramine, cui filum tenuissimum immitti possit, traiciatur: foraminis verò labellum, ne acie filum incidat, leui frequenti conuersione maiusculæ terebræ in angulum acuminatæ, circumquaque hebetetur, ac veluti rotundetur. Lignum quodque foramini subiectum, simili directo, sed aliquantulum latiore foramine penetretur, quo faciliorem transmittendo filo viam pandat.

Per foraminulum, seu centrum I, ducatur recta IM, parallela summæ oræ lateris BD, nec non altera in latere AB, ac eiusdem summæ oræ pariter æquidistans IK per idem centrum I extendatur, quæ necessariò illi primæ perpendicularis erit. Eodem tenore aliæ duæ nempe KL, & LM descri-

describantur, quæ cum illis ac inuicem ad angulos quatuor rectos, concurrentes, quadratum $IKLM$ perfectum, idest angulis quatuor perfectè æqualibus, cum omnimoda quatuor laterum æqualitate comprehensum efficiant.

At hoc ipsum, quamuis supponi posset, post accuratam artificis lignarij operam; omnino tamen velim geometricè comprobari. Quare beneficio circini exploretur primò, an quatuor laterales iam dictæ lineæ sint perfectè inuicem æquales; deinde an diametri KM , & IL sint similiter inuicem æquales: his enim ita se habentibus, perfectum erit quadratum, aliàs minimè. Caterùm dummodo hæ ipsæ lineæ designatæ, ad perfecti quadrati formam legitimè quadrent, id planè sufficiet; quamuis aliqui regulæ lineæ instrumenti, errore artificis in angulos aliquantulum obliquos coiuverint. His ita peractis, describatur in aliqua superficie plana, (figuram analemmatis vide inferiùs propositione 28.) circuli quadrans YZ , cuius centrum O , diuidendus in gradus 90; qui etiam in minuta, quantum licuerit, diuidendi sunt. Ego quidem ne diutius detinear, vel fortassis errem definienda quarta præcisè parte permagni circuli, sextam priùs sic definio, praxi breuissima eaque facillima, nec erroris obnoxia periculo. Ducta semidiametro OZ , & facto puncto communis sectionis Z , ex eo tanquam centro, ambulatoria cuspide circini, vt priùs aperti, & quoad hoc prorsus inuariati, designo versùs Y , occultum circuli segmentum, quo circumferentia YZ fecetur in F ; tum verò diuido arcum ZF in gradus 60; quibus similes 30 adiungo versùs Y , vt sic tandem habeam 90, qui quadrantem circuli perficiunt. Sed hæc faciliè norunt, qui vel leuiter in huiusmodi practicis exercitati sunt.

Distributo quadrante ZY in 90, vel festante ZF in 60 gradus, simulque in minuta graduum; resecetur OP æqualis lineæ IM instrumenti; & ex P sursum ducatur Tangens PQ perpendicularis ad OP , parallela autem ipsi OY . Tum acus subtilissima eminula defixa in centro O , ad angulos rectos cum eo plano, regulam rectilineam vna si parte eidem centro semper coherentem retineat, dum altera parte in gyrum ducitur: hoc enim modo, applicata singulis gradibus graduumque minutis lineæ fiduciæ, ducuntur è centro O rectæ occultæ secantes Tangentem PQ in punctis RST , &c. Si autem erratum non fuerit, portio RP , quam è Tangente PQ , abscindit Secans gradus quadragesimi quinti OR , erit æqualis lineæ LM , sicut & LK in instrumento; cuius rei facto debite experimento, notentur accuratissimè, & subtilissimè puncta Secantium in Tangente PR ; & statim interualla singulorum, à summo puncto R descendendo versùs P , accipiantur fidelissimi circini beneficio, transferanturque sigillatim in vtranque instrumenti lineam LM , & LK , à puncto quidem angulari L , procedendo versùs M , & versùs K .

Translatis debito ordine punctis omnibus, fiant in vtroque latere AC & CD , aliæ lineæ tres, quatorue ipsis LM , & LK , parallelæ, in singulos

angulos rectos prope L concurrentes ; quas , vt moris est , intercurrentes cancellatim fecent lineolæ à centro I prodeuntes , & varios complures loculamentorum ordines , alios quidem denis , vel quinis , alios autem singulis gradibus , necnon & alios minutis graduum , pari modo , tribuendos discriminent . Tum cuilibet ordini propriæ numerorum notæ imprimantur , facto initio à puncto M ; & inde per medium L progrediendo vsque ad K terminum quadrantis supremum , quo nonaginta graduum clauditur numerus .

Libenter subiungerem alium modum diuidendi prædictas instrumenti lineas L M , & L K ; nimirum per tabulas Tangentium , qui modus nonnullis fortè magis placet ; sed in praxi non æquè mihi arridet , quia nec certior est , vt potè qui similiter perficiatur tum diuisione cuiusdam lineæ rectæ (quam vocant matricularem) in partes , & minuta , vel etiam secunda ; tum translatione punctorum : estque insuper multò laboriosior . Quare , eum nunc omitto , aliàs fortassis eundem traditurus simul cum necessaria tabula , si occasio se se obtulerit .

Nunc certum est instrumentum quadrangulum , huiusmodi notis insignitum quadranti circuli optimè æquiparari , & distincta conuenientibus numeris annotata signa , gradibus quadrantis , necnon minutis æquiuallenter ita respondere , vt lineam rectam è centro instrumenti I , per quamlibet assignatam lateralem notam educi , sit geometricè idem ac educi è centro veri circularis quadrantis , per gradum eius (seu gradus minutum ,) numero & ordine similem ; quemadmodum euidentius patet ex ipso modo , quo graduum ac minutorum notas è quadrante in quadratum transferri iussi . Hoc ergo instrumento vti liceat tanquam vero , & indubitatæ fidei quadrante circuli Verticalis .


Propositio XXIII.

Idoneas ad circularem Verticalis instrumenti motum , fibulas necnon etiam cardines parare .

Motus , qui nostro huic Verticali competit (vt iam antè insinuaui) circularis est , circa vnam eiusdem Verticalis lineam immobilem , veluti axem , quare fibulas , & cardines habiles , tali quodam artificio comparare necesse est , vt fibulæ quidem ipsimet Verticali conuenienter affixæ , cardines verò tanquam poli fibulis inserti , & suis locis , postea assignandis , firmiter depacti , Verticalem instrumenti machinam sustentent . Et quidem hæc ipsa suo modo condere , cuique liberum est ; sed mihi hac (quam subijcio) forma , commodissima visa sunt .

Lamina è ferro , vel orichalco elimetur ABDC longa digitos circiter 4 ; lata vnum ; modicè crassa ; interiori saltem facie , quam delineata pagina ostendit





ostendit, perfectè plana (vt hoc modo æqualiter coherere possit instrumeto similiter plano) duobus foraminibus I & K circularibus , directis, æqualibus peruia; cui ad caput A C, è semetipsa aduatus orbiculus eminu-
lus FE, partim ultra lineam CE se porrigat; partim supra superficiem planam, quam diu in anteriorem, orthogonaliter se attollat, quartam partem transuersi digiti crassus; diametro semidigitali; vel, si lubeat, paulò maiori, latus. Hic deinde orbiculus, recto foramine circulari modicè lato ita penetretur, vt linea summæ oræ AB versùs F producta, & altera eidem parallela HG, in eadem prædicta interiori superficie existens, per mediũ cylindrici foraminis axem hinc inde transeant: linea verò CE in extrema item ora ad ipsas BAF, & HG perpendicularis per eiusdem foraminis latus rectà incedat.

Geminæ deinde cochleolæ M & N torno fabrefactæ hunc modum habeant: summum illis caput globosum, transuersè perforatum, mox complanetur in orbicularem exiguam basim: scapus verò duos digitos longus è basi assurgens, descriptæ iam laminæ foraminibus I & K, secundum diametrum commensuretur; quem ad extremum, tria sectilis in spiram septies, siue octies, vel etiam pluries circumfusa ambiat.

Altera postmodum lamina (longitudine atque etiam si vis latitudine minor, quàm sit illa iam priùs descripta) perforetur gemina in cochlidia, O & P, quibus habiles versatiliũ cochleolarum immixtas spiras altè includat.

Tandem cochleolæ M & N, inferantur foraminibus I & K, similiterque cochlidij O & P committantur: his namque inuicem ita connexis, constat perfecta fibula ZY, apta iam affigi instrumeto, ea parte quam *sequenti propositione* indicabo: hic tamen interim nihil vetat paucis aperire modum, quo affigenda, & confirmanda est. Fiant in ipso instrumeto ligneo (locis, vt dixi, mox designandis) duo foramina respondentia, & æqualia, foraminibus I & K: deinde lamina deferens anulum, dictis suis foraminibus I, K, excipiat prior ambas cochleolas, quas secundo loco pariter etiã excipiant parata foramina instrumenti lignei; mox easdem lenta vertigine subeuntes, paulatim à tergo coerceat cochlidiorum amplexus tenax; ac tandem stylus ferreus V, capita ipsarum perforata transmissus, validè contorqueat; quò scilicet medium, inter vtranque laminam, lignum, torculi modo premant; nam vehementi eo pressu fibularem anulum simul cum lamina deferente, optato in loco compositum, firmum, immotumque stant, & retinebunt.

Huic fibulæ conficienda altera æqualis, & opere quidem simili, sed anuli positu opposito, in eum modum, quem delineatio demonstrat, vt scilicet lateribus instrumenti oppositis, pariter ambæ ex aduerso aptari possint, & vtrunque anulum, ad summam hinc inde lateralem oram exponere.

Duo etiam vertices, vel cardines, siue poli iam descriptis fibularum annulis

annulis inferendi torquentur in hanc formam. Medium tympanum R transformatum, è coronario torulo in exiguam circularem basim vtrinque complanetur, & ex vna quidem parte porrigat scapum perfectè cylindricum Q & T, qui liberè fibularem annulum penetrans, eundem ad iustam æqualem diametri mensuram impleat. Ex altera verò parte desinat in capulum Squi turbinatus in mucronem, & spirali stria profundiori à summo ad imum æqualiter deducta, penetrabilis; moxque stylo ferreo V per tympani foramen immisso, & contorquente, paulatim depactus in solidiorem lignei fulcri materiam, ab eadem teneatur simul cum tympano & scapo immotus. Præterea scapus cardineus alter, vt Q, sit longus tres digitos; alter vt T, quarta parte transuersi digiti adæquet crassitiem annuli fibularis, vel si, ita videatur, paulò maiori nonnihil superet.

Propositio XXIV.

Easdem fibulas Verticali instrumento aptare.

CUm duæ illæ instrumenti lineæ, quæ in angulum centro I oppositæ conueniunt, videlicet LM, & LK; quæ & graduum vicarias notas iam receperunt; simul ambæ vicem gerant circumferentiæ quadrantis circuli Verticalis, comprehensæ inter Zenith, & Horizontem: linea KI erit loco semidiametri porrectæ à Zenith ad centrum vsque, tum Verticalis, tum Horizontis, tum Sphæræ totius: atque adeo dicta linea erit loco axis Horizontis, ac omnium simul æquidistantium Horizonti circulatorum: atque ob hanc causam, nunc assumetur in axem circa quem immotum fiet instrumenti conuersio; eique propterea fibulæ habiles conferendæ, quibus sustentatum ipsum instrumentum, & paratis cardinibus seu polis impostum, æqualiter circa ipsam immotam voluatur.

In hunc ergo finem producat lineam IK, vsque ad intersectionem lineæ, quæ est in summa instrumenti ora AC: deinde in superiori labro, vbi crassamenti sesquidigitalis planities patet, atque ex puncto prædictæ intersectionis tanquam centro, designetur & excuetur exigua semicircularis lacuna, quæ fibularis annuli (*descripti prop. 23*) semicirculum commodè capiat; isque eidem sic imponatur, vt laminæ deferentis plana superficies (quam supra vocauimus interiorem) cohæreat cum instrumenti superficie anteriori, eiusdemque laminæ linea AB congruat cum dicta instrumenti linea AC.

Pari etiam modo in parte inferiori instrumenti, producta eadem IK vsque ad intersectionem inferioris oræ BD, designetur, & euacuetur similis lacuna, vt supra, & illi pariter imponatur annulus alter fibularis, ita vt istius quoque laminæ deferentis linea seu latus AB, ipseque proinde annulus cum prædicta inferiori instrumenti ora BD congruat. Hoc nempe modo annuli

annuli fibulares; ad summa opposita instrumenti labra, expositi insertos ex aduerso cardinum scapos directo libero amplexu pariter excipient: & is insuper, qui inferior est, iuxta I centrum, annulus in subiecta sui cardinis basi, cum tota versatilis instrumenti machina placidè conquiescet. Accuratissimè tamen obseruetur, vt instrumenti linea I K, medium vtriusque fibularis annuli centrum rectà peruadat.

Atque hac demum lege coaptatæ fibulæ confertis contortisque cochleolis, vt *precedenti prop.* dictum est, optimè confirmentur. Ad extremum confirmatis cochleolis, vel si commodius fuerit priusquam confirmentur sectilis exiguus fulcus in dimidiatum cylindrum sub annulo fibulæ superioris K, secundum ipsam lineam K I excavetur, qui teretem scapum siue axem cardinis G longiorem, ipsi annulo K insertum admittat: ad alium verò polum H, non est necessarius huiusmodi fulcus, præsertim si eius poli radius breuior, vltra annulum I non assurgat, vt *precedenti proposit.* annotatum est.

Propositio XXV.


Gubernaculum ad statas motuum periodos, necnon ad quietis opportunam stabilitatem, Verticali instrumento affigendum parare.

Gubernaculum, vt nomen quoque officio congruat, voco appendicem quandam Verticalis mobilis, quæ eidem instrumento, iam, suis polis ritè liberato, adducendo, reducendoque, ac in debito situ confirmando accommoda, tali opere & forma perficitur.

Lamina è ferro, vel orichalco, crassa modicè, lata vnum digitum, tres circiter digitos habens à cuspide A siue C, vsque ad B & D; vbi in angulum rectum ABF, siue CDE inflectitur; inde autem à flexu, id est à B D linea interioris anguli, sesquidigitum longa, iterum simili ad latus angulo recto B D G, siue FEQ reflectitur à parte inferiori, videlicet à linea anguli exterioris DE; indeque duos digitos tensa, explicatur in circulum Q R P G, cuius centrum H in linea est fiduciali EHP, vt eiusdem lineæ fiducialis portio E H sit trium circiter digitorum; semidiameter verò circuli sit vnius digiti.

Prope cuspidem AC, fiat foramen circulare I, pariterque aliud ei simile in K, semidigitali à flexu BD interuallo; necnon tertium aliud vtrique simile in L, relicta in hunc finem particula illa ad latus regulæ post flexum, eminula, quam pictura demonstrat. His tribus foraminibus inferendæ tres cochleolæ MNO, eodem modo fiant, quod alias antea descriptæ; excepto quòd, in acumen definant, & stria paulò profundiori infecentur; vt lignum penetrare, ac eidem firmiter inhærere possint, earum verò longitudo

tudo inde à basi, quæ sub capite est, vsque ad summam cuspidem sesquidigitalis sufficiat.



Ad centrum H fiat etiam foramen circulare modicè patens, ipsique habilis inferatur Gubernaculi clauus seu temo S, capitello æqualiter circumquadrato, subter superque plano; scapo tereti, ad extremum sectili in spiram stria minuto, paratum versatile cochlidium T arrepturo.

Propositio XXVI.

Idem Gubernaculum ipsimet Verticali instrumento aptare.


Sola superest linea IM in Verticali mobili, quæ ad eiusdem regimen comparetur, hæc enim vicem gerit Horizontis, seu radij Horizontis secundum quem, & per quem huius instrumenti motus omnis erit: quare eidem ipsi, optimo iure affigendum est Gubernaculum. Itaque ad caput eius marginis qui superest in ima parte instrumenti inter M, & D, confertis à tergo cochleolis (quæ in anteriorem faciem non exeant) sic aprè affluatur paratum *superiori prop.* Gubernaculum, vt ad latus instrumenti CD orthogonaliter eminens, in anteriorem eius faciem exerat integrum præcisè semicirculum QRP, & linea fiducialis EQP, cum ipso in primis centro H, sit æqualiter in plano eiusdem anterioris faciei: idque sub radio Horizontis IM, tali ac tanto interuallo, quanto & crassa erit Scala gubernatrix (de qua postea) videlicet semidigitali; Scala siquidem clauum tenens, & infe-

inferiori sui superficie tangens planum Gubernaculi N semicirculum, altera superiori facie ad radium vsque I M assurgat, ita tamen vt ipsum non superet; cuius rei ratio postea commodiùs dicetur, cum de Scala, & de committendo eidem clauo.

Propositio XXVII.

Meridianum mobilem struere.

O Pere simili, necnon ex eadem materia, ex qua Verticalis, fiat etiam Meridianus, tali forma, qualis in exemplari exhibetur, in latum quidem quodammodo angustiore, sed in longum prolixiore,



Duabus itaque regulis AB, & CD latis & crassis, vt in Verticali dictum est; aliæ duæ GH, & IK latitudine pares, item & crassamento; velut in quadrangulum ACDB conferantur; quinta regula L subtendente angulum rectum IKH, & eatenus reliquos pariter rectos, æquè inuariatos continente. Omnes tamen simul, ita inuicè copulentur, vt in vna æquali perfectè plana superficie componantur. Tota latitudo CA, vel DB, nempe à labio ad labium, æqualis sit Verticalis antè descripti latitudini, non quidem toti; sed solum ab axe IK ad labium CD: quod ideo obseruari præcipio, vt Scala

la femicirculi postmodum describenda, Meridiano æquæ ac Verticali deferuiat. Regulæ AB fenos ad minus palmos longæ portio GA porrigatur ad fesequipalmum, & tres circiter digitos transversos, ultra latus GH: Regulæ verò CD quinque palmos, vel parum ampliùs longæ portio HC extendatur ad femipalmum, vel parum ampliùs ultra idem latus GH.

Propositio XXVIII.

*Meridianum mobilem inscriptis, in usum Horographiæ
Catoptrico-Gnomoniæ, conuenientibus
notis insignire.*

IN regula CD sumpto vnus palmi, & duorum fermè digitorum intervallo CF, excauatam ad terminum F lacunam, lamella orichalcea repleat, cui & firmiter inhærescat, clauulis confixa; ita tamen vt modica eius particula in femicirculum resecta emineat extra lineam oræ CD. Tum verò capita clauulorum retusa, & si quid asperum ipsa lamella habuerit, diligenter complanetur, ac læuigetur, vt in simili dictum est *propof. 22* de lamella affixa Verticali. Hæc etiã sicut & illa subtiliter perforetur, ita vt lineæ rectæ CD, extremam regulæ oram terminanti, atque adeo ipsius puncto F ad amissim respondeat centrum foraminis tenuissimi; cuius insuper labellum, vt & illius iam dictæ, eodemque modo, hebetandum est.


In regula AB fiat recta linea MN parallela ipsi CFD interuallis inter eas hinc inde æqualibus circino commetiète accuratissimè definitis. Postmodum per centrum seu foraminulum F, excitetur ad vtranque iam dictâ lineam perpendicularis FE. Quo in negotio nolim faciliè credatur vulgari normæ rectangulæ, cum vix aliqua habeatur requisitæ magnitudinis, prorsus verax: sed geometricè poterit dicta perpendicularis *per 12 1 elem.* designari sic: cuspis immota circini imponatur centro F, altera autem versus parallelam MN extensa, eandem intercurrente exiguo occulto circuli segmento, vtrinque signet in punctis M & N, quam mox bifariam diuidat punctum E, medium inter duo extrema M & N; & tandem regula rectilinea puncto ipsi E, & centro F applicata, feliciter dabit optatam perpendicularem FE.

Repetatur nunc figura radiorum Zodiaci ex *prop. 39 2 libri*, vel certè aliâ traditis ibidem præceptis accuratissima fiat, quæ non modò initia Signorum, sed etiam omnes, ac singulos eorum gradus, siue graduum radios contineat. Ac in ea iam parata figura, resecetur radij Æquatoris BA, portio BR æqualis perpendiculari FE, in instrumento iam nunc delineatæ. Rursus in eadem radiorum figura à puncto R, ad vtrumlibet latus ducatur R V, perpendicularis quidem ad eundem Æquatoris radium BR; cæteros verò secans in punctis S, T, V, & similibus, quorum interualla sigillatim à puncto

puncto R, beneficio circini diligentissimè accepta, transferenda sunt in lineam instrumenti M E N, à puncto quidem E in vtranque partem versùs M, & versùs N.

Translatis hoc modo punctis omnibus, ductisque lineis quibusdam ipsi M E N æquidistantibus, lineolæ secantes ex F centro, per singula ea puncta, vt assolet, reticulatim educantur, formentque pro singulis gradibus cellularum ordinem vnum : & alterum pro denis gradibus cuiusque Signi, simul cum figuris numerorum : necnon tertium pro integris Signis simul cum ipsorum nominibus, vel characteribus : à puncto E versùs M describetur Y cum alijs quinque borealibus; ab eodem puncto E versùs N — cum reliquis australibus Signis describetur.

Optarem equidem in eadem regula A B, annotari gradus quadrantis circuli, tot saltem quot regula capere poterit, hinc inde ; incipiendo à perpendiculari E F, quæ est initium Arietis & Libræ: quia licet absolutè necessarij non sint, non parum tamen vtilis futuri sunt. Itaque in eadem regula A B ducatur recta R X parallela ipsi M N, eamque secet radius Æquatoris F E puncto V.



Deinde fiat vt *prop. 22* dictum est, analemma quadrantis circuli ; & in
K K eius

eius semidiametro OZ secetur OC æqualis intervallo FV, in instrumento; & rursus in analemme, à puncto C sursum excitetur Tangens CD perpendicularis ad OC, parallela autem alteri semidiametro OY: hanc modò Tangentem secent lineæ rectæ à centro O, per singula graduum ac minutorum punctaeductæ; puncta verò intersectionum subtiliter notata, & sigillatim, cum ipsorum intervalis, à puncto C, ope circin accepta transferantur in lineam instrumenti RVX, nimirum à puncto imedio V, in utranque partem. Et quidem ad partes R non recipiet regula, nisi ad summum 25 gradus; at verò ad partes X, quæ longius protenditur, multò plures recipere poterit. Tandem extensis duabus tribusve rectis, parallelis ipsi RVX, ductisque à centro F, ut moris est, lineolis cancellatim secantibus; suæ gradibus singulis, & suæ denis interstinctæ areolæ describantur; in schemate quidem gradus ipsos, eorumque areolas non distincti; quia latitudo pictæ regulæ AB, eas non capiebat; sed eos commodissime capiet vera ipsius constructi re ipsa instrumenti regula.

Ad ultimum, descriptis iam omnibus necessarijs figuris in regula AB, operæ pretium est, gradus etiam quadrantis circuli, saltem aliquos, cum eorū minutis, designare in inferiori regula CD, quorum usus vnicus erit determinare quantitatem eleuationis polaris ipsius instrumenti, quando iuxta propriam poli mundani; in qualibet regione, eleuationem in debito situ collocandum erit. Igitur in regula GH, vel alibi, prout commodius fuerit, lamella figatur Y, similis lamellæ F, eiusque foraminulum pari modo fiat. Mox per ipsum foraminulum Y, parallela radio Æquatoris EF ducatur recta YS secans regulam CD, eiusque lineam CFD, in S: postmodum in analemme semidiametro OZ abscindatur OA æqualis ipsi YS in instrumento: & in puncto A excitetur Tangens AB; eiusque graduum puncta sumpta (ut de alijs dictum est) circino transferantur in organi lineam SFD, à puncto S versùs F & D: quos verò gradus non capiet regula CD, commodè recipiet regula IK; si tamen lineæ IK, respondens, in analemme prædicto, Tangens designetur ex qua in ipsam gradus transferantur. Ducta itaque recta YI parallela ipsi CFD, & secante rectam IK in I, sumatur intervallum YI, & ipsi æqualis in analemme abscindatur OE; tum ex E Tangens ducatur EG: eius quippe puncta graduum transferri poterunt, dicto iam modo, in rectam IK, à puncto I versùs K, usque ad concursum cum recta CFD. Cætera quoad graduum & minutorum distinctionem, ritè dicto iam sæpius modo fiant. Numeri initium sumant à puncto S: & sic tandem paratum, ac debitis notis insignitum erit instrumentum.

Propositio XXIX.

*Idoneas ad Meridiani circumuolutionem, geminas fibulas,
atque etiam geminos cardines, simulque Gubernaculum præparare.*

POli siue cardines, aut vertices Meridiani, fiant omnino similes polis Verticalis descriptis *prop. 23*: sed & fibulæ similes fiant fibulis eiusdem Verticalis; attamen lamina vtraque deferens annulum, tribus foraminibus I K L circularibus, directis, æqualibus, vt ibi dictum est, traiciatur; ita tamen, vt æqualia sint interualla K I, K L: altera similiter vtraque lamella triplici respondente cochlidio instructa sit: sufficient tamen geminæ in singulas fibulas cochleolæ; quamuis ternas fieri non prohibeo: quare autem in vtraque fibula, tertium foramen L (cùm duo sufficere videantur) fieri iubeam, rationem aperiam *prop. 116*. Gubernaculum fiat omnino simile, & æquale Gubernaculo Verticalis.

Propositio XXX.

Easdem fibulas, & Gubernaculum organo Meridiano aptare.

IN hoc instrumento linea M E N est Tangens circuli Meridiani, eiusque refert circumferentiam, vel certè circumferentiæ partem; eam videlicet partem, quæ inter vtrunque mundi polum æqualiter sita, tum Æquatorem secat, tum eius parallelos, qui per singulos Eclipticæ gradus incedunt: ideo enim ipsorum declinationes è figura radiorum Zodiaci desumptæ, coniectæ sunt in eam ipsam lineam M E N. Ex hoc autem satis patet lineam C F D, in regula C D, non modò esse diametrum, seu partem diametri, circuli Meridiani; sed esse insuper axem Æquatoris; vtpote cùm sit perpendicularis ad eiusdem radium, siue sectionem E F. Arque ob hanc ipsam causam, linea C F D nunc assumitur in axem, circa quem immobilem, mobilis hic voluatur Meridianus. Quare eidem tribuenda sunt ea, quæ motui circulari instrumenti; lineæ verò E F ea, quæ quieti seruiunt. Quod quidem in hunc modum perficietur.

Ad vtrunque extremum caput regulæ C D in linea C F D refecetur exigua ligni particula, tanta videlicet, & tali forma, vt eius vacantem lacunam expleat præcisè medietas externi ambitus annuli fibularis; tum fibulæ superiori *prop.* paratæ, hinc inde ex aduerso ita conuenienter adaptentur, vt per annuli vtriusque centrum, sæpius dicta linea C F D examussim incedat.

cedat. Et hoc facto iuxta annulum fibularem C, secundum ipsam angularem lineam CFD, sulcus quidam in regula lignea imbricatum ita vacuetur, ut poli siue cardinis Arctici, radio tornatili longiori toti liber intra eum annulum pateat ingressus.

Postmodum in regula AB, interuallo semidigitali ab radio Aequatoris EF inter E & B, suum instrumento Gubernaculum T, à postica eius parte affigatur, tenacibus cochleolarum spiris lignum subeuntibus, sed in anticam usque faciem minimè penetrantibus; ne in usu, atque operandi actu obicem ductario filo ponant. Quod quidem Gubernaculum è summo labro regulæ AB, ad rectos angulos cristæ modo sic emineat, ut clauus eius, quem Scala rectrix prehendat, in partes B obuertatur; & lineæ fiducialis, ac in primis ipsum Gubernaculi centrum, & clauus axis, sint in plano anticæ iam dictæ faciei instrumenti, ut etiam obseruatum est in Verticali.


Præterea diligentissimè prospiciatur, ne totus Aequatoris radius FET, hinc videlicet Meridiani centro F, inde Gubernaculi centro T comprehensus, quouis modo sit aut breuior, aut longior toto integrè sumpto Horizontis radio IN in Verticali mobili, comprehenso videlicet, inter ipsius Verticalis centrum I, & N centrum Gubernaculi eiusdem: aliàs enim (ut iam *propof.* 27 annotaui) non posset eadem vnica semicirculi Scala, vtrique instrumento moderari.

Propositio XXXI.

Scalam semicirculi struere.

E Læuigata Nuce, Pyro, vel Sorbo, ut suprà, fiat regula AB rectissima; (figuram habes pag. sequent.) tres circiter digitos lata; semidigitum crassa; palmos circiter decem longa (aut nouem ad minus, quantum nimirum sufficiat, ut chordas graduum arcus semidiurni maximi, ut postmodum enodatiùs dicam, recipere possit) quæ in altero extremo capite A, è semetipsa ad latus porrigat exiguum semicirculum, cuius centrum in lineæ fiduciæ sit, & mediocri in directum foramine penetretur, quò æqualis cum ipso foramine diametri, teretem stylum seu clauum Gubernaculi, sibi perpendiculariter immissum, & commissum amplectatur, ac rectum teneat.





Propositio XXXII.

Scalam semicirculi in suos gradus distinguere.

P Rincipiò superficies aliqua perfectè plana exquiratur, & per 1 2 huius; comprobetur, quinos saltem & semis lata palmos, vnde nos circiter longa: poterit verò in hoc opus assumi mensa aliqua perampla lignea curiosè lævigata, qualis non rarò in ædibus, præsertim diuitum, reperitur, lineis nostris haudquaquam sanè turpanda, sed verò ipsa potius mathesi plurimum & cohonestanda, & decoranda: quanquam hæ ipsæ lineæ leuiter designandæ, non profundiore sulco exarandæ sunt, vt possint postmodum, affricu panni rudioris, faciliè deleri. In hac electa planitie designetur recta CD; eiusque rectitudo comprobetur per 1 2 huius indicio fili serici tenuissimi validè intenti, quia non faciliè inuenitur regula eius longitudinis perfectè rectilinea.

Deinde assumpto in ea linea puncto G, tanquam centro, describatur fidelissimo circino semicirculus CED, cuius semidiameter GC, siue GD præcisè sit æqualis totali radio Horizontis IN in Verticali mobili, vt & totali radio Æquatoris FT in Meridiano item mobili. Semicirculus ducta, ad CD perpendiculari GE, distinctus in duos circuli quadrantes, diuidatur, vt assolet, in 180 gradus; necnon insuper in graduum minuta, quantum permiserit, gradualis interualli, latitudo. Graduum pariter & minutorum sola puncta distinctè subtiliterque annotentur, in circumferentia; numeri tamen aliæque conuenientes notæ iuxta ipsa puncta inscribantur, ne punctorum multitudo & vicinia confusionem generent.

His peractis stylus qui regulæ, *precedenti propof.* paratæ foramen A iusta quadam mensura expleat, sic ad rectos angulos figatur in puncto C; vt per eius centrum incedant tum recta DC diameter, tum semicirculi arcus DE C: deinde prædicta regula applicetur plano semicirculi, ita vt stylus C foramen eius A subingrediatur, ipsumque immobiliter regat, dū linea fiduciae AB singulis punctis tum graduum, tum minutorum, contactu præciso exquisitissimo, applicatur in circuitu totius arcus CED: sic enim absque erroris periculo, praxi facillima & expeditissima, signanda sunt in angulo fiduciali inferiori, singula puncta contactuum (quibus videlicet ipsa linea angularis, prædicta graduum & minutorum puncta contingit) signis deletilibus diuersis pro diuerso punctorum genere, & ordine, ac numero) appositis ne qua confusio subrepat. Punctis eo modo accuratè notatis sumatur norma rectangula, quali vtuntur fabri lignarij, parua, sed fidelis, eiusque ope in regulæ superficie latiori, ducantur lineolæ, quæ lineas longiores fiduciali parallelas cancellatim secent, & tum gradibus, tum minutis, necnon eorū numeris, vario ordine conuenientes areolas distinguant.

Nec

Nec sufficit hæc ita designasse in vna, vt sic dicam, facie, nisi etiam in altera designentur; in praxi enim modò hanc, modò illam Scalæ faciem alternatim ad opus contingit adhiberi. Quapropter beneficio iam dictæ normæ rectangulæ applicitæ punctis priùs notatis in vno è duobus angulis fiducialibus, notentur in altero pariter fiduciali angulo puncta similia, primis illis ex latere respondentia, & mox in ista secunda regulæ facie ducantur ex ijs punctis lineæ transuersariæ areolarum, & alia omnia, vt in prima fiant. Atque hoc modo Scala semicirculi, gradibus suis graduumque minutis distincta erit.

Præter numeros, qui denis, vel quinis etiam gradibus respondent, alij sint, qui respondeant quindenis, duplici ordine, altero horas à media nocte, altero horas à meridie demonstrantes; ita vt in centro A sit hora 12, quæ est meridiei.

Præterea etiam in eadem regula siue Scala, designandæ sunt chordæ graduum Æquinoctialis, qui qualibet hora Inæquali oriuntur, dum Sol est in Cancro, & dum est in Capricorno. Quod quidem hoc modo fiet: in supradicto semicirculo CED, numerentur tot gradus, quot continet arcus semidiurnus Cancrì; verbi gratia ad poli eleuationem grad. 42 Romæ ex tabella inferiùs posita, gradus 113 min. 3: numerentur inquam à puncto C versùs D, vsque in N: & diuidatur totus arcus CN in sex æquales partes. Residuus verò arcus ND, vel potius CM ipsi simpliciter æqualis; arcui semidiurno Capricorni respondens, pariter diuidendus est in alias sex inuicem æquales. Mox Scala, vt priùs, applicetur plano semicirculi, ita vt centrum eiusdem Scalæ A maneat immobiliter fixum ad stylum C; dum interim linea fiducialis circumducta ad contactum singulorum sex punctorum diuisionis factæ in arcu CN, impressis correspondentibus punctis signatur; hoc enim modo facillè distinguuntur Cancrì, interualla horarum, quas vocant Temporarias, vel Antiquas. Numeri autem hoc ordine ponantur; in centro Scalæ A, sit numerus horæ 6; in puncto proxime sequenti, sit numerus matutinæ horæ 5, & pomeridianæ 7: & ita de alijs, sicut in schemate numeros cernis ascriptos lineolis distinctis in crassitie fiduciali AB, quamuis lineæ à centro G, ad puncta horaria in arcu CN, siue CM notata, ductæ numeros opposito ordine scriptos habeant: nihil enim refert quo ordine in istis disponantur numeri, dummodo interualla horaria ex prædictis arcubus in Scalam rectè transferantur, & numeri mox, factis in Scala notis horarijs, dicto debito ordine scribantur. Simili modo accipiet Scala puncta sex arcus CM, cum similibus horarum Capricorni numeris. Poterunt autem hæc eadem puncta vtriusque arcus, in Scalam dicto modo translata, notari simul cum numeris, in ipsa semidigitalis crassitudinis superficiecula, quæ inter vtrunque fiduciale angulum in latere Scalæ porrigitur.

Longitudo decem palmorum, & digitorum circiter quinque, omnino necessaria foret, vt Scala haberetur graduum 180, hoc est, integri semicirculi;

culi; si ramen quis desideret Scalam quæ solùm ascendat ad gradus arcus semidiurni maximi, in Horizonte Romano; qui, vt antea dictum est, continet gradus 113, min. 3; sufficiet longitudo nouem circiter palmorū, vt *prop.* 31 dicebatur. Latitudo verò assignata, itemque crassities, quantam Scalæ tribui iussi, necessaria etiam est, tum vt minorum, graduumque, & horarum, necnō conuenientium numerorum distinctis areolis sufficiat; tum in primis vt semetipsam regula cōtinere possit in accepta rectitudine, simulque primitiuam graduum fidem incorruptam seruare: cū non semper ad manum habeatur tam ingens semicirculus, cuius identidē examine ea fides comprobetur, & vt sic dicam, rectificetur. Nihilominus hæc ipsa longitudo, quemadmodum, & moles ipsa ponderosior consequēs ex multi ligni solidiore materia, frequenter minùs habilis est ad vsum atque opus: nam & contingit aliquando Scalam longiorem angustij loci premi, & occurfu fenestralis parietis præpediri, ne clauum sibi traditum liberè vel adducat, vel reducat, ac in optato destinati puncti termino collocet: & non rarò etiam contingit ipsum Gubernaculi clauum, cum toto instrumento, & communes substructiones fulcimentorum, ac præsertim, numeratricem subtenuem Acum, de qua postea, premi atque opprimi, & sede dimoueri, iniusto pondere eiusdem Scalæ, nisi ipsa speciali sibi singulariter attributa sultura sustentetur; quod maximè accidit in regimine Meridiani quando admodum pauci intercedunt gradus inter clauum Gubernaculi, & Acum numeratricem: nam reliqua Scalæ moles in aere tunc librata, tollenonis modo vniuersam machinæ struem, mirum in modum torquet. Atque ideo necesse est, saltem tres quatorue, aut etiam plures habeantur Scalæ subtiliores, breuiores, & consequenter leuiore, quarum vnà 20, altera 35, tertia 60, siue plures siue pauciores gradus illius primæ adæquent: quæ quidem cū ad mouendæ erunt operi, in vicem illius præcipuæ & magistræ Scalæ, legem priùs ab ea addiscant, id est, quantitatem & extensionem chordæ, gradus cuiuslibet requisiti, ab ea desumant. Facillimè autem chordam cuiuslibet propositi gradus subseruienti Scalæ communicabit Scala magistra, si ambæ inuicem ita copulentur, vt & secundum centra, & secundum lineas fiduciæ sibimet coæquentur, tunc enim norma rectangula applicata puncto propositi gradus in linea fiduciali Scalæ principis, designabit punctum correspondens in linea item fiduciali Scalæ vicariæ, quæ sic demum virtute signaculi sibi ita crediti, poterit quoad hoc punctum, locum magistræ legitimè tenere, & munus obire.

*Quot gradus contineat semidiurnus Cancrī arcus, ad poli
annotatas eleuationes.*

Poli Eleuat.	40	41	42	43	44	45	46	47	48	49	50
	G. M.	G. M.	G. M.	G. M.	G. M.	G. M.	G. M.	G. M.	G. M.	G. M.	G. M.
Cancrī ar- cus semid.	111 24	112 13	113 3	113 55	114 50	115 46	116 46	117 48	118 53	120 1	121 13

Conficitur hæc tabula, ex obliquarum initij Cancrī ascensionum tabulis, ad propositas poli eleuationes, hoc modo. Cancrī obliqua ascensio, verbi gratia, grad. 58 min. 47 ad poli eleuat. 50, subducitur ab ascensione eiusdem Cancrī recta, quæ est grad. 90; & supersunt gradus 31 min. 13, qui in arcu diurno Cancrī sunt inter circulum horæ 6 à med. nocte, & Horizontem ortium: deinde ijdem 31 grad. & min. 13, iunguntur cum gradibus 90; qui rursus eidem arcui debentur, ab eodem circulo horæ 6 vsque ad Meridianum; & proueniunt gradus 121 min. 13 pro integro arcu semidiurno Cancrī, ad poli eleuat. grad 50.

Propositio XXXIII.

*Scalæ iam omnibus suis instructæ, & ornatae numeris
clauum, unaque regimen utriusque instru-
menti committere.*

Primùm vt clauus seu temo S (vide *prop.* 25) aptè inferatur foramini ad iustam æqualem mensuram patenti in A centro Scalæ, excavetur hinc inde ad summum utrunque os foraminis (quia vt *precedenti proposit.* dictum est, utranque Scalæ faciem vicissim admoueri vsus postulat) lacuna quadrangula, quam infert temonis capitellum S, ad planam Scalæ superficiem coæquatum bellè oppleat: hoc enim modo egregiè cauetur tum ne capitellum extans, fili per radium Horizontis IM, in Verticali instrumento, vel per radium Æquatoris FE in Meridiano, emissi liberum ductum impediat: tum ne clauus ipse, conuerso nequicquam, & contorto cochlidio T, simul & ipse rotetur. Sic itaque aptatus Scalæ moderatici clauus, centro Gubernaculi H committatur, adacto mox cochlidio T coercendus. Vt verò ad rem certissimam breui, ac facili experimento comprobetur, num Scala in puppi iam sedens, debito legitimo situ sedeat, & clauum aptè teneat; primò quidem quod attinet ad regimen organi Verticalis, latus fiduciale Scalæ, vt dixi, clauum tenentis, & Gubernaculo inhaerentis,

rentis, ita coniungatur regulæ BD dicti Verticalis, vt eidem, quâ in longum tenditur, adæquetur (amota si opus fuerit fibula B) eo fere modo quo circini gemina crura sibi inuicem coaptata contactu vniiformi adæquantur. Superior verò fiducialis angulus Scalæ similiter adæquetur radio Horizontis IM, vel certè illum non exuperet. Ad extremum diligentissimè obseruetur, vt Scalæ, dicto modo applicatæ & coniunctæ, gradus sexagesimus à centro eiusdem numeratus, præcisè attingat Verticalis instrumenti centrum I; donec enim hæc omnia iam dicta sibi ritè cohæreant, non erit Scala in debito situ, neque ad regimen Verticalis idonea.

Nunc quoad Meridianum, vt pari ratione comprobetur sit ne positus Gubernaculi, & Scalæ legitimus, necne; clauum sic teneat Scala, vt altera eius plana superficies cohæreat circulo Gubernaculi; alterius verò superficiei summus fiducialis angulus radium Æquatoris EF delibet; ipsum verò eiusdem Scalæ latus fiduciale, vtrique regulæ AB, & CD, libero æquali contactu incumbat, & gradus sexagesimi à centro Scalæ numerati punctum attingat præcisè meridiani centrum F. Atque ac demum lege inauguratæ Rectrici liceat vtriusque pariter organi moderamina fœliciter sumere.

Propositio XXXIV.

Locum speculi disponendis in debito situ organis, & horologio Catoptrico-Gnomonico mox delineando præeligere.

Locus speculi per 4 postulatum huius, est locus centri Sphæræ Catoptricæ, in horologium reducendæ: quia igitur organa iam antè parata, Verticalis nimirum & Meridianus, præcipuos, hac in re, Sphæræ circulos mobiliter repræsentant (quemadmodum etiam, dictum est in præfatione ad apparatus ipsorum) debent eorum centra, ipsius loco speculi accuratissimè coaptari; quare locus speculi ante omnia determinandus est. Is verò in aliqua fenestræ parte debet eligi talis, vt occlusa eadem fenestra (propter rationem paulò post dicendam) & solùm in ima parte dimisso in modum fenestellæ foramine, liberè solaris radius & speculo deforis incidens admittatur, & inde reflexus intrò in horologium transmittatur.

Quia verò multiplex, & varius esse potest speculi positus, secundùm quod variæ sunt Sphæræ Catoptricæ, nec facilè possum vnica propositione exempla singulorum ponere; potest verò, statim à quouis intelligi ex vno diligentius exposito, quid in alijs quibuscumque, cum proportionem obseruandum sit: Ideo nunc sicut & sequentibus propositionibus exemplum solummodo ponam in speculo Sphæræ Horizontalis, cuius etiam solam delineationem volo curiosius exponere, traditurus postea summatim ea, quæ in cuiuscumque


iussit alterius Sphæræ proiectoria, specialiter obseruanda erunt; aliàs enim in immensum excresceret & labor, & liber.

Duo itaque fila A C, & D E tenuissima leui mutuo tactu in B, (fixis in utroque poste, necnon in supero inferoque limine, clauulis) tali modo ac loco extendantur, vt quasi speciem referant, & reuera locum teneant, quæ (occlusa fenestra, & valuis intus obseratis) occupat ea superficies quæ valuarum siue alterius generis claustris fenestralis medio crassamento insidet. Filum tamen D E, ad tertium transuersum digitum ab suprema periboli seu loricæ fenestralis planitie attollatur Horizonti parallelum. Filum verò A C secundum axem eiusdem Horizontis, beneficio perpendiculi, exarumissim appensum, in ea fenestræ parte inter vtrunque postem collocetur, in qua, omnibus pensatis, matutini Solis, aut vespertini, radijs excipiendis commodior visa fuerit speculi sedes, prout Solem fenestra meridianum directè vel obliquè respiciet, & prout ad eiusdem fenestræ latera extimi prominentes anguli parietum, plus minùsue, prædictis radijs officient: eos tamen angulos (ni fortè prohibeat structuræ elegantioris ornamentum atque symmetria) quemadmodum & reliquos duos citimos, quos intus ad Horologij spatia laxiora, paries aliquando crassior, iniquè obtendit; obliqua latè cæsura pariter excindi placet; illos quidem ne radijs directis, hos verò ne reflexis officiant; vel certè vt minùs officiant.

In hoc exemplo idem filum A C collocatur ad medium fenestræ, tanquam directo in meridiem, aut prope directo aspectu ex hypothese obuersæ: ipsum verò oportet produci deorsum ultra filum D E ad duos ferè palmos vsque in C; perrupta etiam in hunc finem, quantum necesse sit, loricæ maceria completo mox horologij opere refarcienda.

Filum vtrunque dicto modo collocatum, & probè intentum in puncto mutui, leuis vt dixi ac sine pressu, contactus; atramento è summa calami cuspidè subtiliter affuso, vel alio simili, notetur signo minimè deletili; atque etiam in quatuor æque clauulis notæ minimè deletiles, limula, vel simili instrumento imprimantur: vt videlicet prædicta fila identidem amouenda, restituendaque iisdem semper locis fideliter restituantur: quapropter & ipsi clauuli firmiter depacti, immoti perstent donec speculum, ipsaque instrumenta loco, & situ debitis, collocata sint: punctum enim B, videlicet concursus vtriusque fili, erit nobis vertex Gnomonis Catoptrici, id est centrum Sphæræ Catoptricæ in horologium extendendæ, & locus centri ipsius speculi; vnde & filis ipsis, & præcipuè puncto contactus B in utroque signato, utemur, tum ad speculum, tum ad instrumenta collocanda.

Interim tamen dum hæc peraguntur, fenestrales valuas, aut si quod est aliud ostij genus, cardinibus deponi, ac remoueri oportet, ne vel motum liberum instrumentorum, vel certè lineas ad horologij complementum, in ipsis interioribus fenestræ lateribus designandas impendant: at postmodum.





dum perfecto horologio in statum pristinum restitui necesse est, ut nimirum, lucente Sole, fenestra quidem occlusa maneat, solum verò in imo commodum foramen quadratum, ferè semipalmare supra speculum pateat. Si enim se tota per patentès fenestras lux Solis infunderet, suam ipsius, vacua sub testudine nouum Signiferum orbem reflexè decurrentis, gloriam horoscopam nimio splendore offunderet, vel etiam in idem aliquando incidens adobrueret.

Propositio XXXV.

Speculum aptare ad locum iam in fenestra electum.

Speculum conuenienti situ collocatum oportet esse immobile: si enim postmodum casu aliquo emotum, & vel centesimam lati capilli partem huc illuc declinatum fuerit; radium longius extra præscriptos limites, reflectet: firma itaque sedes ei præparanda est.

Ex ære fusili basis *ab* tornatilis, (vide figuram præcedentis propositionis) tribus in altitudinem totidemque in diametrum datis digitis, superiorem aream velut magnæ cuiusdam Sphæræ, ut postea magis dicetur, segmento concavam exporrigat ad speculi sedem: sed & ad eiusdem munimen circum vndique pyxidis modo labrum attollat prominulum superans crassitiem speculi intus collocati, solo glutinis interijciendi intervallo, quod ut postea intelligetur valde exiguum erit, & ferè nullum; saltem in toto ambitu iuxta imam interioris labri radicem: volo namque summam in circuitu oram speculi, secundum inferiorem superficiem inniti æneæ basi ferè immediatè id est mediante solummodo glutini tenuissimi crustula crassitiem habente quasi nullam: idque ob hanc causam, ut videlicet, si fortè contingat frangi speculum, simile aliud ad eundem præcisè situm substitui certo possit: est enim res hæc summi momenti ad radij veracem reflexum.

Quòd autem iussi excavari eam aream secundum Sphæræ alicuius magnæ segmentum, ideo est quia speculum superficie deorsum latitante conuexa tumidum confici postea præcipiam *prop.* 127 aut certè suadebo; cavitatis autem basis ita comparata esse debet, ut eam speculi facies conuexa, omnino non tangat; nisi secundum extremam oram, ut dixi; tota verò reliqua area ad certam mensuram æqualiter depressa relinquat solummodo locum valde modicæ crustæ glutinis interijciendæ. Quòd si speculum inferiori etiam superficie planum assumatur, pari modo seruata proportionem plano concavam esse oportet basim interiorem.

Præterea eadem basis retineat, confertis ad latus fibulis nexile operculum pyxidatum, nunc, prout opus fuerit, protegendæ vitreæ fragilitati, placida manu imponendum; nunc pari facilitate deponendum, cum suus

horologio Sol restituendus erit. Sit verò idem operculum tali modo concavum, ut ipsius quidem basis summo labro per ambitum cohærens, quin etiam illud proprio suo labro includens, supra speculum aliquantulo intervallo emineat, ne vel attactu suo inficiat, vel quovis arenæ granulò fortè à ventis delato; intercepto autem & incautiùs presso læuorem violet speculi.

Ab inferiore parte basis, eidem adnatus capulus *cd* sesquidigitali; aut si vis etiam paulò maiori diametro, nouem aut decem digitos longus, ad extremum in *de* spiralem in cochleam, striatus, & compar sibi cochlidium rapturus duplici transuerso foramine stilum seu vectem contorquentem *f* *c*, per quatuor æquè partes admittat. Dictum verò cochlidium aptè excavatum ac exaratum pateat in anteriore parte ferrei cuneoli *h*, crassi quidè vnum digitum, duos verò lati, & quinque vel sex longi, postremò bifida, cuspidè redunca diuaticati, quò depactus, & compactili optimo gypso implicatus, intimo murò firmiùs inhærescat.

Cudatur etiam, & complanetur, ac læuigetur lamina ferrea *kl* (erit fortè commodior ænea fusilis) crassamento ad minus semidigitali, palmari latitudine, præsertim circa medium, longitudine ferè sesquipalmari, tali verò forma, quali & in ipsa lineari pictura apparet; quaternis per quatuor partes dispositis foraminibus, quorum illud quidè quod est in *k* cæteris latius, æqualis diametri capulum *cd* cum aliquantula vi immissum strictè complectatur; reliqua verò tria similiter includant totidem clauos teretes, in faxum marginis fenestralis postea defigendos.

His ita comparatis, in superiori planitie faxi marginalis, locus disponatur, & vacuetur, qui laminam *kl* impositam excipiat, ut ea quidem sub filo *DE*, atque ad tertium ab eo digitum collocata, Horizonti æquidistet; centrum verò præcipui foraminis seu annuli *k'*, quod nunc sit *G*, conueniat ad amissim filo intento *AC*: sub alijs verò foraminibus, facti in saxo scrobiculi reduncas clauorum radices infuso plumbo implicatas, confirmatasque retineant. Præterea sub eadem lamina suo iam loco disposita, & confirmata, ad nonum circiter ab ea digitum in *Z*, aperto scrobe aliquantulum latiore, & profundiore, locus detur cuneolo *h*; ita ut idem filum *AC*, ut supra, æquè per centrum cochlidij transeat: & interim quidem ipse cuneolus circumpositis solùm ruderibus, testisque confractis, utcunque contineatur; donec experimento certiori *propof. 38* mox declarando euidentiùs comperiatur legitimus illius situs sub annulo *G*, atque in linea Verticali *AC*: amoto autem filo *AC*, capulus *cd* immitatur in annulum *G*, & ima eius cochlea suo cochlidio committatur; ita ut inferior superficies basis *a* innitatur æqualiter cohærens subiectæ laminæ *kl*; superiùs verò labrum eiusdem vnà cum speculo intra cavitatem ritè sito (ut statim dicetur) & firmato, filum *DE* attingat, centrum autem ipsius speculi conueniat præcisè puncto *B* notato ut antea dictum est, in eodem filo *DE*. Superest nihilominus dicendum, quomodo speculum in sede paratæ iam

iam basis componatur & constabiliatur.

Speculum itaque in orbem curiosè resectum, inferiori concavæ basis areæ commensuratum, expolitum verò ac terminatum, eo modo quem, *in fine huius libri* tradam; eidem agglutinabitur electo aliquo lento ac tenaci glutini genere, quod semel concretum, neque Solis ardore quantumvis caniculari liquefcens remittatur, neque nocturni roris, vel etiam imbrium largiùs allapso humore solvatur: alioqui enim speculum ambiguo glutino, modo in hanc modo in illam partem declinatum, ad Horographi dedecus (veluti deriuato in ipsum crimine) dubium huc illuc incerto reflexu radium extra Solis expressam orbitam miserum erronem agitare.

Huic ego rei commodissima, & constantissimæ tenacitatis esse hactenus probavi pigmenta quælibet, præsertim è genere fossilium (sunt enim hæc compactiora & corpulentiora & glutinosiora) oleo è nucibus expresso temperata, & optimè subacta, qualia à pictoribus vsurpantur; si tamen oleum ipsum priùs concoquatur, multò celerius concrefcet glutinum. Hoc igitur pictorio glutino è summo penicillo perlinatur tum interior pyxidatæ basis area, tum speculi postica facies in eandem basim statim demittenda: quo facto speculum ipsum solidioris asseris perfectè plani imposito ita comprimatur; ut eo pressu, quod superfluum fuerit glutini, effluat; & speculi facies pellucida ad summum coronarium basis labrum æqualiter subsidat. Mox basis ipsa cum speculo dimittatur loco, & situ opportuno, ad tertium circiter diem, donec scilicet cogatur, & indurefcatur glutinum. Post sufficientem verò concretionem, liberè tutòque poterit manu attrectari, & loco suo iam parato reponi, ac extrahi, sicut opus fuerit; atque etiam si qua glutini iam tum recentis effusa speculum stilla maculasset, cultri acie leniter deradi poterit.

Propositio XXXVI.

Lineam Meridianam, in superficie horologij Catoptrico-Gnomonici plana, vel alia quacunque, designare.

SIt per prop. 34. collocatum in medio fenestræ filum Verticale AC; atque per 35 annulus G in lamina ut ibi dicebatur kl, cui basis æneæ capulus inferendus est. Nunc verò aliquo ex modis descriptis prop. 12 2 huius, præsertim verò quarto modo, utpote certissimo, sub dio foris linea Meridiana perquiratur; ita tamen, ut funiculus IA (ita notatus in ea prop. 12) à septentrionali parte ligetur ad centrum annuli G; cætera verò fiant quemadmodum ea prop. dictum est, ut nimirum linea funiculi IA (qui nunc nobis est IG) sub Meridiano collocetur; beneficio perpendiculari EF, quod

hïc notatur KL, & lineæ optiçæ GH, hïc notatæ BD: quod cum accuratissimè factum fuerit, filum tenue puncto ipsi I adalligatum, altero autem extremo summis apprehensum digitis, rectà extendatur donec Verticalem lineam fili AC leui tactu perstringens, ad interiorē oppositū parietem terminetur, primò in M, deinde in N; per quæ duo puncta, ac per alia intermedia simili modo notata, si necessaria fuerint, designabitur portio lineæ Meridianæ MN. Postmodum figatur in puncto M clauulus, ac eidem validè intentum colligetur filum idem tenuissimum IM, quod quidem ita dispositum, erit veluti regula rectissima & certissima, eoque dirigente reliqua portio lineæ Meridianæ, quæ supra M, versùs Q & R, R in superficie tum parietis, tum testudinis continetur, designabitur hoc modo: fixo clauulo in puncto N, vel alio simili ad perpendiculum constituto sub lineæ fili IM, atque ab ea remotissimo, vt H, adalligetur aliud filum simile NR, siue HR; summisque apprehensum digitis extendatur versùs aulæ testudinem; ac etiam versùs parietem, donec ad contactum earum superficierum terminetur, incipiendo à puncto superiori P, progrediendo autem versùs M, vel è contra; ita tamen vt filum NR siue HR ad singulos parietis, vel testudinis contactus, leniter etiam tangat filum IM, atque ita ab eo regatur, ne à superficie plana circuli Meridiani, vllatenus recedat: hac verò ratione, tum in testudine seu laqueari, tum in pariete plurima poterunt, iterato per interualla fili contactu, puncta notari; quæ omnia, adiectæ regulæ beneficio, copulanda sunt lineæ quadam seu recta, seu curua, seu etiam mixta, prout superficies horologij elata, aut concaua, aut plana exegerit: atque hæc ipsa erit communis sectio superficiei horologij, & circuli Meridiani in Catoptrica Sphæra Horizontali; seu, quod idè est, erit lineæ Meridiana, ad quam Sole Meridianum circulum obtinente, speculo autem ad planum Horizontis constituto, radius reflexus terminabitur.

Si quando tamen impeditioris, aut non satis accommodati loci ratio prohiberet funiculum IA (sic notatum *prop. illa 12 2 libri*) alligari ad centrum foraminis G, vt iam dictum est, vel ad aliud æquiualens punctum in lineæ Verticali AC; tunc in alio commodiori, non tamen admodum remoto loco dictus funiculus extendatur; & cum in plano circuli Meridiani, collocatus noctu fuerit *per supradictam propof. 12*: ante meridiem comparanda erunt aliqua necessaria, quorum adminiculo Solis meridiani siue vmbra siue radius intra cameram seu locum horologij accuratissimè notari possit.

Itaque filum, AC *ex præscripto propof. 34 huius* intendatur, eique globulus E torno laboratus, ac secundum axem aptè perforatus ita innectatur, vt si opus fuerit sursum, ac deorsum moueri, & dato loco consistere possit; atque inde in aulæ pauimentum lucente Sole vmbra proijcere: ea verò si fortè dubia, & non sat manifesta fuerit; explicata super ipsum pauimentum charta candidissima, vel reliqua circumopacata aula, vel vtroque simul





mul adhibito adiumento, ad rem certam deprehendetur.

Sed optimè feceris si occlusa diligenter fenestra foramen tenue reliqueris in aliquo puncto lineæ Verticalis AC ; lux enim per foramen quantumlibet tenue; obscurum in locum introfusa, sensum non fugit. Debet autem fieri tali modo foramen: lignea tabula, vel aliud quid similiter opacum occludens fenestram ita collocetur, ut superficies eius interior cameram respiciens, tangat æqualiter filum Verticale AC ; deinde in aliquo eius puncto filum contingente, ut E , fiat foramen intus quidem ad cameram tenue (ut etiam radium tenuem & exiguum, qualis desideratur, admittat) foris verò ad Solem obliquè patente ore adaperitius; vel aliter; facto in tabula lignea foramini grandiusculo bracteam ferream, vel orichalceam subtiliter perforatam oppone, ut ita exiguum in linea Verticali pateat radio foramen E . Cæterum quò altius, & puncto A vicinius erit foramen, eò à fenestra remotius pavimenti punctum, radius per id foramen se se insinuans, attinget; atque adeo certior erit Meridianæ lineæ designatio.

His ante meridiem comparatis, necesse est circa tempus meridiei, focium adhibere, qui iuxta dicta *prop. illa 12 2 libri* obseruet solertissimè momentum umbræ meridianæ è funiculo IA cadentis præcisè in perpendicularem funiculum MN , statimque nulla interposita mora, signum edat voce vel tintinabulo, aliove simili; tu verò interim observa radij per E foramen introfusi motum in superficie pavimenti. Cùm verò focus foris obseruans significauerit, tu statim intus, parati ad hoc styli cuspide, notam imprime ad ipsius radij centrum F , eidemque mox infige clauulum, cui & simul alteri iam defixo in A , filum tenuissimum validè tensum, hinc inde subtiliter colliga; erit enim filum AF in plano circuli Meridia-

ni quemadmodum solaris radius EF ; eo autem regente simile filum

aliud eductum è puncto H , vel alio quouis puncto ad perpendi-

culum constituto sub filo AF , atque ab eo remotissimo

ut suprà; totam lineam Meridianam designabis in

pariete ac testudine. Eandem verò Meridia-

nam in ipsomet cameræ æquato pau-

mento obtinebis, si puncta duo

iam signata H & F , linea

recta copulaue-

ris.

Propositio XXXVII.


*Meridianum mobilem ad Catoptrico-Gnomonica delineationis
usum collocare, ac disponere eo situ, qui ei competit, in
proposita Sphæra Catoptrica Horizontali.*

Sphæra Catoptrica, quam nunc in horologium reducere proposui, iam centrum ex *propof. 35* teneo, videlicet locum speculi in puncto B: huic ergo eidem puncto coaptandum erit centrum Meridiani organi. Superest verò loca inuenire polorum, siue cardinum; eosque sic firmiter statuere, vt versatile instrumentum, inconcusso totius conuersionis axe inuariatum sustineant: quod quidem hoc modo perficietur.

Repetatur figura *prop. 34*, & primò sub linea Meridiana statuatur in pedamentum ligneus stipes H I, quatuor circiter digitos in quadrum latus, isque ima sui parte, paratum in scrobem aliquantò latiore demittatur, aggestis mox cum gypso tenaci ruderibus constabiliendus. Huic ad summum verticem oblique cæso parua area I, versùs locum speculi B, pateat decliuis secundùm angulum complementi eleuationis poli: ipsi autem eidem area ad angulos rectos circa medium aptè figatur, is è duobus cardinibus *prop. 23* præparatis, cui breuissimus supra tympanum, & basin eminet scapus, futurus idem Sphæra nostræ Catoptricæ polus Antarcticus. Longitudinem verò stipitis, & scrobis seruandam à linea Verticali A C, distantiam non indico; vtranque enim melius quiuvis, spectata loci ratione, ac situ organi secundùm polarem eleuationem, suo Marte, & arte dimetiatur, vel certè repetito bis terue experimento, iuxta conditiones paulò post assignandas, explorans facillè deprehendet ac determinabit.

Alteri polo seu cardini, firmamento erit tigillus L transuersarius, quadrangulus, e solido ligno, ambulatorius; geminis forinfecus in murum firmiter depactis ferreis annulis laxioribus insertus; atque ad eosdem postmodum ligneis cuneis adactis constringendus, & immobiliter coercendus. Eius interim angulus inferior prope M, oblique incidatur; ita vt pronæ cæsura superficies efficiat cum Horizonte angulum complementi eleuationis poli, parallelaque sit decliui stipitis superficiei I; ei autem ad angulos rectos infigatur cardo alter, seu polus Arcticus, longiore in Antarcticum I, obuerso scapo.

Deinde præter fila duo A C, & D E, *propositione 34* iam collocata, tertium F P ita disponatur, vt ex parte F, deorsum foris religatum, crena subtili ad summam lapidis marginalis crepidinem retineatur; tangat verò præcisè punctum B (vtriusque nimirum fili A C, & D E communem intersectionē) cohærens lineæ Meridianæ ex parte P, quo facto idem filum F P atramento notetur in communi contactu B, vt suprà; & filum D E amoueatur, re-tentis tamen & inuariatis clauulis.





His debite comparatis Meridianum organum, vtraque manu libratum, erige; & cum illud paratis cardinibus imposueris, primum experire an eleuationem polarem requisitam obtineat: quod ex appenso perpendiculari filo cognosces in inferioris limbi gradibus à puncto B versus I numeratis; cum videlicet idem filum tangens præcisè gradum, & minutum eleuationis polaris loci, liberè defluet, placidè quiescet, & nullo trepidæ manus, aut perflantis auræ motu agitabitur.

Secundò explora an in plano circuli Meridiani sit organicus iste Meridianus: quod nunc quidem ex eo cognosces, quod æqualiter tangat, vtrunque filum AC, & FP. Postea tamen id ipsum experimento certiori explorabis, vt *sequenti proposit.* dicetur.

Tertiò experire vtrum eiusdem instrumenti centrum præcisè conueniat communi vtriusque decussati fili puncto B: sin minus; aut stipitem HI, aut tigillum L in hanc, vel illam partem, prout opus esse iudicaueris, tamdiu moue; donec hæ ipsæ tres conditiones (quas ad legitimum instrumenti situm omnino necessarias adduxi) accuratissimè obseruatæ, & perfectissimè impletæ conspiciantur.

Quartam tamen adhuc addo conditionem, non quidem pertinentem ad rationem situs instrumenti, sed facientem ad commoditatem eiusdem amouendi, & iterum reponendi (vt non semel conficiendo horologio necesse erit amouere & reponere) immotis interim, & inuariatis perstantibus suo loco iam defixis cardinibus; Est autem hæc conditio vt fibularis annulus inferior cardinis Antartici I, breuiculum scapum amplexatus coronaria in basi subiecta placidè conquiescat: alter verò superior, cardinis Arctici M scapum amplexans medium, distet ab eius basi sesquidigitali ferè interuallo; quo posito instrumentum facillimè, cum opus fuerit, depones hoc modo; vtraque manu apprehensum instrumentum leuiter moue secundum axem IM, ac placidè impelle versùs polum eius Arcticum M: sic enim fiet, vt superiori fibula accedente ad basim sui cardinis M, altera inferior cardinem suum I deferat: hac verò paululum extra cardinem declinata, & paulatim decedente; succedet statim illa, & suum pariter deferet cardinem. Ex hoc autem iam satis superque intelligitur quid, & quomodo agendum, quando suis iterum cardinibus organum reddi oportebit.

Denique stipes HI, ac tigillus L transfuersarius, cum vtroque simul cardine, tali loco & situ constituti, vt requisita simul omnia, iuxta præcedentes conditiones, debite sibi congruant; firmentur ad tempus adactis cuneis: vltimato tamen & perfecto gypsi clauorumque stabilimento, nondum corroborentur; donec situs iam eis ex hac ipsa lege attributus, aut corrigatur, aut omnino legitimus comprobetur experimento certissimo *sequenti prop.* declarando.

Propositio XXXVIII.

Verène, an solùm apparenter, in plano circuli Meridiani sit axis instrumenti item Meridiani præcedenti prop. dispositi certiùs explorare; & comperto non esse, si fortè non sit, in eodem illum certissimè collocare.

Certi quidem iam sumus ex præcedenti propo^s. (reuisse figuram eius) Meridianum organum ad debitam poli eleuationem fuisse constitutum id enim certò demonstrat filum perpendiculi. Et similiter centrum eiusdem instrumenti conuenire præcisè puncto B (id est loco electo centri Sphæræ ac speculi) fidem facit contactus mutuus immediatus dicti centri instrumenti, & eiusdem puncti B in utroque filo atrati. Sed non æquè constat instrumenti axem IM esse perfectè in plano circuli Meridiani: licet enim hoc ipsum quodammodo, & theoreticè probet instrumenti erecti, & vtriusque fili simul contactus æqualis immediatus, vt dictum est; is tamen contactus in praxi decipere posset minùs perspicacem oculum, aut manum minùs accuratam Horographi: error verò quantumvis exiguus, præsertim in principio, nullatenus permitti debet, ne paulatim decursu ipso succrescens, innumeros alios trahat secum longè turpiores. Quapropter, antequam ad opus vlteriùs procedatur, omnino necesse est explorari experimento aliquo certissimo præuio, sit ne verè prædictus axis IM in plano circuli Meridiani; ex hoc enim præcipuè capite, prosperi pendent successus totius operis. Quòd si factò experimento deprehendas eum axem reuera, & non solùm apparenter in debito esse situ, primo isto successu comprobato, factus alacrior ad alia progredi: sin minùs; errorem emendabis, ipsius facti experimenti indicio fidelissimo. Sic autem procedes.

Disce ex Ephemeride quem, & cuius Signi gradum in Zodiaco Sol eo die, hora meridiana obtineat: obtineat autem ex hypothefi gradum 10 Capricorni cum minutis 13, Romæ die 31 Decembris anni 1645: tu itaque in instrumento consimilem gradum, atque etiam minutum, quantum assequi poteris, designabis rubrica deletili, ad limbum superiorem Signiferi: deinde eodem instrumento cardinibus, vt iam dixi, ad tempus confirmatis imposito, & fidelissimo perpendiculo gradum eleuationis polaris tangente vt suprà; seruatis etiam quatuor præcedenti prop. descriptis conditionibus: filum BK tenuissimum centro instrumenti commissum validè intentum, vt in lineam rectam euadat, educ per annotatum punctum gradus 10, min. 13 Capricorni; donec lineam Meridianam in pariete, vel testudine contingat: in puncto autem contactus accuratissimè notato, fac signum deletile K.

Mox instrumentum deponere, atque etiam vtrunque filum AC, & FP amovere; speculi autem æneam basim, affixæ iam in fenestra laminæ admove, capulum parato annulo G inferere, & subiecto cochlidio Z altè committere: ipsum præterea cochlidium & vnà capulum, (qua parte inuicem conueniunt) diligenter perline oleo quidem intus, foris autem seuo liquefacto; ne rubigo ex affuso humore soluti gypsi contracta, ea pariter quasi agglutinata copulet; & relaxando, cum opus fuerit, atque eximendo capulo difficultatem ingeneret, cum periculo cochlidij commouendi.

Nunc etiam cura ipsam basim simul cum capulo, & cochlidio ita disponere, vt operculum eidem basi annexum, in eam partem fenestræ maioris, vel potius fenestellæ vt *propositione* 34 dixi, relinquendæ, conuertatur; in quâ potius conuertendum tibi visum fuerit, vt vel intus, vel extrâ referando reuoluatur; deinceps enim situm illum mutare minimè licebit.

Collocata iam basi, papyrum tenuissimam, tenaci mollicula cera, ad labrum, vel ad latera eiusdem basis hærentem, ipsius autem speculi plano solerter coæquatam, tali modo dispone; vt medium rotundum in eâ relictum foramen, circa centrum speculi pateat; viamque exiguo centrali radio præbeat. Postmodum fenestram occlude, vt radio directo pateat solum foraminulum E ad lineam Verticalem AC, diligentissimè collocatum *ex propositione* 36; radio autem reflexo aditum præbeat aperta circa speculum fenestella iuxta dicta *in fine prop.* 34.

His ipsa die 31 Decembris anni 1645 Romæ, vt suprà, ante ipsum meridiei tempus comparatis, accuratissimè obserua momentum, quo radius per foramen E infusus, lineam Meridianam in pavimento exaratam attinget; quemadmodum dicta *propositione* 36 factum est: paulò tamen antequam attingat; scrobiculum Z, quo ferreus intra murum detinetur cochlidij cuneolus, ingestis tenacissimo cum gypso ruderibus curiosè oppletum, tempestiuè obstrue: tempestiuè, inquam, vt gypsum, instante præcisè meridie, recens adhuc, & molliculum sinat, si fortè necesse fuerit, cuneolum interceptum nonnihil moueri, & optato in loco aptè componi; vt statim dicam.

Cum itaque dictus radius directus Meridianam lineam in pavimento tanget medius, eodem temporis momento, speculum, si quidem in ipso plano Horizontis verè existat, radium reflectet præcisè in K: sin minus, nulla interposita mora, cuneolum cochlidij Z, in hanc vel illam partem cautè impelle, contruso ad latus clauo ferreo, in hoc ipsum preparato, siue acuminata tenui testa; vel foras aliquantulum retrahe, vel intus protrude; sicut opus esse iudicaueris: atque hac lege, & hoc artificio diriges cum cochlidio capulum *c d* (qui nunc sit G Z) vnàque basim, & speculum, donec reflexi radij centrum cadat præcisè in prædictum punctum K, eodem prorsus momento temporis, quo simile directi radij centrum deorsum in lineam Meridianam incidet. Atque ipso eo positu

firmandum speculum, cum toto basis apparatu, dimittatur donec gypsum paulatim coalescens, ac lapidescens omnino diriguerit; & iam amplius cum cochlidio cuneolum commoueri periculum nullum superfit.

Interim autem reliquo diei tempore, dum idem reflexus radius, futuri campum horologij nouus aduena collustrat; tu eius vestigia sedulus obseruator prosequere; & identidem per interualla deletiles, ad eius umbilicum, notas exara; præsertim circa tempus occasus: quod idem pari sollicitudine sequenti die, saltem ad primum exortū Solis, horis antemeridianis perficies, quin & pomeridianis, si forte vnam integram diurnam Solis semitam desideres, velut præambulam certissimam cæterarum artificiosè designandarum regulam: quamuis absolutè vnum aut alterum in remotissimis horologij partibus occiduis, vel ortiuis accuratissimè notatum punctum, ad rem nostram abundè sufficiat, verbi gratia V, circa occasum primæ diei, & X circa sequentis exortum.

Obserua autem in his, tum circa occasum, tum circa exortum notandis punctis, vt Sol aliquantam habeat supra Horizontem eleuationem; si enim cum est Horizonti valde propinquus, tunc etiam loca radij reflexi, punctis in pariete signarentur; ea vt plurimum puncta non carerent periculo erroris, ob refractiones radij incidentis, à vaporibus Horizonti circumfusus factas; vnde ab ijs punctis omninò abstinendum, nisi fortè aer foret purissimus, sed de his fusiùs monui *prop. vltima primi libri*.

Notatis hisce punctis, vt dictum est, speculi basim cum capulo, lentis conuersionibus paulatim emergentem exime cochlidio, & sic eam amoue: deinde Meridiani organi cardinibus impositi centro, filum tenuissimum, commissum, ac in lineam rectam validè intentum, coniunge puncto V; (suppono autem V esse valde remotum à K, saltem quantum fieri poterit) conuerso autem instrumento & adducto donec filum ita intentum tangat, vide an gradus 10 minut. 13 Capricorni, eidem filo respondeat: & si quidem respondet; iam axis I M in plano est Meridiani circuli. Ad maiorem tamen certitudinem transfer filum pari modo intentum ad reliqua puncta solaris curriculi, eodem die, notata; his enim singulis coniunctum, vt suprà, filum gradus idem, ac minutum Capricorni tangere debet applicito eidem, vt priùs, instrumento. Præterea iunge filum puncto X notato in exortu secundæ diei, illud enim tangere debet gradus alter Capric. videlicet 10 cum totidem circiter minutis, & ita de reliquis punctis diurni huius curriculi (quod tamen cum aliqua restrictione intelligendum est) vt statim enotatiùs explicabo.

Quòd si filo punctis V, & X, cæterisque coniuncto, vt dictum est, non respondeant suo ordine dicti gradus & min. Capricorni; compelle subtiliter stipitem H, vel tigillum L, aut vtrunque simul in hanc vel illam partem, sicut necesse esse iudicaueris; donec immoto instrumenti centro, ac inuariata eius eleuatione secundum poli altitudinem, prædicti, suis cum
minu-

minutis, gradus, filo, punctis iisdem V & X coniuncto, exquisitissimè, suo ordine, respondeant: tunc enim verissimè debitum in plano Meridiani situm obtinebit tum ipse axis I M, tum reliquum instrumentum: atque secundùm illum eundem situm (donec horologium perficiatur) hætenus non variandum, stipes H, & tigillus L, totus videlicet fulturæ, & substructionis apparatus, cuneis adaëctis, congestique, tenaci cum gypso, rudibus confirmandus, & constabiliendus est.

Monitum.

Quod dixi gradum 10, & 10 etiam circiter minutum Capric. debere respondere filo extento ad punctum X circa exortum Solis, die prima Ianuarij, anni 1646, notatum; ac etiam extento ad reliqua omnia puncta totius illius diurni curriculi, necnon eadè ratione gradum 10, & min. 13 respondere debere filo extento ad puncta pridiani curriculi K & V, cæteraque intermedia; intelligendum est, subducta differentia declinationis, quam Sol motu suo in Zodiaco acquisiuit spatio illius diei: mutat quippe Sol paulatim declinationem ab Aequatore, prout alium, & alium Eclipticæ gradum scandit: quare cùm integro vno die naturali gradum vnum Eclipticæ, demptis min. pauculis, transgrediatur; seruata proportionem, quartam partem gradus, vel tertiam, vel dimidiam, parte diei dimidia, vel tertia, vel quarta decurret, & consequenter declinationem mutabit, ea proportionem, qua, varia erit declinatio quartæ, tertiæ, vel dimidiæ partis eiusdè gradus: eritque habenda ratio diurni incrementi, vel decrementi declinationis in toto vno diurno radij reflexi curriculo, vt omnia ad amissim, mathematicam sibi conueniant. Nihilominus absque sensibili errore negligi posset prædicta differentia declinationis matutinæ, meridianæ, ferotinæ; tum quando paruum est horologium (in eo enim spatia quoque graduum valde exigua sunt) tum quando Sol in Solstitio est, vel ab eo non multum distat, vt in exemplo assumpto, 10 grad. Capric. quia tunc hæc ipsa differentia adeo est exigua; vt sensu nullatenus deprehendi possit. Sed quando circa Aequinoctia Sol versatur; differentia declinationis, hac in re minimè negligenda est, præsertim in maioribus horologijs, qualia ea sunt, quæ plurima hætenus ego delineavi septuagenos & octogenos, ac etiam nonagenos palmos lata.

Propositio XXXIX.


Collocare, & firmare in debito situ Acum numeratricem graduum Æquatoris.

A Cum numeratricem graduum Æquatoris, voco tenuissimam Acum fixam immobiliter in linea, quæ est communis sectio Meridiani circuli, & Æquatoris ad datam aliquam distantiam (quam mox indicabo) ab eorundem communi centro: ratio autem nominis, hæc est; quia in usu & praxi, facta numeratione graduum in Scala representante circulum Æquatoris, finis numerationis applicatur puncto, in quo fixa est Acus, siue ipsimet Acui, quæ ideo numerum graduum desideratum concludit, & quasi ipsa numerat: quod ipsum magis intelligetur, cum ad usum Meridiani organi peruentum erit.

Huic porro Acui, medio aere sustinendæ idoneus vectis quadrangulus NO, in figura *propositionis* 37, fenestræ iugo (vel commodiori loco supra ipsum) firmiter hærens in N, & geminis antarijs regulis RY, & TY hinc inde ad latera depactis, vel aliter, confirmatus, crassus duos digitos, longus verò quantum sufficit, ut verticem O proferat, donec eiusdem obliquè cæsi plana superficies ad Meridianum perpendicularis, Æquatori autem parallela, in eodem sit plano cum circulo Gubernaculi S: hoc autem ipsum explorabis, & comprobabis conuerso Meridiano organo, & adducto usque dum Gubernaculum S; summum vectis apicem O, sub Meridiano firmatum, ex latere tangat; sic enim statim perspicietur, an eorum superficieculæ, sibi ex æquo respondeant pariter pronæ, & pari intervallo distantes à centro organi, & in vnâ veluti ex duabus compactam superficiem complanatæ. Quæ tria simul requiruntur, ut dicta superficiecula verticis O sit in debito situ.

His verò debitè obseruatis filum extende BQ, à B centro organi suis polibus impositi in lineam Meridianam versus Q: illudque secundum eandem lineam Meridianam perduc usque ad contactum dictæ superficieculæ O, ac in ea secundum fili contactum, lineolam Meridianam designa. Mox ope circini sumpto intervallo, quod organi, & Gubernaculi centra B, & S (Hic apparet breuius spatium BS, quam BO; quia instrumentum repræsentatur cum inclinatione, quæ responderet distantie fili BX à filo BK) intercedit; ad idem intervallum, ab eodem centro B, nota punctum in prædicta lineola Meridiana; ac denique in illo eodem puncto fige ad angulos rectos eminulam tenuissimam Acum, cuius pars extans semidigitalis, crassitiem Schalæ adæquet; ea verò ita fixa, & collocata, in plano erit Meridiani circuli, summo vertice tangens planum Æquatoris (videlicet constitutum in situ apparenti huius catoptricæ Sphæræ) linea verò recta, ducta à cen-





tro organi ad prædictæ Acus verticem, æqualis erit tum totali radio Æquatoris FT, vt in *propof. 30*; tum etiam chordæ arcus 60 graduum in Scala, vt *prop. 33*.

Monitum.

Sufficiet Acum numeratricem, cum prædicto fulturæ apparatu collocare, postquam Æquinoctialis cum arcubus radiorum Zodiaci, fimiliterque circuli Verticales cum parallelis Horizotis in horologio designati fuerint; ne forte vectis NO, & confulcientium regularum strues, organorum liberam conuersionem, & fili ductum quodammodo impediat, vel inturbet. Præterea regulæ TY, RY, quæ ampliùs officere possent, ita disponantur, vt in eas non impingat Meridianus mobilis, quando ad eas partes conuertendus erit, vel polis suis imponendus, aut eximendus.

Propositio XXX.

Verticalem mobilem ad Catoptrico-Gnomonica delineationis usum collocare, ac disponere eo situ, qui ei competit, in propofita Sphæra Catoptrica Horizontali.

Duo solum obseruanda sunt, ad legitimum huius instrumenti positum. Primum est, vt eius centrum ad idem loci punctum collocetur, ad quod iam collocatum fuit Meridiani centrum, videlicet ad punctum B. Secundum, vt axis instrumenti, videlicet linea per vtriusque fibularis annuli centrum transmissa, cum linea Verticali AC, id est, cum axe Horizontis perfectè conueniat. Vtrunque verò facilè, ac certissimè obtinebis hoc modo.

Fila AC & FP extende eodem prorsus modo, quo suprà *prop. 37*, vt commune vtrique punctum contactus B, locum videlicet centri, habeas. Deinde amoto filo AC, altero autem retento, ligneam cum suo capulo basim tornatilem (qualis visitur in BG) desuper planam, vno tantum digito extantem supra laminam ferream, eiusque annulum G; cætera, præsertim capulum, æqualem & similem alteri æneæ, iam antè *prop. 35* descriptæ, eidem annulo G, & subiecto cochlidio Z committe; atque in eius centro desuper, tenui priùs parato foramine, alterum è duobus cardinibus *prop. 23* præparatis (eum scilicet cui breuior scapus) propria deorsum adnitente cochleola penetrabilem, desige. Cardinem alterum similiter committe, regulæ Mpalmum circiter vnum longæ, tres latæ digitos, crassæ duos è solidiore ligno: quæ interim funiculo colliganda, postmodum verò geminis configentibus firmissimis clauis copulanda est interiori cameram respicienti, lateri tigilli L: hic verò transuersim vtrique posti sic aptandus est; vt alterum, altera sui extrema parte, tangens; alteri reliqua etiam extre-

ma


ma parte, inhæreat; interposito ligneo cuneo mox ad stabilem firmitatem adigendo.

Sumptis in supero, inferoque latere instrumenti, duobus punctis O, & R, æquidistantibus eiusdem axi B M, designa in utroque iam dicto latere lineolam, eamque in summa ora O, paulò profundiorē exara; ut videlicet contineat tenuissimum perpendiculi fericum filum, aciculæ desuper infixæ circumligatum, ac inde dependens in lineolam R. Infere paratis cardinibus instrumentum, atque observa diligentissimè, ut eius centrum conueniat puncto B notato in filo extento F P: hoc autem perficies, aliquantulum vertendo inferiorem cardinem, ut videlicet eum exeras vel inferas, sicut opus fuerit; suppono autem, ut antea annotaui, defixum esse cardinem in ipso centro lignæ basis, ac proinde in linea Verticali esse eius axem sub puncto B, & propterea non dico impellendum esse illum in hanc, vel illam partem; sed solummodo attollendum, vel deprimendum, sicut opus fuerit.

Deinde cardinem superiorem cum ambulatoria regula M. Ita moue in hunc vel illum fenestræ postem: ac etiam tigillum L, intus vel extra sic trude, ut tandem instrumento in debito situ composito, perpendiculi filum O R, notatis lineolis optimè congruât: hoc autem ipsum, ad maiorem certitudinem, diligentissimè ter explora; semel quidem instrumento sub linea Meridiana constituto, & filum F P, si vis, æqualiter contingente; iterum (amotum hoc eodem filo) instrumento ad partes ortiuas conuerso; tertioque conuerso eodem ad partes occiduas. Hoc enim triplici conuenienter facto experimento, axis instrumenti absque dubio, in axe est Horizontis, ut desideratur. Attamen tigillum L, simul cum annexo cardine, sic attolle supra instrumentum, eiusque superiorem fibulam, ut eximendo (cum opus fuerit) eodem instrumento locus relinquatur, eo modo quo dictum est de cardine, seu polo Arctico Meridiani mobilis, *prop. 37.*

Hactenus de statuendis, ac debitè collocandis instrumenti polis: nunc de Acu numeratrice, quæ ad eiusdem instrumenti regimen vtrumque pertinet, collocanda pariter, & statuenda. Stipitem K, ad lineam Meridianam, desige pauimento, perpendiculariter, & antarijs tigillis S, S, ut supra in Meridiano mobili factum est *prop. 37.* optimè confirma. Huius summo in vertice, æquata superficies Horizonti, atque etiam circulo Gubernaculi H, sic æquidistet, ut Scala semicirculi, seu quæuis alia regula hinc summo stipitis vertici, inde circulo Gubernaculi imposita, Horizonti parallela sit. Deinde extenso à centro organi, vsque ad lineam oppositi parietis Meridianam filo B Q, eodemque tangente verticem stipitis, designa in eius planitie lineolam Meridianam. Tertiò, sumpto, ope circini, interuallò comprehenso inter centrum instrumenti B, & centrum Gubernaculi H, ad idem interuallum ab eodem B, nota punctum I in prædicta lineola Meridiana; eidemque puncto infige ad angulos rectos eminulam tenuissimam Acum numeratricem.





Propositio XXXXI.

Dato axe, & centro Horizontis, totum eiusdem circuli planum organicè formare, ac eadem opera communem illius cum horologij superficie qualicunque sectionem, delineare.

SIt AB datus axis Horizontis, & B datum eius centrum; cuius circuli plana superficies tota, vel in parte, formanda, eiusque sectio, id est, linea Horizontalis in horologio designanda proponatur. Instrumento iam per præcedentem prop. in debito situ collocato, filum tenuissimum à centro B procedens extendatur vsque ad parietem versùs V, deinde Verticalis paululùm conuertatur, donec leniter filum contingat; quo factò diligenter obseruetur, an filum (validè tensum, vt quantum licet, lineam rectam efficiat) conueniat cum instrumentilinea BD ad ipsam AB perpendiculari; quod si nondum perfectè conuenit, attollatur, vel deprimatur ex parte V, donec perfectè conueniat: tunc verò in contactu extremo fili, & parietis imprimatur signum V, cui similia alia eodem modo inuenientur; conuerso ad singula paululùm instrumento, & filo adducto donec lineæ BD ad amissum, vt priùs, conueniat; sic enim plurimæ poterunt, contactu fili, notæ deletiles in pariete designari, vsque ad X, vel vterius, si opus fuerit. Ac tandem lineæ, per prædictas omnes notas, æqualiter beneficio regulæ deducta, erit linea Horizontalis in horologio.

Demonstratio.

QVia Verticalis mobilis super suos polos ita mouetur, vt linea eius AB, circa quam immotam mouetur, non discedat à dato axe Horizontis AB, nec centrum, à centro discedat; sequitur lineam BD ad AB rectam, in omnibus ac singulis punctis spatij, per quod mouetur, remanere semper in plano Horizontis, vtpote, rectos cum eius axe, semper ac vbique faciens angulos; filum verò, cum semper congruat cum lineæ BD, nō differt ab illa, sed est illamet quasi continuata, & producta. Ergo filum BX, seu BV, &c. (siue lineæ BD producta in X & V &c. motu suo continuo, si post se vestigium relinqueret, planam superficiem Horizontis formaret, secaretque superficiem horologij, in punctis X, & V, alijsque intermedijs. Igitur planum circuli Horizontis formauimus, & eius in superficie horologij sectionem delineauimus; quod fuit propositum.

Monitum.

Posset æquè facilè huius instrumēti beneficio formari planum, ac etiam in superficie horologij delineari sectio alterius cuiuscunque circuli in Sphæra maximi, cuius axis, & centrum data essent; nihilominus Verticalem mobilem addixi Horizōti, alijsque circulis eidem parallelis, vel orthogonis.

Propositio XXXXII.

Dato axe, & centro Horizontis, organicè formare conum, cuius basis sit quilibet propositus Almucantarath apex autem sit centrum Horizontis; necnon eadem opera conicam sectionem eiusdem Almucantarath, in superficie horologij, quantumlibet irregulari, delineare.


SIt, vt *precedenti prop.* AB axis Horizontis, eiusque centrum B: proponatur verò designandus in horologio parallelus Horizont. siue Almucantarath, verbi gratia, 50 graduum: hic cum sit circulus in Sphæra minor, sicut omnes paralleli Horizontis, non potest gnomonicè in horologio designari secundum sectionem sui ipsius plani, sed tantum secundum sectionem coni, cuius ipse sit basis, & cuius apex, sit apex Gnomonis, per 20 primi huius. Quapropter erit nunc formandus in primis conus, cuius basis sit Almucantarath 50 grad. apex autem ipsum centrum Horizont. in quo Gnomon Catopt. siue speculum collocandum est; hic autem conus formabitur, simulque eiusdem in superficie horologij, sectio delineabitur hoc modo.


Verticali mobili collocato vt suprà; ex eius centro filum educatur per punctum Y, (vbi ex hypothefi grad. 50 compleantur numerati à puncto Horizont. D sursum versus Zenith A) extendaturque vsque ad parietem, in quo fili validè intenti, & cum dicto gradu præcisè congruentis, contactus R notetur, ac deinceps aliæ similes, hinc inde, frequenter fiant notæ deletiles conuerso paululum ad singulas Verticali, & filo concomitanter adducto, ita vt prædicto gradui semper inhæreat; peracto autem tramite, & tot notatis signis, quot necessaria fuerint; regula applicetur, ita conuenienter incuruata, vt ipso sui flexu primis, verbi g. 10, vel 15, siue pluribus, aut paucioribus simul punctis, apprimè respondeat: atque hoc modo per illa 10, aut 15, ac deinceps repetito ductu, per alia similia signa, æqualiter ac sine angulis curua linea designabitur, quæ erit sectio conica Almucantarath 50, in superficie horologij.

Demonstratio.

NAm ad motum Verticalis, punctum etiam gradus 50 ab Horizonte numerati, videlicet Y, mouebitur circulariter circa axem immotum AB; ac proinde formabit circulum Almucantarath, cuius femidiameter erit linea AY, linea verò BY eodem motu formabit conum, cuius quidem vertex B, centrum Horizontis; basis autem erit idem Almucantarath. At verò ipse Almucantarath productis lateribus coni, veluti per lineam fili BYR, continuè fluens, non solum puncta R & Z, aliaque similia; sed etiam integram lineam curuam ijs punctis designatam, in superficie horologij, appulsu suo notabit, tanquam veram sui sectionem conicam. Itaque conum formauimus, & eius sectionem delineauimus; vt fuit propositum.

Pro-





Propositio XXXXIII.


*In linea Horizontali, quæsitum quodlibet punctum; siue
integri gradus, siue minuti gradus
determinare.*

ESto linea Horizontalis V X, per 41 prop. designata, in qua determinandum postulatur punctum gradus sexagesimi, numerati ab ex ortu æquinoctiali versum meridiem, siue trigesimi è contrà numerati à Meridiano circulo, quod idem est; cum 30 sit complementum 60. Igitur Verticalis mobilis, ut supra, suis polis libratus collocetur inter stipitem K (sub circulo Meridiano existentem) & partem mundi occiduam, ad quam scilicet Solis in parte ortiua existentis, radij reflectuntur; sumatur deinde Scala semicirculi; eiusque centrum, Gubernaculi clauo per 26 huius ad punctum D disposito, committatur per 33: tum in ea numerentur gradus 30, facto initio numerationis ab eiusdem centro; sitque finis numerationis punctum F in linea fiduciali Scalæ. Postmodum Scala ipsa adducatur vel reducatur donec punctum eius F, præcisè contingat Acum numeratricem in summitate stipitis K fixam per propof. 40, in fine; ac in eo situ reuinciaturo apto quodam ligaminis genere: vel impacta atque adacta anfulæ AB (de qua inferius) cochleola, constringatur; ne quo modo ab Acu numeratrice recedat dictum punctum F.

His peractis filum tenuissimum ex instrumenti centro B eductum, & summis digitis apprehensum, extendatur vsque ad lineam Horizontalem, & ita extensum adducatur, vel reducatur, donec lineam B D leniter tangens ipsi perfectè conueniat: dixi leniter tangens, quia si fortius, ut ita dicam, tangeret, & quasi premeret, linea ipsius fili vitium pateretur ex violento contactu, nec esset amplius recta. Itaque filum, dicto modo lineæ B D conueniens in contactu parietis, ac lineæ Horizontalis designabit punctum quæsitum H, id est gradum 30 numeratum à Meridiana linea N O: & segmentum O H respondebit arcui 30 graduum Horizontis. Nunc anfulam construamus quæ Scalam semic. retineat firmam.

Ex orichalco aut ferro instrumentum A B fiat rectangulum, anfulæ modo, hinc inde vncinatæ in B & N; & ad medium munitæ meabili cochleola C D, cuius ad summitatem D æqualiter vndique derafæ, & attenuatæ particula cylindrica in vmbonis E F laxiusculum foramen inferatur; ut facile, ipso vmbone immoto, verti possit: eiusdem tamen summum, sub vmbone, caput malleolo retundatur, ne vmbone ipse vnquam excidat. Instrumenti sic structi vsus iste erit ad propositum accommodatus: stipitem GH (qui stipitem superius notatum K refert) trajiciat ferreus clauus teres,

& ex vtraque parte in K & I emineat: huic verò implicetur prædicti B & N vncini: tum verò Scalam semicirculi hic notatam L M, stipiti impositam, & Acui numeratrici conuenienter, iuxta desideratum graduum nume-



rum, aptatam premet impactus contorto cochlidio vmbo, & immotam in situ debito continebit. Opto autem stipitem ipsum in plures, quàm in quatuor, vt in octo saltem superficies planas per latera excindi in summitate H; vt ita totidem eminentibus in circuitu clauis, pro opportunitate operationis, aptari possit ansula.

Demonstratio.

Quia enim angulus DBF, est angulus graduum 30, vt patet ex chorda DF; sequitur totalem angulum HBO, esse etiam graduum 30; siquidem includitur iisdem lineis rectis, sed productis BF O, & BD H: igitur portio lineæ Horizontalis OH, iisdem illis lineis comprehensa æquiualeat arcui Horizontis graduum 30. Ergo punctum H est punctum quæsitum, quod vt propositum fuerat determinauimus.

Propositio XXXIV.

Data diametro propositi alicuius circuli Verticalis, & dato uno aliquo puncto, in eius plano, formare organicè totum planum, eiusque communem cum superficie horologii sectionem eadem opera delineare.

Supponatur delineandus in horologio circulus Verticalis declinans à primario, gradibus 60, cuius iam diameter habetur; recta videlicet AB in figura præcedentis propositionis (quæ est communis omnium Verticalium diameter, utpote per Zenith transiens) & in cuius plano est punctum H per præcedentem propositionem inuentum; cum in eo puncto se communiter secent Horizon, & prædictus Verticalis. Eius itaque planum integrum, hoc modo formabitur, & sectio eius in horologio delineabitur. Verticali mobili iam immobiliter stante in situ præcedentis prop. filum tenuissimum, centro B emissum moveatur sursum ab H versus S, R, & G; ita ut latera instrumenti DC, & CA continuè radat, seu leniter tangat; & sic extendatur vsque ad superficiem horologii, & in contactu eius, varia, prout necesse fuerit, signa deletila notentur; hæc enim, si beneficio regulæ, conuenienter copulentur linea quadam recta, vel curua, prout superficies horologii plana, vel alia tulerit, dabunt sectionem circuli Verticalis, 60 in superficie horologii.

Demonstratio.

Nam euident est Verticalem mobilem in eo situ conuenire cum circulo Verticali sexagesimo, & in plano eius omnino consistere: filum autem dicto modo extensum, & circumductum non potest non esse in plano eiusdem circuli; cum continuè cohæreat lateribus Verticalis organici. Ergo linea HSRG, contactu quasi continuo fili designata, est sectio Verticalis 60 in superficie horologii. Igitur &c.

Propositio XXXV.

In quolibet circulo Verticali punctum questum determinare,

Desideratur punctum 50 Almucantarath in circulo Verticali declinante 60 grad. ab ortu in meridiem: id verò sic inueniatur. Instrumento Verticalis mobilis debitè collocato in axe Horizontis, (vide figuram propof. 43) ut semper sit, atque inter partem ortiuam horologii, & Meri-

Meridianam lineam disposito, Scala autem clauum tenente vt *prop.* 43; in gradibus eiusdem Scalæ, ab ipsius centro D, versùs partem oppositam, numeretur complementum graduum 60 nimirum gradus 30; tum finis numerationis subtiliter coniungatur Acui numeratrici fixæ in summo stipite K; & hoc facto, firmataque statim Scala, simul cum Verticali organo, vt ea *prop.* dictum est, numerentur gradus 50 in latere ipsius Verticalis mobilis, à puncto D versùs C & A: si enim fini huius numerationis, vt Y, applicatum filum extendatur donec horologij superficiem contingat, signabit ipso contactu punctum desideratum in proposito circulo Verticali. Nec est opus huius operationis demonstrationem specialem adducere; cum in 42, & 43 *propositionibus* apertè contineatur.


Vfus Gnomonis Meridiani mobilis

Propositio XXXXVI.

Dato axe, ac centro Æquatoris, formare organicè totum eius circuli planum, ipsiusque plani communem cum superficie horologij sectionem, eadem opera delineare.

SIt in Sphæra Catoptrica Horizontali, CD datus axis Æquatoris, ac eiusdem centrum F, locus nimirum speculi: hoc posito, sic formabitur planum circuli Æquatoris, & sectio eius in superficie horologij designabitur. Imponatur polis Meridianus *per prop.* 37, & 38; eiusque centro F, tenuissimum filum immittatur, quod validè intentum ab eo puncto per E, id est per radium Æquatoris educatur. Tunc si Meridianus circa dictum Æquatoris axem CD voluatur, vnàque filum ita extensum; motu illo fili formabitur planum ipsiusmet Æquatoris; Si verò idem filum ita circumductum tangeret continuè superficiem horologij, in ea, sine dubio, designaret lineam Æquinoctialem: extendatur itaque donec de facto tangat: punctum verò contactus, deletili signo H, notetur; deinde conuerso paululùm Meridiano, filoque iterum applicato, ac educto per idem punctum E, similis alia nota H fiat; ac deinceps aliæ frequentes; præsertim si minùs plana fuerit ipsa horologij superficies. Et tandem, per ea omnia notarum puncta, designata fideliter linea, erit linea Æquinoctialis desiderata.

Demonstratio facillima est ex demonstratis *prop.* 41.





Propositio XXXXVII.

Dato axe ; ac centro Æquatoris , organicè formare conum , cuius basis sit quilibet propositus circulus eidem Æquatori parallelus , eademque opera sectionem eius conicam , in quacunque horologij superficie , delineare .

SIt vt *precedenti propositione* axis Æquatoris CD, eiusdemque centrum F: & proponatur ex hypothesi conus, cuius basis est circulus Capricorni, formandus; necnon eius conica sectio in horologio designanda. Imposito polis Æquatoris, Meridiano, vt antea, filum ductarium è centro F, per punctum Capricorni, quod sit N, in rectam lineam tendatur. Tunc si Meridianus circa eos polos moueatur, vt prius, & vnà cum eo filum FN; euident est, motu fili formatum iri circa eundem axem CD, conum, cuius basis erit circulus Capricorni. Igitur quia eius coni sectio designanda est in horologio; extende idem filum, donec parietem contingat, & notà in contactu fac I; mox alias, & alias complures similes promotò subinde per interualla instrumento; filo autem eidem puncto N semper inhaerente. Tandem applicata regula, eiusque flexu secundum eorum omnium punctorum situm accommodato, designabis arcum Capricorni desideratum.

Demonstratio est eadem, seruata proportionē, quæ *prop. 42.*

Propositio XXXXVIII.

In linea Æquinotiali, punctum quodlibet desideratum determinare,

Postulatur in linea Æquinotiali, per *prop. 46* (cuius reuise figuram) designata, punctum, verbi gratia, horæ 11 post mediam noctem, quod punctum distat 15 gradibus Æquatoris à linea meridiei.

Itaque Meridiano organo, polis Æquatoris, vt prius, imposito, Gubernaculi clauum accipiat Scala semicirculi, vt dictum est *prop. 33*: deinde Meridianus organicus ad partes mundi occiduas (ad quas nimirum ante meridiem radius reflexus vergit) paulatim descendendo à Meridiano circulo inclinetur, donec Acus numeratrix decimum quintum à clauo numeratum in Scala gradum tangat in G, verbi gratia; Si enim in eo præcisè situ firmata fuerit (eo modo quem dixi *prop. 44 in fine*, vel alio) simul cum organo Meridiano Scala; filum è centro F, per radium Æquatoris E ductum, ipsamque Meridiani organi regulam AB in E leniter tan-

tangens, & hac lege ritè extensum vsque ad lineam *Æquinoctialem* *HH*, indicabit in ea punctum quæsitum, vt *K*, per quod transibit linea horæ 11 à media nocte.

Demonstratio est eadem, quæ *prop. 43*, seruata proportione.

Propositio XXXIX.

Data diametro alicuius circuli maximi, per polos mundi, incedentis; & dato vno aliquo puncto in eiusdem circuli plano; formare organicè totum circuli planum, vel certè partem eius desideratam; necnon eadem opera sectionem eius in horologio designare.

Quæritur, verbi gratia, circulus horæ 11 ante meridiem (de quo *superiori prop.*) qui per *Æquatoris* polos incedit; eius autem datur diameter, ipse videlicet axis *Æquatoris*, id est linea *CD*; datur etiâ punctum *K*, eadem *superiori prop.* determinatum in linea *Æquinoctiali*; quod punctum necessariò est in plano prædicti circuli horæ 11 ante meridiem. Igitur disposito Meridiano organo, vt *præcedenti prop.* filum ductarium vsque ad horologij superficiem extensum, ita moueatur, vt regulam *AB* continuè allambat, hoc enim motu partem desiderati plani formabit; contactu autem ipso in dicta superficie horologij, sectionem eius, id est lineam horæ 11 post mediam noctem, designabit *TKV*.

Demonstratio est eadem, quæ *proposit. 44*, seruata proportione.

Propositio L.

In quolibet circulo maximo per polos mundi incedente, punctum quodlibet quæsitum determinare,

In circulo, verbi gratia, horæ 11 post mediam nocte quæritur punctum, quo eum fecat arcus diurnus horarum 14; illud verò sic inuenietur. In primis in Meridiano mobili, præter notas *prop. 28* eidem inscriptas, inscribatur declinatio arcus diurni horarum 14 (erit autem eadem lex pro alijs similibus punctis) hoc modo. per 45 2 huius ad poli datam elevatione, verbi gratia, grad. 42, ducatur in figura eiusdem *propos.* radius *BX*, quem in *Z* secet recta *RV*, per 28 huius descripta: & mox segmento *RZ* æqualis sumatur *EO* ad partes Cancræ (quia declinatio dicti arcus est borealis) in linea *MN* figuræ, eiusdem *prop. 28*: & sic erit *O* punctum in instrumento indicans declinationem arcus diurni horarum 14, ad poli eleuat. 42; quemadmodum etiam *P* declinationem arcus diurni hor. 10 indicabit, si sumatur

tur EP, in eadem recta MN, æqualis dictæ RZ siue ipsi EO. His peractis, ad propositum, extendatur à centro F, filum (vt in schemate *propos. 48* cernitur) per id punctum O, vsque in superficiem horologii; ita vt contingat in R, verbi gratia, lineam horæ 11, antea designatam; & statim contactu ipso indicabit quæsitum punctum, quo lineam horæ 11 à media nocte, secat arcus horarum quatuordecim, Et ita de alijs.

Demonstratio est eadem, quæ *propos. 45*, seruata proportionem.

Propositio LI.

In quolibet dato Æquatoris parallelo, punctum quodlibet quæsitum determinare.

IN circulo Capricorni, verbi gratia, quæritur punctum horæ 2 Antiquæ. Igitur instrumentum Meridianum polis impositum, Scala clauum tenente, inclinetur ad partes horologii ortiuas, seu ad partes mundi occiduas; donec Acui numeratrici conueniat dictæ horæ 2 punctum, pro arcu Capricor. in Scala *per prop. 32*, notatum, & ibi firmetur Scala ipsumque simul instrumentum; eo enim sic stante, si filum à centro F emissum per punctum Capric. N (vide figuram *prop. 48*) extendas vsque ad eiusdem parallelum in horologio iam descriptum; inuenies ad fili, & dicti paralleli contactum, punctum horæ 2 Antiquæ desideratum, vt Q.

Demonstratio.

HÆc descriptio clarissimam suimet affert secum demonstrationem; quæ ex eo pendet, quòd circulus Capric. alijsque similes paralleli Æquatoris) moueatur motu ipsius Æquatoris, super eodem communi axe; vnde gradus, qui tali, vel tanto Solis in Capricorno existentis motui debentur, possunt numerari in Scala representante Æquatorem, & instrumentum per gradus Scalæ, seu Æquatoris promotum, censetur simul promotum per gradus Capricorni. Igitur in dato Æquatoris parallelo punctum quæsitum determinauimus; quod fuit propositum.



Propositio LII.

Verticali, & Meridiano fortè aliquando impeditis, ne liberè ac plenè munere fungantur suo, instrumentum vicarium sufficere, ad conicas præsertim sectiones designandas.

COntingit aliquando Verticalem, & Meridianum, hæcenus descripta instrumenta, non posse libera, & integra conuersione circumuolui; obsistente nimirum ipso fenestrali pariete, siue propter fenestræ angustias, siue propter loci declinantis obliquitatem. Inde autem fit, vt aliqui, vel etiam plurimi arcus tum Signorum Zodiaci, tum Almucantarath, præsertim in vltimis angulis, ac etiam in vtroque margine parietis fenestralis, maneant inabsoluti, qui tamen sine aliquo simili instrumento vix, ac ne vix quidem, ad talem ac tam exquisitam, sibi que constantem inæqualis ductus æquabilitatem perducere queunt. Prouidi igitur instrumentum aliud in quibuscunque loci angustijs maximè habile, & non multo admodum labore parabile, cuius in huiusmodi necessarijs Vicariam fidem, Verticalis æquè & Meridiani operæ suppono: eiusdem verò compages admodum simplex, sic se habet.


Regula AB lignea palmos circiter 5 longa, æqualis nimirum regulæ item AB Verticalis *prop. 21*, & regulæ CD Meridiani *prop. 27* (regulas autem hæc AB binas designaui, & quidem inæquales; quod ideo necesse fuit, quia prædictas Verticales & Meridiani regulas, inæquales designaueram) digitum transversum vnum, & semis crassa, lata verò duos, optimè doletur; & in eius latiori superficie ad medium extendatur recta CD, vtrique extremæ oræ parallela. Deinde ad vtrunque caput lineæ CD, fibulæ è ferro, vel orichalco firmis clauulis, à tergo ipsius regulæ retusis, affixæ ita emineant supra anteriorem eius superficiem se se mutuò respicientes; vt recta CD, per vtriusque cardinei annuli centrum ad amussim transeat. Tum iuxta fibulam C, canaliculus imbricatim vacuetur, eo modo & fine, quo dixi vacuandum iuxta fibulam K Verticalis ac iuxta fibulam C Meridiani. Prope autem fibulam D, lamella rotunda H, ita infigatur, vt superficiem regulæ planam adæquet, & centrum eius subtilissimo foramine, peruium tanto præcisè interuallo absit ab extrema fibulæ D superficie (quæ nimirum superficies, subiectam parati cardinis basim tangens, instrumentum sustentat) quanto centrum I similis laminæ in Verticali, distat à simili extrema superficie fibulæ eius B sibi vicinæ; ne scilicet instrumenti huius Vicarij centrum H à centro I Verticalis, quouis modo dissentiat.

Perforata subtilissimè, vt dictum est, lamella H, lignum etiam ei subiectum perforetur, sed foramine aliquantulum latiore. Simili opere, & foramine æquali, figatur & altera lamella in G, tanto interuallo, ab extrema super-

superficie iam dicta fibulæ D; quanto, in Meridiano distat centrum F à summitate eius fibulæ D; centro enim G ita constituto, poterit hoc instrumentum in locum suffici Meridiani simile centrum habentis, & cum opus fuerit vices eius legitimè gerere.

Duo humeruli lignei E & F (necnon & alij duo, si opus fuerit, in O & P) duos lati digitos, vnum crassi, tres circiter eminentes; subtilibus, & firmis commissuris inferantur ad latus regulæ; ita vt quasi ad partem eius posteriorem recedant, hoc est, relinquunt spatium semidigitale à parte anteriori occupandum, & replendum semidigitali simili crassitie regularum K M, & I N; quæ hinc inde ad æqualem, cum regula C D, planitiem ipsis humerulis connectendæ sunt, traiectioni ferrei clauuli latiore quadro capitello anteriùs, à tergo autem cochlidio coercente.

Sint hæ regulæ duos digitos latæ, semidigitum, vt dictum est, crassæ ad alterum caput resectæ in femicirculum, circa cuius perforatum centrum lacunula in quadrum vacuetur, quæ clauuli inserti constringentis capitel-



lum excipiat, ne extrà inæqualiter tumescens, filum ductarium intercipiat; necnon, in postica parte, lamella quædam cochlidio, tali arte supponatur, vt eius validiùs contorti vim comprimentem prior excipiat, ac sustineat, alias obfuturam inermi ligneæ teneritudini.

Altera ex his regulis sit longa palmos saltem quinque, & semis, frequentiori foramine peruiua; altera breuior esse poterit, vel longior, prout opus faciendum postulauerit, vel situs ipse loci permiserit. Ambæ regulæ, velut

gemina brachia, inde ab humerulis extenta, quasi summis confertis manibus in vnum angulum, aut per medium alterius radium, velut decussatim, aut aliter, prout expedierit, firmiter connectantur habili quodam vinculo; vt clauulo hinc capitato, inde cochlidium arripiente; ita, inquam, connectantur, vt dum altera alteri insisteret, ambæ pariter in vno sint plano; quamuis si vna alteri insisteret non multum curarem. Commutabuntur etiam hæ regulæ, id est, ab humerulo E in F, vicissim transferentur; vel etiam in alterum è duobus medijs O & P, aut in vtrunque, sicut opus fuerit. Optarem ego geminos ex orichalco humerulos fieri ambulatorios, qui regulas sibi traditas, ad quodlibet desideratum punctum regulæ CD sifterent, & cochleolis adactis confirmarent.


Notæ huic instrumento peculiares imprimendæ nullæ, nulla graduum signa determinanda: sed quemcunque in horologio arcum imperfectum reliquerit seu Meridianus, seu Verticalis; vnico arrepro signo, siue puncto eiusdem arcus, ipsum prosequitur, & integrum perficit, quantum superficies patet horologij. Quomodo autem, vel quo ordine, & vnde signum huiusmodi, seu punctum, vel notam arripere debeat, ne illegitimè arripiat; statim aperio, dum ipsius instrumenti vsum plenius expono *sequenti propositione*.

Propositio LIII.

Vsum instrumenti huius Vicarij explicare.

IN exemplo res optimè intelligetur. Sit quidam Almucantarath ZR K, quem Verticale instrumentum, ex hypothese, impeditum ne versùs L duceretur, perficere non potuit: optatur autem integer Almuc. ZK L. Instrumentum Vicarium in AH collocetur, ita vt inuariatis Verticalis cardinibus *per prop. 40* dispositis teneatur; filum autem centro H, vt *prop. precedenti* dictum est, constituto commissum religetur ad clauulum K, qui quidem fixus sit in aliquo iam per organum Verticale inuento puncto circuli Almuc. ZR K: sic, inquam religetur, vt in lineam rectam HK tendatur: tum verò instrumenti Vicarij super axe Horizontis AH conuersi brachia adducantur, donec filum sic intentum tangant in aliquo puncto O, & fiat in brachio tangente N O, deletilis nota contactus O: mox filum à clauulo K resolutum, puncto autem O semper cohærens, & optimè tensam ducatur, instrumento simul conuerso, à K in L; atque ad eius ita ducti mutuam cum horologij superficie contactum, notentur inter K & L, tot puncta, quot necessaria visa fuerint, ad lineam curuam tutò describendam, quæ compleat Almucantarath ZK L.

Ita, cum opus fuerit, vices quoque Meridiani mobilis geret Vicarium, istud instrumentum; sed ea lege vt illius cardinibus imponatur. Quod etiam





etiam, vt in exemplo melius intelligatur; sit in figura *sequent. prop.* fenestra T V, simul cum pariete ABT, meridiè obliquè respiciens, & versùs occasum declinans aliquot gradibus; quò posito Meridianus mobilis, ad eam partè inclinatus facillè impingit in parietis fenestralis angulū; atque adeo impeditur ne Zodiaci arcus, vel aliquem saltem ipsorum integrè perficiat: quare imperfectum, ex hypothesi, reliquerit Capricornum M N O. Et Cancrum I K L. Tunc itaque amoto Meridiano (iam certè non planè mobili) iisdem polis prorsus inuariatis, imponatur surrogatorium hoc instrumentum, centroque eius G, filum committatur, quod quidem centrum G erit præcisè in eodem loco, in quo erat antea Meridiani centrum F, si quæ dicta sunt *prop. precedente* ritè obseruata fuerint. Postmodum extendatur filum vsque in O, vel N, siue aliud quoduis punctum, beneficio Meridiani priùs designatum in arcu Capricorni; & ita validè intentum retineatur, vel etiam alligetur clauulo fixo in puncto O, siue N; donec huius Vicarij instrumenti extenta, & aptata brachia, ad eiusdem vsque fili contactum conuersa, signandam accuratissimè, contactus notam deletilem R exceperint: hæc namque nota, conuersione totus instrumenti, circa axem D C, æqualiter delata, filum è clauulo O resolutum, sed altera parte fixum, atque inhærens centro G, deinceps tutò reget, eodemque prorsus modo, & eodem tramite, ac eodem conuersionis ambitu circumducet, quo antè Meridianus; filum ergo sic deductum à puncto O vsque in P, id est, vsque ad lineam Horizontalem, varia inter O, & P, iterato per certa interualla contactu, puncta ostendet, quæ conuenienter copulata, linea non faciente, angulum, dabunt, eà parte complementum arcus Capricorni desideratum.

Pari modo complebitur portio, quæ deest arcui Cancrì I K L. Nam fixo clauulo in aliquo eius puncto L, Meridiani ope priùs inuento, alligetur filum GL; & deinde simul cum toto instrumento brachia conuertantur, donec ab altero ex illis, filum ita extensum tangatur; tunc verò fiat accuratissimè in puncto contactus, nota deletilis F, qua subinde filum è clauulo L solum dirigente, signentur contactu fili in superficie horologij puncta necessaria siue in fornice, siue in pariete, siue etiam in obliquo margine fenestræ, quæ superficies aliquando latior, & commoda patet; hoc enim modo describetur portio arcus Cancrì L H, quæ deerat.

Notam deletilem dixi iam semel; & iterum; ne si post aliquot operationes, supersint plures indistinctæ huiusmodi notæ, confusionem ingenerent: quare peracta qualibet operatione, mox deleri suadeo.

Moneo insuper, brachia instrumenti, sic inuicem aptanda, & connectenda esse; vt in qualibet arcus designandi reuolutione, parietem minimè offendant; ne & ipsa non valeant residuam optati arcus portionem describere: & nihilominus versùs locum in quo designanda est ea portio, quam maximè poterunt, se se porrigant, vt scilicet nota illa deletilis, siue F siue R

quàm

quàm maximo fieri licuerit, interuallo distet à centro G; sic namque tutior futura est operatio.

Quòd si aliquando non lacunæ arcuum implendæ proponantur, sed eorum singularia aliqua puncta (verbi gratia punctum aliquod arcus horarum 14, vel 10) denotanda in extremis remotissimis horologij partibus, ad quas conuerti nequeat Verticalis, siue Meridianus: tunc ea puncta notentur Verticalis, siue Meridiani adminiculo, in alia quauis parte horologij; & inde à Vicario hoc instrumento sollicitè, modo iam dicto, excepta, in remotas illas extremas horologij partes fidelissimè transferentur.

Propositio LIV.


Dato centro cuiuscunque circuli in Sphæra maximi, & datis in eiusdem plano, duobus alijs punctis, vel etiam datis tribus quibuscunque punctis in eo plano, dummodo non in lineam rectam positis: formare organicè totum eiusdem circuli planum, ac eadem opera sectionem eius in superficie horologij delineare, instrumento simplicissimo fidelissimo.

Lineas horologij, quæ sunt sectiones circulorum maximorum in Sphæra, non perpendiculare ad Horizontem, vel Æquatorem; nulla Verticalis mobilis, aut etiam Meridiani, sed neque Vicariæ normæ opera designare potest; nisi fortè hæc ipsa instrumenta alijs atque alijs polis cuique circulo, siue lineæ designandæ conuenientibus adaptentur. Sed certè infinitus labor, & summè molestus foret, tot geminos polos statuere; quot diuersorum circulorum lineæ designandæ sunt; vt horarum ab ortu, itemque ab occasu, necnon Antiquarum, domiciliorum cœlestium, Signorum Zodiaci Ascendentium; & si quæ sunt aliæ.

Quapropter aliud quoddam artificij genus, huic tanto operi accommodatissimum ingeniosa modis omnibus Perspectiua suggessit, minimè quidem operosum, opera tamen & actu fidelissimum, vltu generalissimum, iuxta & facillimum, sine quo, ausim dicere, vix poterit horologium Catoptrico-Gnomonicum fideliter, vel integrè perfici, præsertim, vt communiter accidit, in magna aliqua subiectæ superficiæ anomalia; quæ sicut nobiliores quaslibet cameras conuenienti Architecturæ opere exornat, ita Horographo negotium facessit difficillimum: quamuis reuera victtricem eius artem, & ipsum iam constructum horologium, ad miraculi speciem commendat. Hoc verò artificium, apparatu tenuissimo statim parabile, sic se habet.

Duo fila tenuissima (quorum alterum in lineam rectam inter duo data puncta





puncta immobiliter tenditur; alterum tertio etiam dato puncto, extrema una sui parte illigatum, reliqua mobile est) ambulatorio continuo decussis, totam optati circuli planitiem, veluti pendulam exporrigunt; simulque eius cum superficie horologii sectionem communem delineant. Ego certe Verticalem ac Meridianum hactenus descripta instrumenta, solum adhibeo ad puncta illa duo, præter centrum commune, inquirenda; ijs autem inuentis, lineas ipsas decussis huius mei ambulatorij felicissimo ductu designo. Opto nihilominus fila diuerso ab inuicem colore conspicua: ut pote alterum roseo dilutiore, alterum amaranthino saturo, & suffusco, ut in usu atque opere lenis sine pressu amborum contactus facilius dignoscatur ex diuersitate coloris. Possent etiam assumi colore flauo alterum, alterum cæruleo, vel alijs pariter dissimilibus: non placet tamen album, quia concolor superfici ei horologii oculum obseruatoris aliquando fallit; sed neque nigrum; quia ut plurimum fragile propter acriorem causticam, ut credo, tincturæ temperiem; ut & dixi in præfatione ad apparatus instrumentorum. Sed iuuat practicè rem totam in exemplo clariùs exponere.

Proponatur designanda linea horæ 11 post mediam noctem. Principiò diligenter inuestiganda sunt tria aliqua puncta, quæ sint in plano circuli horæ dictæ vndecimæ: & quidem iam habemus centrum ipsius Sphæræ, videlicet locum speculi, cui accuratissimè adaptari iussi centrum vtriusque instrumenti, Verticalis scilicet, & Meridiani, atque etiam normæ Vicariæ, quam nunc si vis, mutilam ac sine brachijs, impone Meridiani organi cardinibus C, & D; ut nimirum pro centro Sphæræ, id est, pro vertice Gnomonis Catoptrici, ipsum nobis centrum G præbeat (posset æquè imponi cardinibus Verticalis, sed tunc pro centro exhiberet punctum H) Itaque punctum G, aliàs commune circulis omnibus in Sphærâ, maximis, erit nunc vnum è tribus desideratis punctis in plano circuli horæ 11: alterum esse poterit polus Antarcticus D; est enim polus Antarcticus in plano circuli dictæ horæ, cum omnes horarum Astronomicarum circuli per vtrunque mundi polum transeant: tertium denique punctum sit E in linea æquinoctiali R E S, distans ab ipsius & lineæ Meridianæ comuni puncto R, gradibus quindecim; inuentum autem beneficio Meridiani mobilis per 48 huius.

Punctis his tribus sic assignatis; cardini D circumligatum curiosè filum altera parte etiam alligetur clauulo fixo in puncto E; ita ut validè intentum, lineam rectam efficiat D E, transeuntem non per latus sed per axem medium scapi tornatilis poli D (quod maximè attendendum) & per terminum decimiquinti gradus E, quod etiam addo, ne fortè ex incuria, filum lateri clauuli ita adhæreat, ut interuallo aliquo, licet exiguo absit à vero puncto E. Hoc autem filum voco Normale eo quòd instar regulæ sit, siue Normæ dirigentis ductum lineæ designandæ. Deinde aliud filum (quod ex antedictis voca Ductarium) committatur instrumenti Vicarij centro G,

& altera parte summis digitis apprehensum extendatur versùs E, ac validè intentum (quò lineam rectam efficiat) adducatur vsque ad contactum superficie horologij ; ita tamen vt filum Normale D E simul tangat inter D & E (tangat dico non premat , ne fortè illud premendo incuruet , ac etiam ab eo vicissim incuruetur ; sicque à plano vtrunque recedat ; leniter ergo tangat , & quasi delambat : quod in similibus erit semper obseruandum) hac enim lege, varia subinde poterunt designari puncta deletila à puncto E descendendo per Z vsque ad lineam Horizontalem in Q, si opus est: per hæc verò omnia puncta, ductu regulæ, extendenda est lineæ horariæ optatæ portio E Z Q: reliqua verò portio, quæ deest à parte Cancrì, hoc modo etiam ipsa describetur. Filum quòd priùs erat Ductarium alligetur clauulo E, fiatque iam Normale G E, è contra verò filum D E priùs Normale, fiat modo Ductarium, id est, manens vt antea religatum in D, solvatur à clauo E, & illa sui parte iam mobile ducatur versùs X Normali interim G E dirigente (vt antea dictum est) motum eius: & sic per varia intervalla, superficiem horologij tangens, indicet ocontactu ipso puncta, per quæ lineæ huius horariæ portio E X vsque ad ∞ , designanda est, quæ cum altera priùs designata E Z integram horæ 11 lineam inter duos Tropicos compleat.

Poterat initio norma Vicaria inferi polis Horizontis, tunc verò punctum illius H (de quo *prop.* 52) tenuisset locum centri Æquatoris, siue Sphæræ totius; illique proinde committendum erat filum Ductarium.

Poterat etiam absque illa commutatione Ductarij in Normale, & e contra, inuento, vt mox dicetur puncto Q in Horizonte, vel alteri cuius similiter inuento insigi clauulus, & clauulo filum aliud Ductarium alligari quod inde extensum versùs E, portionem prædictam E X designasset, Normali D E vt priùs motum alterius, sic nunc istius dirigente: quem agendi modum aliquando scèliorem esse contingit ex varijs circumstantijs quæ hic in genere determinari minimè possunt. Poterat & absque polo Antartico D & consequenter absque Normali D E, eadem lineæ horaria designari; si nimirum ex tabula arcuum horariorum in Horizonte (quam tradidi 2 libro *prop.* 35 & postea etiam recolam cum de horis Astronomicis designandis) punctum Q in Horizonte, beneficio Verticalis instrumenti per *prop.* 43 inuentum, ac determinatum fuisset; sic enim filum inter Q & E Normale extensum dirigeret motum, & viam Ductarij è centro G emissi, & portionem Z E designantis; cui mox ad regimen sibi succedenti, succederet ad designationem alterius portionis E X, vt dictum est.

Denique datis tribus quibuscunque punctis in plano alicuius circuli, dummodo non sint in vna aliqua recta linea eius plani, atque etiam dummodo intervallo aliquo notabili ab inuicem distent, duplicis beneficio fili describetur accuratissimè sectio eiusdem circuli in horologij superficie, qualiscunque ea fuerit superficies, & quomodocunque disposita.

Demonstratio.

DVo fila per modum linearum se mutuò secantia in vno sunt plano *per 2. 11. elem.* Deinde euidens est filum Normale vt DE *prop. præced.* esse in plano circuli horæ 11; cùm, vt supponitur, in eo sint ipsamet data puncta D, & E: ac eadem ratione, euidens est filum Ductarium in eo similiter plano esse, saltem ea parte, qua Sphæræ centro G adhæret immobiliter. At certum est, reliquam illius partem ambulatoriam, ab eodem plano minimè recedere, cùm non recedat à tota linea DE, quæ in eo semper manet; alioqui duæ rectæ se inuicem secantes, iam non in vno essent plano; sed in pluribus *contra dictam 2. prop. 11;* vel pars lineæ rectæ esset in subiecto plano, & pars in sublimi, *contra primam eiusdem.*

Propositio LV.

Vsus instrumentorum Gnomonicus, solummodo in vniuersum per præcedentes propositiones explicatus, idem ad quamlibet particularem delineationem Catoptrico-Gnomonicam, atque etiam Optico-Gnomonicam, obseruata solùm debiti cuique situs diuersitate, transferendus est.

QVæ hætenus dicta sunt de vsu instrumentorum ad horographicam Catoptrico-Gnomonicam delineationem comparatorum; velut in genere, & quodammodo abstractè, dicta sunt; de industria tamen & quidem necessariò ea serie, præmissa: ne videlicet in ipsomet delineationis opere, cum singulis in particulari praxeon modis, diligentius exponendo, cogerer sæpius, nimirum ad quælibet diuersorum generum lineas, molestè repetere quidquid illis in practica delineatione commune est; aut si ad aliquas id exprimerem, reticerem verò ad alias, solùmque monerem id ipsum repetendum esse ex prioribus, quoquo modo, confusionis labem obscuratisque non paruam descriptioni meæ conquirerem; vel nec sic effugerem incompositæ prolixitatis notam.

Itaque facilioris, ac longè breuioris methodi, aliàs non iniucundæ, ratio est quæ me permouit, vt propositiones illas de vsu Gnomonico instrumentorum generales præmitterem, ante particularem descriptionem horologij Catoptrico-Gnomonici: propositionibus enim illis tales quædam continentur regulæ, vt accommodari possint quibuscumque huiusmodi horologijs è quacunque Sphæra Catoptrica, siue Horizontali, siue Æquinoctiali &c. consent, solo immutato eorundem instrumentorum situ. Vnde cùm in particulari describerem, & exposuero delineationem horologij Catoptrico-

Gnomonici è Sphæra Horizontali ; pro reliquis similibus horologijs è quibuscumque alijs Catoptricijs Sphæris, & in quibuscumque propositis superficiibus ad id idoneis, construendis ; abunde sufficit indicare quis pro quaque Sphæra sibi tribui debeat instrumentis. Hoc quippe solum obseruandum est discrimen, cum in reliquis similes omnino sint tum delineationes, tum delineationum modi.

Addo eorundem instrumentorum usum hæcenus traditum, locum etiã habere in horologijs Optico-Gnomonicis ; sicut etiam, cum de illis agerem, non semel monui : vnde & hunc ipsum usum hic vocavi solummodo Gnomonicum, vt ita generalem esse permetterem, & non ad sola Catoptrica horologia restringerem. Debet tamen etiam, in illorum horologiorum delineationibus, conueniens cuique instrumento situs attribui, qui videlicet est vnus semper atque idem, vt eorum centra pariter in vertice styli consistant : axis verò Meridiani mobilis, cum axe mundi, & similiter axis Verticalis mobilis cum axe Horizontis conueniat.

Propositio LVI.

Astrolabium Catoptrico-Gnomonicum, insigni magnitudine, & pari magnificentia in palatio Eminentiss. Cardinalis Spada, Domini sui ab Autore delineatum, in paradigma delineationis Catoptrico-Gnomonica in particulari explicatiùs tradenda, meritò proponitur.

VNum è pluribus opus præclarum (quod nomine Astrolabij Catoptrico-Gnomonici, in palatio Eminentissimi Domini mei Cardinalis SPADA, digna tanti Principis magnificentia, picturis decoratum habet concamerata cryptoporticus amplissima) in archetypum eximie delineationis Catoptrico-Gnomonica nobilissimum proponere animus prægestit ; non equidem veluti commendaturus, id quod manus quondam mea delineauit, quamuis cateroquin accuratissimè, successuque felicissimo delineauerit. Sed quia approbationem imò & commendationem inuenit talem, apud æquissimum quorumlibet artis, & ingenij operum æstimatorem, ac iudicem, vt is illud non infimi ornamenti loco ducat inter innumera alia ad amplissimarum suarum ædium siue cultum, siue apparatus, & pompam cumulatissimè conquisita, tum antiquitatis inclita monimenta, tum huius æui insignia opera ; in quibus & singulis, & simul omnibus conspiciere est talem quandam siue artis, siue naturæ industria comparatam hinc elegantia, hinc maiestatis formam, vt totidem suo in genere, cæterorum quorumlibet exemplaria iure merito esse videantur, sic nempe decuit suas sacro purpurato Principi componi ædes, qui suauissima illa
morum.

paries, ficto velut carb.

....., quod puerina

P P z flexuosa,



morum grauitate, pariterque integritate commendatur velut iustitiæ, ac pietatis, virtutumque omnium exemplar absolutissimum. Neque verò solum huic meo, seu potius dicam suo, Astrolabio electum ornatissimum, in medijs penetralibus locum (vt dicere caperam) placidus approbator concessit; verum etiam (quod maximum est honestandi genus) elegantissimos cultissimæ suæ Camænæ versus, magnificus laudator appendit: nimirum perraro totius æui exemplo, solidissimum illud, & sacra maiestatem reuerendum caput, altioris suæ cogitationisque sapientiæ sensus, adyta, inquam, cordatissimæ rationis, & prudentissimorum consiliorum penetralia; Necnon elimatam illam suam recoctamque Mineruam, hoc est expressam diuinarum rerum, & humanarum cognitionem, arguta adeo, & concinna, doctæque poetica condiuit; vt, si quando induxerit animum, post tot tamque innumeris sacris conuentibus peracta negotia, ingentes pro toto Orbe Christiano susceptas curas, pulsata paululum Apollinea cheli mulcere, nullum vnquam suauius, nullum elegantius carmen toto Helicone cecinerint Musæ. Intererat sine dubio plurimum recentis huius mei partus, vt vnde suos ille spiritus hausit suauiores, & suæ etiam accepit lucis ornamenta præstantiora, indidem expectaret patrociniij beneficium. Nec sanè poterat, in clientela, vti meliore fortuna; quàm vt ea se se illi vltro offerat leuana manus, quæ conceptui præfuit; opem simul præbens, & opes; excipiens trepidulum, ac fouens solita sua benignitate; atque etiam proferens præclara munificentia in publicam lucem.

Propositio LVII.

Supradicti palatij Spadani cryptoporticus nobilissima interior, depictumque inibi Astrolabium Catoptrico-Gnomonicum scenographicè exprimitur.

Prospice mi Lector commemoratam superius à me Spadani palatij cryptoporticum, prius quidem varijs egregijs picturis conspicuam; nunc insuper Astrolabio claram, prout eam his lineis pictor adumbrare potuit. Hæc è basilica ad ædes interiores ducit longa palmos 100, lata 20, alta verò 30; duplici autem ad dexteram ordine fenestrarum copiosum Solis lumen directè excipit ab ea parte, quæ inter ortum & meridiem est. Media ordinis superioris fenestra, sola palmari luce patens, cæterum occlusa, substratum habet crystalinum speculum planum, cuius repercussu datur Soli fornices inaccessos posse & adire, & obire; necnon statis diurni, menstrui, annique curriculi metis, cælestes labores suos, curioso cuius obseruanti ostendere.

Totus quantum longè tenditur fornix, & sinister vsque ad coronicem, paries, ficto velut carbaeo candidissimo velo integitur, quod plurima,

P P 2 flexuosa,

flexuosa, & inter se remeabili purpura prætextum expandere, magnoque conatu sustentare videntur Alites pueruli, varijs per ambitum locis aptè dispositi. Eo in velo cernitur delineatus Astrolabij contextus implicatissimo, bellè tamen definito linearum ductu, vt *sequenti propositione* referabitur: ipsum autem velum, ob tabellæ istius angustias, non expressit sculptor; sicut prætermisit puerulos, prætereaque elegantissimas duas, in utroque anguli recessu (quæ vacuus erat locus extra collectos defluentis veli sinus) in fornice concinnatas picturas, quarum altera fingitur conuenisse Perspectiuam vnàque Astronomiam, & cum Cosmographia Geometriam, deque construendo Astrolabio collatis sententijs agere; altera verò constructi iam Astrolabij specimè à Mercurio in cælum deferri, cætu Deorum suscipiente, ac mirante tam præclari inuenti nouitatem; Ioue, vt aliàs apud Claudianum, contestante. *Iam meus in fragili luditur Orbe labor.* Non potuit etiam tabella hæc ænea adeo exigua lineas omnes Astrolabij simul capere; quapropter ad vitandam confusionem multitudinis, præcipuæ sunt exaratæ, reliquæ numero longè maiori sunt prætermissæ.

Inter fenestras supra coronicem, in L, L, &c. plurimæ pendent sinuosis circuminplexæ voluminibus schedæ, in quibus descripti sunt versus mox *prop. 59* referendi.

Ordo inferior sub coronice, quæ totam cingit cryptoporticum, varijs eximiè pictis tabellis, vtrique fulget, exhibetque insuper conuenienti loco ad primum ingressum dextra, læuaque dispositas geminas schedas, quæ breui contextu verborum, totius Astrolabij partim rationem, partim vsum explicant: sed & istis aliæ duæ ex aduerso respondent in P atque in O; quarum prima canonem habet dominij planetarum ad singulas eorum horas in totam hebdomadam distributum; simulque modum eo vtendi: altera verò instrumentum continet; quod, sicut vulgari Noctilabio, nocturna, Solis hora Astron. per obseruatam prius in Astrolabio similem horam Lunæ cognoscitur.

Propositio LVIII.

Eiusdem Astrolabij multiplex linearis contextus, eiusque usus varij explicantur.

Astrolabium Catoptrico-Gnomonicum voco Sphæræ Catoptricæ imaginem ex ea ipsa circulorum (quæ in eadem Sphærâ est) dispositione in interiorem camerâ superficiem profusis per centrum (vt *prop. 16 & 18 lib. 1* dictum est) radijs consignatam: cuius ope, & radij, præsertim solaris, in eam reflexi indicio, non modò Solis, sed etiam aliorum fiderum, in cælo motus cognosci possunt. Equidem cernitur in ænea tabella imago huiusmodi utcunque expressa *propositione præcedenti*, hic verò legitur quid quæque exaratæ in ea lineæ significant; quemue habeant vsum,

1. Lineæ 7, quibus appicti characteres 12 Signorum Zodiaci, referunt circulos totidem, quos in cœlo describunt motu diurno, eorundem Signorum initia; atque etiam Sol, aliufue planeta, in iisdem suo tempore existens. Insuper alij tres, his modò dictis similes arcus in eadem tabella, visuntur; quorum quidem vnus IK, vt ex apposita scheda patet, est arcus diurnus horarum sex: reliqui verò duo hinc inde videlicet FE, GH, maximam Lunæ declinationem tum borealem, tum australem ostendunt.

2. Lineæ 10, frequentibus, ad distinctionem, notatæ punctulis horas à media nocte, vel à meridie, secundùm ascriptos numeros indicant; & in eis Meridiana est CD.

3. Lineæ 14, catenularum specie à cæteris discretæ, horas totidem ab occasu demonstrant.

4. Linea Horizontalis est QR, ex æquo ad libellam respondens plano speculo horizontaliter strato in fenestella A.

Plura, quàm quæ enumeravi linearum genera, capere non potuit tabella hæc angustior; nulla tamen ipsi Astrolabio defunt eorum, quæ inferiùs referam *prop.* 60, alijsque deinceps commemorabo, cùm delineandi leges tradam. Interea verò rem gratam Lectori me facturum existimaui; si aliquos, saltem præcipuos, Astrolabij nostri vsus breuiter hic exponerem; pro data occasione.

Primò itaque locum Solis in Zodiaco, solaris ipse radius B ostendit, in Signorum quidem initijs dum eorum arcus diurno tramite continuo percurrit nusquam deflectens (sola seclusa ea declinatione, quam interim motu suo in Ecliptica Sol ipse acquirit, vt aliàs dicitur, cùm de eorum arcuum delineatione *prop.* 63) extrà verò Signorum initia, cuiuslibet gradû, quem possidet, distincte Sol reflexus ostendit singulis horis Astronomicis, in his enim ex præscripto *eiusdem prop.* notata sunt puncta, per quæ singulorum Eclipticæ graduum paralleli incedunt. Facto autem sæpius experimento, & accurata collatione, compertum est miro ad minuta vsque consensu, eundem reflexo radio gradum Zodiaci, vt dictum est, in Astrolabio demonstrari, quem optimæ Ephemeridum tabulæ continebant.

2. In circulo Almucantarath, quem reflexus radius tetigerit, agnoscitur Solis eleuatio supra Horizontem; sicut in Azimutho, distantia à Meridiano; & in vtroque simul, verus locus ipsius Solis respectu nostri hemisphærij.

3. In horarum æqualium tribus generibus, videlicet Astron. Babylon. Italic. cernitur quot è 24 elapsæ iam sint partes diei, & quot supersint, tum à media nocte ad meridiem, tum à meridie ad mediam noctem sequentem, idque in Astronomicis: at in Babylon. & Italicis simul, quot à Solis exortu præterierint, quot ad occasum supersint.

4. In horis primi generis Inæqualibus (quæ scilicet diem ab ortu Solis in occasum, in partes 12 æquales diuidunt) demonstrat Sol reflexus, quot sint ex illis iam actæ, quotue superent.

5. In horis secundi generis Inæqualibus, æqualium Eclipticæ partium, ascensiones agnoscuntur indicio radij, suo tempore, tangentis aliquam ex illis. Agnoscitur etiam qui gradus Eclipticæ ad quaslibet Astrolabij lineas, seu circulos Sphæræ cœlestis ab eis repræsentatos peruenerint.

6. Vt Astronomis placet, in horis, seu primi seu secundi generis (de quo non planè consentiunt) Inæqualibus, indicat radius reflexus, quis eo tempore planeta vices obeat dominij sui. Sed huius rei fides esto penes autores.

7. In lineis ascendentium Signorum agnoscitur non solum usu communi, quod in Horizonte ortiuo, & quod in occiduo Signum existat; sed etiam ex dicendis *prop.* 74, quæ stella insignior, vel quis planeta oriatur.

8. In Meridianis regionum, seu circulis Longitudinum, indicante radio, inuenitur, quæ cuilibet loco sit hora à media nocte, vel à meridie.

9. In parallelis regionum, seu circulis Latitudinum, perspicitur, quibus locis dum Sol est in meridie; sit quoque in vertice, seu Zenith.

10. In lineis domorum cœlestium agnoscitur, qua in domo versetur tum Sol ex usu communi, tum quælibet stella insignior (in Astrolabio descripta) atque etiam quivis planeta (cuius locus in Zodiaco notus sit) ex usu peculiari horarum Inæqualium secundi generis, iuxta dicta paulò antè num. 5; ita ut quouis dato temporis momento, lucente in Astrolabio Sole, sex omnino domus, quæ supra Horizontem sunt, absque alia vlla opera, constructæ in ipso Astrolabio legi possint; reliquæ autem sex, quæ sub Horizonte latent, nullo negotio ex illis possunt construi.

11. Quidquid pro motu Solis & loco, demonstrat interdiu solaris radius, idem pro Lunæ motu, & loco similiter, noctu ostendit radius lunaris pari modo reflexus: imò hic plurima ad Solis, atque etiam aliorum planetarum, & stellarum fixarum motum pertinentia indicare potest, si solum agnoscatur Lunæ à Sole distantia in Signis Zodiaci.

12. Si, ut fieri solet, per tubospicillum intra cameram occlusam relicto solum in finestra foramine, vel alio modo, diligenter obseruetur principium eclipsis Solis, pariterque finis; tempus vtriusque fidelissimè demonstrabit reflexus tunc in Astrolabio radius eiusdem Solis: idem suo modo dicendum de lunari defectu. Vtrunque verò sæpe expertus ipse sum.

Et hæc quidem aliaque permulta (quæ nunc studio breuitatis omitte) Sol ipse præsens, aut Luna, reflexè in Astrolabio demonstrant: sunt autem longè plurima, quæ utroque etiam absente, in eodem Astrolabio cognosci facillè possunt; atque ut aliqua referam.

1. Quantitas diei tum solaris, tum lunaris, tum stellarum &c. inuenitur in arcubus diurnis; necnon quantitas noctis ex eorundem arcuum, complemento cognoscitur; vel aliter, quantitas quidem diei, cognito inter horas ab ortu, puncto occasus; quantitas verò noctis, cognito puncto ortus inter horas ab occasu. Eodem modo inuenitur tempus ortus, atque occasus Solis, cognito solum loco eius in Zodiaco; & alia huiusmodi.

2. Ope huius etiam Astrolabij (imò ob insignem eius magnitudinem, longè certius, quàm ope vulgaris Astrolabij aliàs à me commemorati) componi optimè possunt tabulæ eleuationũ Solis ad singulas horas tum Astro-nomicas, tum Italicas &c. quod sæpe magnam habent vtilitatem.

Alios possem hic subtexere huiusmodi vsus Astrolabij Catoptrico-Gnom. sed eos, me reticente, facile inuenient qui in istis vel mediocriter exercitati fuerint. Itaque ad alia propero.

Propositio LIX.

Elegantissimi, ad commendationem supradicti Astrolabij, versus, in appensis eidem tabellis ornatius descripti, referuntur.

Primum Epigramma (descriptum in tabella M) ipse Eminentissimus Dominus Cardinalis scripsit, more suo elegantissimè, & quidem tam appositè; vt rem explicatu difficillimam, clarissimè paucis versibus mira concinnitate complexus, non minùs lepidè, & acutè concluderit.

Ratio noui horologij Solaris.

*Excipiens Auscrum, modico se pandit hiatu,
Et vix admittit parua fenestra diem.
E Cælo Sol ipse ruens, in limine sistit:
Ad loca nec defert interiora iubar!
Si tamen extremo sternas in margine vitrum;
Quos recipit radios in laqueare iacit.
Orbiculare vitrum radios quoque vibrat in orbem;
Vt micet in tecto sicut in Axe globus.
Linea crebra tholum varias partitur in horas;
Quam globus I R R A D I A T computat hora diem.
Ferreus hinc Gnomon, & ferrea pellitur umbra;
A V R E A pro ferro tempora mundus habet.*

Cætera deinceps Epigrammata, tum in laudem eiusdem Eminentissimi, tum in præclari, ac noui operis Catoptrico-Gnomonici commendationem R. P. Gulielmus du Plantè nostri Ordinis Theologus, & sacri verbi concionator, idemque de re poetica benemeritus, composuit; & primum quidem hic subiectum legitur in scheda N; reliqua verò in schedis L, L, &c.

Sol de speculo horoscopo conqueritur,

Vile oculis speculum; fragilis, labor improbe, vitri;
 Vnde tibi surgit nouus hic temerarius ausus,
 Vt vultum, radiosque meos, licet igne micantes
 Reddere, meque Polo deductum addicere terra,
 Claudereque angusti tentes sub fornice tecti?

Speculum Soli.

Auree Sol, tu cuncta tuo qui lumine lustras,
 Num quoque legisti descriptum adamante, supremi
 Hoc Iouis edictum SAPIENS DOMINABITVR ASTRIS?
 Hinc igitur SAPIENS PRINCEPS, idemque Senatus
 Purpurei lux clara, suas te accersit ad edes;
 Hinc manus & MAGNI SAPIENS me industria cogit
 ASTRONOMI, tanti votis seruire Patroni.
 Et nos ergo oīq; par est parere duobus.

Aliud.

Si quid in Orbe nouum, si quid sit in Vrbe vetustum,
 Huius in hac specimen, nobile cerne domo.
 Dum diuersa alijs miranda videbis in aulis;
 O quales, dices, Orbis & Urbis opes!
 Hic ubi diuersas Sol ipse videbitur horas,
 Et signare suam luce vibrante viam:
 Dic age, quis potuit Solem deducere cælo?
 O quale est istud mentis & artis opus!

Aliud.

Sol ubi cælestes orbes, & sidera cæli
 Vidit in hoc docta fornice picta manu:
 Infolitum miratus opus subrisit, et inquit,
 Ecce duplex mihi nunc est ineunda Via,
 Altera cælestis per nota palatia Regis
 Altera Purpurei per noua tecta Patris.
 Nec renno; sed vterque placet labor: ite iugales;
 Quaque die gratum spargite vtrunque iubar.

Aliud.

Aliud.

*Roma fruens olim, sed iam spoliata tot amplis
Porticibus, damnis nil mouere tuis;
Pulchrius hinc aliquid, quod & Vrbs miretur et Orbis
Exhibet ista suo porticus una tholo.*

Aliud.

*Hinc stylus omnis abest, umbra venator, et hora;
O mirum! radius Solis utrunque facit.*

Aliud.

*Aemula naturæ manus hinc depingere cælos
Tentauit, Solem pingere non potuit.
Ne tamen incepto desit Sol ipse labori
Seque suumque suo lumine pingit iter.*

Aliud.

*Ars vetus in paruo descripsit sidera vitro;
Hic tibi per vitrum Sol patet arte noua.
Cætera sed quantum Sol sidera lumine vincit,
Ars vetus in tantum vincitur arte noua.*

Propositio LX.

Premittuntur aliquæ præceptiones quibus, in prædicti horologij, seu Astrolabij Catoptrico-Gnomonici delineatione obseruatis, errores facilius vitentur, & procuretur operis concinnitas:

HAc propositione id solum ago, vt Tyronem Horographum præmoneam in particulari tum eorum, quæ ad futuri totius operis venustatem atque elegantiam pertinent; tum præcipue eorum, quæ spectant ad peculiare cautiones adhibendas, & commodiora, tutioraque operationum captanda compendia; quorum quidem notitiam (vt & in omnibus artibus contingit) longo vsu, & plurima experientia solum comparari posse constat: hæc verò de quibus nunc specialiter agendum est, consistunt præcipue in quodam ordine, quo quælibet diuersi generis lineæ sunt, aliæ post

post alias, designandæ; nam cautiones illas, quas singulæ in suo genere lineæ postulant adhiberi, sigillatim proprijs locis insinuauimus, vel deinceps insinuabo. Nunc verò quia de vno ex omnibus simul lineis accuratè, pariterque eleganter contexendo Astrolabio agitur, solum interest quæ primo loco, quæ secundo sint designandæ; item quousque producendæ; ubi terminandæ; quo colore pingendæ; & similia, quæ potius vniuersum omnium simul linearum contextum, quàm ipsas singulares lineas respiciunt.

Primo itaque loco, superficies in qua delineandum est horologium sollicitè præparetur, videlicet parietis, ex vtraque parte fenestræ, intus extenta latera (si fortè radijs solaribus reflexis angustiores, quam par sit, aditum præbeant) obliquè incidantur, vt latius pateant; similiter incidantur ea, quæ foras protenduntur, si directis radijs officiant; vt dictum est *prop. 34, paulò post medium*. His verò peractis gypso inducto, & perbenè lauigato, pariter oblinantur tum parietes tum fornice; ac deinde curiosè imbuantur cerussa optima, modico admixto glutine temperata, vt adhærescat quidem exsiccata, sed non in crustulas abeat.

2. Speculum in fenestra loco electo coaptetur *per propof. 35.*
3. Linea Meridiana accuratissimè designetur *per 36.*
4. Verticalis mobilis, vt vocauimus, siue organum mobile referens quemlibet Verticalem circulum, in debito situ collocetur *per 40.*
5. Filum tenuissimum in centro dicti instrumenti colligatum extendatur tum versùs obiectos parietes, tum versùs cameræ testitudinem; extendatur, inquam, tali modo, vt continuo ductu radat mox huius, mox illius, in vtroque latere fenestræ, intus obliquè protensi parietis angulum, extremum: & eodem ductu plurima in dictis obiectis parietibus, atque testitudine, ad contactum sic extensi fili, puncta frequenter notentur; perque ea geminæ lineæ designentur, veluti limites, ac termini; quibus tota futura delineatio, vltra dictum vtrumque fenestræ latus producenda, hinc & inde clauditur. Cum enim radius solaris reflexus peruenire nequeat nisi ad eas solum partes, ad quas filum ita ductum deueniet; frustra omnino extra eos limites lineæ horologii extenderentur; erit verò res visu periuicunda; nam quando solaris radius eos terminos pertigerit, incipiet statim illustrare latus protensum fenestræ, eandemque lineam prosequetur, verbi gratia, Æquinoctialem, aut quemlibet eius parallelum (prout contigerit) velut vno ductu, in vna minimè interrupta superficie designatum, nihil prorsus hac in parte incommodi afferente eo recessu, quo execti ad fenestræ latera, parietis superficies ab alterius oppositi parietis, vel etiam testudinis superficie discernitur.

6. Linea Horizontalis, & circuli Almucantarath, necnon circuli Verticales describantur, vt dicitur *prop. 61, & 62*: & pariter ad limites præcedenti numero 5 præscriptos terminentur; ita tamen vt in superficie execti parietis, in vtroque latere fenestræ, pariter designentur, & quidem circuli Verticales in communi Verticis, seu Zenith puncto, inuicem concurrant;

rant, inde verò vsque ad lineam Horizontalem protendantur.

7. Instrumentum Meridiani mobilis in debito situ collocetur *per prop. 37*, & an legitimus sit eius situs, diligentius comprobetur *per 38*; & hoc factò, protinus, aut certè non multo tempore post, describantur, organo sic debitè collocato, lineæ de quibus *sequenti numero 8*, & deinceps usque ad 12; ne si in dies operatio nimium differatur, polis interim infœlici aliquo euentu non satis perspecto, fortè emotis, vitium in lineas totius horologij præcipuas deriuetur.

8. Linea Aequinoctialis, & paralleli Signorum describantur, vt dicetur *prop. 63*; similiterque duo Tropici Lunæ, vt dicetur *prop. 64*. Atque hæ omnes lineæ (vt dictum est *numero 6*, de Verticalibus & Almucantarath) in vtroque etiam latere fenestræ designetur; sed ultra limites *num. 5* præscriptos non extendantur; quod etiam de reliquis omnibus lineis postmodum designandis intelligendum est.

9. Horæ Astronomicæ vt dicetur *propof. 65*, describantur terminenturque tum ad *numeri 5* limites, tum ad Lunæ Tropicos *precedenti num. 8* descriptos.

10. Arcus diurni horarum 14, & 10, describantur, vel potiùs sola eorum puncta in horis Astronomicis notentur, vt dicetur *prop. 66*.

11. Horæ ab occasu atque ab ortu describantur, vt dicetur *propof. 67*; terminenturque tum ad limites *numeri 5*, tum ad Lunæ Tropicos *numeri 8*.

12. Puncta horarum Inæqualium notentur in arcu diurno Cancrì, similiterque in arcu Capricorni; & describatur, diuidaturque conuenienti diuisione arcus diurnus horarum sex, ac designentur dictarum horarum lineæ, vt dicetur *prop. 68*; ac terminentur ex vna quidem parte, ad dictum arcum horarum sex integrè designato & depicto, ex altera verò tum ad antea dictos limites *numeri 5*, tum ad Lunæ Tropicum borealem.

13. Designentur, vt dicetur *prop. 69*, lineæ Signorum ascendentium, terminandæ ad limites *numeri 5*.

14. Designentur lineæ earum horarum Inæqualium, quæ per quindenos ascendentis Eclipticæ gradus numerantur, siue Planetariarum, vt dicetur *prop. 70*: hæ autem Tropicos Cancrì, & Capricorni excedere nequeunt, sicut nec lineæ Signorum Ascendentium, cæteroqui terminandæ ad solitos *numeri 5* limites.

15. Designentur lineæ domorum cœlestium, vt dicetur *prop. 71*: sed hæ ex parte australi horologij communem terminum quemadmodum, & communem sectionem habeant in concursu lineæ Horizontalis, & Meridianæ; ex parte verò septentrionali, terminentur ad Lunæ Tropicum septentrionalem.

16. Circuli Latitudinum, seu paralleli ciuitatum, aut similium locorum, de quibus agetur *prop. 72*, non designentur integri; propter linearum in horologio nimiam multitudinem vitandum; sed tantummodo singulorum

gulorum declinationes, punctis impressis notentur in ambobus horariorum linearum terminis de quibus numero 5 actum est. Cætera fiant ut *proposit. 72* dicitur.

17. Circuli Longitudinum non integri designandi sunt; sed punctis solummodo in alterutro lunari Tropico notatis, distinguendi, ut dicitur *proposit. 73*.

18. Lineæ ascendentium insigniorum stellarum designari quidem possent, ut dicitur *prop. 74*. Sed sufficient lineæ duodecim pro Signorum initijs ascendentibus describendæ *prop. 69*; illis enim cum solaris radius in ipsas ceciderit, facile cognoscetur (ex dicendis *eadem prop. 69*) non solum Eclipticæ, sed etiam totius cœli dispositio, præsertim si separatim descripta fuerit tabula indicans Signa, eorumque gradus, cum quibus supra talem Horizontem obliquum singulæ stellæ ascendunt; vel aliter, indicans quot horis aut minutis horæ, post Signorum initia, oriantur quælibet stellæ insigniores; hac quippe data tabula Solis radius indicans, initium Tauri, verbi gratia, ascendere, indicabit etiam (eius tabulæ beneficio) quæ stella tunc oriatur, vel paulò post oritura sit.

19. Quælibet lineæ referentes in horologio diuersos specie circulos, diuersis coloribus depingendæ sunt: sit verò huiusmodi colorum diuersitas, quantum fieri poterit, valde sensibilis; ita ut oculus discrimen statim notet, quod si defuerint colores ita sensibilibus distincti (ut reuera defunt) tot linearum diuersis generibus debite distinguendis, adhibeatur ista cautio; ut lineæ, quarum fuerit vnus idemque color, vel quarum fuerint duo, sed parum ab inuicem discreti, & ferè in vnum confusi; illæ, inquam, lineæ interpingantur colore valde diuerso: ut enim dicturus sum *sequentibus propositionibus*, in lineis quamplurimis puncta aliarum linearum, quæ ut sic dicam latent, notanda sunt; ut in lineis horarum Astronomicarum, puncta parallelorum, referentia gradus Eclipticæ iuxta singulorum declinationes ab Æquatore; ut & vicissim in Æquatore, ac parallelis eius omnibus, distinguenda sunt puncta, quæ referant quindecim gradus, quos singulæ horæ Astronomicæ continent; ita in Verticalibus, & Almucantarith &c. Nunc autem dico ista puncta ad facilius linearum discrimen, pingenda esse diuerso ab ipsis lineis colore: hoc enim modo colores, licet non ita multi sint valde sensibilibus distincti; tamen facta ea combinatione, qua lineæ ipsi color vnus, & punctis eiusdem lineæ color alius adhibetur, distinctionem optatam in omnibus lineis efficient. Cætera ad hoc pertinentia relinquo industriæ Horographi.

20. Cuilibet lineæ numerus conueniens eodem quo ipsa colore appingatur conuenienti loco; ita ut iuxta eam, & longè ab alijs quibuscunque, sit numerus; quod autem dico de numeris, dicendum de Signorum characteribus pingendis prope lineas, quæ eorum exortus ostendunt: quia vero longè admodum sunt lineæ; optimum erit conuenientes dictos numeros, aut characteres eisdem appingere duobus, tribusue locis.

21. Iuxta arcus Signorum loco conuenienti, vbi latior patet area lineis vacua, depingenda sunt eleganti naturali forma ipsa Signa; debitoque ordine collocanda: cùm enim singuli huiusmodi arcus, (præter duos Tropicos) duorum Signorum initijs feruiant; conuenit in vna horologij parte, ordinatè disponi sex illa Signa, quæ in semicirculo Eclipticæ, quem vocant ascendentem, continentur, id est ♈, ♊, ♉, ♋, ♌, ♍, in altera verò parte ea, quæ in semicirculo descendente sunt, videlicet ♎, ♏, ♐, ♑, ♒, ♓. Præterea sic agatur, vt (quantùm fieri poterit) dictæ Signorum effigies gemina serie, hinc & inde, paribus interuallis dispositæ, ad totius operis venustatem aptè sibi respondeant.

22. Variæ oportunitis locis tum intra ipsos limites (quibus totus linearum contextus continetur) vbi locus vacat; tum extra; tabellæ appendantur, vel quasi appensæ forent ad ampliorem ornatum quadrata vel ouali, aut alia ad placitum eleganti forma, implicatis varia arte schedarum voluminibus, pingantur, & in ijs summam describantur ea, quæ potissimum visa fuerint necessaria ad integrum delineationis opus declarandum, vel ad difficiliore quarundam linearum vsus explicandos, vel ad quaslibet lineas in proprio genere ab alijs diuersi generis lineis distinguendas, tum ex colore tum ex alijs appositis notis: Et alia huiusmodi vt factitatum vides *propof. 58*. Cætera ad solum ornatum pertinentia arbitrio & magnificentia ipsius Mecænatis permitto.

Horologij Catoptrico-Gnomonici è Sphæra Catoptrica Horizontali delineatio practica, ex antea generaliter traditis instrumentorum ad hoc comparatorum vsibus.

Propositio LXI.

Lineam Horizontalem, ipsosque Horizonti parallelos circulos, quos vocant Almucantarath, in prædicto horologio Catoptrico-Gnomonico designare.

Verticalem mobilem impone cardinibus Catoptricæ Horizontali Sphæra conuenientibus, *per propof. 40*; deinde per quindenos, vel denos vel etiam quinos quosque eiusdem organi gradus, filum è centro eductum tenuissimum, validè intentum, simul cum ipsomet organo ad omnes horologij partes circum vndique conuerte *per prop. 42*; & hoc modo designabis optatos arcus parallelorum Horizontis, respondentes gradibus Verticalium quindenis, vel denis, siue quinis, prout optaueris: ac demum simili opera lineam Horizontalem describes *per prop. 41*.

Propositio LXII.

Circulos Verticales in eodem horologio Catoptrico-Gnomonico describere.

Horum circulorum communis diameter est axis Horizontis ad ipsum Zenith terminatus, cui etiam cardines iam aptati sunt Verticalis nostri mobilis pro hac Sphæra Catoptrica Horizontali; ijs itaque cardinibus Verticalem mobilem impone; & per *proposit.* 43 designa in linea Horizontali, gradus omnes Horizontis, eisque numeros adijce, incipiendo à Verticali primario, tum à parte orientis, tum à parte occidentis, versùs lineam Meridianam; porro gradus illos seu punctis, seu lineolis interfecantibus denotabis. Deinde per quinos huiusmodi gradus lineas integras Verticales sursum, usque ad Zenith, deduces per *prop.* 44; vel commodius, & fortè certius, per 54: habes enim pro omnibus huiusmodi lineis communia duo puncta, videlicet centrum Sphæræ, siue locum speculi, & punctum Zenith; pro singulis autem peculiare punctum vnum in Horizonte videlicet quintum quenque gradum Horizontis. Filum itaque Normale extendes à puncto Zenith ad prædicta graduum Horizontis puncta, filum verò Ductarium cōmittes centro Sphæræ. Vt in figura *prop.* 44 ad Verticalis 60 HSR G, designationem, filum Ductarium est BR, Normale vero HA, vel HE; cum possit in axe Horizontis sumi pro Zenith non solum A, sed etiam quoduis aliud punctum, vt E, à centro B remotius. Hoc eodem modo in singulis arcibus priùs descriptis parallelorum Horizontis, distingues gradus respondentes gradibus Horizontis quemadmodum & in singulis descriptis Verticalium lineis, opto distingui gradus omnes ipsorum Almucantarath; quod quidem expeditiſſimè fiet per *prop.* 45: hæc porro singulorum graduum distinctio in lineis Verticalibus, & in arcibus Almucantarath, vtilissima futura est; & tamen incommodi nihil secum affert.

Propositio LXIII.

Arcus Signorum Zodiaci, vnà cum linea Æquinoctiali in prædicto horologio Catoptrico-Gnomonico designare.

In organo Meridiano, *prop.* 28, distincti sunt singuli gradus Signorum Zodiaci, secundùm eorum declinationes ab Æquinoctiali. Ideo verò sic distincti sunt, vt eorum ope, & fili tenuissimi rectilinei simul cum eis circumducti adminiculo designentur lineæ, quæ in horologio referant parallelos Æquatori circulos per initia Signorum, vel per quolibet eorum, gradus in Ecliptica transeuntes. Si ergo desideres solummodo arcus respondentes initijs Signorum circumduc filum cum ipsismet Signorum ini-

tijis in instrumento notatis; si verò desideres arcus respondentes denis, vel quindenis gradibus; similiter circumduc filum cum illis ijsdem gradibus. Itaque in praxi organum Meridianum impone cardinibus seu polis ipsi in Catoptrica Horiz. Sphæra conuenientibus *per prop. 37*, dispositis, & *per 38*; confirmatis ad eleuationem polarem Romanam, quæ est grad. 41 min. 56; & sic mira facilitate ductuque fidelissimo lineam Æquinoctialem designabis *per prop. 46*: arcus verò reliquos Æquatoris parallelos qualescunque, & quotcunque optaueris, æquè scilicet describes *per prop. 47*.

Monitum.

AD linearum nimiam multitudinem, & confusionem inde consequentem, euitandam, sufficiet integros arcus ducere eos, qui Signorum initijs respondent: prorsus tamen opto, ut in lineis horarum Astronomicarum, vel etiam aliarum, distinguantur gradus singuli Signorum; id enim confusionem parere nullam potest, & utilitates habet plurimas & maximas: imò, quia postea, videlicet *prop. 70*, horas Inæquales, non communes illas; sed eas, quæ secundum quindenos ascendentes Zodiaci gradus numerantur, in meo hoc horologio describam; necesse est Signorum arcus integros ducere non solum eos, qui principiis, sed etiam eos, qui decimo quinto cuiuslibet Signi gradui respondent.

Propositio LXIII.

Tropicos Lunæ, seu parallelos maximæ declinationis illius, in eodem horologio Catoptrico-Gnomonico describere.

EAdem lege, qua Signorum arcus, designandi sunt duo paralleli maximæ declinationis Lunæ, quos ad similitudinem parallelorum maximæ declinationis Solis voco Tropicos Lunæ. Est autem Lunæ maxima declinatio ab Æquatore graduum ferè 28 min. 30: eius enim maxima latitudo ex hypothefibus Copernici est graduum 5. Quapropter in gradibus quadrantis, qui sunt in organo Meridiano prope limbum Zodiaci; numerabis ex utraque parte à radio Æquatoris gradus 28, & 30 min. ac per utriusque numerationis finem, educto filo describes sicut Tropicos Solis, aliosque Signorum parallelos; ita & Tropicos Lunæ. Quamvis enim hi duo paralleli non soleant communiter in horologijs depingi, tamen in hoc Catoptrico-Gnomonico, & sunt non parum viles, & non exiguum operi conferunt venustatem: cum enim in pariete plurimum spatium vacuum superfit ex parte Cancris, & multò amplius ex parte Capricorni, illud magnam partem implent, tum hi duo paralleli, tum reliquæ, præsertim horariæ omnes, lineæ ad illos terminatæ. Deinde nisi hi describantur in hoc horologio paralleli, & horariæ ad eos lineæ protendantur; sæpiissime continget non posse in eodem horologio (sicut & in cæteris communibus accedit) motum Lu-

nā obseruari; videlicet quando reflexus illius radius, siue ob parallaxim, siue ob latitudinem eiusdem, cadit extra Solis Tropicos.

Propositio LXV.

Horas Astronomicas in eodem horologio Catoptrico-Gnomonico delineare.

HOras istas distinguunt circuli in Sphæra maximi, qui per mundi polum vtrunque incedentes, Æquinoctialem diuidunt in partes æquales 24, initio factò à circulo Meridiano, ex quo pro singulis horis computandi sunt in linea Æquinoctiali gradus 15. In praxi Meridianum organum committe polis Sphære huic Horizontali Catoptricæ iconuenientibus; tum Æquinoctialis vtranque portionem, orientalem videlicet, & occidentalem, distingue in horas antemeridianas, & pomeridianas; notatis *per prop. 48*, accuratissimè punctis per quindenorum graduum interualla: simulque *per prop. 49*, lineas ipsas horarias designa.

Aliter.

PRæterea lineas easdem horarias ducere poteris adminiculo duplicis tabulæ indicantis arcus, tum Horizontis, tum circuli Verticalis primarij contentos inter Meridianum, & cuiuslibet horæ Astronomicæ circulum, seu (quod idem est) indicantis in Horizonte, & in Verticali puncta per quæ incedunt circuli horarum Astronomicarum, hæc verò tabula polaribus eleuationibus diuersis accommodata habetur *lib. 2 prop. 34, & 35*.

In praxi itaque iste est vsus tabellæ. Primò *per propof. 43*, interualla singulis horis conuenientia ex præscripto tabulæ *propositionis 35 lib. 2*, distingue in linea Horizontali, factò initio à Meridiana. Deinde earundem horarum interualla alia, ex præscripto item tabellæ *prop. 34*, factò similiter initio à linea Meridiana, distingue in linea circuli Verticalis primarij *per prop. 45*; Nisi fortè iam in Horizonte & in Verticali singulorum puncta, graduum signaueris, vt signanda esse dixi *prop. 62*: tunc enim mira facilitate, in ipsomet Horizonte, & Verticali, initio factò, vt dixi, à linea Meridiana; numerabis gradus, qui singulis vtriusque circuli arcubus horarijs debentur; & cuique numerationis termino clauulum statim infiges, vel paulò post infigendo notam interim, quam recognoscas præsignabis.

His verò præsignatis, tria habebis determinata puncta, pro qualibet horaria linea; primum quidem commune in loco speculi siue in centro Sphære; alterum verò in linea Horizontali, & tertium in linea Verticali: per quæ tria puncta lineam quamlibet horariam ductu certissimo designabis *per prop. 54*. Sola erit linea horæ 6, tam à media nocte quàm à meridie, cui respondens in Horizonte, atque etiam in circulo Verticali primario, necnon in Æquinoctiali punctum, vnicum est tribus illis circulis commu-

ne;

ne ; quare pro vtraque linea horæ 6 , tertium punctum habebis in polo Antartico D , vel in Vicariæ normæ foraminulo H , vt dictum est eadem *propof. 54.*

Hæ omnes lineæ terminandæ sunt in contactu lineæ Horizontalis , vel parallelorum maximæ latitudinis Lunæ , vt dictum est *prop. 60.* Nihilominus ad vsum , quem dicam *in fine propof. 67.* designandæ sunt horarum Astronomicarum occultæ lineolæ , sub ipsa linea Horizontali , in residua parte parietis , atque etiam , si opus est , in ipso pavimento subtiliter exarandæ .

Monitum .

IN linea Æquinoctiali distinguantur *per propof. 48.* gradus singuli , initio facto à linea Meridiana hinc inde ; eademque opera similes gradus distinguantur in omnibus parallelis Signorum , atque alijs similibus , vt arcibus diurnis , & Lunæ Tropicis *per prop 51.*

Propositio LXVI.

Parallelos arcuum diurnorum in eodem horologio Catoptrico-Gnomonico describere .

ARculus Signorum Zodiaci similes sunt arcus hi diurni , cùm pariter sint paralleli Æquatoris ; erit ergo vna , & eadem vtrorunque describendorum ratio : tantùm inquirenda est eorum declinatio ab Æquatore eademque numeranda in limbo graduum , qui est sub limbo Zodiaci in regula AB instrumenti Meridiani *prop. 28.* Illorum autem , de quibus nunc agitur , parallelorum declinatio non est eadem vbique terrarum ; sed maior , minorue est , prout maior , vel minor etiam est Horizontis obliquitas . Exempli causa ; arcus diurnus horarum 10 , in Horizonte Romano , cui polus attollitur grad 41 , min. 56 , declinationem habet australem graduū 16 , & 2 ferè min. in Horizonte verò Parisiensi , cui polus attollitur grad. 48 , & min. 40 , declinationem habet similiter australem , sed graduum 12 & min. ferè 50 ; iuxta tabulam hac de re descriptam *lib. 2 prop. 45.*

Sed multò faciliùs , & absque tabulis , arcuum huiusmodi saltem præcipuorum declinationes inuenies ; eas enim licet fortè non cogitans signasti , & quidem accuratissimè in linea Horizontali , cùm lineas horarum Astronomicarum descripsisti . Istæ enim in puncto concursus , cum eadem Horizontalis , indicant declinationem arcuum diurnorum horarum numero parium , vt 6 , 8 , 10 , 12 , 14 , 16 , &c. hoc ordine ; linea horæ 4 à media nocte secat Horizontem in puncto per quod transit , imò ex quo incipit arcus diurnus horarum 16 ; linea horæ 5 item à media nocte , dat punctum ,

vnde ducitur arcus horarum 14: ita lineæ horæ 7, responder arcus horarum 10: & horæ 8, arcus horarum 8: 6 verò horæ responder arcus horarum 12, ipsa videlicet linea Æquinoctialis. Habebis etiam postea in eadem Horizontali, puncta arcuum horarum numero imparium, vt 9, 11, 13, 15, cùm nimirum horas ab ortu designaueris. Nam linea horæ ab ortu 9, in linea Horizontali à parte occidentis arcum diurnum horarum 9 concludit, & ita de reliquis suo ordine: ad partes verò ortuias hora ab occasu 15, quæ arcum nocturnum horarum 15 terminat, dat principium diurni arcus horarum 9, in linea Horizontali, & ita de alijs.

Non erit autem necesse arcus diurnos aliter designare, quàm per lineas horarum ab ortu. Earum enim proprium hoc munus est, quantitatem dierum indicare; quamadmodum horarum ab occasu etiam proprium munus est demonstrare quantitatem noctium. Vnde qui nouerit locum Solis in Zodiaco, & punctum occasus illi respondens intuitus fuerit; statim videbit quantitatem arcus illius diei, in lineis horarum ab ortu; sicut quantitatem nocturni arcus in lineis horarum ab occasu, si punctum orientis aspexerit.

Nihilominus, quia necessarij nobis erunt duo, vel quatuor arcus diurni, vt postea dicam; ideo modum eos describendi, vel certè eorum aliqua puncta necessaria designandi, ostendo in exemplo. Sit designandus arcus diurnus horarum 14: instrumentum Vicarium (de quo *prop. 52*) commissum polis Meridiani organi, accipiat *per prop. 53* punctum, quo se mutuò secant hora à media nocte 5 (vel à meridie 7, perinde enim est) & linea Horizontalis; & hoc accepto puncto, circumducatur vnà cum filo dictum instrumentum; & eo motu desideratum arcum describat *per eandem prop. 53*: pari modo arcum horarum 10 describet, si punctum accipiat quo se mutuò secant hora à media nocte 7, (vel à meridie 5) & linea Horizontalis. Ita de arcu horarum 6, & de arcu horarum 18; pro isto enim accipiendum erit punctum concursus horæ 3 à media nocte cum linea Horizontali; pro illo autem punctum concursus eiusdem Horizontalis & horæ 9 à media nocte. Non sunt tamen hi arcus integro ductu describendi, sed ad rem nostram omnino sufficiet communes eorum cum horis Astronomicis intersectiones diligenter signare.

Propositio LXVII.

Horas ab occasu, atque etiam ab ortu in horologio eodem Catoptrico-Gnomonico delineare.

VTriusque generis horas problemate vno complector, quia illas pariter distinguunt ijdem circuli 24 in Sphæra maximi (quorum vnus est Horizon (qui parallelum omnium semper apparentium maximum, & alterum

terum ei oppositum, maximum item omnium nunquam apparentium, tangentes in punctis, in quibus iidem à circulis horarum Astronomicarum secantur; indeque circumducti, Equatorem, eiusque parallelos omnes, in quibus (sicut in Equatore) inuicem ipsi concurrunt, secant in partes 24 æquales: reliquos verò parallelos, in quibus non inuicem ipsi concurrunt, quos tamen secant; diuidunt in partes 48, quarum quælibet 24 seorsim inchoatæ hinc ab Horizonte ortiuo, hinc ab occiduo, sunt inuicem æquales, & horis hinc ab ortu, hinc ab occasu deputantur: ex quo intelligitur, quomodo cuiuslibet dictorum 24 circulorum semicirculus vnus alicui horæ ab ortu; alter verò alicui ab occasu discriminandæ feruiat; quemadmodum in ipso Horizontis circulo perspicui facillè potest: illius enim semicirculus occidentalis, horæ 1 ab occasu principium, & vigesimæ quartæ finis est; orientalis verò eiusdem semicirculus finis item est 24 ab ortu, & primæ principium. Vide *propositionem* 17 *lib. 1*, vbi de his circulis, vt & de alijs agitur.

Huius vtriusque modi horarios circulos, decussi nostro ambulatorio *ex prop. 54* designabimus, datis prius tribus quibusdam punctis in singulis eorum planis; hæc ipsa verò puncta pro singulis non modò terna, sed & quaterna, & quina, sennæ indicabimus; tum vt quorumlibet trium fides, reliquorum ad eandem lineam pertinentium fide comprobetur, ad maiorem operationis certitudinem; tum vt deficiente vno aliquo puncto ex tribus prius assignatis, aliud è secundo vel tertio ordine vicem eius subeat, ad operis integritatem; tum denique, vt è pluribus traditis modis easdem lineas describendi, eum quilibet eligat, qui sibi magis placuerit.

Primò *per propositionem* 47, ope organi Meridiani, vel commodius Vicariæ normæ adminiculo *per prop. 53* describe parallelum omnium, nunquam apparentium maximum, qui Horizontem tangit in puncto, quo is à Meridiano secatur, eum porro parallelum partim in superficie parietis designabis sub linea Horizontali, partim in subiecto pavimenti plano, ducesque per lineas horarum Astronomicarum, quas *in fine propof. 65*, dixi esse ibidem designandas; quia verò eæ lineæ sunt numero 12, quemadmodum circuli, quos referunt, per mundi polum Antarcticum similiter transeunt; ideo parallelus prædictus circa eundem polum, instrumenti ductu, delineatus easdem lineas singulas bis secabit, & sic dabit 24 puncta, per quæ totidem circuli horarum ab occasu, & ortu transeunt, ipsummet contingunt. His itaque punctis dicto iam modo inuentis adhibe numeros, cuique horæ Astronomicæ videlicet à media nocte, & à meridie numeratæ conuenientes, vt sic statim agnoscas quod cuius horæ Astronomicæ punctum sit, & cui horæ ab occasu, vel ab ortu sit moxtribuendum, iuxta ordinem, quem ostendit sequens tabella. Neque erit abs re numeros indicante ipsa tabella conuenientes horis ab occasu, vel ab ortu, ascribere prædictis punctis, simulque delere antea scriptos horarum Astronomicarum numeros, quasi iam periunctos suos munere.

In parallelo omnium nunquam apparentium maximo, horæ ab ortu vel occasu Astronomicas secant.

Horæ à meridie												Horæ à media nocte.											
1	2	3	4	5	6	7	8	9	10	11	12	1	2	3	4	5	6	7	8	9	10	11	12
1	2	3	4	5	6	7	8	9	10	11	12	13	14	15	16	17	18	19	20	21	22	23	24
Horæ ab ortu												vel occasu											

Secundò per *prop.* 66 describe arcum diurnum horarum 14, qui in lineis horarum Astronomicarum, quas fecat, exhibebit puncta per quæ horæ ab occasu, & ab ortu incedunt, eo ordine quem tabella demonstrat *lib.* 2. *proposit.* 50 *descripta.*

Tertiò per *propos.* eandem 66 describe arcum diurnum horarum 10, qui similiter earundem horarum, in lineis Astronomicarum, puncta alia dabit; quæ quo ordine singulis lineis tribuenda sint, eadem tabella descripta *lib.* 2. *prop.* 50, ostendit.

Quartò earundem horarum puncta continet linea Æquinoctialis *prop.* 65 iam diuisa in partes 12: siquidem per illa eadem puncta per quæ transeunt horæ à meridie vel media nocte, transeunt etiam horæ ab occasu, & ab ortu, ordine expresso in propria tabella, quam etiam habes dicta *prop.* 50 *lib.* 2.

Nunc igitur pro qualibet hora ab occasu vel ortu quinque habes puncta, primum in parallelo omnium nunquam apparentium maximo; secundum in arcu diurno horarum 14; tertium in arcu horarum 10; quartum in arcu horarum 12; id est in linea Æquinoctiali: quamvis autem hi tres arcus non contineant singuli (prout diurni arcus sunt) puncta pro omnibus designandis in horologio lineis horarum ab occasu & ab ortu (alioqui enim essent omnes arcus diurni æquales; quia tot horas quilibet eorum contineret, quot continet quilibet alius) Nihilominus si eorundem circulorum (quorum illi arcus segmenta sunt) portio nocturna, quæ sub Horizonte est, describatur, dabit illa, in lineis horarum Astronomicarum, item nocturnarum, puncta quæ portioni diurnæ defunt. Quintum denique punctum omnibus commune est ipsum Sphæræ ac instrumentorum centrum, ut sæpe dictum est. Ex his verò quinque punctis, tria sufficiunt, ut ostensum est *prop.* 54: quare eligere poteris è quatuor prius assignatis, ea duo, quæ tibi commodiora fuerint; tertium verò erit tibi semper centrum instrumenti: quamvis autem ex prædictis quatuor punctis, duo tantum sint veluti præcipua legitimi ductus signa, reliqua nihilominus obseruanda etiam sunt, saltem ea quæ sunt in tribus arcibus diurnis prædictis; nisi enim aberraueris, linea per ea omnia puncta æqualiter decurret.

Optas forsitan in praxi, velut in particulari, rem enodatiùs exponi? sic igitur

igitur in horologio describenda linea horæ 15 ab occasu : pro ea habes primo punctum vnum in parallelo omnium nunquam apparentium. maximo, videlicet punctum quo is horam 3 à media nocte secat ex indicio tabellæ paulò antè descriptæ. 2. pro eadem punctum aliud habes in arcu horarum 10 ; videlicet concursum eius arcus, cum hora 8 à med. nocte ex indicio propriæ tabellæ assignatæ. 3. pro eadem habes aliud punctum in arcu horarum 14 ; videlicet concursum eiusdem, cum hora 10 à med. nocte ex indicio etiam tabellæ propriæ. 4. habes aliud pro eadem linea punctum in arcu horarum 12, siue in linea Æquinoctiali, videlicet punctum horæ 9 à media nocte similiter ex indicio tabellæ, vt dictum est.

Propositio LXVIII.

Horas communes Inæquales, in eodem horologio Catoptrico-Gnomonico, delineare.

HOræ istæ Inæquales, seu potius inæqualiter æquales, talem aliquem seruant inæqualitatis modum, vt ab æqualitate non omnino recedant: sunt enim cuiuslibet diei horæ inuicem æquales, & noctis similiter: quamuis diurnæ nocturnis, atque etiam hesternis hodiernæ inæquales sint, ex prop. 5 primi huius, & ex eiusdem 17 num. 8 vbi & dixi ex Clauio in Astro-lab. libro 1 Lemmate 39, huiusmodi horas nequaquam distingui circulis maximis, qui arcus diurnos in partes 12 æquales diuidant: quamuis hæcenus ita existimauerit vulgus Horographorum: verum ne, in practica earum delineatione, ab alijs recedam hunc trado modum, dictas horas delineandi. Diuiso iam arcu diurno Æquatoris in partes æquales 12, vt prop. 6 5 factum est; diuidantur nunc arcus diurni Cancræ, & Capricorni, quilibet in suas 12 partes æquales (modum diuidendi statim dabo) ac deinde à singulis diuisionum Cancræ punctis per singula similia Æquatoris puncta, ad alia in Capricorno respondentia, lineæ ducantur tanquam sectiones circuli maximi per eadem puncta incedentis: & hæc secabunt reliquos intermedios arcus diurnos in partes 12, non quidem mathematicè æquales: sed vsu communi recepto, non sensibilibus inæquales.

Qui verò in his desideraret æqualitatem mathematicam; posset, licet non sine multo labore, arcus diurnos omnium Signor. Zodiaci, vel etiam alios plures intermedios, diuidere in ipsorum duodenas partes æquales, eodem prorsus artificio, quo arcus Cancræ, & Capricorni dixi diuidendos; ac tandem per singula omnium arcuum, sibi inuicem respondentia puncta, lineas curuas ductu, quantum fieri poterit, æquali, & sine angulis designare.

Ego tamen dictam inæqualitatem non admodum curans; facta solum diuisione trium diurnorum, quos iam dixi, arcuum, lineas horarum Inæqualium

qualium facile designo decussi meo ambulatorio *per prop. 54*: habeo enim in primis in linea Aequinoctiali puncta horarum æqualium duodecim, quæ sigillatim istis etiam horis Inæqualibus conueniunt, cum hic circulus sicut nocti diem, ita nocturnis diurnas horas æquet; tabula verò quæ *libro 2. propositione 52* habetur, ostendit punctum horæ, verbi gratia, 7 à media nocte in circulo Aequinoctiali, siue in arcu diurno horarum 12, tribuendum esse horæ primæ Inæquali; & punctum horæ 8, tribuendum esse horæ 2 Inæquali: & ita de alijs, ordine suo. Atque his punctis Aequinoctialis, ordine in dicta tabella indicato, adscribendi sunt deletiles numeri horarum Inæqualium, ne fortè, in earum lineis designandis, aberretur. 2. alia puncta pro singulis horis Inæqualibus habeo in arcu diurno Cancræ; si illud *per prop. 51* in partes æquales duodecim diuisero ope nimirum eorū sex punctorum, quæ de indutria, pro tali diuisione nunc facienda, præcepi diligenter notari in Scala semicirculi *prop. 32 circa medium*. 3. pro iisdem horis singulis, puncta alia in arcu diurno Capricorni inuenio *per eandem prop. 51*; in Scala enim sunt etiam puncta alia sex huic ipsi arcui Capric. diuidendo accommodata *dicta prop. 32*. Aduerte autem puncta illa sex in Scala, pro utroque dicto arcu notata æquiualeere punctis 12; quia in practica illa designatione punctorum, bis pro utroque arcu utimur punctis illis sex prædictæ Scalæ, semel quidem conuerso instrumento ad horas antemeridianas; & iterum eodem conuerso ad pomeridianas.

Præter puncta tropica horarum Inæqualium (si fortè ea alicui videantur difficilia inuentu iuxta modum traditum) alia indico puncta in arcu diurno horarum sex, vel etiam in arcu diurno horarum 18, si possit is designari in horologio: in isto quidem quod nunc construo vix potuit designari hic vltimus; quapropter vsus sum arcu horarum sex; quem quidem integrum describo, imò & depingo; vt appareat, sicut dixi *prop. 60 num. 12* sic autem eum describo. In primis in linea Horizontali punctum, per quod incedit, inquiero: est verò tale punctum illud in quo dictam Horizontalem secat in parte ortiua (vt dicere cœperam *prop. 66*) linea horæ 9 à media nocte, vel 18 ab occasu; in parte autem occidua, linea horæ 3 à meridie, vel 6 ab ortu. Deinde arcum ipsum designo *per prop. 53*: organum enim Vicarium impono cardinibus organi Meridiani, & ita impositi centro G, filum committo, quod cum ex altera parte extenderim ad dictum punctum, quo lineam Horizontalem secat hora 9 à media nocte, &c. in brachijs instrumenti vsque ad contactum fili sic immobiliter & validè tensi conuersis, notam deletilem signo; ac demum integri arcus ductum perficio, filo per eam notam educto, & ita continuè conuerso, vt *eadem propof. 53* explicatum est.

Arcum verò ipsum sic descriptum diuido, primùm in sex partes productis occultè lineis Astronomicis, vsque ad eius intersectionem; ac deinde singulas eas partes subdiuido in duas; quod fit designatis occultè semi-horis earum horarum Astronomicarum: puncta verò hæc semihoraria inue-

nientur

nientur in dicto arcu *per prop. 51*, promouendo videlicet instrumentum Meridianum non per integras horas Astronomicas, videlicet per quindenos gradus Scalæ; sed per semihoras, id est per gradus septenos cum semisse; imò hac eadē opera possum simul in dicto arcu horas eius Antiquas 12, æquē distinguere; factō nempe initio à linea Meridiana (quæ semper est sexta inter istas Inæquales) promouendo instrumentum ad grad. 7 min. 30 Scalæ, verbi gratia, ad partem ortiuam; & extenso filo, ita vt instrumenti latus contingat, signando in prædicto arcu punctum horæ 5: deinde promoto instrumento ad gradum 15 Scalæ, filo vt dixi extenso, signando in arcu horam 4; ac tertio promoto instrumento ad grad. 22, & 30 min. signando in arcu horam 3; & ita de alijs, tum in eadem parte ortiua, tum etiam in parte occidua.

Facta demum diuisione dicti arcus diurni, habeo pro singulis horis Inæqualibus, singula in eo puncta, per quæ ac per alia in linea Æquinoctiali iam antea indicata, describo *per prop. 54* lineas earum horarum; & si opus fuerit, consulo tabulam supradictam, quæ habetur *lib. 2 prop. 52*; hæc enim indicat, per quæ tum istius arcus diurni, tum Æquatoris puncta, quælibet Inæqualis huiusmodi horæ linea describenda sit.

Aduerte tamen lineas huiusmodi horarias ductas per modò dicta puncta arcus diurni horarum sex, non coincidere omnino cum ijs, quæ ducerentur per puncta in Tropicis, vt dictum est, inuenta; quod quidem consequens est ex eo quod dixi non posse has horas in Sphæra circulis distingui.

Propositio LXIX.

Lineas Signorum Zodiaci ascendentium, in eodem Catoptrico-Gnomonico horologio, designare.

Lineas Signorum ascendentium nihil aliud sunt, quàm linea ipsa Ecliptica tales in horologio situs varios habens, quales & in cælo habet respectu nostri hemisphærij, eo temporis momento, quo Signa exoriuntur. Eas verò lineas facillimè describes ambulatorij nostri decussis beneficio *per 54 huius*; dummodo tria pro qualibet huiusmodi linea, puncta habeas. Hæc verò nunc tibi assigno, in primis commune omnibus punctum iam habes in centro Sphære ex dictis *eadem propositione*.

Deinde pro lineis singulis, duo iam habes puncta notata in linea Horizontali; alterum quidem in parte ortiua, alterum autem in parte occidua: verbi gratia, pro linea ascendentis Tauri, est in parte ortiua concursus paralleli Tauri cum linea Horizontali; in parte autem occidua suppetit punctum, quo parallelus Scorpij (qui nimirum Tauro diametraliter opponitur) eandem Horizontalem secat.

Equidem sufficeret in linea Horizontali, pro cuiuslibet ascendentis Signi

gni linea, punctum ortus eiusdem habere, vel punctum occasus, Signi alterius diametraliter ipsi oppositi; tamen si vtrunque habeatur, non parum afferet operationi certitudinem.

Ne autem aberres in assignandis cuique lineæ debitis ortus, & occasus Signorum punctis; hoc solum aduerte, videlicet, cuiusvis ascendentis Signi, verbi gratia, ☿ lineam duci debere per ea lineæ Horizontalis puncta, in quibus eandem Horizontalem secant, ex parte quidem orientis arcus ipsiusmet Tauri, aut Virginis (quia vnus est communis vtrique arcus) ex parte verò occidentis, arcus Signi Tauro diametraliter oppositi, videlicet Scorpij; vel etiam Piscium (quia similiter vnus idemque est Scorpio, & Piscibus communis) vnde linea ascendentis Cancrī describenda est per punctum ortus Cancrī, & per punctum occasus Capricorni, ac vice versa; & sic de alijs, vt clariùs in subiecta vniuersali tabellā cernere est.

Tabula vniuersalis ostendens in Horizonte tum ortiuo tum, occiduo puncta Signorum, per quæ Signi cuiuslibet ascendentis linea describatur.

Lineæ ascendentium Signorum.	Ducendæ sunt per puncta.		
		Ortiua.	Occidua.
	☿	☿ siue ♈	♏ siue ☿
	♈	♈ siue ♎	♎ siue ♈
	♎	♎ siue ♈	♈ siue ♎
	♏	♏	♏
	♏	♏ siue ♎	♎ siue ♏
	♎	♎ siue ☿	☿ siue ♎
	♈	♈ siue ☿	☿ siue ♈
	♎	♎ siue ♈	♈ siue ♎
	♏	♏ siue ♎	♎ siue ♏
	♏	♏	♏
	♏	♏ siue ♎	♎ siue ♏
	♎	♎ siue ☿	☿ siue ♎
	☿	☿ siue ♈	♏ siue ☿

Denique tertium aliud punctum, ad quamlibet ascend. Sign. lineam describendam necessarium, inueniri poterit in aliqua horarum à merid. vel

vel med. noct. præferim verò Meridiana. Licet autem huiusmodi punctorum certissima sit ex tabulis ascensionum tum obliquarum tum rectarum, inuentio per calculum; longè tamen facilius eadem puncta, & quidem satis certò inueniuntur beneficio Planisphærij Ptolemæi seu Astrolabij particularis, quod ex eo Stofferin. composuit; præferim si accuratè delineatum, & permagnum sit Astrolabium, quale illud est, quo ego vtor, duos in diametrum pedes regio, seu tres palmos romanos habente, in electo & optimè explanato atque læuigato lapide ardoso ad poli eleu. grad. 42 manu accuratissima exarato.

In hunc itaque modum dicta puncta inuenies pro singulis ascend. Sign. lineis, in linea non solum Merid. sed etiam in quauis alia eiusdem generis horaria. Zodiacum Astrolabij ad loci tui latitudinem constructi ita moue vt Signi propositi, verbi gratia Arietis, initium colles in Horizonte obliquo ad partes Astrolabij ortiuas; Zodiaci enim ita dispositi contactus cum linea Astrolabij Meridiana, ostendet punctum Eclipticæ, quod ex oriente Arietis initio, ad Meridianum peruenit, videlicet initium Capricorni; ita cum collocaueris in eodem Horizonte obliquo initium Tauri, videbis in Meridiana linea grad. 15 min. 59 Capric. & ita de alijs iuxta sequentem tabellam è fidelissimo iam dicto Astrolabio depromptam.

Cœli meditationes.	
Signa ascendentiæ.	G. M.
Υ	0 10 ϐ
♈	15 52 ϐ
♊	6 3 ♋
♉	5 6 ♋
♈	3 59 Υ
♊	23 57 ♂
♊	0 0 ♉
♈	6 3 ♈
♊	16 1 ♊
♈	24 54 ♉
♋	23 57 ♈
♋	14 1 ♈

Non solum autem, ut paulò antè dixi, inuenies ope eiusdem Astrolabij puncta Eclipticæ, quæ singulis exorientibus Signis in medio cæli, seu in Meridiano versantur, sed etiam simul eademque opera inuenies ea puncta, quæ in quibuscumque alijs à meridie vel à med. nocte horarijs lineis consistunt; si nimirum ad eas horas, quæ in limbo externo Astrolabij distinctæ sunt, fiducialem Allidatæ lineam adduxeris: sic enim ea linea secabit Zodiacum in gradu Signi, quod tunc temporis ad eam horam peruenit. Porro si cui magis placuerit dictorum punctorum inuentio per calculum, modum & leges inquirendi petat ex Clauio *Gnom. lib. 2. prop. 9*: Sed siue per calculum, siue per Astrolabium dicto iam modo, inuenta fuerint puncta Eclipticæ, quæ ad Meridianum, verbi gratia, peruenerunt oriente quolibet Signo; notanda sunt diligenter eadem puncta in linea Meridiana nostri horologii Catoptrico-Gnomonici *per prop. 50*; nisi iam in eadem Meridiana distincti forent singuli Eclipticæ gradus, quemadmodum *prop. 63* distinguendos esse monebam: tunc enim inter graduum integrorum puncta, facile esset designare minuta. His verò notatis punctis, in praxi facillimum est lineas ascendentium Signorum describere *per prop. 54*. Sit in exemplum describenda linea Ascendentis Tauri in prædicta poli eleuatione; consule primam tabellam, & pro hac linea inuenies in linea Horizontali, ad partem ortiuam, punctum, quo eam secat parallelus Tauri siue Virginis; vel, ad partem occiduam, punctum, quo eandem secat parallelus Scorpionis siue Piscium, alterum enim ex his duobus punctis, ut antè dixi, sufficit. Deinde consule secundam tabellam, & pro eadem linea ascendentis Tauri inuenies in linea Meridiana, 15 grad. 59 min. Capricorni: dictam itaque lineam describes per punctum Tauri in Horizonte ortiuo vel per punctum Scorpionis in Horizonte occiduo & per punctum 15 grad. 59 min. Capricorni in linea Meridiana, & sic de alijs.

Corollarium.

HAc eadem arte describi possunt lineæ cuiuslibet ascendentis gradus Zodiaci, ut decimi quinti gradus cuiuslibet Signi; & ad hoc omnino sufficit, si primò habeas in Horizonte ortiuo punctum, quo is decimus quintus Signi gradus exoritur; vel, ut dictum est, in Horizonte occiduo, punctum quo eiusdem Nadir seu gradus illi diametraliter oppositus occidit: & secundò punctum Eclipticæ, quod ad Meridianum peruenit eo tempore, quo ille decimus quintus Signi gradus in Horizonte ortiuo est; & quidem punctum Eclipticæ, quod in Meridiano est, statim inuenies in Astrolabio; si, ut eantè dixi, in Horizonte obliquo ex parte ortiuâ collocaueris illum 15 gradum Signi. Porro in linea Horizontali horologii, punctum 15 gradus, cuiuslibet Signi inuenies eodem prorsus modo, quo *per prop. 47*, in eadem Horizontali, puncta initiorum Signorum inuenta sunt; neque enim est in hoc aliqua difficultas cū in instrumento Meridiani mobilis,

mobilis, gradus omnes Signorum distincti sint : imò verò de industria aduerſi *prop. 63.* in horologio isto, describendum integrè esse arcum decimi quinti gradus cuiuslibet Signi.

Monitum.

SI duodecim lineæ pro totidem Signorum initijs ; vel, si viginti quatuor pro initijs simul , & pro quolibet decimo quinto gradu describantur ; illæ sine dubio se se interfecabunt , & ita nisi conuenienter distinguantur, non erit cuiuslibet, præsertim parum exercitato, facile dignoscere ex radio Solis reflexo , quauis die , vel hora ; cuiusnam Signi vel initium vel decimus quintus gradus oriatur : nam idem radius qualibet die tanget lineas non solum eorum Signorum , quæ die illa orientur ; sed etiam aliorum , quæ non nisi nocte mox sequente oriri possunt . Quapropter vt omnis tollatur ambiguitas, & erroris periculum, operæ pretium erit totam ascendentium Signorum delineationem in duas partes diuidere ; quarum altera indicet Signa ascendentia toto eo tempore quo Sol in parte Eclipticæ descendente versatur, hoc est ætate atque autumno , dum à Cancro per Libram in Capricornum tendit : Altera verò sit vsui hyeme ac vere , dum scilicet Sol ascendentem, vt vocant, Eclipticæ semicirculum à Capricorno per Arietem versùs Cancrum decurrit . Proposita verò dictarum linearum distinctio duobus modis fieri potest . Primò si separatim in duobus distinctis horologijs , distinctæ earum linearum portiones describantur , quæ se mutuò nullatenus fecent , & in contactu Tropicorum terminentur : vel secundò (quia vnum tantum horologium nunc construimus) si diuerso colore pingantur illæ lineæ, vel earundem portiones, quæ dicto modo ad diuersos Eclipticæ semicirculos pertinent ; ita vt quæ linea partim ad vnum , partim ad alterum spectabit , ea in horologio sit duplicis coloris , vnus quidem, verbi gratia, nigri, secundum portionem, quæ ad semicirculum Eclipticæ ascendentem pertinet ; alterius verò, vt rubri, secundum portionem, quæ pertinet ad semicirculum descendente : eam verò lineam, aut lineæ portionem dico pertinere ad semicirculum ascendentem, quæ

Signum oriri indicat, Sole existente in semicirculo Eclipticæ ascendentis ; ita eam ad semicirculum descendente pert-

tinere aio, quæ indicat Sole existente in semicirculo

descendente. Quænam autem , & quorum Si-

gnorum , seu lineæ seu linearum portio-

nes ad hunc, vel illum semicircu-

lum pertineant sequens ta-

bella ostendit.

Tabula distinctè ostendens lineas, aut portiones linearum Signorum ascendentium, pertinentes ad semicirculum Eclipticæ tum ascendentem, tum descendentem.

	Lineæ integræ.	Portiones linearum.	Pertinent ad semicirculum Eclipticæ.
Signorum Ascendentium.	♈.	☾. ♋. ♌. ♎. ab Horizonte ortiuo vsque ad contactum paralleli Capric.	Ascendentem.
		♏. ♍. ♊. ♉. à contactu paralleli Cancrī vsque ad Horizontem occidentum.	
	♏.	☾. ♋. ♌. ♎. à contactu paralleli Capric. vsque ad Horizontem occidentum.	Descendentem.
		♏. ♍. ♊. ♉. ab Horizonte ortiuo vsque ad contactum paralleli Cancrī.	

Propositio LXX.

Horas Inæquales per quindenos ascendentis Eclipticæ gradus numeratas in eodem Catoptrico-Gnomonico horologio delineare.

DE his horis egi lib. 1 prop. 5, & easdem me hîc delineaturum sponpon-
di lib. 2 prop. 52 in fine; earum verò delineatio; etsi quodammodo
difficilis videatur propter inæqualitatem ductus, quam dixi illa prop. 5 lib.
primi: hætenus tamen, ut res se habent, nullus ampliùs pertimescendus
est labor, siquidem difficultas iam omnis sublata est, quia videlicet om-
nia ad huiusmodi Inæqualium horarum delineationem necessaria pun-
cta inuenta iam sunt. Nam ductis per prop. 63 integris Signorum arcubus,
qui respondent ipsorum tum initijs tum quindenis gradibus; ac descriptis
per 69 præcedentem, perque eius Corollarium lineis ascendentium Signorum,
quæ respondent ipsorum tum initijs, tum quindenis gradibus: dictorum
arcuum, & linearum partim contactus mutui, partim intersectiones mu-
tuæ, dant puncta, per quæ inflexæ sine angulis lineæ ducendæ sunt; quæ
erunt optatæ horæ Inæquales; ita ut incipiendo à linea Horizontali in par-
te

re ortiua (ea enim linea, ex ea parte, dat initium horæ primæ diurnæ, sicut & finem nocturnæ 12) sumendæ sint singulæ dictorum arcuum, & linearum intersectiones primæ, & per eas describenda completæ horæ Inæqualis primæ linea curua : per secundas autem intersectiones, secundæ horæ linea, ac tertiæ per tertias : & ita deinceps vsque ad duodecimam, quæ complebitur in linea Horizontali occidua.

Porro quia dictæ lineæ ascendentium punctorum Zodiaci, Tropicos Cancrī, & Capricorni non secant, sed solum tangunt ; singuli contactus huiusmodi erunt in dictis arcubus Cancrī, & Capricorni puncta horarum istarum Inæqualium, ordine iam dicto ; id est, primus contactus supra lineam Horizontalem, erit punctum primæ horæ, secundus secundæ, & ita de alijs. At verò curuitatem linearum eleganter deduces beneficio regulæ flexibilis, de qua hoc ipso libro dictum est in præfatione ad Apparatum instr.

Quia tamen, ut superiori propositione aduerti, ascendentium Signorum, lineæ duodecim, seu viginti quatuor, vel earundem portiones, distinguendæ sunt in duas series, quarum altera Eclipticæ ascendenti semicirculo, altera descendenti feruiat : inde est, ut horarum istiusmodi Inæqualium lineæ per antea dictas intersectiones, & contactus ita designari debeant, ut in duas etiam ipsæ distinguantur series, quarum altera horas demonstret Sole existente in Eclipticæ ascendente semicirculo, altera Sole existente in semicirculo descendente. Nam singularum horarum geminæ, erunt lineæ in Tropiciis quidem in vnum conuenientes, in reliquis verò aliorum Signorum parallelis, ab inuicem discedentes, veluti specie quadam ellipsis.

Exempli causa, linea horæ primæ Sole existente in semicirculo Eclipticæ ascendente, incipit à communi Tropici Capricorni, cum linea ascendentis 15 grad. eiusdem Capricorni contactu ; & inde ducitur per intersectiones, primò paralleli 15 grad. Capric. cum linea ascend. principij Aquarij : secundò paralleli Aquarij cum linea ascendentis 15 grad. Aquarij : tertio paralleli 15 grad. Aquarij, & lineæ ascendentis principij Piscum : & ita deinceps, per alias similium parallelorum, & linearum, ascendentium, punctorum Eclipticæ, intersectiones ; donec terminetur in puncto, quo Tropicum Cancrī tangit linea ascendentis decimi quinti gradus eiusdem Cancrī. Linea verò horæ primæ Sole existente in semicirculo descendente, incipit à puncto, in quo altera terminatur, videlicet à contactu Tropici Cancrī, cū linea ascendentis 15 grad. eiusdem Cancrī, & inde ducitur per intersectiones primò paralleli 15 grad. Cancrī, & lineæ ascendentis principij Leonis ; secundò paralleli Leonis, & lineæ ascendentis 15 gradus Leonis ; & ita de cæteris ; donec terminetur in puncto, vnde altera sumpsit exordium, videlicet in puncto, quo Tropicum Capricorni tangit linea ascendentis 15 gradus eiusdem Capricorni. Atque ita de alijs huiusmodi horarijs lineis, quæ (ut dixi) distinguendæ sunt duplici colore, ut statim agnoscat, quæ ad ascendentem, & quæ ad descendente Eclipticæ semicirculum pertineant.

Vt verò ab earum delineatione omnis tollatur ambiguitas, quæ ex tanta hinc contactuum inde intersectionum varietate oriri posset, & Tyro- nem Horographum quodammodo turbare, duas composui tabulas vni- versales, quibus inspectis statim distinctè agnoscuntur dictorum contac- tuum, & intersectionum puncta tredecim, per quæ horaria quælibet linea ad quemlibet Eclipticæ semicirculum pertinens duci debet. Ipsarum au- tem tabularum vsus omnis facillè intelligitur ex paulò antè proposito exemplo de linea horæ primæ: neque est quòd in his diutius immorer, ni- si tantum vt moneam lineas illas viginti quatuor ascendentium puncto- rum Eclipticæ, videlicet pro initio, & decimo quinto gradu cuiusque Si- gni (ad vitandam tot linearum in horologio, apparenter fanè confusam,

licet in re ordinatissimam multitudinem) non esse designandas nisi cæco, vt dicitur, ductu; ita vt facta horarum delineatione de-

deleantur; nam quicquid illæ in horologio ad motum

Zodiaci cognoscendum præstare possent, præsta-

bunt abundè lineæ istæ horariæ: vbi tamen

amplissimum foret horologij spatium,

possent ex illis commodè

retineri

lineæ duodecim pro ascendentium

Signorum singulis

initijs.

* *

*



Tabula prima vniuersalis ostendens lineas ascendentiſ Eclipticæ, quæ parallelas Signorum tangunt, vel ſecant; ad eius generis Inæquales horas diurnas, quæ per quindenos eiſdem Eclipticæ aſcendentis gradus numerantur, eo tempore, quo Sol à Capricorno per Arietem ad Cancrum mouetur.

* * *

Horæ Inæquales.	1	2	3	4	5	6	7	8	9	10	11	12	
Paralleli Signorum, pro cuiuſlibet Signi tum initio tum decimo quinto gradu, in ſemicirculo Eclipticæ deſcendente.	♏	15 G. ♏	♍	15 G. ♍	♌	15 G. ♌	♋	15 G. ♋	♊	15 G. ♊	♏	69	tangunt
	15 G. ♏	♍	15 G. ♍	♌	15 G. ♌	♋	15 G. ♋	♊	15 G. ♊	♏	15 G. ♏	69	secant.
	♍	15 G. ♍	♌	15 G. ♌	♋	15 G. ♋	♊	15 G. ♊	♏	15 G. ♏	69	15 G. ♏	secant.
	15 G. ♍	♌	15 G. ♌	♋	15 G. ♋	♊	15 G. ♊	♏	15 G. ♏	69	15 G. ♏	15 G. ♏	secant.
	♌	15 G. ♌	♋	15 G. ♋	♊	15 G. ♊	♏	15 G. ♏	69	15 G. ♏	15 G. ♏	♏	secant.
	15 G. ♌	♋	15 G. ♋	♊	15 G. ♊	♏	15 G. ♏	69	15 G. ♏	15 G. ♏	♏	15 G. ♏	secant.
	♋	15 G. ♋	♊	15 G. ♊	♏	15 G. ♏	69	15 G. ♏	15 G. ♏	♏	15 G. ♏	♏	secant.
	15 G. ♋	♊	15 G. ♊	♏	15 G. ♏	69	15 G. ♏	15 G. ♏	♏	15 G. ♏	♏	♏	secant.
	♊	15 G. ♊	♏	15 G. ♏	69	15 G. ♏	15 G. ♏	♏	15 G. ♏	♏	15 G. ♏	♏	secant.
	15 G. ♊	♏	15 G. ♏	69	15 G. ♏	15 G. ♏	♏	15 G. ♏	♏	15 G. ♏	♏	♏	secant.
	♏	15 G. ♏	69	15 G. ♏	15 G. ♏	♏	15 G. ♏	♏	15 G. ♏	♏	15 G. ♏	♏	secant.
	15 G. ♏	69	15 G. ♏	15 G. ♏	♏	15 G. ♏	♏	15 G. ♏	♏	15 G. ♏	♏	♏	secant.
	69	15 G. ♏	15 G. ♏	♏	15 G. ♏	♏	15 G. ♏	♏	15 G. ♏	♏	15 G. ♏	♏	tangunt

Lineæ aſcendentis Eclipticæ, ad cuiſdem aſcendentem ſemicirculum pertinentes, pro cuiuſlibet Signi tum initio tum decimo quinto gradu.

Tabula secunda vniuersalis ostendens lineas ascendentes Eclipticæ, quæ parallelis Signorum tangunt, vel secant; ad eius generis Inæquales horas diurnas, quæ per quindenos eiusdem Eclipticæ ascendentes gradus numerantur, eo tempore, quo Sol à Cancro per Libram ad Capricornum mouetur.

* *

Horæ Inæquales.													
1	2	3	4	5	6	7	8	9	10	11	12		
69	15 G. 69	Ω	15 G. Ω	♊	15 G. ♊	♋	15 G. ♋	♌	15 G. ♌	♍	15 G. ♍	♎	tangunt
15 G. 69	Ω	15 G. Ω	♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	secant.
Ω	15 G. Ω	♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	secant.
15 G. Ω	♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	secant.
♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	secant.
15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	secant.
♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	secant.
15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	secant.
♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	secant.
15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	secant.
♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	secant.
15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	secant.
♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	secant.
15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	secant.
♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	♉	secant.
15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	secant.
♐	15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	♊	secant.
15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	secant.
♑	15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	♋	secant.
15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	secant.
♒	15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	♌	secant.
15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	secant.
♓	15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	♍	secant.
15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	secant.
♈	15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	♎	secant.
15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	secant.
♉	15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	secant.
15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	secant.
♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	secant.
15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	secant.
♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	secant.
15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	secant.
♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	secant.
15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	secant.
♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	secant.
15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	secant.
♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	secant.
15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	secant.
♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	♉	secant.
15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	secant.
♐	15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	♊	secant.
15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	secant.
♑	15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	♋	secant.
15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	secant.
♒	15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	♌	secant.
15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	secant.
♓	15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	♍	secant.
15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	secant.
♈	15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	♎	secant.
15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	secant.
♉	15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	secant.
15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	secant.
♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	secant.
15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	secant.
♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	secant.
15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	secant.
♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	secant.
15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	secant.
♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	secant.
15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	secant.
♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	secant.
15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	secant.
♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	♉	secant.
15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	secant.
♐	15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	♊	secant.
15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	secant.
♑	15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	♋	secant.
15 G. ♑	♒	15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	secant.
♒	15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	♌	secant.
15 G. ♒	♓	15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	secant.
♓	15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	♍	secant.
15 G. ♓	♈	15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	secant.
♈	15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	♎	secant.
15 G. ♈	♉	15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	secant.
♉	15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	secant.
15 G. ♉	♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	secant.
♊	15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	secant.
15 G. ♊	♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	secant.
♋	15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	secant.
15 G. ♋	♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	secant.
♌	15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	secant.
15 G. ♌	♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	secant.
♍	15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	secant.
15 G. ♍	♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	secant.
♎	15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	secant.
15 G. ♎	♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	secant.
♏	15 G. ♏	♐	15 G. ♐	♑	15 G. ♑	♒	15 G. ♒	♓	15 G. ♓	♈	15 G. ♈	♉	secant.
15 G. ♏	♐												

Propositio LXXI.

Lineas domorum cœlestium in eodem horologio Catoptrico-Gnomonico describere.

Circuli domorum cœlestium sunt sex maximi in Sphæra, inter quos Horizon, & Meridianus; in quorum communi vtraque intersectio-
ne, reliqui simul concurrentes, hemisphærium inferius in sex, & superius in totidem, quasi domicilia diuidunt: incipitque eorum domiciliorum ordo ab Horizonte ortiuo, & per mediam noctem in occiduum ducitur; ac inde per meridiem in Horizontem ortiuum redit. Hæc domicilia facit æqualia Campanus, inæqualia verò Regiomontanus; hic enim, dictos circulos deducit per Aequatoris, ille per Verticalis ad Meridianum recti seu primarij, partes duodecimas.

Erit autem facillimum, pro cuiusque arbitrato, lineas in horologio nostro describere, quæ ex Campani, vel Regiomontani sententia domos cœlestes referant. Nam datis pro qualibet huiusmodi linea tribus punctis, solum opus est adhibere ambulatorium nostrum decussim *per propf. 54*: puncta verò ad hanc delineationem necessaria, sunt ista: primò lineis omnibus communia sunt duo puncta, videlicet centrum Sphæræ, id est, apex Gnomonis Catoptrici; & communis Meridiani, atque Horizontis intersectio, siue ad partem australem, siue ad partem septentrionalem. Secundò pro singulis lineis suppetunt ex sententia quidem Regiomontani in linea Aequinoctiali, puncta, per quæ in eadem Aequinoctiali incedunt horæ à media nocte 8, & 10; à meridie autem 2, & 4: sed & suppetunt ex placito etiam Campani singula puncta pro lineis singulis in linea Verticali, duo nimirum in eius parte orientali, & alia duo in eiusdem parte occidentali, videlicet ea quibus vtranque dictæ lineæ partem secant duo circuli Almucantarath 30, & 60.

Descriptis tandem huiusmodi lineis domorum conuenientes numeros adijcies; illi quidem, quæ Horizonti ortiuo vicinior est 12: alteri deinceps: 11 sequenti verò, quæ cū linea Meridiana coincidit 10: & ita deinceps vsque ad eam, quæ cū Horizonte occiduo conuenit, vbi scribes 7. Aliæ verò, quæ inde ab ista in inferiori hemisphærio pro reliquis domibus disponuntur vsque ad initium primæ, hoc est vsque ad Horizontem ortiuum, nullum habent vsum in horologijs Gnomonicis quandoquidem in eas nec umbra, nec radius cadere possunt. Poteris insuper ad quendam Astrolabij huius ornatum, præter dictos numeros, nomina quoque domorum, & significata describere in tabellis, conuenienti loco, & ordine, pictis velut in fronte cuiusque domus appensis titulis. Cogitaueram autem hîc duplici tabula ordinem, nomina, & significata domorum 12 exprimere sed ea non difficile erit alibi inuenire.

Video

Video alia esse aliorum placita circa modum domificandi, ut vocant, sunt enim (de quibus ait Gemma frifius in suo *Astrolabio Catholico* cap. 56) qui arcum diurnum Horoscopi in sex partes secant, circulosque in polis mundi connectunt: & alij, qui per Zodiaci æquales portiones sectionem domorum faciendam docent. Quorum quidem quantumvis diuersas domos, ductis in nostro Astrolabio conuenientibus lineis exprimere perfacile esset; ex iam traditis præceptis; attamen non libet structuram hanc linearem, tot impositis ædificijs non probè stabilitis onerare, præsertim cum neque ad ipsius Regiomontani libellam, aut Campani, domificauerim; nisi eo solùm animo, ut nullum in hoc Astrolabio deesset linearum genus, ex quo possit aliquo modo cæli motus cognosci: nam quæ insuper ex Horoscopo ac reliquis illis domicilijs de fortuna hominis, & successu, prognostica iactant Genethliaci, nullam apud me fidem vnquam obtinuere: neque verò alia de causa, studijs istis quoquo modo operam dedi, nisi ut instructiora è vanissimæ artis principijs deprompta tela efficacius in ipsam conuerterem, quam aliunde semper tum in scolasticis nostris solitarum lectionum exercitationibus, tum priuatis, ex qualibet data occasione initis colloquijs theologicè, & optimæ philosophiæ rationibus, insectatus sum. Atque, ut hanc etiam, quæ nunc se se offert, occasionem arripiam; & aliquid dicam ad id, quod Genethliaci isti iactant de domorum, quas ipsi in cælo, aut veriùs in aere; ut aiunt, fabricati sunt, significatis, ut videlicet domus duodecima, verbi gratia, carceres, exilia, hostes occultos; undecima è contrà bonos; ac felices euentus, amicos, fauores nato portendat: quænam obsecro, vel quanta esse potest apud illos certitudo præsignificationis huius? atque 11 domus (idem de cæteris, seruata proportione, iudicium esto) quādiu de vtriusque confinijs, ipsi inter sese litem habent. Dum enim Campanus duodecimæ domui spatia laxiora, Regiomont. è contrà, restrictiora tribuit, necesse est alterum constitutos ab altero fines vicissim transilire; & intra Regiomontani undecimam esse locum, qui Campani duodecima continetur. Nunc itaque si eò loci consistat sidus; vtri quæso potissimum seruiet? An quia Regiomontani domum undecimam ingressum est; significabit Regiomontano felices nati euentus, amicos, & fauores. Sed cum apud Campanum duodecima adhuc domo detineatur, cur non pari iure Campano carceres, exilia, hostesque portendat? ut quid enim in eius domo maneat Signum otiosum? imò (quæ est longè grauior iniuria) cur in domo mali Genij, & tristium euentuum, prospera cogitur nuntiare? an sicuti ad placitum confunduntur domorum confinia, ita quoque gratis permiscuntur significata? Quidni verò in domum à duobus pariter exceptum, vnà ambobus gratificetur? & siue pro hospitalitate, siue pro locati domiciliij angulo litigioso; neue, in ea controuersia, alteri in probrum alterius patrocinari videatur; ac noui etiam in se ipsum litigij occasionem præbeat; callidè, ut poterit, vtrique faciat satis, atque ex voto, & sententia tum huius, tum illius, eodem & tempore, & loco

nun-

nunciet tristia simul & læta.

Quod si ita est: fateor prorsus magnam esse Menforum istorum auctoritatem; ut nimirum sidus quodlibet, in diuersas à se pro libito constitutas domos, etiam pro libito compellant, adigantque vim suam ac influxum, interim ad mentem cuiusque, & beneplacitum, pariter accommodare; donec ipsi maturiore iudicio, vnanimi sententia, sopita si non dirempta, lite, suos cuique domui præscribant fines. Sed præscribant sanè si possint, & sidera non ita miserè torqueant, atque in diuersa trahant. Interim verò fateantur commentitiam esse, ac futilem, ex ambiguo prognostico præfensionem. Domos istas Horoscopi Genethliaci, eruditissimè suo more, & acutissimè refellentem vide R. P. Marinum Merfennum in cap. 1 Genes. quest. 13 art. 3, & 4.

Corollarium.

Circulos positionum quoslibet, eadem arte describes; si præter puncta duo, quæ dixi circulis domorum cælestium esse communia, (circuli enim positionum, sunt similes circulis domorum, easque in partes ipsarum diuidunt) tertium habeas punctum, per quod optatus circulus transeat; illud verò punctum inuenies in linea Æquinoctiali, aut Verticali, ut dictum est ex mente siue Campani siue Regiomontani; & tantum ad illud inueniendum scire oportet, quanto graduum intervallo circulus ille à Meridiano distet in circulo Verticali, vel Æquatore.

Propositio LXXII.

Circulos Latitudinum, seu parallelos ciuitatum, in eodem horologio Catoptrico-Gnomonico, delineare.

Paralleli ciuitatum, regionum, aut locorum huiusmodi, similes sunt arcibus radiorum Zodiaci, nec dissimili ratione in horologio delineantur, præsertim cum non rarò identificentur: id solum est illis peculiare, quòd per Zenith locorum illorum, quorū sunt paralleli, incedunt. Sufficiet igitur ad eorum delineationem specialiter nosse, ac debitè obseruare quantitatem, & qualitatem declinationis ipsorum ab Æquatore. Cum dico obseruandam esse qualitatem declinationis, intelligo obseruandum an sit australis, an verò borealis declinatio; siquidem locus quilibet, cui attollitur polus Arcticus, borealem habet declinationem, cui Antarecticus australem. Quantitas verò declinationis est distantia Æquatoris à Zenith loci, quæ semper æqualis est elevationi poli supra Horizontem. Caterum elevationem polarem, seu distantiam Æquatoris à Zenith (quam Cosmographi vocant Latitudinem regionis, seu loci) discies vel ex Geographia Ptolemæi,

lemæi, vel ex tabulis Latitudinum, simulque Longitudinum, quæ apud plures circumferuntur, vel denique ex Mappis Geographicis accuratissimis.

In exemplo, res est clarissima, supra Horizontem Calecuti regie ciuitatis, in India orientali, attollitur polus Arcticus; est ergo paralleli Calecuti declinatio borealis: deinde idem polus Arcticus attollitur supra eius Horizontem gradibus 20 min. 5, vel circiter; totidem igitur graduum erit distantia Equatoris, à Zenith Calecuti, siue (quod idem est) declinatio paralleli Calecuti ab Equatore. Nunc itaque ad praxim veniamus; in Meridiano organo, atque in eius limbo graduum, qui est sub limbo Zodiaci in regula A B *propof.* 28 distinctorum, numera gradus 20 min. 5, ad partes Cancri, quæ polum Arcticum respiciunt; ac per finem numerationis educto filo designabis parallelum Calecuti *per propof.* 47. Suadeo tamen non describi singulos parallelos ob nimiam linearum multitudinem vitandam, sed verò notæ parallelorum inferibi commodissimè poterant in vtroque extremo horologii marginato latere, quæ lineæ omnes vno tenore ad operis venustatem, atque elegantiam terminatæ cœquantur, vt dictum est *propof.* 60 *num.* 16. Ibidemque, tum citra, tum ultra Equinoctialem, notatis diligenter, dicto iam modo, electorum locorum gradibus Latitudinum, eorundem debito ordine nomina describes, eo modo, qui pro circulis Longitudinum clariùs in *sequent. prop.* exprimitur.

Propositio LXXIII.

Circulos Longitudinum, seu Meridianos ciuitatum, in eodem horologio Catoptrico-Gnomonico delineare.

HI circuli sunt ad Equatorem recti, transeuntque per eius polos; quapropter eodem prorsus modo sunt delineandi, quo horæ Astronomicæ: solumque necessarium est eorum à nostro Meridiano distantiam scire, & notare in gradibus Equatoris, seu inter meridiem, & ortum contineantur, seu inter occasum, & meridiem; nam per illud punctum in linea Equinoctiali debite notatum, duci debet ille circulus eo modo, quem vno aut altero exemplo facillimè explicabo.

Sit in isto (cuius nunc delineationem explicandam proposui) Astrolabio Spadano delineandus Meridianus Parisiensis. In primis tabula Longitudinum emendatissimas, si haberi possint, consulo, videoque Parisiensem Longitudinem esse 24 graduum 30 minutorum cùm Romana sit 36 Grad. 30 min. Deinde minorem à maiori subtraho, factaque subtractione supersunt gradus 12, pro differentia Longitudinum, siue pro Meridiani Parisiensis à Romano distantia. Et quia, quæ loca minorem habent Longitudinem, magis ad occidentem accedunt, idcirco ad Astrola-

bij nostri partem occidentalem, quærendum est in linea Equinoctiali, punctum illud quod à Meridiana linea distat 12 gradibus; hoc autem punctum inuenietur *per prop. 48*: per idem verò punctum ducendus est Parisiensis optatus Meridianus *per prop. 49*. Ita describam patrium inclitæ Tolosæ Meridianum; eius videlicet Longitudinem, quæ est tum apud Ptolemæum *lib. 2 Geogr.* tum apud alios, graduum 20, & min. 30: subduco à Romana longitudine quæ, ut iam dixi, est grad. 36 min. 30; & ita pro differentia Longitudinum elicio numerum graduum 16: tum ut antea *per prop. 48*, quæro in linea Equinoctiali punctum, 16 gradibus distans à Meridiana versùs occasum; quia Tolosæ minor est quàm Romæ Longitudo; & per id punctum, Tolosanum Meridianum describo *per prop. 49*: è contrà si Meridianum loci, cuius Longitudo sit Romana maior, describere voluerim, ut Neapolitanum; ab eius Longitudine, quæ est 39 grad. 30 minut. subtraho Romanam videlicet 36 grad. 30 min. & supersunt 3 grad. pro differentia Longitudinum; vnde in linea Equinoctiali, ut priùs, quæro punctum distans 3 grad. à Meridiana: sed iam versùs partem Astrolabij orientalem, quia cum Longitudo Neapolitana, sit Romana maior; Meridianus eius est Romano orientior. Eodem modo fiat in reliquis. Quod si tabulas Longitudinum non habueris, tu ipse eas facillè tibi compones dummodo Mappas accuratissimas, aut globum Cosmographicum habeas; nam in eis statim perspicies inter Meridianos, quæ sit, & quanta cuiuslibet loci respectu Romæ (vel alterius ciuitatis, in qua Astrolabium construis) Longitudinis differentia.

Monitum.

Optimum erit copiosissimam tabulam Longitudinum plurimarum insignium orbis ciuitatum, dicto iam modo componere, & earum nomina in extrema vtraque horologij parte australi videlicet, ac septentrionali; quæ Tropicus Lunaris vterque, iuxta dicta *prop. 6 num. 8*, lineas horarias terminat; suo ordine disponere secundum successionem graduum, quos in omnibus quidem parallelis ad horarum præsertim Astronomicarum indicanda minuta; in his verò duobus insuper ad Longitudinum distinguendas differentias, notandos esse dixi *prop. 65*.

Totum id opus fiet hoc modo eleganter; prope dictos duos parallelos, extra delineationem horariam, ubi locus vacuus patet; pro quolibet Meridiano pingatur manus, velut cuiusdam sub nube latentis prolata, & indice demonstrans gradum Longitudinis conuenientem illi loco aut ciuitati, cuius simul nomen in chartula, tæniæ modo, reuoluta descriptum retinet. Hæ enim cum suis chartulis manus, longa ferie duplici, videlicet ad partem australem, & septentrionalem, vno colore tantum, verbi gratia, nigro (ad distinctionem earum quæ *propof. præcedenti* demonstrant locorū Latitudines) depictæ perpulchram simul cum illis iam dictis cæruleis, to-

ti Astrolabio coronidem contexunt. Neque verò necesse est singulorum Meridianorum lineas integras describere : imò conuenit nullorum describere ; tum ob vitandam nimiam linearum multitudinem ; tum quia gradus *iuxta prop. 65*, in singulis parallelis notati, pro lineis quorumlibet Meridianorum abundè sufficiunt, sicut cum proportionem de parallelis locorum dixi *prop. precedente*.

Ceterum si quis ad hoc solum, speciale horologium vellet construere, in quo nullæ præter Meridianos, & parallelos pingerentur lineæ ; posset Geographicam Mappam Catoptrico-Gnomonicam, mirum in modum elegantem componere, in qua totius terrarum orbis hemisphærium, saltè superius, cum accuratissima regnorum, prouinciarum, urbium, montium, fluminum, & similium insignium locorum descriptione Soli reflexo ita esset exposita ; ut is omnium, quæ extra Zonam torridam sita sunt, Meridianum, & consequenter horas, eorum verò, quæ Zonæ torridæ subsunt, inter Cancrum & Capricornum, non solum horas, sed etiam parallelos demonstraret.

Imò non tantum hemisphærium superius dicto modo depingi potest ; sed etiam inferius : licet enim radius reflexus non possit in horologio tangere eam partem Meridianorum, aut parallelorum, quæ sub Horizonte nostro est ordine naturali ; tamen si ea pars Meridianorum, & parallelorum debito modo pingatur, & secundum eorum delineationem, loca quælibet insignia rectè disponantur ; ostendet radius reflexus, cum ad eos siue Meridianos siue parallelos peruenerit, horas eorum etiam locorum.

Tali autem ordine debent pingi dicti hemisphærij inferioris, Meridiani & paralleli ; isti quidem eodem prorsus modo, quo descripti sunt paralleli hemisphærij superioris : quia dum Sol est, verbi gratia, in Cancro ; respectu vtriusque hemisphærij, pariter in Cancro est ; & ita de alijs : vnde quælibet loca secundum ipsorum Latitudines ; disponenda sunt inter eos parallelos, sicut disponuntur in globo Cosmographico. Meridiani etiam eodem prorsus modo, quo in superiori hemisphærio delineandi sunt pro inferiori. Loca verò secundum proprias Longitudines, ita sunt per eos disponenda ; ut sub Meridiano, qui lineæ nostræ Meridianæ in horologio responderet, collocentur primò Antipodes nostri, & reliqua loca, quæ sub eodem Meridiano versantur : deinde ad partem orientalem horologij, ea disponantur loca, quæ respectu nostri orientalia sunt, quæ verò occidentalia, in parte occidentali horologij distribuuntur. Ita enim fiet, ut cum Sol reflexus Meridianum alicuius loci in eo hemisphærio existentis, attingerit, indicet eiusdem loci non meridiem, sed mediam noctem ; reliquas verò horas illius, ex eo puncto facile erit computare. Nam si radius iam præteri erit illum Meridianum, & ab eodem distet exempli causa 15 gradibus, erit in eo loco hora prima post mediam noctem : si verò è contra nondum peruenerit ad illum Meridianum, erit hora ante mediam noctem, siue à meridie : atque ita ad totum hoc hemisphærium inferius com-

computabuntur horæ ordine quodammodo contrario horis hemisphærij superioris, cum vicissim in hoc atque in illo sint Meridianorum semicirculi oppositi.

Insuper gemina hæc hemisphæria debent pingi separatim in duobus horologijs, atque ex duplici Gnomone Catoptrico: aut certè si ex eodem Gnomone, atque in eodem horologio, velit quis vtrunque simul depingere, necesse est (nisi etiam velit orbem, in nouum quasi chaos vertere) vt loca omnia superioris hemisphærij, colore vno, inferioris verò loca etiam omnia colore alio distincto depingat, sic etenim ingenioso compendio omnia permiscebit simul & distinguet.

Propositio LXXIV.

Lineas quarumcunque ascendentium in Horizonte obliquo stellarum, in eodem Catoptrico-Gnomonico horologio describere.

Quemadmodum *prop. 69* lineas ascendentium Signorum Zodiaci, id est, lineam Eclipticam secundum varios situs, quos in cælo respectu nostri horologii fortitur, dum Signorum initia oriuntur; vel etiam dum assurgit cuiuslibet Signi gradus decimus quintus vt in *corollario eiusdem prop.* habetur; ita hic lineas stellarum ascendentium describere propono; stellarum dico ascendentium quarumlibet, id est non solum earum, quæ intra Tropicos Cancræ, & Capricorni continentur; sed pariter etiam reliquarum omnium, quæ supra Horizontem in qualibet loci latitudine oriuntur; nullum enim quoad hoc potest esse discrimen; quandoquidem nullum est linearum genus, quo Gnomonicè radius Solis indicare valeat exortus stellarum, declinationem Eclipticæ maximam non excedentium, non verò excedentium.

Si enim aliquæ forent tales lineæ peculiariter ex suo genere addictæ stellis, quarum declinatio non est maior, quàm sit declinatio maxima Eclipticæ; essent lineæ quædam in horologio representantes circulos maximos, per centrum cuiuslibet huiusmodi stellæ transeuntes, & ad Æquatorem tali modo inclinati, vt eorum declinatio maxima esset æqualis maximæ declinationi Eclipticæ, vel minor (nam si maior esse possit declinatio; vel si possint esse circuli non per centrum stellæ transeuntes; non est cur huic potius quàm alteri simul exorienti stellæ addicti sint, sicut nec cur non etiam ad stellas, quæ extra Tropicos versantur, extendi possit simile beneficium) at quicumque sint ij circuli, & qualiscunque eorum declinatio, si ipsi per centrum stellæ transeunt perfacile est non solum demonstrare, eos in superficiem horologii gnomonicè proiectos (id est lineas quæ illos in horologio representent) non posse radio in ipsos cadente indicare exortus earum.

rum stellarum, per quarum centra incedunt; sed & prorsus non posse huiusmodi seu stellarum seu aliorum cœli punctorum exortus gnomonicè indicari, nisi ope linearum, quæ similes omnino sint lineis Signorum ascendentium descriptis *prop. 69*; videlicet linearum ostendentium exortus eorum Eclipticæ punctorum, quæ simul cum ipsis seu stellis, seu alijs cœli punctis, ascendunt.

Et ut hoc interim dicam, evidens est lineam ascendentis cuiuslibet puncti Eclipticæ, ut initij Tauri, indicare Tauri principium oriri tunc, quando radius in ipsam cadit (Sole tamen existente in semicirculo Eclipticæ ascendente ex dictis *prop. 69*) item evidens est eandem lineam eodem radio in ipsam cadente indicare exortum eorum omnium punctorum cœli, quæ eodem tempore simul cum ipso initio Tauri oriuntur; cum enim ea defacto puncta semper simul cum initio Tauri, in ea loci Latitudine, oriantur, cur non poterit is qui hoc optimè siue ex tabulis, siue aliunde perspectum habuerit, certissimè asserere tunc talia puncta ascendere, cum ex indicio radij cadentis in lineam ascendentis Tauri cognoscit ipsum Taurum, ascendere?

Cum autem hoc ita sit, evidens etiam est, præter lineam ascendentis initij Tauri, nullas alias esse posse lineas, quæ eorundem punctorum exortus gnomonicè indicare possint. Nam si sit Sol in Capricorno, verbi gratia, radius cadet in lineam ascendentis Tauri hora prima post meridiem cum pauculis minutis, quæ nunc non curo: itaque radius tunc indicabit ascendere non modò initium Tauri, sed etiam omnia cœli puncta, quæ tunc simul cum illo in Horizonte ortivo versantur. Si verò essent aliæ quædam lineæ quibuslibet huiusmodi punctis specialiter addictæ ad hunc effectum videlicet ad eorum ortum indicandum, illæ necessariò incederent per communem paralleli Capricorni, & horæ primæ à meridie intersectionem; aliàs enim cum extra illud punctum radius non sit eo temporis momento, eas lineas per idem punctum minimè transeuntes non tangeret tunc; atque adeo tunc illæ lineæ non indicarent puncta cœli exoriri, quæ tunc nihilominus certum est oriri.

Deinde Sole existente in Signo Piscium, radius cadit in lineam ascendentis initij Tauri, hora 9 post mediam noctem, & ita indicat, ut dixi, idem initium Tauri ascendere & simul ea cœli puncta, quæ semper cum illo ascendunt in hac latitudine Romana, in qua hoc exemplum propono, quod etiam valet in alia quavis simili, cum sit par ratio. Igitur si aliquæ sint quibuslibet huiusmodi punctis ascendentibus specialiter addictæ lineæ, illæ necessariò per communem intersectionem paralleli Piscium, & horæ 9 à media nocte incederent; aliàs enim radius eas tunc temporis non tangeret: & ita possem prosequi omnium Eclipticæ punctorum parallelos, per quorum, & simul linearum horariarum sectiones, incedit linea ascendentis initij Tauri; per eas enim omnes, & singulas sectiones, ob modo allatam rationem transire necessariò deberent lineæ illæ, si quæ forent specialiter

liter additæ indicando exortui dictorum cœli punctorum, quæ simul cum initio Tauri ascendunt.

At impossibile est diuerfas lineas innumeris punctis in Horizonte existentibus specialiter additæ, atque adeo pariter innumeras, concurrere, simul omnes, & singulas in innumeris punctis, videlicet in puncto, vt dixi, quo parallelus Capricorni horam primam à meridie, & parallelus Piscium horam nonam à media nocte, & alij similiter paralleli omnium ascendentis semicirculi Eclipticæ graduum & minutorum, alias atque alias, siue à media nocte, siue à meridie horas secant, præsertim cum omnia communium huiusmodi sectionum puncta in vna linea recta consistant, quæ est ipsa linea ascendentis initij Tauri.

Igitur præter lineam ascendentis initij Tauri nullæ aliæ possibiles sunt, quæ in horologio quouis Gnomonico, ex vmbra vel radio Solis, ostendere valeant ortus eorum cœli punctorum, quæ simul cum initio Tauri oriuntur, & consequenter nullæ sunt lineæ, quæ stellarum siue intra siue extra Tropicos constitutarum exortus indicare valeant, præter lineas eorum Eclipticæ punctorum ascendentium, quæ simul cum eisdem stellis oriuntur. Cum autem non ea solum puncta cœli, quæ intra Tropicos continentur, sed quælibet etiam alia, quæ extra versantur, habeant sibi in Ecliptica respondens aliquod punctum, cum quo simul oriuntur; sequitur dictis huiusmodi lineis ostendi pariter posse exortus stellarum quarumlibet, siue intra siue extra Tropicos constitutarum.

Sed modum iam dicamus, quo pro quibuscumque exorientibus stellis, in horologio nostro lineæ distinguantur. In primis illæ lineæ, vt iam insinuaui, designandæ sunt eodem prorsus modo, quo similes ascendentium Signorum lineæ designatæ sunt *prop. 69*: tantum superest specialia pro quælibet, puncta duo in horologio assignare, per quæ beneficio nostri decussis *ex prop. 54* designentur. Eorum autem punctorum alterum erit in linea Horizontali, & alterum in linea Meridiana: possent quidem ambo alibi inueniri, vt postea videbitur, sed nunc ita conuenit in exemplo proponere. In Horizonte ortiuo, pro primo puncto erit concursus lineæ Horizontalis, & paralleli eius puncti Eclipticæ, quod simul cum proposita stella, exoritur: pro secundo autem puncto, erit concursus lineæ Meridianæ, & paralleli eius puncti Eclipticæ, quod stella existente in Horizonte ad Meridianum peruenit.

Dixissem quidem breuius concursus duos simultaneos, vnum Horizontis cum Ecliptica pro primo, & alterum Meridiani cum eadem Ecliptica, pro secundo; sed volui simul exprimere modum, quo in horologio inueniuntur puncta quibus Eclipticam siue ab Horizonte, siue à Meridiano secari contingit, eo tempore, quo stella proposita in Horizonte est. Ea enim puncta inueniuntur in communi sectione Horizontis (siue Meridiani) & paralleli eius puncti Eclipticæ, quod respectiuè aut in Horizonte aut in Meridiano tunc temporis est: quoscumque autem parallelos quorumlibet punct-

torum Eclipticæ facile est describere *per propof. 47.*

Sed qua arte fcire potero puncta illa duo Eclipticæ, quæ exorientæ quælibet ftella ad Horizontem, atque ad Meridianum peruenere? certè faciliffima; habeatur Stofferini Astrolabium, in quo ftellæ insigniores accuratè manu in proprijs locis debitè collocatæ sint; & cuiuslibet propofitæ ftellæ cuspis in Horizonte obliquo collocetur; ac tunc diligenter perfpiciatur gradus Eclipticæ, qui in Horizonte eodem est: Nam ille est gradus (fimul cum fuis minutis, fi quæ fint) cuius parallelus *per 47 huius* descriptus, dabit in linea nostri horologii Horizontali ortiua, primum punctum quæfitum. Perfpiatur etiam tunc diligenter gradus Eclipticæ, qui in Meridiano est, is enim est gradus cum fuis etiam minutis (vt dictum est) cuius parallelus *per 47* etiam descriptus, dabit in linea nostri horologii Meridiana, secundum optatum punctum pro linea describenda, in quam cum incidarit radius, indicabit ftellam propofitam exoriri.

Præterea in prædicto Astrolabio non solum agnofces gradus Eclipticæ, qui in Horizonte & in Meridiano, fed etiam eos qui in quibufque horarijs lineis funt: eos autem fi diligenter obseruaueris statim in fimilibus horarijs lineis nostri horologii inuenies, siquidem in fingulis lineis horarijs, fingulos Eclipticæ gradus distingui iuffi *propof. 63*: & ita per eorum graduum in dictis lineis notata puncta, optatam lineam deduces ambulatorio decuffi *per propof. 54.*

Quia tamen in Astrolabio Stofferini solæ illæ ftellæ, quæ intra Tropicos funt, imò & ex ijs ipsis pauca admodum continentur; fatius erit ad Globum, præsertim insignis magnitudinis, in quo omnes continentur, recurrere; eo enim in debita eleuatione collocato, si quælibet Signorum initia ad Horizontem adducantur, vno intuitu perfpicientur ftellæ omnes, quæ fimul cum ipsis Signorum initijs exoriuntur; ac deinde poterunt singulæ cum proprijs nominibus depingi in nostro horologio iuxta, vel supra lineas eorum Signorum ascendentium, cum quibus in Globo conspiciuntur fimul ascendere; vt supra lineam Arietis ascendentis, omnes quæ fimul cum eo ascendent, & ita de reliquis: & hic modus admodum facilis est, & linearum multitudinem vitat; solum enim vitatur illis duodecim descriptis *per prop. 69*, & nullas alias addit; fed ille prior modus hoc insuper habet commodi, quod cuiuslibet insignioris ftellæ ortum exactè exprimere potest, iste verò non item; quia ftellas insigniores non ita contingit cum Signorum initijs oriri. Vti tamen quilibet poterit hoc vel illo modo; meum enim fuit vtrunque exprimere: Constat autem neutro modo posse stellarum omnium exortus dictis lineis exprimi, primo enim modo quælibet suam lineam requirit; omnium autem lineas horologium quantumuis magnum, sine confusione non caperet: secundo autem modo pauculæ admodum cum Signorum initijs, saltem præcisè oriuntur.

Quòd si quis curiosius optaret qualibet diei hora cognoscere tempus ortus ftellæ alicuius insignis in horologio non depictæ, vel quæ non nisi nocte,

nocte sequente oriri possit : adhibeat Globum cœlestem ; cùm enim illum in debita poli eleuatione collocauerit, & gradum Eclipticæ, in quo tunc est Sol, disposuerit in circulo horæ, quam eiusdem Solis radius in Horologio demonstrat ; videbit statim non solum, quæ Stellæ in Horizonte ortiuo, vel occiduæ, sed etiam quæ supra, vel infra sint, imò quantum distent, & in quo circulo horario versentur, idem saltem pro insignioribus stellis à polo Arctico vsque ad Tropicum Capricorni contentis videbit etiam in Astrolabio Stoflerini, dum modo ad propositi loci Latitudinem constructo : in alijs verò Astrolabijs seu Gemmæ frisijs, seu Ioannis Roias, quæ sunt vniuersalia Astrolabia, rem non ita facile assequetur, & non nisi sigillatim, ac per multas operationes cognoscet singularum stellarum exortus, multò verò minus eosdem cognoscet, in alijs quibuscunque, similiter factis in plano, Globi descriptionibus, versatili opere ad eleuationem Aequatoris, aut aliter dispositis, Horizonte obliquum dati loci non habentibus quamuis possit nihilominus in illis agnosci hora à meridie vel à media nocte ad quam stella quævis peruenierit, si tamen in ijs lineæ horariæ ad motum stellarum minimè mobiles descriptæ fuerint ; lineæ siquidem horariæ permanent, sicut & Meridianus, dum per eas transeunt sidera. Sed hæc, quæ modo dixi de Globo, deque Astrolabijs, minimè sunt Gnomonica ; ac proinde nunc ad me non pertinent. Alium verò modum, & quidem gnomonicum, prorsus mirabilem, & haud scio an ab alio aliquo hæcenus cogitatum, proferam inferiùs *propof. 125*, quo possunt absque vlla linearum in horologio confusione innumeræ Eclipticam in quocunque situ existentem referentes lineæ describi, earum indicio faciliùs agnoscantur stellarum, atque planetarum exortus, &c.

Corollarium 1.

EX dictis in hac *propositione* sequitur radio Solis in horologio, cæterorum planetarum ortus gnomonicè indicari posse in lineis eorum tantum Eclipticæ punctorum, in quibus versantur, vel cum quibus ascendunt ipsi planetæ. Est quidem quo ad hoc aliqua inter planetas, & stellas fixas, disparitas, pro exortu enim planetarum nulla potest esse constans linea ; cùm quotidie mutant Longitudinem, ac proinde cum alijs, atque alijs Eclipticæ punctis oriantur. Stellæ autem fixæ licet ex Astronomorum obseruatione moueantur ab occasu in ortum secundum successionem Signorum, & ita mutant etiam ipsæ Longitudinem, & consequenter puncta ortus : tamen quia motus ille tardissimus est, mutatio Longitudinis ex eo consequens multo tempore insensibilis manet, ac proinde multo tempore eadem pro earum exortu linea sensibilibiter constans esse potest.

Corollarium 2.


Sequitur etiam nullam lineam siue stellæ siue planetæ ascendentis, posse toto anno exortum eius, radio Solis gnomonicè in ipsam cadente, demonstrare; sed tantùm media parte anni, iuxta dicta de lineis ascendentium Signorum pro ambobus Eclipticæ semicirculis *prop. 69*; & hoc ipsum statim evidens est, perpendiculari non posse toto anno ipsas stellas, vel planetas oriri, Sole supra Horizontem existente; cùm Signa tantùm sex, vel eorum complementa quolibet die oriantur.

Propositio LXXV.

Idem ex eadem Horizontali Catoptrica Sphæra horologium, mira facilitate, in quavis, & quomodocunque disposita interni cubiculi superficie delineare, solius ope horologij optico-Gnomonici Horizontalis.

Non desunt præstanti ingenio, & à natura ita comparati, qui in re, Gnomonica; sicut in cæteris similibus, quaslibet operationes ad accerrimam geometricam normam exigant; proptereaque in varijs operandi propositis modis, solam attendant praxeon fidem, & certum cum propria theoria concentum; prolixitatem verò non refugiant, nec reformident difficultatem. Sunt etiam qui compendiarie faciliora præcepta ament, prolixioribus autem, practicè licet certioribus, non pariter delectentur. Ego quidem cùm hæcenus ex illorum sensu modum delineationis Catoptrico-Gnomonicæ, quamvis nonnihil operosum, tamen in ipsa praxi tutissimum; quæ fieri potuit breuitate exposuerim: istorum etiam votis pariter satisfactorius, deinceps breuiora, & vsu faciliora tradam: operam tamen dabo, ut nihilominus ab errore in praxi quantum fieri poterit, longissimè absint.

Itaque, ut nunc ad propositum veniam, horologium Horizontale commune Sciathericum, per ea quæ *lib. 2 prop. 35, et alijs* dicta sunt, comparatum in aliquo solido plano A D, ut lapide Ardoso grandiusculo, stylum habens, ad minus semipalmarem, vel etiam palmarem, (nam quo longior, eo commodior) conuenienti loco disponatur, ut verticem styli habeat in eo præcisè loci puncto, in quo postmodum, constructo horologio Catoptrico-Gnomonico, statuendum est speculum, seu centrum illius: cæteroqui dictum Sciathericum ponatur Horizonti parallelum *per 3, 2 huius*; & linea eiusdem Meridiano F Z, sub circulo Meridiano diligentissimè collocetur *per 12, vel 13 eiusdem*: ita tamen, ut ea illius pars, quæ borea-





lis est, videlicet F, ad austrum vertatur, & contrà; similiterque ea quæ orientalis est, ad occasum statuatur. Ipso autem sciatherico horologio sic debite disposito, catoptrici delineationem instituemus in hunc modum in quacunquæ propofita superficie.

Primò filum tenuiffimum optimè tenfum planitie faxi AD, varijs in partibus, sic applicitum, vt leuiter tangat, non premat; producat, donec oppositum parietem attingat; vt, primùm in M mox N, atque in alijs plurimis punctis, si opus fuerit: per ea verò puncta describatur linea Horizontali MN, in qua horaria etiam puncta inuenientur, si filum singulis horarijs lineis, dicto iam modo, applicetur, & extendatur donec in Horizontali MN puncta horaria ipsis respondentia contactu ipso notet, verbi gratia, si filum applicetur lineæ Meridianæ, ita vt eam æqualiter tangat totam, incedens per eius puncta FRGZ, & sic extendatur, donec ei paries in aliquo lineæ Horizontalis MN puncto occurrat, vt in puncto O; erit O punctum horizontali lineæ horæ meridiæ (ita inuenietur punctum d pro hora 10, & c pro vndecima à media nocte, & pro prima post meridiem; & sic de cæteris) Reliqua deinde puncta eiusdem Meridianæ, quotquot necessaria fuerint, dabit idem filum optatis in horologio sciatherico punctis dictæ lineæ FRGZ applicitum vna ex parte, ex altera verò extensum ad cameræ parietem; ita tamen, vt per styli verticem E ad amiffim incedat, & sic notetur punctum in horologio catoptrico ipsi respondens, exempli gratia, si filum puncto F (quod supponatur commune esse prædictæ Meridianæ, & simul arcui Capricorni) immobiliter applicetur; & inde per verticem E in lineam rectam extensum, parietem attingat in puncto V, erit ipsum V in horologio catoptrico etiam commune eidem Meridianæ, & Capricorno punctum. Simili arte inuenietur eiusdem punctum Æquinoctiale T, si filum eidem horariæ in horologio sciatherico ad punctum Æquinoctiale R adhæreat, ac denique idem filum eiusdem horariæ punctum, alterum solstitiale in pariete, siue laqueari (prout occurrerit) dabit; si tangens punctum ipsi, & Cancro commune G, per E styli verticem tendatur in laqueare, illudque attingat, verbi gratia in S. His demum ita inuentis punctis lineam horæ 12 describemus OVT S, vel solum VTS; portionem quippe VO solaris reflexus radius nunquam attinget. Eadem arte cæteras horarias designabimus, notatis pro qualibet ternis punctis videlicet, utroque Solstitiali, & Æquinoctiali (imò & alijs pluribus si, vt dixi, opus fuerit) vt pro prima à meridiæ punctis h, g, i ; quod fiet, vt iam dictum est, applicando filum punctis eiusdem horæ primæ sciathericæ, & extendendo per E styli verticem, vsque ad parietis, vel laquearis contactum; cum enim is ex suppositione fiat in punctis h, g, i , per hæc ipsa, describenda est linea horæ 1 à meridiæ. Atque hoc modo vna eademque opera inuenimus puncta non solum horaria V, T, S, h, g, i , sed etiam Æquinoctialia T, g , & tropica tum Cancræ S i , tum Capricorni V, h : quibus similia, simili etiam modo inuenientur; vt integras lineas tum vtriusque Tropici,


tum *Æquinoctialis*, tum alias quascunque in horologio sciatherico prius, per indicata *lib. 2* præcepta, descriptas, in catoptrico-gnomonicum transcribere possimus. Quæ, ut puto, sufficiet indicasse; neque enim necesse est nunc singula fusiùs insinuare.

Demonstratio.

Per styli verticem *E* incedat circuli Horizontis planum: sitque eius cum Meridiano communis (plano horologii *AD* æquidistant) sectio *IC*, in linea autem *FO* (quæ sit Meridiana in plano horologii *AD*, sed producta) à *B* loco styli versùs *O* abscindatur *BH* æqualis ipsi *BF*; ut sit *H* in eo præcisè loci puncto, in quo foret *F*; posito quòd horologium *AD* circa immotam styli *BE* lineam conuersum, ex inuerso situ, in quo iam est, restitueretur naturali ipsi propriæ dispositioni; puncto scilicet *F* in septentrionem, & *Z* in austrum verso, totaque *FZ* sub Meridiano iterum collocata: sic autem erit *H* meridianum Capricorni punctum in horologio sciatherico, in situ naturali; quemadmodum *F*, illud idem punctum est in inuerso situ: sic etiam erit *EH* umbra meridiana Capricorni, cadens à styli vertice *E*, & faciens cum *IC*, angulum *HEC*, angulo *FEI* æqualem; & consequenter etiam æqualem ipsi *CEV*, cum sint *CEV*, *FEI* inuicem æquales ad verticem. Quæ cum ita sint, si in *E* velut sphaeræ centro speculum planum Horizonti congruat, & Meridianum Capricorni radius *LE* (cum quo scilicet umbra *EH*, per 13 huius, in vna recta est) reflectat; reflexus hic coincidet cum recta *EV*; nam per 8 huius erit simul cum linea umbrosa *EH*, in plano circuli Meridiani tanquam in plano reflexionis, facietque, per 9, angulum *VEC*, æqualem angulo *HEC*: ergo in horologio catoptrico, punctum in quod cadet reflexus à speculo plano, ut dictum est, in *E* posito, meridianus Capricorni radius; est reuera punctum *V*, dicto modo rectè inuentum: & ita de alijs punctis *T*, *S*, *h*, *g*, &c. quod enim de recta *EV* demonstraui; de alijs quibuscunque, ut *Eb*, *ES*, &c. eodem modo, seruata proportione, demonstrari potest, sumendo ad quamlibet pro plano reflexionis circulum aliquem Verticalem, utpote,

Horizonti perpendicularem; sicut eidem perpendicularis est Meridianus, qui planum reflexionis est pro recta *EV*: cum sit eadem ratio. Igitur recta est delineatio hæc horologii Catoptrico-Gnomonici, ex Optico-Gnomonico Horizontali sciatherico. Quod fuit &c.





Propositio LXXVI.

*Idem ex eadem Catoptrica Horizontali Sphæra, horologium
sciatherici Verticalis euerſi ope delineare.*

Esto ad medium fenestræ (quæ austrum ex suppositione respiciat) electus locus, in quo speculum planum Horizonti æquidistans, peracta delineationis operatione statuendum est; sitque L eius centrum: ad eiusdem verò fenestræ partem inferiorem BD, aliquantulum sub puncto L, tabula lignea B M M D Horizonti æquidistans, mutulis, aut alio commodiori fulcri genere firmissimo sustentata, latitudine B M, seu D M saltem palmari, intus ad cameram, se exporrigat; cui ad extremam oram, in superiori planitie, confixis clavis regula lignea I K longior, ita copuletur, ut utranque discriminet exiguum velut crenæ cuiusdam tenuis interuallum: regulæ verò labrum superius rectissimum, altitudinem puncti L adæquet ad libellam omni ex parte; quod quidem diligentius perficietur per ea, quæ dicta sunt *prop. 3 2 huius*: ac demum eadem regula rectos cum linea Meridiana ut L P, angulos efficiat: describatur autem ipsa Meridiana, *per 13 2 huius*.

Præterea disponatur in superiori, vel media parte fenestræ, regula H G ipsi I K similis, & æqualis, atque etiam eidem ad perpendicularum imminens; & æquidistans, fixis in muro ligneis fulcimentis A F, C E sustentata; illique simul, & compari I K, tenue sericum filum ambulatorium conuenienti duplici in V, atque in X nodulo, siue hamulo, ita colligetur; ut utro citroque, tum versus G K, tum versus H I ad placitum duci queat, & reduci, ac debite compositum optato loco in lineam rectam distendi. Eidem filo globulus perexiguus, ut gemmula, vel quid simile, tenui foramine peruium, bellè committatur, quod facile moueri possit sursum atque deorsum, necnon in optato loco firmiter consistere.

Deinde in aliquo plano Q Z, magno quidem sed non admodum graui (quale esse posset ampla quædam, ligneis quatuor confertis in quadrum, regulis agglutinata, & optimè distenta membrana) horologium Verticale delineetur *per ea quæ dicta sunt propof. 34, et aliis 2 huius*, præsertim magnum, seu Gnomone longiusculo, ut P T saltem palmari. Ipsum verò hoc planum à parte horologij superiori N Q (in qua scilicet est cum stylo P T linea Horizontalis) cum regula I K aptè connectatur confertis pariter fibulis (ut cernere est in extrema utraque parte arcus Capricorni) quo nimirum facili circa eas conuersione attolli possit, donec latus Z A, regulam H G æqualiter tangat; & mox iterum deprimi, ac subiecta in sede reponi.

Sunt autem hinc obseruanda accuratissimè tria. Primum est, ut horologij Q Z eleuati ad situm verticalem, dum scilicet latus Z A congruet re-

regulæ HG , linea ipsius Horizontalis (in qua scilicet est styli PT locus P) reuera Horizonti æquidistat ad libellam cum L centro speculi, vt dictum est de regula IK . Alterum est, vt styli vertex T (horologio etiam, vt dictum est, eleuato) optimè conueniat cum puncto L . His quippe debitè obseruatis, erit horologium in situ euerſo quidẽ, sed futuræ catoptricæ delineationi accommodato; secundum quem inuerſus etiam ordo numerorum, qui lineis horarijs aſcripti ſunt, indicat partem Sciatherici ita diſpoſiti pomeridianam $Q\mathcal{A}$, catoptricæ delineationis parti antemeridianæ ſeruire, & contrà; ita vt horæ à meridie in horas à media nocte, & horæ ab occaſu in horas ab ortu vertantur in horologio catoptrico. Tertium est, vt ambulatorij fili optimè intenti linea recta, tum in VX , tum in alijs vtriuſque regulæ IK , HG punctis, ſubinde collocanda æqualiter cohæreat plano ſciatherici QZ , vt dixi, diſpoſiti in ſitu ad Horizontem perpendiculari.

His itaque comparatis, modum operandi vno verbo aperio in exemplo; ſit linea horæ 1 à meridie Yab (ordine, vt dixi, inuerſo) è ſciatherico QZ , in catoptricum horologium tranſcribenda. Eleuetur ipſum ſciathericum, donec latus eius $Z\mathcal{A}$ coniungatur regulæ HG : tunc verò moueatur filum VX verſus KG , vel IH ; globulus autem eidem filo implicitus, etiam moueatur ſuſum, vel deorſum, donec optimè conueniat puncto, verbi gratia Y , quo dictam horariam Cancræ arcus ſecat; ſitque tunc in filo, globuli locus O : hoc autem prorſus inuariato deprimatur horologium QZ , & à puncto L filum (quod eidem L optimè colligatum adhæreat) per globulum O educatur, extendaturque, donec validè intentum, ac ipſi globulo leuiter attacto conueniens, cameræ ſeu teſtitudinem, ſeu parietem tangat: inibi enim, videlicet in eo contactus puncto, imprimenda eſt nota vt S , quæ in horologio catoptrico, punctum erit horæ 1 à meridie in quod Sole Cancrum poſſidente radius à ſpeculo plano in L exiſtente, & Horizonti æquidistante, reflexus emittetur.

Eodem modo propoſitæ horariæ punctum aliud b , ipſi videlicet, & Capricorno commune, in horologium catoptricum tranſferetur; ſi eleuetur ruruſus ſciathericum QZ , & filo VX paululum ad partes GK delato globulus ex O verſus V adducatur donec in d exiſtens, conueniat horologii QZ puncto b : tum amoto, vt priùs, ipſo ſciatherico QZ , filum ex L per d extenſum dabit in pariete punctum e , tactu ipſo indicatum, pro hora 1 Capricorni. Tertium etiam eiufdem horariæ punctum quodcunque, verbi gratia, æquinoctiale in horologio catoptrico inueniemus eodem modo; ſi nimirum eleuato ſciatherico QZ , filum VX iterum reducamus verſus IH , & globulum moueamus ſuſum, donec in puncto, verbi gratia e , quieſcens, ſciatherici punctum a dictæ horariæ, & Æquinoctiali commune tangat: tunc enim, vt priùs, amoto ſciatherico, fili ex L per e extenſi appulſu ad laqueare, inueniemus æquinoctiale eiufdem horariæ 1 punctum f in horologio catoptrico.

Simili

Simili verò arte, quæcunque alia non solum horarum Astronomicarum, & Signorum Zodiaci; verum etiam aliarum linearum optata puncta in horologio catoptrico inueniuntur, dummodo prius in sciatherico eadem descriptæ sint lineæ; sicut in isto, quod picta pagina exprimit, horæ Astronomicæ cum Æquinoc. ac Tropicis descriptæ cernuntur. Horizontalis verò lineæ puncta inueniuntur, filo ex L ducto per labrum superius regulæ IK, vt antea dictum est, ad libellam dispositum. Est porro necesse hac in praxi focium adhibere, cui saltem curæ sit, sollicitè obseruare fili ex L educti contactum cum gemmula, seu globulo, & cum regula IK, &c.

Demonstratio.

SI dum horologium sciathericum, Verticali circulo æquidistans, sed euersum, (id est stylo, & linea Horizontali partes imas tenentibus; & simul parte pomeridiana locum antemeridianæ, ac è contrà, occupantem) verticem styli habet in L; intelligatur aliud ordine, & situ naturali sciathericum, communem habens cum illo lineam Horizontalem, & Gnomonem etiam eundem; cum hac solum differentia, quod pro euerfo horologio in L sit speculum planum, tum ipsi tum alteri etiam sub ipso, vt dictum est disposito horologio pariter perpendiculare, id est Horizonti æquidistans: facile intelligetur sciathericum euersum, locum tenere catoptrici, per ea, quæ demonstrata sunt *prop. 11, & 13 huius* atque adeo filum ex L ad puncta Y, a, b extensum radij reflexi loco esse, attingentis suo tempore ea puncta horaria.

Quo posito si planum QZ perspicuum esset veluti crystallinum, radius reflexus per Y incedens, recta perueniret in S, & similiter per a transiens perueniret in f, &c. imò verò ipsum filum ex L procedens vice radij perueniret etiam in S, & f, &c. si factis in Y, & in a &c. foraminibus, per ea in superficiem camerae tenderetur. Sed nos longè commodius spreta foraminum inepta multitudine, illamet puncta ex horologio sciatherico fideliter excerpta, fili VX globulique ope, amoto etiam sciatherico, firma in aere retinemus in O, c, d. Itaque per O, c, d, quæ nunc æquiuvalenter sunt ipsamet Y, a, b, liber filo ex L educto transitus patet, vt pro sciatherici horologii punctis Y, a, b, denoter legitimè in catoptrico puncta respondentia S, f, e; vnde hæc, sicut & illa sunt puncta horæ à merid. 1, in Æquinoctiali, ac utroque Tropico: & ita de alijs, cum sit par omnino ratio. Igitur horologium catoptricum è sciatherico Verticali rectè delineauimus; quod erat propositum.


Propositio LXXVII.


Mirum, ac fidelissimum artificium tradere, quo expressa coloribus in tabella effigies, potest in superficie quacunque parietis, fornicis &c. facillimè, & expeditissimè deformari tali modo, ut procul, atque ex assignato puncto in latus prospecta, optice reformatur; appareatque nitida, concinna, & prototypo simillima: propius autem, & ex aduerso inspecta dissipetur; & aliud quippam à se distinctum, bellè tamen expressum ostendat.

A Catoptriciis ad Optica paululùm digredior, non propter argumenti affinitatem (quæ nulla hîc est) sed propter modorum operandi similitudinem in operibus licet diuersis. Hanc autem occasionem (cùm aliam non sperem fore mihi deinceps oportuniorē) nunc sumo, ut votis, ac precibus satisficiam plurimorum amicorum, qui id à me sæpius exposculauere; cùm non sine voluptate vidissent delineatam huiusmodi à me, in hocce nostro regio Conuentu Romano, effigiem Sancti Patris nostri Francisci de Paula; rati non prodijisse adeo concinnam, nisi singulari quadam, & eximia deformandi arte. Et verò, ut ingenuè fatear, præter accuratæ in ea designanda diligentiam manus, eiusdem ita deformatæ concinnitas, in ea præcipuè nititur artificiosæ praxis forma, quæ maximè ad naturam visionis è longinquo, atque ex obliquo exercendæ, theoreticè accommodata est, ut experientia pariter & ratio demonstrant.

Ego tamen non facillè passus sum persuaderi mihi, ut Perspectiuæ huic meæ vranographæ parergon istud scenographicæ adumbratæ deformationis annexerem; præsertim animaduertens, de eadem fusè, iam iterum egisse R. P. Niceronem noua editione, qua Perspectiuam suam mirabilem æquè, & curiosam vertit, ac extendit in Thaumaturgum opticum, non minùs ipse Thaumaturgus, qui res adeo miras atque difficiles, mirabili facilitate, & pari diligentia edisserat, perficiatque; maiora sine dubio perfecturus, si præclaro eius ingenio & præstanti virtute diutius frui nos, Deus Optimus Maximus annuisset: quia nihilominus idem pro sua humanitate in Thaumaturgo præclaram cum laude mentionem facit istius meæ, quam dixi, deformationis, ut & cæterarum mearum rerum; ea commendatione, & speciali circa hoc ipsum ad me, paulò antè quàm è viuus excederet, directâ epistola cunctanti animos addidit, ut eam hîc breuiter methodum exponerem, quam à me ipso multis ab hinc annis excogitatam (sumpta sanè forma operandi, ex quadam ab Alb. Durero in sua Geom. vsurpata praxi) non minùs facillè, quàm sæliciter in opus redigi







gi constat tum ex alijs, tum ex hoc iam dictæ effigiei deformatæ exemplo. At ne quid ego ad Thaumaturgum addere voluisse videar, solum proferam, quem amici postulant modum, hac in re operandi, meum, cum ijs, quæ ad eius demonstrationem necessaria visa fuerint; is verò sic se habet.

Esto in porticu palmos longa 165, superficies parietis plana (perinde est si non sit plana) A Q; in cuius extrema vna parte, versùs QS lineam angularem, proponitur effigies deformanda, tali arte, & commodulatione; vt prototypo L K conformis appareat respicienti à quodam in altera extrema parte dato puncto N, cuius distantia ab eadem A Q superficie parietis, in linea ad ipsum perpendiculari O N, ex hypothese est palmorum octo cum semisse. Inter QS, & O A angulares extremas lineas, describatur dirigente perpendiculo, recta YR, pavimento occurrens in R; tali ac tanto ab QS intervallo, quantum post accuratam observationem deprehensum fuerit, sumi posse, ac debere, vt oculus in N constitutus non facile possit pernoscere distantie discrimen, quo duæ illæ lineæ inæqualiter ab eodem puncto N diuelluntur, appareantque ambæ ex æquo ferè, remotæ; ego quidem intervallum inter eas posui palmorum 53; ferè expertus illud ab oculo N, etsi quodammodo percipiatur; non tamen distinctè percipi tanquam magnum intervallum.

Hoc modo definita duarum rectarum YR, QS, intercapedo dat latitudinem sectionis (sectionem hinc voco, cum Perspectivis, planam, aut aliam superficiem in quam radij optici per rem visam profusi incidunt) respondentem latitudini iconis in tabella L K. Est verò summum in hac definienda latitudine negotium, ex quo totius operis symmetria, & pulchritudo dependet; vt postea magis dicam tum inter demonstrandum, tum in appendice: quapropter in id præcipuè incumbendum est, vt iusta, & non immoderata præscribatur latitudo. Ea verò, vt dictum est, iam præscripta, ducatur A T in pavimento ad A S perpendicularis, æqualis autem ipsi O N, id est, palmos octo & dimidium longa; vt punctum T sub N, ad perpendiculum constitui intelligatur: tum fixis tribus clauulis in T, R, S, bombycina duo fila tendantur TR, T S, velut duo extremi radij pyramidis optice totam prædictam sectionis latitudinem complectentis angulo R T S; ac præterea eodem angulo R T S per 91 elem. bifariam diuiso, filum aliud prædictis simile, vice ac loco axis optici tendatur T Æ.

Deinde, quia facultati videndi, spectata visibilis magnitudine, tale quoddam, cæteris paribus, præscriptum est à natura distantie intervallum; vt quod vltra illud obijcitur oculo, minùs clarè, ac minùs distinctè cernatur; cum sit etiam aliquis terminus, vltra quem omnino non cernitur: idcirco proposita, in tabella L K, effigies; spectata eiusdem magnitudine; tali à puncto T intervallo inter ipsum T, & Æ directè in T obuersa, collocetur, vt distinctè, & clarè videri possit: ista, quam ego de industria elegi depictam ad procerioris humanæ staturæ modos; collocari facile potest ad palmorum distantiam fere 95 in V: ideo autem huius magnitudi-

nis iconem elegi, vt ab oculo quidem remotiorem, sectioni verò proximiorē ponerem: Sic enim (vt ipsa in praxi experientia clariùs docet) certior est, & errori minùs obnoxius radiorum ductus per iconis puncta, singula in sectionem. Moueatur tamen circa V tali modo icon; vt ab directo aspectu deflectens, angulos cum axe optico TÆ, constituat obliquos; inde acutum TVX, graduum 60; hinc obtusum TVH, graduum 120; (quod facillè erit ducto semicirculo circa centrum V) & obseruetur quantam eius in eo situ partem complectatur angulus opticus XTH, siue R T S: hæc enim est rata latitudinis eius pars, quam deformatam, commodè excipiet sectionis latitudo, vt suprâ, definita.

Itaque ad mensuram XH, creta deletili definitio in tabella LK aream parallelogrammam af; cuius latitudo ae, bf, æqualis sit rectæ XH; altitudo vero ba, siue fe, sit ad modum altitudinis iconis, cæteroqui ad placitum: neque enim quoad altitudinem obseruanda est specialis aliqua inter aream hanc, & aream sectionis proportio, præter eam solam, quam anguli optici dilatatio præstituit: quia hic cum nulla, aut fere nulla sit in altum obliquitas prospectus; nulla etiam est secundum altitudinem instituenda deformatio.

Præterea singulas iconis, in area af inclusas particulas, frontem, nasum, supercilia, oculorum orbes, palpebræque, os, barbam &c. similiterque vestis amplitudinem, sinus omnes, lacinias &c. accuratissimè circumscribo extremis cretaceis, mea vel potius docta cuiusdam pictoris manu deductis lineamentis, quæ quidem, è picta tabella, in sectionem organicè translata, simulque ipsa translatione deformatæ, singularum earum partium deformationi debitos terminos præscribent.

Vt verò ipsam tabellam conuenienti, ad opus dictæ translationis atque deformationis, modo & loco disponam: rectam HX produco donec parieti occurrat in C: atque ad illud punctum erigo Horizonti perpendicularem tigillum CD, ferreisque in parietem depactis retinaculis confirmo: deinde producta in alteram partem eadem HX ad tertium vel quartum digitum vsque in G, clauum ferretum inibi defigo; illique simul, & alteri ex opposito in C fixo, funiculum CG adalligo congruentem cum eadem recta XH, atque facientem cum superficie parietis angulum acutum GCS: huic verò similem EDP angulum faciat supernè, cum eodem pariete regula lignea DE, tigillo CD ad angulos rectos firmiter adhærens, funiculo CG æqualis, eidemque ad perpendiculum imminens: vtrique autem, id est funiculo, & regulæ simul, adalligo filum FH fericum, tenue, ambulatorium, optimè tensum, insertum gemmulæ, vel simili cuiuspiam globulo valde exiguo, subtiliter per centrum terebrato; sursum ac deorsum per ipsum insertum filum facillè ad nutum mobili, stabili tamen; ne suo ipsius pondere prolabatur, aut aliter præter institutum, stationem deferat. Ipsum verò filum nunc ita dispono, vt secans in H radium TS, Horizonti sit ad angulos rectos, vt videlicet directæ per ipsam ex N lineæ optiæ cadant

in

in QS^e extremam deformandæ imaginis remotissimam lineam.

Postmodum tabellam L K, tigillo C D annecto confertis pariter in I, & K aptis fibulis, vt circa illas liberè huc illuc verti possit. Sed tria hîc accuratè obseruanda sunt. Primum est, vt tabellæ L K è fibulis suspensæ, conuersæ autem & ad contactum fili F H adductæ linea cretacea *a b* eidem filo congruat: congruet verò simul altera eiusdem cretacea linea *e f*, filo in X translato, & similiter ad perpendiculum disposito, secantique radium T R in X. Alterum est, vt eadem tabella supra C, in tigillo C D, ita eleuetur versùs D; vt parte sui dimidia, vel duabus tertijs, prout loci dispositio permiserit; oculi N altitudinem superet: sic nempe deformata, imago, commodum in pariete obtinebit locum; neque editiorem quàm par sit; neque etiam humiliorem, ita vt recta iconis linea *b f*, in Z B optice cadat; & *a e* in Y P: quo posito erit tota imaginis deformatæ area Y B, respondens eiusdem rectè formatæ area *a f*. Tertium est, vt tabella L K filum F H (vt dictum est) tangente, id est in plano G C D E existente, effigies in ea depicta non in B P, sed in N respiciat; præsertim si in ea aliquid sit, quod è dextro in sinistrum, vel è contrà, verti minùs conueniat: nam si oculo N sit auersa; dextra eius sinistra fient in deformatione; è contrà autem dextra perstabunt in situ dextro, si oculo N aduersa constituatur. Ego tamen (quia in hac mihi proposita pia effigie nihil tale animaduerti, quod è sinistro fieri dextrum, vel è contrà; recto siue positus siue habitus ordinè repugnaret) id prius non curauim: imò verò multùm sollicitus fui, vultum deformatum cum reliqua figura ita disponere, vt respicienti ex N quodammodo aduersus appareret; atque adeo (iuxta accommodatum naturæ situm) partem sectionis, oculo viciniorem occuparet, pes verò, cum cæteris posterioribus, remotissimum: vnde tabellam L K auersam, posui respectu oculi N; ac propterea eandem collocaui inter filum F H, & oculum N; quam aliàs collocari oporteret inter idem filum, & B P.

Præterea ab clauulo in N defixo, religo tenuissimum sericum filum, longitudine tali, vt ab N vsque in B pertingere possit: istud namque varijs subinde iconis punctis, seu (quod in idem recidit) gemmulæ optica ipsorum loca sigillatim occupanti (vt mox dicetur) admotum, vicem geret opticorum radiorum, qui per illamet puncta translapfi formas eorundem intelliguntur in sectione depingere. Ad hoc autem omnino necesse est, iuxta dicta ad postulatum 5 huius; filum bombycinum validè intendi, quò nimirum (si possibile sit in tanta eius longitudine) lineam rectam efficiat: quamuis perinde feliciter fiet opus, licet serica illa linea aliquantulum à mathematica rectitudine deficiat, dummodo defectus non sit magnus, & semper sit vniformis; vniformis autem erit, si in longitudine æquali, vi etiam seu attractu æquali filum intendatur.

His tandem, vt dictum est, debitè dispositis optata deformatio eodem prorsus modo perficietur, quo præcedenti prop. facta est, horarij Catoptrici è Sciatherico, delineatio; videlicet fili ambulatorij, & gemmulæ mobilis appli-

applicatione ad quorumlibet cretaceorum in tabella descriptorum lineamentorum puncta, quæ visa fuerint necessaria, & alterius fili distenti ex N per gemmulam deducti appulsu ad parietem: sic enim extensum filum dabit, & contactu signabit in superficie parietis, punctum optice respondens illi eidem tabellæ puncto, cui applicata subtiliter in filo ambulatorio gemmula: neque circa hoc difficultas noua vlla est, quæ ex dictis *ea propositione*, non statim superetur. Tantum ista adhibenda est cautio, ut frequentissima pro quolibet lineamento (si necesse fuerit) in sectione puncta signentur (præsertim cum ea lineamenta non vnam quandam rectitudinis, aut curuitatis formam seruent) sic enim multiplicatis punctis fidelissima erit deformatio.

Ductis demum hac arte, deformatisque in sectione extremis quarumlibet partium lineamentis; colores graphicè apponantur conuenientes suis quique locis, diffusi, dissipati, intercisi, collecti, prout exegerit ipsa lineamentorum deformata dispositio. Ponantur autem iuxta leges pictoriæ artis ubi oportuerit, suaues, austeri, furdi, blandi, saturi, diluti ac medi; ea tamen peculiari lege, ut in parte, quæ vicinior est oculo N, languidiores; in parte verò remotiore vegetiores; ac in media, medi; etiam, seruata proportionem, distribuantur. Hac nempe arte, remotior pars deformatæ imaginis fiet ipsa colorum viuacitate magis conspicua; & hoc ipso apparebit quodammodo propinquior: solent enim quæ propinquiora sunt, euidentius conspici: altera è contrà propter colorum vim remissiolem, cernetur minus clarè, & ideo remotior existimabitur: ob hunc autem æstimatum accessum partis remotioris, & recessum vicinioris, fiet quædam vtriusque, ad æqualitatem, apparens distantia commensuratio; ut imago deformata, in situ non obliquo, sed directo esse videatur: quod quidem ad perfectionem reformationis omnino necessarium est.

Priusquam vltima coloribus inducendis manus adhibeatur, distinctionibus grammicis descriptionibus formentur monticulorum, fluuiorum, ædificiorum, vallium, nemorum, agrorum, viarum, aliarumue huiusmodi rerum similitudines; illæ scilicet, quas quodammodo confusè exprimere visi fuerint productiones quilibet imaginis deformatæ tractus: atque in ijs monticulis, vijs, ædificijs, &c. leui penicillo minutiores figuræ pingantur, quæ in prospectu sit, & coram cernantur: hæ namque iucunda fallacia, intuentem detinent, ne quid addubitet inibi vltius esse, quod ars occultauerit. Ego in hac à me deformata, Santissimi Francisci nostri effigie; eiusdem Patris insigniora virtutum, & operum monumenta, minutis huiusmodi figuris pingenda curavi. Sed quæ de his dici fusiùs possent, accuratiùs edisserit Thaumaturgus Opticus Niceronis nostri, possuntque apud eum videri.

Non tamen præteribo; colores album & nigrum (vel etiam alium quemlibet vnum, in quouis genere ad lucis tantum, & umbræ discrimina temperatum) optimos esse, & ut docet experientia maximè ad propo-

tum

tum; accommodos; idque duplici de causa, primò quia pictura hæc deformata, coram inspecta, dum sine colore natiuo, & simul absque solita partium proportionem cernitur, minimè ostentat arcanam effigiem, quam continet, vbi è contrà natiuus color; seu natiuo similis, vultum, manus, vestem aliaque huiusmodi prodit, quantum uis occultata lineamentis deformatis. Deinde etiam quia qualibet minutiores (de quibus iam dicebam) figuræ facilius ad placitum, in quavis deformata imaginis parte, iisdem in commune vocatis coloribus efformantur; eademque sic efformata conuenientiùs, nullo incurfante alieno colore, compingunt pariter omnes præcipuam deformatam imaginem.

Iconi conuenienter ex dictis deformata, parerga addidi talia, quæ præcipuè iuuarent ad visum faciliùs decipiendum: nempe inter oculum N, & deformatam imaginem, toto eo spatio, quod continetur lineis R Y & C D, obieci velut longæ arboris partim truncæ partim patulæ stipitem ingentem vehementi coloris vi conspicuum: longiùs autem velut à tergo deformatæ imaginis, campos latè apertos, montes ædificiaque ac nemora, & alia eiusmodi, longinquo prospectu, tenuibus & leui penicillo ductis lineamentis, finxi; ac inibi venatorum, & canum, ac fææ, aliarumque similibus rerum corporè exigua paucissimis vmbris, exigua luce, velut à longè spectabilia disposui: cum enim hæc, tum ob coloris debilitatem, tum ob paruitatem molis, appareant valde remota; efficiunt, vt ea imaginis deformatæ pars, quæ coniuncta illis est, colores (vt supra monui) habens viuiores, & crassiores vmbras; appareat respectiue multò vicinior: è contrà verò truncus ille arboris crassior interpositus, quin & cubiti dextri partem extremam occultans non solum abruptit, vt sic dicam, & aspectui subtrahit continuitatem illam, quæ perpetuus paries O B cum sectione Y B obliquum situm communem habet; sed etiam efficit, vt imaginis pars oculo vicinior, languidos (vt etiam supra dixi) colores habens; appareat, comparatiue remotior. Et ita ambæ imaginis partes extremæ, in simili, & æquali ab oculo N distantia apparent.

Vim etiam ad decipiendum conferet si ad punctum N, parietem (siue, ianuæ inibi fortè existentis valuas) traieciat tubulus longitudine saltem palmari, angustior in parte postica, in antica verò latior, tali forma, & mensura, vt sola per eum imago, in extremo ambulacro deformata, cum alijs circa eam (vt paulò ante dicebam) sola deceptionis causa, pictis; cerni queat vnico oculo pone parietem ori tribuli admoto. Et præterea quia tubulus iste eo situ erit necessariò ad parietem O P, atque ad imaginem in eo deformatam obliquus; ne (si fieri potest) intuentem vlla, vel minima, subeat obliquitatis imaginatio, opto auersam ianuæ vel parietis superficiem (quæ videlicet obijcitur accedenti ad os tribuli tenue) ita disponi, vt perpendicularis sit (imò malim in partem contrariam inclinari) ad ipsius tubuli axem, sic enim erit simul perpendicularis ad axem opticum, & hoc modo intuens faciliùs decipietur, ratus se directo, non autem obliquo, ob-

tutu cernere, adeoque minùs, & forsitan minimè, apprehendet rem esse deformatam, quam cernit.

Demonstratio.

TOra huius operis, ad visum decipiendum compositi, perfectio in eo versatur; ut deformatà in sectione YB imago, ad eandem symmetriam reformetur conspecta ex N, ad quam formata conspicitur in prototypo *af*. Ad hoc verò, duo præcipuè requiruntur: primum, ut puncta eiusdem deformatæ imaginis debito ordine respondeant punctis prototypi: alterum (in quo præcipuum rectæ deformationis negotium vertitur) est, ut situs, quem deformatà imago, obliquum in sectione habet, appareat non obliquus, sed talis, qualis in prototypi visione perfectà esse solet. Neque aliud puto desiderari, ut deformatà effigies prototypo verè conformis appareat, adeoque apparenter reformetur. Hæc verò duo simul, & coniunctim, necessariò requiri ita manifestum est; ut alterutrius defectu a symmetra sit deformatio; & præsertim (quod maximè velim observari) defectu secundi: cum enim non nisi propter situm parietis obliquum, accidat imagini, in eodem pariete depictæ, deformatio; conveniens eidem reformatio nunquam obveniet; quandiu illa in situ, ut est, obliquo esse apparebit: è contrà verò statim hoc ipso reformationem fuscipiet, quo opportuna visus fallacia, obliqui situs apparentiam deperdet.

Itaque cum quoad primum indubitata fides huius artificij satis constet ex modo ipso operandi, quem evidens est, legibus tum opticis, tum geometricis maximè esse conformem: quoad alterum ostendo apparentiam obliqui situs ab aspectu remoueri ijs seruatis quæ circa hoc observanda præscripsi. Quia ex obliqui situs definitione, quam habet Agnill. *ad prop. 31 lib. 3 optic.* constat obiecti obliquè visi alterum extremum visui propinquius; alterum verò esse necessariò remotius: evidens est apparentiam situs obliqui, hoc ipso tolli; quo apparentia inæqualitatis distantiae tollitur. Et quia sectionis YB obliquum respectu oculi N situm habentis, extremæ duæ lineæ YZ, PB, hæc remotior, illa propinquior, talibus & talem inter se proportionem habentibus interuallis, distant ab eodem oculo N *per constructionem*; ut ille distantiarum differentiam non faciliè discernat: sequitur ab eodem non faciliè discerni sectionis YB, seu imaginis in ea deformatæ, situm obliquum. Et hæc est vna quædam visus opportuna fallacia; qua ne is obliquum illum situm internoscatur; ponitur (considerata dictarum distantiarum magnitudine) discrimen earundem quodammodo insensibile.

Præterea tamen, qua in hac mihi proposita porticus longitudine 165 palmorum; oculus dictam distantiarum inæqualitatem sibi penitus occultari non patitur; siue ex perspicacia, & claritate visionis, siue ob adiacentium ordinatorum corporum seriem simul conspectam; aliam opticam fraudem, qua prior iuuetur, apposui; quam sic expono.

Sumatur T pro oculo N, & R S pro sectionis Y B latitudine Y P siue Z B; triangulum verò R S T sumatur pro pyramide optica, quæ est in plano per N & O incedente, & tum ad parietem O S, tum ad rectam P B perpendiculari: quod enim de ista pyramide dictum fuerit, seruata proportione intelligendum est de alijs omnibus similibus. His positis oculus in T constitutus, tabellam aliquam assuetus inspicere in situ directo collocatam ad distantiam verbi gratia T V, nouit se tot & non plures eius partes sub quantitate anguli optici X T H posse comprehendere: ego vero plures illi eiusdem tabulæ partes, sub eodem producto angulo in sectione conspiciendas objicio; tot nimirum, quot sub eo comprehenderet, si tabellam obliquè respiceret positam in X H.

Hinc autem efficitur, vt dum oculus attendit ad partium multitudinem insolitam sub dicto angulo visam in sectione R S; obliquitatem situs in qua, & propter quam eam videt, minimè attendat. Nam iconis obliquè in X H sitæ, contractiones ad aspectum sunt partes; quam si in situ directo collocaretur tabella; propterea quòd, ea obliquitas, angulos opticos, singulis partibus respondentes contrahit: quia verò eadem partes, secundum eosdem contractiones angulos in R S transferuntur; reuera etiam illæ in ipsa R S contractiones sunt, quàm aliàs forent pro data ratione obliquitatis quæ est in X H respectu axis optici T V: vnde & de facto in eadem R S apparerent contractiones, quàm par sit; si sola haberetur ratio angulorum optidorum, sub quibus reuera cernuntur: sed eosdem angulos apparere maiores, quàm sunt, facit aliquantula situs ipsius R S adhuc apparens obliquitas: cuius notitiam auferre non omnino potuit insensibilitas illa, vt antea dictum est, obseruata inter distantias T R, T S: dum autem illi anguli eam ob causam apparens maiores, quàm reuera sint; apparent tales, cæteris paribus, quales reuera essent, si tabella non obliquè in X H, sed perpendiculariter ad T V in situ directo collocata fuisset: vnde consequenter iusta apparet dictarum partium dilatatio. Et ita obliquo situ, in tabella artificiosè procurato, efficitur vt ea, quæ in effigie

deformata est, situs obliquitas minimè appareat, veluti absumpta contractionum (vt dictum est) angulorum angustijs: sublata verò obliqui situs apparentia, tollitur simul apparentia deformationis, ex ante dictis, & eatenus effigies, reformatur. Igitur deformationis faciendæ rectæ sunt leges hæcenus traditæ.

Appendix.

NON me latet aliquos esse, quibus alia quædam deformandi methodus communis, magis arrideat; in qua præcipuè laudant celerem operandi facilitatem, fidem autem & certitudinem operationis in dubium non vocant; ea methodo (ut meminerit Lector) lineis rectis, cum quadam symmetria reticulatim ductis craticulæ (sic enim vocant) geminæ texuntur; & ratæ partes exemplaris, ex eiusdem quadratis areolis excerptæ, in alterius verò cratis respondentes degradatas areolas translatae, digeruntur, extenduntur, contrahuntur, &c. prout cratis istius ad illam proportio exigere cernitur. Sed in primis artificium istud, locum habere nequit in superficiebus non planis, cum in ijs rectæ lineæ duci non possint: curvæ autem rectis æquivalentes; ductum habent, & per se difficillimum, & pro diuersitate subiecti diuersum. Deinde in superficiebus etiam planis, (quod monere non erit abs re) istud craticularum artificium, non tam sua ipsius labe, quàm errore, nescio quo, frequentius maculatur dum ea proportio, quæ inter ambas craticulas necessariò esse debet, sumitur, aut ex sola anguli optici dilatatione; aut ex sola aspectus obliquitate; vel ad summum ex utraque simul, nulla habita ratione interualli, quo ab oculo distat extremus vterque terminus craticulæ deformatae. Id quidem sufficere posset deformationi faciendæ quodammodo ordinatè; per modum proiecturæ simplicis; sed non etiam sufficit reformationi; quæ quia requirit eandem prorsus in effigie tum rectè formata, tum deformata apparentiam, necessariò etiam requirit, ex antedictis, talia esse, & tali ad inuicem proportionem, interualla, quibus ab oculo distant extremæ ambæ lineæ craticulæ deformatae; ut earum distantiarum, inæqualitas ferè sit insensibilis respectu eiusdem oculi ex dato puncto obliquè respicientis.

Neque hinc vim aliquam habet quod assumitur tanquam vniuersaliter verum, videlicet ea quæ sub eodem, vel æquali angulo, & æquè obliquè conspiciuntur æqualia apparere: id namque verum non est, nisi cum ea limitatione, quam communi consensu Perspectiui omnes addunt, *Vitell. lib. 4. prop. 19 et apud illum Euclides Optic. hypoth. 7: item Aguill. lib. 4. propos. 10:* est autem hæc limitatio ipsius Aguilonij verbis istis expressa; ut ratio disparis interualli, quo magnitudines ab aspectu distant, penitus ignoretur. Quod ut facilius Tyrones intelligant, exemplo illustrandum duxi; alioqui enim quid ad me de erroribus aliorum, si qui sint, inquirere? fruerer sanè illa mea methodo superius demonstrata, & ex praxi ipsa sceleriter non semel comprobata; sed communis boni ratio, & amici, iure id à me expetunt.

Sit itaque area af similis & æqualis no , quæ inter DC & OA disponatur, tali loco & modo, ut eius siue inclinata ad parietem siue recta latus po sit cum FH , & cum PB in eodem plano optico ex N producto: & puncto o existente in linea NB , latus om Horizonti æquidistans, & in parietem usque productum secet rectam OB in r : tum ex p per n producta, superioris lateris $p n$ linea occurrat plano parietis in f . Deinde ex O per f ducatur recta OfQ , quam producta BP secet in Q . Postmodum ex N per n ducatur recta Nnq occurrens parieti ac secans ipsam OQ in q . Ex q autem ad perpendicularum demittatur qr secans ipsam OB in r . Sic erit qr in eodem cum $n m$ plano optico ex N producto; & area qB erit basis pyramidis opticae ex N , tanquam vertice, ductæ per no areolam propositæ tabellæ deformandæ: illaque erit illi proportionata; proportionata, inquam, secundum angulum opticum BOQ , siue BNQ ; ac simul etiam secundum aspectus obliquitatem, quam facit oculi ab superficie parietis distantia NO idest secundum angulum opticum rNB , siue qNQ . Nam latus quidem QB cum po sub eodem angulo QNB conspicitur, & similiter rB cum mo sub eodem angulo rNB ; & ita de alijs.

Dico tamen aream qB ex N spectatam, nullatenus apparere similem, & multò minùs æqualem area no ; nec latus QB lateri po ; vel $n m$ ipsi æquali, neque rB ipsi mo &c. Quod sic demonstrari potest. Quia hæc methodus nullatenus obseruat, aut etiam curat, ut lineæ rB respectu oculi N obliquè sitæ, extrema duo r & B habeant insensibilem saltem quodammodo differentiam distantiarum Nr , NB : imò quia ex communiori usu ipsa Nr minor distantia, duas solùm quintas (vel etiam infra) partes continet maioris NB ; sequitur differentiam vtriusque distantia esse valde sensibilem. Et quia oculus etiam vnus per 2 3 optice. Aguill. rerum à se distantias per vicina interiecta corpora cognoscit; sequitur ab oculo N cognosci distantias NB , Nr ; & insuper cognosci hanc ut minorem, illam ut maiorem (& quidem cum excessu multum notabili) nempe per vicina corpora, quæ multò plura eiusdem magnitudinis inter N & B ; multò verò pauciora inter N & r interijci conspiciuntur. Hinc verò efficitur ut statim oculus discernat maiorem esse BQ quàm sit rq ; imò agnoscat longè adhuc maiorem esse rB , quàm sit eadem BQ : vnde non tantum BQ , & rq apparenter inæquales non proportionantur secundum apparentiam duabus $m n$, op æqualibus: sed multò minùs BQ , & rB proportionari possunt ipsis op , mo ; siquidem illa quæ ex natura rei maior esse deberet secundum apparentiam, minor est; & contrà; videlicet BQ respondens maiori op , maior apparenter esse deberet; rB autem minor, utpote respondens maiori mo : & ita de alijs duobus lateribus pari ratione. Ergo tota area qB , non tantum longè maior apparet, quàm no ; sed etiam apparet eidem multum dissimilis. Ergo imago recta, in area no ; deformata autem in qB & conspecta ex N non reformabitur, ad eandem, ad quam in no formata conspicitur perfectam symmetriam, nec prototypo vllatenus similis apparebit:

sed verò apparebit, hinc scèdè distenta in latum, inde scèdiùs ex angusta, & velut acuminata forma in amplam gibbosam intormem intumescens.

Neque iuuat quod à quibusdam obseruatum vidi, vt area deformata: latus remotissimum BQ faciant breue vt BP (vel etiam breuius vt op); alterum verò id est qr , quod oculo proximius est, faciant vt ur inter lineas OB, OP ; citra medietatem, vel etiam citra tres quintas partes totius intervalli OP : nam tunc necesse est, vt imago turpissimam habeat apparentem configurationem, nimia altitudinis inter rB & uP contractione; cum latitudinis productione ultra modum, ab ur in PB .

Hæc quæ dixi experientiæ quidem probant ita manifestæ, vt de ipsdem nunc dubitandi locus non supersit; eorum autem ratio (vt mihi videtur) ex eo petenda est, quòd iusta reformatio non respondeat, vel debeatur deformationi cuiunque, seu factæ ad quassibet altitudinis, latitudinisque degradationes, nulla habita ratione distantia, ex qua, tota simul sumpta deformationis area conspicitur: oculo enim, vt antea dixi, distinctè percipienti in imagine deformata, situs obliquitatem, impossibile est non etiam distinctè apparere deformitatem ipsi obliquitati accommodatam: obliquitas autem (vt etiam demonstraui) dignoscitur percepta inæqualitate distantia extremorum.

Non certè ita contingeret (aut non tam facilè cæteris paribus) si interiecto pariete, vel alio quodam huiusmodi septi genere, sola pateret verbi gratia, in no fenestra; per quam ex N prospectus esset in qB : sic enim ea omnia quæ tum in pavimento, tum in superiori porticus testudine, tum in opposito fenestrarum, siue columnarum ordine, vicina sunt ipsi area qB , corpora prorsus laterent; nec eorum indicio deprehendi posset longitudo rB , vel breuitas rectæ qr præ rB . Tamen quia hic in aperto, & libere quaquauersum conspicabili ambulacro fallaciam opticam molimur, necesse est aliam inter dictas areas proportionem ponere; qualem nempe superius demonstraui esse ponendam.

Illud porro ambulatoria lineæ, & globuli ad singula prototypæ iconis puncta excipienda aptati artificium à me in deformatione vsurpatum, videtur fortè aliquibus operosum: sed quæ res perfectæ non etiam operosæ? quæ non difficiles? nemo tamen inficias ierit, cæteris illud eò præstare; quòd ipsius beneficio in superficiebus non modò planis, sed etiam concauis, conuexis, mixtis, irregularibus, intercisis, &c. perfici queat deformatio pari facilitate, & æquè fideli deformatorem ad recta prototypa responsu lineamentorum.

Demum in huiusmodi practicis quærat qui voluerit operationi suæ celerem facilitatem impatiens moræ: ego minimè refugiens difficultatem, vel necessarias temporis impensas; potius quæro certitudinem, & exploratam fidem, cum ea, quam possum perfectissimæ praxis ad theoriam accommodatione. Quia tamen, cæteris paribus, compendia placent; & ego in primis plurimi facio partimonium temporis, cuius partem mihi conceduntur

duntur interualla; ideo mihi etiam placuit præ cæteris ista methodus, quæ præ cæteris miram visa est habere cum certitudine facilitatem, & celeritatem operationis. Plurima sanè vidi ab alijs fieri temporis dispendia, quòd cum eos craticularum lex vel minùs fida, vel non adeo stricta teneret, aberrarent facillè primo, & secundo ductu; imò & tertio; adeoque lineationes quas fecerant, cum exegissent ad oculi fidem; post multas ad eiusdem oculi destinatum locum N (non sanè sine labore ac tædio) cursitationes, cogerentur delere: At è contra, huius methodi compendiarie facilitas eò vel maximè commendatur, quòd ad acerrimam gemmulæ amittim, puncta lineamentorum singula exigit, & ita dubium, aut spurium, mox delendum, nullum progignit.

Propositio LXXVIII.

Horologium Catoptrico-Gnomonicum è Sphæra Catoptrica Polari construere.

Sphæra Catoptrica Polaris, constructa per prop. 15, eodem penitus artificio in horologium Catoptrico-Gnomon. vertetur, quò Sphæra Horizontalis, de cuius in quaslibet propositas superficies Gnomonica projectione, hætenus dictum est, à propositione 60 usque ad 76 inclusivè: nunc autem prout aduerti proposit. 55, nihil ampliùs desideratur, quàm vt instrumentorum situm, quì Sphæra Catoptrica Polaris projectioni, specialiter debeat hic assignem.

Quia Equatoris axis (videatur figura prop. 15) in hac Sphæra locum habet in F A G, à naturali minimè diuersum, & polus Arcticus est F, Antarcticus verò est G per dictam prop. 15; axis Meridiani organi statuendus est in situ naturali axis mundi, ita vt à parte septentrionali in plano circuli Meridiani efficiat cum Horizonte angulum eleuationis poli F A R, verbi gratia, grad. 42; vel huic æqualem à parte australi angulum G A K. Cætera, quæ ad dictum instrumentum debite collocandum requiruntur, petenda sunt ex prop. 37, & 38.

Quia verò in hac ipsa Polari Sphæra (ad poli eleuationem grad 42 constructa) axis Horizontis est M A X; & M Zenith apparens; Nadir autem X; axis organi Verticalis, ita collocandus est, vt in plano circuli Meridiani faciat cum Horizonte, ac supra ipsum Horizontem à parte australi angulum æqualem ipsi K A M, id est graduum 6. In hac enim poli eleuatione, Equatoris eleuatio est K B, graduum 48; eius autem complementum vsque ad verum Zenith L, est consequenter 42; vnde si angulus reflexionis B A M, fiat angulo incidentiæ L A B æqualis; æquales erunt arcus B L, B M, atque adeo B M erit graduum 42; sicut & B L: si itaque ex B K 48, dematur B M 42; residuus erit M K grad. 6. In alijs huiusmodi

Sphæris, in quibus eleuatio poli minor est, vel maior quàm 42; eodem modo seruata proportione totum hoc negotiū perficietur. Vbi erit eleuatio poli grad. 45; axis huius instrumenti Verticalis collocandus erit in comuni Horizontis, & Meridiani sectione K A. Cætera, quæ ad Verticale istud organum debito modo disponendum necessaria fuerint, petet Horographus ex *propositione* 40. Denique id, quod de situ horum instrumentorum dictum est, intelligi debet de situ instrumenti Vicarij de quo agitur *propof.* 52, & 53.

Propositio LXXIX.

*Horologium Catoptrico-Gnomonicum è Sphæra Catoptrica
Æquinoctiali construere.*

VT ex præcedenti 78 constat, solum hic necesse est edicere, quis instrumentis Meridiano, & Verticali, ac eorundem Vicario tribui situs debeat, ad Sphæræ Catoptricæ Æquinoctialis projectionem gnomonicam; cum quoad cætera eadem sint leges seruandæ, quæ in projectione Sphæræ tum Polaris, tum Horizontalis, præscriptæ sunt.

Quia igitur in hac Sphæra (cuius figuram vide *prop.* 16) axis Æquatoris est B A C, in loco naturali prorsus inuariato *per eandem* 16, axis instrumenti Meridiani, ita disponendus est, vt in plano circuli Meridiani, faciat cum Horizonte angulum eleuationis poli, vt I A B ad partes septentrionales; vel P A C ad australes. Reliqua, ad hoc necessaria, petantur ex *prop.* 37, & 38.

Deinde quia *per eandem* 16, in eadem Sphæra, axis Horizontis est N A L, & Zenith est N; axis instrumenti Verticalis ita collocandus est, vt à parte austri angulum cum Horizonte, ac supra illum efficiat N A P; qui quidem in hoc exemplo est 6 grad. cum eleuatio poli sit grad. 42: vbi autem alia est poli eleuatio, erit etiam angulus iste diuersus, seruata proportione; & vbi eleuatio poli erit grad. 45, nullus erit hic angulus, sed axis dicti instrumenti erit in linea ipsa Horizontali P A: sed hoc pendet ex constructione ipsius Sphæræ Æquinoctialis; quæ in quolibet loco

construi debet *per prop.* 16, ad ipsius loci polarem eleuationem. Cætera requisita ad huius instrumenti col-

locandi modum, petantur ex *prop.* 40. Idem,

quod de his instrumentis, dicendum est

de eorum Vicario instrumento;

cuius descriptio, & vsus ha-

beat *propof* 52,

& 53.

Propositio LXXX.

*Horologium Catoptrico-Gnomonicum è Sphæra Catoptrica
Verticali construere.*

Quemadmodum duabus præcedentibus propositionibus; ita hic ad horologij propositi delineationem sufficiet assignare locum, & situm instrumento tum Meridiano tum Verticali, ac Vicario conuenientem.

Itaque cum per 17 prop. (cuius figuram vide) in Sphæra Catoptrica Verticali axis Æquatoris sit SAR, & polus Antarcticus S, Arcticus autem R: axis instrumenti Meridiani collocandus est in eadem linea SAR, ita videlicet, vt versùs austrum in plano circuli Meridiani faciat cum Horizonte, ac supra ipsum, angulum vt SAC (qui hoc loco, ad quem constructa est Sphæra, est graduum 42) vel ad septentrionem (si ex illa parte collocetur) angulum sub Horizonte, & cum eodem, faciat vt RAB, grad. etiam 42.

Et cum per eandem 17, axis Horizontis sit DAE, & sit D Zenith; in linea DA collocandus est axis instrumenti Verticalis, ita vt cum Horizonte rectos angulos efficiat: quæ autem ulterius necessaria sunt ad hæc ipsa instrumenta collocanda, petantur ex prop. 37, 38, 40, 52, & 53.

Propositio LXXXI.

*Horologium Catoptrico-Gnomonicum è Sphæra Catoptrica
Meridiana construere.*

Huius horologij, sicut & aliorum Catoptricarum (de quibus hæcenus dictum est) delineatio ipsdem omnino instrumentis, videlicet Meridiano, & Verticali fiet; dummodo conueniens illis tribuatur situs: hic igitur nunc à nobis assignandus est: videatur autem figura prop. 18.

Organi Meridiani axis in linea KAL disponendus est; hæc enim per eandem 18, est axis Æquatoris locum suum naturalem non mutans, igitur dicti instrumenti axis in plano Meridiani faciet cum Horizonte ad partes quidem septentrionales supra Horizontem, angulum vt KAC, eleuationis poli; ad partes vero australes (si ita commodius fuerit) sub eodem Horizonte, angulum LAB æqualem angulo eleuationis poli. Videatur autem, quoad cætera necessaria, prop. 37, & 38.

Organi Verticalis axis ponendus est ad Horizontem rectus, in linea DA, hæc enim est axis Horizontis in ista Sphæra. Videantur, quoad cætera necessaria, prop. 40, 52, & 53.

Pro-

Propositio LXXXII.


Horologium Catoptrico-Gnomonicum omnibus suis instructum lineis, ac notis in superficie quavis candida parietis, fornicis, &c. nullis tamen in ea ductis penicillo notis aut lineis; præclaro spectaculo, ac nouo artificio, ad nutum statim depingere, idemque pro libito delere, iterumque depingere.

Hic operi perficiendo vtile esset speculum planum, præsertim eximæ magnitudinis; qualia principum scæminarum mundus habet fulgentissima crySTALLINA, vel etiam ænea, seu (vt vocant) chalybea: commodum quoque foret speculum conuexum; sed modò in magna latitudine parum intumesceret, & propius ad planitiem accederet; si nempe esset portio permagnæ Sphæræ: sed comperi speculum concauum, cæteris paribus, esse omnium commodissimum; Nam superficies eius ab concauitatem non se subtrahit vmbra Gnomonis quemadmodum conuexa; & nihilominus lucem in amplissimum orbem extendit, quod non præstat plana.

Paretur itaque speculum concauum fulgentissimum $ADBE$ Sphæricum (posset etiam parabolicum, vel quoduis aliud simile, sed Sphæricum efficere facilius est) & lignæ excavatæ basi vt FH bellè committatur, vt in situ horizontali statui commodè possit, cùm opportunum fuerit: addita etiam acu Magnetica, qualem vides in F , vt ea dirigente sub Meridiano componatur. Describatur autem in eius concaua superficie horologium, erecto stylo qui vmbra efficiat: sed tali arte conuenit stylum disponi; vt eius apex C , sit in aliquo puncto lineæ, quæ circularem speculi oram in duas æquales partes diuidit, tanquam ipsius diameter, vt AB : ea scilicet de causa, vt toto eo tempore, quo Sol supra Horizontem fuerit, possimus ad placitum horologio nostro Catoptrico gaudere: nam si styli apex altitudine dictam lineam superaret, vel non æquaret; vmbra eius non statim ipso exortu Solis in superficiem concauam caderet, & ab eadem recederet ante occubitum; vel è contrà.

Nunc negotium facessit horologij in concaua ista superficie delineatio; non enim caret difficultate, etiam si sit regularis ea superficies; siquidem circulorum horariorum, in superficie parabolica, aut elliptica, vel simili, sectiones; neque circuli erunt neque lineæ rectæ; & quamuis in superficie Sphærica sectiones circulorum maximorum sint necessariò circulares, (vt pote sectiones planorum & Sphæræ; tamen sectiones circulorum minorum, vt pote quæ in istis gnomonicis conicæ sunt, vt constat ex 15 primi huius) non possunt in speculo concauo Sphærico circumferentiam circuli efficere, nisi fortè speculum hemisphæricum esset, & styli verticem haberet in centro. Quia igitur longum foret geometricas leges tradere huius-





huiusmodi delineationum; necesse fuit hac in parte ad artem mechanicam confugere, quæ quidem perfacilis est, eademque praxim habet tutissimam; & sui secum demonstrationem affert.

Afferi plano, ut QP , duo similiter plani asserculi copulentur ad ipsum, quidem perpendiculares, inuicem autem paralleli: ex his asserculis vnum hic suo loco expressum cernis PS , asseris QP lateri PR adhærentem; opposito autem lateri TQ , qui hæreat, seorsim in \mathcal{A} expressus est; ut liberior pateret schematis area. Itaque in QP ducta recta GX æquidistante ipsi PR , & sumpto in ea quolibet puncto I ; figatur in I stylus IK , cuius vertex asserculorum supra QP altitudinem ut SR , seu ZO , adæquet. Ad styli autem IK longitudinem describatur in QP horologium Horizontale per ea quæ de Horizontali dicta sunt libro 2: & similiter ad longitudinem styli ut OK , siue ZI describatur in utroque asserculo videlicet PS , & altero huic opposito \mathcal{A} , horologium Meridianum, per ea quæ similiter de hoc horologio dicta sunt eodem libro 2, tum quoad lineas horarias tum quoad arcus Signorum, &c.

Postquam descriptum fuerit huiusmodi Meridian-Horizontale horologium, speculum $ADBE$ (simul cum FH basi, in qua conditum est) ita disponatur ut linea AB æquidistat ipsi GX (quæ est Meridiana) & ita firmiter statuatur, (asserere quodam plano acb utrunque pariter continente ac deferente) ut omnino situm non mutet, donec perfecta fuerit horologii in concava speculi superficie delineatio: eadem verò superficies leui penicillo perlinatur cerussa tenuissima, aqua tantum, & absque colophonio, aut oui albumine, macerata; quæ mox completa delineatione abstergenda penitus est; his ita comparatis postquam coaluit inductæ cerussæ crustula, accedendum ad Solem eiusque fulgentioribus radijs exponenda, est machina horographica (contans nimirum horologio ST , & speculo cum sua capsula FH , ac asserere acb) & inclinanda in hanc, atque illam partem, ut obseruatione diuersarum umbrarum, quæ ab umbroso utroque vertice K , & C pariter (ab illo quidem in planam QP , vel PS , vel \mathcal{A} ; ab isto autem in cerussatam speculi concauitatem) cadunt puncta horaria, ac deinceps integræ lineæ, in eodem speculo inueniri possint. Rem totam hoc exemplo facile aperio.

Lucente sole, quacunque diei hora, paratam horographicam machinam, ita dispo, ut à vertice K umbra cadat in M (quo puncto Meridianam GX , ex hypothese fecet Æquinoctialis NL) & simul diligenter noto punctum umbræ, quæ à vertice C in cerussatam speculi superficiem cadit, verbi gratia V ; nam V est in speculo punctum, in quo se Meridiana, & Æquinoctialis lineæ secabunt.

Deinde machinam moueo, donec umbra verticis K tangat punctum O (quod scilicet lineæ Horizontali SO , & Æquinoctiali LO commune est) & statim noto punctum E , quo ex hypothese circumferentiam speculi $ADBE$ ferit umbra verticis C , & ita iam habeo duo in speculo puncta

Et linea Equinoctialis: tertium verò, ut D, punctum obtinebo si machinam inuерtero, donec umbra Gnomonis IK, asserculum AE, qui in latere TQ esse intelligitur, feriat in puncto, quod puncto O, è regione respondet; ac demum per tria sic inuenta puncta D, V, E, lineam Equinoctialem tenui stylo in ipsa cerussa crusta, circino vel inflexa ductum regente, regula describam.

Pro reliquis arcubus Signorum non sufficient tria puncta, ut in Equinoctiali; quia illi, ut iam dixi, non sunt circulares; quapropter pro singulis arcubus plura puncta, verbi gratia, singulas communes eorum cum lineis horarijs sectiones, explicata iam umbrarum arte, annotabo; & per ea optatum quemlibet arcum, flexu quodam vniformi, & sine angulis delineabo.

Pari modo lineas horarias designabo, notatis priùs pro qualibet tribus punctis; hæ enim omnes sunt circulares, ut dixi; in primis linea Meridiana circumferentiam ADBE, simul cum recta AB, secant in punctis A & B; Equinoctialem verò secant in V puncto iam priùs inuento pro linea Equinoctiali: igitur arcus circuli per ea puncta, & per locum styli descriptus AVB, est linea Meridiana, in hac autem punctum reliquis omnibus horarijs commune, id est, centrum horologij Y, inueniam inclinando machinam, ita ut umbra styli IK incidat in X: cum enim tunc simul in Y cadat umbra verticis C, indicat ipsum Y esse centrum horologij, sicut & X; igitur per Y, & per reliqua, tum in Tropicis, tum in Equinoctiali, inuenta, horaria puncta lineæ ipsæ horariæ designandæ sunt.

Ita autem designandæ sunt in prædicta cerussa crustula, lineæ omnes, ut ipsa etiam cerussa stylo æqualiter ducto deradatur, lineæque in ea sic exaratæ resplendeant fulgore superficiei specularis resectæ: tunc verò subtili penicillo ipsis lineis ita exaratis inducatur opacus quidam color oleo temperatus, qui superficiei speculi adhæreat, & horarias lineas, aliasque, ut libuerit ad horologium pertinentes notas bellè distinguat deinceps non delendas: pari modo numeri horarij, & Signorum characteres, vel figuræ expressiores, lineares tamen, conuenientibus locis in ipsa cerussa exarari, & sic immediatè in superficie speculi depingi poterunt: numeri tamen, & characteres scribantur inuersi ob rationem, quam mox dicam.

His autem ita peractis reponatur conuenienti loco speculum iam à reliqua asserum machina reuulsum, donec pictæ lineæ numerique &c. siccescant: ac tum sumpta spongia, & aqua, detergatur cerussa, & suus speculo reddatur fulgor, solis in eo remanentibus lineis numerisque &c. pictis. Qui lineas horarias, in speculo mallet exaratas quam pictas, poterit ante cerussam adhibere ceram, aut ut vocant vernicem, & omnibus, ut dictum est; cuspidè styli descriptis, fortem aquam injicere. Et ita demum paratum erit speculum ad propositum horologium Catoptricum delineandum; quod quidem nullo labore fiet: nam si speculum ad fenestram Soli expositum ita collocetur, ut eius extima ora ADBE Horizonti æquidistet, & li-

nea A V B fit in plano circuli Meridiani ; Gnomon C conuenientem in horologium intra speculi superficiem umbram emittet , solares verò radij dum à speculo ipso reflexi interioris camerae parietes , ac testudinem illustrabunt , depingent simul in eis totam horologij , quod in speculo est , delineationem , & Gnomonem ipsum eiusque umbram ; ibidemque horam , & Signum Zodiaci , &c. ostendet umbra , prout hanc , vel illam horæ siue Signi , &c. lineam tetigerit , & numeri , itemque characteres , qui in speculo , vt dictum est , situ euerſo scripti sunt , recti apparebunt propter reflexionem , qua fit , vt quæ sinistra sunt , recta fiant ; item quæ summa , ima , &c. quod quidem faciliè intelliget , qui ad naturam huius reflexionis attendet.

Corollarium.

Qua Methodo horologium intra concavam speculi superficiem delineatum est ; eadem potest delineari in quauis alia & quomodocunque disposita superficie , etiam irregulari , seruata proportione : imò horologia , quæ in superficies murales transferantur , eadem arte designari possunt ; dummodo in hac , quam dixi , horographica machina , collocetur cum proprio Gnomone tabella , quæ planum murale cum Gnomone eidem infixio referat : collocetur , inquam , tali modo , vt cum plano horizontalis horologij Q P , & cum linea eius Meridiana G X (seu cum alia ipsi parallela) angulos efficiat , quos murus efficit cum Horizonte , & cum communi eius ac meridiani sectione .

Cæterum hæc machina præter horologium Horizontale in plano Q P , habet etiam duo Meridiana , orientale scilicet in plano P S , & occidentale in alio simili ex parte T Q ; idque ad vsum & communio rem & certio rem communiore m quidem , quia sic deseruit quorumcunque , & quomodocunque dispositorum horologiorum delineationi : certio rem verò quia si haberet vnum solummodo horologium , vt Horizõtale , vel quodlibet aliud planum ; error faciliè posset committi , dum umbra in partes eius , à stylo remotissimas obliqua ferretur ; quia tunc difficile est extremum umbræ punctum dignoscere : huic verò periculo occurritur , dum umbra utcunque longior in planum aliud , verbi gratia P S , minùs obliqua cadit , quàm caderet in planum ipsum Q P .

Laudarem si quis machinam construeret , non ex triplici iam dicto horologio ; sed ex vno hemisphærico habente Gnomonem in centro : quia in hac figura longè facillima , & certissima est descriptio tum linearum horariarum , tum præcipuè arcuum Zodiaci , qui non exiguam in plano habent difficultatem ; quamuis illam nos instrumentis nostris superauerimus , tum secundo libro , tum etiam isto tertio .


*De Sphæra Catoptrica Vaga, & horario Gnomonico
ex ea delineando.*

VAgam Catoptricam Sphæram voco eam, quæ (seruata proportione aliarum de quibus *prop. 15*, &c. actum est) constat reflexione speculi præsertim plani in centro mobilis, non quidem incerto motu (sic enim non faceret opus artis) sed circa datum axem, vel axes constanter deducto.

Perspicere potes mi Lector, quàm multa, & quàm varia sint horariorum Catoptricarum genera: nam non solum variantur secundum situm planorum, ut ideo aliud sit Horizontale, aliud Verticale, &c. ut dictum est *lib. 1 prop. 6*; vel etiam secundum diuersitatem superficierum, ut ideo aliud sit planum, aliud cylindricum &c. ut *eadem propof.* habetur: sed præcipuè secundum Sphærarum Catoptricarum, ex quibus fiunt, differentias; nam è Sphæra Horizontali, verbi gratia, construi potest Catoptricum horologium planum Horizontale, Verticale rectum, declinans, inclinatum, mixtum; potest & cylindricum, conicum, Sphæricum ellipticum, hyperbolicum &c. potest & irregulare infinitis modis. Et ita de singulis alijs Catoptricis Sphæris, inter quas præcipuè quidem sunt quinque illæ, videlicet Polaris, Æquinoctialis, Verticalis &c. à me constructæ à *prop. 15*, & deinceps, ad quarum tamen similitudinem aliæ construi possunt innumeræ; ut ad similitudinem Verticalis, innumeræ Verticales declinantes; ad similitudinem Polaris, innumeratæ quarum inclinatio sit septentrionalis; ad similitudinem Æquinoctialis innumeræ quarum inclinatio sit australis; atque insuper ex his duabus innumeræ mixtæ declinantes, & simul inclinatæ: cum nullus sit in Sphæra circulus maximus, in cuius plano, & centro non possit planum speculum collocari, & inde aliorum circulorum reflexiones efficere, ut explicatum est *lib. 1 prop. 18*, & 21.

Illis verò omissis, velut nihil iam habentibus, quod specialem contineat difficultatem, venio ad alia, non minus iucunda, & pariter in suo genere multiplicia, quæ è varijs Catoptricis Sphæris construuntur: quæ cum, ut dixi Gnomonem (seu speculum) habeant vno, vel pluribus motibus, certa lege mobilem, atque versatilem; id simul habent specialis commodi quòd facultatem Horographo tribuunt liberiùs eligendi locum, qui in interioris cameræ parietibus, vel testudine, vel etiam pauimento, catoptricæ delineationi magis conuenire visus fuerit, aut aliàs magis placuerit, istiusmodi autem horariorum, ego quidem duo solum genera proferam: sed alia plurima quilibet suo marte excogitare faciliè poterit seruatis istis, cum proportione, legibus.





Propositio LXXXIII.

Speculo circa Aequatoris axem versatili horarium Catoptrico-Gnomonicum construere.

DVobis modis inuerti potest motu circulari super Aequatoris axe speculum planum debere libratum; primò quidem ita ut continuè fiat perpendicularare ad circulum maximum per Aequatoris polos incidentem, hunc illum, in quo successu temporis, Sol versatur. Secundo ita ut continuè etiam fiat perpendicularare, non ad dictum circulum; in quo est Sol, sed ad alium similem ab eo distantem, dato aliquo graduum interuallo. Primo modo, vix erit utilis horarij delineatio: quia radius tempore quidem æquinoctiorum incidens per angulum rectum, reflectetur in se ipsum; & sic minimè intra horarium cadet; reliquo verò anni tempore, vix intra cadet; quia dictus incidentiæ angulus non multum à recto discrepabit. Secundo verò modo utile erit, imò utilissimum & pulcherrimum horarium: cuius describendi practicæ leges, ac simul theoreticæ, istæ sunt. Vaga ista Sphæra (cuius, quod in centro est speculum, vno tantum circa Aequatoris axem motu continuo vertitur) conuenit omnino cum Sphæra Polari; de qua *prop. 15*, tum quoad Aequatorem, & circulos omnes; qui ipsi vel æquidistant, vel perpendiculares sunt; tum quoad alios, ut ipse perpetuus speculi situs ostendit; semper enim speculum est in plano circuli alicuius, qui per polos Aequatoris incedat. Igitur tam ipse Aequator, & arcus Zodiaci; & paralleli regionum, & parallelus omnium semper apparentium maximus, &c. necnon lineæ horarum Astronomicarum, ac Meridiani regionum; quàm cæteri delineandi sunt, sicut *prop. 78*; nec aliud inter vtranque delineationem discrimen est obseruandum, quàm loci in quo iuxta hanc apparentiam ponendus est Meridianus, aliique omnes Aequatori non æquidistantes. Nam licet illi in hac & in Polari Sphæra, eundem planè absque vllò discrimine situm habeant tum ad inuicem, tum respectu Aequatoris; non tamen respectu Horizontis veri: sed diuersum habent prout diuersa assumitur speculi ad circulum horarium, in quo est Sol, inclinatio. Quod quidem faciliùs exponi posse non putauì, quàm in exemplo: ipsum autem exemplum statim proponam; postquam explicuero constructionem instrumenti, quo libratum ac dicto modo versatile speculum sustineatur.

Primo fiat è chalybe aut ære fusili basis quadrata $C a B$, cui ex ipsamet adnatum adhæreat pedamentum $a b$ quadrangulum, rectum, in imo bifidum, ac reduncum, muro vel saxo ad fenestræ marginem pro loci commoditate excauato committendum, & infuso gypso plumboe firmiter implicandum. Deinde ipsi basi bellè impositum optimo ferrumine co-

puletur instrumentum orichalceum $AC\mathcal{A}EB$ ita fabrefactum vt superior ipsius plana superficies $A\mathcal{A}EB$ ad imam similiter planam $C\mathcal{A}EB$ (quæ prædictæ basi congruit) inclinata sit angulo eleuationis poli $C\mathcal{A}A$: eidem verò sic inclinatæ superfici ei $A\mathcal{A}EB$ perpendicularia assurgant hincinde latera duo sinuata $\mathcal{A}EB$, & AD , geminis directis in E , & in D foraminibus complectentia compares axes teretes capitulis bellè retusis confirmatos; quibus orichalcea, rotunda, ansata pyxidicula versatilis, librata teneatur; ipsius verò pyxidiculae cavitatem summa circulari ora ced O tenus expleat optimè agglutinatum, vt *prop.* 35 dictum est, speculum crystallinum cuius plana superior superficies per vtriusque cardinis centrum, seu per rectam cd (quæ sit linea axis) æqualiter incedat.

Construatur postmodum aliud etiam ex orichalco instrumentum, quod ex vno latere pyxidis, atque ad ipsam perpendiculariter erectum attollat annulum, vt $I\mathcal{f}KL$, simulque pinnulam, vt G , ad ipsam annulum inclinatam, inclinationis angulo mox dicendo: ex altero autem latere, attollat etiam regulam He , cum pinnula F , quæ pinnulæ G parallela sit, vt ambæ simul aduersis foraminulis radium solarem, vt GF , liberè transmissum admittant: ipsa autem regula He , pinnulaque F , simul cum opposita pinnula & annulo $I\mathcal{f}KL$, connectat in LH sub pyxide lamina circularis ipsique pyxidi æqualis, aut ferè æqualis, habens in centro foramen cui committi possit clauulus teres, seu cardo eidem pyxidi directè sub centro N , ferrumine copulatus; ita vt circa eum in circuitu pyxidis moueri æqualiter possit tam annulus, quàm regula, cum pinnulis. Hæc verò, id est annulum $I\mathcal{f}KL$, regulam He , laminam LH vtrique perpendiculari, ac pinnulas G, F , vt inuicem coniuncta sunt; seorsim expressa vides ad Signum 2.

Præterea ducta recta Oe , quæ ipsam cd ad angulos rectos in speculi centro N secet, describatur in latere deuexo pyxidis, Zodiacus collocata linea Æquinoctiali ad punctum, quo ipsam pyxidis oram extremam secat eadem Oe ex parte e , cui & fiduciale congruit latus regulæ He . Ex vtraque verò parte lineæ Æquinoctialis, disponantur cætera Signa secundum proprias ipsorum declinationes. Annulus seu armilla $I\mathcal{f}KL$ interioris peripheriæ diametrum Of æqualem habeat exterioris peripheriæ pyxidis diametro Oe , & pinnula F in regula He tanto spatio supra speculi planitiem, attollatur, quanto in armilla $I\mathcal{f}KL$ supra fattollitur pinnula G , vt videlicet per vtriusque foraminulum radius GF , incedat æquidistans rectæ lineæ MN transeunti per centrum tum armillæ tum speculi, & vt liberiùs dictus radius ea foramina peruadat; inclinentur ambæ pinnulæ G quidem ad armillam; F autem ad regulam He angulo obtuso 135 graduum; sic enim fiet, vt sint ambæ perpendiculares ad ipsum radium GF , qui sicut recta MN ipsi æquidistans inclinatus est ad cde O speculum, angulo graduum 45: tantus enim est per constructionem angulus ONM , cum sint NO, OM inuicem & æquales, & perpendiculares.

Totum

Totum hoc instrumentum debite constructum, ita disponi debet, ut pars D polum Arcticum respiciat, pars verò E Antarcticum, & recta D c d E æquidistet axi mundi: quomodo autem id fieri certò possit, commodius dicam in alio simili *prop. 120*.

Circa ipsum verò instrumentum iam ex hypothesi debite collocatum, propositam Sphæram vagam construamus, ut ea constructa theoriam habeamus horarij delineandi. Quia itaque speculi recta linea c d, est ut supponitur ea linea, circa quam immotam speculum ipsum vertitur; & eadem linea æquidistet axi mundi; cogitemus per 12 primi huius eandem lineam c d non æquidistare; sed reuera congruere axi mundi, qui sit S T; ista ut S, polus Arcticus, T verò sit Antarcticus: eandem verò S T ad angulos rectos secet in speculi centro N recta V P incedens etiam per M centrum armillæ I f K L, sitque ipsa V P communis sectio Æquatoris, & circuli horæ sextæ à merid. & à med. nocte S V T P; & semicirculus Æquatoris sit VRP, Meridiani autem S R T, ac vtriusque communis sectio N R. Secet præterea Æquator speculum in e O, & armillam in O f. His positis erit angulus R N P rectus, eumque si bifariam diuidat recta N Q, erit P N Q angulus grad. 45 æqualis angulo O N M; & consequenter angulus O N Q erit rectus: & quia insuper recta Q N est in plano Æquatoris, qui per constructionem, ad speculum rectus est; erit eadem Q N ad speculum recta: igitur per definit. 6 huius, ipse Æquator V R P erit superficies reflexionis, & N Q axis reflexionis.

Nunc si Sol in P luceat, & radius incidens sit P N; erit P N Q angulus incidentiæ: & quia ipsi P N Q ex prædictis, æqualis est angulus R N Q, erit hic necessariò angulus reflexionis: igitur radius reflexus erit N R: ergo punctum P reflexè appareat in R; & idem punctum R quod in Sphæra naturali est, ex dictis, commune punctum Æquatoris & circuli Meridiani, erit in hac Sphæra Catoptrica commune punctum eiusdem Æquatoris & circuli horæ sextæ; qui consequenter apparebit in S R T loco Meridiani veri. Similiter si Sol in R existat; & speculum circa immotam c d conuertatur, donec N M cum N R radio incidente congruat; radius reflexus propter rationem iam factam cadet in V; sicut enim incidens P N, & reflexus N R angulum rectum P N R, ita incidens R N cum N V reflexo angulum rectum continebunt, est autem R N V rectus per constructionem, cum V R sit quadrans circuli sicut P R. Igitur R, id est, punctum veri Meridiani, & Æquatoris commune, appareat in V: & ex hoc sequitur circulum S V T P (qui est verus horæ sextæ circulus) esse apparentem Meridianum. Circulus autem Æquator idem est verus, & apparens P R V, ex antea dictis; unde in hac Sphæra erit N V communis sectio Æquatoris, & Meridiani: atque adeo si arcus S g sumatur æqualis complemento eleuationis poli, erit g verum Zenith; quod quidem reflexè apparebit in Z; posito quòd residuo arcui g V æqualis sumatur V Z: sic enim angulus reflexionis Z N V, erit æqualis angulo incidentiæ g N V. Zenith itaque apparente in

Z: Na-

Z: Nadir apparebit in *b* puncto Meridiani diametraliter opposito; eritque ZR *b* semicirculus Verticalis ad Meridianum SVTP recti. Si deum utriusque circulo videlicet SVTP Meridiano, & ZR *b* Verticali perpendicularis fiat XRY semicirculus, erit hic semicirculus apparens Horizontis. Reliquos circulos omitto cum iam facillimum sit, istis debite dispositis, eos etiam conuenienter disponere.

Hinc iam constat; quod initio dicebam, horarium propositum delineandum esse eodem prorsus modo, quo *propof. 78* dictum est pro horario à Sphæra Polari, quantum ad lineas, quæ organo Meridiani mobilis designantur; cum hoc discrimine, quod circulo Meridiano in locum circuli horæ sextæ reflexè translato, & alijs similiter deinceps translatis horarum Astronomicarum circulis; numeri horarum pari modo transferendi sunt. At verò quantum ad lineas, quæ organo Verticalis mobilis designantur; cum iam in Z habeamus Zenith apparens, erit ZN *b* axis horizontis XRY: adeoque ita collocandum erit organum Verticalis mobilis, ut eius centrum sit in N; cardines verò, & axis in recta ZN. Quomodo autem hæ lineæ dictis instrumentis designentur, satis dictum est in eorum usu gnomonico, nec est opus hic repetere.

Supereft ut explicem quomodo horam, aliaque similia, in hoc horario reflexus radius ostendat; est autem hic modus. Collocata ac firmata tota machina D*b* in situ debito, ut antea dictum est, moueatur armilla I*f* KL; cum annexa regula H*e*, & pinnulis G, F; moueatur, inquam, circa axem; quem posui directè sub puncto N in fundo pyxidis; & ita moueatur, ut regulæ H*e* latus anterius (quod est versus *e*, estque fiduciale) conueniat gradui Signi Zodiaci in quo est Sol: & armilla simul cum pinnulis in eo positu firmatis (quod fiet adacta subtus cochleola vel aliter) ipsum speculum cum sua pyxide simulque armilla & pinnulis, moueatur circa immotam axis *cd* lineam; donec Solis radius per pinnulam G transmissus in foraminulum pinnulæ F cadat; sic enim speculum angulo graduum 45 inclinatum erit ad solares radios; qui confertim per apertam armillam in

ipsum se se effundent; vnde & eosdem reflectet angulo reflexionis graduum 45: illi verò sic reflexi in lineis horarijs

horam; in Signorum arcubus locum solis in Zodia-

co &c. fideliter demonstrabunt. Et ita hora-


rium Catoptrico-Gnomonicum speculo


circa Aequatoris axem versatili

contruximus. Quod

fuit propo-

tum.





Propositio LXXXIV.

Horarium Catoptrico-Gnomonicum delineare speculo Versatili circa axem tum Horizontis, tum simul cuiuslibet circuli Verticalis, in quo fuerit Sol.

Supponamus ut in præcedenti propositione speculum planum pyxidiculæ AB ansata inclusum, & libratum ita ut recta CD in eius superficie existens, & per centra cardinum incedens, Horizonti æquidistet: angulos verò rectos efficiat, & cum utraque hinc inde sustentante regula FH, & GL, & præcipuè cum inferiori scapo MO cylindrico, semipedali; ab M in N digitalem habente crassitiem; inde autem versùs O in graciliorem cylindricum desinente, ac in annulos P & R inferendo, ita ut eos impleat & in eis immotis verti liberè possit: annulorum verò radices QS in murum ex latere depactæ ad fenestræ marginem, gypso ingesto firmentur tali arte, ut scapus MO, seu linea quæ in ipsius medio, axis eius est, cum axe Horizontis congruat; & superiori quidem annulo Prorulus M, inferiori autem R innitatur æquata, ac torno derafa in N, basis.

Uterque in CF, & DG cardo, utriusque regulæ FH & GL compar circulare foramen impleat cylindricus, ansulis verò pyxidiculæ in C, & in D, ferrumine copulatus adhærescat: cardine autem CF utrinque cum regulæ, ansulæque planitie coæquato; cardo DG citra regulam GL quadratus, ut E promineat, illumque orichalcea lamina GT quadrato compari foramine complectatur, & traiectionis clauuli retinaculo, vel alio modo firmiter ad angulos rectos teneat hac arte, & lege; speculo ad Horizontem constituto parallelos (ut perpendicularare sit ad axem scapi MO) recta AB ipsam CD angulos rectos secet in ipsius speculi centro, tum intelligatur planum quoddam incedere per dictam AB, & per axem scapi MO (hoc planum consequenter cum speculi plano rectos angulos efficiet) cui plano æquidistare etiam intelligatur circuli quadrans VX centrum habens prope E, in linea CD producta, siue in axe cardinis DE; latus verò EX Horizonti, & latus EV axi Horizontis parallelum; linea verò fiducialis, quæ est in mediolamina GT præcisè conueniat gradui 45 dicti quadrantis VX.

Præterea eidem laminæ gemina ad angulos rectos copulata, geminifque ad latus foraminulis, & a linea fiduciæ æqualiter hinc inde distantibus peruia pinnacidia emineant in Y & Z, quibus radij solares excipiantur: hæc itaque lamina, seu, ut vocant dioptra, dicto modo comparata, temonis loco erit, regetque speculi motum, cum opus fuerit eo uti in proposito horario: nam ea circumducta, cardo DE simul mouebitur circa immotam rectam CDE: & quia ex dictis idem cardo ferrumine copulatus est ansulæ D, eam simul, totamque pyxidem, ac speculum pari motu secum trahet;

trahet; & quia (vt ex prædicta dispositione quadrantis, & speculi simul, constat) eiusdem dioptræ linea fiducialis cum speculi plano angulum efficit graduum 45; æquidistat autem plano, quod speculum ipsum in recta A B orthogonaliter secat: sequitur fore, vt quoties radij solares è pinnula Y in Z translati per opposita ipsarum foramina conuenienter incedent, lineæ fiduciali E T æquidistantes, toties qui in speculum ipsum incident radij, angulum incidentiæ cum eodem efficiant graduum 45; & toties etiam idem speculum sit perpendiculare ad eum circulum Verticalem, in quo est Sol, qui videlicet circulus per rectam A B, & per axem scapi M O incedet, cuius etiam proprius axis congruet cum recta C D.

Speculo igitur ita librato ac disposito duplex conuenit motus, alter quidem circa axem M O vt continuè constituatur ad angulos rectos cum circulo Verticali, in quo fuerit Sol; alter verò circa axem C D, vt ad solarem incidentem radium continuè inclinetur angulo graduum 45. Hoc autem utroque speculi motu, & reflexione inde consequente, talis resultat Sphæra apparens vaga, vt facilius sit eam concipere mente, quam exprimere lineis; nam circulis Verticalibus loca propria naturalia retinentibus *per 2. huius*; soli Almucantarath, cum dictis Verticalibus formam circularem obseruant; ordinem tamen & situm naturalem amittunt; ita vt qui viciniore sunt puncto Zenith, in locum Horizonti viciniorem cedant; imò quod mirum videbitur, ipsum Zenith punctum in circulum maximum Horizontem vertatur, & ipse totus Horizon in vno puncto Zenith veri appareat: vnde quorumcunque circulorum communes cum Horizonte, sectiones in vnum reflexè contrahuntur punctum, quod est Zenith verum: cuius rei ratio clarè perspicitur, si attendatur angulum reflexionis, vt & incidentiæ in hac hypothesi esse semper graduum 45; ex hoc enim sequitur angulum radio incidente & reflexo inuicem comparatis comprehensum esse rectum: quapropter ex quocunque Horizontis puncto radius incidat, semper in Zenith cauet reflexus; ac proinde in Zenith totus apparebit Horizon; & vice versa, in quocunque circulo Verticali collocetur speculum, motu qui fit circa axem M O; radius qui à Zenith inciderit cadet in Horizontis punctum, quod eidem Horizonti, & circulo Verticali speculum ad angulos rectos secanti commune est.

Atque hinc poterit sapiens Lector agnoscere, seruata proportionem, quam formam & situm habere debeant in vaga ista. Sphæra reliqui circuli tum maximi, tum alij, de quibus in particulari nihil modò dicam, ne sim nimius.

Horarium ex ista Sphæra construatur solius instrumenti Verticalis beneficio: eius autem instrumenti pro hac Sphæra situs idem est qui pro Sphæra Horizontali; vnde quæ ad illud practicè disponendum, necessaria sunt, peti poterunt ex *prop. 40*; quæ verò ad ipsam linearum horariarum descriptionem attinent, breuiter hìc explico.

Verticales circuli describentur vt *prop. 62*: Horizon verò cum ipsius parallelis

parallelis seu circulis Almucantarath vt *propof. 61* : intereft tamen ordinis, qui in his effe debet ; nam folo Almucantarath quadragefimo quinto locum fuum retinente , ceteri qui proximiores funt puncto Zenith , poni debent proximiores Horizonti ; ita vt quemadmodum iam dixi , Horizon apparens fit in vero Zenith , & e contra.

Reliquæ lineæ defcribentur mediantibus tabulis ; vt lineæ horariæ Aftronomicae mediante tabula indicante quanta fupra Horizontem fit eleuatio circulorum horariorum à meridie & à media nocte in fingulis faltem denis Verticalibus : & arcus Signorum Zodiaci defcribentur mediante alia tabula indicante fimiliter quæ fit eleuatio tum Aequatoris tum parallelorum Signorum in fingulis etiam denis Verticalibus ; & fic de alijs : ita vt totius constructionis horarij fundamentum fit fola Verticalium , & Almucantarath ftructura , vt pote cùm illi foli , vt dictum eft , retineant circula-rem figuram ; vnde ceteri cùm à circuli forma defleant ; per certa pun-

Tabula continens circulos tum Azimuth , tum Almucantarath per quorum communes fectiones incedunt horarij à meridie & à media nocte , ad poli eleuat. grad. 42.

Horæ	à meridie						
	1	2	3	4	5	6	7
	à med. noct.						
	11	10	9	8	7	6	5
G. M. G. M. G. M. G. M. G. M. G. M. G. M.							
Azimuth.							
Almucant.							
Azimuth.							
Almucant.							
Azimuth.							
Almucant.							
Azimuth.							
Almucant.							
Azimuth.							
Almucant.							
Azimuth.							
Almucant.							

*Tabula continens circulos tum Azimuth, tum Almucantarab,
per quorum communes sectiones Equator
ac duo Tropici incedunt, ad poli
elevat. grad. 42.*

	☐	☐	☐
	G. M.	G. M.	G. M.
	B.	P.	A.
Azimuth.	30 0		40 0
Almucant.	2 28	0 06	20
	B.	A.	A.
Azimuth.	20 0	10 0	50 0
Almucant.	13 5	11 0	13 28
	B.	A.	A.
Azimuth.	10 0	20 0	60 0
Almucant.	25 0	20 55	18 30
	P.	A.	A.
Azimuth.		30 0	70 0
Almucant.	36 35	29 10	21 52
	A.	A.	A.
Azimuth.	10 0	40 0	80 0
Almucant.	46 55	35 35	23 50
	A.	A.	A.
Azimuth.	20 0	50 0	90 0
Almucant.	54 52	40 30	24 30
	A.	A.	
Azimuth.	30 0	60 0	
Almucant.	60 30	44 0	
	A.	A.	
Azimuth.	40 0	70 0	
Almucant.	64 32	46 28	
	A.	A.	
Azimuth.	50 0	80 0	
Almucant.	67 30	47 45	
	A.	A.	
Azimuth.	60 0	90 0	
Almucant.	69 25	48 0	
	A.		
Azimuth.	70 0		
Almucant.	70 40		
	A.		
Azimuth.	80 0		
Almucant.	71 20		
	A.		
Azimuth.	90 0		
Almucant.	71 30		

cta, indicio tabularum inuenta delineandi sunt ductu, quantum fieri poterit, æquali & minimè anguloso.

In his tabulis aliqua fortè deerunt, vel redundabunt minutula, quia illas non ad calculum exegi, sed, ob temporis penuriam, collegi ex Astrolabio Stofferini accuratissimè delineato, & tantæ magnitudinis, ut circulos quidem Almucantarath singulis, Verticales autem binis quibusque gradibus respondentes contineat. Præterea in prima tabula non curavi ponere partes dictorum circulorum horariorum, quæ extra Zodiacum sunt; sufficiunt enim quæ intra Zodiacum cadunt. Azimuthi verò, seu Verticales, alij sunt australes alij boreales, id est alij Horizontem secant inter Verticalem primarium, & meridiem: alij inter eundem Verticalem primarium, & septentrionem: & istos quidem in vtraque tabula designat littera B: illos autem littera A; sicut ipsum Verticalem primarium designat littera P.

His similes alias tabulas pro horis ab occasu vel ab ortu, ac Inæqualibus, itemque pro lineis Signorum ascendentium, pro cœlestibus domicilijs, &c. sibi quisque ex Astrolabio; vel calculo poterit comparare; unde in his non immoror. Huiusmodi verò tabularum indicio, & adminiculo organi Verticalis, ut dictum est, horologium ex ista vaga Sphæra delineare facillè erit in quavis, & quomodocunque disposita superficie: dabo tamen huius delineationis exiguum istud specimen in plano, ut suppono Horizontali inferiori, ut laqueari, designatum non iam quidem ope instrumenti Verticalis, ob paruitatem horariorum, sed hoc modo qui in idem recidit.

Describatur circulus CTDV, & in quatuor quadrantes diuidatur ductis TV, CD, diametris ad angulos rectos in centro E se interfecantibus: ac deinde quadrantes ut fieri solet diuidantur in gradus 90; designenturque ad singulos gradus diametri saltem lineis occultis; cæterum hæ diametri erunt communes sectiones plani Horizontalis, & circulorum Verticalium, E verò erit Zenith; & circulus CTDV vnus è circulis Almucantarath, loco Horizontis ad graduum distinctionem per Verticalibus inueniendis. Deinde sumpta longitudine Gnomonis Catoptrici ut XY seorsim describatur centro Y, interuallo YX, quadrans XÆ, & eo in gradus 90 diuiso, rectisque occultis per singulos à centro ductis, ut YZ, &c. eorundem degradata interualla distinguantur in tangente XZ. Denique iuxta descriptos in tabulis numeros Almucantarath; interualla numeratorum graduum circino aperto accipiantur in tangente XZ, & in Azimutos (in iisdem tabulis pariter præscriptos) ex E communi omnium puncto transferantur, notatis diligenter ipsa translatione punctis, per quæ flexu vniformi sine angulis designentur lineæ tum horariæ, tum Signorum.

Sit hoc exemplum pro parallelo Cancris; in tabula secunda sub σ sic habetur, Azimuth G. 90, A. min. 0. Almucant. G. 71 min. 30. sumantur itaque in XZ, ab X versus Z gradus 71 min. 30 aperto ad eorum interuallum circino; & eodem sic aperto transferantur ab E versus T in Verticalem.



lem 90, ad partes horologij australes, siue in lineam Meridianam: posito scilicet pede fixo in E, alterius cuspide mobili secetur E T in A; eritque A punctum parallelo Cancrī & verticali 90, id est, Meridiano commune: & ita de alijs.

In hoc horario parallelus Cancrī est arcus A P E cum alio huic opposito: Æquinoctialis H K E I: Capricornus similitudinem habet oui L M E N: circulus horæ sextæ à merid. & à med. nocte est E F B G: & polus Arcticus est B: linea horæ primæ à meridie est O K M E; & ita de reliquis, quas sufficiet ducere à Cancro vsque in Capricornum; cū extra illos radius Solis cadere nequeat. Ego tamen eas vsque in E perduxī imò circulum horæ 6, & alios duos E Q B pro 7, ac E R B pro 5 integros delineauī, vsque ad polum B; vt rei nouæ, & ea solū de causā, difficili quantum possem lucis afferrem.


Denique, sicut non semel dixi, punctum E est apparens Horizon in hoc horario; re tamen vera E est Zenith; & sub eo in linea perpendiculari collocandum est speculi centrum; eiusque ab eodem puncto E distantia, æqualis esse debet rectæ Y X; situs autem horologij iste esse debet:

T Septentrionem respiciat, V meridiem, & recta T V existente sub Meridiano, planum horarij æquidistet Horizonti; speculum autem disponatur firmeturque;
& cū ad vsum venietur circa duos illos axes,
moueatur; affixa dioptra motum eius
& inclinationem regente,
vt supra dictum est.





De Guerin sculp.



467

SPECVLI CYLINDRICI AD REM GNOMONICAM TRANSLATI, MIRABILES PROPRIETATES,

Explicantur tum theoreticè ; tum
practicè .

P R A E F A T I O .




PROPRIETATES speculi cylindrici hic ego solum eas pertractare propono, quae pertinent ad arcana reflexionis Gnomonica, id est (quod mei est instituti) reflexionis radiorum solarium factae à speculo cylindrico Gnomonis subeunte vices; nam ceteras quidem proprietates ita diffusè, ac dilucidè pertractant Albazen lib. 4, 5, & 6; Vitellio lib. 7, & 9; alijque: ut de illis nunc dicere non solum extra propositum esse existimem; sed etiam omnino superfluum. Vt verò, quae ad propositam theoriam spectant compendio maiori absolvam, solum de conuexis speculis cylindricis agam, tum quia in hoc negotio concava parum utilitatis habent; tum etiam quia quae de conuexis (quod ad rem nostram pertinet) dicta fuerint, seruata proportione de concavis dici queunt, ut facile intelligitur ex natura huiusmodi speculorum. Quidquid autem de cylindris ipsis conuexis dicam; intelligendum est de rectis; nam de scalenis nihil dicam. Adderem etiam libenter aliqua de speculo conico ad rem Gnomonicam similiter transferendo, sed cum ea quae illi propria sunt accuratius perpendissem, comperi utilitatis, vel oblectamenti non certè multum illi inesse; decreuique pauculas istas mihi nunc raptim concessas horas, alijs magis necessarijs scribendis, vtilius impendere.



Propositio LXXXV.

In omni reflexione cylindrica, axis reflexionis, intra speculum productus, per axem speculi incedit ad eundem rectus.

Sit speculi cylindrici AB punctum quodcunque E , in quod radius cadat vndeunque; & sit speculi axis CD , axis verò reflexionis in puncto E erectus EM . Dico ipsum EM productum intra speculum transire, per eius axem CD ; atque ad eundem esse perpendicularem. Sit enim linea longitudinis FG per E punctum incidentiæ ducta, & vtriusque basis peripheriam in F, G , secans: & quia per 6 postulatum, quælibet huiusmodi linea æquiualeat speculo plano cylindricum in ipsa tangenti; sit planum speculum HI tangens in FG cylindricum AB ; iunganturque FC, GD : sic erit parallelogrammum GC perpendiculare ad HI . Deinde sit $KE L$ communis sectio plani HI , & superficiæ reflexionis cuiuscunque, per E punctum incidentiæ, incedentis; & quia per 2 postul. superficiæ reflexionis est ad speculum recta; axis verò reflexionis per definit. 7 rectus est ad KEL : sequitur axem reflexionis EM , in puncto E erectum, esse ad planum HI perpendicularem. Et quia idem EM ,



si intra cylindrum versùs N producat; erit in plano GC ; vtpote communis sectio illius & superficiæ reflexionis pariter productæ; consequenter transibit simul cum eodem GC per axem cylindri CD : & quidem ad eundem rectus; cum ex demonstratis, rectus sit ad HI , cui per constructionem, æquidistat CD . Idem autem simili modo ostendi potest de quocunque, alio axe reflexionis. Igitur in omni reflexione cylindrica, axis reflexionis &c. Quod fuit demonstrandum.

Corollarium.


Hinc patet, dato quouis puncto incidentiæ in superficie speculi cylindrici, posse in axe eiusdem inueniri punctum, quo eum secat axis reflexionis in eo puncto incidentiæ erectus: vt dato puncto incidentiæ E demittatur ex E ad basim perpendicularis, seu axi DC parallela linea longitudinis EG , secans basim in G ; & ipsi EG sumatur æqualis ND in axe CD ; eritque N , punctum in quo axis reflexionis, in puncto E erectus ME , axem speculi secabit productus.

Pro-

Propositio LXXXVI.

Si fiat reflexio à quocunque puncto sectionis speculi cylindrici, quæ basi eiusdem æquidistet; axis reflexionis, intra speculum productus; per centrum sectionis incedit,

SIt speculi cylindrici AB, sectio FHEK, basi LIBM æquidistans cuius diameter FE, axem speculi CD secet in G, quod punctum consequenter erit centrum sectionis, seu circuli FHEK. Sumatur autem in circumferentia FHEK punctum quodcunque H, à quo reflexio fiat: dico axem reflexionis in puncto H erectum, vt HN, si intra speculum producatur; transire per G. Quia enim NH productus incedit per CD, ad ipsum rectus per præcedentem; sequitur eundem NH ita productum, & esse necessario in superficie plana circuli FHEK; & in eodem cum ipsa puncto secare axem CD: id autem punctum per constructionem est G. Igitur &c. potest verò idem similiter de quocunque alio similis reflexionis axe demonstrari. Igitur si fiat reflexio à quocunque puncto, &c. Quod fuit demonstrandum.



Corollarium.


SI in Sphæra circulus maximus intelligatur facere in speculo cylindrico sectionem basi parallelam; axis reflexionis erectus in aliquo sectionis puncto, erit necessario in plano ipsius circuli maximi; cum ex hypothesi incedat per sectionem; & ex demonstratis per centrum eius, quæ duo sunt in plano dicti circuli maximi.

Propositio LXXXVII.

Si à punctis, quæ in oxygonia cylindrici speculi sectione sunt, reflexiones fiant, axes reflexionum in ijs punctis erecti, axem speculi non eodem simul omnes puncto secant.

SIt speculi cylindrici AB, axis CD, & oxygonia sectio EHFQ, in qua sumantur puncta quælibet E, H, L, F, pro punctis incidentiæ, à quibus etiam reflexiones fiant: sitque axis reflexionis RE in E vertice sectionis erectus, qui per propof. 85, axem CD, in G, ad angulos rectos secet productus.

tus. Dico axem reflexionis in H erectum non in eodem puncto G secare axem CD, sed in alio, punta K. Ducatur per H linea longitudinis speculi H



I, secans peripheriam basis in I; iungaturque ID, erit ergo ID, in plano basis, recta tum ad IH, tum ad DC; sumpta autem DK æquali ipsi IH, erit K punctum in quo per corollar. propos. 85, axis reflexionis in H erectus secabit axem CD. Ita sumpto L pro puncto incidentiæ, & demissa LM longit. linea, quæ secet basim in M, sumptaque DN æquali rectæ ML, erit N punctum, in quo axem CD secabit axis reflexionis in L erectus; ita etiam sumpto F pro puncto incidentiæ, & facta DP, æquali lineæ longitudinis FO, erit P punctum in quo eundem axem CD secabit axis reflexionis erectus in F; at puncta K, N, P, non sunt idem cum puncto G; siquidem GD, KD, &c.

ex dictis sunt æquales lineis longitudinis EB, HI, &c. quas inuicem æquales esse est impossibile, ob sectionis FHEQ obliquitatem. Atque adeo non in eodem puncto axem speculi secant axes reflexionum, erecti in sectionis oxygoniæ punctis E, H, &c. Igitur si à punctis, quæ in oxygonia, &c. Quod fuit demonstrandum.

Corollarium 1.

SI duo quælibet sectionis oxygoniæ puncta, pro punctis incidentiæ, sumantur vt L & Q, æqualiter ab utrolibet maximæ diametri vertice, F nimirum aut E, remota; duo axes reflexionis in ijs erecti, productique intra speculum, axem eius CD secabunt in eodem puncto, vt N. Linea enim longitudinis à puncto Q demissa, & basim secans in S, æqualis est lineæ longitudinis LM; & consequenter axis CD portioni DN eidem æquali.


Corollarium 2.

SI in alterutra sectionis oxygoniæ parte EHF, aut EQF, punctum sumatur; vt T, æqualiter distans ab utroque maximæ diametri vertice, E & F; axis reflexionis in illo puncto erectus, & intra speculum productus, secabit eius axem, vt in X simul cum eadem oxygoniæ sectionis maxima diametro EF: nam axis reflexionis TX coincidet tunc cum sectionis eiusdem minima diametro, & consequenter linea longitudinis TV secans basim in V, æqualis erit ipsi DX portioni axis CD, & recta à centro basis D, in V ducta secabit eiusdem semicirculum OVB, in duas partes æquales,

Propositio LXXXVIII.

Si pluriū ab uno lucido puncto incidentium radiorum reflexio fiat à cylindrici speculi sectione basi æquidistante, omnia reflexionum plana se simul interfecabunt in una linea recta à lucido ad centrum sectionis reflectentis ducta.

SIt in speculo cylindrico AB sectio basi æquidistans HFE, in quam ex quodam puncto lucido O radij lucis plurimi cadant, à qua & reflectantur: ducatur autem recta OI, videlicet à lucido ad sectionis reflectentis HFE centrum, quod sit I, in concursu axis CD, & diametri HE. Dico omnia plana reflexionum incedere per rectam OI. Sit enim quodlibet punctum incidentiæ F, in dicta sectione HFE; & radius incidens OF; & axis reflexionis in F erectus FG. Quia itaque per definitionem 6, & 7 huius, in plano reflexionis simul sunt axis reflexionis & radius incidens: si qua linea sit axem reflexionis, & radium incidentem simul secans, & triangulum cum eis faciens; ea per 2. 1. elem. erit in eodem cum illis plano videlicet plano reflexionis: at recta OI radium incidentem OF secat in O, & axem reflexionis GF in I (vtpote qui productus per centrum I incedit per




36 huius) atque adeo cum utroque triangulum facit FOI. Si itaque planum reflexionis fuerit KL per dicti trianguli latera duo FI, FO (id est per radium incidentem, & per axem reflexionis) incedens; incedet etiam

etiam necessariò per tertium eiusdem trianguli latus OI . Et quia in simili quacunque hypothesi, de quolibet alio reflexionis plano, idem simili modo demonstrari potest, sequitur omnia huiusmodi reflexionum plana, per vnam rectam OI incidere; atque adeo in eadem se se inuicem secare. Igitur si plurius ab vno lucido &c. Quod fuit demonstrandum.

Propositio LXXXIX.

Si plurius ab vno lucido puncto incidentium radiorum reflexio fiat à cylindrici speculi sectione oxygonia; quælibet duo reflexionum plana in quibus ad utrasque partes sectionis reflectentis, æqualis fuerit incidentiæ siue reflexionis obliquitas, secabunt se in singulis rectis à lucido per speculi axem ductis.

SIt speculi cylindrici AB , axis CD , & sectio oxygonia FEI , in quam ab vno quouis puncto lucido O plurimi radij cadant, à qua & reflectantur. Supposito verticem sectionis E , esse in plano per O , & per axem CD , atque etiam per maximam sectionis diametrum HE incidente, sumantur duo quælibet incidentiæ puncta hinc inde ab E æqualiter distantia, F, G ; sintque OF, OG radij incidentes, & quidem æquali incidentiæ obliquitate propter æqualem iam dictam punctorum F & G ab E distantiam.



Dico reflexionum plana duo, in quibus sunt duo radij OF, OG , se se mutuo secare in quadam recta ab O per cylindri axem CD ductam. Si enim in punctis F, G , axes reflexionum FP, GN erigantur; & mox intra speculum producantur; hi axem CD in vno eodemque puncto secabunt per pri-

mum Corollarium. propositio 87. Si itaque hoc punctum fuerit L; connectatur LO; & fiet hoc ipso ad rectam LO, duo triangula LFO, LGO, commune vnum latus habentia LO; quorum quodlibet per 211 elem. in vno est plano; & quia planum reflexionis in quo per definit, 6, & 7 existit radius incidens OF, & axis reflexionis productus PFL, est illud planum in quo est triangulum LFO; in eo etiam est recta LO. Quia verò similiter planum reflexionis, in quo est radius incidens OG, cum axe reflexionis, productus NGL, est illud planum in quo est triangulum LGO, in eo etiam est recta LO, tanquam latus illius trianguli; erit igitur LO communis vtrique plano reflexionis, sicut communis est vtrique triangulo. Hæc verò plana, licet hic non exprimantur, intelligi tamen faciliè possunt, ad similitudinem plani KL *precedenti propos.*

Præterea si aliud quoduis punctum incidentiæ, præter F & G, sumatur vt I; & radius incidat OI; axisque reflexionis erectus IQ intra speculum producat; hic necessariò secabit axem CD in aliquo puncto quod non erit L per 87 huius: sit ergo illud punctum K, & connectatur KO; erit necessariò ipsa KO distincta à recta LO. Et quia ex iam demonstratis planum reflexionis in quo existit radius incidens OI, & axis reflexionis IQ, incedet per rectam KO, & per eandem etiam ex demonstratis incedet aliud planum reflexionis, ex altera parte sectionis reflectentis, si in ea aliud punctum vt M sumatur, æqualem cum ipso I habens distantiam ab E: sequitur hæc duo vltimò dicta reflexionum plana, & duo illa priùs dicta, non per eandem rectam à lucido ad axem speculi ductam incedere. Quod idè cum æquè possit de alijs quibuscunque similium reflexionum planis demonstrari; sequitur quælibet duo huiusmodi plana, æquè obliquas continentia incidentias, seu reflexiones, per singulas huiusmodi rectas incedere, ac in illis se inuicem secare. Igitur si plurium ab vno puncto lucido incidentium radiorum, &c. Quod fuit demonstrandum.

Propositio LXXXX.


Si aliqua superficies plana in speculo cylindrico sectionem fecerit non perpendicularem basi, & in sectionem ab vno puncto lucido, plurimi cadant radij; iidem inde reflexi in orbem simul emittentur circa speculum.

SIt speculum cylindricum AB, in quo trans axem CD, atque adeo non ad basim perpendiculariter, superficies quædam plana sectionem fecerit ENFG; & in eiusdem sectionis puncta E, I, H, G, à puncto vno lucido vbilibet in O constituto radij cadant OE, OI, OH, OG: alia quidem similia incidentiarum puncta cogitare licet in tota sectione, tum in eodem arcu EG, tum in altero opposito EN; necnon similes ex eodem O

Z z

radios

radios in ea cadentes ; sed quatuor illa sufficient ad propositū demonstrandum . Dico itaque eos radios à dictis punctis sectionis cylindricæ tali modo reflecti , vt reflexi in orbem circa speculum emittantur ; id est radium OE , ita reflecti in EP ; & OI in IQ &c. vt reflexi EP , IQ , HR , GS , &c. in orbem disponantur circa speculum AB . Demittantur enim à singulis incidentiarum punctis E , I , H , G , singulæ rectæ ad basim perpendiculares, eamque secantes in B , K , L , M ; quæ referant eas lineas longitudinis , in quibus dicta incidentiarum puncta continentur : à basis autem centro D ad eiusdem puncta B , K , L , M , rectæ ducantur, DM , DL , DK , DB . Quia igitur per postulatū 6, quælibet linea longitudinis speculi cylindrici æquualet lineæ speculi plani contingentis ipsum cylindricum in ea linea ; pari quoque ratione , quodlibet punctum in linea longitudinis existens æquualet puncto existenti in linea speculi plani , vt dictum est, contingentis, cæteris paribus ; ac proinde radij incidentis OE , talis fiet reflexio à puncto incidentiæ E , existente in linea longitudinis EB , qualis fieret ab eodem si




existeret in linea speculi plani cylindricum tangentis in eadem EB : ac eodem modo radij incidentis OI , talis fiet reflexio à puncto incidentiæ I existente in linea longitudinis IK , qualis fieret ab eodem, si existeret in linea speculi plani tangentis idem cylindricum in eadem IK ; & ita de alijs . At verò si puncta E , I , H , G , essent in planis dicto modo tangentibus cylindricum speculum, radios ex O incidentes OE , OI &c. reflecterent quodammodo

modo in orbem. Quia enim *per definit.* 6; & 7, radius reflexus est semper simul cum incidente in superficie per axem reflexionis transeunte; in qua etiam ambo *per post.* 3 angulos cum eodem axe semper æquales efficiunt; necesse est, ut radorum ab vno puncto in varia specula plana incidentium reflexiones imitentur, suo sequantur suo modo ordinem illum, & situm, qui in varijs ipsarum reflexionum axibus reperitur. Axes verò reflexionum quæ fiunt a punctis E, I, H, G, sunt in orbem dispositi; siquidem *per propof.* 85 in prædictis punctis erecti, per axem CD transeunt, ac proinde sunt in planis per lineas longitudinis EB, IK, &c. & simul per axem speculi CD, transeuntibus ut DBE, DK I, &c. Cùm itaque dicta plana se se mutuò secantia in cylindri axe CD, circa illum in orbem disposita sint; simul etiam ipsi axes reflexionum per puncta E, I, H, G, transeunt, atque in ijs planis existentes, circa cylindrum in orbem dispositi sunt. Igitur simili modo, cum proportionem, reflexiones radorum ex O, in E, I, H, G, incidentium, fient in orbem: siue (quod idem est) radij ipsi reflexi, E P, I Q, H R, G S, alijque huiusmodi, emittentur in orbem circa speculum cylindricum AB. Igitur si aliqua superficies, &c. Quod fuit demonstrandum.

Propositio LXXXI.

Si ab aliquo plano speculum cylindricum ita secetur, ut basi eius æquidistet sectio; in ipsam autem sectionem plurimi cadant radij ab vno puncto lucido, quod in eodem plano secante existat; radij inde reflexi ita emittentur in orbem, ut simul sint cum incidentibus, in eodem plano secante.



SIt in speculo cylindrico AB, sectio basi æquidistans FIEM, facta à plano in quo punctum lucidum sit O, radios in sectionis puncta I, H, G, E, K, L, M, emittens. Dico radios EO, GP, HQ, IR, &c. *per præcedentem*

Z z 2

rem

tem circa speculum in orbem reflexos, ex incidentibus OE, OG, OH, &c. in eodem cum illis plano esse; videlicet in eodem plano secante, cui speculi basis æquidistat, representato per circumferentiam RQSV. Sit enim N centrum sectionis FIEM; ergo per 86 huius, axes reflexionum in punctis G, H, IK, L &c. erecti GN, HN, &c. per N pariter incident, atque adeo in plano sectionis FIEM erunt. Et quia per constructionem in eodem sectionis plano, utpote in plano secante; est lucidum punctum O; sequitur in eodem etiam esse radios incidentes OE, OG, OH, &c. Quia verò per 6, & 7 definit, radius incidens, & reflexus in plano per axem reflexionis transeunte pariter sunt; sequitur reflexos radios tum EO (qui perpendiculariter reflectitur, sicut OE incidere perpendiculariter) tum reliquos ex oblique incidentibus, oblique etiam reflexos GP, HQ, IR &c. esse simul omnes cum dictis omnibus incidentibus in eodem plano speculum secante, & basi eiusdem parallelo. Igitur si ab aliquo plano speculum cylindricum ita fecetur, ut basi eius æquidistet sectio, &c. Quod fuit &c.

Propositio LXXXII.


Si radij ab uno puncto lucido in cylindrici speculi sectionem; seu basi parallelam, seu oxygoniam, incidentes, non fuerint in plano quod eiusdem basi æquidistet; reflexi ab eadem sectione radij sic in orbem circa speculum emittentur, ut etiam simul plano basis, quæ ad partes puncto lucido oppositas, fuerit, inclinentur.

Planum aliquod fecet utcumque speculi cylindrici AB circumferentiam in ZEV, & axem, qui sit CD in T: deinde ex puncto lucido O vbilibet constituto; ita tamen, ut radij ab eo in sectionem ZEV cadentes ut OV, OE, ac similes; non sint in planis, quæ basi æquidistat: sit verò LGB ea basis, quæ ad partes lucido puncto O oppositas est, ultra sectionem ZEV, cuius etiam basis planum intelligatur citra circumferentiam LGB, vsque ad IM, verbi gratia, extensum. Ut autem huic basis plano minimè æquidistat ea plana, in quibus radij incidentes ut OV, OE fuerint; supponatur recta, ut OI (ab O ad basis extensum planum LIM, perpendiculariter demissa) longior, quàm sit quælibet linea longitudinis speculi inter quodlibet punctum incidentiæ, & eandem basim comprehensa; ut sunt VB, & EG.

His positis dico radios ex incidentibus OV, OE, reflexos VY, EP (qui quidem cum alijs similibus per 90 huius in orbem circa speculum emittuntur) inclinari ad planum LIM.

Primò enim si fuerit reflexionis axis TX erectus in puncto incidentiæ V , & speculi axem CD per 8 5 huius ad angulos rectos secans in T ; radius verò OV sit in plano reflexionis per CD axem speculi, ac per eiusdem lineam longitudinis VB incedens, secansque planum LIM in linea recta LB ; radius reflexus VY , in eodem plano per 6 definit. existens; ultra axem reflexionis VX , ad partes puncto lucido oppositas, emittetur; alioqui caderet inter X & O , quod est impossibile. At hoc modo radius VY faciet cum recta BY , tanquam cum catheto reflexionis, angulum VYB , qui per definit. 5 11 elem. erit angulus inclinationis eius ad planum LIM .

Secundò si fuerit axis reflexionis TQ in puncto incidentiæ E erectus; per ipsum autem & per OE radium incidentem incedat planum PO , tanquam planum reflexionis; in eo etiam radius reflexus, qui sit EP , existet per definit. 6, et 7 huius: Et quia per constructionem radius OE non est in pla-




no quod basi speculi, seu plano LIM , æquidistet; sequitur planum PO non ei æquidistare, sed necessario inclinari: quia verò in eodem plano PO axis reflexionis EQ , æquidistat plano LIM (cùm per 8 5 sit perpendicularis ad speculi axem CD) nulla alia recta esse potest, quæ in eodem plano PO existens, & ipsam EQ secans, æquidistet plano LIM : alioqui enim posset contra hypothesim, eidem æquidistare ipsum planum PO ; siquidem possent in illo duæ se tangentes vt QE , PE , duabus alijs in illo se etiam tangentibus vt KG , PG , parallelæ sumi; atque adeo duo plana PO , LIM per eas ita parallelas incedentiæ, parallela essent per 15 11 elem. Cum itaque
 Z z 3 recta

recta EQ in plano PO, æquidistat plano LIM, ut antè ostensum est, sequitur cæteras omnes inter Q & H in eodem plano PO existentes, & ab eodem puncto E procedentes, ad planum LIM inclinari: nam è contrà illæ, quæ inter Q & O sunt, ex parte O potius eleuantur. At radius ex incidente OE reflexus non potest cadere inter ipsum OE, & axem reflexionis EQ, ut iam dictum est de simili reflexo VY; igitur cadet inter EQ & EH, ut in EP; & hoc ipso *ex iam demonstratis*, inclinabitur ad planum LIM; eritque EP angulus inclinationis. Idem autem simili modo demonstrari potest de quibuscunque alijs à sectione ZEV similiter reflexis radijs. Igitur si ab vno puncto lucido, &c. Quod fuit demonstrandum.

Lemma.

Duo puncta quibus in speculo plano cathetum reflexionis secant hinc radius incidens productus, inde radius reflexus, æqualiter distant ab eiusdem speculi plani superficie.

Sit punctum luminosum D; & sit BAC communis sectio speculi plani, & superficiæ reflexionis; in eius autem aliquod punctum A incidat radius DA, & supposito angulo reflexionis BAE, qui per 3 postul. huius, sit æqualis angulo incidentiæ CAD: erit radius reflexus AE, qui rectam EB ad BC, atque ad speculum ex hypothesi perpendicularem, id est per definit. 5 huius, cathetum reflexionis, secet in E: radius verò incidens DA producatnr donec eandem catheti lineam, etiam productam, sub speculo secet, verbi gratia, in F.



Dico E & F puncta, æqualiter distare à recta BC, & eatenus à superficie speculi plani, cuius ea est sectio. Quia enim angulus BAE reflexionis, est per constructionem æqualis angulo CAD incidentiæ; est etiam æqualis angulo BAE; cum hi duo sint inuicem ad verticem æquales per 15 1 elem. & quia anguli EBA, FBA (utpote recti per constructionem) sunt etiam æquales, sequitur per 26 1 eiusdem, duorum triangulorum BEA, BFA, æqualia esse duo latera BF, BE. Quia igitur E à superficie speculi seu à recta BC, distat intervallo EB, & ab eadem BC distat F intervallo FB; sequitur ambo ea puncta æqualiter distare à superficie speculi. Igitur duo puncta quibus &c. Quod fuit demonstrandum.

Idem

Idem demonstrant Euclides in *Catoptrici*, Vitellio lib. 5 *propof.* 49, & Alhazen lib. 5 *prop.* 1; licet sub alijs terminis, quatenus loco puncti lucidi in D ponunt oculum; in E autem punctum visibile, & in F locum imaginis: concluduntque loci imaginis distantiam à superficie speculi plani sub speculo, & puncti visi supra speculum planum existentis, esse eandem: sed hæc in idem recidunt quoad æqualitatem tum angulorum tum laterum, utriusque trianguli.

Propositio LXXXIII.

Datis puncto incidentiæ in superficie speculi cylindrici; & puncto ex quo radius sit incidat ut (iuxta præcedentem propositionem) reflexus, ad basis planum inclinetur: inuenire in eodem plano punctum, in quod idem reflexus cadit.

POsito speculo cylindrico cuius axis sit CD, & posito Y I Z plano basis DGB extenso usque ad circumferentiam IZ; & dato etiam puncto lucido O, duæ fieri possunt quoad punctum incidentiæ hypotheser: vel enim punctum incidentiæ erit simul cum puncto O, in plano reflexionis per speculi axem CD transeunte; vel erit in plano reflexionis ad eundem axem inclinato. Soluetur autem problema in utraque hypothesim.


Et primò quidem sit datum V punctum supra planum Y I Z minùs, quàm O eleuatum, in quo erectus reflexionis axis sit V X, speculi axem CD secans in X: planum verò reflexionis per O V atque per V X incedens, incedat etiam per CD; & basim speculi secet in recta YDI. Quæritur iam in plano Y I Z punctum in quod radius ex incidente O V reflexus cadet; cadet autem *per præcedentem* 92, quia radius O V non est in plano basi parallelo, cum sit O I perpendicularis, longior quàm V B, ab ipso V ad basim etiam perpendiculariter demissa. Secet itaque V B ipsam Y I in B; & producto radio incidente O V, donec eandem Y I secet in Y; sumatur B I æqualis ipsi B Y; eritque I punctum quæsitum in quod reflexus ex V radius cadet V I.

Aliter. Fiat ad lineam longitudinis A B angulus reflexionis B V I æqualis angulo incidentiæ A V O; eritque radius eum angulum continens, reflexus V I; qui cum secet rectam Y I in I dabit ipsum I, ut priùs, pro puncto quæsito &c. Atque hæc operatio non alia indiget demonstratione, quàm angulorum incidentiæ, & reflexionis æqualitate debere obseruata. Illa autem prior operatio sic demonstratur, quia *per postul.* 6, quælibet linea longitudinis in speculo cylindrico, æquiualeat speculo plano contingenti, &c. sequitur reflexionem radij incidentis O V fieri eodem modo, ac fieret si punctum V esset in speculo plano; cuius, & plani reflexionis sectio communis esset recta A B: at *per lemma præcedens,*

in

in eo casu cum sit YI cathetus, secans superficiem speculi in B , reflexio ita fieret, ut puncti Y à puncto B distantia sub speculo æqualis esset distantia puncti I ab eodem puncto B supra speculum. Igitur &c.

Secundò proponitur idem lucidum punctum O cum alio incidentiæ puncto E ; radiusque OE incidens, qui nec esse potest in superficie reflexionis per speculi axem CD transeunte; (cùm sit extra lineam longitudinis AB nec in plano basi parallelo, cùm iuxta conditionem *precedentis propositionis* sit O supra YIZ elatius quam E) quæriturque in plano YIZ punctum, in quod radius ex eodem OE incidente reflexus cadet: cadet autem quia *per precedentem* ad idem YIZ inclinatur. Itaque recta OI planum YIZ secet, ut prius, perpendiculariter in I , & linea longitudinis ex E demissa basim, seu idem YIZ secet in G ; ducaturque in eodem plano ex I per G recta IGH , quam alia ex O per E ducta secet in H ; tum ex basi centro D per G ducatur recta DGK , & ad eam in eodem plano YIZ per idem punctum G perpendicularis agatur recta RGL : postmodum ex G tanquam centro, interuallo autem GH , describatur arcus HP secans rectam RG in R ; sumptoque arcu RP æquali ipsi RH , erit P in plano YIZ



punctum, in quod EP radius ex incidente $O E$ reflexus cadit.

Quia enim basis semidiameter est DG , ad quam per extremitatem G , ducta est perpendicularis RL ; sequitur ab eadem RL circumferentiam basis tangi: ac proinde si linea longitudinis per E incidens basim infimam secet in G , & superam in F , axi CD parallela; per rectas autem RL , GF ,

GF; incedat speculum planum NS, illud necessariò continget cylindrici superficiem; eritque communis vtriusque contactus recta FG; & reflexio à puncto E in superficie speculi cylindrici eodem modo fiet, ac si punctum E esset in speculo plano NS, *per postul. 6 huius.*

Itaque erecto in puncto E axe reflexionis TQ, ad planum speculum NS perpendiculari, & cylindrici simul axem CD *per 85 huius* ad angulos rectos secante in T, per illum incedat planum reflexionis cuius cum speculo plano NS, communis sectio sit recta NES; ex parte autem radij incidentis OE, in aliquo dictæ rectæ puncto S, ad ipsum planum NS perpendicularis, seu reflexionis axi EQ parallela, intelligatur recta SM secans radium incidentem OE in M; eritque *per definit. 5 huius*, ipsa SM cathetus incidentiæ.


Præterea si in plano YIZ ponatur HP recta subtendens arcum HRP, secetque eam recta RL in N, secabit eam bifariam; cum ipsum arcum HRP secet bifariam in R *per constructionem*; eritque ipsa HP ad RL perpendicularis *per 33 elem.* atque adeo *per 28 primi* erit parallela rectæ DK, utpote quæ sit ad eandem RL perpendicularis *per constructionem*. Et quia DK perpendicularis est simul ad RL & ad GF; erit etiam *per 411 elem.* perpendicularis ad planum NS, quod per RL, GF, ex facta suppositione incedit. Et quia HP *ex iam demonstratis* æquidistat ipsi DK; erit sicut & illa, ad idem planum NS perpendicularis *per 8 eiusdem 11*: Et quia punctum N *per constructionem* commune est rectæ NES, & simul rectæ RL; ipsa HP per N incedens, & (ut iam dictum est) ad speculum planum NS perpendicularis, in plano reflexionis erit tanquam cathetus reflexionis, ergo & subtendet angulum reflexionis *per 5 definit. huius*. Et quia H *per constructionem* in plano YIZ est punctum, in quo radium OE productum secat recta IH; sequitur à recta PH eundem quoque radium pariter in puncto H secari; igitur NH est ea portio catheti reflexionis, quæ sub speculo plano NS inter ipsum, & radium productum OEH comprehenditur: ergo eiusdem catheti portio NP, ipsi NH *per constructionem* facta, æqualis, erit ea portio, quæ *per lemma præcedens* supra idem speculum NS comprehenditur inter ipsum, & radium reflexum: igitur per eius extremitatem P incedet radius reflexus, qui erit EP. Igitur P est in plano YIZ punctum in quod radius ex incidente OE reflexus EP, cadit. Ergo datis puncto incidentiæ in superficie speculi cylindrici, & puncto ex quo &c. punctum in quod radius reflexus cadit, rectè inuenimus, quod fuit. &c.

Corollarium.

DAtis puncto incidentiæ in superficie speculari cylindrica, & puncto à quo radius incidit, ex dictis potest quantitas anguli tum incidentiæ, tum reflexionis inueniri: ut, datis puncto incidentiæ E, & puncto lucido O prout res se habent in *schemate propositionis*; inueniri potest quanti-

tas anguli incidentiæ OES , & anguli reflexionis PEN ; quos angulos in plano reflexionis radius incidens OE , & reflexus EP , cum plano speculum in E contingente NS efficiunt. Fiat triangulum rectangulum CBA ; cuius duo latera CA , BA , angulum rectum CAB continentia, æqualia, sint lateribus EG , NG trianguli ENG ; latus quidem CA lateri EG , latus verò BA ipsi NG ; ac deinde connectatur BC : fiantque AE , AD rectæ, æquales ipsi BC ; interuallo autem AD , siue AE , ex A centro describatur circuli quadrans DE , quem in D contingat recta DF , videlicet perpendicularis ad semidiametrum DA , æqualis autem rectæ NP in altero schemate; ac demum ex F ad centrum A recta ducatur FA , secans quadrantem DE in 2 .

Sic enim in primis triangulum CBA perfectè refert triangulum ENG (quod quidem per constructionem necessariò habet angulum rectum in G , licet propter obliquum aspectum videatur habere obtusum) & consequenter latus CB rectam EN (licet hæc ob eandem obliqui aspectus rationem longior appareat) representabit. Deinde verò semidiameter AD eidem CB æqualis, ipsam quoque EN , adhuc referet; sicut & tangens DE , cathetum NP ; ac demum quadrans ex A centro descriptus, quadrantem similem, qui ex E centro, in plano reflexionis, inter rectas NE , & EQ ductus intelligi potest. Quia igitur DA , DF , sunt æquales ipsis NE , NP ; angulus DAF æqualis est angulo NEP , qui est angulus reflexionis; eumque metitur arcus $D2$: & quia angulo reflexionis; æqualis est angulus incidentiæ; cognito angulo NEP , ut dictum est, cognoscitur etiam angulus SEO . Igitur &c.




Propositio LXXXIV.

Si plurium ab uno lucido puncto incidentium radiorum reflexio fiat à cylindrici speculi sectione basi æquidistante, reflexi intra speculum producti, non omnes ad unum punctum concurrent; sed omnibus eandem rectam (à lucido ad centrum sectionis reflectentis ductam) secantibus solum duo quilibet, quorum fuerit æqualis obliquitas reflexionis, rectam illam in eodem simul puncto secabunt.

SIt in speculo cylindrico AB sectio basi æquidistans $XHSN$, per cuius centrum T , ac per XS diametrum simulque per speculi axem CD incedat planum quoddam DO faciens in plano basis extenso sectionem DI : in eo autem plano sit punctum quoddam lucidum O ; à quo radij emanant

dant in sectionem specularem XHSN, & ab eadem reflectantur. Dico radios reflexos, intra speculum, vel etiam iterum ultra speculum productos non posse in vnum simul omnes punctum conuenire; si enim possent; punctum illud esset necessariò in recta OT, quæ scilicet à lucido O ad centrum T ducta, est *per prop. 88*, communis sectio omnium planorum reflexionis; at in huiusmodi linea, esse aliquod punctum commune concursus omnium radorum à sectione speculari XHSN reflexorum impossibile est; quod sic demonstro.

Sumptis in sectione XHSN quibullibet punctis E & H ad easdem partes inter S & X (quod ea de causa obseruo, ne sit radorum incidentium, OE, OH, æqualis obliquitas incidentiæ) demittantur ex E, & H lineæ longitudinis EG, HV, secantes basim in G & V; ductisque à centro D, per G, & V, rectis DGK, DVF, demittatur à lucido O ad DI perpendicularis OI, & connectatur GI; ac ducta recta GP faciente cum GK angulum KGP æqualem ipsi KGI, in eadem GP *per propof. præcedentem* quæraturn punctum in quod radius ex incidente OE reflexus cadit; quod punctum si ex hypothesi sit P, erit ipse reflexus EP. Similiter connexa VI, ducatur VL recta, faciens cum FV angulum LVF æqualem angulo IVF, & in ipsa VL *per eandem 93*, quæraturn punctum, in quod radius ex incidente OH reflexus cadit; & sit illud punctum L; sitque consequenter dictus reflexus HL.



Producatur itaque alter ex dictis reflexis PE, donec rectam TO secet in aliquo puncto Z: & quia EGP est triangulum, duæ rectæ EP, GP in vno sunt plano *per 211 elem.* quod quidem cum per lineam longitudinis EG incedat, si producatur, donec planum DO secet; communis vtriufque

que sectio erit YZ ad basim, atque ad rectam DI perpendicularis *per 19
11 elem.* utpote communis sectio duorum planorum ad basim pariter rec-
torum, videlicet plani, quod incedit pro radium reflexum EP ac per li-
neam longitudinis EG ; & simul plani DO . Cum itaque in isto sit recta
 TO *per constructionem*, illam pariter cum radio reflexo EP producto, se-
cabit in Z , recta YZ .

Quo posito si alter reflexus LH intra, & mox etiam ultra speculum pro-
ducatur, secetque eandem rectam TO ; punctum communis sectionis ca-
det necessarium inter Z & O ; ac proinde distinguetur a Z ; ergo non ad idem
punctum rectæ TO concurrent reflexi producti EP , LH . Producat
enim recta LV , donec ipsam DI secet, ut in R ; erit autem R necessarium
diuersum ab Y ; cum enim maior sit angulus IDF ; quàm IDK , & rur-
sus maior sit FVL , quàm KGP , ut patet *ex ipsa constructione*; impossi-
bile est ut LV & PG productæ secent DI , ac se ipsas in eodem puncto Y ;
igitur R diuersum est ab Y . Nunc itaque ad DI in R excitetur perpendi-
cularis RM ; & sic erit RM communis sectio plani DO , & alterius pla-
ni ad basim recti, ac per lineam longitudinis HV incidentis, in quo est
radius reflexus LH , quem productum, recta RM simul cum TO secabit
in M : erit igitur M , punctum in quo reflexus LH M secabit rectam TO ;
est autem euidentis punctum M non esse idem cum Z ; cum RM diuersa
sit ab YZ . Igitur non ad idem rectæ TO punctum concurrunt reflexi P
 E , LH producti.

Præterea si in altero sectionis cylindricæ reflectentis $XHSN$ semicir-
culo sumatur pro puncto incidentiæ aliquod punctum habens cum E , siue
 H , æqualem ab S distantiam, verbi gratia N , arcum SN æqualem arcui S
 H terminans, ita ut radiorum ON , & OH æqualiter sit obliqua inciden-
tia. Dico fore, ut radius ex incidente ON , reflexus productusque, ut dic-
tum est, secet rectam TO in M , sicut & reflexus LH productus.

Intelligatur enim ex N demissa longitudinis linea secans basim in a , &
arcum eius abscindens aB æqualem arcui VB , sicut est NS æqualis ipsi H
 S : iuncta aI , & è centro D per a ducta recta Dab , ducatur Qa faciens
cum ab angulum Qab æqualem angulo Iab ; mox si dicta Qa produca-
tur, donec rectam DI secet; eam necessarium secabit in R , sicut recta LV
producta.

Quia enim æquales sunt inuicem arcus aB , VB *per constructionem*,
etiam rectæ Ia , IV ad utrasque partes minimæ IB , æquales erunt *per 83
elem.* Et quia duæ Da , DV sunt similiter æquales, utpote semidiametri
eiusdem basis; æqualia erunt duo triangula DIa , DIV , quæ communem
habent basim DI , habebuntque angulos æquales tum in I atque in D com-
muniter, tum etiam in a & V : quia itaque æquales sunt interiores anguli
 DaI , DVI ; æquales etiam erunt exteriores baI , FVI ; siquidem *per 13
elem.* exterior baI & simul interior DaI æquales sunt duobus rectis, sicut
& exterior FVI ac interior DVI . Ergo residui hinc inde baI , FVI erunt
æquales

æquales : & quia angulus baQ per constructionem æqualis est angulo baI ; sicut & angulus FVL ipsi FVI ; æquales etiam inuicem erunt baQ & FVL ; & consequenter productis rectis QaR , LVR , æquales inuicem erunt anguli DVR , DaR ; utpote per 15. 1. duobus æqualibus baQ , FVL ad verticem æquales.

Cum igitur ex iam demonstratis rectæ VD , aD æquales sint , & similiter anguli VDI , aDI ; duæ rectæ Qa , LV productæ facient per 26. 1. cum DI in vno eius puncto R angulos æquales DRV , DRa . Igitur plani DO , & plani per intellectam longitudinis lineam Na incedentis, in quo est reflexus QN , communis sectio erit RM ; igitur QN reflexus productus secabit rectam TO in M , pariter cum reflexo LH , similiter producto. Igitur si plurius ab vno lucido puncto, &c. Quod fuit demonstrandum.

Corollarium.

Hinc liquidò constat non quilibet in speculo cylindrico lineas longitudinis ita reflectere radios, qui in ipsas ab vno lucido puncto incidunt ; ut reflexi, sint in plano per speculi axem incedente ; & cadant in aliquam basis protensæ lineam, quæ per eius centrum, ac per lineam longitudinis reflectentem incedat; cum hic evidens sit reflexum ex incidente OE , videlicet EP , non posse cadere in KGD ; sed cadere in PGY , quæ non transit per centrum D ; esseque in plano trianguli ZYP , quod non per CD axem incedit : & ita de reflexo HL , itemque de NQ . Illi itaque soli, qui ab SB reflecterentur, caderent in rectam transcurrentem per D , videlicet in rectam DI ; & illi ipsi essent in plano per CD incedente, nempe DO . Cæteris autem id minimè conuenire potest.

Propositio LXXXV.

Si plurius ab vno puncto lucido incidentium radiorum reflexio fiat à cylindrici speculi oxygonia sectione ; reflexi intra speculum producti, non omnes ad vnum punctum concurrent, sed singulis rectas singulas à lucido per speculi axem ductas secantibus, solum duo quilibet quorum fuerit æqualis obliquitas reflexionis, aliquam ex huiusmodi rectis in vno simul puncto secabunt.

Hæc sicut præcedens duas habet partes faciliè intelligendas, tum ex eadem præcedente; tum ex 89. Prima pars est radios ab oxygonia speculi cylindrici sectione reflexos &c. & productos &c. non omnes ad vnum punctum concurrere ; quæ sic demonstratur. Quia enim singuli reflexi in

Aaa

singul-

singulis reflexionum planis existunt, si illi ad vnum punctum concurrunt etiam ipsa reflexionum plana per idem punctum transire necesse est: at hoc est impossibile: cum enim huiusmodi planis, & simul omnibus radijs incidentibus iam commune sit vnum punctum, nempe lucidum: si insuper eadem plana aliud quoduis punctum vnum commune haberent cum radijs omnibus reflexis productis &c. haberent etiam necessariò communem vnam lineam, eam scilicet quæ per illud vtrunque punctum incederet: at per 89 constat huiusmodi plana non omnia in vnam rectam concurrere; sed solum duo qualibet in quibus hinc inde ad vtrasque partes speculi, æqualis est reflexionis obliquitas, se se interfecare in vna recta à lucido per axem speculi ducta.

Ex quo etiam simul & ex precedente 94 facilè demonstratur altera propositionis pars qua asseritur, solum duos quoslibet radios æquali reflexionis obliquitate reflexos, productosque &c. concurrere ad vnum punctum aliquius rectæ à lucido per axem speculi ducta: cum enim duo plana reflexionum se in vna huiusmodi linea fecerint; necesse est radios duos reflexos in ijs planis existentes eandem rectam in aliquo puncto secare: Secare autem in vno eodemque puncto demonstrari potest, sicut precedente proposuit. demonstrata est secunda illius pars. Igitur si plurium ab vno puncto lucido incidentium &c. Quod fuit &c.

Propositio LXXXXVI.

Si ab vno puncto infiniti lucis radij cadant in cylindrici speculi sectionem basi non perpendicularem, reflexi ab eadem sectione radij pariter infiniti efficiant vnam lucis veluti superficiem, quæ in speciem secti conici circa idem cylindricum speculum descripti quodammodo conformatur. Veram tamen conici, licet secti, figuram habere non potest.


SI enim quis cogitet infinitos iuxta proposuit. tum huius tum 90 hypothesis reflexos radios, vno sibi tenore, & veluti continua serie coherentes, facile intelliget vnam ex illis omnibus coniunctim sumptis compingi quasi superficiem; quæ quia per radios in orbem emissos, & ad vnum planum, veluti basim, ordine quodam inclinatos (vt sunt prop. 90 EP, IQ, HR, GS, et prop. 92, radij VY, & EP) incedens, ex angusto videlicet è cylindrica sectione reflectente (vt est ZEV prop. 92, & ENFG prop. 90) in ampliorem formam (vt est eadem prop. 90, PQRS) per ambitum tenditur, atque eatenus speciem conici quodammodo imitatur; conici inquam secti (cui videlicet abscissus vertex) seu vt vocant frusti.

Quæ partim fuit ratio cur eam reflexæ lucis veluti superficiem non vocauerim.

cauerim conum reflexum, sed conicum *definit*. 10 *huius*: quamuis est & alia potior ratio, quæ in secunda propositionis parte continetur, quia scilicet veram conicæ licet secti figuram habere non potest; quod sic demonstratur. Cum enim de essentia conicæ sit, ut omnia eius latera, seu lineæ longitudinis, in vnum verticis punctum omnes conueniant, aut certè conuenire possint productæ (est enim conus figura, quæ motu trianguli rectanguli super vno immoto latere &c. circumducti perficitur, *iuxta definit.* 18 11 *elem.*) conicum nostrum reflexum, veram conicæ figuram habere non poterit, si latera eius, videlicet radij reflexi (quibus constat, & qui soli in eo rectæ lineæ esse possunt) producti non in vnum simul omnes punctum conueniant, at per duas præcedentes constat non posse conuenire: igitur verum conum non efficient, sed solum conicum id est figuram cono aliquatenus, ut dictum est, similem. Igitur si ab vno puncto infiniti lucis &c. Quod fuit demonstrandum.

Propositio LXXXXVIII.

Si conuenientibus in vnum duobus axibus hinc speculi cylindrici, inde circuli in Sphæra maximi facientis in eodem speculo parallelam basi sectionem; punctum quodlibet in eadem sectione sumatur pro puncto incidentiæ, planum reflexionis per id punctum incedens faciet in Sphæra circulum maximum.



SIt circa diametrum EF circulus in Sphæra maximus quicumque EGFH, in speculo cylindrico CD, sectionem basi parallelam faciens LK M; ita ut axis speculi, & axis circuli sint simul in vna recta AB per I centrum

trum commune sectionis LKM, & circuli EGFH transeunte. In ipsa autem sectione LKM, pro puncto incidentiæ (vndecunque incidat radius) sumatur quodlibet punctum K.

Dico planum reflexionis per K incedens reddere in Sphæra circulum maximum: si enim in K erigatur axis reflexionis; hic intra speculum productus transibit necessariò per centrum I per 86 huius: & quia per corollarium eiusdem, idem axis est in plano circuli maximi EGFH; illius circumferentiam secabit, verbi gratia, in G, & rursus sub centro I productus eandem secabit ut in H.

Nunc itaque si per diametrum GIH planum aliquod PQ transire intelligatur: in primis planum illud erit vnum ex infinitis possibilibus planis reflexionum quæ per punctum incidentiæ K duci possunt: nam, ut requiritur in 2 postulado huius, erit ad speculum CD, seu ad planum contingens in puncto K perpendiculare per 18 11 elem. utpote incedens per GH, quæ in K pro axe reflexionis erecta est per constructionem.

Deinde idem planum PQ incedet per centrum Sphære I; nam I, per constructionem est centrum circuli maximi EGFH, & consequenter est etiam centrum commune omnium circulorum in Sphæra maximorum, atque adeo ipsius Sphære: igitur dictum planum PQ, Sphæram secabit in duas mediêtates, & consequenter ipsa sectione efficiet circulum maximum, ut NGOH, cuius communis cum EGFH sectio, erit GH, axis reflexionis in K erectus, & productus, ut supra; & NO erit eiusdem NGOH sectio communis cum circulo maximo AEBF, qui per ipsius EGFH polos A, B incedit. Igitur si conuenientibus in vnum duobus axibus, &c. Quod fuit demonstrandum.


Propositio LXXXXVIII.

Si axis speculi cylindrici incedat in Sphæra per centrum circuli maximi oxygeniam in ipso speculo sectionem facientis, omnes superficies reflexionum, quæ per puncta sectionis, tanquam per puncta incidentiarum, & simul per axem speculi, vel per minimam ipsius sectionis diametrum incedent, circulos maximos in Sphæra efficient; cæteræ autem circulos efficient minores.

Circa diametrum CD fit circulus maximus CTDV, oxygeniam in speculo cylindrico FG sectionem HIKL faciens, per cuius centrum E, speculi axis NX incedat: eundem verò circulum CTDV secet ad angulos rectos circulus alius etiam maximus ACBD, in cuius diametro AB, sit idem speculi axis NX. Sumatur deinde pro puncto incidentiæ punctum quodcunque I in sectione HIKL, dummodo non æqualiter distet ab utroque

utroque vertice, sed alteri ut *H* sit vicinior, ab altero autem id est *K*, remotius: extensa autem *IM* linea longitudinis, quæ basim fecit in *M*; ductaque *MN* per eiusdem basis centrum *N*; fiat *NO* æqualis ipsi *MI* eritq; *O* punctum in quo *ex demonstratis propof. 87*, axis reflexionis in *I* erectus fecat axem *NX*; quod quidem *ex ibidem etiam demonstratis* differt à puncto *E*, quo scilicet *per constructionem*, maxima diameter *HK*, eundem axem *NX* fecat.

Dico igitur primò superficiem reflexionis, quæ per *I*, & *O* siue per axem reflexionis *IO* incedit; si etiam simul incedat per speculi axem *NX*, efficere in Sphæra circulum maximum: quia enim per axem *NX* incedit; incedit & per circuli maximi *CTDV* centrum *E*, *ex constructione*; ergo & per centrum Sphære transit: & quia eam hoc ipso diuidit in duas partes æquales, circulum maximum sectione efficit, ut *ex demonstratis præcedenti propositione* patet. Talis erit circulus *bAdB*, qui incedens per *O* l axem reflexionis, & per *E* centrum Sphære, simul etiam incedit per rectam *IE*; ac per parallelogrammum *OIMN*, facitque cum circulo maximo *CADB* sectionem *AEb*, & cum circulo item maximo *CTDV* sectionem *b d*, quæ per punctum incidentiæ *I*, & per centrum Sphære *E*, incedit.



Et ita ex infinitis possibilibus superficiebus reflexionum, quæ per *OI* reflexionis axem transire possunt, una est quæ circulum maximum efficit, illa nimirum quæ dictum iam circulum *bAdB* efficit: reliquæ verò omnes efficiunt necessariò circulos minores, cum nulla ex eis transire possit per centrum *E*; alioqui transirent etiam per triangulum *EIO*, atque etiã per parallelogrammum *OIMN*, & sic cum illa priori coinciderent,

quod est impossibile, cum supponantur ab ea diuersa.

Igitur reliquæ omnes per OI transeuntes & speculi axem NX secantes, faciunt in Sphæra circulos minores, qualis erit si ducta per O recta POQ secante circulum maximum $CADB$ in P & Q , & diametrum eius AB ac simul speculi axem NX in O , circa eam, tanquam diametrum, intelligatur circulus $PRQS$; hic enim cum diametrum habeat PQ , non per E centrum circuli maximi $CADB$ transeuntem; eundem circulum necessariò secat in partes inæquales PAQ , & QBP ; atque adeo est circulus in Sphæra minor: siquidem omnes maximi per æqualia se inuicem secant per 19 3 de triang. Ioann. de Monte Regio; erit verò dicti circuli minoris $PRQS$, centrum non in O sed in Y , puncto scilicet concursus diametri PQ , & lineolæ YE , quæ tanquam eius axis ad PQ rectus per centrum Sphæræ E incedat per 3 prop. 3 lib. eiusdem.

Quapropter axis reflexionis IO productus tum versùs R , tum versùs S , non erit diameter dicti circuli minoris; cum per eius centrum iam demonstratum Y , non transeat. Et ita de omnibus, ac singulis reflexionum superficiebus per reliqua sectionis oxygoniæ puncta incedentibus demonstrari potest, vnam ex omnibus, quæ per singula huiusmodi puncta transeunt efficere circulum maximum; reliquas verò omnes per idem punctum transeuntes, efficere minores: præter eas, quæ transeunt per sectionis puncta in breuissima eiusdem diametro existentia; de his enim

Dico secundò omnes reflexionum superficies transeuntes per incidentiarum puncta duo, quæ breuissimam sectionis oxygoniæ diametrum terminant, efficere in Sphæra circulos maximos; cum enim axes reflexionum duo in ijs punctis erecti coincidunt cum eadem breuissima diametro (siquidem sunt ad axem speculi pariter perpendiculares) secabunt pariter diametrum longissimam HK , & axem NX in E , ex Coroll. 2 prop. 87; atque adeo in centro Sphæræ secabunt (duo isti axes licet hoc in schemate non exprimantur, facile tamen intelliguntur similes illi qui in schemate

dicta prop. 87 notatur TX) ergo omnes reflexionum superficies per dicta incidentiarum puncta incedentes, incedent

etiam simul cum duobus illis reflexionum axibus

per E centrum Sphæræ; & consequenter ex

iam demonstratis circulos efficient in

Sphæra maximos. Igitur si axis

speculi cylindrici &c. Quod

fuit demonstran-

dum.

Propositio LXXXIX.

Si cuiuslibet maximi in Sphæra circuli axis sumatur pro speculo cylindrico, & centrum pro omnibus punctis incidentiæ, quæ essent in circumferentia unius è circulis ipsius speculi, cuius axis dicto axi congrueret; Sole in eodem circulo maximo existente, radius unicus ab eius centro incidens intelligatur in orbem reflecti infinitis lineis: erunt illæ omnes in plano eius circuli. At verò si Sol in aliquo eiusdem circuli maximi parallelo existat & unicus etiam ab eius centro incidens radius intelligatur in orbem reflecti infinitis lineis, illæ simul sumptæ, sicut una superficies, perfectum conum formabunt cuius axis, axis ipsius circuli maximi; vertex centrum etiam illius; basis autem esset parallelus oppositus ei, in quo centrum Solis existeret.


Sit circuli maximi cuiuscunque, ut *Æquatoris* $ERFQ$ axis CBD sumendus pro speculo cylindrico, cuius axis esset idem CBD , ipsum verò punctum B , videlicet centrum *Æquatoris*, sumatur pro circulo, qui esset communis sectio eiusdem *Æquatoris*, & dicti speculi cylindrici.

Pro qua re intelligatur in vnico centri puncto infinitas esse veluti facies circum dispositas; hoc, inquam, intelligatur eo modo, quo aliqui concipiunt infinitas ab eodem centro diametros tali modo terminari, ut vna facies non plures simul ruentes diametros, sed vna vnam tantum excipiat; & hoc ipso intelligatur in vnico centri puncto, vim esse infinitorum, vim, inquam, reflectendi talem, qualem habent infinita sectionis cylindricæ puncta. Non erit verò difficilius concipere in vnico incidente radio vim quasi esse infinitorum, qui simul incidunt in eas infinitas centri facies, velut in infinita incidentiæ puncta; & hinc fortè licebit iam intelligere radium vnicum infinitis incidentibus velut æquiualem, lineis simul infinitis reflecti ab vno puncto infinitorum vim reflexiuam habente. Quidquid sit, si hoc ita supponatur

Dico primò radium à centro Solis incidentem in circuli maximi $ERFQ$ centrum B , Sole existente in aliquo eiusdem circuli puncto ut E , infinitis lineis reflecti in orbem circa axem CD per prop. 90. Equidem pari ratione dicere possem reflecti illum infinitis quauersum lineis, id est non tantum circa axem CD sed etiam circa EF , aliasque infinitas, per idem B centrum omni ex parte transeuntes diametros; quo casu radius ille non tantum in orbem, sed etiam in Sphæram reflecteretur, nam quemadmodum facies concipere licet in centro quibus vnus circuli, semidiametros omnes terminet

minet, ita & quibus terminet totius Sphære semidiametros; atque adeo sicut concipere licet ipsum centrum tanquam vices gerens vnus circuli, id est sectionis vnus cylindricæ, ita & tanquam vices gerens paruæ, sed integræ Sphære. Tamen quia nunc centrum B fumo secundum eas tantum facies quibus folius Æquatoris semidiametros terminat: idcirco Dico secundò per prop. 91 lineas reflexionis omnes, hac hypothefi, in plano Æquatoris E R F Q esse.

Si autem supponatur Sol extra planum eiusdem circuli maximi E R F Q existens, videlicet in aliquo eiusdem parallelo, vt per A G ipsius propriam diametrum transeunte (quem si placet ad maiorem facilitatem vocemus Tropicum Capricorni, cum iam dixerimus ipsum E R F Q Æquatorem) Dico lineas illas infinitas, quibus à centro B dicto modo sectionis cylindricæ vicem gerente reflectitur incidens radius A B, perfectum conum efformare, cuius axis est C B, vertex B, basis verò parallelus per H I diametrum, incedens; videlicet Cancræ Tropicus, ipsi A G (quem diximus Capricorni) oppositus.



Sit enim quilibet ad E R F Q Æquatorem rectus circulus maximus C E D F, in cuius communi cum Capricorni Tropico sectione A, Sol existat; & radius A B incidat in eam (vt sic dicā) centri faciem, quæ in plano circuli maximi C E D F intelligitur esse, ac terminare eiusdem circuli, & Æquatoris communem semidiametrum E B: erit idem circulus planum reflexionis, axis verò reflexionis erit B E, & angulus incidentiæ E B A; angulus verò reflexionis erit E B H, si fiat ipsi E B A æqualis; & consequenter arcus E H, arcui E A erit æqualis per 263 elem. atque adeo punctum H in circulo

lo maximo CEDF, erit punctum paralleli circa diametrum HI, oppositi parallelo AG, hoc est habentis æqualem cum illo declinationem ab Æquatore ERFQ.

Sumatur præterea pro alio reflexionis plano circulus maximus ALI, per rectam AI incedens; in hac enim hypothefi plana omnia reflexionum, non solum sunt circuli maximi, sed etiam per rectam AI incedunt: quia & per centrum B, tanquam per punctum incidentiæ, & per semidiametrum AB tanquam per radium incidentem ex *definit. 6* huius transeunt: axes autem reflexionum sunt necessariò omnes in plano Æquatoris; seu circuli maximi ERFQ; siquidem omnes in unico eius centro B, velut communi omnium incidentiarum puncto secant eiusdem axem CD ad ad angulos rectos. Secent igitur se se Æquatoris & dicti circuli ALI plana duo in BL; & sit BL axis reflexionis, cum quo in eodem plano reflexionis, angulus incidentiæ erit ABL; si itaque in eodem plano AIL angulus reflexionis LBM fiat ipsi ABL æqualis; erit per 26 3 *elem.* arcus LM æqualis arcui LA.

Iam verò si in Æquatoris ERFQ circumferentia, arcui LE, æqualis abscindatur LN; & per N ducatur circulus maximus ad eundem rectus nimirum per eius polos C, & D incedens CND, secabit hic necessariò circumlum maximum seu planum reflexionis AIL etiam in M. Quia enim in duobus triangulis Sphæricis MNL & AEL per *constructionem* angulus LN M rectus, æqualis est ipsi LEA pariter recto: duoque anguli ELA, & NLM sunt ad verticem æquales: & ex *constructione* duo latera dictis æqualibus angulis subiecta inuicem æqualia sunt; videlicet duo arcus LN & LE; inde, inquam, sequitur per *propof. 5 2 lib. 3 de triang.* Ioann. de Regio Monte, latus LM æquale esse lateri LA; & similiter latus NM lateri EA; angulumque LMN angulo LAE æquari.

Et quia ex iam *demonstratis* arcui EA æqualis est EH, sequitur per *sententiam comm.* Quæ eidem æqualia etc. arcum NM eidem EH, & consequenter ipsi etiam FI, æqualem esse: atque adeo per M incedere parallelum, qui per H & I incedit; ac proinde radium BM ex AB incidente, in plano reflexionis AIL reflexum, cadere in eundem parallelum in quem cadit B H ex incidente AB, in plano reflexionis A IH, reflexum. At hic parallelus ex *antè demonstratis* oppositus est parallelo per A centrum Solis, ac per AG diametrum transeunti. Igitur &c. Et quia de quibuscunque alijs radijs ex eodem incidente AB in quibuscunque reflexionum planis, pari modo reflexis, idem similiter demonstrari potest, sequitur omnes ita reflexos radios in eundem parallelum HMI cadere. Igitur si cuiuslibet maximi in Sphæra circuli &c. Quod fuit demonstrandum.

Propositio C.

Si speculum cylindricum à cuiuslibet maximi in Sphæra circuli plano, orthogonaliter secetur, amborumque axes in unum conueniant, & in sectionem à centro Solis infiniti radij cadant: Sole existente in aliquo eiusdem circuli maximi puncto, reflexi in orbem radij, velut una ex omnibus compacta superficies lucis, eiusdem circuli maximi plano congruent: Sole autem extra eum circulum in aliquo eiusdem parallelo existente, conicum reflexum cadet in parallelum ei oppositum, & æqualem tanquam in propriam basim.


R Equire definitionem 10 huius: & sit quemadmodum propof. precedenti circuli cuiusvis maximi vt *Æquatoris* $ERFQ$, axis CBD , & huic ipsi congruat axis speculi cylindrici, in cuius & *Æquatoris* communem sectionem, quæ sit IOP , infiniti cadant radij à centro Solis, in quocunque dicti circuli maximi puncto E existentis. Dico reflexos inde radios pariter infinitos, vnâ veluti superficiem lucis planam efficere, ipsius circuli maximi $ERFQ$ plano penitus congruentem. Et hæc est propositionis pars prima, cuius demonstratio satis clarè continetur prop. 91.

Pro altera verò parte, sit Sol, vt precedenti etiam propositione supponebatur, in quouis circuli $ERFQ$ parallelo, vt Tropico Capricorni, quem recta AG repræsentet, & ex eiusdem Tropici quolibet puncto A radij cadant infiniti, in prædictam sectionem IOP . Dico radios inde reflexos cadere omnes in parallelum ipsi AG oppositum videlicet in Tropicum Cancræ; si enim circulus maximus ad *Æquatorem* rectus $CEDF$ per A incedat, & ipsum *Æquatorem* secet in E , erit EBF communis vtriusque sectio & diameter: & quia eadem recta EBF perpendiculariter cadit in sectionis cylindricæ IOP punctum I , cum illa coincidat IE axis reflexionis in eodem puncto I erectus: si itaque radius ex A cadat in I , angulus incidentiæ erit EIA , cui si fiat ex altera parte æqualis angulus reflexionis EIH , erit circumferentia EH æqualis circumferentiæ EA (vt facillè esset demonstrare) igitur per H incedet parallelus oppositus parallelo per A incedenti: igitur radius iste AI , ex vno puncto dati paralleli incidens, reflectitur in punctum oppositi paralleli.

Detur deinde radius alius ex eodem A cadens in quodlibet aliud eiusdem cylindricæ sectionis IOP punctum O ; sitque AO . Dico ipsum etiam AO reflecti in punctum aliquod paralleli ipsi AG oppositi. Erigatur in puncto O axis reflexionis; hic necessariò per centrum B , incedet per prop. 86

et per eiusdem corollarium erit in plano circuli maximi *Æquatoris* $ERFQ$: Axis itaque in O erectus, & per centrum B incedens sit OL , secans *Æquatoris* circumferentiam $ERFQ$ in L : at verò per L , atque per A incedens planum reflexionis faciat per *propof.* 97 in Sphæra circulum maximum, qui sit ALK circa diametrum ABK . Cùm itaque in plano AKL radius incidens sit AO , & axis reflexionis OL , erit angulus incidentiæ AIL , cui si in eodem plano fiat æqualis angulus reflexionis LOM ; erit arcus LM æqualis arcui LA ; vt absque ulteriori demonstratione satis intelligitur. Nunc si quemadmodum *precedenti prop.* factum est, in circumferentia *Æquatoris*, arcui LE æqualis abscindatur LN , & per N ducatur circulus maximus ad eundem rectus; id est, per vtrunque eius planum $C&D$, incedens CND , secabit hic necessariò planum reflexionis AKL etiam in M .

Quia enim in duobus triangulis Sphæricis MNL & AEL , per *constr.* angulus LMN rectus, æqualis est ipsi LEA similiter recto; duoque anguli NLM , & $E L A$ sunt ad verticē æquales; & ex *constr.* duo latera dictis æqualibus angulis subiecta æqualia sunt ad inuicem, duo videlicet arcus LN , &



LE : sequitur per 52 lib. 3 de triang. Ioann. de Regio Monte, latus LM æquale esse lateri LA , & similiter latus NM lateri EA , angulumque LMN angulo LEA æquari. Et quia ex dictis arcui EA æqualis est EH , sequitur per *sentent. comm.* Quæ eidem æqualia &c. arcum NM eidem EH & consequenter ipsi FK æqualem esse: atque adeo per M incedere parallelum, qui per H , & K incedit; ac proinde radium OM ex AO incidente reflexum cadere in eundem parallelum in quem cadit $I H$ ex incidente AI reflexum. At hic parallelus ex ante dictis oppositus est parallelo per A & G transeunti; igitur &c. Et quia de quibuscunque alijs similiter reflexis radijs

Propositio CI.

Conici reflexi figura frusto conii recti quoad basis, ac summitatis circulos, omnino similis; quoad latera verò dissimilis est.

Fiat hypothesis eadem quæ *propof. præcedenti*, & radijs ab vno puncto A infinitis incidentibus in speculi cylindrici parallelam basi sectionem, quæ fit IL PZ; concipiantur pariter infiniti ab eadem sectione reflexi, vt IH, O N &c. vn timer per præcedentem cadentes in HR KF, parallelum oppositum, & æqualem ei, qui per A centrum Solis incedit; & ita vn timer simul circa speculi axem CV, efficientes veluti superficiem lucidam OIG EHN, ad vtrunque circulum IL PZ, HR KF, & ad vtrunque radium, O N, GE terminatam; quam *iuxta definit. 10 huius*, vocamus conicum reflexum. Concipiatur etiam circa eundem axem CV conus rectus DHR KF, cuius basis fit idem parallelus HR KF, vertex autem fit D; quo scilicet puncto dictum axem CV fecat productus intra speculum radius HI, qui solus ex omnibus reflexis est in plano reflexionis per eam traufente. Deinde verò ipse conus à quodam plano basi ipsius HR KF æquidistante, fecetur sectione per I incedente; & consequenter necessariò cum IL PZ coincidente; vt fit frustum conii IL PZHR KF.

Et his ita positis perspicuum erit frusto isti, & conico reflexo iam dicto axem quidem CV, & basim HR KF, atque etiam summitatem IL PZ, esse pariter communes; latera verò non æquè similia esse ex eo ostenditur, quòd latera frusti à punctis, quæ sunt in basis integro circulo HR KF ducuntur per puncta quæ sunt in summitatis IL PZ integro item circulo; & inde producta incedunt per axem CV (quem & fecant in puncto D) sunt enim omnia pariter in planis per axem CV incedentibus. At verò conici reflexi latera (id est lucis reflexæ lineæ rectæ) oblique & transuersim ducuntur à punctis, quæ sunt in exigua solum portione summitatis IL PZ, ad puncta, quæ sunt in portione longè maiori basis HR KF.

Quod vt faciliùs intelligatur, supponamus radios duos AO, AG, à puncto A fluentes, & superficiem speculi cylindrici hinc inde tangentes in sectionis IL PZ punctis O, & G: Sic enim eiusdem sectionis portio apparens OIG erit minor semicirculo per 98 lib. 4 *Opticorum* Aguilionij. Quia verò ijdem radij in hac, quam ponimus, speculi magnitudine secundum diametrum; spectata etiam distantia, quæ est inter lucidum punctum A, & eiusdem speculi superficiem: angulum valde acutum continent OAG: atque etiam quia nullam in punctis O, & G, reflexionem passi (vt pote cum solum tangant) recta perueniunt in peripheriam circuli HR KF, eamque ex vtraque parte in N, atque E fecant; abscindunt eiusdem arcum valde

Bbb

exiguum.

exiguum NKE , in quem radij reflexi nulli cadere possunt, cum illi duo tangentes producti AO , AE sint termini, ultra quos in circumferentiam $ILPZ$ nullus incidit; & consequenter ultra quos nullus in parallelum $HRKF$ reflectitur: adeo ut ob hanc causam residuus arcus NHE non incongruè dici possit arcus reflexè apparens, respondens scilicet ipsi OIG directè apparenti.

Illum autem sic esse isto longè maiorem semper æquè accideret, licet angulus radijs tangentibus AN , AE , comprehensus NAE minùs acutus foret, quàm sit in hac hypothefi. Quamvis enim posito angulo NAE maiori quàm nunc sit, maior etiam futurus esset arcus abscissus NKE , tamen tunc ex opposito minor etiam esset arcus apparens OIG : siquidem, ut ex *demonstrandis prop. 108*, clarè constabit, circuli portio, ut NHE reflexè apparens, est semper in proportionem dupla ad circuli portionem directè apparentem, qualis est OIG , ita ut si OIG continet gradus, verbi gratia, 160 ; NHE contineat 320 : nam dicto loco ostendetur portionem circuli, quam ex parallelo $HRKF$ abscindit quilibet reflexus inter H & N , siue inter H & E cadens; duplam esse eius, quam ex circumferentia $ILPZ$ abscindit radius incidens inter I & O , siue inter I & G .

Hinc modò ad rem nostram, facientia duo consequuntur. Primum, est, lineas reflexæ lucis, seu latera conici reflexi, à punctis arcus OIG , ad puncta maioris arcus (dicto inquam modo maioris) NHE ducta, obliquè ac transversim (ut dicebam) ducta esse; hoc ipso quod spectata reflexionis natura affectante dictam arcuum inæqualitatem; nulla huiusmodi linearum, præter unam, est vel esse potest in plano per axem CV incedente; præter unam dixi, videlicet præter IH : cæteræ enim sunt in planis reflexionum, quæ cum non per AI , sed per alios ipsi figillatim respondentes radios incidentes, & simul per rectam AK , (quæ est AB producta,) incedant, ex *demonstratis prop. 88*, incedere simul nequeunt per axem CV ; alioqui cum eo in quo est dictus reflexus IH identificarentur, quod est impossibile: unde neque per C centrum basis incedunt eorundem planorum cum ipsamet basi communes sectiones, quales sunt KN , KM , KQ , &c. Sed sola per illud incedit KH quæ est sectio eiusdem basis, & plani reflexionis, in quo est iam sæpe dictus reflexus IH .

Secundum est nullas conici reflexi lineas rectas (præter IH) productas, posse per eiusdem axem CV , seu CB transire; cum nulla ex eis sit in plano per eum incedente, ut dictum est. Atque ex his nunc demum patet conici huius nostri reflexi figuram, frusto conici recti similem esse quoad axem & circulos tum basis, tum summitatis; dissimilem verò quoad latera: quod ostendere fuit propositum.

Propositio CII.

Si ab aliquo circuli in Sphæra maximi plano speculum cylindricum orthogonaliter secetur, & in sectionem infiniti cadant radij à centro Solis in eodem circulo maximo existentis; lux inde reflexa rectam lucidam lineam in quavis obvio plano depinget.

HÆc facile demonstratur ex prop. 91, & ex prima parte propof. 100: cum enim ex ibi dictis, lucis ita reflexæ radij omnes in vno sint plano, & quidem plano circuli maximi secantis; sequitur per 311 elem. sectionem plani lucidi, & plani obuij, verbi gratia, parietis esse lineam rectam, quæ quia est sectio plani lucidi, lucida erit. Igitur si ab aliquo circuli in Sphæra maximi &c. Quod fuit &c.

Propositio CIII.


Si à cuiuslibet maximi in Sphæra circuli plano speculum cylindricum orthogonaliter secetur, & in sectionem infiniti radij cadant à centro Solis extra eum circulum maximum existentis in aliquo eius parallelo; lux inde reflexa lineam lucidam in plano æquidistante basi speculi, ac circa eiusdem axem depinget curuam; quæ tamen circulus esse non poterit.

SIt, quemadmodum prop. 100, Sol in A puncto paralleli Æquatoris qui per diametrum EZ incedens faciat in speculo cylindrico sectionem IOP basi parallelam, in quam ex A Solis centro, radij incidant infiniti; atque ab eadem reflexi pariter infiniti recidant in parallelum HGK, oppositum ei qui per A incedit; componantque iidem reflexi conicum de quo propositione 101 dictum est; secetur verò ipsum conicum ab aliquo plano inter sectionem IOP, & parallelum HGK constituto, ac vtrique æquidistante QX.

Dico communem conici reflexi, & plani QX sectionem, id est lineam curuam lucidam in eo circa communem speculi, ac Æquatoris axem SB C descriptam, non posse esse circulum. Sit enim plani QX & circuli maximi ACZ per axem SBC incedentis sectio communis LF recta, axem quidem SBC, secans in T, radium verò reflexum IH, in L. Deinde ex T tanquam centro intelligatur descriptus circulus YLF, incedens per L; hic namque est circulus circa axem speculi descriptus in plano eiusdem basi

parallelo, in quem ad punctum L iam cadit radius reflexus IH; & in quem ceteri ab eadem sectione IOP similiter reflexi cadent, si fortè hi ipsi circumulum lucidum circa dictum axem describunt.

Ostendo autem in eum circumulum, nullum alium ex ijs omnibus cadere radium posse, præter IH, qui eum, ut iam suppositum est, secat in L. Sit enim ex omnibus vnus, qui ex incidente AO, reflectatur per OG, & parallelum per HK incedentem fecerit in G, per prop. 100; radius autem HI producat, donec axem SBC fecerit in quouis puncto D; ac deinde ex D per O punctum reflexionis ducatur recta DOV, quæ parallelum quidem HGK in V, planum verò QX, & circumulum in eo descriptum VLF, fecerit in M. Similiter ex eodem D in G, ducatur recta quæ eundem plani QX circumulum fecerit in N, iunganturque GV, NM: sic erit GVD triangulum cuius & plani QX, communis sectio erit recta MN: & quia radius reflexus OG, secans dicti trianguli latus DV in O, & latus DG, in G est per 211 elem. in plano eiusdem trianguli; sequitur sectionem eiusdem radij OG, & plani QX communem, cadere necessariò in rectam MN, inter N, & M, ut in R: & quia dicta MN, subtendit circuli YLF arcum MYN; impossibile est punctum R cadere in eundem arcum MYN. Itaque radius OG plano QX occurrens solum in R, cadere nequit in circumulum FYL. Est autem eadem ratio de ceteris radijs, qua scilicet probetur eos cadere non posse in circumferentiam ex T centro descriptam FYL.



Sed & eodem modo potest demonstrari nullum alium esse posse in plano QX circumulum, ex quouis centro descriptum, in quem radij reflexi omnes cadant descripto enim quocunque circulo qui per datum quemuis reflexum, incedat, & erecto ad centrum axe, qui sit similis axi TD, fieri potest

potest triangulum simile triangulo GVD, in cuius plano sit radius OG, vel quilibet alius, qui in eum circulum cadere existimatur; & tota deinceps demonstratio eodem modo perfici potest, & concludi lucis reflexæ lineam, in plano QX prorsus non esse circulum. Igitur si ab aliquo circuli in Sphæra maximi plano, &c. Quod fuit demonstrandum.

Propositio CIV.

Radijs à centro Solis in sectionem speculi cylindrici basi parallelam incidentibus, lucis reflexæ linea curua in nullo, & quomodocunque disposito plano potest esse perfecta parabole, vel hyperbole, vel ellipsis.

Sic demonstratur. Si conicum reflexum esset superficies perfectè conica; sectio eius, in plano æquidistante basi eiusdem, esset perfectus circulus, centrum habens in axe ipsius *per 4 lib. 1 Apollonij*. In plano autem quod lateri eius seu lineæ longitudinis æquidistaret, esset perfecta parabole *per 11 eiusdem*. In plano autem quod basim, & latus eius vnum secaret, esset perfecta hyperbole *per 14 eiusdem*. Ac demum in plano secante vtrunque eius latus, esset perfecta ellipsis, *per 13 eiusdem*. At quia conicum reflexum, licet aliquam habeat cum superficie conica similitudinem, non tamen perfectam habet *per 96, & 101 huius*; estque impossibile, ut à figura in aliquo genere minimè perfecta, præstetur perfectè idem quod à perfecta præstaretur; sequitur sectiones quasunque in planis factas à conico reflexo, distingui & deficere à sectionibus conicis, ac proinde non esse perfectas parabolas, vel hyperbolas, aut ellipses: sicut *præcedenti prop.* demonstratum est, non esse perfectum circulum in eo plano, in quo tamen circulus esset, si sectio conica esset. Igitur radijs à centro Solis in sectionem speculi &c. Quod fuit demonstrandum.

Corollarium.

EX hac, & ex præcedente sequitur lineam illam reflexæ lucis curuam, in quouis plano deficientem à flexu perfectæ sectionis conicæ, locum mutare singulis momentis ad motum lucidi, circa axem speculi. Vide *schema propof. 101*, & cogita luminosum A per parallelum in quo esse supponitur circa speculi axem, qui est CV, moueri; & hoc ipso intelliges conicum reflexum OIHRN etiam moueri circa eundem axem; & reuera ita continuè mouetur ad motum lucidi, seu potius, aliud, & aliud de nouo conicum in varijs, & varijs spatij partibus circa prædictum axem, continuè efficitur æquiualens illi primùm producto, & mox intellecto sub ea conuersione. Si itaque hoc conicum ita conuerteretur, singulis con-

uersionis suæ momentis diuerſas efficeret ſectiones in plano quomodo-
cunque diſpoſito, cùm enim non habeat perfectam conì figuram *per 96*,
& *per eandem 101*; lineæ eius, verbi gratia, IH non ſuccederet per conuer-
ſionem in locum lineæ ON (& ſic de alijs) & conſequenter non occurre-
ret plano ſecanti cuiſcunque, in eodem puncto, in quo eidem illa occurre-
bat; & quia lineæ reflexæ lucis curua non conſtat niſi ex huiuſmodi lucidis
punctis, quæ in eo plano ſingulæ radiorum reflexorum, vt IH , ON , &c.
lineæ ad idem planum terminatæ imprimunt; neceſſe eſt punctis à priori
ſitu exorbitantibus, lineam quoque lucidam ijs conſtantiem à priori ſitu
dimoueri; atque adeo ad motum lucidi circa ſpeculi axem locum mutare
ſingulis momentis.

Propoſitio CV.

*Conici reflexi ſectio in quouis plano, eò, cæteris paribus; ſimilior
eſt ſectioni conicæ, quò id planum proximius eſt ſummi-
tati, aut baſi ipſius conici reflexi.*

HÆc demonſtratur *per 101*, cuius ſchema reuiſe: & cogita planum,
aliquod inter rectas IP , HK ; eiſdemq; parallelum, ac ſecans ſimul
axem CB , & ſuperficiem lucidam terminatam circumferentia $ILPZ$,
hoc eſt ſummitate conici reflexi, & circumferentia $HRKF$, id eſt baſi eiuf-
dem. Dico ſectionem conici reflexi in eo plano, eſſe eò ſimiliorem cir-
culo (qui nimirum eſt ſectio conica in plano baſi parallelo) quò idem
planum proximius erit circumferentiæ ſummitatis $ILPZ$, vel circumfe-
rentiæ baſis $HRKF$, cæteris paribus, videlicet ſuppoſita pari diametro
cylindri, cuius ſectio eſt $ILPZ$; & ſuppoſita pari eleuatione puncti lucidi
ſupra planum eiufdem ſectionis de quibus ſequentibus propoſitionibus.

Quia enim *ex demonſtratis propoſ. 100*, dicta baſis $HRKF$ eſt perfectus
circulus; & ſummitas $ILPZ$ *per conſtructionem* eſt etiam perfectus circu-
lus, vtpote, ſectio cylindri baſi ipſius parallela; atque adeo conicum re-
flexum *per 101*, quoad ſummitatem & baſim conuenit perfectè cum cono,
à quo tamen *per 96* deficit; ſequitur minùs cæteris paribus deficere prope
ſummitatem, ac prope baſim, quàm circa medium inter vtranque: ita-
que eiſus ſectio: quò viciniore erit ſeu baſi, ſeu ſummitati in plano vtrique
parallelo; eò erit ſimilior circulo.

Et quia de cæteris ſectionibus, quæ pariter vicinioreſ fuerint baſi, aut
ſummitati, ſeu à medio remotioreſ, in alijs planis quouis modo diſpoſi-
tis, eadem eſt ratio, quæ de ſectione in plano baſi parallelo; ideo in vniuer-
ſum aſſeritur ſectionem conici reflexi in plano, quod minùs diſtat à baſi
aut ſummitate ipſius, ſeu quod à medio ſpatio inter vtranque conſtituto
ampliùs

amplius distat; esse cæteris paribus similiorem sectioni conicæ, id est circulo, parabolæ, hyperbolæ, ellipsi. Igitur conici reflexi sectio in quouis plano, &c. Quod fuit demonstrandum.

Propositio CVI.

Conici reflexi sectio in quouis plano eò erit cæteris paribus similior sectioni conicæ, quò puncti luminosi supra conici reflexi summitatem eleuatio minor fuerit.

Vide iterum figuram *prop. 101.* Si punctum lucidum A esset in X, id est, in plano circuli maximi faciētis in speculo cylindrico sectionem ILPZ, tunc radij omnes reflexi essent in plano eiusdem circuli maximi per 91, depingerentq; in plano quouis obuio lineam rectam lucidā per 102. In ea tamen hypothesi non esset conicum, sed potius planum reflexum. Si verò idem lucidum A esset propè ipsum X, vt in S puncto arcus XA, & sic parum eleuaretur supra planum circuli, qui sectionem ILPZ facit; tunc radij reflexi efficerent conicum reflexum valde obtusum: nam tunc basis HRKF parum distaret à summitate ILPZ, quantum scilicet postularet in circulo maximo per HXA incedente angulus reflexionis XIT, æqualis angulo incidentiæ XIS, qui in ea hypothesi esset acutissimus. Posito itaque exiguo illo inter basim summitatemque interuallo, quodcunque inter eas constituitur planum, parum ab alterutra vel ambabus distabit, ergo per præcedentem sectio conici reflexi, erit in eo plano valde similis conicæ sectioni. Nec refert quòd in parua basis à summitate vt dictum est distantia, contingere possit vt planum à quo secatur conicum reflexum, sit in medio inter ipsas, vbi scilicet conicum reflexum, à vero cono maximè deficit: non inquam refert, quia exiguus admodum esse potest ille defectus, qui est in partibus medijs; quando istæ mediæ extremis in nullo prorsus deficientibus proximæ sunt; extremæ enim sua ipsarum, vt sic dicam, regularitate errorem mediarum paulatim emendant ea proportionem qua paulatim eisdem fiunt viciniore; vnde quando in vnum & secum & cum illis coincidunt, videlicet quando lucidum, vt initio dixi, est in X, tunc mediarum partium omnis error reducitur ad rectitudinem plani reflexi, in quo & basis, & summitas, & mediæ partes per modum vnius sunt. Ergo quò basis à summitate minùs distat cæteris paribus, præsertim pari diametro cylindri cuius sectio est ILPZ: eò minor in medijs conici reflexi partibus relinquitur error, qui sectionem eius in plano ad easdem medias partes secante vitiosam reddat. Igitur conici reflexi sectio in quouis plano eò erit, &c. Quod fuit demonstrandum.

Propositio CVII.

Conici reflexi sectio in quouis plano, eò cæteris paribus similior est sectioni perfectè conicæ, quò minor est speculi, seu sectionis eius reflectentis diameter.

DEmonstratio huius, ex eo petenda est, quòd vero cono similis est conicum reflexum quando eius summitas exiguam habet diametrum, ut in figura *propof. 101*, videre licet: quò enim minor erit sectionis cylindricæ *ILPZ* diameter *IP*; eò sectionis ipsa circumferentia (quæ est conici reflexi summitas) minor est; atque adeo proximior centro *B*; ac proinde radij reflexi *HI*, *NO* &c. ea ex parte proximius accedunt ad vnum verticem, qui esset in centro *B*; vnde, *per 99*, si axis *CD* sumatur pro speculo cylindrico, & centrum *B* pro omnibus incidentiarum punctis, quæ sunt in sectione *ILPZ*, conicum reflexum erit tunc perfectus conus; igitur quò minor erit diameter sectionis reflectentis, eò conicum reflexum erit similis cono cæteris paribus, præsertim pari basis diametro; quò enim maior est in conico reflexo basis, eò cæteris paribus, minor censetur respectuè summitas; ac proinde si in immensum excrescat basis, pro puncto reputari poterit circumferentia summitatis, quæ respectu basis minoris videbatur aliquantulum habere extensionem.

Ergo tunc ipsius coni reflexi sectio, erit sectioni conicæ similiter cæteris paribus. Igitur coni reflexi sectio, in quouis plano &c. Quod fuit demonstrandum.



Propositio CVIII.

Posito axem speculi cylindrici incedere per centrum alicuius maximi in Sphæra circuli, sectionem in ipso speculo basi parallelam facientis, quem ad angulos rectos secet circulus alius maximus per Solis in aliquo eiusdem parallelo existentis centrum, incedens; si ab istius plano distet cognito interuallò punctum aliquod sectionis illius specularis datum pro puncto incidentiæ, in quod scilicet à centro Solis radius cadat; possibile est punctum radij reflexi tum in circumferentia paralleli oppositi, & æqualis illi in quo est Sol; tum in plano eidem æquidistante; atque etiam quantitatem anguli incidentiæ, & reflexionis in superficie reflexionis inuenire.

Hic propositiōi simile quid habet nonagesimatertia; quatenus radij reflexi punctum in plano quod basi speculi æquidistat, cum quantitate angulorum incidentiæ, ac reflexionis inuenire docet; sed hæc insuper punctum eiusdem reflexi inuenit in circumferentia paralleli oppositi & æqualis ei in quo, &c. operationem autem habet in circulis Sphæræ, ideoque fortassis errori minus obnoxiam; certè verò multò faciliorem.

Ex quouis centro A describatur circulus VIKr sectioni speculi cylindrici propositi, & quidem basi eius æquidistanti, æqualis; describatur & ex eodem centro A alius, ad quoduis interuallum AE, circulus EBCD, in quatuor partes æquales ductis duabus diametris inuicem perpendicularibus EC, DB diuidendus; in cuius puncto O sit Sol tanquam in communi sectione ipsius circuli maximi EBCD, & alterius minoris Onlm, qui circa diametrum Ol sit parallelus maximi, circa diametrum EC, nunc quidem non descripti, sed solum intellecti, cuius axis sit BD, centrum autem A. Fiant duo arcus EF, CG, æquales ipsis EO, Cl; & iuncta FG secet diametrum DB, in puncto H; eritque FG diameter paralleli oppositi, & æqualis ipsi Onlm, punctum verò H erit eiusdem centrum. Itaque ex H, tanquam centro, interuallò autem HF, siue HG describatur semicirculus FPG: huic verò æqualis, & eodem interuallò, ex A centro describatur semicirculus LNM.

Detur deinde in circulo VIKr, punctum K pro puncto incidentiæ, in quod videlicet radius ex O cadere intelligatur, eiusdem verò puncti K distantia à plano circuli maximi EBCD, in quo Sol O existit, sit arcus KI interceptus inter ipsum K, & circuli VIKr communem cum diametro EC sectionem, quæ sit L. Ducatur ex A centro, per ipsum K recta AKN, secans semicirculum LNM in N & semicirculum EBC in X; arcui verò

LN

cidentiæ γ distare intervallo fA . Ducatur nunc ex c ipsi GS æquidistans, ipsam autem VS in d secans recta cd , cui æqualis ex eodem c , ipsi autem GQ parallela, vel quod in idem recidit, ex semicirculo poc (qui ex f centro descriptus per c incedat, & rectam ab in p secet) arcum po tot graduum, quot in arcu FQ continentur, abscindens ducatur ce in plano YZ ; & connectatur fe : connexis autem OI , IF , secet recta IF latus ab plani YZ in a : & ex f centro, intervallo autem fa , describatur in eodem plano YZ semicirculus abb , quem in h secet recta fe producta.

Dico 1, punctum Q , in circumferentia paralleli FPG oppositi, & æqualis ei, in quo est Sol, esse punctum radij reflexi, ex eo qui intelligitur incidens OK . Dico 2, e esse, in plano YZ , punctum eiusdem radij reflexi. Dico 3, in plano reflexionis angulos incidentiæ, & reflexionis æquales esse duobus OVT , SVT .

Demonstratio.

Circulum $EBCD$ ad maiorem demonstrandi facilitatem vocemus Meridianum; cuiusque planum concipiamus subiectum cæteris aliorum circulorum planis mox eleuandis; ac primò Æquatoris , qui intelligatur eidem Meridiano in communi diametro EC ad angulos rectos insistere: in ipsius autem Æquatoris plano sic perpendiculariter erecto, sit simul semicircumferentia $LN M$, & altera semicircumferentia IKr , cum recta $AKNX$. Intelligatur etiam planum YZ moueri super immoto latere ab , donec plano Æquatoris , vt iam dictum est, erecto æquidistet, & Meridiani $EBCD$ planum orthogonaliter secet in ab . Præterea super immota diametro FG , attollatur semicirculus FPG , donec eidem Meridiano ad angulos rectos sit.

Demonstrandum nunc est 1, tres rectas AX , ce , GQ , in planis tribus sic erectis existentes, esse inuicem parallelas; demonstratur autem sic. Quia angulus $L A N$ ad centrum semicirculi $LN M$, pro basi habet eiusdem circumferentiam LN , & angulus FGQ ad circumferentiam semicirculi FPG , pro basi habet eiusdem circumferentiam FQ duplam ipsius LN , & in semicirculis æqualibus *per constructionem*; sequitur *per conuersam vigesima 3 elem.* æquales inuicem esse angulos FGQ , EAX , siue EAN : & quia duæ illarum dictos æquales angulos comprehendunt videlicet EA , FG , sunt inuicem parallelae *per constructionem*: sequitur *per conuersam decima 11 eiusdem*, reliquas duas GQ , AX , esse pariter inuicem parallelas; præsertim cum in planis æquidistantibus per ipsas EA , FG , incedentibus existant. Eadem ratione demonstratur rectam ce in plano YZ parallelam esse ipsis AX , GQ ; cum *per constructionem* recta ac æquidistet vtrique EA , & FG ; angulus vero ace sit etiam *per constructionem* æqualis vtrique EAX , FGQ .

Demonstrandum 2 est tres rectas AT , cd , GS , in plano semicirculi O
TG,

TG, esse inuicem parallelas. Connectatur OS; & quia femidiameter AT per constructionem bifariam diuidit arcum ODS, eius quoque subtensam OS bifariam diuidet; ac propterea eidem OS ad angulos rectos erit per 33 *elem.* Quia verò angulus OSG in semicirculo, rectus est per 31 *eiusdē*; sequitur GS perpendicularem esse ad OS. Cum igitur ambæ GS, AT, in eodem plano ad eandem OS perpendiculares sint, erunt necessariò inuicem parallelæ. De recta verò *cd* patet per constructionem, ipsam esse parallelam rectæ GS.

His itaque demonstratis, super immota diametro OG semicirculus OTG, cum suo plano moueatur donec recta GS, in eo existens, congruat cum recta GQ existente in erecto plano semicirculi FPG; & cum istius puncto extremo Q, alterius etiam extremum punctum S copuletur; fieri autem id potest, quia per constructionem æquales sunt GS, GQ; & insuper punctum habent commune G. Et hoc ita posito duorum planorum FGQ, & OGT communis sectio erit GQ, siue GS; cum duæ coniunctæ non nisi vna sint.

Præterea quia planum OGT in eo situ, duo simul imò tria æquidistantia plana secant videlicet FGQ planum circuli minoris, & ECX planum circuli maximi, quem diximus Æquatorem; ac demum planum YZ; sequitur communes eorum sectiones, quæcunque illæ sint, esse inuicem, & cum GQ, siue GS (quæ iam posita est vna sectio) parallelas per 16 11 *elem.* Et quia duo plana ECX, OGT plana sunt circulorum maximorum, cum habeant commune in Sphæra centrum A; sequitur communem eorum sectionem per idem centrum A incedere. Rectæ igitur AT, AX, quæ commune punctum habent A in centro, & quæ ex demonstratis parallelæ sunt ipsis GS, GQ; in vnâ coincident rectam, quæ erit eorum planorum communis sectio. Eodem argumento probabitur duas *cd, ce*, quæ vnum commune punctum habent *c* in diametro OG, & ex demonstratis parallelæ sunt duabus GS, GQ; in vnâ pariter rectam conuenire, quæ erit communis sectio planorum OGT, YZ. Itemque patet *d* coincidere cum *e*; quia per constructionem æquales sunt *cd, ce*.

His demum ita constitutis si semicirculus IKr sumatur pro sectione in speculo cylindrico basi parallela, facta autem à plano Æquatoris ECX, per cuius centrum A incedat eiusdem speculi axis DB videlicet diameter Meridiani EBCD, qui erit etiam axis Æquatoris EXC, vt dictum est, erecti: dato in eadem sectione puncto K pro puncto incidentiæ, in quod ab O Solis radius cadat; erit axis reflexionis in K erectus recta, AX; siue quod idem est, recta AT iam cum AX coniuncta; axis enim reflexionis per centrum A incedit per 86 *huius*. Et quia per 98 *eiusdem* planum reflexionis est circulus maximus, qui ex 88 *eiusdem* incedit per rectam OAG; sequitur planum OGT, per eam, & simul per axem reflexionis AX, seu AT incedens, esse verè planum reflexionis. Et quia V idem est cum K ex demonstratis, radius incidens erit OV, reflexus verò VS, qui propter
ant a

antea dictam identitatem puncti S cum puncto Q, parallelum F P G, oppositum & æqualem ipsi O n l m, in quo est Sol, secant in Q: quod fuit primò propositum.

Et quia idem radius V S secant rectam *cd* in *d*, est autem *ex demonstratis* *cd* eadem cum *ce*, & *e* idem cum *d* in plano Y Z: sequitur *e* in eodem plano, esse illud punctum in quod reflexus V S (siue V Q aut K Q, hæc enim idem sunt in situ planorum constituto) cadit: quod fuit secundo loco propositum.

Præterea cum sit axis reflexionis V T idem cum K X; sequitur angulum incidentiæ esse O V T, reflexionis autem S V T, quorum quantitas cognito arcu O T, siue T S, cognoscitur: quod fuit tertio loco propositum. Igitur posito axem speculi cylindrici, &c. rectè inuenimus radij reflexi punctum in parallelo, qui oppositus & æqualis est ei, in quo est Sol, atque in plano eidem æquidistante; ac etiam quantitatem anguli, &c. Quod fuit demonstrandum.

Corollarium 1.

Portio radij reflexi comprehensa inter K punctum incidentiæ datum, & planum Y Z æqualis est rectæ V d: patet quia V idem est cum K, & d cum e.

Corollarium 2.

Recta *fe* in plano Y Z dat interuallum, quo in eodem plano punctum radij reflexi distat ab axe speculi cylindrici; siquidem *f* est in dicto axe, & simul in plano Y Z.

Corollarium 3.

EX his iterum patet quod *propos. 103* demonstratum est, videlicet radios huiusmodi reflexos non cadere omnes in vnum circulum in plano, quod etiam basi speculi æquidistet, quale est planum Y Z. Sumatur enim pro puncto incidentiæ I communis sectio Meridiani E B C D, & semicirculi I K r existentis in plano Æquatoris: & ex O radius incidat O I, ac in plano ipsius Meridiani, quod *ex iam demonstratis* in hac hypothese est planum reflexionis, sit E I axis reflexionis, & angulus incidentiæ E I O; huic verò si fiat æqualis angulus reflexionis E I F; radius ex incidente O I reflexus, erit I F occurrens plano Y Z in *a*, siquidem *per constructionem* recta *ab* est plani meridiani, & plani Y Z communis sectio. Iam verò si per *a* ex *f* centro describatur semicirculus *abb*, quem semidiameter per punctum *e* ducta *fb* secet in *b*; erit *eb* interuallum, quo radius à priùs dato incidentiæ puncto K reflexus distat à circumferentia circuli habentis cen-

trum in axe speculi puta in f ; in quam tamen circumferentiam cadit radius alius IF similiter reflexus à nunc dato incidentiæ puncto I .

Monitum.

A Tramen quod punctum e , in quo radius ab incidentiæ puncto K reflexus planum YZ ferit, tanto ac tam notabili intervallo (quantum *encheb*;) distet à circumferentia abb ; ideo est quia Sphæra in hypotesim assumpta, est valde exigua, ut patet ex paruitate circuli $EB CD$, qui in ea maximus est. Nam quando Sphæra est multò maior, intervallum illud *eb* est multò minùs, ut clariùs colligitur *ex propos. 105, 106, 107* & in Sphæra cœlesti, quæ serè immensæ magnitudinis est, idem intervallum *eb* est prorsus insensibile, ut *prop. sequenti* demonstrabitur; quod quidem præmonere hîc volui, ne quis me ipsum mihi adversarium esse putaret.

Corollarium 4.

D Ato triangulo Sphærico cuius vnus angulus rectus sit, & duo latera cognita; reliquum latus inueniri potest, *ex demonstratis hac propositione*. Nam circulis in schemate ut priùs constitutis sit triangulum Sphæricum inter circulos tres maximos, Meridianum, Æquatorem, & circulum plani reflexionis; cuius trianguli latera duo cognita sunt; in circulo quidem Meridiano latus EO , videlicet declinatio Solis ab Æquatore; in circulo autem Æquatoris latus EX etiam notum est; cùm sit X in axe reflexionis erecto in dato incidentiæ puncto K , cuius à plano Meridiani distantia IK nota supponebatur; angulus verò in E rectus est; cùm ex facta hypotesi, Æquatoris semicirculus EXC Meridiano $EB CD$ ad angulos rectos insistat: tertium denique ignotum latus cognoscitur in plano reflexionis OGT ; est enim illud latus OT ; cùm demonstratum sit rectas AT , AX in vnum conuenire, ac proinde à latere OT subtendi angulum rectum $OE X$, siue quod idem est OET , in triangulo Sphærico, ex tribus arcibus TO , OE , EX , constante,



Propositio CIX.

Posito speculo cylindrico duos, vel tres in diametrum digitos habente, cuius sectio basi æquidistans pro Gnomone Catoptrico sumatur; conici reflexi cuiuscunque, sectio in quolibet plano simillima erit sectioni conicæ; quamvis id planum à sic sumpto Gnomone distet intervallo palmorum quinquaginta.


QUò minor est speculi cylindrici diameter (ex demonstratis prop. 107) eò conicum reflexum similius est cono, & consequenter sectio eius, sectioni conicæ similior; unde si posset operibus istis Catoptrici speculum tenuissimum, diametro solum transversæ auricularis digiti, vel multò adhuc minore, sufficere; optimum esset eo uti: & tunc sine dubio similis valde foret conicæ sectioni, sectio reflexi conici. Sed in tam exigua conuexitate non nisi valde pauci lucis radij incidere possent; & hi ipsi mox reflexione cylindrica in orbem sparsi, ac supra modum attenuati aciem fugerent: ideoque speculum diametri aliquanto maioris necesse est adhiberi, quod incidentem sufficientem lucem excipiens, eandem reflectendo non nimium attenuet; neque tamen ob excessum magnitudinis, radios reflexos à figura conica nimium depellat.

Nunc itaque id agimus, ut in magnitudine speculi duum digitorum, vel trium, diametrum habentis (quam huic rei sufficere docet experientia) ostendamus excessum non esse, qui perfectioni operis officiat: ostendimus autem in hunc modum. Sit circulus maximus quicunque AXV , cuius cum alio etiam maximo, ad ipsum recto $XOVZ$, communis sectio XV , orthogonaliter secet in centro B rectam CY : in ipsa autem CY , sit axis speculi cylindrici, in quo circulus maximus $XOVZ$ sectionem basi parallelam faciat ILP , cuius diameter, ut IP , sit tantum trium digitorum. Supponatur deinde Sol in aliquo eiusdem $XOVZ$ parallelo $ATQS$ existens, atque ex aliquo eius puncto A infinitos mittens radios in circulum, specularem ILP ; & inde reflectantur radij pariter infiniti efficientes conicum, cuius summitas ILP per 96, et 101; basis autem per 100, sit parallelus $HRKF$, ipsi $ATQS$ oppositus, & æqualis; ipsum verò conicum in $EGMN$ secetur ab EM plano utcunque disposito, tantum non amplius distante ab ILP , quàm intervallo palmorum 50.

Dico sectionem $EGMN$, sectioni conicæ simillimam esse. Quia enim circulus $HRKF$, in Sphæra solari propter immensam ipsius Sphæræ seu cæli magnitudinem, quodammodo immensus est etiam ipse; sectio specularis ILP tres solum habens in diametrum digitos, facile, & absque errore poterit (si cum illo comparetur) sumi pro puncto. Si enim, ut lib. 1 prop. 12 dictum est, hic licet ingens telluris globus instar puncti est res-

pectu Sphæræ solaris: quid quæso cogitare licet de circulo trium digitorum respectu circuli HRKF, qui in Sphæra solari licet non maximus, ferè tamen immensus esse intelligitur.

Quapropter licet radij reflexi nulli incedant per axem CY ex 101, præter unum qui est HI productus, eundemque axem secans in D; tamen quia circulus ILP instar puncti est, ex iam dictis; consequens est, ut radij per illum transuerfim, & obliquè, ut *propof.* 101 dicebatur, incedentes (cùm ab axe CY distent non nisi interuallo semidiametri fesquidigitalis) censeantur ab eo nullatenus distare; quasi verè per illum incederent, essetque ipsis in eo punctum aliquod commune, veluti vertex perfecti conici habentis, ut *eadem* 101 dicebatur, basim quidem HRKF, sectionem verò cum speculo cylindrico communem ILP. Potest itaque dicta sectio ILP sumi absque errore vlllo sensibili, non tàm pro summitate conici reflexi ILPKRH; sed etiam pro vertice conici DHRK. Ac proinde si radij solares à speculo cylindrico cuius sit solùm trium digitorum diameter, reflectantur, conicum reflexum erit cono simillium; atque adeo sectio eius in quouis plano, erit sectioni conicæ simillima; in quouis inquam plano, cuius ab eiusdem conici summitate ILP, distantia talis sit, qualis statim dicitur.




Similiter ex demonstratis *prop.* 105, constat sectionem conici reflexi in quouis plano, eò cæteris paribus esse similiorem sectioni conicæ, quò planum ipsum in quo ea est, vicinius est summitati, aut basi conici reflexi. Quia verò nobiliora ista Gnomonices opera Catoptrica; si, ut rei dignitas postulat, fiant; in alicuius minimè angusti cubiculi siue porticus, aut similis loci parietibus, ac testudine fieri conuenit; collocato videlicet speculo (ut postmodum suo loco dicitur) in aliqua fenestræ parte commoda:

da : hinc autem sequi videtur aliquam esse quodammodo notabilem distantiam inter summitatem conici reflexi, & planum in quo sectio eius est, vel (quod idem est) inter speculum, & aduersos cubiculi parietes; &c. ut minimum enim insigniora cubacula in longum, aut latum ad 20, aut 30, vel etiam 40 palmos romanos extenduntur: unde tunc totidem palmis sectio conici reflexi aberit ab eiusdem summitate. Quia verò tali ac tantapposita distantia suspicio esse posset, ne fortè dicta conici reflexi sectio in plano sic distante, aliquid vitij contraheret, ideo licet dicta distantia vix vnquam, ut credi potest, futura sit maior intervallo 40 palmorum; hypotheseim tamen extendo ad 50 palmos: ut si cuius fortè nobilioris aulæ, vel porticus ea amplitudine fornices, aut parietes nouo hoc atque erudito genere ornatus decorandi forent; de ea etiam sicut de minore consueta amplitudine demonstratio valere intelligatur; cum & de longè maiori posset adhuc valere. Sic autem procedit demonstratio.

Supra I L P, summitatem conici reflexi (iuxta ea quæ dicta sunt *prop.* 106) vel erit exigua & insensibilis eleuatio solis; vel erit vtcunque sensibilis: Si primum ducatur; sectio conici reflexi in quouis plano non erit vllatenus sensibilibiter diuersa à sectione conica *per eandem* 106: Si verò secundum dicatur; adhuc sectio conici reflexi erit sectioni conicæ simillima. Esto enim supra planum circuli maximi X O V Z, sectionem I L P in speculo facientis (quicumque ille sit) eleuatio Solis multò minor quàm sit arcus X A, & sit solum tanta, quanta est ipsius Solis semidiameter; ita ut parallelus illius eleuationis seu declinationis, transiens per centrum Solis distet à circulo X O V Z vna tantum Solis semidiametro; ipsius autem Solis circumferentia, tangat eundem X O V Z: hæc certè valde exigua est, & non admodum sensibilis eleuatio, quæ vix ad sesquigradum pertingit. Attamen non consequenter exigua est, vel insensibilis (quod ad rem nostram attinet) dicti paralleli à plano circuli X O V Z distantia, quæ vni Solis semidiametro æquatur; ex communi enim Astronomorum recentiorum sententia quinque & semis terræ semidiametros complectitur: atque adeo basis conici reflexi (quæ *per* 100 *huius*, est parallelus oppositus, & æqualis ei in quo centrum Solis est) in ea hypothesei totidem circiter terræ semidiametris aberit ab eiusdem conici summitate I L P, à qua solum 50 palmis distare supponitur planum in quo sit eiusdem conici sectio.

Cum itaque, ut euident est, 50 solum palmorum interuallum ferè nullum sit comparatione habita ad ingens tot terræ semidiametrorum, id est (iuxta communem recentiorum sententiam quæ vni terræ semidiametro tribuit milliaria 3035 & paulò ampliùs) milliariorum circiter 16693 interuallum, quod si diuidamus in palmos,tribuendo scilicet cuilibet milliario passus geometricos 1000, & cuilibet tali passui palmos 5; proueniet numerus palmorum 83465000, quot scilicet intercedunt inter summitatem conici reflexi, eiusdemque basim, quæ est parallelus distans à circulo X

OVZ una tantum Solis semidiametro; at certe numerus 50, respectu tanti numeri, ferè nullus est, & consequenter distantia 50 palmorum, quæ planum in quo est reflexi conici sectio, ab eiusdem summitate remoueri supponitur, comparata cum distantia 83465000 palmos, quæ ab eadem summitate distat eiusdem conici basis, ferè pro nulla æstimari, atque adeo dictum planum eidem summitati vicinissimum censerì potest iuxta sensum *propositionis* 105; cùm reuera sit remotissimum (videlicet duabus & amplius terræ semidiamentris) ab ea parte in qua conicum reflexum maximè differt à cono, quæ pars est circiter in medio inter summitatem & basim.



Hinc autem sequitur *per eandem* 105, sectionem conici reflexi in plano huiusmodi esse simillimam conicæ sectioni; & hoc idem *per eandem* multò magis verum est, quando eleuatio Solis supra planum circuli XOVZ multò maior est, vt est XA, verbi gratia; tunc enim basis conici reflexi multò ampliùs incomparabiliter distat ab eiusdem summitate; & ita de alijs. Igitur vniuersaliter, posito speculo cylindrico duos vel tres in diamentrum digitos, &c. Quod fuit demonstrandum.

Corollarium.

Cum igitur conici, vt dictum est, reflexi sectio in quocunque plano simillima sit sectioni conicæ; non est quod aliquis putet in cylindricis frustis hyperbolas aliquantulum ellipses affectare.

Propositio CX.

Si unico Sol motu, circa speculi cylindrici axem, moveatur in aliquo Sphære suæ circulo, radios continuè vibrans in eiusdem speculi sectionem basi æquidistantem; conici inde reflexi sectio in quavis obiecta superficie, eadem semper, ac eodem situ permaneret, nullatenus sensibilibiter variata.

HÆc, corollarium quoddam est præcedentis propositionis: quare in eodem eius schemate omnibus, ut ibidem dictum est, se habentibus, tantum nunc addo, & dico, supposito quòd Sol in quouis circulo existens, simplici vnico motu circa vnicum axem moveatur; lineam lucidam (quæ est conici reflexi sectio) in quacunque obiecta superficie apparentem, ut $EGMN$, nullatenus sensibilibiter (stante eo motu) mutatum iri, siue secundum figuram, siue secundum situm. Moveatur enim Sol in circulo $ATQS$, circa axem YC . Et quia conicum reflexum $ILPKR$ *H*, licet per corollar. propositionis 104, ad motum Solis circumuerti intelligatur, circa proprium axem BC , seu YC ; semper tamen summitatem eandem habet ILP , atque etiam basim eandem $HRKF$ per 100, siue Sol in A fuerit, siue in T , vel Q , &c. atque adeo ex demonstratis propos. præcedenti, æquè semper sumi potest pro cono $DHRK$; consequens est ab eodem conico, ut dictum est, circa axem YC , ad motum Solis conuerso, sectionem $EGMN$ fieri continuè sectioni conicæ, id est sibi ipsi, semper simillimam: atque adeo à se ipsa nullatenus sensibilibiter, seu situ, seu figura diuersam: talis quippe continuè fieret à cono $DHRK$; licet circa eundem axem YC circumducto.

Eodem autem modo procederet demonstratio si Sol in quouis alio simili circulo non maximo similiter moueretur: imò & si supponatur moueri pariter vnico motu circa eundem axem YC , in ipsomet circulo maximo $XOVZ$. Quia enim in eius plano per constructionem est circulus specularis ILP , in eodem etiam continuè semper futuri sunt radij reflexi, stante eo motu per 91: atque adeo si in aliquo plano *ab* lineam lucidam ZO primò depingant, eandem stante eo motu inuariatam continuè depingent. Igitur vniuersaliter, si vnico Sol motu circa speculi cylindrici axem, &c. Quod fuit demonstrandum.

Propositio CXI.

Si speculum cylindricum immobiliter ita collocetur, ut axis eius Aequatoris axi æquidistet, Iris Catoptrico-Gnomonica sensibilem in se ipsa siue figuræ siue situs mutationem ex diurno Solis motu nullam recipiet, sed solum reciproci accessus, & recessus constantissima vicissitudine motu uniformi non interrupto aut quasi subsultorio annum Solis in Zodiaco motum æmulabitur.

PRima pars, quæ Iridi Catoptrico-Gnomonicæ diuersitatem sensibilem negat accidere ex motu Solis diurno, patet ex 110, quia enim hic motus fit circa axem Aequatoris, etiam iuxta factam hypothesim fit circa axem speculi cylindrici. Altera verò pars demonstratur, quæ asserit Iridem Catoptrico Gnomonicæ ad Solis in Zodiaco motum uniformiter cum illo moueri, & successiuè situm sensim sine sensu mutare non subsultim, & post multam vnus diei quietem, ita ut postero die videatur cum Sole gradum ascendisse, vel descendisse.

Quia enim basis conici reflexi est parallelus oppositus, & æqualis ei in quo est Sol per 100 huius, Sol verò in Ecliptica, uniformi continuo motu, non autem interrupto media quiete, ac subsultim progreditur ab vno in alium gradum, sequitur similiter conici reflexi continuam, & minimè interruptam fieri secundum alias atque alias bases, mutationem; atque adeo vi motus Solis in Ecliptica, aliud atque aliud semper conicum innouatione continua, in alijs atque alijs obiectæ superficiei partibus generari: ex hoc autem fit recedente Sole recedere Iridem, accedere verò eodem accedente, quod est reciproci accessus & recessus vicissitudine constantissima annum Solis in Zodiaco motum æmulari. Igitur si speculum cylindricum immobiliter ita collocetur, ut axis eius, &c. Quod fuit demonstrandum.

Corollarium.

Locum Solis in Zodiaco demonstrare optimè poterit Catoptrico-Gnomonica Iris, si in aliqua linea quam illa fecit distinguantur, debitis punctis, & intervallis declinationes graduum Eclipticæ, vel arcus designentur, arcubus radiorum Zodiaci quodammodo similes, quibus suo tempore & ordine Iris congruat. Porro ea puncta declinationum quomodo sint annotanda, & arcus illi quomodo sint designandi, postea dicitur prop. 115: habent enim nonnihil diuersum à communibus siue punctis, siue parallelis Signorum designatis, siue notatis propof. 41, & sequent. lib. 2, et prop. 63 huius, ut propof. 114 demonstrabo.

Propositio CXII.

Si speculum cylindricum immobiliter ita collocetur, ut axis eius, axi Horizonti æquidistet Iris Catopt. sensibilem in se ipsa siue figuræ, siue loci mutationem nullam recipiet ex motu Solis præcisè ut circa axem Horizontis fit per varios circulos maximos Verticales: sed solum prout ad axem, vel ab axe eiusdem Horizontis fit per varios circulos Horizonti parallelos.

HÆc proposito à præcedente non differt nisi sola hypothesi, quatenus supponit speculum Horizonti esse perpendiculare. Prima autem eius pars negans in Iride Catopt. Gnomon. ullam intercedere mutationem ob eum motum, quo Sol circa axem Horizontis delatus, varios circulos Verticales transcurrit, constat ex prop. 110. Ille enim motus, ut præcisè est circa axem Horizontis per varios circulos Verticales, est vnus simplex motus circa axem speculi, igitur &c. Secunda verò pars demonstratur ut secunda item *propositionis præcedentis*, quia enim Sol, dum supra Horizontem altius eleuatur, vel ad eundem rursus deprimitur, in alijs atque alijs successiuè parallelis Horizontis existit, sequitur per 100 aliam atque aliam similiter successiuè esse basim conici reflexi, atque adeo ipsum quoque conicum successiuè mutari, & aliud alteri succedere.

Hoc autem posito necesse est posterioris sectionem à sectione prioris diuersam esse in quouis plano, diuersam, inquam, saltem secundum situm, non autem secundum figuram: Nisi quod cum Sol est supra Horizontem elatior, si Iris fuerit circulus, erit etiam circulus cum Sol fuerit depresso; sed circulus maioris diametri: ita si in maiori Solis eleuatione, Iris fuerit hyperbole in aliquo plano; in eodem erit etiam hyperbole ad maiorem Solis eleuationem: cum hoc tamen discrimine, quod in maiori eleuatione erit hyperbole acutior, in minori diductior, quamuis accidere possit, ut in eodem etiam plano, ad varias Solis eleuationes, Iris reflexa ex elliptica in hyperbolicam desinat, vel etiam parabolicam, aut è contrà prout scilicet ad paulò ante dictam conici reflexi mutationem contingere potest, ut idem planum in quo est Iris, sit parallelum circulo maximo, nunc tangenti, nunc secanti basim conici reflexi, nunc neque tangenti, neque secanti, neque æquidistanti.

Addo tamen Iridem quæ in aliquo plano circularis est, non posse ex sola mutatione secundum Solis eleuationem mutari in non circularem, quia scilicet planum illud in quo ea est circularis, æquidistat basi conici reflexi, at licet secundum diuersas eleuationes Solis, diuersa sint conica, propter diuersas bases, hæ tamen sunt semper inuicem parallelæ, utpote
ad

ad quas sit perpendicularis axis tum speculi cylindrici tum ipsius conici. Igitur licet mutetur eleuatio Solis, planum tamen in quo est Iris erit semper parallelum basi conici: ergo in eo Iris erit semper eodem modo circularis: sed tamen, vt ostendi, erit semper diuersa secundum situm, siquidem habebit diametrum modò maiorem modò minorem; quæ omnia, locum etiam habent in hypothefi propositionis præcedentis, ac in omnia alia simili. Igitur si speculum cylindricum immobiliter ita collocetur &c. Quod fuit demonstrandum.

Corollarium.

G Radum solaris eleuationis supra Horizontem indicare certò poterit Iris Catoptrico-Gnomonica in quauis superficie; dummodo in ea debito modo puncta aliqua notentur, vel arcus quidam designentur, quorum contactu Iris demonstret locum Solis in respondente Almucantarath.

Propositio CXIII.

Circularum in Sphæra non maximorum arcus quibus in data quauis superficie delineatis congruat suo tempore Iris Catoptrico-Gnomon. non debent cæteris paribus, ad eandem Gnomonis longitudinem describi, ad quam in simili superficie describerentur eorundem circularum arcus, quibus umbra vel radius à speculo plano reflexus suo tempore conuenirent.

SIt circa diametrum AC maximus quiuis in Sphæra circulus $APCQ$ faciens in speculo cylindrico sectionem basi parallelam ILK , in cuius centro E (quod etiam centrum Sphære sit) verticem habeat Gnomon FE erectus in plano NO , quod quidem ipsi $APCQ$ æquidistet, cum alio autem etiam maximo $ABCD$ ad eundem $APCQ$ recto, faciat communem sectionem GH . Deinde Sole in circuli $ABCD$ aliquo puncto R lucente, styli vertex E radium RE excipiens, umbram generet EY , quæ plano NO in rectæ GH puncto e , occurrat; quæ etiam Sole circulum minorem RST , per R incidentem, ipsi autem $APCQ$ parallelum, percurrente describat per 15 *huius*, arcum cba : & eundem pariter describat per 13 *huius*, radius EV ex incidente RE reflexus à quodam speculo plano in centro E ad angulos rectos cum $APCQ$ collocato.

Dico arcum istum cba : nullatenus conuenire posse Iridi, quæ in eodem plano NO , Sole existente in eodem circulo RST reflexè producet à circulo speculati ILK . Sumpto enim puncto incidentiæ I in plano reflexio-

immensum, ac dicebatur esse immensus circulus Sphære solaris: ergo respectu illius interualli semidiameter I E habebit aliquam non sanè insensibilem quantitatem.

Imò verò adde, si triangulum I E V, stante semper eadem basi I E, in Sphæra illa maxima solari fiat, fore ut angulus V, adeo acutus euadat; ut duo latera I V, E V, æquidistare sibi inuicem videantur; & pro lineis parallelis sumi possint, absque errore sensibili, propter distantiam illam Solis pene infinitam: si autem æquidistarent; eorum ab inuicem distantia in plano N O esset sine dubio maior quàm sit nunc a G; esset quippe æqualis basi I E. Ergo in contrarium ex magnitudine Sphære efficitur potius, Iridem ab I L K circulo speculati reflexam; Sole lucente in aliquo puncto circuli R S T, minùs conuenire arcui *c b a*, ad longitudinem styli F E descripto pro umbra E c, siue pro radio reflexo E a, Sole percurrente eundem circulum R S T. Ergo in arcu describendo pro Iride Catoptrico-Gnomonica Sole existente in circulo R S T, assumenda est Gnomonis longitudo alia, quàm sit F E, ut F Z; (de quo vide *propositione sequent.*) & ita de alijs. Igitur circularum in Sphæra non maximorum arcus &c. Quod fuit demonstrandum.


Propositio CXIV.

Data diametro speculi cylindrici axem, & sectionem reflectentem basi æquidistantem, communes habentis cum circulo aliquo maximo, in cuius dato parallelo Sol existat, inuenire Gnomonis verticem, & consequenter longitudinem, ad quam in dato plano possit communibus descriptionis conicarum sectionum legibus describi arcus Iridi Catoptrico-Gnomonica accommodatè respondens, dum Sol in eodem dato parallelo existet.

Repetatur cum figura *precedent. propositionis* etiam hypothesis, & proponatur inuenienda longitudo styli, ad quam communibus præceptis in plano N O, describi possit arcus conueniens Iridi, quæ Sole existente in puncto aliquo R paralleli R S T reflectetur: Sit, ut *precedenti propos.* dictum est, radius ex incidente R I reflexus I V, producat verò idem I V sursum, donec B D rectam (in qua est axis tum speculi tum paralleli R S T, atque alterius oppositi V X Y) fecet in aliquo puncto Z: & dico punctum Z esse verticem Gnomonis in quocunque plano perpendiculariter erecti, ad cuius consequenter hoc ipso cognitam longitudinem, si iuxta leges de conicarum sectionum descriptione communiter tradi solitas conuenienter describatur, in proposito plano sectio conici cuius vertex sit idem Z, bas

sis autem parallelus VXY , eidem sectioni optimè congruet reflexa Iris, Solè in parallelo RST lucente.

Iungatur ZY ; & positis duobus lateribus ZY , ZV , alijsque similibus infinitis, fiat ad verticem Z conus $ZVXY$ habens cum conico reflexo, $ILKVXY$ (vt in *precedenti propof.* dictum est) summitatem seu circulum reflectentem ILK , & basim VXY ; atque etiam axem BD , necnon lineam longitudinis, seu latus IV , communem. Quia arcus GMH in plano NO factus per *precedentem* à conico reflexo $ILKVXY$ simillimus est sectioni conicæ per 109; censetur hoc ipso factus a cono, pro quo *ex demonstratis eadem* 109, sumi potest dictum conicum: cum autem certum sit quodlibet conicum non pro alio cono sumi posse, quàm pro eo cum quo (vt dictum est,) & basim & axem &c. communia habet; certum etiam est nullum alium esse posse conum præter $ZVXY$, qui pro conico $ILKVXY$ sumi possit in productione arcus GMN ; qui consequenter in plano NO ab eodem cono $ZVXY$ factus intelligitur. Et quia sectionibus conicis gnomonicè designandis ipsum coni verticem pro Gnomonis vertice sumi necesse est, vt colligitur ex *prop.* 15 1 *huius*, sequitur arcui GMN gnomonicè designando, verticem Gnomonis ipsum esse, qui & coni $ZVXY$ vertex est, videlicet Z .



Neque verò Gnomonem istiusmodi non in Sphæræ centro verticem habere mirum videri debet perpendenti non ab E centro Sphæræ, radorum reflexionem fieri, sed à circulo ILK centrum quidem habente in eodem E, sed habente etiam aliquantulam ab eo distantiam suæ circumferentiæ: cuius, inquam, circumferentiæ singula puncta quasi totidem Gnomones sunt Catoptrici, qui omnes in superficie coni $ZVXY$ existentes ad vnum

Ddd

om-

omnibus æquivalentem, & singulis æquè respondentem reducuntur, videlicet ad eiusdem coni verticem Z, qui ipsius superficiem, & omnes longitudinis lineas terminat. Erit ergo in hac hypothefi pro descriptione gnomonica sectionis conicæ, seu arcus G M N, in plano N O requisita styli longitudo F Z : & ita de alijs. Igitur data diametro speculi cylindrici &c. rectè inuenimus longitudinem styli, &c. Quod fuit &c.

Corollarium.


Hinc patet, ftante eodem circulo speculari I L K, fi in plano N O, vel alio fecante circulum maximum A P C Q, defcribendi fint arcus respondentes Iridi huic & illi reflectendæ subinde dum Sol fucceffiue omnes parallelos circuli A P C Q ab A verfus D exiftentes (quorum vnus eft R S T) ex hypothefi tranfcurret ; femper affumi debere Gnomonem cuius vertex fit in axe B D ab E verfus D ; & è contrà Gnomonis verticem fumi debere ab E verfus B, quando in aliquo plano designandi funt arcus pro Iride fucceffiue producenda Sole tranfcurrente eiusdem circuli maximi A P C Q parallelos omnes qui funt ex parte oppofita ab A verfus B quorum vnus eft V X Y. At verò quando linea defcribenda eft quæ refpondeat Iridi reflectendæ dum Sol in ipfomet circulo maximo A P C Q exiftet ; tunc quidem Gnomonis verticem in centro E fumendum effe ; quia videlicet tunc Sol & circulus reflectens I L K, necnon centrum E in vno funt plano circuli A P C Q, in quo per 91 huius, radij ab I L K in orbem reflexi exiftunt ; ficut & per 102, in eodem exiftit ipfa quoque Iris ab eisdem radijs in quolibet obuio plano depicta ; quemadmodum etiam per coroll. prop. 13 huius linea umbrofa, & per 7 huius radius à speculo plano reflexus, funt fimul cum vertice Gnomonis feu Sciatherici, feu Catoptrici in plano circuli maximi in quo eft Sol.

Huius rei exemplum cerni poteft propof. 110 in plano *ab*, quod fi fupponatur perpendicularare ad circuli maximi X O V Z, erit per propof. 7 primi huius ftylus Bc habens confequenter verticem in centro B, ex quo per circumferentiam I L P ductæ rectæ fecarent planum *ab* in recta Z O, cui congrueret Iris Sole exiftente in circulo maximo X O V Z.

Præterea patet Gnomonis verticem in axe B D, fiue ex hac, fiue ex illa parte, vt dictum eft, fumendum, non in vno eodemque axis puncto fumendum effe, pro omnibus arcubus omnium parallelorum, qui ad eafdem partes funt : fed eò longius à centro E fumi debere, quò parallelus, in quo Sol effe fupponitur, minor eft, & ab eodem centro remotior ; ac è contrà, id eft, (vt exemplo res clarior fiat) cum arcus G M N parallelo R S T refpondens, Gnomonem requirat, cuius vertex eft in Z ; arcus alius refpondens parallelo minori, quàm fit R S T, & circulum maximum A B C D fecanti inter D & R, exiget Gnomonem cuius vertex fit inter Z & D : quæ enim proportionem parallelus ille erit minor, eadem angulus V Z Y erit

acutior, & cum nihilominus duo latera VZ, YZ per eadem puncta I & K incedant, necessariò vertex Z erit eadem proportionè à centro E remotior. Ita è contrà, si parallelus fuerit maior quàm sit RST, angulus VZY erit etiam maior quàm nunc sit; atque adeo vertex Z erit centro E propinquior.

Non minùs ex demonstratis, tum hac, tum precedente propos. patent tria. Primum est non posse sine errore, & quidem haud parum sensibili (saltem, quando Solis, supra planum circuli APCQ eleuatio, est utcunque sensibilis) assumi longitudinem Gnomonis eandem, vel æqualem indiscriminatim pro arcubus Iridi, & umbræ, vel radio à speculo plano reflexo accommodatè designandis; siue etiam pro punctis distinguendis.



Secundum est eos arcus non debere describi ex aliquo centro sumpto in circulo ILK; nam neque in eo circulo, neque in linea per eum transeunte, est alicuius talis arcus centrum; sed omnium centra sunt in axe ED, siue in axe ipsius cylindri, id est in axe omnium conicorum reflexorum, quorum sectiones sunt illi arcus.

Tertium, est radium à speculo plano circulum ILK contingente, reflexum, non rectè indicare posse motum Solis, in lineis horarijs, alijsque similibus, quæ sunt sectiones circularum maximorum, atque adeo per centrum E incedentium.

Propositio CXV.

Data diametro speculi cylindrici axem & sectionem reflectentem habentis communes cum Æquatore, arcus qui locum Solis in Zodiaco reflexa Iride in ipsos cadente commonstrent in quouis proposito plano delineare. Vel certè eorundem arcuum puncta in horarijs propositi plani lineis Astronomicis distinguere.


Data IK diametro speculi cylindrici, seu circuli reflectentis ILK, qui sit sectio eiusdem speculi parallela basi, facta à plano Æquatoris quem diameter AC repræsentet (sic quippe, ut petitur, erit speculo simul & Æquatori communis, tum dicta sectio ILK, tum axis BD) proponatur autem designandus arcus cui reflexa Iris congruat Sole existente, in parallelo, verbi gratia, Geminorum, quem diameter RT referat. Si planum in quo delineandus est dictus arcus ponatur Æquatori parallelum, quale concipi potest incedere per rectam NO, res est facillima: duos quippe hætenus tradidi modos; alterum quidem *prop. 93*; alterum vero *prop. 108*; quibus in plano æquidistante basi speculi cylindrici, punctum inueniri possit, in quod cadit radius à quolibet cylindricæ eidem basi æquidistantis sectionis dato puncto reflexus.

Aliquo igitur ex his modis inueniatur in dicto plano (quod recta NO repræsentat) punctum saltem vnus radij, ex infinitis illis, qui conicum reflexum conficiunt Sole in parallelo Geminorum lucente. Verbi gratia, in circulo aliquo per polos Æquatoris incedente ABCD, sumpto per eam quæ dicta sunt *proposit. 392* huius, arcu declinationis II, AR; incedat per R recta RT parallela ipsi AC, repræsentans parallelum III, ac Sole ex hypothefi existente in R; cadat in I radius RI, indeque reflexus IV recadat per 100 huius in V punctum commune eidem circulo maximo, & parallelo Sagittarij (ipsis nempe Geminis opposito) VXY; & idem reflexus rectam NO, seu planum per eam incedens, & ad circumulum ABCD perpendiculare, fecerit in M: si itaque per M incedat circulus Mab, centrum habens in F (quo scilicet puncto axem BD secat eadem recta NO) hic ipse erit arcus optatus, cui suo tempore Geminorum reflexa Iris optimè conueniet. Cum enim per 109, conici huiusmodi reflexi sectio, sectioni conicæ simillima sit; in proposito plano (utpote basi eiusdem conici æquidistante) erit necessariò simillima circulo; vnde & pro illa circulus supponi poterit centrum habens in axe BD. Eadem verò lege describi poterunt seruata proportionè cæteri similes arcus in eodem plano, qui omnes erunt dicto modo circuli concentrici.

In alijs verò planis, quæ Æquatori (siue, quod nunc idem est, basi speculi

culi cylindrici) parallela non sunt, vel ad eundem inclinantur (vt planum aliud incedens per G.H) in illis, inquam, planis non æquè facilis erit prædictorum arcuum descripto. Neque enim illi iam erunt circulis, vt dictum est, simillimi, sed vel parabolis vel hyperbolis, aut ellipsis, prout varius erit cuiusque plani situs.

Dicam tamen qua arte perfici valeat, in huiusmodi planis dicta delineatio, duosque modos proferam, quorum primus sit. Sole, vt propositum est, lucente in Π parallelo, quem recta R.T diameter exprimat; posito, vt paulò antè dictum est, arcu declinationis eius AR; sit per 100 huius parallelus V.X.Y basis conici reflexi, & in A.C diametro Æquatoris sumantur hinc & inde ab Sphæræ centro E, duæ rectæ E.I, E.K æquales duabus semidiametris speculi cylindrici seu annuli I.L.K, à quo fit reflexio; ita vt tota I.K. Sit æqualis toti datæ diametro dicti annuli, seu speculi. Mox per præcedentem inueniatur in Æquatoris axe B.D, vertex coni, qui per I.L.K circulum specularem incedens, basim habet in V.X.Y parallelo, quod quidem ita fiet. Recta V.I per V & I producat, donec rectam B.D secet in aliquo puncto Z; & erit Z per præcedentem vertex, tum quorumcunque Gnomonum in quibuscumque planis erectorum, vt P.Z & e.Z; tum etiam dicti coni videlicet Z.V.X.Y, cuius descripta in quouis proposito plano sectio erit arcus, in quem ab annulo I.L.K reflectetur Iris Sole existente in Π : cuius quidem sectionis diameter in plano G.H erit f.h, & in plano c.d erit l.m.




Ipsa autem sectio, attento cuiuslibet plani situ describetur præceptis hac de re communiter tradi solitis qualia habet Clavius lib. 1 Gnom. prop. 8, alijsque plurimi, præcipuè verò in præclaro suo prodromo egregius Midor-
gius: quæ quidem præcepta licet generaliter solùm tradita, paucis tamen

additis in hoc opus particulare non admodum difficulter conuerti possunt: quapropter cum ea quæ sunt præcipua, & cuius ingenioso sufficere possunt, indicauerim, cætera quæ fusiùs, & magis in particulari de eadem methodo dicere possem eò labentiùs omitto, quò aliam habeo exponendam vsu facillimam, æquè ac expeditissimam, & (absit verbo inuidia,) meam. Meam autem dico non solum quia in re ista noua, nemo hætenus, quem sciam, peculiaria præcepta dedit (cum tamen, vt ex demonstratis prop. 114, intelligitur, necessariò peculiaria requirantur) arcus Iridi reflexæ accommodatos delineandi: sed præcipuè dico meam quia non differt ab illa mea facillima, atque in praxi tutissima, qua lib. 2 prop. 41, et sequentibus, arcus parallelorum Zodiaci in quouis dato plano directis tum vmbriis, tum radijs, conuenientes delineauit; qua & possent pari facilitate, arcus delineari pro radijs à speculo plano reflexis, vt faciliè colligitur ex propof. 8 & sequentibus huius 3 libri. Itaque

Secundus modus ille idem est quem dicto loco lib. 2, tradidi cum hac solum differentia, quòd centrum figuræ radiorum Zodiaci non in centro Sphæræ, neque in axe Æquatoris, sed in eiusdem diametro esse debet; in eo videlicet dianetri puncto quo eam secat circulus paruulus qui in plano Æquatoris, ac eidem concentricus æqualis est annulo speculari, siue circulo, qui est sectio speculi cylindrici basi parallela, à plano Æquatoris facta; quoad cætera verò delineatio horum arcuum pro Iride Catoptrico-Gnomon. nihil prorsus diuersum habet à delineatione eorum qui, vt dixi, pro vmbriis dicto loco delineati sunt.

Et vt rem clariùs exponam, Fiat instrumentum secundum eam formam quam propof. 40 lib. 2. exposui, in quo instrumento sit E centrum Sphæræ, per quod incedat tum Æquatoris axis BE, tum recta AK ad ipsum perpendicularis, quæ consequenter in plano Æquatoris existens, erit quædam eius diameter. Ex eodem centro describatur circulus ILK æqualis annulo speculari: fecet autem ILK rectam AK in I; & ex I tanquam centro ad quoduis interuallum IA describatur arcus CD in quo per 392 huius inuentis Signorum declinationibus ducantur radij CI, DI, &c. eodem prorsus modo quo dicta prop. explicatum est, & constructum erit instrumentum, cuius vsus nihil prorsus differt ab vsu illius, quod locis antea indicatis sub varijs formis (licet in re vnicum sit) constructum est. In vsu itaque semper ita fiat vt centrum quidem E illi eidem puncto exquisitissimè conueniat; in quo centrum ipsius figuræ radiorum, citatis locis collocabatur; Æquatoris autem radius seu semidiameter EA, per eadem puncta incedat, in hoc opere, per quæ in illo incedebat; ac similiter axis BE per horologij centrum transeat. Et sic ipsdem, quibus ibi, legibus facile erit in quibuscunque horarum à media nocte atque à meridie lineis puncta distinguere, in quæ, Sole existente in respondentibus Signis, Iris reflectetur à speculo cylindrico ad Æquatorem recto, cuius diameter sit vt IK, sufficient verò sola puncta absque lineis connectentibus; ea enim, fascia
sua.

sua lucida candida, connectet ipsa Iris suo tempore, quod erit multò iucundus. Neque huius descriptionis vltiorem demonstrationem adhibendam esse cenſeo, cùm ſatis euidentis habeat in hæcenus demonſtratis



fundamentum. Data igitur diametro speculi cylindrici, axem &c. arcus qui locum Solis in Zodiaco, &c. rectè descripsimus, vt erat propositum.

Aliter, ac in quauis non tantum plana, sed & conuexa vel concava; atque etiam minimè regulari superficie, eosdem arcus Signorum Zodiaci, Iridi reflexæ conformes, ad eundem speculi cylindrici positum delineare.


Organum Meridianum constructum *prop. 27 huius*, & inscriptis in-
vium Horographiæ &c. notis insignitum *prop. 28*, fibulis autem ad
cōuenientē circularem motum necessarijs munitum *prop. 30*, eodem pror-
sus modo ad hoc propositum opus adhibeatur, quo ad eorundem parallelo-
rum arcus in Sphæra Catoptrica polari adhibitum est *prop. 78*; cum hoc so-
lùm discrimine; quòd nunc motus instrumēti non debet fieri super recta
quiescente linea CD in qua est centrum F; sed super alia huic ipsi paralle-
la, quæ ab ea distet præcisè vna semidiametro assumpti speculi cylindrici;
atque in hoc nulla erit iam difficultas, si quod *propof. 23 & 29*, præcipie-
bam diligenter obseruatum sit. Quia enim organum hoc Meridiani mo-
bilis (quemadmodum, & aliud Verticalis mobilis) in hoc pariter opus, de
quo nunc ago, prouidus comparabam; in lamina AD tertium de indus-

tria foramen L fieri volui, eius verò rei ratio, quam tunc reticens in hunc ipsum locum aperiendam distuli, ex eo quod modò insinuabam discrimine intelligitur.

Cùm itaque mi Lector (vt rem tibi clariùs edifferam) figura radio rum Zodiaci, sub hac Meridiani mobilis forma, vti volueris descripturus propositos arcus Iridi Signorum reflexæ conformes; hanc adhibe cautionem. Primò Meridiani organi cardines per 78 constitues in situ qui in Sphæræ Catoptricæ Polari debetur; etiam factò ad eum legitimum situm comprobandum experimento tali, quale tibi exposui *propof. 38*, videlicet collocato speculo plano in debito situ huius Sphæræ Polaris Catoptricæ, obserua diurnum, vel semidiurnum radij ab eo reflexi curriculum, atque ex eius fide, Meridiani mobilis cardines conuenienter dispones, quasi simpliciter descripturus esses arcus ab eodem radio suo tempore percurrendos. Mox tamen cardinibus ita debitè dispositis; quia arcus nunc exoptas Iridi reflexæ conformes, laminam AD (vide *prop. 23*, & 30) quæ organo Meridiano ita copulata est (*prop. 30*) vt centrum fibularis annuli esset præcisè in recta CD, in qua nempe est instrumenti centrum F; nunc ad præfens negotium ita dispone, vt centrum eiusdem fibularis annuli ab eadem CD, tanto intervallo remoueatur, quanta est cylindrici propositi speculi semidiameter (quod autem dico de vnus fibulæ lamina AD, dico etiam de altera simili, fibulæ comparis, lamina) quare si interualla duo, quorum vnum est inter foramina I & K, & alterum inter foramina K & L fuerint inuicem, & semidiametro speculi cylindrici æqualia, instrumentum hoc totum ab vsu delineationis explicatæ *prop. 63*, ad hanc (quam modo tractamus) delineationem mira facilitate transferes. Id enim solum agendum erit, vt geminæ cochleolæ è prioribus foraminibus I & K exemptæ ac mox foraminibus K & L repositæ, iisdem quibus priùs, instrumenti lignei foraminibus, ac eodem modo committantur: sic enim fiet vt ab organi linea CD, centrum annuli fibularis remoueatur interuallè quod erit æquale ipsi IE, id est, vt supponitur, semidiametro speculi, vt paulò antea hac ipsa *prop. 115*, dicebam, & cerni potest in 2 eius schemate. Et hac demum lege arcus Zodiaci, qui in reflexæ suo tempore Iridi conueniant, huius instrumenti beneficio facillimè, simul cum linea Æquinoctiali describentur ex dictis *prop. 46*; dummodo, vt paulò antè etiam dixi ipsum instrumentum in debito situ, qui Sphæræ Catoptricæ Polari conuenit, vt *propof. 78* habetur, collocatum fuerit.







Propositio CXVI.

Speculum cylindricum sic aptè in debito situ collocare, ut reflexa ab eodem Iris, conuenienter quolibet tempore, Solis in Zodiaco locum demonstret.

Speculum huiusmodi, qua arte & ex qua materia sit conficiendum dicetur *prop.* 127 hìc verò solum agitur de modo, quo in debito situ collocari, ac fìlì debeat. Nunc itaque sit speculum $ABDC$ secundum superficiem conuexam optimè politum, secundum concauam autem solummodo læuigatam sed sine illo læuoris fulgore qui ad reflectendos lucis radios requiritur. Ad mensuram interioris cylindricæ circumferentiæ, cuius diameter MN siue OP , conficiatur torni opere ferreus siue æreus cylindrus $E H$ habens quidem longitudinem $E G$ æqualem longitudini AC , sed diametrum $E F$ ipsa MN aliquantulo minorem ob rationem, quam mox dicam glutinis inducendi: habeat etiam idem cylindrus basim $H K$, eiusdem tum operis tum materiæ, cuius explanatum in GH labrum ita, promineat ut crassitiem CO , siue DP exæquet; inde eleganti coronide cincta, desinat in radicem diuaticatam KL . Simili opere fiat capitellum S ; spira festili R intimo cohlidio Q committendum. Perfectumque erit instrumentum, cuius exterior cylindrica pars $E H$, sicut & interior speculi similiter cylindrica superficies MP tenacissimo glutino (quali vñ sumus *prop.* 35) pariter perlinantur, & inuicem aptè coniungantur; ac imposito firmatoque desuper capitulo; commodo loco reponantur, donec concresecat, ac firmiter coalescat glutinum.

Deinde cùm opportunum fuerit, Sole nimirum clariùs lucente, loco in fenestra iam priùs electo (ex quo videlicet *per præcedentem* delineati sunt arcus Signorum Zodiaci); intimo muro altè committatur instrumenti radix $K L$, & tali situ vnà disponatur speculum, ut circulus in eo medius, qui nempe est circa diametrum $T V$, præcisè sit in loco circuli, quem instrumenti Meridiani centrum F describebat motu suo dum fiebat arcuum delineatio: quod quidem satis facile erit, si extensis quibusdam filis tenuissimis, ut in simili factum est, *propof.* 34; notentur diligenter puncta duo, vel tria, quibus dictus circulus, à puncto centri F circa Æquatoris axem circumducto descriptus, ad amussim respondeat.

Sed potissimum negotium in eo vertitur, ut speculi axis XI æquidistet axi Æquatoris, seu axi circa quem mouebatur organum Meridianum, *propositione præcedent.* Id autem licet aliàs difficillimum sit, hac tamen arte certissimè, & non admodum difficulter assequemur. Moueatur subtiliter speculum AD , cum toto fulcri instrumento, in hanc vel illam partem; & obseruetur diligenter lucente Sole cùm reflexa Iris æqualiter conueniet
arui

arui Signi, seu gradui Signi, in quo tunc Solem versari constiterit ex ephemeride, vel aliter: tunc enim erit sine dubio speculum in debito situ, in quo & confirmandum erit; præsertim post factam hanc aliam observationem, quam ad maiorem rei certitudinem subiungo; postquam videlicet Solis semidiurno saltem curriculo deprehensum fuerit lucidam Iridis fasciam, iuxta ea quæ diximus *propof. 111*, loco suo minimè fuisse motam, motu qui fiat circa speculi axem *XX*, id est non motam nisi solo accessu ad *Æquinoctialem*, vel recessu, & quidem æqualiter in toto Iridis ambitu: donec enim axis *XX* debito consistat loco, Iris eam immobilitatem sic explicatam nunquam fortietur: cum verò eam feliciter fortita fuerit, axis quoque necessariò in debito situ erit: quare tunc ad rem certissimam, instrumenti seu fulcri radix *KL* iniecto gypso tenacissimo implicanda, ut muro deinceps immobiliter inhærescat, & speculum in eo sic comprobato situ firmiter contineat. Et ita quod propositum erat perficimus.

Propositio CXVII.

Data diametro speculi cylindrici axem, & sectionem reflectentem habentis communes cum Horizonte; arcus Almucantharath, qui solaris supra eundem Horizontem elevationis gradum reflexa Iride demonstrent, in quavis superficie delineare: vel certè eorundem arcuum puncta, in propositi plani lineis Verticalibus, vel alia quacunque distinguere: completaque delineatione seu distinctione, speculum ipsum in situ debito collocare atque firmare.

HÆc modò propositio nullam habet difficultatem, quæ non statim superari possit ex dictis in *precedenti*, ut satis intelligitur ex *115* *universali*, ex qua tam hæc, quàm præcedens consequuntur, velut in ea implicitè contentæ: si quid tamen in particulari addendum est; solum ad maiorem facilitatem, dicam primò non aliter describendos esse arcus istos Almucantharath in plano Horizontali; quàm in plano *Æquinoctiali* dictum sit describi debere arcus Signorum Zodiaci. Secundò in planis quibuscunque, Horizonti minimè æquidistantibus describi posse istos arcus utroque illo modo pro designandis Signorum arcibus relato *prop. 115*. Et ut secundus ille modus præsentis negotio faciliùs accommodetur hoc solum addo. Si supponamus diametrum speculi cylindrici esse hic eandem, quæ ibi, vel certè eidem æqualem videlicet *IK*; ex puncto *I* tanquam centro describendus est quadrans circuli ductis ab eodem centro *I* rectis ad singulos graduum terminos in circumferentia: & hoc quadrante utendum eodem


eodem prorsus modo; seruata proportione, in lineis Verticalibus prius in-
dato plano descriptis, quo radijs Zodiaci ex simili centro I descriptis, ha-
ctenus dixi vtendum esse in lineis horarijs Astronomicis. Denique terti-
um illum modum *eadem prop. 115*, additum, qui non ad plana restringi-
tur, sed in quibuscunque etiam minimè regularibus superficiebus locum
habet, facillimè accommodari istorum etiam arcuum Almucantharath
pro Iride reflexa descriptioni: si enim in instrumento Verticali mutantur
sicut fibulæ, eadem prorsus lege, qua dixi mutandas esse in instrumento
Meridiano; & ipsum Verticale instrumentum *per 40 huius* disponatur eo
situ qui Sphæræ Catoptricæ Horizontalis conuenit; describentur hi arcus, &
ipsa etiam linea Horizontalis *per 61, siue per 41, & 42*. His autem pera-
ctis speculum cylindricum conuenienti fulcro sustentatum, eadem lege
ijsdemque adhibitis cautionibus (seruata proportione) collocabi-
tur, atque firmabitur in situ debito ad axem Horizontis
quibus *precedenti propositione* collocatum fir-
matumque est ad axem *Æ-*
quatoris.
Et ita demum satisfactum est præsentī
proposito.



Propositio CXVIII.

Si Speculum cylindricum ita disponatur, ut super Æquatoris axe continue motum, subinde perpendiculariter secetur à circulo quolibet per eiusdem Æquatoris polos incedente, in quo Sol extiterit, reflexa Iris horas Astronomicas poterit indicare.

Sit C Spharæ centrum, & axis Æquatoris FG, ad quem rectus per idem C incedat speculi cylindrici AB axis YZ: ipsum verò speculum simul cum suo axe, certo quodam artificio (quali dicitur *proposit. sequenti*) secundum Æquatorem IDE, circa iam dictum eiusdem axem moveatur ad motum Solis diurnum, hac lege ut in quocunque Sol horario circulo per Æquatoris polos incedente fuerit, eidem sit speculum ad angulos rectos. dico fieri posse, ut Iris reflexa, horas Astronomicas demonstret.



Ponatur enim circulus huiusmodi horarius quicunque FV GK, verbi gratia, horæ 8 à media nocte, communem cum Æquatore IDE sectionem habens, rectam KV; quam orthogonaliter secet eiusdem Æquatoris diameter DE, huic verò congruat speculi axis YZ: sic fiet ut dictus horarius ad ipsum speculum rectus sectionem in eo faciat LMN basi parallelam. Itaque si in LMN, ex quocunque circuli FVGK puncto K, radij solares incidant ut KM, erunt per 91 huius omnes reflexi ut MT in plano illius: ac propterea si conuenienter, ut dicitur, *sequenti proposit.* linea horæ 8 à media nocte seu sectio circuli horarij FVGK in aliquo plano ut SPQR ad

ad styli verticem C, designata fuerit, vt PQ; Iris reflexa in eam cadet per 102 (sicut in eiusdem punctum O cadit ipsius Iridis radius vnus MT) & eatenus horam octauam, &c. indicabit. Est autem eadem ratio de cæteris Astronomicis horis. Igitur si speculum cylindricum &c. Quod fuit &c.

Propositio CXIX.

Horas Astronomicas Iride Catoprico-Gnomonica demonstrandas in quauis proposita interioris camerae superficie delineare.

Licet hic Gnomonem habeamus Catopricum; horarum tamen Astronomicarum lineæ eodem prorsus modo sunt designandæ, quo vbi est Gnomon Sciathericus, siquidem, vt satis intelligitur ex *propof. præcedenti* circulus horarius FVGK, alijque similes, huiusmodi reflexione omnino non mouentur è suis locis, cùm è contra ad singulorum loca vera ac naturalia, Iris conuersione speculi coaptanda sit, vt legitimè horas ostendat. Primò igitur per 36 *prop. huius* describatur linea Meridiana: deinde per ea quæ dicta sunt lib. 2 *propof. 31*, & *sequentibus vsque ad 38* quoad superficies planas, vel *propof. 48* quoad alias etiam minimè regulares, vel denique libro hoc 3 *propof. 78* (vbi de horologio è Sphæra Catoptrica Polari) describantur horarum Astronomicarum lineæ, non sub linea Horizontali, vt in Optico-Gnomonico horologio; sed supra illam, vt in Catoprico-Gnomonico: ita tamen, vt in ea descriptione, per ea quæ dicta sunt in *corollario prop. 114*, sumatur pro vertice Gnomonis, centrum Sphære; vt est *propof. præcedenti* punctum C, quod tum Equatoris tum speculi axibus FG, YZ, commune est: & sic habebimus lineas horarias, ad quas cùm fuerit, motu speculi circa axem Equatoris FG, perducta Iris, horam à media nocte, vel à meridie ostendet, vt fuit propositum.

Propositio CXX.

Speculum cylindricum ita disponere, vt Iris ab eo Gnomonicè reflexa horas Astronomicas demonstret.

Cv datur, limeturque affabre, ferreum siue æneum instrumentum duas habens planas superficies NLZ, KLZ ad se inuicem ita inclinatas vt angulum NKL contineant polari supra Horizont. elevationi æqualem: eius autem superficies inferior NLZ insideat (imò firmiter co-puletur argenteo ferrumine, vel aliter) orbiculari planæ basi OLIZ, quæ

Ecc

deor-


deorsum eleganti quadam specie desinat in firmam atque habilem radicem G M saxo ad crepidinem fenestræ, loco electo insigendam, ac mox infuso plumbo liquefacto, gypsove tenaci confirmandam; ut postea dicetur. Superius verò gemini ad planum K L Z perpendiculares, velut muruli affurgant L D Z, K C, qui alveolum A B hemicylindricum orichalceum geminis in D, & C transmissis cardinibus aptè libratum ac versatilem complectantur, sustineantque: ipse verò alveolus velut capsula quædam seu theca exterior tornatilis ita fiat, ut ambarum basium integri circuli A V A T, B V B T perfectissimè ipsius torni opere circa duo puncta immota, ut E, F versati exæquentur: ut sit ambarum basium axis vnus ad vtranque perpendicularis E F.

Ansulæ verò duæ in X X ex aduerso sese respicientes, sic aptè perforentur, ut teretes clauuli velut cardines transmissi, & antea dictis mutulis in C ac D, pariter commissi, æqualiter sint in linea recta X X secante ad angulos rectos in Y axem E F: interior verò theca speculum cylindricum P Q (quod supponitur iam prius optimè elaboratum atque expolitum) commodè capiat media sui parte inclusum, & optimo glutino (de quo aliàs *prop.* 35 dictum est) firmiter ipsi copulatum; reliqua autem media parte extans, & solaribus radijs expositum, ita tamen ut eius axis R S, cum ipsius capsulæ axe E F apprimè congruat; quod ita demum cognoscetur, si bases Q, & P, circumferentijs A V A T, B V B T æqualiter omni ex parte respondeant, & coæquantur.

Instrumentum hoc ita constructum simulque speculum cylindricum, eidem, ut dictum est, commissum optato loco sisti poterit hoc modo, descriptis *per præcedentem prop.* horarum Astronomicarum lineis, ac notato diligentissimè puncto in quo Sphæræ seu organici Meridiani, vel alterius ad hoc opus adhibiti instrumenti, centrum erat; in intimum murum ad fenestram depacta radix G M vsque ad G, communiatur aggesto gypso vel infuso plumbo: sed prius accuratissimè obseruetur, ut punctum Y sit præcisè in loco centri Sphæræ iam dicti; & recta X X, seu D D congruat axi Æquatoris: quod quidem saltem proximè vero hac arte assequemur.

Tabella quædam orichalcea, ut *spqr*, optimè explanetur, ac deinde ductis duabus rectis *ac, bd*, sese ad angulos rectos secantibus in *e*; ad mensuram capsulæ A B, tam secundum diametrum A A, seu B B, quam secundum axem E F, ita infecetur quadrangulæ figura *glfo*, ut per eam faciliè transmitti possit æquale rectangulum parallelogrammum capsulæ A B B A: ac insuper in *lim*, atque in *nho*, ita interiùs refecetur, ut simul cum capsula, amplecti etiam possit vtriusque mutuli K C, L D Z latitudinem crassitiemque, ad summities C & D. Ita in lamina, integræ supererunt lineolæ quatuor *ai, bf, ch, dg*, huic nostro negotio maximè necessariæ.

His verò peractis fila duo tenuissima in horologio intra ipsam cameram extendantur in hunc modum. Primò in linea Meridiana, ut dictum est *prop. præcedenti*, descripta, ad centrum horologij (quo videlicet horariæ lineæ





lineæ omnes conueniunt) fixo clauulo filum vnum tenuissimum, vna ex parte circumligatum, ex altera etiam, alteri clauulo adalligetur, ita vt in lineam rectam distentum per styli verticem, seu vt dicebatur *propof. præcedenti* per Sphæræ centrum C, incedat: hoc namque sic dispositum filum axem Aequatoris optimè referet.

Deinde aliud simile filum pari modo distendatur; sed ita vt in plano Aequatoris exiftens ad angulos rectos sit illi alteri filo: erit autem in plano Aequatoris, si descripta per 27, aut 28, vel 29 *prop. l. 2, aut per 78 huius 3*, lineæ Aequinoctiali, figantur in ea hinc inde ad vtrasque Gnomonis partes duo clauuli sursum, vel deorsum prout opus fuerit, vt à distento inter eos filo, filum illud prius tangatur abique vi, ne scilicet à recta linea se mutuo detorqueant; sic nempè contactus vtriusque mutuus, erit in vertice Gnomonis, seu in centro Sphæræ; & anguli erunt omni ex parte inter ea recti. Hanc verò quam modò describo gemini distendendi fili operationem, in schemate ideo nunc non curauim exprimi, quia iam ea ipsa aliàs non semel, in re fere simili vsus sum, vt *propof. 37, et 40 huius ex* quibus locis quæ de filiis extendendis modò dicebam faciliè intelligentur.

Filis itaque sic debitè collocatis lamina *spqr* fulcimentis ligneis, alijsue idoneis ad tempus imponatur, ac immobilis teneatur, tali situ vt lineolæ quatuor *ai, bf, ch, dg*, duobus decussatis filiis, apprimè congruant. Mox filis amoris tanquam officio suo iam perfunctis, instrumentum hoc nostrum cum capsula & speculo; radicibus vt antea dicebatur in murum depactis, sed nondum gypso, plumbeo confirmatis; sic adaptetur intra iam itabilitæ laminæ *spqr* infecatae vacuum capedinem, vt puncto *i* ad amussim respondeat C & puncto *h* similiter conueniat D, sic enim punctis *f* & *g* simul congruent ambarum centra basium E & F, atque adeo in *e* seu in Sphæræ centrum cadet punctum Y: atque hic erit legitimus instrumenti speculum deferentis situs, adhuc tamen, si placet, vltiori illo experimento certissimo comprobandus.

Amota lamina *spqr*, disce ex horologio quodam probatissimo præsertim solari, Sole ipso clariùs lucente, momentum quo is aliquem horarium in cælo circulum, vt horæ à media nocte 7 possidet; & eodem præcisè momento temporis, verte subtiliter cum speculo capsulam super immota recta XX donec bases ambæ AVAT, BVBT, ita sint radijs solaribus parallelæ vt neutra illustretur: tunc enim reflexa Iris vndique in prius designatam eiusdem 7 horæ lineam æqualiter cadet, si legitimus reuera est speculi positus. Porro idem iterum simili modo experire horæ meridiei, ac tertio etiam post meridiem hora 5, vel alia: & si quidem, tribus huiusmodi temporibus speculo, vt par est, conuerso, & Sole prædictas bases minimè illustrante, Iris vndique in horariam debitam lineam optimè quadret; certissimum argumentum hoc est, speculum in situ iam debito collocatum, atque in eo nunc tandem esse confirmandum, vt ne inde emoueat: sin minus; accuratè inquire vbi sit error, & diligenter

emenda, nec labori parce donec sibi cuncta, vt dictum est, debitè conueniant: his enim, vt decet, debitè peractis nouum habebis Catoptrico-Gnomonici hætenus quod sciam, prorsus ignoti, sed tamen elegantissimi horarij genus, quod tibi horam, vel horæ partem ostendet, quoties speculum ita verteris super immota, vt sæpius insinuauimus recta XX, vt à Sole bases non illustrentur: tunc enim Iris in horam, vel horæ partem, quæ tunc erit, certissimè cadet. Cuius rei, quia demonstratio peti facillimè potest ex propof. 118; hic iam non amplius immoror. Cylindricum itaque speculum ita disposuimus, vt Gnomonicè reflexa ab eodem Iris, Astronomicas horas demonstret, vt erat propositum.

Propositio CXXI.

Si Speculum cylindricum ita disponatur, vt axis eius cum Æquatoris axe constituat angulum minimè variandum complementi eleuationis poli supra Horizontem, & ita speculum ipsum super eodem Æquatoris axe moueatur ad motum Solis: possibile est Irīde reflexa horas ab ortu, vel occasu indicari.


Posito Meridiano circulo ABCD, sit Horizon ANCO circa diæmetrum AC, quam in centro P fecet Æquatoris axis EF; sic erit polaris supra Horizontem eleuationis angulus APE, eiusdem verò complementum DPE: sint præterea duo Æquatoris paralleli AGH, CIK, quorum ille sit omnium semper latentium maximus, ille verò omnium semper apparentium maximus: denique supponantur debito modo, vt mox dicetur, descriptæ in aliqua superficie horæ ab occasu, vel ab ortu.

His positis si speculum cylindricum, vt LM, cum axe Æquatoris EF, in punctis T & V (quibus ille vtrique basi occurrit) aptè, & firmiter copuletur tali modo, vt axis eius cum recta DPB coincidat; ipsumque speculum circa immota puncta T, V, conuertatur ad motum Solis, ita vt quolibet momento temporis sit perpendicularare circulo cuilibet maximo parallelos AGH, CIK, tangenti in quo versatur Sol. dico fore, vt Iris reflexa singulis horarum ab ortu, siue ab occasu lineis integris suo tempore conueniat; atque eatenus horas ab ortu, vel ab occasu demonstret.

Tangat enim ambos parallelos AGH, CIK circulus aliquis ex ijs qui huiusmodi horas distinguunt, vt Horizon ANCO, qui primam ab ortu horam inchoat, & vigesimam quartam ab occasu concludit, dictosque parallelos tangit in communibus ipsorum, & Meridiani sectionibus A & C. Luceat verò Sol in quouis eius puncto N, occiduo. Quia per constructionem, speculi axis congruit, cum recta DPB, id est, vt supponitur, cum axe Horizontis, faciet Horizon cum ipso speculo angulos rectos; ergo per 91 huius radij

radij ex N in sectionem speculi, parallelam basi incidentes, simul cum reflexis erunt in plano Horizontis; ergo Iris cadet in eam lineam quæ est sectio ipsius Horizontis, & superficiæ horologij, & consequenter horam 24 indicabit. Ita primæ ab ortu initium indicaret si radij à puncto aliquo eiusdem Horizontis ortiuo, vt O, inciderent.

Est verò eadem ratio de cæteris horis, siquidem Sole ad alium circulum horarium promotum supponitur pariter promotum speculum, & rectos esse angulos quos cum eo idem horarius facit. Posito autem dicto motu speculi circa puncta T & V super Æquatoris axe E F, futuros rectos eos angulos, quos cum speculo ipso ad Solis motum pari passu promotum, efficient



varij ac varij subinde circuli huiusmodi horarij, facillè intelliget qui (iuxta ea quæ de istis horarijs dicta sunt *proposit. 17 primi huius*) concipiet ipsum, ab exortu Solis in O, verbi gratia, Horizontem ANCO, cum parallelis AGH, CIK, firmiter alligatum in A & C, simul ad motum Solis circumagi cum ipsis; sic enim completo vnus horæ motu, esset Horizon in situ circuli horæ primæ ab ortu completæ; & post alterius horæ spatium idem Horizon esset in situ circuli secundæ item completæ horæ ab ortu; & ita de alijs, etiam ab occasu, horis: & consequenter, quia supponitur speculum pariter ad motum Solis super eodem axe E F, continuè moueri; semper eius axis manebit rectus ad planum Horizontis sic promoti, semperque congruet cum eiusdem axe DB: ita vt cum peruenerit Horizon eo motu, verbi gratia, in G & I puncta Meridiani ABCD; axis ipsi & simul speculo communis DB eundem Meridianum secet in punctis R & Q; quia dum diametri AC extrema puncta A & C, eo motu describunt paralle-

los

los AGH, CIK; extrema quoque axis DB puncta B & D alios duos parallelos circa diametros BR, QD, describunt BRX, DQS: qui quidem ideo sunt hic maiores, quam sint ipsi AGH, CIK, quia supponitur complementum eleuationis polaris maius quam ipsa sit eleuatio: essent enim e contra minores, si illa esset maior: sicut penitus eisdem æquales forent, si æquale foret eleuationi ipsum complementum; vt ad latitudinem loci grad. 45.

Pater itaque speculum LM, si conuenienti quodam artificio (de quo statim dicetur) vertatur circa immota duo, vt dixi puncta T & V, posse quolibet dato temporis momento, in tali situ constitui, vt angulos rectos efficiat, cum quolibet ab ortu vel occasu horario circulo, in quo tunc fuerit Sol: atque adeo posse optimè Iride reflexa horas ab ortu, vel ab occasu indicari; si speculum cylindricum ita disponatur, vt &c. Quod fuit demonstrandum.

Propositio CXXII.

Horas ab ortu vel ab occasu Iride reflexa indicandas in quavis proposita interioris camerae superficie delineare: ipsumque speculum cylindricum ita conuenienter disponere, vt ad propositum, Iridem aptè reflectere possit.

HOrarum ab ortu & ab occasu lineas in hoc Horologij Catoptrico-Gnomionici genere, non aliter describi oportet, quam in communibus radij directi horologijs: earum enim distinctiores circuli reflexione ista locum in Sphæra naturalem minimè amittunt, vt ex 121 *proposit.* satis intelligitur. Quare supposito ad fenestram puncto aliquo tanquam styli vertice & Sphærae centro vt P in figura *proposit.* 121; & linea Horizontali per 5, vel 8 *propos.* 2 *huius*, vel per 61 3, circumquaque designata in parietibus camerae; si sub eadem Horizontali in ipsis parietum superficiebus, ac etiam in pavimento, cæcis lineis descriptæ fuerint per 50 2 *huius*; horæ ab ortu atque ab occasu; vel saltem duo cuiuslibet horariæ lineæ puncta inuenta; cum iam tertium commune omnibus punctum teneamus in styli assumpto vertice, seu vt dictum est Sphærae centro vt P, facillimum erit per 54 3 *huius* supra lineam Horizontalem, tum in parietum residua parte superiore, tum in summa camerae testudine, designare integras horarias lineas: quæ præter morem spectabili forma horologi, coronæ modo velut inuicem confertæ, vacuum relinquent spatium integri paralleli qui omnium semper apparentium maximus est; eum enim contingit lineæ istæ horariæ, minimè secant. Erit verò in eo spatio locus egregius, quem licet vacuum lineis, peritus tamen ac industrius Horographus non finet vacuum esse conuenienti ornatu, quem totum ipsi permitto.

Quod

Quod verò attinet ad speculi cylindrici collocandi, idoneisque cardinibus librandi certam rationem: fiat instrumentum deferens simile ei quod *propof. 120* instruximus: simile, inquam, sed seruata proportione: est enim hoc obseruandum discrimen, vt capsula speculum complectens, anfulas habeat non in linea quæ cum eiusdem axe rectos angulos facit, vt *eadem prop. 120*, est linea XX posito capsulæ axe EF ; sed eas habeat in linea, quæ cum ipsius proprio axe facit angulos complemento eleuationis poli æquales, iuxta ea quæ dicta sunt *propof. 121*; vt quia ibidem, axis speculi (qui idem capsulæ quoque esse debet) est DB , & posito angulo complementi eleuationis polaris DPE , vt *eadem prop.* dicebatur, est EF axis \AA quatoris; anfulæ constitui debent in ipsa EF , ad puncta T & V .


Cætera autem eodem hic modo fiant, quo *propof. 120* facta sunt: vt videlicet bases quidem ambas torno optimè derasas, & perfectissimè exæquatas, & axem etiam habeat orichalcea capsula cum speculo in se recepto communes: instrumentum verò totum simul cum capsula, & speculo ita disponatur, vt recta cardinum linea per anfulas incedens (super qua quiescente speculum ad Solis motum pariter mouendum est) axi \AA quatoris optimè congruat; sic enim quolibet optato momento temporis, conuerso ad Solem speculo, dum neutram capsulæ basim radij solares illustrent; Iris reflexa, erit in plano circuli horarij ab ortu vel ab occasu, in quo tunc Sol extiterit; horamque vel horæ partem monstrabit, sicut cum proportione dictum est *propofit. 120*.

Est tamen diligenter aduertendum, horis solùm ab occasu deferuire, posse eam speculi semicircumferentiam, quæ eiusdem axe (vt DB *prop. 121*) Zenith ac Nadir respiciente, respicit occasum: oppositam verò (quæ stante eodem situ axis, in orientem obuersa est) horis non nisi ab ortu indicandis esse idoneam. Quare sic agatur vt capsula eam dimidiati speculi partem integram extantem proferat, ac solaribus patere radijs sinat, quæ optatis his vel illis, horis demonstrandis utilis est, reliquam verò seu totam seu fere totam occultam tenere poterit; cum aliter fieri nequeat, si quidem ad modum *propof. 120*, explicatum, struatur ipsa capsula. Sed quia nonnunquam etiam delectabit vtrasque horas vno eodemque speculo Iridem reflectente dignoscere, istud etiam libramenti genus commodissimum excogitavi, quo superficiei cylindricæ nulla pars occultetur.

Speculi non solidi, sed intus vacui, vt est AB , externa circumferentia, ATB , & interior pariter cylindrica vacuitas RS , vnum habeant communem axem vt VX : eidem autem circumferentiæ exteriori conuenientes, & æquales ex orichalco bases, torni opere aptentur LM , HI , & huic quidem ex ipsamet productus adhæreat orichalceus cylindrus CD ; qui internam speculi AB , cavitatem RS æqualiter totam impleat, concauus etiam ipse; seu potius quadratulo secundum axem peruius foramine EF , cui stylus GP pariter quadratulus ad basim LM orthogonaliter erectus committitur, & ita spirali, quam habet in P , stria, cochlidioque Q desuper validè con-

torto,

torto, speculum A B inter vtrunque basim L M, H I aptè dispositum firmiter continere possit. Vtraque autem basis optimo ferrumine copulatos proferat eminulos geminos stylos teretes N H, M O, sese mutuò respicientes per lineam rectam, quæ speculi axem V X secet ad angulos complemento eleuationis poli (vt dictum est suprà) æquales. Hi demum styli, veluti cardines, mutulis instrumenti deferentis (qualia sunt *propos. 120*, K C, L D Z) aptè perforatis committantur; eritque speculum, his ita cardinibus libratum, idoneum ad horas tum ab occasu, tum ab ortu Iride reflexa demonstrandas; demonstrabitque quoties, vt iam dixi, lucente Sole, ita conuenienter in illum vertetur, vt eidem neutra appareat illustranda basis, sed ambæ pariter eius radijs æquidistant.




Solum nunc superesse videtur de quo moneam, videlicet orichalceam laminam illam *spqr* (cuius etiam hîc sicut *propos. 120*, collocando in debito situ instrumenti vsus necessarius est) sic esse struendam vt eius linea *ac*, quæ axem Aequatoris refert cum recta *bd* axem speculi referente angulos efficiat non rectos sed æquales complemento eleuationis poli. Sed hoc ipsum, aliaque similia, quicuis ingeniosus, absque alio verborum ambitu, vel schematis noua descriptione ex dictis facillè intelliget: quare nunc ista sufficiant de horarum ab ortu, atque ab occasu delineatione; ac de modo speculum disponendi &c. quæ simul proponebantur.

Propositio CXXIII.

Si cum Æquatoris axe angulum maximæ declinationis Zodiaci nusquam variandum constituat speculi cylindrici axis ; & hoc modo super eodem Æquatoris axe speculum ipsum moueatur , possibile est lucente Sole , ad quodlibet datum temporis momentum, Iride reflexa exprimi in horologio lineam Eclipticam secundum situm , quem illa tunc in cœlo habet respectu nostri hemisphærij .

Esto circa centrum R circulus Meridianus aliquis ABCD , ab Æquatore sectus in LM, & ab Horizonte in AC : recta autem EF ad LM perpendicularis, in plano eiusdem Meridiani, sit axis Æquatoris ; atque, adeo poli eiusdem, Arcticus E, Antarcticus F, circa quos à polis Zodiaci diurno motu descripti sint paralleli, seu circuli, vt vocant Polares, GIX,



HKV : hos verò speculi ST cylindrici, axis *ce* hinc inde productus fecerit ambos vtrunque in punctis diametraliter oppositis, vt in G & H ; simul consequenter efficiens cum Æquatoris axe EF angulum 23 grad. 30 min. (quanta nunc , ex communi sententia , est maxima Zodiaci declinatio) GRE ex vna parte, & HR F ex altera : ac demum speculi geminæ bases, axi Æquatoris EF occurrant in punctis N & O .

His positis si conuenienti artificio, vt postea dicetur, speculum ST circa im-

ca immota puncta $N O$ moueatur, donec axis eius ce ad angulos rectos sit circulo Eclipticæ, prout illa dato tempore erit disposita: dico fore, vt reflexa ab speculo Iris lineam eiusdem Eclipticæ in interioris cameræ superficiebus oppositis depingat secundum eum præcisè situm, quem illa tunc in cælo sortita fuerit.

Cùm enim *per 91 huius*, Iris tunc futura sit in plano Eclipticæ, non poterit non exprimere in horologio, verum quem illa tunc in cælo situm, habebit, respectu Horologij; hoc ipso quod exprimet veram ipsius, (ita, vt est, disposita) & superficie horologij sectionem communem. Exempli causa. Si stante immoto Meridiano $ABCD$, Sphæram totam cogitemus simul cum speculo ST super Æquatoris axe EF pariter immoto circumduci; facile percipiemus, axe Eclipticæ simul cum ce speculi axe existente in GH , ipsam in $DPBQ$ existere Eclipticam; & simul cum ea etiam Iridem reflexam. Cùm verò post horas duodecim, iterum ad eundem Meridianum, speculi axis, & Eclipticæ, vnà peruenierint in IK ; ipsam in $YbZd$ Eclipticam pariter cum Iride peruenisse intelligemus. & ita de quocunque alio situ, quem in cælo eadem Ecliptica habuerit.

Cognoscemus autem quouis tempore axem ce cum Eclipticæ axe siue in GH , siue in IK , vel alibi existente, conuenire; hoc indicio; quòd scilicet speculi bases ambæ radijs solaribus æquidistant, ita vt neutra illustretur: quemadmodum in re simili dictum est *precedentibus propositionibus*: ex quibus etiam peti potest quidquid necessarium est ad modum speculi tum librandi, tum in situ debito statuendi: nihil enim specialiter obseruandum hic est, præter angulum maximæ declinationi Zodiaci æqualem, quem cum EF , vt dixi, necesse est efficiat semper & quomodocunque conuersus axis ce . Libretur autem speculum secundo libramenti genere exposito *in fine propositionis precedentis*, vt toto anno Soli exponi possit, prout Sol in varijs Zodiaci Signis versabitur.

Addo operæ pretium fore (quod & de alijs in simili intelligendum est) si speculum ita conuenienter libratum moueatur continuè ad motum Solis occulto quodam rotarum artificio, sicut in vulgaribus mechanicis horologijs externus horarum index arcano intus perurgente organo, vel pondere, circumagitur: sic enim longè maior cum admiratione commoditas inerit præclarissimo operi Catoptrico: procedetque eo motu Iris, cælestis Eclipticæ motum imitata, ac simul eiusdem in horologio lucidam imaginem secundum eos varios situs, quos illa in cælo continuè acquirit depingens: quod fuit nobis proposi-

tum.

Propositio CXXIV.

Signorum Zodiaci gradus, qui quouis dato momento temporis in Horizonte ortiuo, occiduoque, ac in singulis horarijs alijsque omnis generis circulis, versantur; Iridis Eclipticam in horologio lineam Catoptricè exprimentis indicio, distinctè ac simul inuenire.

Paradoxa videri facilè possint; at certè non minùs admirationis, quàm utilitatis, atque in vñu iucunditatis habent præclara ista aliaque similia nouæ huius vranographiæ cylindrico-Gnomoniæ inuenta Catoptrica: in opere tamen non adeo magnam patiuntur difficultatem. Et quidem, istius solutio problematis rem vnā tantum supponit satis facilem videlicet constructum accuratè horologium seu Astrolabium constans omnium Sphæræ circulorum, quos *prop. 60* huius enumeravi, lineis (modo quem *propof. 126* dicam) descriptis: atque in eis distincta diligentissimè puncta parallelorum Signorum Zodiaci pro singulis eorum gradibus ad eum modum, quo eadem puncta in lineis horarijs à media nocte atque à meridie distingui iussi *propof. 63*; hoc enim solùm supposito si *per præcedentem 123*, sic agatur vt Iris reflexa Eclipticam lineam ad datum temporis momentum in Astrolabio debitè exprimat; secabit illa pariter omnes ac singulas eius lineas in illis signorum punctis, quæ diurno motu Signiferi, ad eas tunc temporis de facto peruenerunt. Sit hoc eius rei exemplum.

Quauis hora diei licet incerta, speculum cylindricum sic *per præcedentem prop.* dirigo, vt solaribus radijs parallelæ existant eius bases (dirigo inquam speciali ad hoc data opera, ni iam æquato ad Solis curriculum motu interni, vt dicebam, organi impulsu moderante, sic ex se rectè dispositum inueniatur) & statim obseruo fulgidæ Iridis cum Horizonte alijsque lineis, vt horarijs ab occasu, horarijs à media nocte, & à meridie, domiciliorum cœlestium &c. videoque ab ea Horizontem in partē ortiuam, secari ex suppositione ad gradum Leonis 24 cum 58 ferè minutis; lineam verò horæ 6 à media nocte ad gradum eiusdem Leonis 12 min. 35, &c.

Quibus ita perspectis, & diligenter notatis dico gradum Leonis 24 cum 58 ferè minutis esse nunc in Horizonte ortiuo, & nunc ascendere; oppositum verò diametraliter gradum Aquarij 24 min. 58. esse nunc in Horizonte occiduo & occumbere. Præterea assero gradum Leonis 11 & min. 5 ad horam 11 ab occasu peruénisse: ad 12 verò gradum Cancrī 22 min. 10: ad 13, gradum eiusdem Cancrī 6 min. 35: & sic de alijs. Simili modo affirmo in circulo horæ 6 à media nocte versari Leonis gradum 12 cum min. 35: in 7 autem gradum Cancrī 27 min. 50 &c. eadem ratione in Horoscopo esse gradum Leonis 24 cum 58 ferè min. &c.

Nec immeritò hæc omnia ita vt retuli sic assero ; Licet enim fulgida, ista Ecliptica nullis in se distincta sit gradibus : attamen quia in cunctis horologij lineis cognatos sibi gradus nacta, illorum non vt alienis sed vt proprijs notis ac diuisione legitimè interpungitur quasi eos deferret secum motu suo, & sic eos dum alienis creditos lineis attingit ; ad easdem illos reuera tunc peruenisse ostendit.

Præterea licet obseruatio hæc, incerta (vt initio dixi) hora celebretur ; ipsa tamen sic celebrata horam non ampliùs finit esse incertam . Quia enim ex ephemeride vel aliunde ex hypothesi iam noui Solem in gradu, verbi gratia, Cancrì 6 min. ferè 35 versari: simul ex Iride agnosco horam esse ab occasu 13 ; hoc ipso quòd Iris in linea horæ 13 gradum hunc Cancrì attingit : Item eiusdem indicio simul certissimè agnosco horam esse à media nocte 8 cum 32 circiter minutis ; in quantum cerno punctum iam dictum, quo Iris lineam horæ 13 ab occasu fecit ; est inter 8 & 9 à media nocte ad 32 ferè minutum : quo etiam indicio seruata proportione agnosco horam ab ortu 4 cum minutis circiter 20 : & horam Inæqualem modo vulgari 3 cum minut. 12, & paulò ampliùs, qualium similes horæ sunt 60 : ac demum horam Inæqualem alio modo videlicet secundum gradus ascendentis Zodiaci numeratam similiter tertiam cum 12 minutis & paulò ampliùs ; cum videam supra Horizontem ascendisse iam gradus Eclipticæ 48 min. 23, totum nempe eius arcum qui comprehenditur inter sextum Cancrì gradum cum 35 min. & Leonis 24 gradum cum 58 min. quem iam in Horizonte esse perspicio, vt dictum est.

Sed interim dum hæc pluribus scribo ; Iris irrequieta aliò migrans nouam cœli faciem cum alijs (quæ, vtpote ex dictis iam facilia omitto) pari modo, si ita placuerit, obseruandam ostentat : imò aliam subinde atque aliam absque fine exhibebit . Vnde perspicis mi Lector quàm belle Iris hæc nostra, verè Cœli Nuntia, vim impleat impositi nominis, quæ cœlestium motuum periodos omnes, momentis singulis vna expressas lucida, linea, gratissimo, hactenus ignoto, spectaculo sub oculos ponit ; licet eius admiranda significata, tum ea quæ iam enumerata sunt, tum alia,

similia pene innumera, doctis vltero conspicua, cæteris futura sint acroamatica ; vt ea, in primis quæ sequenti propositione continentur.



Propositio CXXV.

Stellarum fixarum, atque etiam Planetarum non solum exortus, sed etiam loca in circulis horarum Astronomicarum, tum diurnarum, tum nocturnarum, Iridis, ut prædictum est, Eclipticam experimentis indicio inuenire.

EX dictis *propof. 74 huius*, constat lineas, quæ stellarum vel aliorum, quorumcunque cœli punctorum exortus, gnomonicè indicare possunt, esse lineas Eclipticam referentes in eo situ, quem illa habet, dum stellæ siue alia puncta in Horizonte ortiuo existunt: illic verò metuebatur, & quidem meritò, nimia linearum multitudo confusionem in horologio paritura; si pro singulis stellis singulæ lineæ describerentur. sed nunc vnica ambulatoria linea infinitis permanentibus æquiualente negotium hoc totum scèlicius absoluimus; vt non solum aliquarum paruo numero stellarum exortum, seu tempus exortus possimus agnoscere, sed omnium prorsus, quarum obliquos ad latitudinem propriam loci ascensus descriptos habeamus in aliqua copiosissima ad hoc parata tabella; parata inquam, beneficio globi cœlestis, sicut *prop. 74* insinuatum est.

Lucente igitur Sole, & Iride in horologio refulgente, obseruo *per præcedentem 124 propofit.* quis in linea Horizontali gradus Eclipticæ versetur, & apparet ex suppositione gradus Virginis 7 min. 30; ad stellarum verò tabellam recurrens video notatum cum eò gradu exortum stellæ primæ magnitudinis Arcturi; vnde & dico eandem nunc stellam supra Horizontem ascendere. Idem de alijs. Quod etiam in planetis locum habet dummodo eorum in Zodiaco locum certò cognoscam. Exempli causa: ex ephemeride compertum habeo Iouem esse in gradu 27 8; agnosco autem ex suppositione per eandem 124, exurgere eum signi gradum; & assero Iouem simul ascendere. Quia enim planetæ in Ecliptica quemadmodum & Sol ipse, versantur: oriente Eclipticæ gradu in quo planeta, quilibet existit, oritur etiam ipse pariter cum illo. Equidem non diffiteor posse aliquantulum in hoc negotio errorem incedere propter latitudinem quam, vt plurimum habent saltem aliquantulam cæteri præter Solem planetæ: sed error ille non erit multum sensibilis.

Præterea quemadmodum stellarum atque planetarum ortus reflexæ Iridis indicio comperi; sic & inueniam locum in circulis horarijs Astronomicis, supposita tamen alia tabella ad hoc specialiter comparata, quæ quidem globi cœlestis adminiculo facillimè constructur in hunc modum: cuiuslibet stellæ in globo propositæ centrum, idonea ipsius globi conuersione sub circulo Meridiano collocetur, & globo sic immobiliter consistente, diligenter inspiciatur, quis & cuius Signi gradus sub eodem Meri-

diano tunc sit : & ille est in tabella scribendus è regione nominis ipsius stellæ. Exemplum. Centrum stellæ primæ magnitudinis Aldebaran in oculo austrino Tauri, conuerso globo, ad Meridianum adduco, & aduerto pariter cum stellâ sub eodem Meridiano versari simul Geminorum grad. 5 min. 29 : vnde eundem gradum scribo in tabella è regione Aldebaran ; & ita de alijs . sed si vis habes ad propositum egregiam apud Tychon. l. 1 de noua stellâ , tabulam quæ centum selectarum stellarum Ascensiones rectas atque etiam declinationes ad annos completos 1600 & 1700 continet .

Cùm itaque per præcedentem prop. videro gradum Π 5 min. 29 (vt in eodem exemplo persistam) in linea horæ alicuius Astronomicæ seu antemeridianæ, seu pomeridianæ, versari ; dicam in eadem tunc linea horaria existere oculum Tauri. Quinimò si videro non quidem dictum Π grad. 5 min. 29 ; sed alium ipsi diametraliter oppositum, videlicet gradum item 5 min. 29 \rightarrow in aliqua huiusmodi horaria diurna linea existentem affirmabo Aldebaran in eiusdem horæ circulo, sed in parte cœli opposita versari . Exemplum . Si in linea horæ 10 à media nocte existat grad. \rightarrow 5 min. 29 ; Aldebaran existet in linea horæ item 10, sed à meridie : & hæc quidem hora, vt patet, nocturna est : & ita de alijs ; quamuis contingere, facile possit, vt in duabus horis diurnis, licet dicto modo oppositis existant simul, stella quidem ex vna parte, ex altera verò gradus diametraliter oppositus ei cum quo ipsa cœlum mediat . cuius rei rationem utpote cuiuslibet globi vsum intelligenti, facile notam, omitto . Denique quod de fixis stellis hac in parte dictum est dictum quoque intelligitur de planetis . Comperto enim Iouem exempli causa in gradu Π 5 min. 29 versari, dum per 124 prop. comperero eum gradum tertiam verbi gratia, horam à meridie attigisse, asseram simul Iouem eò peruenisse ; quamuis enim, vt paulò ante in re simili dicebam, ob eiusdem planetæ latitudinem, nonnihil erroris in hoc aliquando esse possit : non tamen erit aliquid multum sensibile. Itaque stellarum fixarum, & planetarum tum exortus, tum loca in circulis à media nocte, vel à meridie horarijs, &c. inuenimus, vt fuit propositum.

Corollarium.

SI alitæ quædam duabus hæc dictis suo modo similes tabulæ parentur, quibus ostendatur Zodiaci gradus cum quo stella occidat, vel ad circulos Domorum cœlestium, vel horarios ab ortu, & ab occasu, aut Verticales, aliosue perueniat in proposita loci latitudine; poterunt dicta iam arte stellarum loca in eiusmodi circulis pariter inueniri : planetarum verò in iisdem loca cognoscantur ex eo solum quòd Zodiaci gradus in quibus illi sunt, ad eos circulos peruenierint, saltem proximè vero, & absque errore sensibili iuxta antea dicta.

Propositio CXXVI.

Iridi reflexam Eclipticam exprimenti accommodatas Astrolabij lineas in interioris camerae parietibus, ac testudine describere.

Astrolabij, Eclipticæ huic lucidæ reflexæ accommodati, lineæ describentur eodem prorsus modo quo *proposit. 61* huius, & sequentibus. Astrolabij è Sphæra Horizontali Catoptrica descriptæ sunt lineæ: excepto quod Meridiani organici axis in axe mundi vero (non autem in alio quomodocunque apparenti) collocandus est, sicut *proposit. 78*, in Sphæra Catoptrica Polari, quæ Zodiaci locum naturalem retinet. Quia enim vt *ex proposit. 123* constat; Eclipticæ circulus locum naturalem cylindrica hac reflexione non amittit; reliquas etiam lineas sibi ad cuiuslibet circuli naturalem situm accommodatas inueniat necesse est, vt conuenienter suorū ab eis graduum distinctas, vt dictum est, notas recipiat: vt enim dicebam *initio propositionis 124*, in singulis huiusmodi lineis distinguenda sunt accuratissime puncta, quibus easdem secant arcuum Zodiaci ad singulos Signorum gradus delineati paralleli: delineati, inquam, non integro lineari ductu, sed intersectionum impressis notis: quod quidem seruata proportionem fiet vt *proposit. 63* factitatum est in lineis horarijs Astronomicis. Est autem aduertendum in huius generis Astrolabio describendas non esse eas lineas quas vocant Signorum, vel stellarum etiam ascendentium, de quibus actum est *proposit. 69*, ac *74*: eas enim & earum quamlibet ad nuntum longè elegantius Iris hæc nostra exprimit, non solum ad Signorum initia, sed etiam ad singulos Eclipticæ gradus ac puncta, prout voluntas, aut voluptas, vel necessitas fuerit.

Denique hoc Astrolabium est omnium maximè naturale: nam non solum integros circulos à loco naturali non remouet; sed neque eos in situ naturali relictos, vllatenus inuertit contrà quàm fiat in alijs omnibus, tum Optico-Gnomonicis, tum Catoptrico-Gnomonicis plani speculi Astrolabijs. Vnde arcus Signorum Zodiaci borealium, qui propter dictum inuersum situm in Astrolabio è Sphæra Catoptrica Horizontali delineato, partem camerae australem occupant, & contrà; in hoc de quo modo agimus Astrolabio, Iridi nempe, vt dictum est, accommodato, partem camerae similiter borealem, australium verò Signorum arcus, australem quoque partem camerae tenebunt. Hoc itaque modo Iridi reflexam Eclipticam exprimenti accommodatum Astrolabium, &c. delineauimus, vt fuit propositum.

Corollarium.

EX dictis hætenus faciliè intelligitur, quò sit aptandum speculum cylindricum, vt conuenienter procreata Iris, quoslibet alios circulos maximos exprimat in Horologio. Nam pro circulis Verticalibus (vt rem breuiter attingam) sic disponendum est, vt moueatur super immota recta, quæ ad ipsius axem perpendicularis, congruat cum axe Horizontis. Pro circulis verò Domorum cœlestium, atque etiam Positionum, moueri debet super immota recta, quæ ad ipsius axem perpendicularis congruat cum axe Verticalis primarij, qui ad Meridianum rectus est, & ita de alijs, si qui sint, seruata proportione. Hac arte etiam confici poterit Astrolabium omnibus hætenus dictis, lineis constans, in quo tamen nullæ descriptæ sint lineæ, sed solum varijs locis ordine quodam distributi appareant numeri cum notulis punctorum, quibus suo tempore coaptata Iris vicem gerat omnium linearum, quod quidem supra quàm credi possit mirabile est; præsertim si artificio quodam idoneo (quod non est admodum difficile) speculum libretur, vt ad varias diuersi generis circularum dispositiones subinde ex supradictis accommodatum aptè procreet reflexam Iridem, singulis in suo genere conuenientem.

Propositio CXXVII.

Specula in opus horographiæ Catoptrico-Gnomonica necessaria & idonea comparare.

Specula siue plana, siue cylindrica siue alia, huic parti horographiæ quomodocunque vtilia, optimè fierent è purgatissimo chalybe; vel fusilia, è cupro, stanno, regulo antimonij, argento, &c. debitè temperatis confecta (vide optimas, & varias mixturas apud Niceronem nostrum, & apud Ioan. Bapt. Port. l. 4. cap. 19.) dummodo perfectè polita: perfectè dico, non tantùm quoad læuorem, & fulgorem splendentem, sed præcipuè quoad superficiem planæ, vel alterius requisitæ æquabilitatem. essent, inquam, huiusmodi specula optima, quia cùm non sint diaphana, seu lucivllatenus peruia, vnicam in extima fulgida superficie reflexionem efficiunt, & sic vno tantùm emissio radio vnici in cœlo Solis vnicum in horario vicarium Solem exhibent.

At specula crystallina pellucida, propter multiplicem in vtraque simul superficie, superiori videlicet & inferiori, factam reflexionem geminos pariunt Soles (imò nonnunquam fenos, ac septenos octonosque) minime concordēs; atque ita pulcherrimum egregij horoscopi cœli chorum, multiuago incerto chorago perturbant. Sed huic sanè malo remedium quoddam

dam esset si crystallini speculi plani crassities & valde exigua esset, & ita æqualis, ut ambæ sibi met superficies æquidistant. Attamen non facile talia inueniuntur specula, quæ nullam habeant crassitudinis inæqualitatem (licet aliàs inueniantur quæ satis tenuia sint) hæc verò quantulacunque sit, licet etiam sensu minimè perceptilis, sensibilem tamen defectum generat, iaciens radios huc illuc diuaticatos, imò licet tali cuidam speculo, crassitudo mathematicè per omnia foret æqualis; tamen illud quoque reflexos radios saltem duos utraque videlicet reflectente superficie emitteret qui non prorsus in vnum conuenirent saltem quando exigua esset Solis supra ipsum speculum eleuatio; & quando ut dixi crassities ipsa crystalli est utcunque notabilis.

Sed longè deterius aliud est speculo chalybeo, vel etiam fusili vitium: utrique enim solo humidulæ auræ appulsu fulgor hebetatur; quin & rubiginæus, siue æruginæus leuissimæ aquæ aspersione squalor inducitur: & sic quidem vel omnis prorsus adimitur, vel ferè omnis vis reflectendi. Est verò perdifficile specula huiusmodi in opere Gnomonico saltem permagno, & celebri, non minùs iniurijs aeris quàm Soli exposita, ab imbribus, & rore semper tutari (quamuis defensaculum aliquod apposuerim *prop. 35*) repolire autem adhibita identidem nitella, summè molestum. Quare satius longè est crystallino uti speculo. quod licet crassa quadam ex aeris humore ac puluere contracta illuue nonnihil aliquando sordere videatur, leuissimo tamen tinctoli affricu statim nitescit.

Neque verò quod paulò antè commemorauimus de multiplici ancipiti reflexione quicquam officit: nam si forsan tale non suppetit speculum tenue, cuius etiam inuicem perfectè æquidistant ambæ planæ superficies; alteri ex eis, fulgor eradatur minutissimæ frictu arenæ supra ferreum quoddam, vel aliud eiusmodi, solidum planum: sic enim altera sola fulgens, & Soli obuersa superficies, vnica simplici reflexione, vnicum horario dabit splendentem fidelissimum indicem radium reflexum: & isto modo hæc insuper nobis parabitur commoditas, quòd videlicet inferior illa sic exesa, quamuis aliàs debite leuigata sed non fulgida speculi superficies glutino & fulcro, de quibus *prop. 35*, firmiùs inhærescet.

Nihilominus res erit aspectui gratissima, si specula sua plana Catoptrice nostra Horaria sic elaboret, ut ea quidem superficies quæ Soli exposita est, plana sit; altera verò conuexitatem habeat magnæ sphaeræ, & sit perfectè expolita fulgidaque eo modo quo optimorum telescopiorum conuexæ lentes poliuntur: deinceps autem in eadem conuexa superficie exaratis acuto adamante lineis fingat Solis specimen radijs circummundique diffusis (ut Sol à pictoribus communiter exprimi solet) ita ut quod reliquum fuerit eiusdem superficiei (ut dicitur fundum) eadem adamantis cuspe subtiliter deradat, ne lucem ea parte ampliùs reflectat: id verò totum quod pellucidum est, & Solis fictam imaginem gerit, obducto hydrargyro, stanneaque bractea terminet; lens enim huiusmodi crystallina

lina parato loculamento, ut *prop.* 35 dictum est, reposita rādiū orbicularem candidum superficie superiori plana reflectet; inferiori autem (ut dictum est conuexa, sed quæ eo situ vice speculi concaui fungitur) reflectet crinitam splendidissimam Solis effigiem: quodque pulchrius erit visū, auratas vndantis comæ euibrationes exprimet, si aureo saturo colore, flaveat crystallus; cū enim lux colorem imbibat crystalli, quam penetraverit; flauum induet lux, ab ima huius speculi superficie reflexa quæ crystallum, ut supponitur, flauam traiectu iterato penetrat; nempe dum incidit, & dum reflectitur. Cylindros suos Catoptrice Horaria crystallinos similiter efficiat, vel solidos, vel si voluerit concauos ut in figura *propositionis* 120 ostenditur; superficie tamen interiori exesa (ut de speculo plano paulò antè dictum est) est enim longè difficilior cylindricas duas superficies interiorem videlicet, & exteriorem æquidistantes, & circa eundem axem perfectas deducere & expolire. Demum ne quid in hac perspectiue Horariæ parte desiderari possit; crystallina, quælibet specula tum ad suos, tum ad Catoptrices vsus expoliet libro sequenti Dioptrice.

FINIS TERTII LIBRI.



DIOPTRICE

HORARIA

Siue

HOROGRAPHIAE GNOMONICAE

LIBER QVARTVS.

In quo primùm è principijs physicis eruuntur refractionum, causæ ac mensuræ : deinde verò, explicatis ijs quæ pertinent ad theoriam horographiæ Dioptrico-Gnomonicæ, practica traduntur præcepta gnomonicè delineandi in plana, vel alia superficie circulos Sphæræ tali modo, vt radio refracto in aqua, vel crystallo, vel vtraque simul ostendant Solis in cœlo motum horarium, diurnum, mensurum, annum. Ac denique methodus traditur perfectè elaborandi atque expoliendi non solum quælibet in vsus Gnomonicos tum Catoptricos, tum Dioptricos specula crySTALLINA; sed etiam lentes ad quæuis longissimi tubi Astronomica, aliaque minora Telescopia, quin & ad Microscopia.

P R A E F A T I O.



Res facio quarti huius libri partes. Prima parte refractionum physicas causas inquirō tum eas quæ ex parte lucis refractæ sunt, tum eas quæ ex parte diaphani refringentis : causis verò huiusmodi feliciter (saluo meliori iudicio) inuentis, refractiones ipsas metior primùm geometricè, & ex hoc arithmeticè; ac mox organicè. Sed quia non in promptu res erat; necesse fuit à primis principijs reuoluere totum lucis negotium, directæ inquam, & reflexæ lucis, quemadmodum refractæ;

fractæ ; & accuratè inspicere quid quisque hac in parte sentiret ; ac postmodum attentis cuiusque fundamentis , diligenter inquirere quid veri, quid falsi, quid certi, quid dubij singulis inesset .

Primò itaque post solitas definitiones, & postulata ; propositiones octo, quas ex illis potui elicere, in fronte pono . Refero deinde tribus sequentibus placita varia Autorum de luce tum directâ, tum reflexa, ac refractâ . 3 à prop. 12 usque ad 25, eadem placita in examen adduco . 4 veram sententiam non tam ex aliarum ruinis ; quàm è firmis prius iactis fundamentis excito, ac explico à prop. 26 ad 33 . 5 refractiones quasunque metior geometricè prop. 34 ; & exinde usque ad 44 rationem reddo præcipuorum phænomenon, quæ in luce refractâ, quin & reflexa, directâque, difficultatem habent maiorem : causas verò reflexionum physicas hic non attingo utpote satis, ut videtur, expositas lib. 3 ad 3 postul. 6 refractionum tabulas ex præcedentibus demonstrationibus supputo prop. 45 . Ac demum tribus sequentibus organum refractorium paro ; eiusque ope tabulas refractionum, quarumcunque iterum construo .


Secunda parte à prop. 49 ad 69 uniuersæ Gnomonices dioptricæ leges tum theoreticas tum practicas complector .

Tertia demum parte à prop. 70 usque ad finem libri, in usus tum Gnomonices istius Catoptricæ vel Dioptricæ, tum præcipue Astronomiæ ad telescopia, & alia similia ; modum trado, & artem, factis quamplurimis (ut iam non pauci norunt) à me ipso experimentis certissimam debitè formandi, & salua figura legitime poliendi crystallinas quaslibet lentes seu planas seu conuexas aut concavas, nempe sphericas (quales hactenus puto solas in usu fuisse) ad quamcunque optatam diametrum : addo (nondum quidem expertus, sed ex alijs optimè animaduertens rem esse indubitatam) hyperbolicas, atque etiam ellipticas ad eam cuiusvis magnitudinis tum hyperbolen tum ellipsin, quæ spectata quantitate refractionis è crystallo in aerem idonea est ad propositum .

Definitiones.

Definitiones ad istam partem necessarias facillimè explicabo in hac figura & quidem longè commodius, atque ad captum Tyronis accommodatiùs quàm in abstracto.

Sit BE vas aqua plenum, sed dissectum; & in aquæ tumida superficie (vt propter globosam, quam habet, figuram necessariò nonnihil tumida est) punctum aliquod A sit centrum Sphæræ; cuius circulus aliquis maximus, vt Meridianus, aquam secans in BAD, sit FGIH; ac sub eo vsque ad aquæ superficiem, seu vsque ad communem dictam sectionem BAD, solus aer, siue æther contineatur. Linea diametri GH, tangens aquæ superficiem in A, sit Horizontis & Meridiani sectio communis. Recta autem FI per idem A incedens, & ad GH perpendicularis, sit communis sectio eiusdem Meridiani, & circuli Verticalis.



1^o Radius lucis ex vno in aliud diuersæ densitatis, aut raritatis diaphanum propagatæ frangitur; id est incuruatur, seu flectitur in occursum superficiem secundi diaphani. itaque *Refractio est radij per duo diuersa diaphana propagati incuruatio in puncto, quo is ex vno in aliud transit*: vt si radius ex K incidat in A, non penetrabit aquam per lineam AN, quæ in vnam cum KA rectam conueniat; sed frangetur in A, & aquam subibit per aliam lineam vt AL, quæ cum KA angulum in A efficiat KAL. Insuper tamen *refractio vocabitur* (ad discrimen, vt scilicet a reflexione distinguatur) radij intra idem diaphanum propagatio per duas rectas, quæ in aliquo puncto incidentiæ, angulos cum axe incidentiæ faciant inæquales;

2 Radius KA , & quicumque alius ferit secundum diaphanum, dicitur Incidentis, eiusque linea erit linea incidentiæ.

3 Ita AL Refractus dicitur; & linea eius erit linea refractionis: quamvis potius (seruata vocis proprietate) totalis ex KA , & AL constans, radius refractus dici deberet.

4 Et A punctum refractionis, idemque incidentiæ.

5 Axis incidentiæ est in primo diaphano recta ad superficiem refringentem perpendicularis in puncto incidentiæ erecta; ut FA . Axis verò refractionis est eadem, sed ut intra secundum diaphanum producta; veluti AI .

6 Superficies refractionis ea est, in qua simul sunt radius incidens ut KA , & refractus ut AL ; qualis est superficies circuli $FGIH$.

7 Angulus inclinationis inter lineam incidentiæ, & axem incidentiæ comprehenditur, ut KAF .

8 Angulus refractus, linea refracta, & axe refractionis continetur, ut est IAL .

9 Angulus refractionis est inter lineam refractam, & lineam incidentiæ, intra secundum diaphanum productam, ut angulus LAN .

Cæterum quando per plura, quàm per duo, diaphana utcumque diuersa propagabitur radius, erit refractionis composita, & tunc dicitur ad distinctionem, prima inclinatio in primo diaphano; & prima refractionis; itemque secunda inclinatio in secundo diaphano: in tertio autem secunda refractionis, simulque (si opus est) tertia, respectu quarti diaphani inclinatio. & ita de alijs.

10 Refractio ad perpendicularem est radij ad perpendicularem in puncto refractionis erectam convergentis incurvatio. Vnde radius AL refractus ex incidente KA , dicitur ad perpendicularem AI frangi; quia ad ipsam à puncto refractionis A conuergit; angulus enim refractus IAL minor est angulo inclinationis FAK . è contrà verò, Refracto à perpendiculari, est radij ab eadem perpendiculari diuergentis incurvatio: ut radius LA si iam pro incidente sumatur, idemque ex aqua penetrans in aërem in puncto A frangatur, & inde in K dirigatur; dicitur frangi à perpendiculari; quia à perpendiculari AF diuergit; quatenus angulus (qui tunc erit refractus) FAK , maior est angulo, qui erit inclinationis IAL .

11 Gnomon dioptricus seruata proportionem; ut Catoptricus &c. est recta à puncto refractionis ad horologij superficiem ducta: ut AI posito quòd horologium esset in fundo vasis representato per rectam CIE ; communius tamen hanc vocem sumam pro puncto A , ex quo refractè emittitur radius.

12 Sphæra Dioptrica ex dictis proposuit, tum 17, tum 18 primi huius, est Sphæra ex refractione apparens. Cuius species variæ sunt secundum diuersitatem tum situs, tum figuræ superficiæ refringentis; atque etiam secundum diuersam proportionem densitatis, ac raritatis primi & secundi diaphani. Sed differentiæ illæ, quæ ex situ petuntur, sunt veluti essentielles: reliquæ verò sunt potius accidentales. Situs quem dixi superficiæi
refrin-

refringentis, ille intelligitur, secundum quem axis incidentiæ, ac refractionis coincidit in Sphæra cum axe circuli alicuius maximi, vt Horizontis, Verticalis, Equinoctialis, &c. ita vt ab eo circulo, seu ab respectu ad eum circulum dicenda sit Sphæra Dioptrica Horizontalis, Verticalis, Equinoctialis, &c. Posito autem quod ille circulus sit iuxta proposit. 8 & 9 primi huius inclinatus vel declinans, &c. Sphæra diceretur declinans, vel inclinata, &c. Hic itaque, quia FI perpendicularis ad aquæ superficiem in puncto refractionis erecta, congruit cum axe Horizontis; est hac hypothefi, Sphæra dioptrica Horizontalis, in aqua ex aere.

Postulata.


1. *Lucis quemadmodum incidentis, ita refractæ, rectæ sunt lineæ.*
Id experimento facile comprobabitur; si intra vas quoddam medio in aere tria notabiliter ab inuicem diffita puncta (verbi gratia trium stylorum cuspides) sic disponuntur, vt recta per ea; visualis incedat linea; ac deinde vas ipsum aqua oppleatur donec ea puncta mergantur; tunc enim vt prius in eadem recta linea sub aquis conspiciuntur: quod esset impossibile, si pars lineæ visualis quæ sub aquis est, curua esset; est autem eadem ratio de linea lucis, quæ de linea visuali.
2. *Superficies refractionis est ad superficiem diaphani refringentis recta.*
Probabitur facile argumento adducto lib. 3 pro 2 postul. Est enim eius vtrobique vis eadem. Vitellio lib. 10 proposit. 2, id vult demonstrare per primam, in qua putauit se demonstrasse lineam incidentiæ, & refractam esse in eodem plano simul cum perpendiculari erecta in puncto refractionis: sed in hoc ipso, paralogismum habet similem ei quem lib. 5 prop. 25 eum habere notauit lib. 3 ad 2 postul.
3. *Lux perpendiculariter ex vno diaphano incidens in aliud quodcunque, non refringitur vllatenus saltem sensibilibiter: oblique autem incidens è raro in densum refringitur ad perpendicularem; at è denso in rarum à perpendiculari.*
4. *Angulus ad perpendicularem refractus è minor est, & è contra refractus à perpendiculari è maior; quod in pari inclinationis angulo, maior est inter vtrunque diaphanum differentia, secundum raritatem ac densitatem.*
5. *Maiori angulo inclinationis in pari diaphanorum differentia maior angulus refractus responder.*
6. *Gnomonis Dioptrici vertex in horologio solari censetur esse in centro Sphæra solaris.*

Propositio I.

Si duo se inuicem contingant diaphana, alterum rarum, alterum densum, utrunque planum; & radius in raro per lineam denso contiguam, aut vice versa, progredi incipiat; per eandem coeptum iter prosequetur, nec patietur refractionem.

S Vmo hîc, & deinceps sumam radium, non vt quid mathematicum, & abstractum; sed vt quid physicum (sicut re vera est) cum ea, quæ naturaliter spoliari non posset, latitudine: neque enim puto res physicas modo purè geometrico posse tractari; radium tamen ita sumptum ad Geometriæ leges accommodare conabor pro viribus, quantum scilicet ipse accommodari se permiserit; fortè enim non in omnibus permittet, præsertim in ijs quæ Geometria supponit indiuisibilibus siue punctis, siue lineis:

Nunc itaque sit rarum, ut aër, supra rectam AB; & sub eadem AB densum ut crystallus plana, aëri pariter complanato contigua; & in communi utriusque contactu sit ipsa AB: in aëre autem radius physicus per line-



am physicam, æqualis cum ipso latitudinis, & crystallo contigiam (quam si placet vocemus AB in aere) progredi incipiat à B in D punctum eiusdem. Dico fore, ut is radius per ipsammet BA in aere, ultra D versus A indeflexo tramite pergat, absque eo quòd refractionem ullam patiatur, seu

in crystallum refractè ingredi cogatur. Quia enim in toto, per dictam BA, progressu nulla occurrit noui mediij densitas, aut raritas diuersa; nulla fieri potest refractionis eius radij, qui per AB progredi cœperit, nisi fortè præter occursum diuersi diaphani, alia sit causa refractionis, sed eam tamen nondum nouimus; adeoque dicendum est radium in facta hypothesi nullam pati refractionem, ac proinde neque in crystallum vllatenus ingredi; cùm hoc fieri non possit, nisi deflectendo à recta BA in aere: idem autem ob rationis paritatem dici debet de radio, qui similiter per aliam AB in denso progredi cœperit: igitur &c.

Corollarium 1.

ERgo si alterum ex dictis diaphanis sit conuexum vt KDI densum, linea verò AB in raro, tangat ipsum densum in D; radius per eandem AB propagatus non frangeretur in D: linea enim AB, vt supponitur, est in raro; nec potest esse in denso etiam ratione puncti contactus D; alioqui densum esset intra rarum, illudque penetraret saltem in D; & sic non esset contactus sed penetratio: ergo radius per AB propagatus non offendit in D diuersum medium: ergo non est cur refringatur.

Corollarium 2.


ERgo vt radius ex vno diaphano in aliud ingrediatur, necesse est illum in primo progredi per lineam inclinam ad secundum; siue (quod in idem recidit) per lineam inclinam ad planum contingens, si fortè secundi diaphani superficies sit conuexa: vt si radius in aquam, siue crystallum, cuius superficies conuexa sit KDI, è raro illam ambiente supponatur ingredi per aliquod in eiusdem conuexitate assignatum punctum D; & hinc intra eiusdem profunditatem progredi; posito plano contingente, repræsentato à recta BDA, tanquam à communi eius, & superficiei refractionis sectione; necesse est vt idem radius inciderit in D, per lineam aliquam, quæ in eadem superficie refractionis angulum efficiat cum BD; & quidem vt ingrediatur irreductè per DN, necesse est vt inciderit perpendiculariter per CD; vt autem refractè, verbi gratia, per DM, necesse est vt inciderit per aliquam inclinam, vt FD, inter BD, & CD contentam.

Vnde etiam constat ad refractionem quæ fiat in puncto D non sufficere angulum, quem aliqui vocant maxime inclinationis; si per hoc intelligant angulum rectum, quem ad punctum D radius faciat cum axe incidentiæ CD: si enim radius facit in D cum CD angulum rectum CDB; non potest ad idem D facere cum BD angulum vllum: quia tunc linea ipsius radij congruit cum BD, alioqui ad idem D duæ caderent perpendiculares eidem CD.

Propositio II.

Si in duobus diaphanis duæ sint lineæ ad communem contactus ipsorum superficiem, angulum pariter facientes in puncto refractionis; & lux prius per unam incidens refringatur per aliam; vicissim, si reuersè per posteriorem incidat, refringatur per priorem.

Sit rarum supra rectam AB, & sub eadem sit densum; ita vt se ambo contingant; & sit AB in superficie communis contactus; & duæ rectæ OD in raro, DP in denso, faciant in quouis ipsius AB puncto D angulum quendam ad AB hinc ODB, inde PDA; lux verò incidens per OD in raro, supponatur refringi ad perpend. per DP in denso. Dico fore, vt reuersè si lux incidat per DP in denso, refringatur per DO à perpend. in raro.



Quia enim per 4 postul. eò minor est angulus ad perpend. refractus; & eò contrà eò maior refractus à perpend. quò in pari inclinationis angulo maior est inter vtrunque diaphanum differentia, secundum raritatem, ac densitatem; sequitur in reciproco lucis progressu, in quo non nisi vna est differentia diaphanorum (vt pote in quo sunt eadem diaphana) vnã esse & eandem dictorum angulorum ad ipsa diaphana rationem reciproce: ita videlicet, vt quia ex hypothesi in hac differentia diaphanorum, angulo incli-

inclinationis CDO in raro, respondet in denso angulus ad perpendic. re fractus NDP; huic eidem si reuersè is fiat angulus inclinationis in denso; respondere debeat in raro angulus à perpend. refractus CDO, idem qui prius erat inclinationis: si enim responderet maior aut minor non esset eadem proportio huius anguli inclinationis in raro, & huius refracti in denso ad hanc raritatem & densitatem, quæ est huius anguli inclinationis in denso, & alterius refracti in raro ad hanc eandem raritatem, & densitatem.

Consonat experientia cuique facilis hoc modo. sit rarum aer, densum crySTALLUS; & instrumentum aliquod ita disponatur, vt illi vna ex parte, firmum emineat in O pinnacidium; ex altera verò immobiliter quoque adhæreat copulata crySTALLUS: tum si oculus, directæ ex O per D acie trans crySTALLUM cernat insigne in eiusdem superficie punctum aliquod P; idem oculus in P collocatus, siue ex altero pinnacidio in P collocato respiciens cernet per D, pinnacidium O: vnde clarè patet per vtranque lineam visualem OD, & DP reciprocam esse specierum visus propagationem ex aere in crySTALLUM; & è crySTALLO rursus in aerem. Idem autem consequenter, aut sanè à pari dici debet de radio lucis hac in parte, quod de visu. Præterea verò quod in lineis OD, DP, ostentum est; æquè facile ostendi potest in alijs quibuscunque angulum, vt dictum est, cum AB facientibus. Igitur &c.


Monitum.

OTiosa videri posset ista propositio recolenti peruulgatum illud, lucis intrantis, & exeuntis idem est iter, sicut Parisijs Romam, & Roma Parisijs; & putanti id esse vniuersaliter recipiendum, sed non otiosè addidi in propositione istas particulas, facientes pariter angulum &c. quandoquidem sine hac limitatione tam propositio, quàm vulgare illud dictum falsa esse conuincerentur, si verum est ex quadam inclinatione in denso radium aliquem, vt ED, vel alium inter MD, & ED, sic refringi; vt intra rarum quidem, sed per lineam denso contiguam, angulo refracto recto CDB progrediatur per DB: nam, vt ostendi *propositione præcedenti*, lux per BD in raro, ingressa non potest refringi seu per DE seu per aliam quamcunque in denso; & ita quamuis lucis iter esset ab E per D, in B; non tamen è conuerso à B per D in E, adeoque non idem intrantis, & exeuntis iter. Quid autem sentiendum sit de prædicti radij ED aut similis refractione per DB in raro, dicam *tum 2. coroll. prop. sequ. tum præcipue prop. 38.* cum eius rei physicam rationem aperiam.

Propositio III.

Quacunque facta diuersorum diaphanorum combinatione, quamvis in raro nullus sit inclinationis angulus, quo incidens radius non refringatur in denso; necessario tamen aliquis in denso est inclinationis angulus, quo incidens radius non refringitur in raro, sed in ipsomet denso, ex quo incidit.

Retenta eadem dispositione quæ suprâ, vt quod propositum est, demonstrem, sumo radium vt dixi physicum latitudine quadam assignata præditum, qui ex aere ita incidat in crySTALLUM, vt latus eius inferius, seu linea lateris FD, iuxta 2 coroll. prop. 1, efficiat cum recta BD angulum BDF; quem quidem volo ita esse acutum, seu interuallum BF in quadrante BFC, ita esse exiguum, vt inter B & F non superfit locus nisi



minor latitudine prædicti radij, vel non nisi æqualis illi; nempe ad summum pro vno alio simili seu æqualis latitudinis radio. Hic itaque radius secundum lineam FD (cui, vt dixi, latus eius inferius congruit) angulo inclinationis CDF incidens, refringatur angulo ad perpendicularem refracto NDM; ita vt istius refracti radij latus dextrum congruat, cum recta DM; eiusdem verò latitudo porrigatur ad sinistram versùs AD: sic autem angulus NDM, ob naturam refractionis erit necessariò minor angulo

gulo inclinationis $CD F$; & consequenter complementum eius erit maius, quàm istius, id est, $M D A$ quàm $B D F$.

His positis dico, & si nullus sit in aere angulus inclinationis seu minor, seu maior quàm $CD F$ (secluso sanè angulo recto $C D B$, quem aliqui perperam vocant angulum maximæ inclinationis; perperam, inquam, cum nulla esse vel dici possit inclinatio lineæ ad planum in quo illa est, vel cui æquidistat) quo incidens in crystallum radius non refringatur in eadem; attamen in crystallo assignari posse angulum inclinationis maiorem, quàm $N D M$, quo licet incidat in aerem radius, in illo tamen non refringatur; sed si refringitur, refringatur in crystallo; ita ut refractè non per aerem, sed per crystallum progrediatur.

Quia enim per præcedentem sicut incidens $F D$ refringitur ad perpend. per $D M$; ita vicissim incidens $M D$ refringitur per $D F$ à perpendiculari: si aliqua recta ED sumatur ita proxima ipsi $M D$ versùs AD , ut angulus $M D E$ non sit minor quàm $F D B$; ipsi verò ED congruat latus dextrum alicuius radij, cuius latitudo versùs AD porrecta, sit talis ut quamvis in refractione latitudo radij minuat, tamen refractò istius superfit latitudo non minor quàm sit intervallum supra assumptum FB . Si inquam radius iste ED refringi potest in raro; refractus eius necessariò incedet inter F & B : nam inter C & F non potest, quia per 5 postul. angulo inclinationis $N D E$ maiori, quàm sit $N D M$, debetur angulus à perpend. refractus maior quàm sit $CD F$: sed neque poterit dictus ex incidente ED refractus, incedere inter F & B ; quasi totus sit in raro, & latus eius inferiùs congruat cum DB . Quia enim anguli refracti in raro, crescunt maioribus incrementis, quàm crescant anguli inclinationum in densò, ut fert natura refractionum; maior necessariò esse debet proportio anguli huius refracti (quisquis ille sit) ad angulum inclinationis sibi respondentem $N D E$; quàm sit anguli $CD F$ ad $N D M$: ergo radius ille refractus incedens inter F & B debet relinquere aliquod spatium inter se & F : alioqui dictorum angulorum incrementa essent saltem æqualia: quia per constructionem $M D E$ angulus non est minor, quàm $F D B$. At radius ille refractus latitudinem, ut supposui, habens æqualem intervallo FB , ac proinde illud totum se solo implens; non potest ita inter B , & F totus incedere; ut partem aliquam eiusdem intervalli relinquat veluti vacuum inter se & F : alioqui latitudinem haberet minorem intervallo FB contra hypothesim. Ergo quia nihilominus ex vi prædicti incrementi maioris, partem aliquam dicti intervalli FB relinquere debet; cogetur aliqua saltem suæ latitudinis parte citra B refluxere versùs T ; atque adeo iterum ingredi crystallum. Ergo radio incidenti ED respondens refractus, aliqua saltem sui parte in crystallo est.

Et quia quod isti accidit, accidit etiam à fortiori radio GD , alijsque incidentibus angulo maiori, quàm sit $N D E$; sequitur eos omnes, omnes inquam non solum sensibiles, vel determinata latitudine, ut dicebam, præditos,

ditos, sed etiam quoscunque insensibiles, & quantumlibet tenuissimos, utpote necessario in ipsis sensibilibus &c. contentos, non refringi vllatenus in aere. Et quia nihilominus non est cur omnino pereant, & extinguantur; sequitur eos omnino ac totaliter in crystallum regredi; & consequenter in eadem refringi siue totaliter siue partialiter: de quo dicitur *prop. 6. & 41.* Igitur quacunque facta diuerforum diaphanorum &c. quod fuit &c.

Corollarium 1.

IN hoc genere refractionis angulus refractus est maior recto: si enim GD incidat, & refringatur in DT; cum sit COB quadrans, & COT sit maior quam COB; erit COT circumferentia maior quadrante: & quia CD est axis refractionis; erit CDT angulus refractus maior recto. Atque ita intelligendum puto quod Vitellio *lib. 10. propos. 8.* in tabella refractionum à vitro ad aerem, angulo inclinationis 80 in vitro, respondentem in aere refractum angulum ponit 118: & similiter ab aqua ad aerem angulum refractum ponit 110: & à vitro ad aquam 98; qui sunt maiores recto.

Corollarium 2.


CVM radius, ex incidente MD, refractus DF angulum cum DB efficiat in raro; refractus verò ex incidente ED, cum eadem DB angulum ex dictis efficiat in denso; si res ad leges geometricas exigatur, fieri potest, ut radius aliquis inter MD, & ED incidat angulo maiori quidem, quam sit NDM, sed minori quam NDE; cuius incidentis refractus radius angulum in raro refractum efficiat rectum CDB, propagatus nimirum per DB in raro; ut suprà vocaui lineam illam in raro contiguam denso. & consequenter *iuxta monitum precedentis propos.* non est vniuersaliter idem iter lucis intrantis & exeuntis.

Propositio IV.

Si lucis radius è quouis raro in simile rarum transmittatur per densum, cuius ambæ hinc inde superficies utrique raro contiguæ, planæ sint ac inuicem parallelæ; angulus secundò refractus à perpēd. erit æqualis angulo primæ inclinationis, & radius secundò refractus æquidistabit primò incidenti producto.

Radius CA ex aere supra rectam IK existente, transeat in similem aerem, qui sit sub LM etiam recta, & ipsi IK æquidistante per crystallum inter dictas LM, & IK, tanquam communes contiguarum eius,
 & ae-

& aeris hinc inde superficierum ac superficiei refractionis sectiones contentam; & ducta perpendiculari BAG , angulus inclinationis in prima incidentia fit BAC , eidemque respondens primò refractus in crystallo, angulus GAD : tum per D punctum, quo rectam LM secat linea refractionis AD , ducatur perpendicularis EDF sitque EDA angulus secundæ inclinationis in secunda incidentia.




Dico angulum secundò refractum, qui fit, verbi gratia, FDH , esse æqualem ipsi BAC . Quia enim *per 2 huius*, si lux per CA (facientem cum IA angulum) incidens refringatur per AD ; reciprocè, per AC refringetur quoties per DA inciderit; & consequenter sicut angulus inclinationis BAC in aere, parit in crystallo angulum GAD refractum ad perpendic. ita reuersè inclinationis angulus GAD in crystallo, parit in aere angulum BAC refractum à perpendicul. sequitur inclinationis angulum EDA ipsi GAD in eadem crystallo æqualem ob parallelas, producere angulum FDH in aere refractum, ipsi BAC æqualem, vt fuit primò propositum. Et hinc patet altera pars propositionis; quia cum anguli duo BAC , FDH , æquales sint ad duas parallelas BG , EF , sequitur CA , & HD rectas, si producantur hæc versùs T , illa versùs P , fore inuicem parallelas.
Igitur &c.

Propositio V.

Radij lucis ex uno in aliud quodcunque diuersum diaphanum, quocunque angulo incidentis licet fiat refraction; pars tamen aliqua reflectitur: & quidem seruata æqualitate angulorum incidentiæ, & reflexionis.

EXponatur Soli utcunque cryſtallus AB, radiumque excipiat ex aere incidentem CD, qui ad perpendicularem DF refringatur in DG, & rursus exiens in aerem, refringatur in GH, à perpendiculari GX. Dico primò neque totum CD refractè cryſtallum ingredi per DG, neque totum DG refractè ingredi in aerem per GH; sed aliquid ipsius CD reflecti per DE; & similiter aliquid ipsius DG reflecti per GI; qui iterum non totus per IK refringatur, sed rursus aliquid eius reflectatur per IL &c. Euidens enim est ipsa experientia, incidente CD reflecti



DE; & cùm etiam experientia constet refringi DG; certum est reflexum DE esse aliquid ipsius CD, qui consequenter non totus abierit in refractum DG: & quia idem accidit ad quemlibet incidentiæ angulum, & in aqua, cæterisque diaphanis aerem densitate superantibus, sicut & in cryſtallo; estque eadem ratio de alijs raris, quæ est de aere; sequitur radij è raro in densum quocunque angulo incidentis partem aliquam reflecti; licet aliqua etiam pars refringatur.

Præte-

Præterea crystallo A B etiam minimè terminata hydrargiro, præsertim intra septa oclusi, & obscuri cubiculi, radio solari C D per fenestræ foraminulum sese insinuanti expofita, cernimus in aduerso pariete non tantum radium vnicum reflexum vt E, sed plurimum feriem radiorum, vt E, K, O, S, &c. quorum primus E viuidior inter eos est, reliqui prout ab eo recedunt paulatim fiunt debiliores. Cum autem ex vnica incidentia, non possit esse nisi vnica reflexio, euident est lucem K in pariete non posse esse ex C D radio immediatè, sicut est lux E, videlicet per lineam reflexionis ortam ab incidentiæ puncto D (sic enim angulus reflexionis T D K esset maior angulo incidentiæ T D C) & tamen cum ex facta hypothesi nullus alius præter C D, possit à Sole radius in crystalum A B deriuari; necesse est lucem K (idem de O, & S, ac alijs similibus) ab eodem C D esse aliquo alio modo quàm reflexè: potest autem esse refractè, addita, etiam reflexione: nempe si lux K per lineam refractionis I K oriatur ab ea iam superius dicta parte radij C D, quæ in crystalum penetravit, nimirum D G; quæ neque etiam ipsa effluat tota, per G H in subiectum, aerem; sed secundum aliquid sui reflectatur à puncto incidentiæ G, in I; ac ex ipsa demum G I incidente, sit refracta I K. Similiter lux O prodibit per lineam N O, non ex I K, sed ex G I; quatenus videlicet hæc non tota exit per I in I K, sed aliquid eius reflectitur in I L; & rursus ipsa I L non tota exit in L M; sed aliqua sui parte reflectitur in L N, & hinc refracta, N O: & ita de alijs, vt P Q, & R S. & quia nullus alius (vt perquirenti constabit) excogitari potest modus rationabilis, quo luculæ E, K, O, S, ab incidente radio C D ortum ducere possint; quàm iste assignatus; isto autem posito manifestè sequitur radium siue ex aere in crystalum, vt C D, siue è crystallo in aerem vt D G, & G I, & I L &c. incidat, parte vna sui reflecti, licet alia refringatur. Et quia idem in alijs diuersis, quouis modo combinatis, diaphanis locum habet, vniuersaliter verum est, radij lucis ex vno in aliud quodcunque &c. partem aliquam reflecti licet alia refringatur, quod fuit primo loco propositum.


Dico secundò prædictas reflexiones quibus in crystallo A B reflectitur primò D G, in G I, secundò G I in I L, tertio I L in L N &c. fieri ad communem acerrimam legem æqualitatis angulorum incidentiæ, & reflexionis, quia vt ipsa experientia ostendit, linea E S in pariete complectens vno ordine, & æqualibus ab inuicem discretas spatijs luculas E, K, O, S, æqualis est lineæ crystallo DR: quando ambæ eiusdem crystallo superficies A R, G B, & parallelæ inuicem sunt; & parieti E S æquidistant: aliàs enim nunquam sunt æquales. At stante dictarum superficierum parallelismo impossibile est vt sint inuicem æquales E S, D R, nisi anguli incidentiæ Y G D & reflexionis Y G I sint quemadmodum inuicem, ita & cum angulo primùm refracto F D G, & cum alio inclinationis Z I G, & ita de alijs æquales: id inquam absque ea conditione est impossibile; quia aliàs refracti radij I K, N O, R S non essent inuicem & cum reflexo D E paralleli (adeo-

(adeoque nec. ES , æqualis esset ipsi DR) quia enim per *precedentem* angulus à perpendiculari secundò refractus XGH æqualis est angulo primæ inclinationis TDC ; angulus tertio refractus VIK , ut sit æqualis (quemadmodum reuera æqualis esse debet per *eiusdem* *precedentis demonstrationem*) tum dicto primæ inclinationis angulo TDC , tum etiam refracto XGH , nec non angulo primæ reflexionis TDE ; supponit angulum tertiæ inclinationis ZIG æqualem esse angulo secundæ inclinationis FDG ; & ita deinceps de alijs. Cum itaque ut demonstratum est, angulus primò refractus FDG , & tertiæ inclinationis ZIG , sint inuicem æquales; & ob parallelas, eisdem æquales sint angulus secundæ inclinationis YGD , & secundæ reflexionis YGI : sequitur ipsos YGD , YGI esse pariter inuicem æquales; & ita de alijs, ut fuit secundo loco propositum. Ergo radij lucis ex vno in aliud quodcumque &c. ut fuit &c.

Propositio VI.

Radij, qui è denso in rarum tali angulo incidit ut in illud non progrediatur, pars una in eodem denso refringitur, & altera etiam in eodem reflectitur.

R Etineatur tota dispositio *propositionis 3*; sitque radius GD è crystallo incidens in aerem angulo inclinationis NDG maiori quàm sit



NDE , ita scilicet ut per *eandem* non possit refringi in aere, sed refringatur in crystallo per lineam DT angulo refracto tali CDT , ut eius complementum

plementum $T D N$ sit vtcunque minus vel (vt hic) maius, quàm angulus inclinationis NDG : Præterea verò eiusdem GD per proposit. 5 pars aliqua in eadem crytallo reflectatur per DH , angulo reflexionis NDH æquali ipsi NDG . Dico non totum GD reflecti in DH intra crytallum; sed aliquam etiam eius partem refringi intra eandem crytallum, puta per refractam DT .

Quia enim si GD incidisset in aerem angulo quodam minori quàm sit NDE , vt NDP , partim ingressus fuisset aerem refractè per DO , & partim in crytallum reflexè reuersus fuisset per DS , angulo NDS æquali ipsi NDP per præcedentem; & similiter si incidisset in aerem angulo inclinationis NDM , in eundem partim ingressus fuisset refractè per DF , & partim in crytallum reflexè rediisset per DR , angulo reflexionis NDR æquali ipsi NDM : sequitur eiusdem GD partem aliquam reflecti in DH ; & quia alia eiusdem GD pars ex constructione refringitur per DT , quæ scilicet iuxta dicta ad primam definitionem huius, facit cum ND angulum NDT inæqualem ipsi NDG angulo inclinationis; & ita differt à reflexa DH ; sequitur partem radij GD refringi, & partem reflecti in eadem crytallo per diuersas lineas: quamuis non negem fieri posse in quadam diaphanorum proportionem, vt radio GD incidenti respondens vtraque linea, reflexionis videlicet ac refractionis, in vnam DH coincidant: imò & in ipsa, quæ inter aerem, & crytallum est, proportionem, si non ad angulum inclinationis NDG , saltem ad alium aliquem siue maiorem, siue minorem. Ergo radij qui è denso in rarum, &c. quod fuit demonstrandum.

Propositio VII.

Si radius è primo diaphano raro in tertium densum propagetur per secundum densus quidem primo, sed tertio minus densum, quodque insuper ambas, quibus vtrique contiguum est, superficies habeat planas ac inuicem parallelas; angulus refractus in tertio diaphano, æqualis erit ei, qui fieret sublato secundo, & retento primo cum eodem primæ inclinationis angulo.


SIt supra rectam IK primum diaphanum quodcunque rarum, vt aer; sit etiam inter duas parallelas IK , LM , secundum diaphanum densum, vt aqua, planam ex hypothese habens superiorem superficiem; sub LM autem sit tertium diaphanum, aqua simul & aere densius, vt crytallus, & quidem plana ex parte LM , vt aquam sibi contiguam hoc ipso planam reddat: deinde in recta IK sumpto quolibet puncto primæ refractionis A , & ducta perpendiculari BAG , sit in aere, id est diaphano 1,

H h h

incli-

inclinatio primæ incidentiæ BAC : angulus verò in 2, id est in aqua, refractus sit GAD ; ita vt in 3, id est in cryſtalli recta LM , punctum secundæ refractionis sit D : & hoc posito ducatur per D perpendicularis EDF ; sitque EDA angulus secundæ inclinationis in 2 diaphano; in 3 autem angulus refractus sit FDN .

Dico ipsum FDN , æqualem esse ei, qui fieret, si sublato tantum diaphano 2 remanerent reliqua duo, ita vt recta LM esset in loco ipsius IK , & D in A , retento eodem primæ inclinationis angulo BAC ; id est si sublata aqua radius aliquis vt TD , parallelus ipsi CA , incideret immediate in cryſtallum angulo inclinationis EDT æquali cum BAC .



Quia enim *per postul. 4* quò maior est densitas 2 diaphani præ densitate 1, eò angulus refractus GAD , minor est angulo inclinationis BAC ; & similiter quò maior est densitas 3 diaphani præ densitate 2, eò angulus refractus FDN minor est inclinationis angulo EDA : erit sicut densitas 3 ad 2, & 2 ad 1; ita angulus FDN , ad EDA (seu ad GAD ipsi æqualem ob parallelas) & angulus GAD ad BAC : & consequenter ex æquo sicut densitas 3 ad 1; ita erit FDN ad BAC : & ita proportio 3 diaphani ad 1, simpliciter producet ex inclinationis angulo EDT , refractum angulum FDN quem proportio eiusdem 3 ad 2, & 1, compositè, produxerat ex inclinationis angulo BAC ipsi EDT æquali.

Aliter.

POtest etiam hoc modo exprimi demonstratio, & fortasse clariùs. Quia in facta hypothese aqua, & cryſtallus per modum vnus, densitatem maiorem componunt, quàm sit solius aquæ; sequitur *per 4 postul.* refractionem ex vtriusque refractionibus simplicibus compositam maiorem

rem quidem esse, quàm sit solius aquæ refraction simplex : sed quia densitas aquæ utpote minor iuncta cum densitate crysalli maiori, non constituit densitatem maiorem, quàm sit solius crysalli; sequitur refractionem ex dictis simplicibus compositam, nihil addere supra simplicem crysalli refractionem, quæ foret respectu eiusdem primò positi anguli inclinationis; & cum aliunde, nihil etiam illi detrahat, consequens est ut necessario relinquat æqualem; unde & sequitur secunda proposita refractione in crysallo fieri angulum refractum æqualem ei, qui fieret sublata aqua, & posito in aere, eodem qui prius, angulo inclinationis.

Aliter ex tabulis Vitellionis.

Posita veritate experientia, quam exponit Vitell. *lib. 10 propos. 8 in tabulis refractionum ex aere ad aquam, ex aqua ad vitrum, & ex aere etiam ad vitrum &c.* (quamvis ego eas tabulas plurimis erroribus sedatas esse deprehendi) sic potest ostendi propositum, saltem ut advertant Tyrones quomodo rationi experientia consonet. Si angulus primæ inclinationis BAC in aere sit graduum 80, refractus GAD in aqua erit 50; & rursus posito in aqua angulo secundæ inclinationis EDA (qui ut dictum est, æqualis est ipsi refracto GAD) 50; refractus FDN in vitro erit grad 42 min. 30. At ex iisdem tabulis, si angulus incidentiæ sit 80 grad. ex aere, ad vitrum immediatè; refractus in vitro angulus, erit æquè 42 grad. (desunt quidem hinc minuta illa 30, vel ibi redundant; sed hic est error vel typographi, vel qui ob parvitatem deprehendi non potuit dum experimentum fiebat) ergo in vitro licet in illud mediante aqua incidat ex aere radius, idem est angulus refractus, qui foret si sublata aqua immediatè in vitrum incideret. Igitur &c.

Propositio VIII.

Si radius è primo diaphano raro in tertium densum propagetur per secundum utroque densius, quodque ambas, quibus utrique contiguum est, superficies habeat planas, ac inuicem parallelas; angulus in tertio diaphano refractus non erit idem qui foret sublato secundo, cæteris paribus; sed minor illo: erit verò idem qui foret, si secundum diaphanum positum esset loco tertij, & vicissim tertium loco secundi.

Seruetur constructio figuræ ut præcedenti proposuit. sed ipsa diaphana aliter ordinentur, & 1 quidem sit aer, 2 verò crysallus, 3 aqua. Dico retento eodem angulo inclinationis in aere, angulum in aqua refractum

Hhh 2

à per-

à perpendiculari, minorem esse quàm foret ad perpendicularem sublata, crystallo; & esse æqualem ei, qui fieret, si 2 diaphanum esset aqua, 3 crystallo, cæteris inuariatis, ut *proposit. præcedenti*; ita ut angulus à perpendiculari refractus in aqua, secundum hanc posteriorem dispositionem, restituat angulum ad perpendic. in crystallo refractum secundum priorem, id est *præcedentis propositionis* dispositionem.

Prima pars statim intelligetur ex secunda; hæc verò probatur eadem ratione qua præcedens propositio hic etiam facile applicabili. Nam in hoc progressu quantum minuitur angulus primò refractus in crystallo, tantundem minuitur angulus secundæ inclinationis in eadem crystallo (cùm hi necessariò sint semper æquales, ut sunt *præcedenti propositione*, G A D, EDA,) & eadem proportionem minuitur etiam densitas aquæ respectu crystallo: unde licet ad datum angulum primæ inclinationis in aere, angulus primò refractus minor sit in hac dispositione, quàm esset in priori; tamen ob densitatem, eadem ut dixi, proportionem minorem iam in tertio diaphano; angulus secundò à perpend. refractus ad angulum primæ inclinationis inuariatum, eandem proportionem habet in posteriori dispositione, quam habebat in priori. Ergo &c.

Monitum.

Conferre ista volui cum tabulis Vitell. sicut alia in *præcedenti propositione* contuli: sed comperi minùs sibi consonare: nam sumpto inclinationis angulo 50 in aere; fit refractus ad perpend. 30 in vitro: & isto iterum sumpto, pro inclinatio. angulo; fit in aqua refractus ad perpendic. 33: si verò sumatur eadem inclinatio 50 in aere; angulus ex eo in aqua refractus ad perpendicul. ponitur 35, prædicto scilicet minor duobus gradibus; cùm tamen *ex demonstratis* debeat esse æqualis: quod quidem mirum non est, quia, ut dixi prædictæ tabulæ errores etiam alios plurimos continent.

Corollarium.

Quod iuxta hanc et *præcedentes propositiones* 4 & 7 in refractione composita contingit angulo refracto in tertio diaphano, suppositis superficiebus secundi, planis, ac inuicem parallelis; idem seruata, proportionem continget, licet superficies illæ sint non planæ, aut non parallelæ, vel neque planæ, neque parallelæ: quia quomodocunque disponantur, vel figurentur tria diaphana diuersa, semper eandem retinent diuersitatem; vi cuius semper in eadem ratione refringunt cæteris paribus.

Propositio IX.

Varia de modo & causa efficiente illuminationis præsertim directæ placita Autorum recensere.

HActenus de refractione lucis dixi quantum potui colligere ex ipsis initio positis definitionibus ac postulatis, addita etiam aliquando fide experientiarum: nunc latiores campos inire incipio, acturus minutatim de physicis principiis à quibus refraction pendet; siue ea intrinseca sint luci, siue extrinseca: & ut hoc facilius præstem quemadmodum in ipsa huius lib. præfatione dixi, ab illuminatione directâ incipio, ut ex hac simulque ex reflexa efficacius concludam quid de refracta sentiendum sit. Nunc autem ad propositum venio.

Primò communissima est, & iam diu apud fere omnes inualuit sententia, qua existimatur illuminationem instanti indiuisibili fieri, ad quamcunque distantiam intra Sphæram actiuitatis luminosi. Sed qui id putant inter se diuisi sunt, non enim pariter concedunt illuminationem locali motu fieri; cùm aliqui id negent; aliqui, ut postea videbimus, asserant.

Secundò qui negant illuminationem fieri motu locali; ideo id negant quia putant instanti, ut dictum est, fieri: motus enim localis (saltem qui sit latio) instantaneus, est impossibilis. Vnde & consequenter existimant lucem non esse corpus aliquod mobile, sed accidens quod actione virtutis illuminatricis educatur è subiecto suæ inhaesionis (puta aere, aqua, crystallo, similibusque diaphanis) & quidem ex omnibus partibus subiecti æquè primò, id est in instanti; quia nullum est luci contrarium positium. Imò tale putant esse accidens (sine exemplo in tota rerum natura) quod nec possit ad motum proprii subiecti loco moueri: idque colligunt tum ex alijs experientijs, tum ex ista; quod nimirum licet intra cubiculum moueatur aer ventilabro aut aliter pulsus, lux tamen per oclusâ fenestræ rimulam in ipso cubiculi aere generata prorsus non moueatur, nisi ad motum rimulæ, aut lucidi. qua ex causa aliqui lucem, præclaro vocabulo, indigitant formam assistentem diaphano velut nauclerum naui; nec volunt esse simpliciter formam informantem; quasi id quod est assistere, impediatur, vel ad altius aliquid euehat, id quod in accidente est informare: vel ipsum informare, dummodo cum assistere confundatur, stare possit in fluxu continuo absque vlla permanendi mora; dum scilicet subiectum continuè transit, & forma ex eo generata non transit pariter cum eo; & non tantum non transit cum eo, sed nec migrat in aliud: neque sine omni esse potest. Quæso ergo ubi est, cùm nec in subiecto sit, neque extra subiectum? aduerto quidem responsum iri, esse in subiecto fluenter; sed id qui potest capere capiat; & nos responsum ipsum sinamus interim belle fluere; atque ad alia transeamus.

Isti Autores sunt adhuc inter se diuisi, & cùm pariter putent illuminationem fieri sine motu locali, lucemque esse accidens; non tamen perinde consentiunt quoad principium actionis, qua lux è subiecto educitur: sed aliqui volunt eam actionem esse folius lucidi; alij lucem ipsam, à lucido ad extra genitam, volunt esse fecundam alterius lucis; & totalem in toto diaphano lucem ita propagari, vt prima eius pars à lucido genita in parte diaphani ipsi proxima, secundam sibi similem generet in sequenti parte diaphani; & hæc tertiam in tertia, ac ita deinceps vsque ad vltimam; quæ tandem ob fatifcentem paulatim virtutem sit infœcunda & nullius prolis.

Tertiò qui actionem illuminandi tribuunt lucido tantùm, sibi satisfaciunt dum amplissimam eius virtuti illuminatrici assignant actiuitatis sphaeram; & actionem in passo receptam putant, ab agente multis milliariibus distante pendere mediante ipsius virtute ad extra diffusa, vel etiam immediatè.

Quartò qui putant lucem à lucido in parte subiecti (quæ proxima illi est) genitam, fecundam esse alterius lucis in sequenti parte eiusdem subiecti generandæ, dicunt illuminationem in toto medio diaphano fieri propagatione, siue lucidum à quo cœpit propagatio, concurrat immediatè ad ipsam totam (actione saltem partiali) siue solùm mediatè, ac remotè quatenus inchoauit.

Quintò qui motu instantaneo locali illuminationem fieri putant; non dicunt eum motum esse lationem; euident enim est lationem instanti non posse fieri; sic enim idem mobile secundùm idem sui, esset simul in terminis à quo & ad quem, ac in toto medio; & consequenter in pluribus locis: sed excogitarunt aliud genus motus, nimirum agitationis, quem putant conuenire luci; imò ipsam lucem nihil aliud esse quàm viuידam commotionem à lucido per totum medium vsque ad oculum propagatam in quadam tenuissima substantia, quæ se per aeris aliorumque diaphanorum poros insinuet; & à lucido primùm succussa, tota quanta est & vbicunque est (dummodo nihil opaci interponatur) propter sui continuitatem simul ac eodem instanti ad quamcunque distantiam concutiatur. Ad hunc autem substantiæ tenuissimæ imprimendum motum; excogitauerunt alium in lucido frequentem viuידum motum, quasi palpitacionis, systoles & diastoles, quo se ipsum vi quadam innata contrahat in se se, ac iterum exporrigat: atque ita parti substantiæ illius tenuissimæ, sibi proximæ & ambienti, motum imprimat suo similem; hæc verò parti sequenti eundem communicet, & ista alteri, vsque ad vltimam quæ oculum ferit; idque tanta velocitate, vt commotio instanti per totum medium ad quamcunque distantiam præpagetur: & huiusmodi motum prout oculum ferit, & ab eo sentitur, volunt esse lumen, neque aliter; ita vt prorsus & nusquam esset lumen, nisi esset oculus motum illum sentiens.

Sexto Aristotelis de lumine sententiam, ei quæ præcedenti num. relata est,

est, quodammodo similem vide ex ipsomet Autore expressam *propos. 27* ibidemque reiectam.

Septimò demum alij, quia non putant aliquid esse quod cogat asserere, illuminationem fieri instanti indivisibili, existimant fieri tempore, sed brevissimo; adeoque concedi in ea posse motum etiam lationis. Ipsum verò motum lationis omnino concedendum esse (excluso motu palpitacionis) putant, quia hinc conspiciunt lucis reflexionem fieri ad legem aliarum reflexionum, in quibus motum localem esse constat: inde autem nullam rationem vident, quæ satis aptè tueatur; ac multo minùs, quæ sufficienter probet motum supradictum palpitacionis, & consequentis ex eo commotionis, ac demum quia sententias alias putant & falsis nitì fundamentis, & (concessis licet fundamentis) ad totum illuminationis explicandum negotium minimè esse idoneas,

Propositio X.

*Varia de modo, & causa efficiente illuminationis reflexæ,
ac refractæ placita Autorum recensere.*

Illuminationem tum reflexam tum refractam explicare quilibet studet conformiter ad ea principia, quæ priùs posuit pro illuminatione directæ; vel è contrà, talia pro directâ illuminatione principia ponere studuit, qualia putavit necessaria esse, & sufficere, ad reflexam, refractamque explicandam: ac proinde qui motum localem arcent à directâ illuminatione, excludunt pariter à reflexa, & refracta: qui verò in illa admittunt siue instantaneum commotionis, siue successuum lationis; admittunt pariter etiam in istis.

Primò itaque illi qui putant lucem esse fecundam alterius similis, dicunt reflexam lucem produci ab ea quæ propagatione (*precedenti proposit. num. 4* explicata) producta est in speculo aut prope speculum; ita ut quemadmodum lucis directæ pars vltima in linea incidentiæ generata est, propagatione à lucido ad ipsam per intermedias deducta; sic vltima pars reflexæ lucis in linea reflexionis generetur propagatione ab ea luce, quæ in speculo aut prope speculum est, ad ipsam per intermedias deducta. Et præterea quidam ex istis putant speculum ipsum effectivè concurrere vi sua ad reflexæ lucis generationem.

Eodem autem modo, ut puto, philosophantur servata proportione de luce refracta; ut puto dixi; nam non planè comperi quam refractæ lucis causam isti assignent, in vrentè per refractionem lente crystallina: sicut neque quid sentiant de angulorum incidentiæ, & reflexionis æqualitate, eiusque causa; vel de rectitudine radij tum incidentis, tum reflexi, tum etiam refracti: vix enim, ac ne vix quidem in scholis ista agitantur; fortè quia trita & cuique obvia; vel quia tempus præriperet tractatui de ente,

ratio-

rationis, ac similibus alijs subtilioribus, atque ad solidioris Philosophiæ acquisitionem vtilioribus; ita est hodie vsus in scholis.

Secundò qui lucis directæ generatiuam actionem tribuunt lucido tantum, eidem æquè tribuunt generatiuam reflexæ, & refractæ, dicuntque in primis reflexionem fieri; quia licet actio, qua radius produceretur à lucido vim illuminatricem suam directè intendente in totam actiuitatis suæ spheram, præpediatur oppositione speculi, ne vterius promoueatur; virtus tamen lucidi nihil propter eam oppositionem passa est detrimenti; vnde quia apta erat suam promouere actionem vterius; non sistitur ibi, sed pergit; videlicet retorquendo actionem citra speculum; vt nempe hoc modo obtineat effectum sibi proportionatum. Et quia prius eadem lucidi virtus actionem directè promouebat certa quadam via nempe recta; & determinato angulo incidentiæ ad speculum: ita etiam reflexè eandem promouet certa quadam via nimirum recta; & angulo reflexionis determinato, videlicet qui sit æqualis angulo incidentiæ.

Pari modo, seruata proportionem censent fieri refractionem, eò quòd propter diuersitatem diaphanorum in ocurso secundi, necessariò mutatur directio illuminationis; vnde & incuruatur, id est refringitur radius: quid autem & quomodo conferat diuersitas diaphanorum ad mutandam necessariò directionem illuminationis; explicant dicendo lucidum in Sphæra suæ actiuitatis agere cum dependentia à partibus Sphæræ; quasi huius pars vna ageret in aliam.

Tertiò aliqui ex ijs qui motum localem effluxus vel eiaculationis tribuunt luci, existimant refractionis causam esse medijs resistentiam, qua dispersio lucis materiali necessitate impeditur; quatenus videlicet lux à lucido emissà spargitur: & eò magis dispergitur, quò maiori interuallo à fonte recedit; & cum obliquè incidit in densi diaphani superficiem, ab eadem vt resistente motui, dispersio impeditur. Ita philosophatur Keplerus *paralip. in Vitell. cap. 1 varijs propositionibus præsertim 20.* Sed hic Autor aut habet aut sanè videri vult habere aliquid ab alijs diuersum; in primis enim asserit lucis motum non in tempore esse, sed in momento. *propof. 5.* Deinde vult lucem esse accidens, vt satis clarè colligere mihi videor. è varijs locis, *præsertim ex appendice ad caput 1 in fine.* Præterea disertè dicit lucem esse immateriatam; sed quid per hoc velit non probè intelligo, vt dicam inferiùs *prop. 22.* Denique fateor me non satis colligere potuisse ex eius verbis, an is concedat luci motum physicum, vt videtur concedere, imò asstruere *propof. 20, præsertim vltimis verbis*; an solùm analogicum, vt videtur rem exponere præsertim disputans aduersus Aristotelem paulò ante *finem citatæ appendicis.*

Quartò demum aliqui, tum ex ijs qui motum localem physicum luci tribuunt, tum ex ijs qui eundem negant; putant refractionem lucis nihil aliud esse, quàm reflexionem factam ab interno latere cuiuslibet pori, prope & sub os eiusdem, exposito luci directæ. Et ab istis parum aut nihil disse-

differunt, qui radij refractionem fieri putant eò quòd non tam in porulum incidat, quàm in latusculum, cuiusdam monticuli (vt vocant) ex ijs qui in superficie polita extant ob defectum ipsius polituræ; negant enim posse vlla arte fieri perfectam adeo polituram, vt omnia exæquentur, & nulli sint monticuli, vallicellæ nullæ; adduntque angulum refractionis (intelligunt autem, vt puto, eum qui continetur lineis incidentiæ, & refractionis) esse tantò obtusorem, quantò incidens radius fuerit perpendiculari propinquior; quia nimirum is tunc magis infernè ferit monticuli vltioris latusculum citerius, vtpote minùs obfistente protuberatione, monticuli citerioris; adeoque incidit profundius in occurrentem porulum: & è contrà, esse eundem angulum tantò acutiorem, quantò radius remotior est, quia scilicet radius tunc altius, & deuexius ferit monticulum vltiorem, vtpote magis obfistente citerioris monticuli protuberatione, adeoque (dicant consequenter) minùs profundè incidit in occurrentem porulum.


Propositio XI.

Exponitur in particulari quomodo, & qua ex causa fiat lucis refractionis in ea sententia, in qua lux nihil aliud est quàm motus localis à lucido ad oculum propagatus, seu eius apparitio.

Autores qui (vt retuli prop. 9 num. 5) motum localem palpitationis & commotionis instantaneum in quavis illuminatione astruunt, duobus potissimum modis causam refractionis reddunt, sententijs ab inuicem diuisi; quas ego hic etiam seorsim exponere statui, sicut & cæteras præcedentibus propositionibus, idque vt Lector eas ad manum faciliùs habeat, cum ea quæ circa illas mox annotauero perlustrare volet.

Prima itaque sententia causam refractionis assignat inæqualem difficultatem (seu facilitatem) qua lux inæqualia secundum densitatem diaphana penetrat, simul cum determinatione ad motum in hanc vel in illam partem. Nimirum distinguunt hi Autores (sicut & ego distinxi lib. 3 ad 3 postul. pag. 292) duas partes ex quibus incidentiæ motus obliquus componitur, aut componi intelligitur, eas videlicet secundum quas hinc cum motu parallelo, inde cum perpendiculari conuenit: asseruntque secundum diaphanum refringens nullatenus opponi parti parallelæ; opponi autem parti perpendiculari, & illi resistere: ita vt si motus, verbi gratia, pilæ ex aere in aquam obliquè incidentis, amittat in aqua dimidium suæ, quam in aere habet, velocitatis; totum id damnum cadere debeat in partem motus perpendicularem; pars autem parallela pristinam suam integram & illasam seruet velocitatem: id est moueatur quidem pila æquali veloci-

dicta *ad definit. 1 lib. 3*) C E F D efficiat sensibilibiter latum; & in secundi diaphani densioris superficiem (linea recta A B designatam) incidat obliquè utcumque angulo inclinationis S F D, posito axe incidentiæ S F. Cùm itaque lineæ lucis E F, terminus F prior in A B incidere; incipiet intra densum moveri tardiùs, quàm priùs in raro moueretur: interim verò terminus E velocitate sua priori nihil immutata, feretur donec mutet medium: ergo toto illo tempore, inæquali velocitate ferentur duo illi termini E quidem maiori, F autem minori; ergo eodem illo tempore spatia inæqualia, iste quidem minus, ille autem maius percurrent.



2. Vt explicet qua via interim E & F moueantur; supponit lineam lucis EF esse in materia tenuissima, quæ proinde in quantitatem se maiorem, distrahi non possit; hoc autem posito impossibile est, vt ambo termini E & F per eas quas prius iniuerant directionis lineas DFI, CEH, moueantur; sic enim quando E peruenisset in V (id est punctum commune ipsi CH & AB) F simul peruenisset in aliquod rectæ DEI punctum, verbi gratia, T; ita tamen vt spatium FT breuius sit quàm EV, propter velocitatem quæ minor est in F quàm in E: at hoc posito esset linea lucis EF propagata, in VT longiori, quàm sit ipsa EF; quod cum ex hypothesi fieri non possit; non possunt dicti ambo termini per eas lineas rectas simul amplius moueri; ergo per lineas curuas mouebuntur; F quidem vt per FL minorem; E autem per EK maiorem, cum sit E velocior, quàm F.

3 Rationem ob quam per curvas moueantur petit ex inæquali veloci-
tate

tate eorum; hinc enim fit ut velocior E, circa F minus velocem, & uterque circa punctum aliquod quiescens pariter gyrum ducat, & consequenter ut simul tota EF progrediatur eo modo quo in plano progredieretur axis frustri coni, super promota circulariter utraque basi, aut axis currus duabus inæqualibus rotis delatus. Si igitur eo tempore quo terminus E semitam suam EK decurrit; terminus F suam compleat in L; linea lucis EF propagata sub denso erit KL: productis autem EF & KL, donec in aliquo puncto M concurrant: erit M centrum semitæ utriusque curvæ EK, FL, quæ consequenter erunt circulares.

Iam verò quia KL omni sui parte æquè velociter permeat densum uniforme, propagata producet radium directum ut KNOL; cuius videlicet latera KN, LO, perpendicularia sint ad ipsam KL; & hoc posito evidens est KN (idem de LO) accessisse ad perpendicularem KR: minor enim est angulus RKN refractus; quàm SDF angulus inclinationis, ut patet ex eo quòd angulus LKF minor est quàm EFK; hunc autem esse maiorem constat, quia cum ex facta hypothesi maius spatium decurrat E usque in K quàm terminus F decurrat usque in L; rectæ EF, KL non sunt parallelæ, sed ex parte F & L productæ concurrunt in M: patet ergo refractionem in denso & fieri ad perpendicularem, & cur fiat.

Vice versa refractionem in raro fieri à perpendiculari, & quare fiat, æquè facile patebit; si in denso sub AB intelligatur lucidum NO, à quo linea lucis KL propagata per directum radium NKL O, obliquè incidat in AB &c.

Propositio XII.

Lucem in toto diaphano, instanti indivisibili emicare non satis constat, ut id in vera Philosophia, tanquam certum, supponi debeat vel saltem possit.

Sola quæ id probare videtur ratio est, quia (ut audiui communiter dici) Sol cum primum in Horizonte est, cernitur; adeoque illuminat aërem nobis circumfusus, nulla interposita mora etiam brevissima: quemadmodum & fulgetrum cum primum erumpit è nube. Nullam autem interponi moram, iudicatum est ex quadam (ut existimare licet) comparatione; quia nimirum tonitru, verbi gratia, quod (ut supponitur) eodem instanti cum fulgetro editur, non eodem, sed post aliquantulam moram auditur: unde quia fulgetrum prius cernitur quàm tonitru audiat, conuincitur intellectus ut certò iudicet tonitru non statim atque est, audiri: sed quia non pariter habet unde iudicet fulgetrum prius edi, & posterius cerni; ideò, dum non ulterius inquit de rei veritate, iudicat cerni cum primum editur.

Sed

Sed cùm hoc fundamentum sit negatiuum, euident est nihil posse vi eius certò affirmatiuè concludi : præsertim cùm constet visum ipsum in similibus non rarè decipi, ac decipere ; & quidem tali modo, vt errorem subesse nullus cogitaret, nisi aliunde aduerteret. Exempli causa. Qui nummum in vase sub aquamersum in aere positus cernit ; existimaret lineam esse rectam per aquam cernit (vtpote in alijs expertus lineam visualem esse rectam) nisi errorem deprehenderet ; eò quòd nummum amota solùm aqua, videre ampliùs non potest. Ita decepti sunt multo tempore Astronomi existimantes se Solem aliaque sidera videre radijs rectis ; nec errorem deprehendissent, nisi (Vitellione, Alhazeno, Tychone, & alijs id obseruantibus) agnitum esset radios lucis ob diuersum ab æthere diaphanum in atmosphæra refringi (de quo vide dicta à nobis *lib. 1 à prop. 22*) sicut in aqua seruata proportionem, maximè circa Horizontem, vbi plurima est vaporum copia.

Dico itaque ad propositum ; si quis esset altior in nobis, & visu nobilior sensus externus (sicut est visus respectu auditus) ille posset visum arguere, sicut visus auditum : & quod non potest alius sensus in nobis, potest Angelus, potest Animus separatus ; si quemadmodum immaterialis, ita non obnoxia tempori visio illis sit ; certè verò potest Deus ; & potest noster hic etiam intellectus, quantumuis sensui vnitus corporeo ; si tamen non nimium credulus annuat statim ad quamlibet sensibilem apparentiam ; sed ex alijs visu aut aliter sibi æquè notis ratiocinetur, & verum ab apparente discernat.

Audiui allàs qui mihi hæc obijcienti diceret magna contentione, se Solem eodem instanti cernere, quo se ad illum spectandum conuerteret, vel quo oculos antea clausos aperiret ; non aduertens speciem Solis (siue illa sit lux, siue aliud quid) priùs circa ipsum etiam auersum, vel iuxta eius oculos etiam clausos, iugiter fuisse ; & non tunc in instanti conuersionis &c. illuc deuectam nouiter fuisse : & quamuis tunc primùm species, aut lux eò appulisset ; non ideo consequitur illam, quæ nunc appulit, nunc quoque cœpiisse oriri à Sole ; quasi ob id necessariò eodem instanti à Sole orta, & in oculo recepta fuerit.

Dicent fortè aduersarij illuminationem non posse non fieri in instanti : quia enim lux caret omni contrario positiuo ; sequitur ad eius in subiectum inductionem nullam requiri dispositionum præuiam immiſsionem ; hæc autem sola est quæ moram pati, & facere posset : ergo cùm in lucido vis actiua sit expedita ; & in subiecto nulla sit resistentia (hæc enim tantùm esse potest ob contrariam dispositionem) non est cur non vno simul instanti applicetur ea vis illuminatrix toti diaphano, ac ita applicata ex eo etiam toto educat simul atque vno instanti formam videlicet lucem.

Respondeo primò ab his qui ita ratiocinantur committi circulum ; vt enim inferant illuminationem instanti fieri, supponunt lucem esse accidens : & paulò antè (vt vidimus *prop. nona*) inferebant lucem esse acci-

dens, ex eò quòd putabant illuminationem fieri in instanti: probent ergo alterum independentè ab altero; vel fateantur vtrunque esse pariter incertum. Neque dicant constare sibi aliunde lucem esse accidens; quia, penetrat aquam, crystallum, &c. quod non posset facere nisi esset accidens; huic enim argumento satisfaciam *prop. 29*, vbi constabit posse corpus per corpus commeari absque penetratione, quæ vtrunque simul in vno constituat loco; interim verò

Respondeo secundò id immeritò dici ab ijs, qui negare non possunt rem ob oculos positam, videlicet lucem non posse recipi indifferenter in quolibet corpore, sed ab aliquibus tantum admitti; nam opaca non admittunt. At si lux caret omni contrario positiuo, ab omnibus indifferenter corporibus admitteretur; cum, vt euident est, ab aliquibus positiue reijci nequeat; nisi propter aliquam, quæ sit in ipsis, contrariam dispositionem positiuam. Ergo non propter carentiam omnis contrarij positiui (quæ ex facto iam argumento aut euidenter falsa, aut saltem dubia est) licebit certò inferre instantaneam illuminationem.

Neque ad hoc satisfacere se posse putent dicendo saltem in corporibus, quæ lucem admittunt, nempe diaphanis, nullum esse luci contrarium positiuum. Nam præterquam quòd ita dicendo petunt manifestè principium; euident est in duobus vel pluribus diuersis secundum densitatem diaphanis contigujs lucem non produci per vnam totaliter rectam lineam, sed per fractam, cuius nimirum partes in communi diaphanorum termino angulum inuicem faciant: ergo est in huiusmodi diaphanis ita dispositis, aliquid positiue impediens productionem lucis per lineam vnam rectam; cum tamen ipsis volentibus aduersarijs rectitudinem illam affectetur vis illuminatrix, tum lucis ipsius natura: est igitur aliquid positiuum contrarium lucis, vt in diaphanis per lineas rectas producendæ. Cum ergo hoc ita se habeat, vnde quæso constat non esse etiam vel idem vel aliud positiuum contrarium lucis, vt in ijsdem diaphanis simpliciter producendæ? & si ita est in pluribus diuersis diaphanis simul sumptis, cur non est in singulis seorsim sumptis? non enim potest in eis esse contraria dispositio ob diuersitatem; si verum est ea in se ipsis, vt talia diaphana sunt, nullam continere dispositionem contrariam; aliàs ex duabus negationibus fieret vnum positiuum, quod est impossibile.

Respondeo 3 soni (quem pariter isti Autores putant esse accidens) nullum esse positiuum contrarium (nemo enim, quòd sciam, illud hætenus assignauit, aut cogitauit) ac proinde nullam esse in aere ad sonum recipiendum resistantiam; ad eiusdem verò productionem, vim esse in corpore sonante expeditam; certè non minus quam in lucido; & tamen ipso oculo teste non instanti fit sonus in toto aere: ergo vis expedita in lucido, & carentia contrarij positiui in diaphano aere, non sufficiunt ad instantaneam lucis inductionem in totum aerem. Ergo licet verum esset vniuersaliter nullum esse luci contrarium positiuum; superest ex dictis (etiam loquendo

quando coherenter principiis aduersariorum) non constare lucem instanti produci per totum medium. Neque dicant esse discrimen inter lucem & sonum quod sonus, licet contrario careat; propagatur per motum localem, qui non potest esse instantaneus; lux verò non per motum localem propagatur. Sic enim dicendo circulum iterum committunt, nam vt vidimus *proposit. 9.* ideo putant non per motum localem propagari lucem, quia putant instanti fieri; nunc autem volunt instanti posse fieri, quia sine motu locali propagatur: probent igitur alterum independentem ab altero, & non petant principium; aut nondum eo ex capite satis constat lucem in toto diaphano instanti indiuisibili emicare &c.

Aliam rationem pro momentaneo lucis motu à Keplero allatam *paralip. in Viell. cap. 1. proposit. 5.* vide solutam *inferius prop. 22.*

Et cum nulla alia sit hætenus allata ratio, saltem mihi nota pro instantanea illuminatione; sequitur non satis constare lucem in toto diaphano, &c. vt fuit propositum.

Propositio XIII.

Quantumuis lux in quodam à tumescencia lucidi ad oculum propagato motu, siue in eius apparitione consisteret; non tamen propterea instanti indiuisibili fieret lucis propagatio: immò è contrà propter hoc ipsum fieret necessario successiue.

VT id probem sumo lucidum Solem; & medium, in quo propagetur à Sole motus, sit æther, aer, vel substantia quæuis alia tenuissima, vt volunt aduersarij *suprà prop. 11.* à Sole ad nos continenter expansa; tantum non rigida, inflexibilis, dura; si enim talis esset; euident est, non posse per illam fieri motum aliorum corporum, eo modo quo cernimus corpora moueri per aerem; ea enim substantia sic rigida non cederet alteri per ipsam motum molienti: est ergo ea substantia, quæcunque illa sit, flexibilis ac fluida, atque etiam rara, sicut aer, æther, & multò amplius, qua proportionem est illis subtilior. Hoc posito sic proceditur ex ipsis aduersariorum principiis.

Si substantiam illam tenuissimam (vocemus diaphanum sicut & ipsi vocant) in varios distinguamus orbes circa Solem; ita vt singulis orbibus, tribuatur crassities, minor ac minor ea proportionem, qua singuli prout à Sole magis ac magis remouentur, ampliores & ampliores sunt, vt videlicet hoc modo omnes ad capacitatis æqualitatem reducantur; adeoque possint continere partes diaphani mole æquales ex vno in alium, motu migrantes: lucidum verò intumescens, in proximum sibi orbem se extendat; & diaphani partem primam ab eo excludat, pellatque, vt secundæ orbem occupet; & hæc exclusa tertium orbem inuadat, ac ita deinceps.

Eo inquam ita supposito singulæ diaphani partes, dum orbis proprios deferent, non vi sua deferent, sed vi aliena, quam sibi patientur illatam, dum pellentur; quia verò aduersus vim alienam, semper est in patiente, aliqua ab intrinseco resistentia; hinc fiet ut prima diaphani pars, quasi mole sua stet in proprio orbe, in eoque, ut sic dicam, pedem figat, permanereque nitatur; & sic pro viribus resistat aduersus lucidi tumescentis impulsus: cum autem ita resistat, simulque ex facta hypothesi raritatem habeat absque duritie; facile patitur se comprimi, id est ad aliquas loci angustias intra proprium orbem redigi, seu condensari priusquam incipiat extremos, à lucido remotiores, orbis sui fines excedere; & quando compressio ad eos terminos deducta est; ut ipsi ita pressæ facilius sit loco penitus cedere, quàm compressionem pati maiorem; incipit primum orbem transilire, & ingredi secundum; adeoque secundam partem trudere: sed quia illa similiter resistit mole sua; finit etiam ipsa se potius aliquantulum comprimi intra proprium orbem, quàm eius terminos præterire incipiat, ut dictum est de prima, & ita consequenter de alijs.

Nec refert quòd diaphani partes sicut resistunt motioni, ita & condensationi; ac proinde parti cuilibet pulsæ æquè facile, vel etiam facilius esse videatur recedere, quàm finire se condensari: unde aliquis inferre posset quamlibet partem pulsam, prorsus recedere, nec ullam ab ea propter ipsum pulsus densationem admitti. Non, inquam, id refert; quia si duæ illæ resistentiæ sunt æquales; cum in ambas per modum vnius feratur vis impulsus, ambæ ab eo æqualiter patientur; & ita pars diaphani pulsæ condensabitur, & recedet secundum æquales rationes. Si verò resistentia ad condensationem sit minor; maior erit proportio condensationis, quia ea resistentia vincetur, & à vi impellente ad motum & à vi resistente ad motionem. Et quamvis hæc ipsa resistentia ad condensationem maior esset quàm altera; tamen eam quoque (nisi sit infinita) secundum aliquid vincere necesse est: quia licet prout fortior minùs patiatur, quàm altera; tamen aliquid necessariò patitur, cum non sit infinitè fortior. Ergo aliquid condensationis semper erit in qualibet diaphani parte pulsæ.

Imo addo eandem partem pulsam, ulterius condensari, ex eò quòd aliam pellit: quia scilicet iam aduersus similes duas partis sequentis resistentias luctatur; ac proinde sicut in eas, ut dictum est, per modum vnius agit; ita ab eisdem vnà reagentibus patitur: & cum sit capax ulterioris condensationis (videlicet præter eam, quam ob suam ipsius ad motum resistentiam, admisit cum ad motum impelleretur) adhuc aliam aliquantulum admittet, quia non solum ad motum pellitur, sed insuper cogitur pellere resistentem sibi partem subsequenter. & ita de cæteris.

Posito autem hoc progressu, evidens est aliquid temporis in eo infumi, ipsumque instanti indiuisibili fieri minimè posse: nam in primis diastole ipsa lucidi, est motus localis; & consequenter fieri non potest instanti indiuisibili; quia sic extrema superficies lucidi, esset simul in pluribus separatis

ratis locis, videlicet in terminis à quo & ad quem, quod viribus naturæ creatæ non conceditur. Et licet breuissimum tempus sit, quod in motu diastoles infumitur, non tamen illo eodem, sed alio mox sequenti locum, mutat pars prima fluidi diaphani, quæ à lucido tumefcente pellitur: quia enim, vt dixi, condensari se prius patitur, quàm orbem suum excedat, non eodem instanti incipit excedere, quo lucidum incipit intumescere, sed posterius; quando verbi gratia, motus diastoles ad medium suæ progressionis terminum peruenit: ita vt si diastole contineat duo momenta A & B extremus à lucido remotior primæ partis terminus non incipiat moueri, nisi momento B: similiterque si pars prima duobus momentis B & C moueatur, vt totum orbem secundum occupet; terminus extremus secundæ partis non incipiat recedere nisi momento C: & iterum si secunda ista pars migret in tertium orbem duobus momentis C & D; superficies extrema tertiæ non incipiat moueri nisi momento D; & ita de alijs. Cum itaque in isto progressu plura se successiuè consequantur momenta, satis constat non posse illum instanti vno indiuisibili compleri.

Præterea tamen quod dixi de motu propagato successiuè per partes suo ordine pulsas ab alijs prius pulsas, manifestæ confirmant experientiæ statim referendæ: nec alia earum reddi ratio potest, quàm ea quam attuli sumptam ex condensatione partis medijs tum vt pulsæ tum vt pellentis; vel (si non adsit condensatio) sumendam ex defluxu, secundum quem non tota pars pulsa aut pellens mouetur versus circumferentiam sed aliquid eius defluit ad latus, vt dicam ad secundam experientiam: nam seclusis condensatione ac defluxu, motus ille sine dubio propagaretur, non quidem instanti indiuisibili, sed tali modo, vt eodem tempore in omnibus æquè & simul partibus fieret; vt si baculum quantumuis longum à terra etiam ad stellas vsque pertinentem digito impellas, & moueas versus cælum interuallo temporis A totum eodem tempore A moues, quia nullæ eius partes eo impulsu defluunt, nullæ ex hypothese condensantur.

Prima hæc sit experientia qua motum in aere ex alijs in alios orbes circa corpus sonans tempore propagari si non cernimus saltem concipimus imò & quodammodo tangimus, dum exploso eminus tormento bellico non statim auditu bombum excipimus, nec persentiscimus deriuatam in ædes ab aere commotionem: sed aliquo tempore postquam ignem vidimus tormento erumpentem: ita etiam dum alicuius, vbi Echo resonat, vociferantis vox primùm directæ ad aures perfertur, & paulò post eadem ab Echo repulsa iterum auditur; faciliè hinc patet dictam in aere motus cum voce propagationem non instanti fieri, videlicet ratione condensationis singulis vt dictum est partibus aeris prius pulsas & postmodum pellere incipientibus.

Altera experientia. Si in stagnum lapillus proijciatur; motus à lapillo vndique imprimitur aquæ partibus quas percutit, hæ verò percussæ alias sibi proximas trudent in orbem, & hæ rursus alias: ex quo cernitur vnda

per circulos concentricos magis ac magis extendi, ita tamen ut non solum quod maiores euadunt circuli, eò magis languescat motus (quare & tandem prorsus euanesceat) sed etiam successiue & quidem satis tardè circuli alij post alios excitentur, & iam primi centro proximi videantur ferè extincti, dum alij exteriores præsertim longinquoiores excitantur. In qua experientia, ut ratio reddatur cur non propagetur in instanti motus; si non recurritur ad supradictam partis cuiuslibet pulsæ ac pellentis condensationem, quia (ut audio fuisse multis experimentis comprobatum) aqua licet æneo rubo inclusæ & impactò maxima vi embolo validissimè intus pressa nullam admittit condensationem; recurrendum erit ad defluxum, quo pars prima aquæ pulsæ propter resistentiam ad motionem, secundum aliquid sui potius defluit ad latus, quàm liberum ei patet spatium in aere, quàm incipiat moueri versùs circumferentiam, & ita etiam secunda prius patitur defluxum quam &c. & ita de alijs; unde prima pars non eodem instanti incipit pellere secundam, quo ipsa pelli cœpit à lapillo.

Motus qui à cordis diastole fit in arterijs, non instanti propagatur; sed tempore breuissimo insensibili: quod non instanti fiant probant rationes suprà adductæ; nam vel sanguis arterialis non est ita contumax aduersus condensationem sicut est aqua, atque adeo partes eius pulsæ, ac pellentes condensari aliquatenus possunt; vel nullatenus est capax condensationis: si primum; ratione illius, propagatio non potest esse instantanea ex dictis: si secundum; singularum partium pulsarum, & pellentium aliquid ad latus defluit, quod satis probat arteriæ pulsus in quo manifesta cernitur, & tangitur tumescencia: & hoc sufficit, ut dictum est, in aqua: quod verò tam velociter propagetur; ratio est, quia sanguis arteria inclusus cum non facilem, ac prorsus liberum habeat defluxum ad latera, eodem ferè modo se habet, quo si rigidus non fluidus esset; dico ferè; non prorsus eodem modo.

À pari ergo dicendum est diaphanum tenuissimum viuide ac valide commotum à lucido, pati suarum partium vel condensationem qualem in propagatione soni patitur aer, vel defluxum qualem in propagatione circularis undæ patitur aqua; & vtrouis modo dicatur, necesse est, motus in diaphano propagationem prædictam successiue fieri; & consequenter etiam lucis, si lux nihil aliud dicatur esse quàm is ipse motus, ut ad oculum propagatus, vel eius apparitio.

Magis adhuc instare possum argumento ad hominem, siquidem aduersarij refractionem lucis explicare nequeunt sua illa propagatione motus, nisi per maiorem in vno, & minorem in alio diaphano velocitatem quamuis inter se minimè consentiant sitne maior in denso quàm in raro velocitas, ut ex relatis *proposit.* 11 eorum sententijs constat. Cum itaque in propagatione lucis, sit ex ipsis aduersarijs maior minorque velocitas impossibile est, ex ipsismet, ut sit instantanea, hæc enim ut euident est in maiorem, ac minorem diuidi non potest. Nec dicere possunt propagatio-

nem

nem lucis in vno diaphano, vt aere, esse instantaneam, in alio verò, vt aqua, velut contumaciori velocissimam quidem sed non instantaneam: id enim falsum esse conuincitur, quia sicut propter densitatem aqueam aerea maiorem, propagatur lux tardius in aqua, velocius in aere; ita propter raritatem ætheream aerea maiorem, propagatur in æthere velocius quàm in aere ob eandem rationem: ergo velocitas propagationis in aere non est instantanea; cùm habeat se maiorem in æthere, & ita de alijs, quia potest adhuc aliud medium esse rarius æthere. Ergo quantumuis lux &c. vt fuit propositum.

Propositio XIV.

Immediatam in distans actionem physicam esse impossibilem.

Per actionem immediatam in distans, intelligo eam, qua agens per se ipsum, seu per vim sibi intrinsecam solitariè, vel ita concomitanter cum alio sibi extrinseco agente, vt quodammodo non per illud agendo, producat aliquid puta formam in subiecto à se distante per aliquod spatij localis interuallum: & huiusmodi actionem dico physicis agentibus esse, impossibile. Id verò quod me nunc adigit, hac de re verba facere, est quia sententias varias suprà relatas de illuminatione directâ, reflexâ, refractâ, suscepi discutiendas; in illis enim aliquæ sunt, quæ actionem ita immediatam supponunt, vt *proposit. 9.* aduertit. Propositionem autem puto me satis faciliè probaturum, licet non paucos habeam aduersarios; illi enim non tam contendunt, quàm supponunt actionem in distans immediatam.

Et quidem prætermisso quòd Theologi magni nominis præsentiam Dei in rebus probant post sacram scripturam multis locis, ab eiusdem immediata in rebus operatione; tanquam pro explorato habentes, hæc duo simul vera esse minimè posse, Deum immediatè operari in rebus, & eundem ab illis abesse interuallo aliquo spatij localis; nullus puto Philosophorum actionem immediatam in distans concederet, nisi quia supposito illuminationem instanti indiuisibili fieri ad quamcunque distantiam, aliquibus id ita supponendum esse putantibus visum est eam esse necessariam, vel certè multùm utilem ad expliandam illuminationem præsertim reflexam; nam rationem à priori quæ eam probet efficaciter, nemo quòd sciam hactenus protulit; à posteriori autem (seclusa experientia) nullus astruere potest nisi diuinando; cùm in experientijs debite discussis, vt postea videbimus, ne vestigium quidem appareat actionis propagatæ in distans, quæ ab vna eademque causa immediatè per se ipsam, aut virtutem sibi intrinsecam agente pendeat: nec qui id tenent tam faciliè se in eam sententiam induissent, nisi necessariam vt dictum est, iudicassent; animus enim

enim vel primo aspectu eam refugit, & attentius considerata difficultatem habeat physicè insolubilem, quantumvis aduersarij terminis quibusdam metaphysicis implicantes varia responsa putent se posse soluere: sed cogitet sapiens Lector metaphysica terminis metaphysicis explicanda, physica physicis, nec diuersarum obiecta scientiarum esse confundenda.

Vt igitur quod proposui etiam probem: suppono nullum ens, eorum quæ in hac rerum natura existunt, ita posse eximi à loco; vt reuera ac nemine etiam cogitante, existat, non existat autem alicubi, seu in aliquo loco, quem physicè occupet, & cui coextendatur vel ratione sui vel ratione subiecti cui inest.

Nunc sic argumentor. Actio si quid est à suo termino distinctum ante opus mentis, non est aliud quam eius in fieri actualis physica dependentia ab agente: item si eadem actio est aliquid ante opus mentis distinctum ab agente, nihil aliud est quàm actualis physicus eius in effectum influxus, quo ei tribuit esse. Quia verò ad dependentiam non est alia dependentia; aliàs enim per dependentias dependentiarum in infinitum procederetur; nec similiter ad influxum influxus alius est: sequitur actionem physicam ex parte sui ab agente physicè non nisi se ipsa dependere; & ex parte agentis influxum in actionem, ipsammet esse actionem. Cum autem hæc ita se habeant, euident est meo quidem iudicio, actionem immediatam in distans prout supra in definitione explicata est, non esse physicè actionem vtpote quæ physicè nec sit dependentia ab agente, nec influxus agentis: quod sic ostendo.

Physica immediata dependentia ab agente, & physicus eiusdem immediatus influxus physicè esse vel concipi nequeunt sine aliqua reciproca sui cum ipsomet agente communione; quasi dicerem; communi aliquo nexu immediato si non per veram vnionem, saltem per contactum physicum, hæc enim omnium minima est vnio, quæ inter ipsa esse possit. At contactus physicus requirit necessariò vt extrema duorum se tangentium sint simul secundùm locum. Quia itaque actio in distans, & agens in distans, non possunt habere extrema quæ sint simul secundùm locum (vt euident est ex terminis & ratione distantie secundùm locum) sequitur inter ea non posse esse contactum physicum immediatum; & consequenter neque hinc influxum immediatum physicum, neque inde immediatam physicam dependentiam.

Dices primò præter contactum immediatum, qui supponit extrema se tangentium esse simul loco; alium esse contactum æquè physicum & immediatum qui sufficiat ad immediatum influxum, & dependentiam, &c. nempe contactum virtutis. Optarem ego hic vt aduersarij, qui valde libenter vtuntur hic vocibus; mihi definirent, & dicerent quid per hanc virtutem attingentem intelligant: vel enim intelligunt aliquid ipsi agenti identificatum, siue etiam solummodo inhærens intrinsecè: vel intelligunt aliquid eidem extrinsecum & in medio inter ipsum atque actionem posi-

positum. Si primum; nihil dicunt: evidens enim est non magis posse eam virtutem attingere in distans, utpote physice non extensam in distans; quam possit ipsum agens cuius terminis extensionis ea physice concluditur; & si quis possit concipi attactus, qui ea virtute, vel ab ipsa fiat in distans, is erit attactus quidam intentionalis logicus abstractus, metaphysicus, aut quid simile; certè verò in physicis aliquid fictum. Si secundum dicant; est contra hypothesin; quia ex supraposita definitione actionis immediatè in distans, necesse est, ut ea sit immediatè ab agente, nempe ut ab agente per se ipsum, seu per virtutem sibi intrinsecam: at ex vi mei argumenti agens non potest ita agere immediatè sine contactu aliquo physico immediato; ponere autem extra agens virtutem quæ sit illi medium attingendi in distans, idem est ac ponere virtutem, quæ sit illi medium agendi in distans: & ita actio in distans cui sufficeret contactus virtutis sic mediantis, non erit actio in distans immediata de qua hinc agimus.

Dices 2 actionem in distans cum agente continuari per actionem quæ simul ab eo in totum medium absque interruptione exercetur; & ita posse ab eodem immediatè dependere absque alio physico sui cum eo, nexu. Contra, quia ut evidens est, actio quæ in medium, non est physice actio illa ipsa quæ in distans; sicut effectus qui in medio, non est physice effectus, qui in remoto; licet fortè sit pars quodammodo integrans cum ipso vnum totalem. Cum autem, ut initio ostensum est, actio sit ipsamet sui dependentia, impossibile est eam ab agente pendere physice per aliquid quod physice non sit ipsa. Ergo si tantum per actionem, quæ in medium dependet; physice non dependet: & quidquid aliud in medio ponatur, quod non sit ipsa, impertinens est ad eius constituendam dependentiam; cum non nisi per se ipsam, ut dictum est, dependere apta sit.

Dices 3 posse actionem in distans, physice immediatè dependere & physicum immediatum influxum actuum posse physice attingere in distans, absque omni physica sui per medium extensione, & absque omni sui cum agente nexu physico. Parum esset id gratis dici, nisi etiam in terminis contradictio inuolueretur, quam sic aperio: influxus physicus nisi aliquo modo physico attingat, & attingendo utcumque copulet utrunque extremum, nimirum agens à quo, & terminum ad quem est; erit influxus physice interruptus: & similiter physica dependentia, nisi copulet aliquo modo physico agens à quo, & terminum cuius est dependentia; erit dependentia physice interrupta: adeoque nullus erit is influxus, nulla erit ea dependentia. Siquidem ex vi terminorum, influxus qui physice non attingit id, in quod est influxus (quod est influxum esse interruptum) non est influxus nisi ad summum inchoatus; perfectus autem & integer verè non est: & similiter dependentia quæ physice non attingit id à quo est dependentia (quod est eam esse interruptam) non est dependentia ab eo, saltem pro statu pro quo illud non attingit: at nullus physicus status fingi potest, in quo actio non physice dependeat ab agente. Si itaque actio-

nem

nem in distans dependere dicant aduersarij, & similiter influxum in distans attingere, absque sui extensione &c. hoc ipso fatentur nullum esse influxum, nullam esse dependentiam, & consequenter nullam esse actionem in distans, quæ ex supradictis sui ipsius dependentia & influxus est.

Dices 4 in actione in distans, ex negatione physici attactus solum se-qui interruptionem loci, non autem interruptionem influxus, & dependentiæ. Id etiam totum gratis dicitur; sed non impunè dicitur: quia-
evidenter influxus iste est aliquid physicum, & similiter dependentia; quemadmodum & actio ipsa utriusque identificata: at ut iam suprà suppo-
sui nullum physicum potest à loco physico ita eximi, ut non ei coexten-
datur, &c. Ergo si ab agente actio secundum locum dirimitur; dirimitur
etiam secundum dependentiam; & reciprocè si ab actione agens dirimi-
tur secundum locum, dirimitur etiam secundum influxum; nam influ-
xus physicus, & physica dependentia non possunt physicè esse, & non in
loco physico; in medio autem spatio (inter agens nimirum & actionem)
locum habere non possunt tum propter ipsam dictam loci interruptionem;
tum quia impossibile est actionem in loco physico esse in quo terminus
eius non est; at terminus actionis in distans non potest esse in medio, alias
actio non esset in distans.

Tota vis argumenti, quo hætenus probatum est actionis in distans de-
pendentiam nullam esse, sicut & agentis influxum in ipsam; recidit cum
pari efficacia in effectum seu terminum eiusdem actionis; is enim ab hac
sua causa immediata, licet non tanta necessitate (id est non tam essentia-
li & indispensabili) pendeat, quanta pendet actio, maximè quando po-
test ab alia saltem numero diuersa effici; verè tamen physicè dependet; &
non nisi per actionem, sicut non nisi per actionem velut per influxum ac-
cipit esse; ac proinde cum, ut ostensum est, actio immediata in distans
non sit possibilis propter interruptam dependentiam, & interruptum
influxum; propter eandem quoque rationem impossibilis erit effectus, qui
immediatè producat ab agente distante.

Potest eadem actio immediata in distans impugnari egregiè argumen-
to à simili. Sicut enim impossibile est mobile aliquod peruenire à termi-
no à quo, ad terminum ad quem non transeundo per medium (loquor
autem de huius generis mobili quod est in loco per sui cum eo physicam
coextensionem, non de eo mobili (si quod est) quod aliquid putant esse,
in loco tantum per operationem, ita impossibile est actiuitatem agentis
ab ipso in effectum distantem extendi non per medium. Et sicut in tran-
situ locali ad cōnectendas ambas extremas partes motus, necessariò requi-
ritur in medio aliquid virtutis motricis si enim deest in medio virtus mo-
trix interruptetur motus, ita in actione in distans non sufficit qualecum-
que continuatiuum medium, sed requiritur aliquid actiuitatis, quo acti-
uitas ipsa extensa ab agente continuetur in distans; aliàs defectu eius, in-
terrumpetur in medio actio.

Adde.

Adde. Sicut in transitu ex vno in alium locum, non sufficeret ad motus continuationem nisi in medio etiam esset motus eiusdem mobilis, & quidem secundum idem mobilis; ita in actione in distans, nisi sit in medio actio seu influxus in eundem effectum, secundum idem eius. At actiuitas agentis, propria & intrinseca ipsi, non potest esse in medio extra ipsum agens; primo quia ut sic iam illi non esset intrinseca. Secundo quia concipi non potest quid in rerum natura sit actiuitas illa, quæ diceretur esse in medio ubi effectum distantem, secundum id eius quo est distans neque efficit, neque efficere potest propter subiectum, quod cum sit distans non potest, ut sic, esse in medio. Multo verò minùs dici potest actionem in distans esse secundum aliquid sui in medio, cum in medio nullum habeat terminum, nec habere possit, alioqui iam hoc ipso non esset actio in distans.

Præterea, ut in eodem simili persistam, nulla est ratio cur actio immediata in distans quæcunque (physica tamen) sit magis possibilis, quam motio localis immediata in distans; id est, qua sine medio mouendi moto ac mouente, pellatur mobile distans: at hanc euidentibus experientijs constat esse impossibilem. Igitur &c. Non puto autem facilius posse concipi actionem aliam cuiuslibet generis immediatam in distans, quam localem motionem: nam mouens habet suam sphaeram actiuitatis, quemadmodum quodlibet aliud agens; & motio, atque eius terminus quicunque is sit, non magis immediatè vel magis necessariò pendet ab immediatè mouente; neque minùs est independens à spatio locali, quam quæuis alia physica actio eiusque terminus pendeat à suo immediatè agente, aut loci conditionibus astringatur. Cum itaque euidenter sit impossibile distantem, verbi gratia, lapidem loco mouere immediata actione mouendi, ergo & quiduis aliud efficere in distans actione immediata: est enim omnimoda paritas.

Aduersarij hic se tueri putant, dum dicunt perticam quam manu impello, totam à me immediatè pelli, etiam extremam eius partem; & catenæ, quam traho, vltimum quoque annulum à me etiam immediatè trahi. Illi quidem hoc dicunt: sed quæso vnde norunt? si immediatè ego vltimum annulum traho, quare ad eius tractionem necessarij cæteri annuli mediatè trahentes? nam non traho vltimum, nisi per intermedios: idem de parte extrema perticæ. Certè si fiat vtròque interruptio neque traho vltimum annulum, neque perticæ extremum impello: quod signum est me nihil in ea extrema immediatè egisse; id enim quod à me immediatè agitur, ab omni mediante est independens, & eo secluso perinde agitur; nec est argumentum vllum quo ostendi possit à me immediatè fieri, quod à me non nisi alio mediante fieri potest.

Dicent fortè, vltimi annuli tractionem (& ita de alijs similibus actionibus) esse duobus modis à me; mediatè quidem, quatenus per intermedios annulos etiam trahentes traho; immediatè autem quatenus concomitantè

mitanter cum illis traho. Sed contrà ; primò quia si aliquò modo solum concomitanter ago cum annulis intermedijs, & non per illos ; quæ ratio est cur non possim concursum illum concomitantem meum præbere ; & alium pariter meum cohibere : sunt enim ab inuicem distincti concursus, sicut actio mediata ab immediata diuersa est ? an ideo non possim vnum sine alio exercere, quia duo simul confunduntur in vnica actione, quæ est tractio ? Sed si confunduntur, vnde habent aduersarij esse physicè duos concursus ? fortè data licet confusione volunt esse duos æquiuenter, id est vnicum qui duobus æquiualeat ? sed hoc est rem adhuc magis confundere : is quippe concursus mediato-immediatus (sic enim vocari poterit) æquiualebit concursui vni physico, ac vero, qui erit mediatus ; & simul alteri physico, sed ficto, qui erit immediatus. Vnde enim cognoscitur possibilitas istius immediati seorsim sumpti, cum nullatenus possit actio manus trahentis per saltum deriuari in vltimum anulum.

Secundò in contrarium est, quia si dicere licet vltimum catenæ annulum immediatè à manu trahi, mediantibus licet cæteris annulis ; pari iure licebit dicere trahi etiam immediatè ab eo, quem ego manu teneo ; item ab eo cui iste innexus est ; & sic de alijs : atque ita vltimi annuli tractio erit & à manu, & ab omnibus alijs annulis pariter immediatè ; mediatè autem etiam ab omnibus, excepto penultimo ; sed ad quid ea multiplicatio concursus ? dicatur itaque clariùs & expeditiùs anulum, quem tenet manus, ab eadem immediatè trahi ; & ab isto sic tracto trahi pariter immediatè illum cui ipse immediatè innexus est ; & ita de alijs suo ordine vsque ad vltimum qui trahatur ; non trahat autem ; quia vltimus nullum habet, quem trahat ; hoc modo physicè loquendo singulæ actiones trahendi, sunt immediatè à singulis ordinatis trahentibus ; & nulla ex his est in distans. Quòd autem vulgò dicitur, esse actionem mediatam à manu vltimum anulum trahente per intermedios ; id non est verum nisi denominatiuè logitè sumpta occasione ita loquendi ex eo quòd manus est prior in serie trahentium, & ipsa est primum principium totalis actionis à singulis in singulos annulos immediatè propagatæ ; quilibet enim tractus vim habet alium trahendi immediatè ; & id sufficit physicè ad omnes colligatos vnà trahendos absque actione manus immediata per se ipsam in vltimum ; & simul mediata in eundem per intermedios.

Quod de hac actione trahendi dixi, debet seruata proportionem pariter dici de qualibet alia actione physica, physicè in distans propagata siue à pluribus ordinatis agentibus cæteroqui mutuo ab inuicem independentibus, siue ab vno principali agente, atque ab eius virtute per medium diffusa : præsertim cum euidenter constet interiisse aliquando principale agens dum interim superstes eius virtus agit, & effectum eundem ac eodem prorsus modo edit illo extincto, quo edidisset eodem superstitie : hinc verò sequitur actionem illam ab eo agente propriè & physicè, nullatenus ; id est neque mediatè neque immediatè pendere : si enim post eius interi-

tum

tum non pendet (vt certè euidens est, tunc non pendere) neque etiam ante interitum pendeat; cùm in vtraque hypotesi perinde fiat. Vt mortuo post conceptum parente, perinde formatur, & animatur in vtero foetus, ac si is esset in viuus. Interempta, perinde ac spirante, vipera, quæ momordit, virus ab ea infusum ad cor prorepat & enecat. Plumbeam glandem sclopo explosam impressus ab igne impetus defert, igne licet extincto.

Et pari modo (cùm sit par ratio) quælibet alia similis agendi virtus influens proximè in effectum suo semper eodem (quod præcipuè notandum) & suis semper æquali viribus conatu, erit sola semper (id est siue extincta, siue adhuc vigente causa principali) causa eius physica totalis: principale autem agens, licet viciens, nihil physicè conferet ad eundem effectum (nisi fortè, vt aliquando ut, subministrando iugiter aliam atque aliam similem virtutem) tum quia non possunt eiusdem effectus plures esse causæ physicè efficientes totales; tum quia posita totali, alia extra ipsam partialis, est superflua; nec in consortium actionis admittitur; tum denique quia si principale agens, per se aut virtutem sibi intrinsecam aliquid posset; posset totum, nec vicariam virtutem extrinsecam adhiberet.

Verum quidem est actionem attribui principali agenti à quo ea virtus ipsi extrinseca deriuata est: sed ideo, vt dixi, & non alio titulo, attribuitur, quàm quia ab eo virtus immediatè pendet; eatenus enim actio quæ à virtute immediatè est, censetur, & dicitur modo loquendi morali quodammodo, nempe remotè & mediatè pendere ab agente principali.

Superest vt ea diluamus, quæ ab aduersarijs obijciuntur, quæ magnam partem ducuntur ab experientijs, quarum rationem illi reddendam putant per actionem immediatam in distans; putant inquam, non nam aliam rationem afferunt quàm quia nullus alius eis apparet modus dicendi rationabilis: sed si experientiarum negotium ad amissim physicam, vt decet non autem ad solum grammaticalem communem usum vocum discutiatur; illæ ne vestigium quidem habent actionis immediatæ in distans, & ad summum inferunt actionem mediatam.

Tales sunt quas maximè vrgent experientiæ. Primò de ingente igne, calorem producente in manu, quæ ab eo longè distans est. Secundo de globo prægrandi æneo asserem tangente solum vno sui puncto, & tamen se toto illum immediatè grauante ita vt etiam frangat. Tertiò de Sole, aurum generante in terræ visceribus. Quarto de Magnete ferrum à longe trahente, & alias similes. Non est autem necesse rationes etiam congregare, quibus easdem experientias vehementissimè vrgent aduersarij, cùm futurum statim sit, vt ex responsis nostris euidenter constet eas non esse ad propositum. Experientiam verò, quam etiam illi cõmunissimè obijciunt, imò quæ illis potissima fuit huius amplectendæ sententiæ occasio, videlicet de Sole illuminante in distans, eam inquam hinc non refero; quia ea est quæ præcipuè in quæstione à me nunc ponitur, & eidem spero me postmodum facturum satis ex fundamentis, quæ nunc iacio.

Respondeo itaque ad primum, euidens esse emitti ab igne spiritus igneos, emitti inquam siue exilire motu locali in distans; hi autem ad quoduis obuium allisi, ac etiam intus se se insinuantes per poros, calorem immediatè producant, & ignem etiam: neque ad id necessaria est immediata ignis distantis cooperatio; sed sufficit vt ignis iugi effluuio spiritus suppeditet; suppeditat autem eò plures & confertiores, quò maior ipse & vehementior est.

Ad 2, nullo negotio satisfieri posse ex dictis *lib. 3 ad 3 postul. lem. 2 de diametro impulsus, & de centro percussionis*: ex his enim intelligitur quomodo grauitas omnium partium globi vim faciat in puncto contactus: qui modus in eo consistit, quòd partes globi superiores in subiectis partibus, & hæ in puncto contactus: producant non grauitatem, vt aduersarij putant à nobis responsum iri; sed impulsum, qui totus (vt dicto loco explicatum est) ad percutiendum, siue impellendum, perinde est, colligitur in punctum contactus, in eoque viget. Nec putent non posse vigere quasi id punctum sit indiuisibile; est enim id punctum aliquid physicum, & physicè non fit contactus ille in puncto mathematico.

Ad 3. Quia Autores vidi qui id asserant velut sibi euidens; optarem ego, vt non ita nudè id illi dicerent, sed rationem aliquam à priori vel saltem à posteriori proferrent, qua mihi etiam euidens fieret Solem intrinseca sua vi producere immediatè aurum, vel aliud quiduis in terræ visceribus; & donec id probent, ego non cogor ad assensum; vnde iam nego eam experientiã.

Ad 4 satisfaciunt ex dictis illi omnes qui effluuium in Magnete agnoscunt subtilissimorum spirituum, quibus nempe cognatum sibi ferrum sollicitat ac pellicit; & ita actio Magnetis in ferrum est mediata in distans, sensu supradicto, non autem immediata.

Obijcere præterea possunt aduersarij, nullam in hac sententia quam defendendo posse esse sphaeram actiuitatis quorumcunque agentium; cum nulla possint agere in distans etiam mediatè: siquidem ex dictis à me, actio mediata non est propriè & physicè, sed tantum dominatiuè logicè ab agente remoto: id autem est contra communem tum loquendi modum, tum sensum. Resp. sphaeram actiuitatis ad immediatè agendum non concedo ulli agenti aliam vel maiorem, quàm quæ circumscribitur terminis cuique agenti in circuitu immediatè continguis: sphaeram autem actiuitatis ad mediatè agendum, cuilibet agenti permitto tantam quantam ipsi natura præscribit; & neque eam contraho, neque potraho. Quòd verò dixi actionem quamcunque esse propriè ac physicè à suo solo immediato agente; à remoto autem ac mediato esse tantum dominatiuè, id non restringit vel tollit sphaeram actiuitatis; sed solum exprimit modum & ordinem quo partialibus suis agentibus assignandæ à Physico philosopho sunt quælibet partiales actiones constantes vnã totalem, quæ non ab vno sed à pluribus intra aliquod spatium subordinatis inuicem, aut sanè quodammodo ordinatis agentibus exercetur quasi per manus: in quo consistit id quod communiter vocatur sphaera actiuitatis.

Propositio XV.

Speculum reflectens, & secundum diaphanum refringens, non ita sunt causa reflexionis, & refractionis, ut ipsam quoque lucem reflexam, vel refractam physicè efficiant; aut ad efficiendam physicè concurrant.

PRima pars patet; quia speculum reflectens opacum est, & eò viuidius reflectit, cæteris paribus, quò maiorem habet opacitatem; ut experientia ostendit in speculo crystallino, quod licet ex se, ut crystallinum est, aliquid habeat opacitatis (non enim adæquat perspicuitatem aeream) nisi tamen hydrargiro opacissimo & stanni bractea hydrargirum fixante terminetur, euanidam edit reflexionem; & nullam ederet, si nullam haberet opacitatem. Opacum autem quò opacum, est nullam externam admittit intra se lucem, aliàs enim ut opacum est diaphanum esset, quæ sunt contradictoria; ergo signum est nullam in opaco lucem esse internam ipsi propriam: nam si haberet, luceret, & externam sibi cognatam non respuerit. Cùm itaque speculum habeat adeo repugnantes luci dispositiones, nã lucis ad extra generandæ incapax erit, sicut & in se recipiendæ: vel dicendum esset tenebras ipsas, quæ in opaco ut opaco sunt, esse lucis secundas. Ergo quantumvis speculum sit reflexivum lucis, non tamen est eiusdem physicè ex se effectivum; ac proinde neque coeffectivum, cùm coefficere supponat efficere.

Secunda pars, eadem ratione suo modo, servata proportionem, applicata, probatur. Secundum enim diaphanum refringens ad perpendicularem, est necessariò opacum respectu primi, id est minùs perspicuum illo, ut crystallus aere; euidens enim est à crystallo quantumlibet limpida & & alias plana, radijs opposita solaribus, umbram effici in charta candidissima, umbram autem efficere non potest nisi opacum pro ratione suæ opacitatis. Cùm itaque, ut ostensum est, opacum quò opacum, lucem neque efficiat neque cofficiat, euidens est crystallum dum refringit ad perpendicularem, non simul efficere, ac proinde neque coefficere physicè lucem refractam. Cùm autem eam non efficiat, neque cofficiat, dum ad perpendicularem refringit; euidens est ob eandem rationem, nec posse etiam efficere aut coefficere dum à perpendiculari refringit; dum scilicet refringit lucem incidentem ex alio diaphano cuius maior sit densitas quàm crystalli, ut est montanæ respectu fusæ. Et quia à crystallo, ut dictum est, refringente à perpendiculari, lux refracta non physicè efficitur, aut cofficiatur; sequitur eandem neque effici, vel coffici ab aere, aut quovis alio diaphano refringente etiam à perpendiculari: quandoquidem refracta ab vno diaphano, non minùs habet veram suam causam efficientem totalem

absque illo; quàm refracta ab alio diaphano habeat absque vel extra ipsum. Ergo speculum reflectens, & secundum diaphanum refringens &c. ut fuit propositum.

Corollarium.

Hinc collige in explicanda reflexione, vel refractione non bene recurri ad vim speculi, aut secundi diaphani, quasi productiuam, seu generatiuam lucis, quo modo recurritur à tenentibus sententiam *prop. 10. num. 1* relata.

Propositio XVI.

Lucis per totum diaphanum propagatio non est à fecunditate; quæ post lucidum sit in qualibet lucis parte ad aliam sibi similem in proxima diaphani parte generandam.

Per propagationem hinc intelligo vnâ à pluribus seriatim elicitis constantem actionem, qua lux alia aliam producat in alia atque alia parte diaphani: eo ferè modo quo ignis ignem gignit in pyrio puluere tractim, sparso. Et huiusmodi actione dico non fieri lucem in aere, verbi gratia, dum is à Sole illuminatur; idque probo, quia ea posita propagatione tolli necesse est legem linearum rectarum, quam tamen in illuminatione constat à natura seruari religiosissimè. Si enim quælibet lucis particula fecunda est alterius similis, æquè eam gignet ad latus, atque à fronte in directum; si subiectum vtroque subit æquè dispositum; quandoquidem ipsa quantum est de se, quauersum fecunda est; cur enim à fronte sit fecunda, à latere sterilis? at diaphanum homogeneum ut æther, aer, crystallus &c. est omni sui parte æquè dispositum, ergo &c. Ita cernimus dum à filice excutitur scintilla, & fomite arido suscipitur; ignem inde propagatum serpere paulatim, & nullam obseruare linearum rectarum legem, sed indifferenter fomitem quauersum inuadere; quâ dispositiones ipsum admittunt. Igitur à pari si lux propagatione simili producitur; similiter à lege linearum rectarum eximitur: poterit ergo lux hac lege soluta radios habere sensibiliter curuos etiam in eodem homogeneo diaphano; imò in ea propagatione, quælibet lucis scintilla sphaeram lucis generaret circa se (ubi saltem non esset alia lux) est enim sphaericè actiua, ut iam dixi, & subiectum est æqualiter vndique dispositum; cum ut suppono sit homogeneum, hæc tamen sphaerica lucis propagatio non conuenit de facto cuilibet lucis particulæ, imò nulli, sicut neque curua. Ergo &c.

Præterea si lux fieret prædicto propagationis modo, impossibile esset ut lucis reflexio & refractione fieret talis, qualem fieri constat, ut ostendam


sequenti

sequenti propositione, ergo dicendum lucis per diaphanum propagationem non esse à fecunditate &c. vt fuit propositum.

Propositio XVII.

Si in totali per diaphanum propagatione lucis, pars eius una, proles alterius esset; lux reflexa vel nulla foret, vel non teneretur legè æqualitatis angulorum incidentiæ, & reflexionis. Et similiter lux refracta, vel nulla esset, vel non ex lege, ex qua refractiones fiunt.

DVæ possunt esse reflexiones sicut & incidentiæ, videlicet perpendicularis & obliqua. Primò itaque probo de perp. Sit OP speculum; H lucidum; & linea incidentiæ perpendicularis HI; in linea autem HI lucidum H producat lucem HQ; & hæc aliam QZ, & hæc subinde aliam



ZI vsque ad speculi OP contactum. Dico non posse fieri per eandem lineam IH reflexionem; nam non aliter fieri potest quàm si pars lucis ZI, quæ nihil adhuc lucis produxit, & tamen fecunda supponitur, producat illam, cuius est fecunda in eadem linea IH: at eam in ea linea producere non potest, nam vel producat in dictæ lineæ parte IZ vel in parte ZQ; non primum, quia nulla forma est actiua in suum subiectum: non secundum, quia nulla forma est actiua in suam causam, seu subiectum suæ causæ, agens enim non agit nisi vt assimilet sibi passum: at subiectum QZ iam supponitur simile subiecto IZ, & hoc sibi ipsi necessario est simile; ergo lucis particula quæ in IZ est, nō potest producere similem in subiecto IZ, neque in subiecto ZQ; ergo neque tota in IH: non enim producat in QH, tum quia sic produceret per saltum, actione in distans quæ ex *prop. 14* non est possibilis; tum quia sic producere æquè posset in ipso lucido H, quod sanè multo minùs potest sibi assimilare; cum in eo sit multo

maior lux. Ergo non fiet reflexio perpendicularis: ergo si qua est ex incidentia perpendiculari reflexio, non fiet ex lege æqualitatis angulorum, &c. Secundò probatur de obliqua. Posito ut supra speculo OP , sit lucidum in K , & ab eo lux propagetur per lineam KI angulo incidentiæ acuto KIO , ita videlicet ut K producat lucem in CC , & CC lux producat sibi similem in CF , & hæc rursus aliam in FI usque ad contactum speculi oblique oppositi OP ; qui contactus fiat in I puncto incidentiæ: ubi propter impedimentum speculi desinet lux propagari ulterius per lineam KI versùs L ; supposito itaque rectam IN facere cum OP in puncto I angulum NIP æqualem angulo incidentiæ priùs sumpto KIO , dico non esse ullatenus necesse ut ex vi huiusmodi propagationis (qua nunc supponitur lux progigni) propagatio reflexè dirigatur per lineam IN , sed æquè posse vi eius dirigi per lineam IG facientem cum OP angulum diuersum, maiorem scilicet vel minorem ipso NIP .

Primò enim lux ultra I , non propter aliud desinet propagari per lineam KI versùs L , quàm quia ultra I non est subiectum lucis capax; nam si esset capax in IL , tam produceretur ibi, quàm producta fuit in FI ; nempe quia lux FI supponitur potens eam ibi producere; igitur quòd lux FI fecunditatem suam exerceat in IR per lineam IN , potius quàm in IL per incidentiæ lineam KI productam, ideo solùm est quia in IL subiectum est incapax, in IR est capax: si igitur præter IR aliud subiectum est æquè capax, ut in IV per lineam IG ; & lux FI sit æquè potens producere lucem (cuius fecunda est) in IV ac in IR , & aliunde non sit magis determinata ad producendam in IR , quàm in IV ; necesse est, ut vel neque in IV neque in IR producat, defectu determinationis; aut ratione paritatis, utrobique producat: primo autè modo perit funditus reflexio, & secundo modo perit anguli reflexionis cum angulo incidentiæ æqualitas; quia si non esset in IR subiectum capax, non ibi produceret sicut neque in IL ; sed solùm produceret in IV : at lux FI est sine dubio æquè potens suum foetum edere in subiectis æquè capacibus, & quibus ipsa æqualiter applicatur ut supponitur IR , IV ; & aliunde non est determinata ad vnum ex illis potius, quàm ad aliud: si enim ad vnum specialiter determinata est, peto à quo? certè si ab aliquo, non ab alio quàm a speculo OP : sed si hoc ita est; tollamus speculum OP , ponamusque saxum quod sit æquè opacum & impediat consequenter propagationem in IL ; ita tamen ut sinat IR , & IV esse, ut priùs, capacia: hoc posito lux FI non determinatur à speculo quod non adest, saxum autem permittit ei totam suam vim, & ex parte sui nihil minùs confert, quàm conferret speculum; siquidem speculum nihil agebat in ipsam neque cum ipsa; si enim in ipsam agebat quid producebat? non motum localem, quia ipsa non potest moueri loco sine subiecto suo in quo est nempe FI ; non virtutem actiuam, ipsa enim est vis agendi sua: nec aliud superest quod à speculo possit in ipsa produci: cum ipsa autem nihil producebat speculum; nam si quid producebat erat ipsa lux in IR : at speculum

lum utpote opacum & nihil in se continens lucis imò impediens lucis in se ingressum, non potest esse productivum, ergo neque comproductivum lucis ut *propositione* 15 dicebatur quomodo autem possit aliter lucem FI determinare ad producendam IR non video; nec assignare possunt aduersarij; ergo lux FI à speculo non determinabatur: ergo erat indeterminata, ut probare oportebat. Hinc autem sequitur, ut si qua fiat vi eius reflexio, seu propagatio lucis in alia linea; ea non necessario vi eius fiat ad angulum æqualem angulo incidentiæ. Et cum nulla alia adsit causa, vi cuius necessario ita fiat; prorsus non astringetur legi æqualitatis angulorum, &c. quod fuit primò propositum.

Quod verò propositum est secundo loco, probatur eodem penitus argumento vim utrobique habente æqualem: si enim sit OAPB crystallus & eius superficiem OP attingat in I pars FI lucis, ut dictum est, propagatæ secundum lineam KI in aere, non est ratio cur FI generet intra crystallum lucem IE refractæ ad perpendicularem ID; potius quàm lucem IL irretractam, secundum priorem directionem ipsius KI; cum crystallus non maiorem habeat dispositionem in linea IE, quàm habeat in linea IL vel alia quacunque; nec, ut dictum iam est, magis ex parte sui determinata sit FI ad producendum lucem in IE quàm in IL; certè non magis, quàm si ipsa FI esset in linea CI quemadmodum est in KI: ergo FI generabit lucem tam in IL, quàm in IE; vel omnino intra crystallum non generabit; & ita vel nulla erit lucis propagatio inter crystallum diaphanum; vel erit confusa, id est refracta partim, partim irretracta; vtrunque autem est euidenter contra experientiam. Igitur &c.

Propositio XVIII.

Lux quæ illuminatione directâ in toto diaphano est, non in eo efficitur à fecunditate lucidi vim illuminatricem suam intendentis, & actionem dirigentis in illud.

HÆc propositio est contra sententiam numero 3 *prop.* 9 relatam: non dico autem Solem, verbi gratia, non esse causam physicè efficientem lucis, quæ hic in aere est, exorto Sole; sed dico eam lucem neque fieri hic in isto aere, neque fieri à Sole vim aut actionem illuminandi dirigente huc in istum aerem, ita ut actio in hoc aere recipiatur ad eum modum, quo actio quælibet agentis naturalis recipitur in subiecto physico simul cum forma cuius est productio; & id probo in hunc modum. Sol in aere isto si lucem efficit eo sensu; vel id præstat agendo immediatè per se ipsum, seu per virtutem sibi intrinsicam; vel agendo mediatè per virtutem à se extra se diffusam; vel agendo utroque simul modo: at nullo ex his id potest, ergo &c. Maior est euidenter propter adæquatam enumerationem; impossi-

bile

maior lux. Ergo non fiet reflexio perpendicularis: ergo si qua est ex incidentia perpendiculari reflexio, non fiet ex lege æqualitatis angulorum, &c. Secundò probatur de obliqua. Posito ut suprà speculo OP , sit lucidum in K , & ab eo lux propagetur per lineam KI angulo incidentiæ acuto KIO , ita videlicet ut K producat lucem in KC , & KC lux producat sibi similem in CF , & hæc rursus aliam in FI vsque ad contactum speculi obliquè oppositi OP ; qui contactus fiat in I puncto incidentiæ: ubi propter impedimentum speculi desinet lux propagari ulterius per lineam KI versùs L ; supposito itaque rectam IN facere cum OP in puncto I angulum NIP æqualem angulo incidentiæ priùs sumpto KIO , dico non esse vllatenus necesse ut ex vi huiusmodi propagationis (qua nunc supponitur lux progigni) propagatio reflexe dirigatur per lineam IN , sed æquè posse vi eius dirigi per lineam IG facientem cum OP angulum diuersum, maiorem scilicet vel minorem ipso NIP .

Primò enim lux vltra I , non propter aliud desinet propagari per lineam KI versùs L , quàm quia vltra I non est subiectum lucis capax; nam si esset capax in IL , tam produceretur ibi, quàm producta fuit in FI ; nempe, quia lux FI supponitur potens eam ibi producere; igitur quòd lux FI fecunditatem suam exerceat in IR per lineam IN , potius quàm in IL per incidentiæ lineam KI productam, ideo solùm est quia in IL subiectum est incapax, in IR est capax: si igitur præter IR aliud subiectum est æquè capax, ut in IV per lineam IG ; & lux FI sit æquè potens producere lucem (cuius fecunda est) in IV ac in IR , & aliunde non sit magis determinata ad producendam in IR , quàm in IV ; necesse est, ut vel neque in IV neque in IR producat, defectu determinationis; aut ratione paritatis, utrobique producat: primo autè modo perit funditus reflexio, & secundo modo perit anguli reflexionis cum angulo incidentiæ æqualitas; quia si non esset in IR subiectum capax, non ibi produceret sicut neque in IL ; sed solùm produceret in IV : at lux FI est sine dubio æquè potens suum foetum edere in subiectis æquè capacibus, & quibus ipsa æqualiter applicatur ut supponitur IR , IV ; & aliunde non est determinata ad vnum ex illis potius, quàm ad aliud: si enim ad vnum specialiter determinata est, peto à quo? certè si ab aliquo, non ab alio quàm a speculo OP : sed si hoc ita est; tollamus speculum OP , ponamusque saxum quod sit æquè opacum & impediat consequenter propagationem in IL ; ita tamen ut sinat IR , & IV esse, ut priùs, capacia: hoc posito lux FI non determinatur à speculo quod non adest, saxum autem permittit ei totam suam vim, & ex parte sui nihil minùs confert, quàm conferret speculum; siquidem speculum nihil agebat in ipsam neque cum ipsa; si enim in ipsam agebat quid producebat? non motum localem, quia ipsa non potest moueri loco sine subiecto suo in quo est nempe FI ; non virtutem actiuam, ipsa enim est vis agendi sua: nec aliud superest quod à speculo possit in ipsa produci: cum ipsa autem nihil producebat speculum; nam si quid producebat erat ipsa lux in IR : at speculum

lum utpote opacum & nihil in se continens lucis imò impediens lucis in se ingressum, non potest esse productivum, ergo neque comproductivum lucis ut *propositione* 15 dicebatur quomodo autem possit aliter lucem FI determinare ad producendam IR non video; nec assignare possunt aduersarij; ergo lux FI à speculo non determinabatur: ergo erat indeterminata, ut probare oportebat. Hinc autem sequitur, ut si qua fiat vi eius reflexio, seu propagatio lucis in alia linea; ea non necessario vi eius fiat ad angulum æqualem angulo incidentiæ. Et cum nulla alia adsit causa, vi cuius necessario ita fiat; prorsus non astringetur legi æqualitatis angulorum, &c. quod fuit primò propositum.

Quod verò propositum est secundo loco, probatur eodem penitus argumento vim utrobique habente æqualem: si enim sit OAPB crystallus & eius superficiem OP attingat in I pars FI lucis, ut dictum est, propagatæ secundum lineam KI in aere, non est ratio cur FI generet intra crystallum lucem IE refractæ ad perpendicularem ID; potius quàm lucem IL irretractam, secundum priorem directionem ipsius KI; cum crystallus non maiorem habeat dispositionem in linea IE, quàm habeat in linea IL vel alia quacunque; nec, ut dictum iam est, magis ex parte sui determinata sit FI ad producendum lucem in IE quàm in IL; certè non magis, quàm si ipsa FI esset in linea CI quemadmodum est in KI: ergo FI generabit lucem tam in IL, quàm in IE; vel omnino intra crystallum non generabit; & ita vel nulla erit lucis propagatio inter crystallum diaphanum; vel erit confusa, id est refracta partim, partim irretracta; utrunque autem est evidenter contra experientiam. Igitur &c.

Propositio XVIII.

Lux quæ illuminatione directâ in toto diaphano est, non in eo efficitur à fecunditate lucidi vim illuminatricem suam intendentis, & actionem dirigentis in illud.

HÆc propositio est contra sententiam numero 3 *prop.* 9 relatam: non dico autem Solem, verbi gratia, non esse causam physicè efficientem lucis, quæ hic in aere est, exorto Sole; sed dico eam lucem neque fieri hic in isto aere, neque fieri à Sole vim aut actionem illuminandi dirigente huc in istum aerem, ita ut actio in hoc aere recipiatur ad eum modum, quo actio quælibet agentis naturalis recipitur in subiecto physico simul cum forma cuius est productio; & id probo in hunc modum. Sol in aere isto si lucem efficit eo sensu; vel id præstat agendo immediatè per se ipsum, seu per virtutem sibi intrinsecam; vel agendo mediatè per virtutem à se extra se diffusam; vel agendo utroque simul modo: at nullo ex his id potest, ergo &c. Maior est evidens propter adæquatam enumerationem; impossibile

bile enim est alium producendi, vel agendi modum excogitare; cum inter actionem immediatam, & mediatam non sit aliud medium quam quod ex utraque participat. Minor probatur per partes. Et quidem quoad primam partem evidens est Solem non posse per se ipsum aut virtutem sibi intrinsecam aliquid in hoc aere inferiori immediate producere nisi actione immediata in distans; evidens enim est magnam esse inter Solem & hunc aerem distantiam: at per 14 prop. actio immediata in distans est impossibilis, & consequenter etiam omnis directio actionis in distans, ergo, &c. Et hinc etiam constat tertia pars eiusdem minoris, quia ex vi eiusdem 14 prop. actio in distans immediata non solum solitarie sumpta, sed & sumpta cum consortio mediatæ est impossibilis. Secunda autem pars sic probatur. Virtutem illam vel producit Sol in aere; vel ex se profert, ac emittit motu locali per aerem in aerem; neque est inter hæc duo medium. Si primum; redit argumentum iam factum de actione immediata in distans, quia hæc virtus fieret in aere à Sole multum distante: præterquam quod si ad lucis in aere productionem requiritur necessario effusa per aerem virtus; & ad huius quoque productionem in aere, necessaria erit alia pariter effusa, cum progressu in infinitum. Si secundum dicatur; cur non æquè dicitur lucem ipsam à Sole hoc modo effundi absque huiusmodi virtute? quo enim argumento constat posse virtutem, lucem autem non posse ita diffundi: esset vero longè conuenientius si ipsa in se formaliter, non in semine virtualiter emitteretur, si id non repugnat. Denique licet illud secundum diceretur, vera esset nihilominus minoris pars illa secunda, quam hinc probo; quia effundi per aerem in aerem, non est fieri in aere. Patet ergo propositum, quod tamen amplius constabit ex prop. 20 & 21, ubi ostendetur nullam, etiamsi hoc esset, fore illuminationem reflexam, nullam refractam.

Propositio XIX.

Lux quæ illuminatione reflexa in diaphano est, non in eo physice efficitur à fecunditate lucidi vim illuminatricem suam, vel ipsam illuminandi actionem retorquentis ob speculum impediens ulteriorem eius directionem.

HÆc propositio est directè contra sententiam prop. 10 num. 2 relatum. Non dico autem Solem, verbi gratia, non esse causam physice efficientem lucis reflexæ, quæ simul cum directâ; vel etiam cum alia multiplici reflexa in aere est ad focus speculi concaui parabolici: sed dico eam non ibidem in aere effici à Sole vim suam vel actionem, in eam aeris partem retorquente seu replicante propter offendiculum speculi parabolici impediens ne illuminatio ulterius in directum ab ipso Sole promouea-

tur:

tur: quod in hunc modum demonstro ex præcedentibus. Quia enim ex prop. 14 impossibilis est directio actionis illuminandi in distans impossibilis æquè, imò à fortiori est eiusdem actionis replicatio, seu reflexio. Ergo neque speculum impedit quominus illuminationis directio ulterius à Sole promoueatur, utpote cum ea sit aliunde impossibilis; neque Sol illuminationem quam in speculum non direxit, potest inde à speculo replicare: neque ea replicata lucem in foco speculi physicè efficere. Ergo lux quæ illuminatione reflexa, &c. ut fuit &c.

Propositio XX.

Quamvis esset lucido fecunditas genitrix lucis illuminatione directâ in parte remota diaphani; non tamen propterea esse posset illuminatione reflexa.

HÆc prop. est etiam sed ex abundanti, contra sententiam *proposit. 10 num. 2* relata. Non dico autem simpliciter lucem reflexam, quæ simul cum directâ in aliqua parte aeris est, non effici ibi à Sole conuergente illuminationem ob speculum impediens ulteriorem eius directam, propagationem; id enim est quod dixi *proposit. præcedenti*; sed ulterius nunc dico, licet aliqua lux in hac diaphani parte posset à Sole effici illuminatione directâ ad placitum aduersariorum; non propterea tamen posse aliam in eadem diaphani parte ab eodem Sole effici illuminatione reflexa, quasi compensaturo detrimentum, quod ab speculi obice patitur, A B C id est si lucidum A (ex hypothesi data non concessa) lucem ———|——— directè efficiat in tota A C linea diaphani, & mox constituto perpendiculariter speculo in aliquo eius puncto B lucem ultra B non producat in B C dico non propterea fore ut in B A (reflexione scilicet perpendiculari, quæ per eandem lineam fit) compensatiuè efficiat id lucis quod effecisset in B C, secluso speculo B: reflexionem autem assumo perpendicularem quia faciliùs in ea percipitur vis argumenti, & ea sola ruente sufficienter ostenditur falsitas sententiæ oppositæ, quamvis alioqui potest idem vel simile argumentum fieri de obliqua, ut ex dicendis constabit. Sic itaque argumentor.

Primò omne agens necessarium productiuum formæ ex subiecto, cum primùm potest agit in quolibet subiecti partes (quæ intra Sphæram actiuitatis eius sunt) quantum potest pro ratione tum actiuitatis suæ, tum capacitatis earum; ita ut & totam earum capacitatem tunc expleat si potest; & vim suam, quam tunc habet in eas ut ita capaces exerat totam nulla habita ratione effectus, quem similibus alijs partibus communicabit, vel communicaturum esset si non impediretur. At Sol directè illuminans, est agens necessarium, & vim illuminatricem suam habet tunc totam simul,

mul, nec nouam mox acquirit, qua reflexè illuminet; linea verò AB non est magis capax recipiendæ lucis post directam illuminationem, quàm ante. Ergo si Sol directè illuminans diaphani lineam AB efficit in ea lucem tanquam formam in subiecto physico, cōsequenter directā illuminatione efficit in ea quidquid lucis tum illa à Sole recipere, tum ipse in eadem efficere potest; ita vt nihil super sit lucis quod possit amplius Sol in AB efficere illuminatione reflexa. Ergo non solum reflexio lucis in AB non est eiusdem in BA reflexa effectio; sed nec foret reflexio vlla, etiam dato non concesso, quod directā illuminatio esset lucis in diaphano directā effectio.

Maiores est certa: quia agens necessarium vim actiuam suam ex parte, sui quantam habet applicat subiecto pro ratione capacitatis quæ in eo est, nec potest eam diminutè applicare, quasi omittens impendere in hoc subiectum, quod alijs suo ordine distribuendum referuat; mox autem rependens, cum reperit alia non adesse quibus distribuat; is enim agendi modus conuenit solis agentibus ex cognitione, & deliberatione non autem agentibus ex necessitate, quæ cum non possint vim actiuam cohibere ad placitum, agunt quantum possunt cum primum possunt.

Minor non minus patet 1, quoad primam partem, Sol enim directè illuminans non est agens ex cognitione, vel liberum; & illuminatio directā, necessitate naturæ exercetur. 2, quoad 2 partem, quia speculum non auget Solis vim illuminatricem, sicut neque per aduersarios minuit. 3, quoad tertiam partem qui illuminatio directā nullam positiuè contrariam luci dispositionem à linea AB abstulit; nam vel nulla talis erat dispositio, vel si fuit remanet eadem; non potest autem subiectum esse positiuè magis capax ad recipiendum aliquam formam, nisi remotione positiuæ dispositionis contrariæ. Bene ergo sequitur quod infertur.

Quia tamen experientia constat plus esse lucis in linea AB post reflexam illuminationem, quàm esset post solam directam; sequitur illud alio modo in ea esse quam per sui effectiōnem in ipsa, vnde & inferes ad confirmationem *prop. 18* lucem quæ in eadem AB est per directam illuminationem, pariter esse non per sui effectiōnem.

Dicent fortè aduersarij ad maiorem, id quod solum video posse ab eis hic responderi, videlicet agens necessarium productiuum formæ ex subiecto plus posse virtute reflexa, quàm possit virtute directā; non quod sint duæ virtutes, sed quia eadem, vt directā, est effusa & sparsa ad plura subiecta, vt reflexa autem, est replicata & collecta ad vnum subiectum; & forte etiam exemplum sument ad hanc confirmandam sententiam à chymico reuerberatorio in quo calefactio (quæ nihilominus actio est productiua caloris ex subiecto) fortior est à vi ignis reuerberatione collecta, id est reflexam; quam esset ab eadem directè solum emissā, ac effusa: virtus enim vnita fortior est (vt vulgò existimatur, quamuis ego oppositum faciliè demonstrarem in physicis) se ipsa dispersa; à pari ergo non potuit Sol directā,

directa illuminatione producere in linea A B tantum lucis, quantum potest reflexa illuminatione.

Sed si fornacula propugnaculum quarunt aduersarij, facillima erit expugnatio. Et in primis, vt directè agam, certum est Solis virtutem illuminatricem, aut ab ipso esse indistinctam, aut sanè ipsi intrinsecam; extra Solem enim nulla talis est Solis virtus: ergo Solis vis illuminatrix semper æquè collecta est, semper æquè indispersa, nunquam magis effusa, ergo nunquam minus potens cæteris paribus.

Equidem cùm aduersarij nolint vt nos radiorum luminosam segetem concipiamus per modum effluuij, & velut à Sole proiectas lucis pilas, quamuis ita loqui videantur Perspectiui; ego qui & modum loquendi à Perspectiuis accepi lib. 3 ad 3 postul. & rem ita concipiendam proposui dum ibidem rationem quæsiui æqualitatis angulorum incidentiæ, & reflexionis; pari iure suadeo retorquendo, ne ita ipsi cogitent lucem à Sole in aere, atque ex aere (seu alio diaphano) gigni, vt per quosdam sulcos directos, in aere designatos, aut designabiles spargat lineas aliquas aut pilas virtutis illuminatricis, quasi femina totidem linearum, vel pilarum lucis inde germinaturæ: si enim ita cogitant, quæso vt dicant quid sentiant de virtute illuminatrice ita disseminata: nam necesse est eam esse vel corporeum aliquid effluuii exiens à Sole; vel esse qualitatem & consequenter formam à Sole extra se de nouo productam in aere atque ex aere seu alio diaphano, tanquam subiecto. Si autem primum admittant, cur non idem admittunt immediatè de ipsa luce? si secundum magis placeat; cur ad hanc virtutem feminalem producendam non requiritur alia præuia virtus cum progressu in infinitum? aut si potuit ipsa produci immediatè absque alia virtute; cur non potuit lux? & addo, argumentum nostrum æquè valere contra reflexionem huius virtutis, ac contra reflexionem lucis ex mente aduersariorum conceptam: eius enim reflexio si qua est, ita concipi poterit consequenter ex dictis, vt Sol pugillum virtutis illuminatricis destinatum in totam lineam A B C incipiat parcè spargere in A B, prouidus nimirum, vt ita sufficiat in totam A B C; sed comperto esse impedimentum in B, ac propter illud, nihil posse spargi in B C; residuum (ne pereat, vel sit frustra) spargat in B A reuersè; vel in aliam iam feminatam, certè non nisi modo ridiculo exprimi potest quod sub his aduersariorum vocibus *virtus illuminatrix reflexa*, intelligendum est, si physicum aliquid, & non merè metaphoricum intelligendum est. Verum igitur est quod supra inferebam Solis virtutem illuminatricem physicè non reflecti, ac proinde physicè semper æqualiter esse collectam, & nunquam minùs potentem cæteris paribus, &c.

Venio nunc ad fornaculam & dico, in reuerberatorio plus esse caloris quàm in detecta, vel aperta fornace libera; non propter reflexionem, sed propter retentionem spirituum igneorum inibi conclusorum; illi enim quò sunt confertiores eo magis calefaciunt: vel si propter reflexionem dicatur;

catur; ea erit reflexio flammæ, & spirituum igneorum, qui dum ab igne exiliunt, & auolare tentant allisi ad latera aut culmen fornacis reflectuntur, & reflexione coguntur ad medium. At verò hæc reflexio non est actio generatiua flammæ vel spirituum igneorum, vt euident est; sed est eorundem in vnum compulsiua.


Quòd si aduersarij similem huic velint esse reflexionem lucis; iam illuminatio diaphani non erit actio productiua lucis in diaphano tanquam subiecto: si autem velint obfirmatè calefactionem simpliciter, vt est actio productiua huius qualitatis, reflecti: prius probent eandem ab igne immediatè agente dirigi in distans, & ab eodem etiam conuerti ob impedimentum vltioris in directum propagationis; & tunc à simili probabunt sanè non esse ex eo capite repugnantiam, vt sit aliqua actio reflexa productiua lucis: sed id nunquam probabunt contra *prop. 14*. Instabunt calorem quoque à speculo parabolico igni debere applicito reflecti, ita vt vehementissimus sit calor ob reflexionem, vbi ferè insensibilis erat per directam calefactionem; quò tamen flamma ignis non pertingit, vt euident est, neque spiritus ignei alioqui vrerent. Id equidem ego ipse probe expertus sum; sed simul etiam experimento agnoui non ex mente aduersariorum ita fieri reflexionem caloris quasi vis calefactiua ignis tantum caloris producat citra speculum; quantum productura foret vltra si id non impediuiſſet vltiorem caloris in directum propagationem; sed reuera ita fieri vt reflectantur spiritus ignei impetu ab igne exilientes & in speculum (quidquid dicant aduersarij) pertinentes, qui deinde in foco speculi vnitim intensius calefaciant, imò & vrant, licet sparsim emitti vim illam non habeant.

Id verò ita esse, experimento comprobaui; quia adhibita lente crystallina (quæ Soli exposita plumbum liquat refractione lucis) & in locum parabolici concaui disposita, vidi quidem lucis radios refractè cogi, sed priorem caloris vim non sensi quam in reflexione parabolici fenceram, imò nullam sensi: quod non alia ex causa contingere potest quàm quia spiritus ignei crassiores (quibus plus inest caloris) crystallum peruadere non potuerunt; tenuiores vero (quibus plus inest lucis) peruadebant; sed cum multum illuminarent parum calefaciebant; certè verò multo minùs quam & reflexi à speculo concauo, vt dixi, & quàm directi qui incidebant remota lente, ita vt hæc esset impedimentum propagandi caloris, quamuis esset causa augmenti lucis. Id facile erit cuilibet experiri, vt iam sibi ipsi non mihi credat.

Secundò probatur eadem *prop.* hoc modo. Si ideo fiat reflexio illuminationis à B versùs A, aut versùs quoduis aliud punctum ad latus vtunque positum D, quia vis illuminatrix A apta est promouere illuminationem directam vsque in C, & nullum passa est detrimentum ab interposito opaci in B: certè quodcunque opacum interponatur, æqualiter impediens promotionem vltiorem directam, & æqualiter sinens vim illuminatri-

cem

eem in se ipsa illæsam, dummodò cætera sint paria quoad situm opaci, & angulum incidentiæ, fiet eodem prorsus modo reflexio; utpote stante pariter, & eodem penitus modo se habente causa eius adæquata. At evidenti experientia constat non ita fieri; Nam si loco speculi, & eodem situ, ponatur laterculus, vel speculum aliud omnino simile tum quoad figuram, tum quoad situm, pariter lævigatum, coæquatum, cætera perfectum, tantum carens vltima politura, qua fieret fulgidum: non eodem modo fit reflexio lucis; ergo absolute reflexio lucis; non ideo fit, quod vis illuminatrix apta sit ultra speculum promovere illuminationem, impedita autem conuertat actionem citra speculum; ergo quamuis in lucido fecunditas esset &c. quod fuit. &c.



Propositio XXI.

Lux quæ in secundo diaphano refringente est, non in eo efficitur à fecunditate lucidi mutante directionem illuminationis propter occursum eius diaphani à primo diuersi. Imò quamuis in lucido fecunditas esset ad lucem in diaphano generandam illuminatione directa, non tamen propterea esset ad generandam illuminatione refracta.

EX dictis præcedenti prop. satis intelligitur sensus istus, quæ est pariter contra sententiam prop. 10. num. 2. relatam, duasque habet partes: & prima quidem euidenter sequitur ex prop. 14, argumento quo vsi sumus prop. 19 huic etiam facile, & cum eadem vi applicabili.

Secunda pars magis vrget Autores eiusdem oppositæ sententiæ ostendens eos non satis consequenter loqui in assignanda causa refractionis; & probatur sic. Illuminatio refracta non fit nisi per radios refractos iuxta dicta initio in definitionibus; dato autem quod lux à fecunditate lucidi generetur in secundo diaphano velut in subiecto forma physica, nulla est ratio cur radij debeant frangi. Quia enim forma quælibet tum vi suæ naturalis propensionis, qua ad omnes ac singulas subiecti sui physici homogenei æqualiter applicati, & æqualiter comparati partes æqualiter afficitur, nec è duabus æquè dispositis vnâ refugit præ alia; tum vi sui genitoris, quæ æqualiter fertur ac potest in partes subiecti æquè dispositas; plenam, atque liberam eiusdem possessionem captat totaliter, & sine delectu, vel exceptione aliquarum partium secundum quoscunque linearum ductus vel terminos distinctarum; alioqui partes illæ sic exceptæ, iam hoc ipso supponerentur habere specialiter præ alijs dispositionem aliquam repugnantem inductioni formæ, quod est contra hypothesim.

LII

Quia

Quia inquam res ita se habet inter formam & subiectum ; consequenter etiam se habebit illo ipso modo inter lucem & crystallum si illa respectu huius, forma physica sit : maxime si crystallus ita supponatur in se ipsa homogenea , vt nulla prorsus cogitari possit resistentia , quam inductioni lucis vel informationi faciat pars crystalli vna, potius quam alia; cum sint ex hypothese omnes æquè dispositæ.

At hoc posito nulla superest causa ob quam lux crystallum ita inuadat, vt non totam inuadat ; sed contra non restrictum tum suum tum crystalli reciprocum appetitum , addicatur informandis his potius quam illis eius partibus sumptis atque delectis secundum aliquas linearum conuergentium, aut diuaricarum, vel æquidistantium leges (vt contingit quando exposito ad Solem globo crystallino lux in vnum ferè punctum conflues plurimas hemisphærij posterioris partes prætermittit quas non afficit) nam sublata omni, vel certè posita æquali in quibuscumque globi partibus resistentia ; tollitur pariter omne, vel æquale ponitur in toto globo impedimentum. Vis autem lucidi utpote naturali necessitate agens in tota, suæ actiuitatis sphaera , agit secundum totam latitudinem dispositionis, quæ in subiecto est in quod agit : alias si quoquo modo actum restringit , opus rationis agit. Ergo si lux per modum formæ physicæ à fecunditate lucidi in crystallinum globum generatione induceretur , in totum æquè induceretur , & consequenter in globo crystallino nulla fieret lucis refractione ; quia in totum & æquè , induci non potest radijs refractis , vt est euidentius.

Est autem eadem rationis vis in quocumque alio secundo diaphano ; & quidem non tantum denso (qualis est crystallinus globus respectu aeris unde tanquã ex primo diaphano incidunt in eum radij) & de refractione ad perpendicularem ; sed etiam de refractione à perpendiculari , & in secundo diaphano raro : imò quamuis non æquè valeret ratio in secundo diaphano raro, sufficeret ad propositum ; quia si non est verum lucem à Sole refractè generari posse in secundo diaphano denso , etiam si aliàs in eo ab eodem Sole illuminatione directa generari supponeretur ; non erit verum vniuersaliter à Sole in secundo diaphano generari lucem illuminatione refracta, etiam dato quòd generaretur illuminatione directa ; quod solum in hac secunda parte propositum fuit ostendere.

Dicent i aduersarij aliam esse rationem cur radij frangantur , à me omisam , nimirum secundi diaphani superficiem extimam obliquè obuersam. Sed si hanc omisi solam , nihil omisi quod aliquid faciat ad propositum. Nam primò subiecti superficies non resistit formæ , aut eius inductioni ; si partes ipsius subiecti non resistunt : quandoquidem physicè loquendo subiecti superficies exterior nihil aliud est quàm exterior partium eius terminus , hinc verò (vt in physicis auxiliante Deo ostendam) non est aliud quam ipsæ partes vt carentes ulteriori extensione ; superficiem enim mathematicam cum linea , & puncto pariter mathematicis, tanquam ali-

quid

quid purè abstractum, excludo à contextu continui physici. Et quamvis superficies illa indiuisibilis adesset, non magis certè officeret, quam officiant partes subiecti determinatæ, vel indeterminatæ (voca vt volueris) quæ superficiem ipsam immediatè consequuntur.

Secundò quòd ea superficies, vel partes quæ illi immediatè subsunt tali vel tali angulo excipiant actionem generantis, non minuit vel auget; neque mutat vel alterat dispositiones subiecti, cùm hæ nullatenus alstrictæ sint, vel dependeant ab angulo incidentiæ; sunt enim illo priores; imò eadem inuariatæ perstant quantumvis ex hypothesi angulus incidentiæ augeatur, vel minuat: formæ autem in subiecto generatio legem dispositionum obseruat, non legem angulorum incidentiæ; præsertim, si cætera sunt paria ex parte applicationis virtutis generatiuæ: est autem euidentis virtutem fortiolem, & magis à propinquo applicatam, licet angulo obliquo applicetur, æquialere posse virtuti simili, sed debiliori, & ex maiori distantia applicatæ angulo minùs obliquo. Ergo si lux in secundo diaphano velut in physico subiecto forma generetur à fecunditate lucidi, nulla peti potest siue ex parte superficiæ, siue ex parte anguli incidentiæ, ratio cur radij frangantur, ergo &c.

Dicent 2, vt *prop. 10 num. 2* referebam, lucidum agere cum dependentia à partibus sphaeræ actiuitatis; quasi pars vna sphaeræ ageret in aliam, vnde cùm sphaera hic componatur ex medio difformi, raro nimirum & denso; occurrente denso ob eiusdem resistantiam vis actiua lucidi roborat se, natura inspirante, vt commodior sequatur actio. Et quia luminosum agit per lineam rectam; vt roboretur vis actiua, debet immutari directio, & magis vniri, &c. ita enim dicunt; & addunt. Quò magis obliquè radius incidit, eò maior est refractione, quia sic per illum radium intelligitur præcisa maior portio sphaeræ quæ alterationem patitur.

Sed contrà hunc modum dicendi est. Primò, quod reuera pars vna sphaeræ non agit in aliam, quasi aer in crystallum, & hæc in alium aerem agat: quid enim ageret? præsertim cùm *ex propos. 15* non efficiant vel coëficient lucem. Et quamvis aliquid reuera agerent, nulla tamen est ratio cur aer in crystallum agat refractè, vel crystallus in aerem; passum enim est immediatū agenti: nec rursus vlla ratio est cur actio totalis trium partium sit in vna linea refracta, potius quàm in vna recta, vt euidenter probari poterit ex dicendis paulò inferiùs, *num. 6*. Ergo si pars vna sphaeræ ageret in aliam non facerent suæ actionis, vel eius quod agerent refractionem. Ergo nec sequeretur lucis refractione, etiam si dicatur lucidum ita agere cum dependentia à partibus sphaeræ sicut si ipsæ agerent in se inuicem.

2. Quia forma physica in subiecto homogeneo non generatur per lineas quasi per sulcos *ex dictis propositione præced.*

3. Quia agentibus sine cognitione natura non inspirat opus quod fieri nequit sine cognitione, quale est ad resistantiam diaphani maiorem, vi-

res magis colligere est vnire. Ergo si Sol per virtutem quaquauerfum velut à centro sparsam, producit lucem; per eandem æquè sparsam producet in aere & crystallo.

4. Vis illa quæ dicitur magis vniri est interna lucido vel externa, nec enim est aliquid mediū; at neque interna potest esse vel dici collectior respectu crystalli quàm respectu aeris; vt constat *ex dictis prop. præced.* neque etiā externa; quia nulla talis est, vt ex ibidem dictis facillè probatur. Ergo non est verum vim lucidi magis vniri occurrente crystallo &c. ideoque mutari directionem illuminationis; siue hæc mutatio sit aliquid prius & causa vnitionis; sine è contrà aliquid posterius, & effectus illius.

5. Cùm crystallus eadem homogenea non maiorem habeat densitatem respectu aeris ex quo cum inclinatione maiori incidit radius, quàm respectu alterius aeris (cum primo illo etiam homogenei) ex quo radius alius incidit cum inclinatione minori; nec etiam habere potest maiorem resistantiam (respectiue comparatam cum resistantia vtriusque aeris) aduersus propagationem radij magis inclinati, quàm aduersus alterius minus inclinati; vtpote quia non nisi propter densitatem resistit. Ergo ad lucem in crystallo generandam ex maiori inclinatione in aere; non est necessarium vt Sol magis colligat suam vim (vtpote quia eam non magis colligit nisi propter resistantiam maiorem) quàm ad generandam ex minori inclinatione &c. & ita in hoc modo dicendi non est necessarium vt ex maiori inclinatione fiat maior refractione, quàm ex minori: & consequenter non est pariter ratio, cur crySTALLINA conuexa lens radios ad focum colligat; concaua autem dispergat; quia non minùs hæc quàm illa resistit, cum sit æquè crySTALLINA.

6. Non maior aut collectior vis requiritur ad lucem in crystallo generandam per lineam refractionis ad perp. quàm per lineam incidentiæ productam; nec minor per lineam refractionis à perpendiculari; quia hæc tres lineæ sunt pariter in crystallo vt supponitur homogenea; & aliunde conuenientius est, vt per lineam incidentiæ generetur; posito quòd sparsim per lineas à centro ad circumferentiam, generetur.

7. Neque verò vllatenus intelligi potest, quod isti Autores aiunt, per illum radium intelligitur præcisa maior &c. vt supra. Nam in primis radius omnis à centro ad circumferentiam ductus siue per medium vniforme, siue per difforme ducatur; & siue orthogonaliter, siue obliquè aut magis obliquè ducatur per secundum medium; pari modo est semidiameter: & consequenter nullus radius seorsim ab omnibus alijs sumptus, dici potest vel intelligi maiorem in hac, minorem in illa hypothesi; præcidere portionem sphaeræ; atque adeo nec intelligi potest aliquam pari refractionem (& multo minùs maiorem, aut ad perpend. potiùs quàm à perpend.) eò quòd aliquam sphaeræ portionem præcidat: aliàs nullus esset radius, qui non æquè pateretur; cùm singuli seorsim sumpti, aut pariter nullam, aut pariter aliquam præcidant. Si verò duo aliqui ab inuicem.

cem in dato angulo diducti radij sumantur, qui in secundum diaphanum incidant; alter quidem perpendiculariter, alter autem oblique: sanè isti aliquam sphaerae portionem praecidunt, tantam scilicet, quantam datus ille angulus concludit; & hæc sine dubio eò maior est, quòd radius ille magis oblique incidit: sed si causa physica maioris refractionis in hoc posita sit, quod maior sphaerae portio praecidatur; uterque ob eam causam radius pariter maiorem patietur refractionem, vel neuter; cum eadem causa vel utrunque pariter afficiat, vel neutrum; hoc ipso quòd, ut iam ostensum est, à neutro seorsim praecidatur sphaerae portio siue maior siue minor; & ea quæ ab utroque praeciditur non magis ab vno quàm ab alio praecidatur. Adde radium oblique incidentem ita refringi, ut non attendatur quæ sit aliorum siue incidentia siue refractionis: nam etsi nullus alius esset vel esse posset radius; hic nihilominus perinde refringeretur: ergo causa physica refractionis non est, quia hic radius cum alio quouis portionem aliquam sphaerae praecidit.

Propositio XXII.

Refractionis causa non est resistentia medij prout materiali necessitate impediens dispersionem lucis.

Hæc propositio est contra sententiam ex Keplero relata *propof. 10 num. 3*: & probatur quia licet ea sententia habere posset aliquam veri apparentiam quando secundum medium est densius; tamen quando rarius est, falsitatis conuincitur, ex eo quòd lux etiam tunc refringitur; & tamen simul magis dispergitur, quàm dispergeretur si secundum medium homogeneum esset cum primo: huius ergo refractionis causa, ut euidentis est, non est resistentia medij impediens lucis dispersionem & consequenter hoc ipso non est hæc adæquata refractionum causa.

Neque dicat aliquis pro Kep. in denso quidem esse resistentiam, in raro autem oppositum resistentiæ. Nam primò sic non haberet intentum Keplerus. 2, in raro quæ raro solum est quòd facilem præbeat transitum (seu non difficilem id enim est oppositum resistentiæ, nempe eiusdem negatio) id autem materiali necessitate non cogit lucem magis dispergi, vel quoquo modo sollicitat ad maiorem dispersionem; sed tantum opportunitatem præbet, si fortè lux ex primo impetu suo, vel natura, maiorem illam dispersionem affectet. Lux autem ut præcisè à Kepl. consideratur natura sua, per lineas sparsim à lucido velut à centro ad circumferentiam exiens sphaerico modo, solum affectat propagari per lineas rectas, à quibus non deflectit nisi coacta. Quæritur autem nunc quid sit quo cogitur, cum iam constet non cogi à medij raritate, vel à proprio impetu: at sine dubio id quod eam cogit in refractione à perpendiculari, idem & cogit (sed

diuerso modo, ob diuersitatem subiecti) in refractione ad perpendicularem. Ego causa refractionis in denso non est resistentia &c.

Præterea cum non satis mihi constet (ne fortè quis mihi obijciat me non intellexisse mentem Kepleri) quem motum luci tribuat Keplerus, vt annotaui *prop. 10 num. 3*, physicume, an non solum analogicum; hìc quia rem discutio, non verba scrutor; quæro an hunc vel illum? si solum analogium; præterquamquod hic non nisi improprie, & solum analogicè dici potest reffluxus, vel eiaculatio, non autem simpliciter vt ille vocat *prop. 1*: admittendo solum analogicum ab alijs Autoribus, quorum hæcenus sententias reieci, non differt nisi ad summum verbis; imò nec verbis; illi enim sine dubio fatentur analogiam esse inter lucem propagatam, & physica mobilia, seu inter propagationem & motum; vt ideo possit propagatio analogicè vocari motus. Si verò Kepl. motum physicum tribuit luci; male tribuit instantaneum: quia hinc sequeretur (argumento iam sæpiùs factò) lucem esse simul in terminis à quo & ad quem in pluribus locis &c.

Nec se iuuat dicendo lucem esse accidens & immateriatum, ideoque ad eam mouendam, (cum medium nihil resistat) virtutis motricis proportionem esse infinitam, & consequenter ab eadem moueri infinita celeritate, seu momento. Id inquam non iuuat.

1. Quia etsi fieret motus in vacuo vbi nihil resistit; non minùs fieret successiue motus ob dictam rationem; quia videlicet non potest idem mobile esse simul in terminis à quo & ad quem: aliàs futurum in duobus simul locis; nec in tota natura vis vlla est, quæ id possit efficere.

2. Quia licet ad mouendum haberet vis motrix infinitam proportionem ad resistentiam; non puto tamen velle Keplerum *propositione sua 5*, vim illam esse infinitam simpliciter, nam quidquid in rerum natura est, finitum est; solus infinitus Deus Opt. Max. Ergo vis illa non magis producat motum infinitum secundum celeritatem; quàm vis ipsa illuminatrix (quæ pariter infinitam habet proportionem ad resistentiam passi illuminandi, cum ea nulla sit) producat effectum infinitum in ratione illuminandi.

3. Si lux est accidens; potius id impedit motum instantaneum, quia accidens non est sine subiecto, nec illo immoto moueri potest, ergo cum subiecti vrpote corporis, non possit motus esse in momento (vt ipse fatetur, vel certè à contraria ratione fateri debet) neque lucis esse poterit.

Quod dicit lucem esse immateriatam; quæso quid occultæ philosophiæ sub hac voce latet; vel quid specialiter conueniens luci, non cæteris accidentibus? an lux est immateriata, quia in sua entitate materiam non includit, sicut includunt corpora? at neque alia accidentia sit includunt. An est immateriata, quia non habet respectum ad materiam? vt ad subiectum suæ inhæssionis, informationis, aut quid simile? fateor hoc sensu reliqua accidentia corporum, esse materiata mediata, vel immediata, prout scilicet mediata, vel immediata inhærent materiæ: sed ille negare non potest

test lucem quoque esse hoc ipso sensu materiata; nam ut accidens est exigit subiectum; & quia non est accidens spiritale (ut puto nulli non esse euidens recolenti causam eius effectricem videlicet lucidum esse rem corpoream, & materialem cuius perfectionem non potest effectus eius superare; imò experiēti se eam oculo corporeo cernere) non petit subiectum spiritale; petit ergo & appetit materiale; vel assignet Kepler. subiectum aliud quod neque spiritale sit neque materiale. Quid autem amplius sub his admirabilibus verbis latere possit non video; sed si quid aliud est occultum, admiretur cui libuerit: doctrinæ cupidi verbis inanibus non satiantur, ut ipse in simili, Aristoteli dicit, *appendice ad caput 1, sententia 4*: quod an immeritò hac occasione contra autorem regeratur, iudicet ex dictis Lector.

Propositio XXIII.

Refractio non est una siue simplex, siue multiplex ordine quodam facta in secundo diaphano reflexio lucis ad opposita porulorum latuscula illius.

HÆc propositio est contra sententiam *prop. 10 num. 4* relata, ut autem eam probem sumo diaphanum quodcunque figuræ lenticularis cuius accuratè polita superficies radijs incidentibus tum inuicem tum ipsimet lentis axi æquidistantibus exponatur; & attentè considero quo ordine & situ exponi debeant in eo diaphano tum pori tum eorum latuscula; ut lux in ea incidens ab eisdem possit reflecti in aliquod punctum.

Cum itaque (ut ex dicendis *prop. 29* intelligetur) pori sint in diaphano quaquaversum rectis ordinibus digesti: primò in proposita lente plurimi erunt pori æquidistantes ipsius axi, ac proinde in directum respondentes lineis incidentiarum, ut *propositum est*, eidem axi æquidistantium: & consequenter radiorum incidentium nulla fiet illisio ad huiusmodi pororum latera, ergo nec ab his vlla reflexio; sed radij per eos transibunt irrefracti non minus quàm si in superficiem similis diaphani planam perpendiculariter incidissent; cum non minùs in lenticulari quàm in plano diaphano cæteris paribus liberi pateant in directum pori. 2, alij pori sunt in eodem diaphano, qui ab axe lentis vel omnino sunt auersi, vel sanè ad illum non sunt conuersi; ac proinde ab istorum latusculis non poterit lucis ad ea alia reflexio fieri ad partes axis, ac per ipsum axem: & quia focus lentis in eius axe est, non poterit à dictis latusculis ad foci punctum reflexio lucis fieri.

3. E poris ad lentis axem conuersis aliqui sunt, in singulis planis per eundem axem incedentibus, inuicem paralleli qui ad illum æqualibus angulis inclinantur: atque istorum latuscula si lucis radiusculos, quos excipiunt

ciunt incidentes, reflectant per axem; necessariò non omnia in vnum punctum reflectent, sed singula ad singula axis puncta vt rem attentè consideranti facile patebit ac proinde non erit vnus eorum focus; sed tot erunt foci quot puncta axis quantum ad dictos poros attinet.

4. Sunt & alij pori (quamuis respectiuè ad iam indicatos numero valde exiguo) in singulis, vt dixi, planis per axem lentis incedentibus, qui ita proportionatè inclinantur & ad eundem axem, & ad singulas incidentiarum lineas, vt seruata lege æqualitatis angulorum incid. & refl. possint in vnum focum reflectere, possint inquam, quantum est ex parte dispositionis ipsorum, dummodò reliqua sint debitè disposita: vt autem debitè disponantur necessariò requiruntur duo: primum est, vt pori cuiuslibet latiscula intus non sint recurua, sicut, verbi gratia, in cylindro concauo; sic enim lucem reflecterent ad modum speculi cylindrici concaui: id est ad proprios singuli focos lucem colligerent, & exinde ab ijs focis dispergerent: & idem accideret quantumlibet reperitis ad aliorum pororum latera reflexionibus; & sic nunquam in vnum lentis focum colligi lux posset; quia nullus porus eam reflecteret in plano reflexionis per lentis axem incedente. Debent ergo pori esse angulosi, & planorum laterum, vt sunt in fauo ordinatæ apum cellulæ. Alterum quod requiritur est, vt latus illud pori reflectens lucem in focum, sit perpendiculare ad planum, quod per lentis axem incedit, tanquam ad planum reflexionis; aliàs enim, vt euidenter est, non posset in focum reflectere.

5. Quando radius à quodam pori latisculo, vt dictum est, debitè disposito reflectitur, fieri non potest quin intra eundem porum allidatur, ad oppositum latus, & consequenter quin secunda ab eo facta reflexione, remoueatur ab axe lentis; nisi opportunè in eo secundo latere via pateat per alium porum transuersum, & quidem qui sit in plano per axem lentis transeunte, & directè ad foci punctum commune cum alijs pertingat.

His ita expositis argumentor primò. Quia pori qui ad vnum in axe lentis focum reflectere possint, exiguo (respectu aliorum) numero sunt, & ex his singuli non nisi vnum latus ad ita reflectendum idoneum habere possunt, illud scilicet quod ad superficiem reflexionis rectum est; & fortè etiam plurimi nullum tale, id est ita debitè situm latus habeant; sequitur non nisi valde exiguam totius incidentis in lentem lucis portionem (præter illam quæ extra lentem reflectitur à superficie) posse ab eiusmodi porulorum latisculis reflecti in vnum focum: & maximam portionem huc illuc vagè dispergi: quod tamen euidenter est contra experientiam.

2. Quia pori in quouis diaphano pariter quaquaersum dispositi sunt quemadmodum sunt in denso, pori à quorum lateribus lux ad focum reflectitur, ita non deerunt similes in raro; & sicut sunt in raro pori quibus ad partes ab axe auersas reflectitur, ita & erunt in denso. Imò in vno ac eodem siue raro, siue denso hos & illos poros esse constat; ex eo quòd si è rariore lux in illud incadat refringitur ad perpendicularem, & à perpendiculi

diculâri si è densiori: inde autem sequitur fore ut à quouis, atque è quouis diaphano refractione fiat indiscriminatim ac promiscuè ad perpend. simul & à perpen. & quidem ad quoslibet angulos refractos è quibullibet inclinationum angulis, nulla habita ratione raritatis, ac densitatis, seu cuiuscunque combinationis inter eas possibilis, & in quibullibet planis reflexionum tum incidentium pex axem lentis, tum non incidentium, quod est euidenter falsum: id autem sequi pariter euidenter est, si ut verum supponatur refractionem lucis constare ex omnibus ac singulis reflexionibus factis, à porulorum lateribus, hæc enim si lucem incidentem quouis modo reflectunt; ad partes ad quas obuersa sunt, necessariò reflectunt; sunt autem, ut ostendi, obuersa ad omnes partes, & non magis ad vnam quàm ad aliam; denique lux de se indifferens, sequitur legem reflectentis in quod incidit, nec valet ipsa eligere alterum præ altero in quod incidat igitur &c.

3. Dispositio porulorum, & latusculorum non mutatur in crystallo, quantumlibet alia atque alia sectione in varias figuras secetur ac poliatur ipsa crystallus circa eundem lentis axem: & tamen euidenter est sola mutata lentis figura mutari focum. Ergo non est determinatus hic focus ob dispositionem hanc pororum secundum latuscula lineis incidentiarum exposita; sed ob dispositionem eorundem secundum oscula; quæ, ut euidenter est, sola sunt, quæ mutantur noua sectione vel figura crystalli, eo modo quem dicam *prop. 42, & 43*. Ergo refractione non est reflexio, &c. facta ad latera porulorum &c.

4. *Ex prop. 3. & 6* constat à posteriori eiusdem radij in eodem diaphano denso partem vnam reflecti ad angulum cum incidentiæ angulo æqualem; & partem alteram refringi; cuius rei etiam à priori ratio dabitur *prop. 41*: ergo saltem non omnis (imò nulla ob rationis paritatem) refractione, est reflexio in secundo diaphano.

Præterea aduersus eos qui *eadem prop. 10, eodem num. 4* latusculis monticulorum tribuunt refractiones, dici potest primò (quidquid sit de polituræ artificialis defectibus) in ijs quæ natura ipsa expoliuit, nulla superesse rudioris vestigia pumicis, nullos ab arenulis relinqui sulcos, &c. ac proinde nullum esse monticulis locum, aut vallicellis; ut in aqua alioue liquore purissimo; ac in ipsa etiam crystallo, flatu ad fornacem libero distenta: & nihilominus ab istis ita politis diaphanis eodem modo, ac eadem lege, cæteris paribus, refractiones fiunt, atque ab alijs quibullibet, arte politis. Ergo &c.

2. Cum fiat politura ijsdem pulueribus, & eadem arte in densiori ac in minùs denso (ut in montana ac fusa crystallis) erit cæteris paribus, vna atque eadem in vtroque monticulorum dispositio; adeoque eadem ab vtroque refractione: at constat esse diuersas (cæteris paribus ex parte inclinationis) *iuxta 4 postulatum*. Ergo &c.

3. Denique (quidquid sit de perfecta politura naturali vel artificiali) si obstitentia monticulorum valet in refractione ad perpendicularem; ad quos

quos quæso monticulos recurretur in refractione à perpend. vt, cum è cryſtallo in aerem lux incidit, ac refringitur? quamuis enim (vt ego ipſe *prop.* 42, dicturus ſum) redundet in aerem, ſicut vitium ita & perfectio polituræ diaphani denſioris ipſi contingui; ita vt monticuli cryſtallini vallicellas in aere efficiant, & contrà vallicellæ monticulos; tamen nulla eſt lex ob quam exeuntes è poris cryſtallinis radij feriant ſolùm ea monticulorum aereorum latuſcula, quæ a quouis axe refractionis auerſa ſunt, ab alijs verò prorsus abſtineant; quod tamen neceſſe eſt, vt refractione fiat ſolùm à perpendiculari: imò a pari (vt ad denſum redeam) nulla eſt lex ob quam è poris aeris exeuntes, feriant cryſtallinorum montium ea tantùm latera, quæ ad ſingulos axes refractionis conuerſa ſunt; quod tamen neceſſarium eſt, vt refractione fiat ſolùm ad perpend. Et quia quorumlibet monticulorum non plura ſunt in raro quàm in denſo latuſcula ad axem refractionis conuerſa; item neque plura auerſa, cæteris paribus; ſequitur non eſſe ex parte monticulorum, rationem cur in denſo fiat refractione ad perpen. in raro autem à perpend. aut ſanè ratio etiam eſt, cur in vtriſque pariter & promiſcuè fiat, & ad perp. & a perp. imò & cur fiat extra planum refractionis ad vtraſque eius partes; cum in eiſdem monticulis non minùs adſint inclinata ad quodlibet planum refractionis (quod ſcilicet per axem lentis vt ſuppoſui incedat) latuſcula, à quibus cur abſtineant radij nec in ea incident, non poteſt vlla ratio peti à protuberatione monticulorum; qui illis è regione ſunt, neque aliunde.

Cæterum hæ rationes valent, ſiue dicas lucem eſſe accidens de genere qualitatis, ſiue dicas eſſe corpus loco mobile, ſiue aliud quid. Nam in quavis hac de re ſententia ſeruandæ ſunt leges, quæ angulos incidentiæ & reflexionis ſtatuunt eſſe æquales, *iuxta dicta lib. 3 ad 3 poſtul.* omnes autem *hac prop.* allatæ rationes vim habent totam ab ijs legibus: ergo in nulla de natura lucis ſententia dici poteſt refractionem eſſe vnā ſiue ſimplicem, ſiue multiplicem quodam ordine factam in ſecundo diaphano reflexionem lucis ad oppoſita porulorum latuſcula illiſæ.

Propoſitio XXIV.

Lucem non eſſe localem aliquem motum (ſiue apparitionem eius) qui à lucido, impreſſus diaphano, propagetur ad oculum.

HÆc propoſitio eſt contra ſententiam *prop. 9 num. 5* relatam, quæ ſic 1, impugnatur. Si lucidum vt lucidum ad lucis in diaphano productionem, nihil aliud confert quàm quòd motu diaſtoles partem eius ſibi contiguam protrudit, & ea mediante aliam, atque aliam, vſque ad oculum, cerebrum &c. quæcunque talem agitationem in eodem diaphano efficient,

efficient, lucem etiam hoc ipso producent: verbi gratia, fidium crebra vibratio, tympani aerei fremitus, &c. hæc enim partem aeris sibi vicinam, atque hæc mediante alias, usque ad oculum trudent; & huius motus est verè apparitio nam reuera cernitur; quare igitur eius motus apparitio non est lumen?

Si dicant eum motum esse in substantia longè crassiori, nempe aere; ideoque apparitionem eius non esse lumen; motum verò à lucido imprimi substantiæ alteri longè tenuissimæ, per aeris poros fusæ, quæ propriè est diaphanum; ideoque eius motus subtilissimi, & oculo pariter tenerrimo, ac delicatissimo conformis apparitionem, lucem esse. Fateor si ita respondeant, responsionem esse valdè delicatam; sed ostendo simul etiam esse evanidam. Nam primò ex eo quòd motus à supradictis vibratione, fremitu &c. propagetur in substantia crassiori, solùm sequi potest eius apparitionem constituere lucem debiliorem, vel è contrà, vt placuerit, fortiorem; non autem sequitur nullam prorsus constituere. 2, Quia impossibile est in aere crassiori excipi motum, & non excipi in substantia illa tenuissima aereis poris inclusa. Ergo &c.

Dicent fortè hunc motum à fidicula, &c. propagatum non esse lumen, quia non est motus, à lucido. Optimè capio: ergo lumen erit apparitio motus propagati à lucido; lucidum autem erit, non quidem id omne, quod reciprocatione sui motus, motum imprimit diaphano; sed illud tantum quod imprimit motum, cuius apparitio sit lumen: reciproca definitio, quæ idem per idem, & licet de lumine sermo sit, obscurum per æquè obscurum explicat. Præterea si ita respondeatur, ego sic infero. Ergo lucidum aliquid confert in eo motu, quod à non-lucido præstari nequit, à quo tamen efficitur motus omnino similis, & cuius negari non potest apparitio, & visibilitas; ergo lumen non est apparitio solius motus &c.

Secundò impugnatur, quia in ea sententia non nisi vnicus, id est, non nisi ab vnico lucidi puncto radius ad oculum perveniret; & sic reliquæ eiusdem lucidi puncta laterent, & nullatenus videri possent; quod tamen falsum est, cum totus Solis discus cernatur: id autem sequi facilè probo quia cum Solis dilatatio (vt principem lucidum in exemplum assumam.) siqua est, fiat à centro ad circumferentiam; motus qui vi illius imprimitur partibus diaphani, Soli contiguus; erit pariter à centro ad circumferentiam; nam à mouente imprimi nequit motus nisi omnino similis ei qui in ipso mouente est; cum is non sit nisi continuatio istius, & vtriusque vna sit directio per eandem lineam (dico quando motus est simplex, & absque reflexione, vel alio simili) & consequenter lineæ motus à Sole sic propagati, cum sint omnes rectæ, omnes incedunt per Solis centrum; & quia impossibile est duas ab vno puncto oculi ad centrum Solis duci lineas rectas, quæ per duo circumferentiæ eiusdem Solis puncta incedant; impossibile est vt duo à circumferentia Solis radij in vnicum oculum incurrant,


currant, ergo & impossibile est ampliùs quàm vnicum Solis punctum videri vnico oculo; & duo ad summum à duobus, & quidem diuersa; quod tamen euidenter falsum est, cùm totus eius discus vno oculo optimè cernatur.

Tertiò impugnatur ex eo quòd quemadmodum ostendam *prop. sequenti* non potest in ea sententia refractionis lucis fieri talis, qualis de facto fit.

Propositio XXV.

Si lux in quodam à tumescencia lucidi propagato per diaphana ad oculum motu, vel in eius apparitione consisteret; eademque ideo solùm refringeretur, quia inæqualis est, propagationis eius per diuersa diaphana, velocitas; non tantùm refraction non fieret ex lege angulorum refractorum, ex qua fieri illam constat; sed nec ulla prorsus fieret.

HÆc est contra ambas sententias *prop. 11* relatas, & sic probatur pariter contra vtranque primò quia velocitas propagati motus tanta vel tanta non conuenit diaphano ab interna eius vi; cùm nec sic illi cõueniat motus ipse, sed ab extrinseco illi imprimatur, nempe à lucido: ergo in



diaphano velocitas ob resistantiam seu contumaciam medij peruadendi aliquando imminuta restitui in pristinum nō poterit à vi ipsius diaphani.

Hoc autem posito repetatur tota constructio *prop. 7* cum eius figura: & in linea primæ incidentiæ CA, lux habeat velocitatem vt b; & in linea primæ

mae refractionis AD, habeat vt 4: hoc posito, vt refraction fiat ex lege, qua demonstratum est fieri, eadem prop. 7, necesse est vt in secunda refractionis linea DH, sit quemadmodum in CA, velocitas iterum vt 6; cum angulus secundò refractus FDH sit æqualis angulo primæ inclinationis BAC. At impossibile est in DH velocitatem esse æqualem ei quæ est in CA: si enim est æqualis; peto à quo fuerit instaurata; cum ex constructione duo eius gradus interciderint in AD; & vt iam ostensum est, restitui non possint à vi ipsius diaphani: impetus autem à lucido impressus, & in AD debilitatus ob mediij contumaciam, non potest se ipsum reficere, alioqui nunquam debilitaretur; vel æquè se ipsum posset in integrum restituere, quamuis penitus esset extinctus: nec potest etiam à lucido refici; quia lucidum, cum hic non impellat nisi per lineam refractam CADH; sicut non potest vrgere motum in AD, nisi mediante CA; ita nec in DH, nisi mediante AD: at AD ex constructione non recipit impetum, nisi vt 4; ergo per AD non poterit Sol communicare ipsi DH impetum nisi vt 4; aut communicabit per saltum, & agendo immediatè in distans quod iam ex propof. 14 est impossibile. Ergo refraction hæc secunda non fieret ex lege qua constat fieri, neque angulus secundò refractus esset FDH maior, quàm primò refractus GAD; sed alius eidem GAD æqualis.

Et ita probata est prima pars propositionis contra eos, qui velociorem esse putant lucis propagationem in raro quàm in denso: sed potest eadem æquè probari aduersus eos etiam qui putant in denso esse velociorem: sic enim necesse foret, vt in primæ refractionis linea AD esset velocitas vt 6; & in CA linea primæ incidentiæ solum vt 4: hoc autem posito; quæro, vt supra causam accelerationis maioris; quæ cum non possit dari; neganda, pariter est ipsa acceleratio, & consequenter refraction, quæ non nisi ea supposita fieri dicitur. Ergo &c.

Secundò probatur eadem propositio pariter contra vtranque dictam sententiam, hoc modo. Quia tenuissima illa substantia, in qua motus à lucido propagatur, expansa est per aerem, aquam, crystallum, & alia diaphana; nec potest cum illis esse penetratiuè; superest vt in eorundem poris contineatur: quia verò in diaphanis contiguus, vt crystallo & aere; à poris huius, ad poros illius liberum habet com meatum, ita vt quæ in poris aereis est continetur, absque interruptione, cum ea quæ est in crystallinis; alioqui hoc ipso lucis ibidem interrumpetur propagatio: & quia pori non tantum secundum refractionis lineam, sed etiam secundum ipsam lineam incidentiæ productam dispositi sunt, vt explicabitur prop. 29, alioqui ad omnes angulos incidentiæ vna solum fieret refraction, quod falsum est. Sequitur substantiæ illi tenuissimæ, implenti poros pariter omnes (id est tam eos qui secundum aliquam refractionis lineam, quàm eos qui secundum lineam incidentiæ diriguntur) etiam vt implenti pariter omnes, motum imprimi. Euidens enim est ob dictam eius cōtinuitatem posse impul-


sum, & motum à parte quæ in poro aereo est in eam quæ in crySTALLINO, deriuari: & cum sit eadem ratio de omnibus poris, quæ de vno poro; sequitur impulsus, qui in tota substantia illa poris aereis inclusa viger, communicari pariter toti illi quæ in crySTALLINO est: hoc autem posito euidens est, vel totum motum esse directum ex aere in crySTALLUM: vel si quid habet refracti; ab eo, quod est directum, ita absorberi, vt simul confundatur. Ergo si huiusmodi motus seu eius apparitio, lux est; nulla erit lux refracta; vel si aliqua est, cum alia in eadem crySTALLO directè propagata confundetur. Igitur &c.

Probari vltèriùs potest eadem propositio specialiter aduersùs sententià quæ prima est in duabus prædictis, ex eo quòd quamuis per me ipsū *lib. 3. ad 3. postul. lem 3.* impetus qui feruit motui incidentiæ secundum id quod habet de parallelo, maneat illæsus, & consequenter totum suum effectum, consequatur, quem consequutus fuisset dato quòd nulla fuisset percussio, ac repercusio: attamen id accipiendum est, sicut asseritur in materia reflexionum; vbi & est idem medium per quod motus sicut incidentiæ ita reflexionis propagatur; & adest repercussio, quæ partem impetus perpendicularem omnino retorquet; parallelam verò minimè lædit. Sed in casu refractionum mutatur hypothesis; nam medium in quo fit motus refractionis, diuersum est ab eo in quo est motus incidentiæ; & præterea nihil adest quod specialiter lædat, aut iuuet determinationem, quæ est in parte motus perpendiculari; non autem simul iuuet, aut lædat eam quæ in parte parallela est. Nam repercussio in refractionibus locum non habet (aut si habet, vi illius sit reflexio) præsertim quando secundum diaphanū est minus contumax, vt est euidens, quia in eo respectiue ad primum nulla est resistentia siue in partem perpendicularem, siue in parallelam: vnde in eo nulla est ratio cur motus acquirat ampliùs de perpendiculari, retineat verò præcisè id quod sibi de parallelo aliàs ex vi incidentiæ debetur. Cum enim medium minùs cōtumax facilitatem permeadi præbeat æqualiter, mobili vt delato secundum partem impetus parallelam, & vt delato secundum partem perpendicularem, vt pote in omnem partem æquè permeabile; sequitur ex parte medij nullam peti posse causam inæqualitatis quoad hoc: sed nec peti posse ex parte ipsius impetus qui est in mobili, patet, quia impetus non minùs aptus est iuuari in vnam partem, quàm in aliam; vel ipse in vnam magis nititur quàm in aliam; vel magis indifferens est ad hanc quam ad illam: ergo æqualiter recipit quod sibi ex parte medij facilius æqualiter præbetur in auxilium: nisi dicatur mentem ei esse consilij capacem, qua ex aliquo præintento fine deliberatè partem hanc auxilij recipiat, aliam respuat; non verò vtranque determinatè admittat.

Confirmatur hoc ipsum exemplo sagittæ, valido sub plurima aqua merso arcu excussæ, & cum inclinatione ex eadem aqua in aerem erumpentis: nulla enim est ratio cur sagitta in aere lineam primæ sub aqua initæ directionis

rectionis deferere debeat, ea præcisè de causa quòd facilior, ac liberior illi transitus in aere concedatur, quàm concederetur in aqua: imò è contrà, maxima ea est ratio cur eam lineam rectà prosequi debeat, utpote, nullum inueniens in transitu impedimentum; hoc ipso quòd inuenit faciliorem transitum; faciliorem inquam in omnem æqualiter partem, id est, ut suprà tum parallelam, tum perpendicularem. Hoc verò totum, facile applicari potest luci per varia diaphana transmissæ, seruata proportionè.

Ergo in casu proposito si sola habeatur ratio medij vt magis aut minùs facile permeandù; vel impetus vrgentis ad permeandù; vel etiam vtriusque simul; duobus momentis acquireretur punctum, quod non modò ab A sed etiam ab A I atque GA, tantundem distet; quantum ab eodem A, & A F, atque AH distat K: id autem est necessariò punctum N, ex diametro oppositum puncto K: ergo per AN progredietur lux duobus momentis intra medium minùs contumax; sicut per KA, tribus in medio contumaciori. At AN & KA coincidunt necessariò in vnâ rectâ, cùm sint in vna diametro: hoc autem posito nulla fieret refraction lucis è medio contumaciori in minùs contumax lapsæ.



Cùm autem iam probauerim nullam in hoc modo dicendi refractionem fieri, quando secundum diaphanum est minùs contumax; nullo negotio probare possum, nec etiam fieri quando est contumacius: tum quia iuxta propos. 2, eadem est via ingredientis & exeuntis lucis; tum quia ex vi allati principij solùm sequitur, vt si duobus momentis lux in medio faciliiori peruenerit incidendo ex N in A; tribus momentis in medio contumaciori peruenerit ex A in K: in medio enim contumaciori resistentia

M m m 2

(quæ-

(quæcunque illa est) æqualiter aduersatur motui in quamcunque partem; quia in omnem æqualiter est difficile permeatu: impetus verò, quo lucis motus propagatur, non maiorem aut magis liberam habet de se vim, siue inclinationem, siue indifferentiam in hanc quam in illam partem, ut suprà dicebam; ac proinde æqualiter in omnem partem afficitur ab eam medijs resistentia seu difficultate.

Denique in eadem sententia minùs placet, quod medium minùs contrumax seu faciliorem præbens transitum luci existimatur esse densius; e contra verò, contumacius id quod rarius, quasi sint pori in raro anfractuosi, & scabri; in denso autem læues, ac lubrici; proptereaque faciliùs per istos, quàm per illos lux propagetur; sicut faciliùs per nudam ac læuem tabulam decurrit pila, quàm per eandem tapetio instratam; eo quod illi continuè sint offendiculo tum villorum pexitas, tum intertextorum statuminum exuperantiæ. Id inquam minùs placet; tum quia gratis dictum, tum quia, licet in re verum esset; tamen in ipso raro, pororum per quos lux à perpendiculari refracta propagatur, non est maior scabrities, quàm eorum per quos in eodem raro iter est versus perpendicularem: quæro ergo rationem, cur potius illos quàm istos lux peruadat; cum *ex ante dictis*, ratio peti non possit ex parte ipsius medijs, nec ex parte determinationis ad motum parallelum.

Peculiare etiam aliquid habeo contra secundam sententiam; quod scilicet non satis aptè probet lineam lucis EF in 2 figura prop. 11 distrahi in VT se maiorem. Ratio enim, quam affert, quia scilicet est in materia tenuissima, non probat; quandoquidem non est maior in materia lucis, tenuitas secundum lineam radij transuersam EF seu KL; quàm sit in eadem, secundum lineam longitudinis CE vel DF: si enim aliqua admitteretur possibilis interruptio, non esset in diaphano continuo, motus agitationis continuus; utpote interruptus: & ita non posset ultra punctum interruptionis propagari, quia per saltum propagaretur; id est per partes medijs non motas, ac sine motu; quod est impossibile; & nihilo minus ex hac eadem sententia constat, totalis radij latus CEKN distractius esse, quàm DFLO, utpote longius; cum tamen non plures habeat partes lucis.

Propositio XXVI.

Lux in diaphanum effluuio emicat de lucido.

DVæ tantum in genere possunt esse causæ lucis seu existentia lucis in diaphano; altera est vniuoca, altera æquiuoca; id est ex vsu scholæ, altera eiusdem cum luce essentia, altera diuersa. Vniuocam à productione lucis causam excludit *prop. 16*, vbi ostensum est lucem non fieri propagatione, id est actione qua pars vna lucis aliam producat, &c. superest ergo vt, vi alicuius causæ æquiuocæ, sit lux in diaphano: & quidem causa illa æquiuoca necessariò erit lucidum aliquod; lucidum enim vocamus id omne quod lucem in se est: nec aliquid agnoscimus productiuum lucis ad extra, habens, lucis productiuum ad extra, quod non etiam in se lucem habeat. Et quia iam constat ex *propositione 24*, lucem non esse nudum motum; siue apparitionem motus à lucido propagati; sequitur esse aliquid solidioris entitatis: duobus autem modis tantum, intelligi potest quemlibet eius generis effectum à sua causa produci ad extra: primus est, ita vt ab ea extra ipsam accipiat primam existentiam, vt à verè efficiente in externo subiecto: secundus est ita vt ab ea, atque in ea seu in eius sinu accipiat primam existentiam; & mox ab eadem enitente, foras emittatur, vel sponte erumpat. Et quidem quando hoc ita fit, vt non totus in vnum compactus effectus vno nixu proferatur, vel exiliat; sed iugì fluore sicut è perenni fonte aqua exeat; dicitur effluuio exire, & vocabulo ad lucis naturam accommodatori, emicare.

Cùm itaque res sit euident, tertium effectiua productionis ad extra, modum excogitari non posse; necesse est alterutro ex illis duobus, lucem, à lucido produci in diaphano: at primus exclusus est *proposit. 14*, vbi ostensum est actionem immediatè ab agente physico pendentem, & in distans; esse impossibilem: superest ergo secundus, vt scilicet lux effluuio emicet de lucido.

Neque hìc locus ampliùs est obijciendi instantaneam totius diaphani illuminationem ad quamcunque distantiam; suprà enim videlicet *prop. 12* ostendi nullam esse aduersarijs hac de re certam notitiam, & *proposit. 13* ostendi illuminationem non ideo fore instantaneam, quòd ex hypothesi lux in motu, seu motus à lucido propagati apparitione consisteret. Imò quia iam, vt puto, euidenter ostendi, productionem lucis per effluuium; licet mihi subiungere sequentem propositionem:

Propositio XXVII.

Locali physico motu non instantaneo, sed successiuo, celerissimo tamen, lux per diaphana fertur quemadmodum reflexe, ac refracte, ita & directe.

Cum constet euidenti experientia lucem siue directam, siue reflexam, aut refractam, esse de nouo in hoc nostro aere, vel alio quouis diaphano & per propositione. 24 & 25 lux non consistat in motu seu apparitione motus: per precedentem autem sit aliquid à lucido ad extra exiens in diaphanum; sequitur lucem esse aliquid quod aliquando locum habeat in lucido, & de nouo locum acquirat in diaphano. At lux sine dubio locum vtrunque simul & secundum idem sui non retinet, ad modum rerum spiritualium cum ipsa sit quid corporeum, & materiale vt dicebam in fine, prop. 22; & consequenter legem sequatur rerum omnium sibi similium: locus verò vnus acquiri, alio relicto non potest nisi motu locali; in hoc enim consistit motus: ergo lux motu locali fertur per diaphana: lux inquam non solum reflexa, & refracta sed etiam directa; quia hæc ab illis secundum naturæ speciem non differt; sed est illæ eadem, cum sola accidentaria differentia motus reflexi, vel refracti; nam ex dictis ad primam, definit. lib. 3, & magis dicendis inferius prop. 30; secluso puncto reflexionis, & refractionis, totus lucis motus directus est.

Et quia motus localis instantaneus est impossibilis; quemadmodum & quod ex eo sequitur; videlicet mobile esse eodem indiuisibili instanti interminis à quo, & ad quem, ac in toto medio; necesse est successiuum dicere motum lucis; benè tamen licet eundem dicere celerissimum, suffragante experientia, qua constat nullum esse in tota rerum corporearum, natura celeritatem, celeritati lucis æqualem, saltem vulgò sensibilem (fortè enim aliquæ aliæ sunt ea non inferiores, vt effluuij magnetici) quod ipsum vt dicebam prop. 12 fundamentum fuit (licet non satis firmum) existimandi eam esse infinitam seu instantaneam. Igitur locali physico motu, non instantaneo &c. vt fuit propositum.

Difficultatem aduersus hanc sententiam posset adhuc fortè apud aliquos creare autoritas Aristotelis, oppositam disertè docentis & probare contendentis lib. 2. de anima cap. 7: quapropter ad omnem remouendum scrupulum; operæ pretium erit, si cum bona venia autoritatis, argumenta viri discutiam: quod & præstabo, postquam proposuero & exposuero quid ille de lumine siue de luce (puto enim hæc apud eum non distingui, sicut neque apud me; quantumuis aliqui de iisdem distinguendis nimium scrupulosè solliciti sint) sentiat; & quæ sit ei sic sentiendi ratio.

1. Itaque dicit lumen esse actum perspicui, qua ratione perspicuum est.

2. Per-

2. Perspicuum esse id, quod est quidem visibile, non autem per se; sed per alienum colorem, ut aerem, aquam, vitrum &c. Addit. Non enim aqua vel aer, ut est aqua vel aer, perspicuum est: sed quia natura eadem inest in his utrisque, & in perpetuo supero corpore.

3. Atque lumen quasi perspicui calor est, cum est perspicuum actu ab igne, vel ab huiusmodi corpore, quale est ipsum superum corpus.

4. Lumen neque ignis est neque omnino corpus, neque corporis est ullius defluxus &c. Sed est ignis, vel huiusmodi cuiusdam in perspicuo praesentia corporis. Probat autem 1, non esse corpus, sic. Fieri namque non potest, ut in eodem sint duo corpora simul. Et 2, probat esse praesentiam ignis &c. Sic. Videtur tenebris contrarium esse lumen; at tenebrae privatio sunt talis habitus, atque ignis vel corporis talis absentia à perspicuo; quare patet huiusce praesentiam esse lumen.

5. Contra Empedoclem, qui censuit lumen ferri, atque extendi inter terram & continens, nosque id ipsum latere, obijcit sic. Hoc enim & rationis metas egreditur, & est praeter ea nimirum, quae apparent: in paruo namque spatio motus fortasse lateret; sed ab ortu Solis ad occasum, tanti corporis motum latere; magna nimium profecto est postulatio.

6. Addit. Patet quod in lumine videtur esse colorem; quo circa sine lumine non videtur: haec est enim sanè coloris ratio, esse inquam eius motuum quod est perspicuum actu. Et postea. Sed color quidem movet perspicuum, ut aerem; ab hoc autem cum sit continuus, sensus instrumentum movetur. Et postea. Ab odore quidem, & sono movetur medium; ab hoc autem utrumque sensuum instrumentum. Et subdit. Simili modo res se habet in tactu, & etiam gustu, sed non apparet.

Ex his ego mihi videor posse colligere hanc esse doctrinam Aristotelis de modo quo fit visio tum colorum mediante lumine, tum ipsius luminis: nimirum in primis, ut color moveat perspicuum actu (puta aerem) & eo mediante organum visus; atque ita cernatur. Deinde ut perspicuum in actu, sit idem quod perspicuum illuminatum; quia dicit lumen esse actum perspicui. Demum ut perspicuum sit illuminatum hoc ipso quod in illo praesens est ignis, Sol &c. quia dixit talis corporis praesentiam esse lumen, sicut tenebras eiusdem absentiam.

Aristotelem igitur autorem quodammodo habet sententia superius num. 5 prop. 9 relata, quatenus haec, locali propagato per diaphanum motu cerni lumen dicit; quemadmodum Arist. asserit tum expresse de colore; tum consequenter de lumine cum addat lumen esse quasi colorem perspicui: quare ipsa Aristotelis sententia potest eatenus iisdem argumentis rejici, quibus illa reiecta est prop. 24 & 25; sed insuper quod lux nostra magis elucescat, necesse est diligentius discutere quidquid in modò commemoratis Philosophi propositionibus utcumque nubilosum est.

Ad num. 2, non video qui perspicuum (videlicet omne perspicuum ut defini-

definitio conueniat omni definitio) fit id quod est quidem visibile sed per alienum colorem ; nam primò certum est Aristotele etiam autore aerem esse perspicuum ; & tamen còstat eundem per nullum seu suum seu alienū colorem videri : quis enim vnquam vidit aerem ? 2, sicut fieri non potest vt audibile aliquod audiatur per sonum alienum ; gustabile gustetur per alienum saporem &c. ita neque vt visibile aliquod videatur per colorem alienum . Præterea quærenti cur aqua vel aer sit perspicuum, non puto satis idoneam reddi rationem à dicente, *Quia natura eadem inest in his utrisque & in perpetuo supero corpore* . Cùm enim perspicuum sit & intelligatur illud ; per quod seu trans quod aliud videri potest ; adhuc superest quærendum, quare superum illud perpetuum corpus (seu intelligat corpus cœlestre incorruptibile, seu quid aliud) sit perspicuum idest tale vt per illud videri aliud possit . Et ita, dicendo aerem esse perspicuum quia participat naturam perpetui superi corporis ; est eludere quæstionem, & quærentem deludere ; certè verò non satisfacere .

Ad num. 3 & 1. Si lumen est aliquo modo perspicui color ; & idem lumen est actus perspicui ea ratione qua perspicuum est ; eodem sanè modo erit actus quo est color, id est tam propriè dictus, & tam proprius perspicui erit actus, quàm propriè dictus, & quàm proprius eiusdem est color : ergo vel perspicuum, quod per lumen quodammodo est visibile, est visibile per proprium colorem, contra numerum 2 ; vel, lumen non est propriè dictus, nec proprius perspicui actus contra num. 1.

Ad 4. Si argumentum, quo probat lumen non esse corpus, vel corporis defluxum ; est efficax : probabit etiam, vapores & fumum non esse corpus ; similiterque vinum aqua mixtum in cyatho ; vel sanguinem in carnis minutissimis particulis : quia scilicet fieri non potest, vt in eodem sint duo corpora simul . Sed ego huic argumento, vt iam dixi *propof. 12* satisfaciā *prop. 29*.

Quòd si Arist. contendat lumen esse per totum perspicuum & in eodem cum illo loci puncto ; id sanè nondum probauit, nec probabit vnquam . Præsertim cùm ex *prop. 5* iam constet ab ipsomet aere &c. reflexionem lucis fieri: cuius rei rationem etiam reddam *prop. 40*. Argumento autem quo probat lumen esse ignis &c, præsentiam ; ex eo quòd eius absentia sint tenebræ ; 1 non probat lumen & perspicuum esse in eodem loci puncto simul. 2, Eodem modo & eadem vi probaret calorem esse præsentiam eiusdem ignis &c. quia similiter eius absentia est non-calor . Nec dicat esse, disparitatem eò quòd calor in manu superfit absente igne : nam vrgebo, quia absente eodem superest pariter lux in Liteophoro, vt centies expertus ipse sum ; & superest in ipsomet oculo absente Sole, vt patebit inspiciēti primum intenta acie Solem, & mox claudenti operientique oculos . 3. Si lumen est sola præsentia, ergo non est accidens de genere qualitatis ; vt tamen vulgò putant, qui se Aristoteli adhærere putant . 4. Si præsentia Solis

lis in perspicuo, est actus perspicui, seruata paritate, præsentia saxi in aere, erit actus aeris: imò quia tam præsens est saxo Sol, quam crytallo, aquæ &c. vtpote in loco secum, & sibi æquè vicino, &c. existenti; saxum æque ac crytallus, aqua &c. erit perspicuum, id est Solis æquè nobilitatum præsentia. 5. Quid quæso cōfert perspicuo ea præsentia ignis, Solis &c. quæ possit à colore moueri? an cōfert calorem? ergo æstare clariùs videremus, quàm hyeme, cæteris paribus. An tenuitatem? sed sanè crytallus & aqua retinent etiam Sole præsentem pristinam densitatem. Quid igitur? certè non video, nec ipse assignare poterit. Non ergo verum est, nec bene probatur lumen esse nudè præsertiam ignis, Solis &c. & multo minùs aptè, supponitur tenebras esse absentiā ignis, Solis &c.

Ad 5. Quod obijcit Empedoli, tanti corporis (nimirum luminis) motū & esse præter ea quæ apparet &c. & in tãto spatio ab ortu in occasum non posse latere; adeoque lumen non esse corpus &c. Seruata eadem argumenti forma, & vi, probaret æquè, ventum non esse corpus nec moueri; quia motus eius visum saltem latet, quin & auditum; quando est lenis auræ flatus; & nō nisi solo tactu deprehenditur; vel si etiā visu; non in se immediatè, sed solum in effectu: nec si fortè etiam tactum &c. lateret, bona esset consequentia, ergo omnino motus venti non est, aut ventus corpus non est: multa enim reuera esse negare non possumus; quæ tamen nullo sensu deprehendimus, verbi gratia, id quo canis feram odoratur quam peruestigat. Sed directè respondeo argumento aristotelico, pace dixerim, leui ac futili in re tanti momenti; & dico non bene obijci, esse præter ea quæ apparent; nam si putat esse positiuam aliquam apparentiam, qua certò constat non esse verè eum motum; manifestè fallitur. Si verò intelligit esse, solum negatiuam quādam apparentiam, quatenus scilicet non apparet ille motus, nec à vulgo deprehenditur; scit optimè Arist. ex pura negatione, apparentiæ non bene colligi negationem existentiae. ergo &c. Motum autè lucis non egredi metas rationis, ostendi ipsa ratione. Dico 2, motum lucis quamuis exiguæ atque in spatio satis paruo, non ita latere vt sensu ipso visus non percipiatur tam bene ac præcipitur motus venti, & plumbee glâdis tormento emissæ & aliorum similium: licet enim ea dum in motu sunt, minimè videamus propter motus celeritatem, vel tenuitatem ipsorum; effectum tamen cernimus, & ex eo agnoscimus tum esse motum, tum corporis. Ipsi Peruiiani, alijque apud Indos, aduenarum Hispanorum ictibus eminus petiti, licet mirarentur se percussos plumbo, cuius neque iactum neque motum viderant; non dubitarunt alicuius fuisse motum, & corporis; quod in vulneribus cernebant & inibi nasci non potuisse satis nouerant. Eodem prorsus modo licet non videamus lumen prout subest motui, ob eius mitrabilem tum celeritatē tum tenuitatem; cernimus tamen prout terminatum corporibus, in quibus scilicet, hætenus ostendi non aliter esse posse, quàm quia in ea perlatum est motu locali directo, reflexo

flexo, refractoue. Patet ergo id quod Arist. dicit lumen esse actum perspicui, & esse præsentiam ignis &c. esse solum verba & voces, vt egregie etiam aduertit Kepl. in appendice superius citata.

Propositio XXVIII.

Lucis naturam ex præcedentibus explicare, simulque assignare causam, unde illi motus indiscriminatum in omnes loci differentias.

Cum lux non consistat in simplici à lucido ad oculum propagato motu, seu in eius apparitione per prop. 24 & 25; nec sit in aere, crystallo, alioue diaphano, tanquam forma in suo subiecto physico per prop. 16, & sequentes usque ad 21; Sit verò aliquid à lucido diffusum motu locali per 26 & 27: necessariò inducenda erit aliqua nobis hætenus ignota substantia, tenuissima, quæ sit subiectum, ac vehiculum lucis; cum qua scilicet & in qua lux à lucido effundatur, effluat, impingatur, percutiat, repercutiatur, reflectatur, refringatur, &c. id, inquam necessarium erit, si sit lux forma quædam accidentalis, subiectumque exigit.

Attamen cum nulla sit ratio, quæ sufficienter probet lucem esse accidens maximè postquam ostensum est *suprà citatis locis* eam non gigni in diaphano in quo est; non video cur non facilè dici possit, lucem esse illam ipsam tenuissimam substantiam, quæ à lucido effluat, & absque alieno vehiculo, se ipsa ac innato impetu velocissimè feratur secundum lineam directionis, quam cœpit dum primùm è lucido exiliuit; ipsaque sit, quæ incidit, percutit, repercutitur, resilit, refringitur, absque superflua & nullatenus probata entium multiplicitate; quorum parsimoniam, cæteris paribus, amare debet sicut Natura ita Philosophus.

Et quidem si mihi nunc tandem dicere liceat quid sentiam de luce post magnam istam (sanè vt potui) accuratè, & cum maxima (vt oportuit) sensus aliàs minimè præoccupati indifferentia factam discussionem, dicam. Quemadmodum scilicet omnes Philosophi concipiunt purissimum vaporem ex aqua summè rarefacta, & attenuata extractum; substantialiter esse aquam; ita ego concipio lucem è flamma summè rarefacta, & attenuata extrahi, ac substantialiter non esse nisi flammam.

Fauet autem cogitationi huic meæ, sicut & illorum, quòd quemadmodum cernimus è plurimis per aera fusis tenuissimis (& visum frigentibus vaporibus) frigore coactis guttulas aquæ condescere, & adhærescere nitidissimo, verbi gratia, cyathò æstate pleno aqua, seu vino è niue aut aliàs frigidis; ita cernimus lucis radios à speculo reflectente, vel refringente in vnum coactos excitari in purissimam flammulam, quæ lignum amburat, lique-

liquefaciat plumbum, &c. quæ ad flammam pertinent.

Nunc in secunda propositionis parte difficultatem facere videtur; quòd flamma, vt experientia constat, semper nitatur sursum, adeoque si lux aliquid flammæ est; & ipsa quoque motum sursum pariter affectabit: & tamen cernimus ad omnes indifferenter lucem expandi locorum differentias. Sed satisfit difficultati; quia etiam vapores sursum, ac dextra læuaque funduntur per aerem, licet aqua, vnde extracti sunt, deorsum vergat naturali pondere. Ita non solam grauium, è quibus exeunt, inclinationem, sequuntur odorati halitus moschi, ambari &c. Ita spiritus magnetici nullam respiciunt loci differentiam; quantumuis è saxo ponderosissimo sint, & eiusdem cum illo naturæ, solo intercedente discrimine tenuitatis &c. Odores enim illos per aera quaquaue sursum sparsos, & magneticam vim tractiuam ferri, quin & istius reciprocam &c. huiusmodi, verè à suis fontibus effluuio exire, sicut lucem æquè facile probari potest argumento facto *prop. 26*; præsertim cum *ex 14* constet fieri ea non posse à suis principijs actione in distans. Quemadmodum igitur tenuissima quæque, propter ipsam tenuitatem, licet è grauibz orta, non tamen vni grauium loco ad dicuntur; ita neque lux, vni loco ignis aliorumque leuium connaturali.

Nec dicat aliquis esse disparitatem quòd halitus illi aquei, ambarici &c. ob tenuitatem euadant leues; leuitate autem ad alta superent: lux verò ob tenuitatem quam habet ignea maiorem; igne etiam ipso multò leuior sit; ac proinde multò magis quàm ignis loca superiora petere debeat inferioribus derelictis: quo posito nihil huc appelleret lucis: sed merè nos circumstarent tenebræ.

Respondeo enim non ponere me similitudinem in leuitate, cum neque à leuitate moueantur huiusmodi tenuissima corpora: nam si ab ea mouerentur, non mouerentur nisi sursum: at euident est moueri & sursum ac deorsum, & dextrorsum, ac sinistrorsum, & in quasuis loci differentias; nec magis inclinari in vnā, quàm in aliam. Sed similitudinem pono, & vim facio in tenuitate, quæ sit luci quemadmodum spiritibus magneticis, alijsque, ratio peruadendi loca omnia præsertim quæ liberos reperit meatus de quibus *prop. sequenti*. Et verò si prædicti spiritus ad quæuis loca indiscriminatim feruntur eodem propriæ naturæ impetu, nulla hinc renitente grauitate, nulla inde leuitate reluctante: quantò magis à leuitatis inclinatione (quidquid interim sit in rerum natura leuitas, de quo mihi nunc non est quæsitum) libera erit, atque ad motum in omnes loci differentias expedita purissima lux ob eximiam tenuitatem suam? cum aliunde vim habeat se mouendi sicut ignis habet; quod nunc quidem, vt rem satis certam suppono, aliàs si opus est, auxiliante Deo probaturus.

Interim tamen non præteribo tacitus, id quod mihi nuper obieciebatur, interrogando quòd abierit tanta lucis copia, quæ ab initio conditi orbis à Sole fluxu nunquam interrupto promanat implens omnia. Sed puto
me,

me satisfecisse alia interrogatione; nimirum quæro quò abierit tanta ignis copia ex tot ac tantis vbique terrarum tum à natura, tum ab hominibus inde orbe condito excitatis incendijs: quod enim aduersarius responderit de igne; respondeat idem sibi de luce, eò quòd exigua ignis scintilla maximæ, idest fusiſsimè expansæ luci æquiparatur sicut aquæ gutta vaporì longè diffusiori. Quid tamen respondendum sit vide inferiùs *proposit.* 44.

Propositio XXIX.

Lux in diaphano viam rimatur per eius poros, quos reperit idoneos, & ad motum sibi connaturalem accommodatos.

M Vltà hìc ad propositionis tum expositionem, tum probationem. complectar, adeoque numeros apponam ad distinctionem.

Primò. Duo nouimus opposita corporum genera; quorum alterum luci peruium, alterum imperuium est; hoc vocamus opacum; illud diaphanum: nunc autem inuestigamus cur in diaphano viam lux inueniat, in opaco minimè: & quidem cum constet *per prop.* 28 lucem vel esse corpus, vel alicui corpori inhærere, quod à nostris diaphanis multùm diuersum, cum ipsa pariter è lucido fluat, ac per eadem diaphana diffundatur; nec iam liceat concipere motum lucis, nisi vt motum corporis; vel cum motu corporis: hoc ipso constat poros in diaphano esse, per quos videlicet lux absque mutua sui cum diaphano penetratione, transmittatur; & insuper tales eos esse poros, quales in opaco non sint: si enim in opaco æquè ac in diaphano pori forent omnino similes; pariter per vtrunque luci transitus pateret.

2. Pori in quolibet corpore sunt vacuitates quædam, siue spatiola inter quaslibet plenas ac solidas partes, ni omni prorsus corpore inania, certè nihil continentia eius corporis in quo sunt. Siquidem talis corporum naturalium contextura est, vt non omnes eorum partes, iugi ordine & nusquam interrupto cum alijs vndique cohærent: sed quia hinc cohærent cum aliquibus, inde ab omnibus alijs diuelluntur; inter plures sic ab inuicem auulsas, remanent concauitates, vt in spongia, pumice, pane, alijsque cernere est. Et quidem in quolibet corpore quantumuis duro ac solido, etiam vitro poros esse experientiæ non pauca probant: ista in primis, qua constat in vitream lagunculam perpetuo vndique vitro clausam, nulloque relicto spiraculo, denique hermeticè sigillatam, excluso aere quo plena est, aquam immitti, ac iterum ex eadem pariter illæsa extrahi, non certè alia via, quàm pororum, qui soli in ea patent. Præterea poros esse in cryſtallo seu vitro per quos luci transitus pateat, istud meo quidem iudicio

dicio euidens, argumentum probat; quòd ignita crySTALLUS minimè diaphana est, nimirum propter poros igne ipso tunc completos, atque ita minimè peruios alienæ luci; vnde igne paulatim auolante redditur sua crySTALLO perspicuitas.

3. Iam verò quia non omnia corpora similem habent suarum particularum contexturam, nec similibus ordinibus digestam; nec consequenter similis est in omnibus dispositio pororum: sed in quibusdam pori sunt, vt in labyrintho, varijs itinerum ambagibus, occurribus ac recursibus implicati, anfractuosi, recurui aut etiam intersepti, qui præbeant aditum, transitum præcludant: in alijs autem solidæ quælibet particulæ relictis, vt dictum est, inter singulas spatiolis, recta serie, & æqualibus vndique interuallis, alijs atque alijs subinde ordinibus innumeris similibus disponuntur; & sic inter eas omni ex parte quaquauersum recti meatus patent, sicut in viridarijs ob directos in quincuncem ordines, quocunque te vertas rectam ambulationem inuenies.

4. Corpora fluida non omnia eodem modo se habent in motu, quo se per aliorum poros insinuant, vt in alteram partem transeunt: aqua enim, verbi gratia, cum otio transitum quærit in fictili nouo; & sic indiscriminatum, quæ datur exitus per hydriæ poros, siue obliquus, siue directus; urgente quidem, sed tamen otium dante naturali pondere, exit. Lux verò cum propter maximam suam tenuitatem, & simul maximum quo fertur impetum; quietem nesciat, dum libera est; & moram non pariat: si iuxta sui naturam impetus (qui vt *prop. sequenti* dicitur lineas motus rectas necessariò semper affectat) iter inueniat rectum, ac patens citissimè transilit; si obstructum offendit, resilit eodem impetu, etiam citissimè. Corpora itaque poros habentia directos, luci peruia sunt, cætera imperuia.

5. Sed inter ea, quæ peruia sunt, id interest discriminis, quòd aliqua poros habeant latiores, minutoribus scilicet interiacentibus partibus plenis; alia è contrà partes plenas mole maiores, adeoque incurrentes poros minutiores: quamuis fieri possit, vt partes solidas habeant plurimas sed mole exiguas, & pariter poros frequentes, ac minutos; vel contrà partes magnas & paucas, & consequenter poros paucos, eosdemque angustos; & fortè aliquando multitudo angustorum æquiualeat paucorum multitudini. Sed hæc in corporibus discrimina, sensus non discernit, etiam microscopio adiutus: tanta est Naturæ, in huiusmodi varia corporum contextura, subtilitas. Vt vt sit; vbi plures patent, vel ampliores pori directi cæteris paribus, plus lucis transmitti potest; eaque sunt magis diaphana corpora, per quæ maior cæteris paribus, copia lucis transmittitur.

6. Præterea ex ijs diaphanis, quæ lucis eidem radio transitum præbent, aliqua permittunt faciliorem, alia minùs facilem. Et quidem transitus in istis minor facilitas est propter angustias itinerum, seu pororum; eò scilicet quia lux è laxiori puta aereo in crySTALLINUM arctiorem porum illapsa, ob impetus vehementiam vi quadam se in illum ingerit, non equidem

iusta latitudinis radij mensura minorem; sed certè iusta, ac rigida, nullatenus maiorem; ac proinde latera eius, lateribus radij cum quodam sanè pressu & affricu strictim radit; eamque ob causã, vt in similibus contingere cernimus, in suo progressu nonnihil detenta, aliquantulum de celeritate motus remittere cogitur; retenta nihilominus impetus vi integra, vt pote natiua non mutuatitia; qua nempe se se ipsam iterum incitet, ac pristina restituat velocitati, vt primùm ex ijs angustijs elapsa, nacta fuerit ampliori in spatio facultatem motus liberiores.

7. Et quia in biuio latius patet spatium quàm inter septa vnus viæ; porus autem latera non habet vno vndique solidarum partium tenore perpetua; sed in eum alij similes pori frequentes incurfant, plurimæque cum illo efficiunt biuia, triuia, quadriuia &c. inde fit vt lux in poro progressa, nunc inter duas partes plenas hincinde prematur; nunc spatio liberiori gaudeat in biuio; atque adeo vt alternis motum præcipitet, cohibeatque plùs minùsue, prout in diaphano plùs minùsue plenarum est partium; siue quod idem est plùs minùsue densitatis.

Propositio XXX.

Rationem ex parte lucis reddere, cur ea motum rectum, ac per radios directos naturaliter affectet; & tamen eadem aliquando deflectat à rectitudine viæ, ac per radios fractos progrediatur.

Ratio hæc est. Quia lux sicut partes habet quibus constat, vt pore, diuisibilis; ita eas habet æquali præditas velocitate, vt pote homogenea: Et quia inter eas partes, quæ in fronte radij sunt; & primæ viam earpunt; nulla ex se est alijs tardior, nulla velocior; linea radij transuersa (cui nimirum dictæ illæ partes omnes velut eidem iugo subsunt) semper angulum rectum necessariò efficit cum utroque latere viæ iam decursæ, id est cum utroque radij latere. Quia verò reliquæ lucis partes, quæ primas illas sequuntur æqualem cum iisdem habent velocitatem; inde fit primò vt semper ipsis à tergo insistent & continuè succedant absque interruptione: secundo vt eadem prorsus via sequantur absque diuerticulo. Et hac demum ratione fit, vt luci naturaliter conueniat ac debeatur motus rectus videlicet per radios directos iuxta dicta lib. 3 ad 1 definit. Et cum hoc ita sit, ex opposito causa obliqui motus lucis seu causa fractionis radij ex parte eiusdem lucis, erit necessariò inæqualitas velocitatis partium quæ in fronte radij sunt. Quemadmodum cernimus vnum eundemque axem geminis, & æqualibus rotis delatum, in directum moueri; quando vna est vtrique rotæ velocitas: & è contrà, illum agi transuersum atque à viæ rectitudine deflectere conspiciamus; eò solum quia vna præ altera, celerius rota vertitur.

Ra-

Ratio itaque cur lux motu recto, & per directum radium connaturaliter, & aliàs non recto, seu per radium fractum fluat, etiam à pari, non alia esse potest (quantum ad ipsam attinet) quàm hinc æqualis in omnibus eius partibus ; inde autem maior in vna , minor in alia parte velocitas.

Dixi quantum ad ipsam attinet ; quia aliàs non videtur impossibile , vt radij curuentur per accidens , ob motum transuersum diaphani, per quod lux mouetur, sicut cum proportionem directio motus sagittæ , vel etiam plumbeæ glandis fistula explosæ vi ignis, detorquetur ob contrarium aeris motum ; sed lucis, quæcunque sit ea ex causa , incuruatio non poterit esse nisi valde exigua tum ob celeritatem maximam lucis, tum ob tenuitatem ; sicut cernimus glandis directionem multò minùs detorqueri , quàm sagittæ ob impetum istius multò minorem , & molem maiorem . Denique licet aliquando magna foret ea ex causa radij curuitas ; sensibilis tamen esse non posset , cum, vt patet, ne, sensibilis quidem sit ea, quæ sit ob refractionem in aqua , vel in crytallo, nisi aliunde id aduertamus : in aperto autem aere, vel æthere, vnde quæso errorem, si quis est, deprehendemus.

Propositio XXXI.

Rationem ex parte lucis reddere , cur parte vna radij ob difficultatem transitum retardata ; alia interim, etsi quodammodo libera sit ab hac difficultate, non tamen sociam deserat auolando ; sed ambæ simul ob inæqualitatem velocitatis mutant directionem priorem motus, & radium incuruent .

Dubitari fortè posset *aduersus partem secundam præced. propositionis* an. reuera propter velocitatem in vno radij latere maiorem , & minorem in alio, fieri possit in toto radio motus obliquus, seu non rectus : & ratio dubitandi erit . Quia primò partes lucis spontaneam, eamque facillimam habent separabilitatem ab inuicem, vt patet, quia quilibet radius in exiguæ sphæræ speculum conuexum incidens, reflectitur infinitis pene radijs in quos nimirum diuiditur, propter solam diuersitatem angulorum, quibus singulæ ipsius quasi filatim sumptæ particulæ feriunt speculi superficiem . Et secundò, quia lux, cum (vt nos ipsi diximus) sit aliquid homogeneum ; partes omnes habet æquali prædita impetu ad motum celerissimum : ex his autem fieri videtur ; vt si latus vnum radij ob diaphani contumaciam retardetur ; aliud interim latus sua sibi propria velocitate fruatur , ac pertranseat : hoc autem posito sequetur vnius radij directi non incuruatio sed dissipatio in duos directos .

Attamen quia *ex prop. 28* iam constat lucem esse corpus ; & quidem non incompactum quasi simplicem puluisculi tenuissimi congeriem ; sed pro

modo suæ summæ tenuitatis coagmentatum; vt est aqua, vt est aer, & flamma, aliaque huiusmodi fluida; sequitur quemlibet in quouis poro diaphani radium, partes habere continuas, & propter ipsam continuitatem sibi met aliquantulum cohærentes; ita vt ratione cohærentiæ, partes illæ quæ liberam habent facultatem velocioris motus, alijs quodammodo impeditam habentibus se se prout possunt fluendo accommodent ad continuum vnum omnium simul fluxum: possunt autem absque dispendio prædictæ societatis, & simul absque dispendio debitæ ob prædictam libertatem, velocitatis maioris; possunt inquam mutando solam directionem, motus, & efficiendo per lineas curuas tantundem itineris, quantum efficerent per priores rectas: sicut in duabus illis rotis de quibus præcedenti prop. dicebatur, intelligi potest.

Et insuper illustre ac satis idoneum huius rei exemplum cernimus, dum aquæ ex erecto perpendiculariter tubo, magna copia, ruenti subijcimus planum aliquod (quantumuis tenue) perforatum, & ad ipsam lapsus aquæ lineam inclinatum: tunc enim aquæ partes, quæ in planum vndique circa foramen incurrunt, reflectuntur (sicut de radij partibus circa diaphani poros in solidas partes incidentibus dicebatur *propof. 29 num. 4*) quæ verò partes foramini illabuntur; priorem, qua insiliuerant, directionem deferunt; & quidem omnes: nam omnes pariter transeunt refractè, nullæ directè: cum tamen aliquibus sanè guttulis seorsim à reliqua massa sumptis (illis nempe quæ pro data foraminis latitudine directum per illud transitum solæ inuenissent; vt aliquæ necessariò inuenissent) facilior sine dubio, & commodior foret transitus directus, alijs dimissis vt refractè transirent; vt patet quia sic non cogerentur recedere à naturali directione debita propriæ grauitati, cuius solius impetu mouentur, sicut & reliquæ: eas autem ita dimitterent, nisi facilius ipsis esset legem innatæ grauitatis violare, quàm continuitatis vnionem.

Euidentiùs ipsa cohærentia partium, causa est cur in suggrundijs, cum non magna vis aquæ stillat, stirijs minimè directis sed reflexis, guttæ decidunt nimirum non sufficiente singulis guttis pondere ad eas statim auellendas ab ijs quæ sicut intimiùs ita firmiùs adhærent ipsi iam imbutæ tegulæ. Eadem est ratio, cur aqua vel simile quid liquidum quando filtratur, ascendat aliquantulum supra libramenti sui Horizontem, tantundem scilicet, quantum ei permittit naturale pondus, vt obediatur cohærentiæ pariter naturali: nam quando ventum est ad eum terminum, in quo vis ponderis resistentis ascensui fortior est ligamine quo pars decidua aliam è vase secum trahit ad lapsum; fluxus quidem abrumpitur, nullis amplius decidentibus guttulis: sed ea tamen quæ iam labi cœperat aqua, retinetur in madido panniculo pendula, ne ab ea quæ in vase remanet, prorsus abscedat.

Ex his itaque, seruata proportionem, faciliè intelligitur lucis particulas, quæ in fronte radij sunt, dum is ex vno in aliud diaphanum penetrat; posse

se ita esse comparatas, attentis omnibus circumstantijs; vt quæ libera est, non discedat à compare irretita; imò nec vllatenus recedat saluo tamen semper iure, & facultate velocitatem sibi connaturalem retinendi, vel restituendi. Et ita rationem reddidi &c. vt erat propositum.

Propositio XXXII.

E physicis hætenus positis principijs rationem reddere, & modum explicare, quo lux è primo in secundum diuersæ densitatis, aut raritatis diaphanum obliquè se se insinuans refractionem suorum radiorum patitur.

IN primis quia lux, physico locali motu successiuo peruenit quælibet diaphana ex *prop. 27*; & diuersa quidem diaphana velocitate minimè æquali percurrit ex *prop. 29 num. 6*: si contingat, vt lux simul vno sui radij latere, in primo diaphano; & altero latere, in secundo diuersæ densitatis diaphano procedat: necesse est, vt simul vno latere velocius, & alio tardius moueatur; dummodo radij latus, cui libera conceditur velocioris motus facultas non auolet, pone se deferens socium latus, cuius interim motus est tardior. At quoties lux obliquè incidit ex vno in aliud diuersum diaphanum; toties accidit, vt simul moueatur vno sui radij latere in primo, & altero in secundo, vt statim demonstrabo. Ergo simul vno latere velocius, & altero tardius mouetur; dummodo (vt dixi) latus, cui libera conceditur velocioris motus facultas, non auolet pone se deferens &c. at non auolat neque deferit, cum ex parte ipsius lucis sit ratio cur non auolet, ac deferat &c. *per præcedentem*. igitur &c.

Et quia ex inæqualitate motus hinc tardioris, hinc velocioris consequitur curuitas in totali radij directione, *per propof. 30*, necesse est vt lucis ex vno in aliud diuersum diaphanum obliquè lapsæ radius curuetur. Radium autem curuari, refringi est, seu refractionem pati; *per primam definitionem*; quando scilicet ambæ radij vnius totalis partes angulum facientes adinuicem, non in eodem diaphano sunt; aut si sunt in eodem, angulos inæquales efficiunt ad axem incidentiæ *ex dictis ad eandem definitionem*. Et ita rationem è physicis &c. reddidi, ob quam lux refractionem radiorum patitur dum se ex vno in aliud diuersum diaphanum insinuat.

Superest tamen vt ostendam tandem id, quod paulò antè dicebam, lucem videlicet è primo diaphano in secundum obliquè lapsam, in vtroque moueri simul ac eodem tempore, non quidem secundum idem sui, cum hoc sit impossibile, sed vna sui parte; videlicet vno sui radij latere, in primo; alia autem parte, seu alio eiusdem radij latere in secundo: id autem demonstrando simul explicabo modum quo ea refractione fit.

Sumatur, vt *lib. 3 ad 3 posul.* sumpta etiam est, linea lucis EF, quæ

natis diaphanis ; & quocunque inclinationis angulo lux incidat. Atque ita modum simul & causam physicam refractionum lucis assignavi. Superest tamen dicendum & explicandum *sequenti prop.* aliquid pertinens etiam ad modum , videlicet via quam in raro terminus E decurrit versùs K ; & in denso terminus F versùs L ; vel reciprocè K versùs E , & L versùs F.

Propositio XXXIII.

Quando radius lucis ob difficiliorem in uno diaphano ; & faciliorem in alio transitum , curuari cogitur ; ita curuatur , ut ambo eius , quæ in superficie refractionis sunt , latera pariter curuentur flexu quodam hinc inde (id est in parte concava & conuexa) circulari circa unum centrum .

Spectata constructione diaphani poros habentis, ut *prop. 29* dictum est, directos ; & spectata natura motus cum impetu velocissimi ; videri posset lucis incidentis EF, terminum F in secundo diaphano denso sub A B à motus rectitudine non deflectere ; quantumvis tardius moueatur quam alius terminus E in raro ; vtrunque enim saluari potest , dicendo terminum E in raro describere arcum non sanè circuli, sed cycloidis, sicut cum proportionem dictum est *libro 3 ad 3 postul. in materia reflexionum paulò ante finem* de utroque termino lineæ EF.

Id quidem ita videri posset non considerata natura radij ; non autem, considerata. Nec valet simile à reflexione ad refractionem ; quia in ea, propter repercussum, nulla permanendi mora conceditur, & cohærentiam (de qua *prop. 31*) partium in radio, superat impetus : sed in refractione, permittitur transitus ; & ita permittitur , ut liceat luci transire, accommodare se se tum dispositioni motus , tum sibi. At lux quamvis radios habeat non rigidos , ac planè inflexibiles ; eos tamen habet naturæ tenacis, ac lentos propter dictam partium eius inuicem cohærentiam ; cernimus autem in huiusmodi lentis , cum ea incuruamus , ut in virga , arcu &c. curuitates in conuexo latere , & in concavo, similes esse , ac vniformes : & quando in omnibus secundum longitudinem partibus , æqualis adest hinc resistentia ad incuruationem , hinc cohærentia partium etiam æqualis , & vis incuruatric æqualiter applicatur ; cernimus dictas ambas curuitates , seu flexus , esse circulares , ut in chalibeo diligentissimè elaborato organo quod in horologijs mechanicis gestatorijs , primum est mouendi principium . Et reuera circulares esse eos flexus , atque etiam concentricos probat quòd partes (ut supponitur) & æqualiter omnes resistent incuruationi & non minus æqualiter omnes sibi inuicem cohærent , & vis incuruans æqualiter vrget omnes . Idipsum autem in lucis radio , eò magis locum habet,

habet, quò negare non possumus eam esse in se homogeneā tum quoad resistētiā aduersus incuruationem; tum quoad partium coherētiā; tum denique quoad impetum, qui solus (propter sibi negatam liberam transitus facultatem) est causa incuruationis. ergo totalis incuruati ob refractionem radij: latera duò opposita CN, DO, quæ in eodem plano refractionis sunt, flexum tum in EK, tum in FL, circularem exhibebunt. Quod verò vnum sit flexus vtriusque centrum, vt M fatis probat ipforum laterum parallelismus. Ergo radius refractione, ita incuruatur, vt ambo &c. vt fuit propositum.

Propositio XXXIV.

Si duæ fiant refractiones duorum radiorum, ab eodem primo diaphano ad idem secundum, non eadem inclinatione incidentium; vt sinus anguli inclinationis ad sinum anguli refracti in vna refractione; ita sinus anguli inclinationis ad sinum anguli refracti in alia.


SIt, vt *prop.* 32, radius CEF D, qui è raro in densum incidat angulo inclinationis quocunque SFD; & angulus illi respondens refractus sit RKN: alius verò quidam radius ipsi CEF D similis, incidere cogitetur ex eodem raro in idem densum, angulo alio inclinationis maiori, vel minori, quàm sit SFD; & refringi angulo etiam aliquo refracto. Dico sinum huius qualiscunque cogitati inclinationis anguli ad sinum anguli refracti eidem respondentis, esse vt sinum anguli SFD ad sinum anguli RKN.

Supposita constructione propositionis 32, priusquam ad rem veniam duo sunt breuiter demonstranda ad faciliorem methodum. Primum est angulum EFK æqualem esse angulo inclinationis SFD: ac etiam angulum LKF æqualem esse angulo refracto RKN. Demonstratur autem sic. Quia KFS, EFD ambo recti, æquales sunt; sublato communi angulo SFE, residui EFK, SFD sunt necessariò æquales. Et similiter; quia RKF, NKL ambo recti, æquales sunt; sublato communi angulo RKL; residui LKF, RKN sunt necessariò æquales. Alterum est connexam EL æqualem, esse ipsi KF: & angulum FEL æqualem esse angulo LKF: ducatur enim recta LE, chorda nimirum arcus LF, centrò M descripti inter duas semidiametros EM, KM: erunt ergo anguli KLF, EFL æquales: & quia EF, KL sunt per constructionem æquales; in duobus triangulis FKL, ELF habentibus latus vnum KL, vni EF æquale; & alterum commune videlicet rectam LE; & insuper angulum vnum vni æqualem in F & in L; erit etiam basis EL, æqualis basi FK; & angulus E, angulo K æquales per 4. *elem.*

Nunc ita demonstratur propositum. Quia EF est linea lucis in raro;

& KL est eadem propagata in denso *ex dictis prop. 32, & 33; per eandem* verò 32 tempora motuum in arcubus FL EK, sunt inuicem æqualia in hac refractione; ita erunt etiam æqualia inuicem alia duo, in alia refractione. Et quia diaphana utrobique sunt eadem, erit ob eandem raritatis, ac densitatis proportionem, sicut arcus EK ad arcum FL in hac refractione, ita & in alia: & consequenter sicut KY sinus arcus KE, ad LQ sinum arcus LF in hac refractione; ita & in alia. At KY est etiam sinus anguli inclinationis; & LQ est etiam sinus anguli refracti; igitur &c. demonstratur autem hoc supsumptum sic.

Centro F, interuallo FK describatur arcus KZ, secans ME productam in Z; erit ergo KY sinus arcus KZ: similiter centro E, interuallo eodem FK describatur per L (iam enim demonstratum est EL, FK æquales esse) arcus LX secans eandem ME in X; erit ergo LQ sinus ipsius LX. Et



quia hi arcus *per constructionem* sunt circulorum æqualium, cum sint descripti ad æquales semidiametros EL, KF; sequitur ipsos KY, LQ se habere ut sinus ad sinum in eodem circulo. Et quia *ex demonstratis* angulus YFK (seu EFK) æqualis est angulo inclinationis SFD; sequitur KY esse sinum anguli inclinationis SFD. Et similiter, quia *ex demonstratis* angulus QEL (seu FEL) est æqualis ipsi LKF, & consequenter etiam angulo refracto RKN, qui *ex demonstratis* eidem LKF æqualis est: sequitur LQ esse sinum anguli refracti RKN.

Quia verò idem eodem modo potest in alia refractione demonstrari, sequi-

sequitur ita esse sinum anguli inclinationis ad sinum anguli refracti in vna refractione; vt est sinus anguli inclinationis ad sinum anguli refracti in alia, quando è raro in densum incidit radius.

Ac demum quia per prop. 2. reciprocum est lucis incidentis, & refractæ iter per easdem incidentiæ, & refractionis lineas ad communem diaphanorum superficiem inclinatas; sequitur etiam quando radius è denso in rarum incidit; ita esse sinum anguli inclinationis, ad sinum anguli refracti in vna refractione; vt est sinus &c. in alia. Ergo vniuersaliter, si duæ fiant refractiones &c. Vt fuit demonstrandum.

Propositio XXXV.

Rationem reddere, ob quam lux è raro in densum obliquè incidens, refringitur ad perpendicularem, & è contrà à perpendiculari, cùm è denso in rarum incidit.

Quia linea lucis EF è raro incidens in densum (*iuxta præcedentem constructionem*) qua parte priùs ingreditur densum, nempe ex parte F, tardiùs mouetur, ex altera verò nempe E velociùs; ex dictis prop. 32: breuior est linea motus FL, quàm EK; ideoque totalis radij CNOD, latus DO breuius est quàm CN: & consequenter curuitatis flexus interior seu concauus, est in latere DO; conuexus autem in CN: ac proinde radius ipse flectitur ad partes, quæ sunt inter lineam incidentiæ DF productam (vt est FI prop. 11) & axem refractionis FG, id verò ex 10 definit. est restringi ad perpendicularem.

Vice versa, quia linea lucis LK, si è denso in rarum incidat, qua parte priùs ingreditur rarum, nempe ex parte K, velociùs mouetur; ex altera verò, nempe L tardiùs; longior itineris linea KE est in totalis radij latere NC; breuior autem LF, in latere OD: ac proinde illud longius est latus, istud breuius. Ergo curuitatis flexus concauus

in isto est, in illo conuexus. Et consequenter ra-

dus ipse flectitur ad partes, quæ ab axe refra-

ctionis, vt FS, auersæ sunt. Id verò, ex

eadem 10 definitione est refringi à

perpendiculari. Et hæc est

ex parte lucis ratio

propositi ef-

fectus.

Propositio XXXVI.

Rationem reddere, ob quam ex incidentia perpendiculari, nulla fit lucis refractio.

EX ijsdem principijs facillimè redditur ratio rei propositæ; hæc nimirum, quia in incidentia perpendiculari nunquam accedit ut lux in duobus simul diaphanis secundum eandem sui radij transversam lineam, moueatur: hinc enim fit, ut non possit ex vno latere velocitas motus esse maior, ex altero minor. Si enim à lucido PS in *præcedenti figura*, linea lucis propagata KF directum radium $PKFS$, producat perpendicularem ad AB ; & ita, etiam ipsa perpendiculariter incidat in AB ; eodem instanti temporis pariter secundum omne sui, incipiet è raro in densum progredi sub AB (posito quòd porum latitudine sibi æqualem inueniat, alias enim secundum aliquid sui resiliret reflexè) ac proinde eodem etiam instanti temporis tota pariter velocitatem maiorem, quam in raro habuit, mutabit in minorem in denso; unde æquatis ex utroque termino, progressionum momentis, radium directum, ad AB perpendicularem $KRGF$ efficiet in denso sicut $PKFS$ in raro: ac proinde radium vnum; non fractum, idest constantem duobus directis angulum continentibus; sed simpliciter directum in utroque medio efficiet: id verò est non refringi, ut patet *ex prima definitione*.

Monitum.

Cum dicitur radium perpendiculariter incidentem non pati refractionem, intelligendum est sensibilibiter, non autem (saltem semper) geometricè. Nam in physicis (qualia sint nostra diaphana aer, aqua, crySTALLUS, ipsaque etiam lux) neque superficies mathematicas habemus, neque lineas, aut puncta; sed quidquid in eis est, physicum est: unde accidere potest aquam ita terminari, vel crySTALLUM ita cædi, ac poliri, ut eius meatus, per quos lux se infinuet, nulli sint ad eius superficiem geometricè perpendiculares: sed si illi desint, non deerunt sanè *ex dictis propos. 29. num. 3*, qui sensibilibiter perpendiculares sint; quorum videlicet à geometricè perpendiculis discrimen ne lynceus quidem oculus notare possit: & ita, lucis per eos meatibus, non fiet refractio, quæ sit vlllo modo sensibilis.

Neque puto eos, qui alias hactenus sequuti sunt de physicis refractionum causis sententias, potuisse tales ijsdem præscribere geometricas leges, ut eas ipsæ in actu practio inuiolabiliter, & ad amissim rigorosè seruaerint: leges quidem præscribere licet; & causas physicas ac subiecta, quæ se

se illis ad nutum accommodent pariter licet supponere, in abstracto inquam supponere, at exhibere in actu, vel operi admouere, non perinde est possibile.

Demum qui hoc theorema inter postulata reponunt, vt & ego initio reposui; non alio sensu intelligunt saltem implicitè, licet id non exprimant; aut si intelligant sensu quodam altiori, vt geometrico illo; ego non immeritò ab eis exposcam, vt qui effectum physicum legibus mathematicis, ac proinde à materia abstrahentibus, geometricè conformem volunt; causas eius physicas inueniant à materia abstractas, & subiecta pariter abstracta: cum autem id impossibile esse viderint; fateri sanè congentur proposito theoremati (vt & alijs similibus, tum ad lucis negotium, tum ad res alias quilibet physicas pertinentibus) sufficere in re physicam sensibilem cum geometrica lege conuenientiam; geometricam verò solùm posse exigi in abstracto.

Propositio XXXVII.

Rationem reddere, ob quam ex maiori in eodem raro inclinatione ad idem densum, vel è contra; maior fiat refraction, & minor ex minori inclinatione.

Ratio præcedentibus omnino similis est; quia nimirum, quò maior est inclinatio, eò maius est temporis interuallum; quod est inter inchoatum, & completum ingressum tum lineæ lucis EF, è raro in densum; tum LK è denso in rarum: ac proinde eo maior etiam est itineris EK ad FL, siue KE ad LF proportio: hinc autem curuitas maior, vt ex dictis euidentis est: &c. igitur &c.

Corollarium.

Hinc iam eodem modo redditur ratio, ob quam ex eadem in eodem raro inclinatione ad densius, maior fiat refraction; & minor ad minus densum; ac è conuerso ex eadem in eodem denso inclinatione ad rarius sit etiam maior refraction; & ad minus rarum minor.



Propositio XXXVIII.

Rationem ex parte lucis reddere, cur ad quandam inclinationem tale sit lucis iter, refractè è denso per rarum; ut reciprocè non possit esse idem ex eodem raro in idem densum; & cur ad alias inclinationes sit semper via reciproca.

Constat iam ex prop. 2 iter esse luci reciprocum per quolibet duas lineas angulum in puncto refractionis facientes cum superficie refringente, seu cum plano eam contingente: constat etiam ex coroll. 2 prop. 3 angulum in raro refractum ex quadam in denso inclinatione, rectum esse; ac tunc lucis intrantis, & exeuntis iter non esse reciprocum.

Nunc autem utriusque rei rationem reddo ex parte lucis, dictus itaque angulus refractus ideo aliquando rectus est quia aliquis est in denso angulus inclinationis, ex quo terminus lucis, ut K in proximo antecedente schemate, prior ingressus rarum; perficit motu suo integrum in raro quadrantem pro flexu KE eo præcisè tempore, quo alius terminus L decurso etiam suo quadrante pro flexu LF in denso, egreditur in rarum; tunc autem necessario linea lucis EF in raro, est parallela axi refractionis: & consequenter radius in raro deinceps propagatur ad eundem axem perpendicularis, ac per lineam (ut loco citato dixi) in raro continguam denso. At hoc posito euidentis est ex dictis prop. 1 luci per dictam in raro continguam denso lineam ingredienti à B in D in figura prop. 3, exitum esse, per eandem ulterius productam à D versus A: & consequenter non per D E, vel per aliquam aliam, quæ sit in denso; atque adeo iter tunc intrantis & exeuntis non esse reciprocum; cum intrantis per ED fiat refractionis in D B; intrantis autem per BD non fiat refractionis; at non fit refractionis, quia nec fit incidentia.

Quoties verò aliqua duarum linearum in duobus diaphanis ita se habent; ut angulum faciant cum superficie refringente, siue ambæ in denso (in quo est linea incidentiæ iuxta propo. 3 & 6) siue una in denso, & altera in raro; si ex una per aliam sit refractionis intrantis, fiet & reciprocè exeuntis: quæ siue linea lucis EF in figura prop. 34, angulo inclinationis SFD ex aere, crystallum ingrediatur; siue è contra linea lucis LK, angulo inclinationis RKN è crystallo in aerem exeat; erunt reciprocè æquales arcus KE & LK, & FL conuerso ordine; cum sint utrinque temporum intervalla æqualia, & æqualis hinc velocitas, inde tarditas. Eadem autem est ratio in alijs quibuscunque lineis incidentiæ, & refractionis, quæ angulum, ut dixi, faciunt cum superficie refringente.

Propositio XXXIX.

Rationem ex parte lucis reddere, ob quam ipsius lucis è raro in rarum idem, per intermedium densum (cuius ambæ superficies planæ inuicem æquidistant) exeuntis angulus secundò refractus, est æqualis angulo primæ inclinationis.

ID quidem demonstratum est *prop.* 4; & causa eius, quæ ex parte lucis est, facile ex dictis intelligi potest; si hoc vnum, quod dicturus sum addatur, videlicet impetum, quo lux mouetur ipsi esse ab intrinseco iuxta dicta *prop.* 28; vnde licet in secundo diaphano denso priorem, qua in raro mouebatur velocitatem remiserit; potest eandem in tertio diaphano raro, in pristinum restituere; quod non posset, si vis ad motum esset illi ab extrinseco impressa: sicut enim lapis impetum sibi à proijciente impressum non potest extinctum, aut fractum excitare, vel debilitatum reficere; ita neque lux posset si à vi solum extrinseca moueretur; poterit autem si ab innata: quemadmodum lapis si ex aere in aquam, & ex aqua iterum in ei subiectum aerem (si subiectus supponatur, aut quid simile) innatæ grauitatis pondere moueretur, motum in aqua retardatum, posset iterum in subiecto aere accelerare.

Simili modo reddetur ratio eorum quæ *prop.* 7, & 8 continentur.

Propositio XL.

Rationem reddere, ob quam radius quicunque incidens ex vno in aliud non solum diuersæ, verum etiam omnino similis densitatis diaphanum; partim ingrediatur secundum; partim in primum reflectatur; atque eatenus in omni refractione minuitur ac debilitetur.

Ostendi *prop.* 5 radium non totum, qui è primo diaphano incidit progredi in secundum; sed siue è raro in densum; siue è contrà incidat; semper aliquam eius fieri reflexionem. Ex dictis autem ratio huius rei est: quia duo diaphana sibimet contigua si sint diuersa, quemadmodum non æqualem habent densitatem, ita nec pororum latitudinem, & fortasse neque figuram; etiam si aliunde supponantur parem habere eorundem perimetrum: hinc autem fit poros quoslibet vnus, non ita ex æquo respondere quibuslibet poris alterius, vt omnino liber sit ab vno in aliud transitus è quolibet poro primi diaphani per aliquem ei respondentem in secundo

secundo diaphano. Nam à parte vna solida ori vnus subiecti pori saltem partim superposita, os ipsum partim obstruitur. Sicut si cribra duo diuersorum, vel non pariter frequentium, vel non eodem modo ordinatorum, licet aliàs æqualium; vel si incernicula duo alterum setaceum, alterum bombycinum, siue etiam ambo setacea sibimet applicarentur; non tam facili per duo simul, quàm per vnum, transitus pateret frumento, aut farinæ: ea nimirum de causa, quòd in primo meatus aliqui vel omnino vel in parte ocludantur à secundo ipsi supposito. Ita seruata proportione contingit luci per diaphana sparsæ, cum ex vno in aliud incidit; vt scilicet in secundo semper aliquid offendat solidi, à quo & reperiatur; etiam si vtrique diaphano eadem sit & compages, & densitas: vt cum duæ planæ crysalli ex eadem pariter massa excisæ, & æqualiter politæ, sibi sunt conuigæ: licet enim ex vna in aliam non fiat refraction; sed id lucis quod per vtranque transit, rectà pertranseat; non tamen id totum, quod ex vna in aliam incidit eandem pertransit: sed aliquid in primam reflectitur; imò multo ampliùs & viuidiùs, quàm si loco secundæ crysalli esset aer (vt facile erit cuius experiri) ampliùs inquam & viuidiùs; nimirum ob prædictam rationem: cum enim secunda crysallus minùs crebros habeat poros, vel minores quàm aer; magis quàm ille transitum luci præcludit: ipsa verò lux secundùm eam sui partem, qua transitum sibi negatum offendit; resilit statim ob innatum impetum, quo & fit vt sisti non possit.

Propositio XLI.

Rationem ex parte lucis reddere ob quam radius angulo quodam incidens è denso in rarum non igrediatur idem rarum; sed in denso ex quo incidit refringatur,

Constat ex *prop.* 3 & 6, id ita esse; cum ibi ostensum sit radium ED è crysallo non refringi in aere, sed in eadem crysallo vt per DT. Ratio autem cur ita res habeat; facile redditur ex dictis *prop.* 3 2, & 3 5 de velocitate maiori, qua mouetur in raro terminus lineæ lucis K prior è crysallo exiliens: cum enim eò priùs exeat K quàm L, quò maior est obliquitas incidentiæ; contingit vt pro ratione densitatis ac raritatis diaphanorù, & pro ratione obliquitatis incidentiæ, terminus K motu illo suo velociori circa centrum M (siue aliud ipsi simile) præcurrerit arcum quadrante maiorem antè quàm L exeat è crysallo; quo casu linea lucis è poro in porum com meat intra eandem crysallum, & commeans aerem quidem allambit; sed non vltiùs progreditur. Et quidem id ita fieri conuincit tum experientia, tum ratio quam dicta *prop.* 3 attuli: sic autem fieri ob hanc, quam modò dixi rationem; alia probat experientia; nempe quia si loco aeris esset aqua aere densior, sed rarior crysallo, prædictus idem radius E

D, in figura propof. 3 vel 6, è cryftallo incidens in aquam, ingrederetur; quandoquidem lucis terminus K, in figura propof. 32, prior egressus è cryftallo, & in aqua circulum suum agens, non satis haberet otij ad dictum arcum quadrante maiorem precurrendum, antè quàm L è cryftallo egrederetur; tardiùs enim in aqua moueretur, quàm in aere ob rationem dictam propof. 29 num. 6. Ergo à contrario ratio cur aerem non ingreditur, sed regrediat in cryftallum est, quia is terminus satis habuit otij, &c.

Propositio XLII.

Rationem reddere ob quam non fit refractio viuidè nisi vtriufque diaphani superficies sit polita; sicut & cur languidè fiat reflexio ab impolito speculo.

Commune id est reflexæ, ac refractæ luci, vt neutra viuida fit, nisi superficies seu reflectens, seu refringens polita sit; & pariter vtriufque ratio physica est hæc. Quia in superficie rudi atque impolita (loquor hic de superficie prout ea physicè est in diaphano, seu speculo, terminus partium eius; id est partes eius illuc vsque, & non vterius extensæ.) Primò id quod plenum est seu solidum, scabrum est & facieculas habet plurimas huc illuc in incertum inclinatas (sicut in fracti pumicis frusto videre est) quæ consequenter lucem incidentem huc illuc vagè & sparsim reflectunt; ideoque licet ab impolito (quantumlibet inquam impolito) corpore reflexio lucis fiat; lux tamen ita reflexa, propter dissipatos seu vagè emissos radios, minùs viuida est.

Secundò in impolita superficie, ipsa quoque porulorum oscula, seu osculorum labella circumcirca inæqualiter derasa sunt, ac dilatata in modum specus grandioris; proptereaque ad quodlibet huiusmodi os ita latum, ac profundum simul & scabrum; ob eam ipsam amplitudinem, est iam non os pori sed superficies; & quidem irregulariter ac variè secundum varias partes inclinata, in qua plurimi alij pori sua oscula pandunt; atque inter ea partes sunt solidæ, & ipsæ pariter scabræ.

Inde autem fit vt lux incidens in huiusmodi os pori latius in superficie impolita patens, partim reflectatur quia partes solidas in eo offendit (imò quia scabras offendit, vagè etiam, vt dicebam reflectatur) partim oscula minora in illo ampliori patentia subingrediat; sed quia illa in varias sine ordine partes obuertuntur; sicut superficiecula in qua sunt, ad varias sine lege partes inclinata est; inde fit, vt in eadem tumultuariò lux ingrediat, & quæ patent, ac transitum præbent; vagè ac sparsim progrediat, adeoque non viuida refringatur.

Si igitur ex aere in cryftallum impolitam lux incidat; languida erit refractio, ob defectum polituræ in cryftallo: si verò ex eadem cryftallo impolita,

polita, lux incidat in aerem; erit nihilominus languida refractione ob defectum polituræ in aere. Aer enim cum propter maximam suam fluxibilitatem, ac tenuitatem aliena facilius, quam sua figura terminetur, terminatus ab impolita crystalli superficie defectus eius in se omnes recipit, & fit etiam idem hoc ipso impolitus. Et quia ex dictis *prop. tum 5, tum 40*, aer crystallo subiectus reflectit; si rudem habeat superficiem, imperfectè id est confusè reflectet: & eadem ratione, quam refractionem faciet impolitus, imperfectam & confusam faciet. Atque ita patet ratio cur minimè viuida sit lux refracta; nisi vtriusque diaphani superficies, in qua refringitur, sit polita; itemque cur languida sit reflexa à speculo rudi, ac impolito; ut fuit propositum.

Propositio XLIII.

Rationem reddere ob quam regulatè fit refractione, cum diaphani superficies refringens certa lege polita est.

Impolitæ superficiei vitia emendat polita; eoque facilius emendat, quò perfectius, & lege meliori polita est: nam primò id omne quod in ea solidum est, ac plenum, æqualiter ita læuigatum est, ut nihil emineat, nihil subsidat, etiam minutissimum; quando, inquam, perfectè polita est. Secundò (quod ex primo sequitur) id etiam quod in ea vacuum est, videlicet quodlibet os pori in ea patens, sic exquisitè & æquabiliter vndique exactum est; ut latiscula eius labellæque maneant prorsus inoffensa; & porus (qui sit veluti tubulus quadrangulus rectangulus, ad extimam politæ crystalli, verbi gratia, superficiem planam rectus) os pandat figuræ perfecti quadrati; inclinatus parallelogrammi rectanguli, aut rhombi, aut rhomboidis, prout inclinata sectio, diuersimodè in angulos, aut latera, incurrit. Vnde si polita superficies habeat præterea regularem aliquam, & vniformem figuram; erunt hoc ipso porulorum ostiola vno quodam modo æquabiliter, & aperta & exposita luci irruenti: hoc autem dato; & aliàs iisdem porulis omnibus intra diaphanum recto ordine ut *propos. 29 num. 3* dictum est quaquauerfum digestis; omnino ordinatè lux & ingreditur, & progreditur, cum etiam ipsa suis in progressionibus certissimam ex parte sui semper seruet legem; ut videlicet *ex prop. 30* secundum lineas rectas; & radijs directis moueatur: natura verò utpote suis semper astricta necessitatibus, si adsint omnia legitimè disposita, pariter legitimè opus suum perficiat.

Propositio XLIV.

Rationem reddere, ob quam amoto lucido vel interposito opaco, statim lux intercedat & evanescat.

LVcem quidem à lucido pendere, vulgus existimat non solum in fieri sed etiam in conseruari; eamque interire defectu conseruantis quando interponitur aliquid opacum; eò quod influxus lucidi nec possit per opacum penetrare, nec circa eius latera per lineas curuas dirigi. Sed non satis video, qua ratione id consequenter dicatur ab ijs, qui communissimè putant nullum esse luci contrarium positium.

Si enim à contrario extrinseco nullum metuitur periculum; non erit necessaria lucidi continua operatio, velut defensorium, & benignus quidam influxus, aduersus contrarij vim malignam: neque etiam necessaria erit tanquam fomentum, quasi ab intrinseco periculum impenderet luci: ea enim sicut & aliud quoduis ens præsertim simplex, nullam in se continens contrariorum elementorum luctam, ita intrinsecè comparata est, vt certissimè non sponte sua ruitura sit in interitum: aliunde verò subiectum in quo pulchra adeo & eximia forma semel suscepta est, non eam repudiabit amore alterius pulchrioris, aut nobilioris; præterquamquòd subiectum, quò subiectum est, non est actiuum; sed solum passiuum cum omnimoda ex parte sui indifferentia ad quamlibet formam. Ergo ad lucis iam à lucido genitæ perennitatem tuta omnia sunt & ab extrinseco, & ab intrinseco malo, absque ipsius lucidi perenni efficienter conseruatio influxu: ad quid ergo luci huiusmodi influxus? qui alijs physicis effectibus necessarius non est, nisi ad summum is, qui solum indirectè vocari potest conseruatiuus; qui nimirum in sola expugnatione contrarij perpetuò impugnantis consistit. Hac itaque tum ex modò, tum ex alijs dictis reiecta effectus nunc propositi causa tanquam parum philosophica; istam ex principijs hætenus positis substituo multò conuenientiore.

Quia per prop. 26 lux effluuio exit; idem de illa, multa cum ratione, dici debet quod cernimus in alijs effluuio pariter exeuntibus è suis principijs seruata nihilominus proportionem & celeritatis fluxus, & tenuitatis subiecti fluentis. Quemadmodum igitur in quibuscumque ludicris arte quadam subsilientis vel extrusæ aquæ iactibus (quales Tusculi & Tibure mirabiles cernere est, quas *Girandas* vocitant) verso tantum epistomio, tota moles erecta aquæ ruit, nec succedit alia: imò si benè aduertis ideo ruit; quia nulla succedit, quæ à tergo vrgeat. Ita luci accidit, vt ex oculis penitus auferatur, quando ob interpositionem opaci nulla præterlabenti succedit.

Sed vt aptior sit similitudo; cogitemus aquam labi per tubulum in decliui positum A E, qui in A fontem excipiat, & in B habeat epistomium; aperto epistomio fluat aqua ex A per B in C atque ita deinceps in D &c. perenni

renni fluxu: clauso autem epistomio; etsi fluat ab A in B, tamen ultra B non profluat: quæ verò iam exiuerat (priusquam repagulum poneretur) à B in C fluat, (suppono enim rem ita esse dispositam, ut nullum sit periculum

A B C D E

vacui, quò liber sit fluxus) ac successiuè à C in D, & hinc in E &c. nulla, alia subsequente: neque ullus hoc miratur, quia cernit motum; nec dicit aquam in tubuli parte B E deficere ob impeditum epistomio influxum, fontis quasi efficienter conseruantis aquam in B E prius productam; sed verò tanquam suppeditantis continuè nouam ac nouam aquam.

Non dissimili sanè modo; si ponatur lucidum in A intelligitur fluere, lucem per radium A E; & posito aliquo opaco in B refruere, seu reflecti id lucis quò deinceps perueniet ab A in B; nec vllatenus posse profluere ultra B versus C. Id verò lucis, quod tempore interpositionis opaci, præterierat B; prosequi suum fluxum à B in C, & à C in D &c. quamuis nos eius motum oculo non possimus notare ob eius celeritatem, sicut nec plumbeæ glandis scolpo emissæ.

Præterea aquam prædicto iam tabulo egressam, & ut sæpe contingit ipso lapsu aut subsultu sparsam in guttulas, vel etiam effusam terra forberi cernimus, nec miramur, vel inquirimus quò tandem abierit: de luce autem à me aliquando quæsitum est quo abierit, in quid versa, an prorsus annihilata fuerit quæ prius erat, ubi postmodum sunt tenebræ. Et in promptu est responsio; lucem quæ non tantum nobis utilis est ad beneficium visionis; sed omnibus etiam in tota natura corporibus conceditur ad fomentum caloris, in eorum poris tandem post varias reflexiones, & refractiones intercipi, ac sisti, siquæ sicut in poris ferri sistuntur & figuntur spiritus ignei; licet initio nondum cerni à nobis possint sed solum quando magna est eorum in ferro copia, cum scilicet iam ferrum aliquo modo incanduit: ita lux (quam *prop. 28* dixi naturæ esse igneæ, poris corporum quorumcunque inhærescens, visu non percipitur nisi & sit magna copia in ijs poris, & ab ipsa copia etiam quadam sensibili emicans ad oculos perueniat.


Atque hanc puto germanam esse causam; cur lucem ad Solis (ac etià lucernæ) radios conceptam retineat aliquo tempore Litheosphorus, ac in obscuro cubiculo spectabilem præbeat, ob specialem quæ in eo est dispositionem; specialem, inquam, non ad lucem simpliciter vel magna copia retinendam; cum ita quoque eam retineant alia corpora, quæ ob id ipsum etiam incallescunt; sed ad eam ita retinendam, ut sinat etiam eandem exilire sensibilibus radijs, quibus ad oculum perlatis cerni possit; non autem teneat irretitam atque inclusam crassa quadam, & cæca, ac latebrosa substantiæ suæ textura, ex qua non possit lux nisi furtim ac per insensibiles radios exilire. Dixi aliquo tempore; quia cum lux natura sua sit mobilis quemadmodum ignis paulatim se se ex illis vinculus expedit, auolatq; sicut è ferro spiritus ignei, & ita ab oculis ob nimiam tenuitatem euanescit.

Pro-

Propositio XLV.

Dato quocunque angulo refracto, cum angulo inclinationis cui ille respondet; ceteros refractos ceteris inclinationibus respondententes, in quavis proposita diaphanorum differentia invenire ac in tabulam redigere.

IN exemplo res erit facillima ex prop. 34. Dato angulo KEH refracto gradu 50, simul cum inclinationis angulo MEC grad. 80, cui ille respondet: quæritur angulus refractus respondens alteri angulo inclinationis proposito MEA grad. 45: fiat ut GH sinus anguli KEH, ad DC finem anguli M



EC; ita ad BA sinum anguli MEA sinus refracti quæsit; & prodibit IL sinus grad. 33 min. 22; debitque angulum refractum KEL respondentem angulo inclinationis MEA: & ita de alijs: hæc enim est, ut dicta 34 prop. demonstratum est, proportio refractionum ad inclinationes. Atque hac arte confecta est sequens tabella posito angulo refracto 50, ex inclinationis angulo 80, iuxta experientiam Vitellionis; quam in hoc angulo minus fallacem reputat Kepl. paralip. in eundem, eo quod sit in refractione grandiori.

Tabula refractionum ex aere in aquam ad singulos inclinationum gradus secundum proportionem quam habet sinus anguli refracti dati 50 ad sinum anguli inclinationis dati 80 supputata.

Anguli.		G. G. M.			G. G. M.			G. G. M.		
in aere	in Aqua.									
G.	G. M.									
1	0 46 3	22	16	57	46	34	2	70	46	58
2	1 33	23	17	42	47	34	41	71	47	21
3	2 20	24	18	27	48	35	19	72	47	43
4	3 7	25	19	12	49	35	57	73	48	3
5	3 54	26	19	56	50	36	35	74	48	23
6	4 40	27	20	40	51	37	12	75	48	43
7	5 27	28	21	25	52	37	47	76	49	1
8	6 13	29	22	10	53	38	24	77	49	17
9	7 0	30	22	54	54	39	0	78	49	33
10	7 46	31	23	38	55	39	35	79	49	47
11	8 32	32	24	21	56	40	9	80	50	0
12	9 18	33	25	4	57	40	43	81	50	12
13	10 4	34	25	47	58	41	17	82	50	23
14	10 50	35	26	30	59	41	49	83	50	32
15	11 36	36	27	13	60	42	21	84	50	41
16	12 22	37	27	55	61	42	52	85	50	48
17	13 9	38	28	37	62	43	23	86	50	54
18	13 55	39	29	19	63	43	53	87	50	58
19	14 40	40	30	0	64	44	21	88	51	1
20	15 25	41	30	41	65	44	50	89	51	3
21	16 11	42	31	22	66	45	17	90	0	0
		43	32	2	67	45	44			
		44	32	42	68	46	10			
		45	33	22	69	46	34			

Propositio XLVI.

Instrumentum refractorium construere.

Licet ex *proposit. precedenti* constet dato vno quolibet refracto angulo, cum eodem respondente angulo inclinationis; posse via calculi cæteros refractos cæteris inclinationibus respondentes cognosci; necesse tamen est instrumentum aliquod eius generis habere; quo, vnus ille in qua-

quavis diaphanorum differentia angulus refractus &c. certò inueniatur: imò operæ pretium est non modò vnum indagare angulum; sed etiam omnes saltem ad singulas per gradus quadrantis distinctas inclinationes: vt ita experimento comprobetur eiusdem propositionis veritas.

Et quidem instrumenti refractorij constructio apud Alhaz. *lib. 7 propof. 10, & sequentibus*; itemque apud Vitell. *lib. 10 à propof. 5*; licet optimæ theoriæ innitatur; vsus tamen habet cum nonnullo prolixioris laboris tædio coniunctos; & (vt ingenuè dicam quod sentio) errori non parum obnoxios; nisi Experimentator (vt ipforum ego quoque vocabulo vtar) accuratissimus maximas adhibeat cautiones. Sed sanè periculum hoc singulari quadam diligentia superet; attamen prolixitatem laboris ac tædiū non effugiet; si, vt illi autores iubent, Solis conuenientem faciendæ operationi eleuationem expectet, & identidem ad singulas tum eleuationes, tum operationes totam instrumenti machinam moueat; atque vt par est in Solem directè obuertat. Quid autem si Sol ipso expectatæ eleuationis momento, nube tectus non micet? aut si splendeat quidem sed instrumentum nondum sit aptè dispositum?

Posset aliquis vice radij Solis vti lumine lucernæ certo artificio attollendæ deprimendæque prout opus foret ad singulas incidentiarum differentias, sed non paruū erroris periculum cerno in flammæ vix vnquam non tremulæ radio pariter tremulo, ac propterea Refractometri (vt sic loquar) diligentiam sua inconstantia facillè deludente. Sed liceat suo cuique modo & arte, vt magis placuerit, operari: mihi certè visum est tuto me compendio posse pro lucernæ ac solaribus radijs, visiuos supponere; præsertim, cum hi ipsi radij sint lucis, eiusque quoad refractiones, sicut & quoad reflexiones, passiones pariter subeant, vt omnes agnoscunt Perspectiui.

Ne vero quis prima fonte putet legitimæ refractionum mensuræ radio visiuo indagandæ obesse posse refractionem ipsam radij visui quæ in ipso oculo, vt mihi aliàs eruditus aliquis obieciebat; cogitet idem pari iure, obijci posse de radio solari qui refractionem in suprema aeris conuexa superficie patitur: sed dicam commodiùs *sequenti propositione* quomodo nullatenus obsit radij visui ad varios oculi humores refractione. Venio itaque ad instrumenti refractorij constructionem.

Fiat instar Astrolabij nautici, vel aliter orichalceus insignis magnitudinis ac perfectè planus orbis G B H A cuius quadrantes oppositi duo G A, H B, (vel certè solus G A) diuidantur vt solet in gradus 90 atque etiam in graduum minuta *per ea quæ dicta sunt prop. 16 2 huius*; numeri autem graduum scribantur ordine ducto ab G puncto verticali versùs A; atque ex opposito ab H versùs B idem orbis ad centrum, directo foramine quadrato traijciatur, sumpta ipsius foraminis mensura ex clauo paulò post describendo.

Fiant etiam mediocri tum latitudine, tum crassitie, forma autem quali hic exprimuntur, orichalceæ regulæ duæ M I, K L; hæc quidem æqualis dia-





diametro, illa autem semidiametro dicti circuli GBHA: & ambæ ita aptentur, vt ad illius planitiem pariter coarquantur, ac circa eius centrum, sic voluantur versis in inuicem fiducialibus lateribus, vt cum opus fuerit, possit vna alteri copulari, eo modo qua gemina crura circini partium, sibi met, clauso ipso circino, copulantur. Ambæ regulæ quæ in circulum explicantur ad ipsum centrum terebrandæ pariter sunt directo, eodemque perfectè orbiculari foramine, cuius diameter sit ad mensuram describendi statim clauuli.

Fiat itaque clauulus orichalceus qui trans capitellum, & scapum per *df* terebra tenuissima proferetur, eius verò sic terebrati, ac mox torno aptati & circa puncta *d* & *f* versati capitellum æqualiter deradatur, & secundum interiorem saltem superficiem explanetur; totus autem scapus *a c* primò in cylindrum tornetur, ac deinde in tres partes distribuatur *a, b, c*: quarum *a* quæ vmboni seu capitello proxima est secundum latitudinem, seu diametrum impleat ad iustam mensuram orbicularia ambarum regularum foramina; secundum longitudinem verò exæquet earundem simul coniunctarum crassitiem: mediæ particulæ *b* (limula per quatuor latera æqualiter erodente conuadrata) longitudo sumatur æqualis crassitie circuli GBHA vel etiam paulò minor; latitudo verò ipsius dabit latitudinem quadrati foraminis, vt suprà, faciendi in centro eiusdem circuli; tertia pars *c* vulgari prius torno sic attenuata vt eius diameter saltem æqualis sit lateri quadratæ particulæ *b*; secetur mox in spiram torno cochleam efficiente; ipsi autem sic sectæ par cochlidium *g* aptetur.

Regularum KL & MI rectissimæ sint lineæ fiduciales, ac per centrum seu per axem tornati (vt dictum est) clauus ad amussim incedant. Quod quidem hoc modo explorare licebit, ipsas regulas & circulum GBHA prædictus clauus aptè traiectus copulet, & contortum à tergo cochlidium conuenienti pressu contineat; ac tum regulæ KL fiducialis linea applicetur seorsim vtrique diametro GH, & AB applicatione iterata & in partes contrarias facta, vt scilicet caput L respondeat nunc puncto H nunc puncto G; itemque nunc puncto A nunc puncto B: & si quidem vtroque positu cum vtraque seorsim diametro GH, & AB optimè congruat fiducialis KL, ipsa per centrum circuli ac per axem clauus incedit. Simile fiat seruata proportionem experimentum quoad regulam MI. Est autem necesse ad certitudinem sequentium operationum id ita debitè comprobari, ne forte error aliquis per incuriam, ab incauto artifice regulas atque circulum perforante, aut mediam clauus partem *b* minùs aptè eliminante commissus fuerit.

Opto autem (quod in schematè sculptor non satis ad meam mentem expressit; sed vide idem in simili accuratiùs expressum *propof. 47 libro 2*) vt pars clauus cylindrica *a*, quadratam *b*, diametro paulò minore superet; vt scilicet ipsius cylindricæ basis extans vnde quaque ultra latera quadratæ, innitatur superficiei planæ circuli GBHA, cum in ipsius quadratum fora-

men inferetur pars quadrata b ; sic enim contortum validè cochlidium continebit clauum ipsum immotum, & semper ad planum circuli perpendicularem ; regulisque interim circumducendis premitteretur motus satis liber; nec eas clauī capitellum nimis premet : necesse tamen est vt eas aliquantulum premat vt ad quem gradum dispositæ fuerint , in eodem ad placitum immotæ persistent ,

Parentur, & regulis ad oppositas partes aptentur duo cylindri etiam orichalcei longitudine ac diametro pares MN , LP : ita inquam aptentur, vt regularum planis , atque adeo ipsius circuli $GBHA$ plano perpendiculariter insistant, & eorundem ita insistentium bases, seu basium circumferentias pariter tangant lineæ fiduciales MI , LK : vtrunque præterea cylindrum lineola e & h (æqualibus Me , & Lh seruatis interuallis) circumdet fulco subtilissimo ad tornum exerata ac deinde atramento typographico oppleta , pro signo ad lineam visus certius dirigendam, vt ea nimirum semper æquidistet plano circuli $GBHA$: hi enim cylindri sic aptati , & sic notati propriè erunt in hoc instrumento refractorio (quod in Astrolabio minùs propriè dicitur) dioptræ tanquam ad rem dioptricam pertinentes & lineam visuam refractam ad indicandum refractionis angulum dirigentes . Atque ita perfectum erit, vt optabatur instrumentum refractorium.

Propositio XLVII.

Instrumenti refractorij iam instructi vsum dioptricum explicare.

Paretur vas magnum veluti dolium TF : quod quidem in schemate dissecui ad latera CE , BF , ne si integrum exprimerem, occultaret, quod distinctiùs exprimi necesse erat videlicet quadrantem BH & dioptram LP cum parte regulæ cui affigitur : in eo itaque vase collocetur instrumentum præcedenti propof. constructum : ita autem collocetur vt arte quadam cum eo firmiter connectatur ; & diameter eius AB , (quam vocemus Horizontalem) labrum vasis nō superet; verticalis autem diameter GH ad Horizontē sit perpendicularis. Mox per I videlicet per centrum instrumenti ; seu per axem perforati , vt supra , clauī, transmissum filum tenuissimum sericum non cera vel alio quouis pingi oblitum, distendatur vt CID (sufficiet autem CI) & è fixis in C ac D clauulis religetur ita vt cum superficie plana circuli $GBHA$ sit ad angulos rectos quod per 2. huius comprobabitur. Optarem vas ipsum TF in fundo ac lateribus intus exquisitè dealbatum , vt ita obseruans clariùs notaret visu concursum dioptricum lineolarum e & h necnon ipsarum dioptrarum cum media linea CI . Disponatur tali modo & situ vas cum instrumento, vt obseruans terga ver-

tat

rat Soli, si fortè in aprico obseruet; aliàs enim officere possent radij ab aqua reflexè in oculos coniecti. Studiosè autem caueatur ne vento vllatenus exposita sit machina; is enim superficiem aquæ mox infundendæ non sineret esse imperturbatam.

His debite peractis aqua purissima & limpidissima vas impleatur vsque in IC filum; licet enim globosa sit aquæ superficies, tamen propter magnitudinem ingentis sphaeræ cuius ipsa sectio est, nempe habentis centrum commune cum terra cæterisque grauibus, sensibilibiter à plana non differt, adeoque filo IC congruet, quauis mathematicè quidem loquendo illud tangeret solummodo. Cum demum aqua placidè conquieuerit neque vento commota, neque vlla concussione; & cum filo IC imbibita, optimè coæquata fuerit, ducat regulam MI sinistra manu Obseruator ad quem voluerit gradum vel minutum quadrantis GA pro quantitate anguli incidentiæ cui respondet angulum refractionis quærit, vt ad grad. 70 ; eadem autem regula inibi firmiter retenta, alteram videlicet KL dextera attollat versùs G , aut versùs M reducat, donec latere superiori fiduciali cylindri MN in superficiem vnā $eMIO$ planam & parallogrammam optice conueniente cum stamine IC , seu parte eius IO ; conueniat ipsum stamen (seu pars eius IO) dioptricè in aliam similiter planam & parallogrammam $OILh$ superficiem cum latere inferiori fiduciali cylindri LP , & linea visus in dictis planis ex e lineola, per aliquod staminis IC punctum vt O , ducatur in lineolam h , semper æquidistans plano circuli GBH A , vt suprà dicebatur: tunc enim firmata regula KL ; erit HIL angulus refractus graduum 45 min. 30 respondens angulo inclinationis GLM grad. 70 : angulus autem refractionis erit MIK grad. 24 min. 30 ; & huius quidem notitiam dabit arcus MK in gradibus & minutis; sicut anguli refracti notitiam dabit arcus GK æqualis ipsi HL ; quamuis ob nescioquem schematis errorem arcus GK appareat minor quàm graduum 45 ; sed hic error alijque similes, si qui sint, in schemate isto, vel in alijs, non obest fidei instrumendi debite, vt præcipitur, constructo vel eiusdè legitimo vsui.

Multo verò minùs obest (quod suprà dicere cœperam) refractione lineæ visus facta intra oculum; nam ea linea non prout in oculo est assumitur ad experimentum istius aqueæ refractionis; sed prout ex vna in alteram, dioptram dirigentem tenditur; vt est linea eOb : certum autem est vnicam esse eius refractionem in O ; & alioqui eO rectam esse, similiterque O h per 1 postul. huius.

Simili prorsus modo cognosci potest quantitas refractionis ex aere in quodlibet liquidum diaphanum diuersæ ab aquea densitatis: si nimirum eo diaphano quemadmodum aqua, vas TF impleatur. Ex aere verò in crystallum, (vel simile diaphanum durum) refractione cognosci poterit: si crystallus duas habens superficies planas inuicem parallelas, tali modo sub filo IC disponatur, vt ad ipsas eius planas superficies angulos rectos consti-

tuat diameter G I H. Sed tunc loco cylindri L P necessaria erit dioptra plana (qualis communiter habetur in Astrolabijs) quæ insuper artificio quodam aptetur regulæ K L ita ut pro data crysalli crassitie possit ambulatoria ab L in I aut è contrà adduci, reduciq; necnon ad lineam fiduciæ I L inclinari sicut opus fuerit, ut eius superior plana superficies, inferiori pariter planæ superficiei crysalli iungi possit immediatè; hac enim arte refractionis, quæ intra crysalli profunditatem fit, cognoscetur: aliàs verò si dicta dioptra à crysallo sit utcumque remota, minimè cognosci poterit: quia linea visiva exiens è crysallo in subiectum aerem, refringitur à perpendiculari; hæc verò 2 refractionis adimit notitiam prioris, quæ intra crysallum est ad perpendicularem, cum sit ab aere in crysallum aere densiorem: cuius quidem cautionis, hac in parte necessariò insinuandæ, an meminerint Alhaz. lib. 7 prop. 11 & 12. Vitell. lib. 10 prop. 6 & 7 videant alij; ego certè non satis perspectum habeo: sicut nec plura alia probè capio, quæ ibidem illi dicunt. Solùm moneo refractiones ex aere ad vitrum conuexum, aut concauum non differre à refractionibus ex aere ad vitrum planum cæteris paribus, præsertim paribus inclinationum angulis.

Quòd si quis optauerit metiri refractionem ex utraque iam dicta mixtam (aut aliam similem) seu potius angulum quo radius propter oppositas illas refractiones inclinatur ad axem ultimæ refractionis: deberet is crysallum superponere stamini I C, ut nempe ultimæ refractionis punctum centro I (vel alteri æquivalenti in stamine I C) responderet: aliàs enim arcus circuli ex eo centro ducti non possent indicare quantitatem anguli quem non subtenderent.

Propositio XLVIII.

Angulos ex aere ad aquam iuxta observationes Vitellionis refractos in ampliorem tabulam redigere, usumque constructæ tabulæ explicare.

Q Vando figuras, quæ ad praxim vel theoriam Gnomonices dioptricæ pertinent, delineavi; ac delineatas sculptori tradidi, nondum inueneram refractionum proportionem quam demonstraui *proposit. 34*; neque tunc satis credebam autoribus eandem demonstrantibus, utpote demonstrantibus solùm ex hypothesi, quam ego non recipiebam, & de facto ostendi superiùs non esse recipiendam: aliàs verò in prædictis figuris vsus essem tabulam quam dedi *propos. 45*: sed quia de facto ea non vsus sum, & figuras iam incisas non putavi propterea esse reiiciendas, explico hic tabulam, quam adhibui; ne qua Lectori fiat eo ex capite difficultas.

Itaque ad opus hoc meum Gnomonicum tabulam integram adhibui
Vitell.

Virell. sed extensam, nimirum pro angulis inclinationum ad singulos quadrantis gradus conditam ex ijs obseruationibus, quas ille. habet ad denos solum gradus; conditam, inquam facta distributione à denis illis gradibus ad intermedios cum quadam proportione: atque ex illa sic composita quadrantem refractum inferius positum ego struxi, & Sphæræ Dioptricæ circulos disposui &c.

Tabula refractionum ex aere in aquam ad singulos inclinationum gradus ex omnibus à Vitellione factis experimentis per quandam inter ea seruata proportionem supputata.

Anguli.		G. G. M.			G. G. M.			G. G. M.		
in aere	in Aqua.									
G.	G. M.	21	16	13	45	32	3	69	45	1
0	0	22	16	56	46	32	39	70	45	30
1	0	23	17	39	47	33	15	71	45	58
2	1	24	18	21	48	33	50	72	46	26
3	2	25	19	3	49	34	25	73	46	54
4	3	26	19	45	50	35	0	74	47	21
5	4	27	20	27	51	35	34	75	47	48
6	5	28	21	8	52	36	8	76	48	15
7	6	29	21	49	53	36	42	77	48	42
8	7	30	22	30	54	37	15	78	49	8
9	8	31	23	10	55	37	48	79	49	34
10	9	32	23	50	56	38	21	80	50	0
11	10	33	24	20	57	38	54	81	50	25
12	11	34	25	9	58	39	26	82	50	50
13	12	35	25	48	59	39	58	83	51	15
14	13	36	26	27	60	40	30	84	51	39
15	14	37	27	6	61	41	1	85	52	3
16	15	38	27	44	62	41	32	86	52	27
17	16	39	28	22	63	42	3	87	52	51
18	17	40	29	0	64	42	33	88	53	14
19	18	41	29	37	65	43	3	89	53	37
20	19	42	30	14	66	43	33	90	0	0
		43	30	51	67	44	3			
		44	31	27	68	44	32			

TAbulæ huius vsum in exemplo sic explico. Proponitur mihi angulus 70 grad. inclinationis in aere, cui respondens refractus in aqua desideratur; & angulus etiam refractionis: quæro in ordine numerorum sinistro (cui inscriptum est in aere, id est angulus in aere) numerum 70 ; & è regione, in ordine numerorum dextro (cui inscriptum est In aqua, id est angulus in aqua) inuenio grad. 45 min. 30 . Ex hoc autem intelligo 1 , angulû in aqua refractum qui respondet angulo grad. 70 inclinationis in aere, esse graduum 45 min. 30 . Deinde si eundem numerum grad. 45 min. 30 , subducam à 70 ; residuum habeo numerum grad. 24 min. 30 pro angulo refractionis. Aliud pono exemplum: desiderantur anguli in aqua tum refractus, tum refractionis respondentes angulo inclinationis in aere grad. 51 ; quæro in ordine graduû sinistro 51 & è regione inuenio in ordine dextro grad. 35 min. 34 pro angulo refracto; iisdem verò subtractis à 51 , supersunt pro angulo refractionis gradus 16 min. 26 ; & ita dereliquis.

Theoria refractionis radij solaris pro Sphæræ Dioptricæ tum constructione, tum Gnomonica in planam horarij superficiem proiectione.

P R Æ F A T I O.

VT sequentes propositiones facilius intelligantur; concipiatur, ut supra, in definitionibus *vas quoddam aqua plenum perfectè hemisphericum*, ut *B E C*, (vide sequent. prop.) cuius centrum *A*, axis *E A*; summi autem labij *B H C M*, tanquam circuli in Sphæra maximi diameter *B A C*: & supra *B H C M*, producto axe *E A*, usque in *D*, intelligatur hemisphærium Sphæræ Naturalis ac Veræ cum suis circulis in aere: ut sint duo diuersa diaphana alterum pro hemisphærio vero, alterum pro Dioptrico apparente, aer videlicet & aqua. Quæ autem de quibuscumque Sphæræ Dioptricæ circulis in hac diaphanorum diuersitate dicentur, velim dicta intelligi in qualibet alia, seruata proportionem: unde propositiones vniuersaliter sumendæ sunt, & solum ad formandum facilius conceptum, in facta iam hypothese explicandæ.


Itaque propositis, & in hemisphærio vero sigilatim dispositis ordine naturali circulis, aut verius semicirculis, dicam quis cuique locus, & figura & modus in hemisphærio apparente dioptrico debeatur iuxta naturam & quantitatem refractionis. Complectar autem id totum paucis id est 5 propositionibus; reuocans nimirum circulos omnes ad totidem differentias: nam primò circulos omnes maximos conferam cum axe incidentiæ seu refractionis (perinde enim est, cum ambo in unam rectam lineam conueniant) prout scilicet ad ipsum recti sunt, vel inclinati, vel per eundem incedunt; ac deinde circulos minores spectabo, vel ut sunt perpendiculares ad axem incidentiæ; vel prout ad superficiem refringentem inclinantur, aut ad eandem recti sunt.

Pro-

Propositio XLIX.

Radius è quouis puncto superficiei Sphæræ per verticem Gnomonis dioptrici ita emissus , ut ad axem incidentiæ rectus sit , propagatur irrefractus in punctum diametraliter oppositum ei ex quo emittitur.

SIt iuxta factâ in prefatione hypothesim, axis incidentiæ A D; & in superficiei Sphæræ punctum aliquod B, ex quo radius ad A D perpêdicularis emittatur per A verticem Gnomonis dioptrici; siue quod idem est per cen-



trum Sphæræ, cùm in eo sit vertex Gnomonis per postul. 6. Dico huiusmodi radium, nullam in A refractionem pati, sed irrefractum propagari in punctum diametraliter oppositum ipsi B. Primò enim superficies utriusque diaphano in contactu communis, & per A incedens, qualiscunque ea sit

fit, id est, siue plana ut BAC , siue conuexa ut RAS , siue concaua ut QAT ; semper angulum rectum facit cum AD , in A ; & consequenter radius ad AD rectus non facit in A angulum cum superficie BAC plana, neque etiã cum plano contingente in A ipsam RAS , siue QAT ; siquidem cum hoc siue cum illa (quod idem est) congruit necessariò radius ex B in A emissus. Hoc autem posito, per 1 prop. eiusque corollaria impossibile est, ut radij BA refractione fiat in A . Deinde verò quia inter A , & C , non est vlla noua medijs diuersitas; perget radius BA versùs C irrefractus per lineam rectam, quæ cum per Sphæræ centrum A incedat, est diameter; quare &c. Et quia est eadem ratio de alijs quibuscunque radijs ad axem incidentiæ pariter rectis; sequitur &c.

Propositio L.

Circulus maximus ad axem refractionis rectus, locum naturalem & figuram circularem retinet in Sphæra Dioptrica.

Sit circulus $BHEM$ maximus ad AED , ut suprà, axem refractionis rectus. Dico eum in Sphæra dioptrica, & circulum esse, & locum naturalem non amittere; sed inuariatum remanere in $BHCM$: quia enim, per præcedentem, à quibuscunque eius punctis, radij mittatur per A verticem Gnomonis, perueniunt irrefracti in puncta diametraliter opposita, sequitur eos in eadem semper esse plana superficie cuius cum Sphæra communis sectio circulum $BHCM$ efficit: adeoque ipse circulus $BHCM$ & circularem retinebit figuram, & locum naturalem minimè amittet, & ita de alijs. Igitur circulus maximus ad axem refractionis rectus &c. quod fuit demonstrandum.

Corollarium.

Istiusmodi circuli inuertuntur, & puncta diametraliter opposita inuicem commutantur, sicut etiam dicebatur in Catoptrici prop. 1. lib. 3.

Propositio LI.

Circuli minores ad axem refractionis recti, naturalem in Sphæra dioptrica locum amittunt, sed circularem figuram retinent.

Sit in hemisphærio aereo iuxta factam suprà hypothesim, circa diametrum GF circulus minor GIF , ad axem incidentiæ AD rectus; & aliter ipsi æqualis ac parallelus OVN circa diametrum ON in hemisphærio aqueo;

aqueo; & sit uterque, ut res facilius intelligatur Almucantarath 15: equidem in Sphæra dioptrica, naturalis locus Almucantarath 15, utpote similis & æqualis ipsi G I F, esset in O V N; sed ipsum ab eo loco remouet refractionis, transfertque in alium, pro quantitate anguli refractionis: sit enim superficies refractionis D B E C, circulum G I F secans in F, & ex F radius incidat F A; hic propter maiorem secundi diaphani densitatem frangetur ad perpendicularem A E; eritque linea refractionis, verbi gratia, A P, secans superficiem refractionis circulum maximum D B E C, in P: igitur circuli G I F punctum F, per lineam refractam A P, fuerit in P; non autem fuerit in O, per productam incidentiæ lineam A O, ac proinde ipsum punctum O è loco, ut dictum est, naturali transfertur in dioptricè apparentem ab eo diuersum videlicet in P. Cum itaque idem eadem ratione, dici pariter debeat de quibuscunque alijs punctis circuli O V N; sequitur ipsum prorsus à loco naturali remoueri: quod fuit primò propositum. Et quia, angulo inclinationis D A F, quo incidit ex F radius F A; æquales semper erunt cæteri anguli inclinationis (ex quibuscunque scilicet alijs circuli G I F punctis radij incident) pari modo anguli refracti erunt semper æquales angulo E A P: & consequenter radij refracti, simul omnes ut A P, A K, A L, &c. perfectum circa axem A E conum efficient, cuius & Sphæræ dioptricæ communis sectio erit circulus P K L, qui vice ipsius O V N, erit in eadem Sphæra, 15 Almucantarath. Et ita de alijs. Igitur circuli minores ad axem incidentiæ recti &c. quod fuit demonstrandum.

Propositio LII.

*Circuli maximi per axem incidentiæ incedentes, neque
circularem figuram, neque locum naturalem
amittunt refractione.*

Repetatur superius facta hypothesis simul cum figura, & per axem incidentiæ A D incidat circulus maximus D B E C. Dico ipsum siue ipsius semicirculum B E C in Sphæra dioptrica locum naturalem minimè amittere, nec consequenter figuram circularem; sed remanere in B E C, Incidat enim ex quocunque semicirculi B D C puncto F radius F A, eiusque refractus sit A P. Et quia dictus circulus D B E C incedit per A D axem incidentiæ, qui per definit. 5 huius rectus est ad superficiem refringentem, puta B H C M; erit idem circulus ad hanc ipsam superficiem rectus per 16 11 elem. & quia insuper in superficie circuli D B E C, est radius incidens F A per constructionem; sequitur ipsam D B E C esse superficiem refractionis; quæ per 6 definit. radium incidentem continens, ad superficiem refringentem recta est, per 2 postul. non enim potest esse nisi una quæ simul contineat radium oblique incidentem, & sit ad superficiem refringentem recta:

&

& quia insuper in superficie refractionis est radius refractus *per eandem definitionem*; refractus AP erit in superficie plana semicirculi BEC. Cùm autem idem dici debeat de omnibus alijs similiter refractis, sequitur ipsum BEC, locum naturalem retinere; simulque figuram circularem: & ita de alijs similibus. Igitur circuli maximi per axem &c. quod fuit demonstrandum &c.

Monitum.

Licet semicirculus BEC (idem de alijs similibus) locum naturalem non amittat, secundùm totum, quòd scilicet nullum eius punctum extra totalem ipsius locum transferatur; tamen singula puncta ex vna illius loci totalis parte in aliam transferuntur: vt punctum O, quod in loco naturali ex diametro respondet puncto F, transfertur dioptricè in P.


Propositio LIII.

Circulus maximus Sphære dioptricæ ad superficiem refringentem inclinatus neque locum naturalem, neque circularem figuram in loco apparenti retinet.

Reperatur hypothesi generalis, vt supra; sitque circa diametrum NO, circulus quidam maximus NMOH (quem ad faciliorem explicandi methodum vocemus circulum horæ 6 à merid. & à media nocte, seu Polarem) ad BHC M refringentem superficiem (quæ sit Horizontis) inclinatus & communem cum ea sectionem efficiens rectam MH, quæ per Gnomonis dioptrici verticem A, seu Sphære centrum, incedat. Dico primò semicirculum MOH in Sphæra dioptrica, non seruare locum naturalem: si enim seruaret; remaneret in MOH, vt est euident: at prohibet refractionis. Incedat enim per axem tum incidentiæ tum refractionis DE, superficies refractionis DBCE, qui sit circulus maximus (Meridianus) prædictum Polarem ad angulos rectos secans in N & O (vtrouque videlicet mundi polo) & radius NA incidat, angulo inclinationis DAN graduum 48, vbi est eleuatio poli supra Horizontem grad. 42, vt CN. Et quia *per tabulam refractionum prop. 48*, angulo inclinationis graduum 48 respondet refractus grad. solummodo 33 min. 50; non erit EAO angulus refractus, cùm hic sit æqualis ad verticem ipsi DAN; erit ergo alius ipso minor, vt EAP; cuius basis sit arcus EP grad. 33 min. 50, vt dictum est: eritque AP radius refractus ex incidente NA. Hinc autem euident est semicirculi Polaris punctum O, ex ipso loco naturali O, transferri dioptricè in P: ergo idem circulus quoad hoc punctum, non retinet locum naturalem. Est autem eadem ratio de cæteris punctis (exceptis *per 49 huius M & H*)
vnde

vnde locus eius apparens erit in MPH. Igitur circulus maximus ad superficiem, &c. non retinet in Sphæra dioptrica locum naturalem. Quod fuit primò propositum.

Dico secundò semicirculum MOH, dum è loco naturali in apparentem MPH migrat, amittere simul figuram circularem: & vt ordine quodam procedam; primò ostendo eum non retinere circularem circuli maximi figuram dicturus mox, an eam commutet in duas circulares circulorum minorum. Si itaque figuram circuli maximi retinere potest; habeat in MRPFH semicirculo per P & M H, vt suprâ, incedente; & sit PFH quadrans refractus ipsius OIH; idem seruata proportione de quadrante PRM,



Et quia inter duo data puncta, in superficie Sphære, non diametraliter opposita, vt sunt P & H, impossibile est circuli maximi arcum duci nisi vnum, qui est breuissima omnium linearum inter eadem puncta in eadem superficie spherica designabilis; si quadrans circuli horæ sextæ refractus ex P in H ductus, circularem habet figuram, vt ponitur in PFH; ita se habere debet in hac Sphæra dioptrica sicut se habet eiusdem circuli qua-

quadrans in Sphæra Naturali, vbi is cum polo supra Horizontem eleuatur angulo eleuationis æquali ipsi PAB, id est gradibus 56 min. 10, siue quod idem est, vbi à Zenith vt D, seu à Nadir vt E, distat gradibus Meridiani circuli 33 min. 50, vt est arcus EP complementum ipsius PB.

Verbi gratia, quia in dicta iam poli eleuatione, Polaris circulus distat à Zenith in decimo Verticali gradibus 75 min. 10, deberet consequenter eiusdem quadrans refractus PFH (ad poli eleuationem graduum 42, quæ supposuimus) totidem gradibus, & minutis remoueri à puncto E (Zenith Sphæræ huius dioptricæ) in circulo Verticali decimo ab H versùs B in quadrante Horizontis HQB numerator: id est posito istiusmodi Verticali (qui simul sit superficies refractionis) DQEL, secante Horizontem in punctis Q & L, ipsum Polarem in loco naturali circulum NMOH in K & I punctis diametraliter oppositis; quadrantem verò PFH in F; deberet arcus EF esse graduum 75 min. 10.

Attamen id non probè quadrat cum debita refractionum proportione; neque verum est circuli Polaris quadrantem refractum, à nobis propositum, remoueri posse à dioptrico Zenith E toto Verticalis decimi arcu EF grad. 75 min. 10: si enim Sol in K, supra Horizontem, secundùm arcum LK, eleuetur gradibus 8 min. 45 (vt de facto iuxta sequentem tabellam, in 10 Verticali eleuatur hora 6 à merid. vel à med. media nocte, vbi poli eleuatio est grad. 42) & consequenter radius KA incidat angulo inclinationis DAK graduum 81 min. 15 (complemento ipsius 8 min. 45) angulus refractus per predictam tabulam refractionum, non est grad. 75 minuto 10, vt EAF, sed solùm grad. 50 min. 31.

Ac proinde circuli Polaris punctum I, dioptricè non transferetur in F; sed transferetur aliò inter F & E, puta in G; vt sit EGArcus grad. 50 min. 31; & angulus refractus EAG: & ita quadrans propositus refractus, in dicto Verticali distabit à puncto E non toto arcu EF, sed alio minori EG; cuius ab illo differentia GF, sit gradus 24 min. 39. Idem verò seruata proportione ostendi potest in reliquis Verticalibus inter DQE, & Meridianum DBE contentis saltem denis, vt in sequenti tabella ad hoc ipsum Altrolabij beneficio, constructa cernitur; in qua primus numerorum ordo ad læuam est Verticalium: secundus est arcuum quibus à Zenith distat circulus horæ sextæ in illis Verticalibus, ad poli eleuationem grad. 42: tertius est angulorum refractorum, ex tabula propof. 48, respondentium prædictis arcubus: quartus est arcuum, quibus à Zenith remouetur circulus idem horæ sextæ in iisdem Verticalibus, vbi eleuatio poli est grad. 56 min. 10: in vltimo ordine ad dextram continentur differentiæ inter istos vltimo loco dictos Verticalium arcus, & dictos priùs in tertio ordine arcus angulorum refractorum; ex quibus simul sumptis maximè patet quadrantem PGH refractum ductumque secundùm numeros tertij ordinis, non posse coincidere cum eo quadrante qui circulariter à puncto P in H per F ducitur secundùm numeros quarti ordinis; ac proinde ipsum PGH non esse

Circuli Polaris in annotatis Verticalibus distantia à Zenith.

G.	G. M.	G. M.	G. M.	G. M.
90	48 0	33 50	33 50	0 0
80	48 30	34 6	34 10	0 4
70	49 55	34 55	35 15	0 20
60	52 0	36 8	37 30	1 22
50	55 20	37 58	41 10	3 12
40	60 5	40 34	46 20	5 46
30	65 50	43 28	53 45	10 17
20	73 0	46 54	63 0	16 6
10	81 15	50 31	75 10	24 39

esse figuræ circularis, vt intendebatur; quod idem pari ratione dicendum est de respondente quadrante P S M, ac de alijs quibuscunque similibus.

Possem verò id ipsum geometricè per tringula sphærica demonstrare; sed ista nunc sufficiant; cum ea quæ allata est ratio sit etiam suo modo geometrica, & in triangulis sphæricis fundetur; licet aliàs ab experientia duci videatur: probat autem quadrantem refractum P G H non esse circularem, saltem circuli maximi; an autem dici possit esse circularem, sed circuli minoris; videbimus in sequenti scholio.

Corollarium.

Circulus maximus Sphæræ dioptricæ ad superficiem refringentem inclinatus, non est in plano. Si enim plana esset superficies, quæ per M S P G H incedit, ipse M S P G H, contra iam dicta, esset circularis figuræ: nam per 1 3 triang. Ioan. de Monte de Regio si sphæra plano secetur; communis sectio erit circumferentia circuli: esset autem M S P G H sectio Sphæræ dioptricæ & plani illius (si verè planum esset) in quo sunt radij refracti A G, A P & similes, imò ipse M A in H productus absque refractione per 49 huius.

Scholium.

Est itaque superficies dicto M S P G H comprehensa non plana, sed recurua ad modum ipsius M S P G H, flexu nimirum consequente, inæqualitatem vniformiter difformen, quæ est inter angulos refractos, & angulos inclinationum; ita vt ad medium fastigiata sit, veluti recta pinna A P, deinde ex vtraque parte in modum conicæ inflectitur, habens latera

Qq q

qui-

quidem recta, ut AP , AG , AH ; & quasi verticem A ; basim autem PGH ; & ita de altera parte quæ est MPA .

Equidem si ea superficies, quam dixi in modum conicæ inflexam, esset perfectè conica ex cono recto; cùm prædicta eius latera, sint æqualia (utpote semidiametri eiusdem Sphæræ? sequeretur sine dubio circumferentiam refractam PGH , (ita de PSM) esse circularem; sed circuli minoris habentis nimirum centrum non in A sed in axe illius coni recti. Nihilominus facta accuratissima circumferentiæ PGH , aut similis, descriptione in Sphæræ concauo, apparet prope G curvatura ita dissimilis ei quæ est inter P & G , ac alteri inter H & G , & insuper istæ duæ inuicem comparatæ, ita sunt diuersæ; ut hinc evidens sit totam PGH non posse esse circularem etiam circuli minoris; adde quod subtensa tenuissima linea recta inter P & H in Sphæræ, ut dixi, concauo; & visu per eam directo, manifestè cernitur circumferentiam PGH , non ei respondere ex æquo; & consequenter non esse in superficie vna plana; vnde & sequitur eam non posse esse partem circuli minoris, qui sicut & maximus, in plano sit per definit. 15 1 elem.

Propositio LIV.


Circulus minor, æquidistans circulo maximo incedenti per axem incidentiæ, locum naturalem simulque figuram circularem in Sphæra dioptrica amittit.

Superficie refingenti $BHCM$ ad angulos rectos sit circa diametrum DE (quæ sit simul axis incidentiæ, & refractionis) circulus quivis maximus $DI EK$: huic verò circa diametrum VT , circulus aliquis minor æquidistet; cuius tamen solus in figura semicirculus exprimitur VHT , centrum habens in S communis videlicet puncto diametri VT & axis BC ; superficiem autem refingentem secans in SH . Dico quadrantem HFT , dioptricè transferri aliò; ita ut naturalem hunc locum amittat, & alium ab eo distinctum apparentem accipiat: quod sic demonstratur.

Intelligatur circa diametrum XY circulus alius minor; illi, qui circa diametrum VT , æquidistans & æqualis: sufficiet verò exprimere solum eius semicirculum XY , ipsi VHT oppositum, qui centrum habeat in Z , & superficiem refingentem $BHCM$ secet in ZM . Sit etiam superficies refractionis $DBEC$, utrunque prædictum circulum minorem secans: alterum quidem in V & T , alterum verò in X & Y , punctis diametraliter oppositis. Incidat autem à puncto X radius XA angulo inclinationis DA X graduum 45: huic per tabulam refractionum prop. 48 respondet angulus refractus graduum 32 min. 3, qui sit EAP : erit igitur AP radius ex incidente XA , refractus, & consequenter AT (radius videlicet secundum diametrum XT productus) migrat dioptricè in AP ; ergo & T , punctum qua-

quadrantis HFT, migrat in P; vno autem translato puncto totus quadrans cum suis etiam semidiametris transfertur (excepta sola semidiametro SH) vt semidiameter ST migrat in SP, & circumferentia HFT, in HGP: amittit ergo dictus circulus locū naturalem quod fuit primò propositum.

Dico insuper circumferentiam HGP, in loco apparenti, non esse circulem. Quod quidem facile probat ratio quæ secundam præcedentis propositionis partem probauit in scholio ducta videlicet ab inæqualitate vniformiter difformi, quæ reperitur inter angulos incidentiæ & refractionis, ob quam fit; vt PGH, multum descendendo ab H versùs G, parum recedat à quadrantis in vero loco circumferentia HF: deinde verò ab G versùs P in minori descensus interuallo, magis à circumferentia FT recedat, & ex hac



inæqualitate fit in circumferentia P GH flexus talis, & curuatura in concauo Sphæræ, vt propterea eadem P GH non fit in vno plano transeunte per P S, H S, rectas ita vt si iungeretur altera recta inter eas media, vt concipi potest S G; hæc non esset in vno plano cum S H, & S P; sed in quadam aliqua superficie concaua habente aliquid similitudinis cum conica, cuius

vertex esset in S, basis autem circumferentia in P G H; sicut in simili dixi in scholio precedenti.

Possẽm sicut precedenti prop. tabulas afferre arcum, quos ex superficiebus refractionum, seu earum circulis, abscindit circumferentia P G H, & quibus quælibet ipsius puncta sectionum remouentur ab E Zenith dioptrico, vt ex ijs facto calculo per doctrinam triangulorum sphericorum constaret P G H non esse circularẽ: sed eas tabulas nunc breuitatis causa omitto.

Propositio L V.

Circulus minor parallelus circuli maximi ad superficiem refringentem inclinati locum naturalem, & simul figuram circularem in Sphæra dioptrica amittit.


Sit circa diametrum V T, circulus minor quicunque, cuius hic solũ expressus est semicirculus V H F T (vocetur Tropicus Capricorni, parallelus Equatoris circa diametrum N O ad superficiem refringentem B H C M inclinati. Ipse autem V H F T eandem B H C M fecet in recta S H. Dico arcum Capricorni H F T in Sphæra dioptrica non remanere in H F T loco naturali; sed refractẽ ex illo deiici, & locum apparentem ab eo diuersum accipere.

Sit enim alius etiam minor circa diametrum X Y circulus, seu semicirculus X M Y ipsi V H F T æquidistans & æqualis eandemque refringentem superficiem B H C M secans M Z (hic vocetur Tropicus Cancrĩ, vt ita de vtroque loquamur faciliiori methodo, & rem captui ampliũ accommodemus) ambos autem, superficies quædam refractionis ad ipsos recta D B E C (Meridianus) secet; istum quidẽ in V & T punctis; illum verò in X & Y.

Nunc itaque si à puncto X incidat radius X A, angulo inclinationis D A X graduum 18 min. 30, huic ex tabula refractionum supra prop. 48 respondebit angulus refractus graduum 14 min. 24 vt F A P: producta itaque linea incidentiæ X A T, erit angulus refractionis P A T graduum 4 min. 6; tot igitur gradibus transfertur T in P dioptricẽ: atque adeo per P incedet Capricorni Tropicus refractus, non autem per T. Igitur quoad punctum hoc, locum naturalem amittit, & consequenter quoad cetera, omnia inter T & H contenta: ita vt neque per T neque per F incedat; sed verbi gratia per P, G; solo puncto H remanente immoto, vt constat per 49 huius, emissio nimirum radio irrefracto M A H.

Dico insuper eundem Tropicum, ita per P & G, aliaque loci apparentis puncta, incedere; vt in superficie Sphære circumferentiam circuli non efficiat. Et hoc probari potest eo ipso modo quo secunda parstum § 4. tum § 3 propof. probata fuit.

Tantum nunc addo, centrum etiam refractum Capricorni, diuersum esse à centro eiusdem in loco vero. Si enim diuidatur arcus XDY , siue ND Obisariam in K ; & ex K per centrum A , ducatur recta $KA\mathcal{A}$, secans XY in L , & VT in I ; hæc erit axis \mathcal{A} equatoris, & punctum I erit centrum paralleli Capricorni in loco naturali, sicut L est centrum paralleli Cancræ, quia verò idem axis \mathcal{A} equatoris, seu radius ex K polo, incidit an-



gulo inclinationis DAK graduum ex facta hypothesi 48; angulus refractus ipsi per 48 huius respondens, erit grad. 33 min. 50 vt $E\mathcal{A}Q$: quo posito erit AQ axis \mathcal{A} equatoris refractus; qui si diametrum refractam Capricorni, secet in R ; dabit in communi sectione punctum R tanquam centrum refractum eiusdem paralleli Capricorni; & consequenter erunt RP , RH ipsius semidiametri in loco apparenti, sicut eiusdem in loco naturali semidiametri sunt IT , $I\mathcal{H}$.

Propositio LVI.

Si aliquem in Sphæra circulum minorem, qui ad axem incidentiæ rectus non sit, Sol percurrere intelligatur; dum radius incidens conicam superficiem circa axem illius circuli ad continuum Solis motum describet, radius refractus simul etiam suo modo circa axem refractum ductus, non describet conicam superficiem.

Circuli minoris ad axem incidentiæ non recti, in duplici tantum differentia esse possunt; vel enim dicto axi æquidistant vt VHT , & XY *prop.* 54; vel inclinati sunt ad superficiem, ad quam ille perpendicularis est, vt sunt VHT , & XY *prop.* 55; & de vtrisque simul intelligitur proposito, cum in vtrisque eandem habeat rationem: quam quidem in hypothesi *prop.* 55 expono, applicandam facile in hypothesi *prop.* 54 videatur itaque figura *precedentis prop.* & Sol intelligatur percurrere semicirculum XY ; radius circa axem KA ductus, qualis est XA , describet ad centrum A iuxta 15 *primi* huius conicam superficiem, cuius basis erit ipse XY . Dico autem à radio refracto vt AP ducto etiam suo modo, seu potius pro modò refractionum, circa axem refractum (qui, *ex demonstratis in precedenti*, est AQ) non posse describi conicam superficiem: eius enim basis esset circumferentia refracta PQH , quæ *ex precedenti proposito*, circulus non est: vnde quia basis conii non solum recti, sed etiam scaleni, est necessario circulus: sequitur à refracto radio, vt dictum est, circumducto non describi conicam superficiem.

Propositio LVII.

Circuli Sphære dioptricæ maximi, ad axem refractionis recti; vel qui per eum incedunt, lineas in plano horologij rectas efficient: cæteri curvas, pro modo & quantitate refractionum.

Circuli omnes maximi, vel recti sunt ad axem refractionis, vt est BH *CM prop.* 50; vel per eundem incedunt, vt $DBEC$ *prop.* 52, vel tum ad illum, tum ad superficiem refringentem inclinati sunt, vt est MS *PQH prop.* 53. Nunc itaque dico circulos omnes primi, & secundi generis, si gnomonica projectione in plano describantur, lineas in horologio rectas efficere: quia enim illi per 50 & 52, locum naturalem in Sphæra dioptrica retinent, consequenter sunt etiam in plana superficie; atque adeo per 19 *primi* huius lineas rectas in plano horologij efficient.

Præ-

Præterea dico circulos omnes tertij generis, lineas curvas in plano horologij efficere. Quod patet à contrario, cum per 53 huius illi sint non in plana sed in recurva superficie, cuius nulla linea recta est, præter eas, quæ à centro Sphæræ seu à vertice Gnomonis dioptrici exeunt: nullum autem horologij planum per verticem Gnomonis incedit, ex dictis proposuit, 11 primi huius.

Propositio LVIII.

Circulorum Sphæræ dioptricæ minorum, qui ad axem refractionis recti sunt, gnomonica in planum projectiones erunt sectiones conicæ; cæterorum, non erunt.

PRima pars ex eo patet quòd per 51 huius circuli minores ad axem refractionis recti ut PKL figuram circularem in loco dioptrico habent; & radij refracti ut AK, AL, AP, conum describunt; igitur projectio eorum gnomonica, quæ ex dictis 20 primi huius est curva; erit sectio verè conica. Secunda verò pars patet à contrario per prop. 56.

Circulorum Sphæræ dioptricæ Gnomonica projectio, seu practica horarij dioptrici delineatio.

Propositio LIX.

Leges aliquas seu regulas ad Gnomonicam Sphæræ dioptricæ projectionem necessarias præscribere.

QVandoquidem circuli omnes tum maximi tum alij, qui vel non sunt perpendiculares ad axem refractionis, vel per ipsum non incedunt, circularem in Sphæræ dioptricæ figuram non habent, nec in vno sunt plano; ut tamen supponunt horographiæ Opticæ atque Catoptricæ præcepta ferè omnia à nobis tradita, tum ea quæ instrumenti mechanici usum adhibent, tum alia; idcirco necesse est peculiare aliquas horographiæ dioptricæ leges vel regulas esse ad huiusmodi circulos delineandos, sint autem hæ.

Prima regula.

Perspectis diligenter quantitate refractionis iuxta diaphanorum differentias, & habitudine cuiuslibet circuli respectu axis refractionis; determinetur qualis & cuius naturæ sit superficies, quam quælibet in Sphæræ dioptricæ

dioptrica circulus comprehendit; an scilicet plana sit vel curua; & quo genere curuitatis: vt cognita optimè natura eius superficiei, possit eiusdem cum plano horologij sectio communis delineari via aliqua geometrica, quæ vel efficiat regularem continuum vnum ductum ipsius sectionis, vel certè plura assignet ritè inuenta puncta, per quæ eadem sectio designetur.

Attamen quia lex ista, quamuis alioqui optimum & maximè naturalem delineationis ordinem, & modum præscribat; non parum onerosa videtur, in quantum iubet determinari prius, quæ & qualis sit superficies cuiuslibet in Sphæra dioptrica refracti circuli; cum pauci admodum circulares, quæ in plano est, habeant; cæteri verò recurua, & non vno genere curuitatis. Idcirco & his pensatis, mitiores aliàs scribo leges quæ recuruarum huiusmodi superficierum notitiam abstrusam non exigant; & tamen earundem sectiones in quouis proposito plano satis facillè inuenire, adeoque circulos ipsos refractos gnomonicè delineare doceant; sunt verò similes illis, quas *prop. 84 lib. 3*, usurpau.

Secunda regula.

AD datam Gnomonis dioptrici longitudinem, atque è data Sphæra dioptrica describantur (lineis saltem cæcis) in plano horologij, circuli qui circulares in ea Sphæra figuram retinent, id est, tam illi qui per axem refractionis incedunt; quàm qui ad eundem recti sunt; atque ex ijs ita descriptis fiat quoddam veluti rete, quod erit totius horographici operis dioptrici fundamentum: & quidem optimo iure; cum enim prædicti circuli habeant in proiectione Gnomonica ductum regularem, cæteri verò irregularem saltem aliquo modo; necesse est vt illi istorum ductum regant.

Tertia regula.

Conficiantur calculo astronomico, vel instrumenti alicuius vt Astrolabij ope, tabulæ prædicto reti accommodatæ, quarum indicio iniptomet reti inueniantur puncta, per quæ lineis vniformiter curuis cæteri circuli in eodem horologij plano designari possint.

Monitum.

VT duæ istæ vltimo loco positæ regulæ (quas omissa prima in proximè reducemus *sequentibus propositionibus*) vniuersales reddantur, aduertendum est circulos refractos, qui circulares figuram retinent, non in omnibus dioptrici Sphæris eosdem esse; sed in diuersis diuersos. Exempli causa in Sphæra dioptrica Horizontali sunt circuli Verticales, qui per axem

axem refractionis incedunt; & Horizon eiusque paralleli, qui ad eundem axem perpendiculares sunt. In Sphæra autem *Æquinociali*, sunt circuli horarum *Altronomiarum*, qui per axem refractionis incedunt; & *Æquator* eiusque paralleli, qui ad eundem axem recti sunt. Eodem modo in alijs Sphæris, seruata proportione. Dicendum est; vt in Sphæra Verticali, circuli qui figuram circularem retinent sunt circuli omnes ad Verticalem recti, id est circuli *Positionum*; & ipse Verticalis cum circulis minoribus, qui ipsi æquidistant; & ita de alijs.

Vnde quemadmodum pro horologio dioptrico è Sphæra Horizontali, rete è circulis Verticalibus & Horizonte eiusque parallelis contexemus, tabulamque eidem reti accommodatam *Almucantaro-Azimuthicam* per calculum vel instrumentum parabimus; ita intelligi debet pro horologio è Sphæra Verticali, rete esse texendum è circulis *Positionum*, & parallelis ipsius Verticalis; licet enim hi in vsu hætenus non fuerint; facile tamen concipi possunt, & eorum nunc vsus ad præsens negotium necessarius est: sed & tabula suo modo in hoc ipsum supputari debet accommodata reti, vt dictum est, è circuli *Positionum*, &c. contexto: & ita de alijs seruata proportione. Et hæc, meo quidem iudicio, seruandæ sunt leges (donec facilius methodus inueniatur) si quis geometricam horologii è quauis data dioptrica Sphæra delineationem optet.

Quia verò in alijs præter Horizontalem Sphæris; quamuis æquè facile, & eadem arte possit dictum rete contexi; non fortè perinde comparari possunt accommodatæ reti tabulæ; idcirco in illis Sphæris licebit, omisso reti, ad mechanicas praxes conuerti; quas & dabo suo loco; vt dum à præstantioribus ingenijs aliæ faciliores methodi geometricæ expectantur, nostra interim dioptricè se se prout poterit non solum circa Horizontalem, sed circa alias etiam dioptricas Sphæras exerceat.

Prætera rationem construendi retis peculiariter exponam, velut in exemplo, in Sphæra dioptrica *Aqueo-aerea* quæ est Horizontalis; nam inde sufficienter intelligetur quid seruandum in alijs seu similiter Horizontalibus, vt *Crystallino-aerea* &c. seu non Horizontalibus, & vtrisque tum simplicibus, tum mixtis.


Propositio LX.

Datis refractionum tabulis ad quemlibet diaphanorum diuersitatem gradus quadrantis refractos, seu secundum refractionum quantitatem degradatos distinguere.

VT rete facilius texatur, gradus quadrantis refractos priùs distinguam, eorumque singulos radios delineabo, & (quemadmodum vulgò fit, in quadrante non refracto) inde sumam umbrarum refractarum, tum rectarum,

rectarum, tum versarum longitudines ad datam Gnomonis dioptrici longitudinem.

Ductis itaque duabus rectis A S, A K, angulum rectum in A continentibus; describatur centro A quadrans K S: eoque diuiso in gradus, ut assollet, 90 æquales, ac in minuta ipsorum (ut habetur *lib. 2 proposit. 16*) numeri scribantur ordine ducto à K, versus S, (gradus istos ac minuta hic non expressi, quemadmodum neque numeros, quia facillè subintelligi posse existimaui) deinde alius ipsi K S concentricus quadrans B C describatur, in quo gradus refracti distinguuntur beneficio quadrantis K S ex præscripto tabulæ refractionum.



Si igitur propositum sit gradus ex aere in aquam refractos distinguere, recurratur ad aliquam ex tabulis superius traditis nimirum *prop. 45*, vel *48* (ego quidem posteriori, ob rationem ibidem dictam hic vsus sum) & sumpta A K, pro axe refractionis, numerentur sigillatim in quadrante K S gradus, qui singulis inclinationum gradibus respondent, atque ex fine cuiusli-


cuiuslibet numerationis ad centrum A ducantur radij refracti; vt numeratis gradibus 7 min. 55 à K in O pro angulo refracto qui respondet inclinationi graduum 10; ducatur radius OA: item numeratis gradus 15 min. 30, pro angulo refracto respondente inclinationi grad. 20; à K in P: ducatur radius PA: & ita de alijs, non solum denis (vt in exemplum expressi) sed etiam singulis inter denos contentis, usque ad vltimum refractum, qui in tabula respondet inclinationi grad. 89; pro quo numerandi sunt à K versus S grad. 53 min. 37. Et quia angulus rectus 90 (quem *propos.* 1 dixi non rectè vocari angulum inclinationis) non habet, neque habere potest, vt ibidem dixi, angulum refractum sibi respondentem: nihilominus, vt punctum aliquod habeamus, quod in quadrante refracto sit ferè initium primi gradus refracti; numerentur à K versus S gradus 53 min. 59 ferè (id est 22 min, ampliùs, quàm pro angulo refracto respondente inclinationi 89, iuxta proportionem incrementi aliorum) & facto sine numerationis in E, ducatur EA pro radio qui in aqua ex aere refringitur angulo ad perpendicularem refracto BAE omnium assignabilium maximo, quasi respondens tali cuidam incidenti qui incidat angulo inclinationis omnium assignabilium maximo; seu quod idem est angulo eleuationis supra Horizontem minimo: vnde consequens est vt ipse EA possit absque errore sensibili sumi pro radio Horizontali refracto, quatenus refractus est eius qui proximus est Horizontali.

Completa diuisione quadrantis refracti, numeri scribantur, vt hìc cernitur, facto initio ab E versus B vbi complentur 90; id enim necesse est pro vsu ipsius quadrantis, quandoquidem sicut constructio eius sit ex tabulis refractionum, quæ & angulos inclinationum ab axe incidentiæ, & angulos refractos ab axe refractionis sumunt; ita eiusdem vsus, tabulis Almucantaro-Azimuthicis astringitur: hæ autem angulos eleuationum in circulis Almucantarath sumunt ab Horizonte in Zenith; vnde meritò cum refractum quadrantem construerem, angulorum refractorum gradus numerabam à K versus S; in eodem autem iam constructo gradus refractos numerabo ab E versus B: sic enim sub aqua arcus EB cum suis gradibus & radijs refractis, optimè respondebit quadranti DR in aere circa prædictum centrum A, inter productas KAR, & SAD descripto, cum suis item gradibus, & radijs per interualla æqualia distinctis: & AE primus refractorum respondebit primo, vt dictum est, supra AD eleuato; & irrefractus AB, perpendiculariter eleuato AR: quod quidem omnino sufficit ad constructionis demonstrationem. Eadem porro arte construetur quadrans refractus ad quasilibet diaphanorum differentias; dummodo refractionum tabula illis propria habeatur.

Propositio LXI.

Dato quadrante refracto rete horographicum ad datam Gnomonis dioptrici longitudinem construere in plano quod axi refractionis æquidistet.

IN Sphæra dioptrica Horizontali, plana omnia ad Horizontem recta, id est verticalia, axi refractionis æquidistant: in autem eadem Sphæra rete horographicum, iuxta 2 regulam præced. prop. ex Azimutis & Almucantaris texendum est; hi enim ut ex demonstratis superius intelligitur figuram



in ea Sphæra circularem seruant. Propositum itaque nunc est circulos tum Verticales tum Almucantarum refractos in plano verticali describere.

Sumatur autem pro exemplo planum æquidistans primario Verticali: & in primis dato A loco styli, ducantur per A duæ rectæ ad inuicem perpen-

pendiculares; F G Horizonti æquidistans; C I Meridiana; per ea quæ *lib. 2* dicta sunt de huiusmodi lineis: deinde abscindatur A C æqualis Gnomoni A B; & C centro describatur semicirculus D A E diuidendus, vt fieri solet, in suos 108 grad. (licet hîc solum in 18 partes diuisus exprimatur) & per singulorum graduum puncta, rectæ ex C perducantur donec ipsam F G fecerint, vt sunt C F, C G, C Y, C X &c. à punctis autem F, Y, X, G, &c. demittendæ sunt rectæ F Q, Y O &c. inuicem, & cum A I parallelæ: quæ erunt communes sectiones plani propositi, & circulorum Verticalium; ideoque ascribendi sunt illis numeri, sicut Verticalibus, initio facto à primario (licet is locum non habeat in huiusmodi plano vtpote ipsi æquidistans) versus Meridianum A I cui conuenit 90; & rectæ F Q conuenit 20, sicut & ipsi G H ex altera parte; & ita de alijs.

His modò designatis in plano Verticali, aliæ similes in quadrante refracto designandæ sunt lineæ Verticales; hoc modo & ordine. In quadrante refracto *per precedentem* constructo sumatur A Q, stylo A B æqualis, & in Q excitetur Q T perpendicularis ad A S, seu parallela ipsi A K; similiter sumatur A H in eodem quadrante æqualis rectæ C F, vel C G in plano verticali; & A M æqualis ipsi C Y, seu C X; & ita de alijs singulis, & per puncta H, M, &c. in quadrante ducantur, rectæ æquidistantes, ipsi Q T, seu A K; quibus etiam numeri ascribendi sunt eodem ordine & modo quibus supra, vt videlicet rectæ Q T repræsentanti Meridianum A I conueniat 90, rectæ verò H V repræsentanti Verticalem F Q siue G H conueniat 20, & ita de alijs intermedijs.

Hæ verò rectæ Q T, M X &c. in quadrante, secabunt radios eius, si non omnes saltem plurimos; & quidem eò plures, quò breuior sumptus fuerit stylus A B siue A Q ipsi æqualis: vt Q T secat radium A E in I, & radium A T 70 in T; aliosque intermedios in alijs punctis: ita M X, secat radium A E in N; & eundem secat in L recta H V; & ita de alijs: sunt autem diligenter notanda huiusmodi puncta intersectionum; quia singula è quadrante ad retis constructionem in lineas Verticales transferenda sunt, sumptis accuratè interuallis; hoc modo

Sumatur aperto circino interuallum Q I in quadrantis Meridiana Q T, & transferatur in lineam Meridianam plani Verticalis ab A in K: item sumatur interuallum H L in quadrantis Verticali 20 H V, & transferatur in similem ei F Q ab F in S ex vna parte, & ex altera in aliam æquè eidem similem G H, à G in R: præterea interuallum M N è 30 Verticali M X, transferatur in duas ipsi similes Y O, & X P, ab Y scilicet in M, & ab X in L; & ita de alijs intermedijs punctis quibus similes Verticales in quadrante, secant primum radium refractum A E: ad cuius delineationem iam hoc facto habemus puncta S, M, K, L, R, aliaque intermedia in intermedijs Verticalibus: itaque per ea puncta describendus est ductu vniformi & sine angulis arcus S M K L R, qui in reti isto horographico supponi poterit pro linea Horizontali ex dictis *in constructione quadrantis*. Eadem prorsus arte

delineabuntur pro circulis Almucantarath arcus conuenienter inflexi per puncta similiter ex quadrante refracto in planum verticale translata; ac demum singulis ritè delineatis numeri apponantur, vt in schemate cernitur, facto initio ab S K R: & ita constructum erit optatum rete in plano verticali.

Si huius generis rete quis optaret insignis alicuius magnitudinis, vel in superficie non plana, aut declinante, vel etiam inclinata; posset facillimè totam eius delineationem perficere instrumento Vetticalis nostri mobilis *lib. tertio per ea quæ dicta sunt prop. 42, 43, & 44*; dummodo priùs in eo ipso instrumento, quadrans refractus delineatus esset *per præcedentem 60.*

Demonstratio.

Moueatür triangulum FGC super immota basi FG donec ad angulos rectos sit cum plano verticali; id est, donec AC congruat cum stylo AB: sic erit C vertex styli, & centrum Sphæræ *per postul. 6*: & quia FG *per constructionem* ad Meridianam AI recta est, semicirculus DAE erit in plano Horizontis; & rectæ CF, CY &c. erunt communes Horizontis, & circulorum Verticalium sectiones: FG autem erit communis sectio plani verticalis, & circuli Horizontis. Et quia iidem Verticales, vt pote ad Horizontem recti, incedunt per axem refractionis, qui in hac Sphæra Horizontali ad eundem Horizontem rectus est *per definit. 12*, sequitur omnes Verticales per axem refractionis incedere; atque adeo naturalem retinere locum *per prop. 52*; ergo & sequitur eosdem per puncta F, Y, &c. incedere: quia verò iidem Verticales circularem etiam figuram retinent *per eandem 52*; atque adeo lineam rectam in plano quod secant efficiunt *per 57*; sequitur FQ, YO &c. (quæ Verticales circulos in proposito plano referunt) debere esse rectas: insuper autem debere easdem esse tum inuicem, tum Meridianæ AI parallelas; satis patet quia tam planum hoc, quàm quilibet Verticalis est ad Horizontem rectus; ac proinde communis eorum sectio est ad eundem Horizontem perpendicularis *per 19 11 elem.* ergo duæ vel tres &c. huiusmodi sectiones, sunt inuicem parallelæ *per 6 eiusdem.*

Quòd arcus circulorum Almuc. debeant tanto vel tanto intervallo distare ab Horizontali FG; pendet ac demonstratur *ex constructione quadrantis refracti*; hinc enim petenda est quantitas cuiuslibet vmbra versæ refractæ: ac demum quòd iidem Almucantarath hunc potius quàm alium curuitatis flexum obtineant in isto plano; ex eo pendet quia (cùm *per 58 huius* sectiones eorum sint conicæ) in hoc plano, vt pote æquidistante axi ipsorum, sunt hyperbolæ.

Propositio LXII.

Dato eodem quadrante refracto, rete aliud horographicum ad datam Gnomonis dioptrici longitudinem, delineare in plano ad axem refractionis perpendiculari.


Planum quod axi refractionis, in Sphæra dioptrica Horizontali, perpendicularare est, ipsi Horizonti æquidistat; & rete horographicum in eadem Sphæra iuxta 2 regul. 59 propof. texendum est ex Azimuthis, & Almucantaris: hi enim in illa Sphæra, vt ex demonstratis supra intelligitur; retinent circularem figuram. Hæc verò placuit præmonere, vt propositio quæ est vniuersalis possit facilius ex hoc exemplo applicari cuilibet factæ hypothefi secundum diuersas dioptricas Sphæras. Nunc itaque propositus sit datus quadrans refractus per 60 constructus: & sit data Gnomonis longitudo KI, quantum scilicet supra planum horologij eminebit; nam reliqua particula IL, potest eius esse radix eidem plano infigenda.

Videatur figura prædicti quadrantis, & in axe refractionis AB, summa AG æqualis ipsi KI; & ex G perpendicularis ad AB excitetur GF, quæ radius AE in F, reliquos verò inter ipsum & AB medios fecerit in alijs punctis diligenter notandis. Deinde aperto circino sumatur interuallum GF, & eodem interuallo describatur in plano horologij circulus EBCD circa A centrum quod etiam locus styli erit. Simili modo ab eodem G versus F sumantur puncta quibus ipsam GF secant radij non tantum 10, 20, 30 &c. sed etiam omnes ac singuli si opus est; & ad singulorum huiusmodi punctorum interualla translata ex A loco styli in aliquam diametrum EAC; vt in F, G, H, &c. describantur eodem centro A circuli, qui circulos Almucantarath refractos referent: & quidem EBCD referet Horizontem iuxta dicta propof. præcedenti; ille autem qui per F incedit decimum Almucantarath; qui verò per G 20; & qui per H 30 repræsentabit &c. numeri autem ita scribantur, vt facto initio à circulo EBCD, in A tanquam in Zenith compleantur 90. Et hæc de circulis Almucantarath.

Nunc de Azimuth. Rectam EC per centrum A ductam fecerit BD ad angulos rectos in eodem A; & mox quadrantes singuli EB, BC, &c. diuidantur vt communiter fit in gradus 90; & à singulis diuisionum punctis rectæ ad centrum A ducantur, quæ erunt sectiones communes plani horologij, & circulorum Verticalium; numeri autem scribantur, vt hic cernitur à B hinc inde versus E & C; similiterque à D hinc inde versus E & C; vt in E & C compleantur 90: & ita BD erit in horologio Verticalis primarius; E C autem erit linea Meridiana.

Si cui fortè onerosa videatur tot circulorum & linearum rectarum descriptio; hanc sequatur methodum faciliorem. Descripto ac diuiso, vt di-

Etum est, circulo EBCD, regula quædam tenuis chartacea, cornea, orichalcea, vt placuerit, tali arte fiat; vt in lineam eius fiducialem transferantur puncta (singulis ipforum interuallis debite seruatis) quæ sunt in quadrantis refracti linea GF, additis numeris, scribendis ab F versus G, seu à puncto quod in regula respondet ipsi E, ad aliud quod in eodem respondet puncto G: tum in hoc vltimo regulæ puncto fiat foraminulum; vt ita fixa acu tenui possit copulari centro A, ac circumduci per omnes gradus



circuli EBCD; sic enim prout applicata fuerit eius gradibus his vel illis referet Verticales, qui per eos gradus incedunt; & quia semper secum deferunt puncta notata ex linea GF dabit in quolibet Verticali puncta singulorum Almucantarath. Et ita grato compendio optatum rete constructum erit ex vnico circulo, & vnica regula rectilinea.

Demonstratio.

Sicut in *precedenti* demonstratum est lineas Verticalium esse rectas ita, hic demonstrari potest: quòd autem in centrum A conueniant; est, quia per A communis eorum diameter (qui est axis Horizontis) incedit: ac demum quòd æqualibus interuallis per gradus in circulo EBCD notatos distinguantur; est, quia ex *prop.* 52 locum naturalem retinent. Almucantarath verò in hoc plano, circuli sunt: quia sectio conì in plano quod basi eius æquidistat circulus est; sectiones autem ipsorum Almucantarath sunt in ista Sphæra dioptrica, sectiones conicæ per 58 *huius*. De distantia eorundem circulorum ab inuicem in hoc plano, siue de longitudine diametri cuiusque, non est difficultas, cum eam in quadrantis refracti recta GF præscribat longitudo vmbra rectæ refractæ respondentis cuilibet circulo eleuationis.

Corollarium.

EX hac & præcedente *prop.* satis intelligitur quomodo in planis inclinatis seruata proportionem delineari debeat rete horographicum.

Propositio LXIII.

Dato reti horologium dioptricum delineare.

IN exemplum dabo horologium Astronomicum in reti per *precedentem* *propof.* constructo, delineandum; leges autem delineationis illæ ipsæ sunt, quas *prop.* 84 lib. 3 tradidi: quare nunc non est opus eas hic repetere; cum inde nullo negotio peti possint, quemadmodum & tabulæ tum pro lineis horarijs, tum pro arcubus Æquinoctialis ac Tropicorum necessariæ, ad poli eleuationem grad. 42. Solùm hic addam, quod horologio in aqua dioptrico peculiare est. Fiat vas quoddam cylindrica (vel alia quauis figura) ad mensuram altitudinis styli KI, torno incauatum, in eius autem fundo plano, ac saltem æqualis cum circulo EBCD diametri, delineetur, vt dictum est, vel sanè iam in ænea bractea exaratum aptè condatur ipsum horologium: & in centro A stylus KI ad angulos rectos fixus erigatur. Infundatur deinde aqua purissima, ad summam vasis oram, id est vsque ad styli summitatem K: tunc verò horologium, si ita collocetur, vt linea EC sub Meridiano sit; & E meridiem ipsum spectet; C autem septentrionem, vmbra styli proiecta refractè, horam &c. ostender.

Demonstratio.


Meridianam lineam AC rectam esse sicut AD. ac reliquas Verticales constat *ex demonstratis in precedenti*, reliquas verò horarias, quemadmodum & Æquinoctialem, curvas esse, constat *per 57 huius*; quia tam circuli horarum Astronomicarum distinctores, quàm ipse Æquator ad superficiem refringentem, quæ est aquæ, inclinati sunt: denique modum curvæ tum distarum linearum, tum etiam arcuum Cancræ & Capric. præscribit rete vnà cum tabula cuique propria; nam neque Tropici sectionem conicam efficere possunt in hac Sphæra dioptrica *per proposit. 58* cum & ipsi inclinati sint ad aquæ superficiem, sicut Æquator.

Propositio LXIV.

Horologium dioptricum sub aqua; in concauo hemisphærico vase delineare.

In primis *iuxta prop. 59 regul. 2.* construendum est rete horographicum; & quidem ex Azimuthis & Almucantaribus, vt iam satis constat. Diuidatur itaque hemisphærici propositi vasis peripheria ACBD interior in quatuor partes æquales; & rursus earum quælibet in gradus 90. Deinde circini ad intervallum CA, siue CB, aperti pede immobili fixo in C, alter circumductus ab A in B describat Meridiani semicirculum AFB; & vicissim pede immobili ex C in A vel in B translato, ac ibidem fixo, pes mobilis à C in D circumductus semicirculum CFD Verticalis primarij designet: atque hac eadem arte describantur cæteri Verticales, qui omnes cum Meridiano se se in vno communi puncto Fsecabunt, quod nunc liceat vocare Zenith dioptricum: nam & de facto est Sphære istius dioptricæ Zenith in ima parte, vndique à circumferentia ACBD æqualiter remotum.

Completa Verticalium delineatione, ac numeris debito ordine ascriptis à C versùs A & B, itemque à D versùs idem A & B; diuidatur diameter AB bifariam in E: & intervallo EA siue EB describatur in quadrante refracto, *suprà prop. 60*, arcus ex A ipsius centro, secans radium AE, & A B reliquosque intermedios sicut eos secat recta GF: puncta verò intersectionum ab eo quod erit in linea AB (sicut fecimus *suprà* in linea GF) versùs illud aliud quod erit in radio AE, sumantur diligenter aperto ad singulorum intervalla circino; atque eodem sic aperto describentur sigillatim in vasis nostri concauo circuli Almucantarum pede immobili collocato semper in Zenith dioptrico F. Delineatis Almucantaribus, numeri apponantur suo ordine, vt sit in prædicto Zenith 90. Non est autem necesse dictos Almuc. sicut neque Verticales, numerosue altè incidere, sed sufficiet leui cuspede cir-



Philippus Gaghard. del. Cl. Geyrand. Sculp.



circini designare; utpote mox delineato horologio delendos: quamvis si ita libuerit incidi poterunt; nisi periculum sit confusionis linearum ob nimiam multitudinem in exiguo spatio.

Constructo hac lege reti horographico, adhibitis tabulis, horæ Astronomicae & arcus tum Aequatoris, tum Tropicorum nullo negotio delineari poterunt, sicut dictum est *prop.* 63. Pro horis verò ab occasu alia necessaria est tabula, quam ex Astrolabio pariter excerptam hic describo ad eleuat. poli grad. 42; qua in tabula ubi scribitur P. or. intelligendus est Verticalis primarius in parte ortiua; sicut idem intelligendus est in parte occidua ubi scribitur P. oc. ubi autem scribitur A. or. intelligitur Verticalis inter austrum, & ortum; similiterque Verticalis inter austrum, & occasum, quando scribitur A. oc. & contra ubi scribitur B. or. aut B. oc. intelligitur Verticalis inter boream, & ortum, vel inter boream & occasum: denique A. Simpliciter significat Austrum seu Verticalem 90, qui est Meridianus.

Tabula circulorum tum Azimuth, tum Almucantarath per quorum communes sectiones incedunt circuli horarum ab occasu ad poli elevationem grad. 42.

Horæ ab occasu.

	9	10	11	12	13	14	15	16	17	18	19	20	21	22	23
	G. M.	G. M.	G. M.	G. M.	G. M.	G. M.	G. M.	G. M.	G. M.	G. M.	G. M.	G. M.	G. M.	G. M.	G. M.
Azim.	B. or.	B. or.	B. or.	P. or.	A. or.	A. or.	A. or.	A. or.	A. or.	A. or.	A. or.	A. oc.	A. oc.	A. oc.	A. oc.
Alm.	32 0	22 0	11 0	0 0	11 0	20 0	32 0	42 30	54 15	67 50	82 0	82 50	78 30	55 0	43 10
	0 0	0 0	0 0	0 0	0 0	0 0	0 0	8 20	5 50	21 5	24 0	4 5	21 25	16 10	8 40
Azim.		B. or.	B. or.	B. or.	A. or.	A. or.	A. or.	A. or.	A. or.	A. or.	A.	A. oc.	A. oc.	A. oc.	A. oc.
Alm.		22 15	12 0	2 0	10 5	20 50	32 30	44 40	57 0	74 0	90 0	75 0	60 0	46 0	30 0
		10 30	10 0	19 15	11 0	21 50	10 0	20 0	3 0	31 0	31 50	29 10	24 55	18 20	10 2
Azim.			B. or.	B. or.	A. or.	A. or.	A. or.	A. or.	A. or.	A. or.	A. oc.	A. oc.	A. oc.	A. oc.	A. oc.
Alm.			13 0	3 50	8 0	20 0	33 0	46 40	60 0	80 0	80 0	70 0	51 0	37 0	20 0
			21 15	32 20	32 0	40 0	21 0	30 0	31 0	38 50	39 30	32 0	28 0	20 0	10 45
Azim.					A. or.	A. or.	A. or.	A. or.	A. or.	A.	A. oc.	A. oc.	A. oc.	A. oc.	A. oc.
Alm.					6 20	21 0	32 0	49 0	62 0	90 0	53 10	60 0	43 0	30 0	10 5
					43 30	54 15	31 48	40 5	39 0	48 0	46 0	36 4	30 3	21 0	11 0
Azim.							A. or.	A. or.	A. or.	A. oc.	A. oc.	A. oc.	A. oc.	A. oc.	P. oc.
Alm.							35 0	51 0	68 10	80 0	56 0	49 0	32 0	20 50	
							45 0	48 30	46 0	54 0	50 10	40 5	31 48	21 50	10 10
Azim.							A. or.	A. or.	A. or.	A. oc.	A. oc.	A. oc.	A. oc.	A. oc.	B. oc.
Alm.							36 0	58 0	74 0	64 0	42 0	40 0	24 0	10 0	8 0
							52 0	60 0	53 0	6 0	53 0	42 0	33 0	22 15	11 0
Azim.							A. or.	A. or.	A. or.	A. oc.	A. oc.	A. oc.	A. oc.	P. oc.	B. oc.
Alm.							38 0	66 0	82 0	46 0	30 0	34 0	6 0		
							62 0	68 0	59 50	63 0	54 0	43 0	33 0	22 0	10 0
Azim.							A. or.	A. or.	A.	A. oc.	A. oc.	A. oc.	B. oc.	B. oc.	
Alm.							38 30	70 5	90 0	37 0	18 30	0 0	4 10	13 30	
							64 5	70 50	64 10	63 2	53 45	43 40	31 5	1 35	
Azim.									A. oc.			A. oc.			
Alm.									68 0			5 40			
									70 30			42 40			

Delineato horologio, Monoceros (aut simile quid Gnomonis opaci loco) hemisphærij centrum E attingens conuenienter aptetur, firmeturque: ac ita demum aqua iniecta limpidissima, vsque ad peripheriam ACBD & Gnomonis verticem E; horologium ad austrum acu magnetica dirigente disponatur; tunc enim umbra è Gnomone in horarias lineas refractè cadens, horam &c. indicabit. Quæ quidem omnia *ex antea demonstratis* factis intelliguntur, vnde nec nouam demonstrationem apponam.

Tu verò hic, obsecro te, mi Lector, gratulare dioptricæ isti meæ, quin & toti Perspectiuæ horariæ, quam nempe cernis plurimum à sacra Purpura & honestatam, & illustratam; quod enim ænea tabella tibi protuli insignioris dioptrico-Gnomonici horarij specimen, id expressum ex eo est, quod accuratissima sua manu in hemisphærica ænea inaurata patera delineatum, mihi pro sua humanitate, in hoc ipsum concessit Eminentissimus idemque sapientissimus Card. Costagutus, qui aliàs dum ad præclari ingenij sui nobiliora exercitamenta non solum operam dabat Philosophiæ politori, vel ipsi sacre Theologiæ, ac vtrique Iuri; sed etiam in reliquis facultatibus subtilissima quæque scrutabatur, res etiam Gnomonicas perlustrauit, imò illustrauit inuentis ac feliciter extractis varijs nouæ multiplicis formæ gestatorijs horarijs, quæ sine dubio nominatissima illa Antiborea, Pelecina, aliaque *propof. 1. 1. huius* commemorata longè superent, tum elegantia, tum ingeniosi inuenti præclaro artificio. Nunc equidem hæc ipsa horaria, aliamque plurimam insignem, tum matheos, tum curiosæ Philosophiæ supellectilem, necnon in primis lectilissimam Bibliothecam habet eximium eiusdem Eminentis. museum; mentem verò interim altiores publicæ pro Christiana Republica detinent curæ. Tu denique mi Lector frui isto, mihi quidem carissimo, tibi autem etiam profuturo Eminentissimi munere.

Propositio LXV.

Radio solis per exiguam ad hoc paratam crystallum in cameram alias occlusam introfuso, horarium dioptricum amplissimum, media in luce umbratilibus lineis depingere.

Paretur crystallus tres quatuorue digitos lata, orbicularis, plana quidem ex vna parte, sed ex altera conuexa, vel concava figuræ Sphæricæ, vel alterius cuiuslibet: & in eius plana superficie ad longitudinem aliquius conuenienter assumpti Gnomonis horologium sciathericum præceptis *libro 2* traditis delineetur; vel etiam acuto adamante exaretur, verbi gratia, verticale; & quidem declinans, aut rectum prout oportuerit spectata loci dispositione: numeri tamen, & characteres Signorum Zod. versa in dextram parte sinistra, vt in typis, scribantur. Demum electo in fenestra.

fenestra loco disponatur crystallinum hoc horologium, eo situ qui ipsi conuenit, superficie plana foras, altera intus respiciente: mox enim si occlusis reliquis fenestris camera Solem excipiat trans eam crystallum, luce per ipsam se se infundente, apparebunt in superficie parietis, vel pauimenti ad maiora spatia (propter diuaticatos radios) extensæ horariæ lineæ, aliæque in parua crystallo pictæ vel exarata: ipsaque cum eis pariter apparebit umbra Gnomonis horam simul &c. demonstrans: poterit autem hoc ipsum horologium dioptricum è pauimento elegantius in fornicem, vel in editiorem parietis partem reflexè projici; si sub prædicto crystallino horologio speculum planum sic aptè disponatur ut lucem, umbramque ex eo incidentem excipiat, & exceptam reflectat in cubiculi optatam partem commodiorem.

Propositio XLVI.

Ad crystalli & aqua simul compositas refractiones horarium dioptricum delineare è quauis Sphæra dioptrica.

DElectabit sine dubio non solum ex Horizontali (ut hætenus factum est) sed etiam è Verticali, aut Æquinoctiali, vel alterius generis Sphæra dioptrica horarium extruere: quia tamen aquæ sibi relictæ vnda ad Horizontem solum aptatur, ad reliquos autem Sphærae circulos aptari nequit; nec facile parari potest diaphanum aliud densum notabilis atque ad id idoneæ profunditatis: modum excogitavi satis aptum quo aquam alienis terminis cohiberem (cum suis non possem) & ita superficiem eius pro vario prædictorum circulorum situ, erigerem, inclinarem &c. Id in exemplo clariùs efferam.

Si horarium è Sphæra Æquinoctiali desideres, ita videlicet ut axis refractionis sit rectus ad planum circuli Æquatoris *iuxta definit. 12*: vas aliquod firmo pede stabile compara, verbi gratia, hemisphæricum, cuius summum labrum sit non Horizonti parallelum; sed ex vna parte elatum numero graduum eleuationis Æquatoris; tum ori vasis ita comparati crystallum electam (cuius videlicet ambæ planæ sint ac inuicem parallelæ superficies) impone ac diligenter agglutina tali arte ut nusquam effluere possit aqua, mox per relictum à tergo spiraculū infundenda: & hoc modo habebis vnum non quidem simplex sed è duobus compositum diaphanum densum, sub quo horarium effici poterit è Sphæra Æquinoctiali dioptrica. Ipsum verò horarium, priusquam infundatur aqua, & crystallus agglutinetur, sic delineabis. Primò quadrantem dioptricum *per propof. 60* construe ex tabulis refractionum crystalli solius; quas quidem tibi ipse conficere

ficere poteris *per prop. 45* aut *47 huius*, vel sane vtere tabulis refractionum vitri quas habet Vitellio *lib. 10*, non sunt enim diuersæ refractiones vitri, & crystalli huius (de qua loquor) liquatæ & compactæ in fornace: quamuis aliud videatur dicendum de crystallo montana quæ cum duritie habet simul densitatem maiorem.

Deinde pro horis Astronomicis diuide vasis interiorem, quæ in summo ore est, peripheriam in partes æquales 24 facto initio à supremo & maxime omnium eleuato eius puncto; per quod & per aliud ipsi ex diametro oppositum incedet linea Meridiana, quam sicut & reliquas horarias per alia factæ diuisionis puncta describes eadem prorsus arte, qua Verticales circulos suprà delineasti *propositione 64*. Hæ verò lineæ se inuicem fecabunt in vno communi puncto, quod erit cetrum horologij & polum referet, Arcticum quidem si facies horologij à Zenith versùs meridiem inclinata, septentrionem respiciat; Antarcticum verò si ipsum meridiem spectet.

Tertiò ex horologij centro prædicto Æquinoctialem, & parallelos Signorum describes quemadmodum eadem *propof.* Horizontem & circulos Almucant. excepto quòd interualla propria, quibus ab Æquatore declinant Signorum arcus in quadrante refracti, vt dictum est, parato, sumenda priùs sunt iuxta declinationum tabulas quæ *lib. 2 prop. 39* habentur; & ita è quadrante in horologium transferenda.

Pari modo fieret horologium *ex præceptis superiùs traditis*, si vas dicto iam modo inclinatum superficies interiores haberet planas, ad Horizontem rectas, vel inclinatas, aut vnâ haberet Horizontalem.

Demonstratio.

AD horas Astron. vel ad Signorum arcus nullum hìc necessarium præuium rete, quia in Sphæra dioptr. Æquin. circuli horarum Astron. vt pote ad Æquatorem recti per axem refractionis (qui est ipse Æquatoris axis) incedunt: Æquator verò & Signorum paralleli ad eundem axem, vt patet, recti sunt: vnde non ex alijs quàm ex ipsis *per 2 regulam prop. 59* contrui debet rete pro cæteris circulis; vt Horizonte, distinctioribus horarum ab occasu &c. Præterea quòd quadrantem refractum ad simplicem crystalli refractionem construi iussi; ideo est, quia cùm constet crystallum aqua esse densiorem, refractione ex aquea & crySTALLINA composita ad simplicem crySTALLINAM reducitur *per prop. 8*.

Propositio LXVII.

In quavis & quomodocunque disposita superficie, è quavis dioptrica Sphæra ad compositam, vel simplicem refractionem, licet ignotam horarium dioptricum organicè delineare.

HÆc propositio multa complectitur; & multum iucunda; facile enim continget esse molem aliquam crystalli, verbi gratia, seu solidam, seu concavam, liquore tamen aliquo limpidissimo replendam, ut vrceum, phialam &c. in qua præter elegantiam operis delectet etiam horas & Solis in Zodiaco motum cernere; quod tamen difficultate non caret, cum vt plurimum in huiusmodi fabrefactis, quò plus inest artis, eò insit minùs regularis solitæ, & ad gnomonica accommodatioris figuræ planæ vel sphericæ. Verùm quantumlibet res ex suo genere sit difficilis; facillimam reddet modus ille delineandi quem *lib. 3 prop. 82* tradidi, in dioptricis non minùs utilis quàm in cæteris.

Esto (vt rem exemplo faciliùs declarem) phiala crySTALLINA cuiuscunque figuræ (certè nullam vitraria fornax edet perfectè sphericam, aut perfectè ellipticam &c.) in cuius externa superficie horologium proponitur depingendum, quod horas ostendat quoties exponetur Soli phiala spiritu vini, aceto stillato aut simili etiam nativo liquore purissimo plena. In primis perspecta phialæ figura eligatur extrinsecùs vel etiam intrinsecùs, commodissimo loco puta in deuexo quà collum adnascitur, punctum aliquod pro Gnomonis vertice; quod modo tali opacetur, vt vmbra efficiat, neque enim aliud styli genus hìc necessarium est.

Deinde constructa machina horographica, vt *proposit. illa 82* dictum est; phialæ oprato liquore ad summitatem vsque plenæ os cortice suberis aut cera molli obstruatur, ne liquor effluat, dum inclinare phialam necesse erit delineando horologio: pes verò eiusdem (qui commodissimus erit, si fiat vt in ciathis, fundo phialæ rotundo adhærens) vinculo quodam aut pice vel alio modo firmiter copuletur asseri *c a b*, quemadmodum de basi *FH* dicebatur loco citato. Ita tamen obuertatur phiala vt planum, quod intelligi potest incedere per punctum iam electum pro vertice Gnomonis, & per axem ipsius phialæ, æquidistet lineæ Meridianæ *GX*. Cætera quæ ad horarum &c. in phialæ superficie delineationem pertinent, fiant vt *eadem prop.* in superficie speculi concavi.

Deinceps autem phiala, horologio insignis, eodem quo priùs aut simili plena liquore, debitè ad meridiem obserua, in plano Horizontali erecta, ac Soli exposta, horas, Signa Zod. &c. refracta puncti, vt dictum est, opacati vmbra ostendet respicienti à tergo: posset verò æque ostendere radio refracto, si punctum quod opacatum est sineretur diaphanum cæteris cir-

ca ipsum ad aliquantulum, vel etiam magnum spatium, opacatis. Fieret autem id optimè pictorijs inductis coloribus oleo temperatis, & ad elegantiam experimentibus optatam alicuius rei, vt Solis imaginem.

Simili arte machinæ horographicæ, horaria dioptrica in aqua, perinde facillè delineabis in quolibet oris latè patentis vase, vt scutella, catillo, patera &c. cuius concava superficies à perfectè sphærica deficiat, vel non sit integri hemisphærij. Si enim horologium dioptricum Horizontale describas *per prop. 63* (quod videlicet delineationem habet omnium facillimam, propter retæ lineis rectis, & circulis concentricis constans) illius ope, etiam seclusa aqua, simile horologium in vacua patera designabis, quod tamen non nisi addita aqua horam ostendet.

Propositio LXVIII.


Pulcherrima meteoricæ Iridis æmula Thaumantias in occlusæ camerae superficie dealbata refractis à speculo cylindrico solaribus radijs gignitur, quæ non solum horas tum Astronomicas, tum aliàs, sed etiam locum Solis in Zodiaco, in circulis Verticalibus, domorum cœlestium &c. ostendere potest.

IRis dioptrica de qua nunc agere proposui, à Catoptrica (de qua *lib. 3. legi à propof. 111, ac deinceps*) differt sola colorum varietate, cum enim lux reflexa, solum velut sibi nativum ostendet candorem; refracta, pro modo & quantitate refractionis, flavescit, virefcit, purpurascit, cærulescit: unde præsuppositis ijs, quæ loco citato dixi, solam nunc refractionem adiungam, vt ita perfectam Iridem, id est, versicolore, quod solum illi deerat, exhibeam.

Paretur itaque speculum è solida crystallo cylindricæ perfectæ figuræ, omni circumferentiæ parte splendidissimum, tres circiter in longitudinem digitos, ac totidem in diametrum habens; tali forma quali expressi *BA* cernis in figura sequenti. Nihilominus viuaciores fore Iridis colores videtur, si in cylindrica dicti speculi superficie, postquam iam perfectè polita fuerit creberrima intervallis exiguis sed æqualibus distincta latifcula explanentur, & sic iterum perfectè poliantur; ita vt angulorum, quos cum intermedijs, ac sibi æqualibus residuis latifculis cylindricis efficiunt, acies habeant minimè exesas: fortè adhuc pulchrior esset Iris, si latifcula plana omnia se se immediatè consequerentur absque interpositione latifculorum conuexorum: esset nihilominus utroque isto modo aliquantulum interrupta Iris, neque arcum efficeret continuum sed necessariò intercisum. Iuvabit etiam mirum in modum si purissima sit, & limpidissima crystallos, atque insuper acuto quodam sed minimè opaco imbuta colore



Trici Horum Dispositio



colore : sic enim reliquis, vt dictum est, refractione procreatis suum etiam iucundissimo spectaculo admiscebit, si quidem colorem crystalli, quam penetrauerit, lux imbibit, eumque secum in parietem, vel simile obuium corpus defert.

Cæterum lineas tum horarias tum alias quasunque in horologio Iridi refractæ accommodatas, eodem prorsus modo describes, quo accommodatas reflexæ; cum utrobique idem omnino sit positus speculi tum quiescentis, tum versatilis; prout necesse est ad varios in horologio circulos Sphæræ exprimendos.

Propositio LXIX.

Speculum cylindricum crystallinum sic aptè in debito situ collocare vt Dioptrico-Gnomonica Iris, quolibet tempore, Solis in Zodiaco locum demonstret.

Speculum huiusmodi conuenit non solum in debito situ respectu axis Æquatoris collocari, sed etiam ita disponi, vt omni ex parte cylindrica vel cylindrico-plana vt supra dictum est, superficies tum quæ Solem foris lucentem, tum quæ intus cameræ locum obscurum respicit, & radios incidentes admittat, & refractos liberè emittat. Tale igitur adhibendum est futuræ genus quod neque incidentibus, vel crystalli densa penetrantibus, neque refractis è crystallo iterum quaquauerfus in orbem exilientibus radijs officiat.

Cudatur igitur è ferro, aut ære fusili comparetur instrumentum, tali forma qualem ænea sculpta tabella clariùs exprimit. Constat hoc instrumentum duabus partibus, quarum inferior MF, continet angulum rectum interiùs FGH; sed & exteriùs etiam ad partes MZ, similiter rectangula est: ex opposito autem geminas PP cuspides reduncas deorsum mittit, è semetipsa sibi velut adnatas radices, quibus in murum electo loco aptè depactis, & gypso tenacissimo implicatis, firma in debito situ consistat. Erecti lateris GM, altitudo KI, siue GH sit omnino æqualis longitudini cylindri AB: superficiei autem IH a M perfectè explanatæ (ita vt ad angulos etiam rectos sit, cum HG & IK) impositam reliquam instrumenti partem superiorem NE pariter planam, habilis copulet in N atque L commissura, & contortum validè cochlidium O coërceat, contineatque parallelòs cum partis inferioris substrata planitie Fb K.

Præterea dictum latus erectum GM ad anteriores partes quæ videlicet foras seu versùs Solè spectabunt, obliqua cæsura, vt in GHIK, aptè excindatur. Ratio autem cur ita excindi placeat, ista est, quia videlicet angulus ille excisus si remaneret rectus (vt est alter oppositus in linea a b) aliquatenus impediret radios incidentes toto eo temporis spatio quo Sol inter Ho-

izontem & circulum horæ sextæ à med. nocte vel à merid. versaretur. In-
teriore verò angulum rectum, quem duæ planæ superficies Ga & bM
in linea ab efficiunt, de indutria seruo; imò opto, vt quadam addita opa-
ca lamina orichalcea vel alia aptè disposita secundùm lineas Ha , Gb am-
plius extenderetur superficiecula Ga ; ne scilicet Iridem sinat in pauimen-
tum cubiculi peruenire. Cùm enim dealbari non solear pauimentum;
nec, licet dealbetur, possit facilè candorem ita eximium diu retinere, tur-
pante puluere aut etiam luto ex incessu frequenti; si quemadmodum in-
testitudine atque parietibus ita in pauimento Iris apparere permittatur,
res omnium pulcherrima contemptui exponetur, siquidem in pauimen-
to ob defectum albedinis nunquam erit æquè pulchra: è contrà verò mul-
tò elegantius, vt videtur; erit opus istud dioptricum; si terminetur Iris ad
aliquas duas lineas, vt ex vna parte ad lineam horæ sextæ à mer. vel à med.
nocte (prout Solem matutinum, aut pomeridianum habebimus) ex altè-
ra verò parte ad primam à meridiè, vel vndecimam à media nocte, aut
alias; quæ pro loci dispositione commodiores visæ fuerint. Nam iuxta
eas lineas depingi poterunt characteres aut figuræ Signorum cum nume-
ris graduum, calendarij diebus, festiuitatibus, nominibus ciuitatum, re-
gnorum, & similium locorum per quorum Zenith Iris cum sole suo tem-
pore incedet.

Sed redeo iam ad instrumenti complendam structuram. In vtraque
eius parte supera, ac infera, ad rectas parallelas FG , EN , fumantur gemi-
norum annulorum centra X & Y , tanto ab ipsa GH interuallo, quantum
requirit semidiameter speculi AB . Volo enim ipsius latus BB à recta GH
æqualiter tangi. Sit verò annulorum latitudo talis, vt eos ad iustam men-
suram impleant gemini hincinde vtrique basi ex ipsamet extantes disci C ,
 D . Denique lamina orichalcea pertenuis QR , quatuor habens in Q , Q ,
 R , R quadrangula foramina, totidem eminulis in S , S , T , T , cuspidibus
pariter quadrangulis committenda, ita refecetur, & coaptetur, vt speculi
cyhndrici latus alterum AA attingat, ad nutum quidem amouenda, si
opus fuerit; ideo autem necessariò apponenda, ne ex hac parte radij in ca-
meram subintrent directi, sicut alterum eiusdem speculi latus BB ora G
 H immediatè attingens similibus directis radijs viam præcludit. Atque
id studiosè in eum modum seruari peropto, vt radijs non nisi refractis intra
cubiculi obscura penetrantibus, pulchrior Iris viuidiore appareat.

Corollarium.

Hinc intelligitur quomodo cylindricum speculum disponi debeat, vt
refracta Iris quemadmodum, & reflexa cæteros Sphæræ circulos tum
maximos, tum minores exprimere valeat. Nam motus quidem speculi
idem omnino esse debet pro refracta, qui est pro reflexa: sed insuper ca-
uendum est aliquo modo (sicut hac propositione cauimus) ne simul cum
radijs refractis subintrent non refracti.

De formandis poliendisque lentibus crystallinis, tum ijs quibus ad res Gnomonicas vtuntur Catoptrice, atque Dioptrice; tum consequenter etiam ijs, quibus eadem Dioptrice telescopia sua instruit.

P R Æ F A T I O.


Crystallo artificum methodo communi sectæ atque politæ communissimè vitium inest imperfectæ figuræ, ex qua consequenter vitiantur tum reflexio tum refractio; nam aliàs quod ad nitorem ac fulgorem, polimētum satis accuratum efficitur. Ex duplici autem capite oritur figuræ in polita crystallo defectus: primum est, ipsius moduli, seu ut vocant formæ imperfectio: cum enim, ut dicitur, nemo det vel dare possit quod non habet; imperfecta moduli figura perfectam crystallo tribuere nequit: imò effectus potius deficiet varijs accidentibus à præstantia suæ causæ; quàm illam unquam superet, ut satis constat experientia modulum esse aliquando perfectissimum, & tamen non omnes in eo formatas lentes esse æquè perfectas. Alterum est poliendi ars imperfecta: quantumvis enim perfectam leuigata in priori modulo crystallus figuram acceperit; rude tamen aliquid ei semper superest, unde & quodammodo fusca est, & luci non bene peruia; id autem quod dixi rude, nitellæ cuiusdam ope deradendum est; si verò inequaliter deradatur, pristina terendo inducta figura, quamvis supponatur perfectæ; dum politur, corrumpitur; & quamvis non possit oculus vitium in superficie sic polita notare, esse tamen reuera vitium arguit lux præter legem reflexa, refractaue. Huic utrique malo remedium certissimum hac, & sequentibus propositionibus parabo, quod à quauis accurata manu satis facile ac non minus feliciter adhibeatur. Ex his verò pendet necessariò præstantissimi optici tubi conficiendi ars mirabilis, quam ab exiguis primordijs (ut rebus omnibus commune est) paulatim in perfectiorem statum videmus excreuisse; in Belgio enim orta; Florentiæ educata est à Galileo; & Neapoli à Fontana; ac iterum Florentiæ à Torricellio culta, nunc Romæ felicius ab Eustachio Diuini, manu (si fas est dicere) diuina excolitur: & meæ quidem fortunæ id nunquam fuit, ut mecum voluerit aliquis artis huius peritus vel minimum quid suarum siue experientiarum, siue cogitationum communicare: sed meipsum fortè non immeritò felicitem omnibus predicabo, cui absque aliena ope contigit, aliquoties ad ingenuam exercitationem terenti crystallum, telescopia astronomica edere etiam longissimi tubi, alienis quæ hactenus viderim aquali tubi certè non inferiora; unde existimaui methodum à me excogitatam, esse perfectam, & longè perfectius cessuram cuius alteri plus orijs & rei, habenti; vixote à quo perfectius ad opus adhiberi possit suppetentibus his subsidijs alijsque pariter necessarijs: hanc verò ut sine inuidia, ita sine ambagibus libenter concedo, & publi-

ci iuris facio, quò primitijs istis quidquid felicius addere potuerint, addant libentius illi qui magis ingenio valēt, & arte ad communem Astronomiæ utilitatem; & si quidem in commune conferant quidquid egregiè hæc in parte cogitarunt, non dubito quin collectis in unum præclaris inuentis breui perfectam conficiendi telescopiꝝ artem simus habituri; ea verò feliciter (ut sic tandem sperare decet) ad suum apicem perducta; ausim dicere nihil hoc sæculo, vel multis anteactis inuentum fuisse utilius, iucundius, nobilius. Quod attinet ad theoriā, nihil sanè addi potest ad ea quæ præclare Cartesius edisserit in sua Dioptrice; unde & optimè intelligitur quid nouæ perfectionis allatura sit telescopia lens hyperbolica vel elliptica supra id quod iam habemus è spherica optimè elaborata. Quoad praxim verò non vidi hactenus qui aliquid certi, & indubitatæ fidei dederit siue de constructione modulorum, siue (quod summi momenti est) de perfecta poliendi arte.

Nostra itaque Dioptrice, hac ultima sui parte, modulos omnis generis id est planos, conuexos concauosque, figuræ tum spherica, tum hyperbolica, tum elliptica perficiet; ac deinde lentes in eis exactè formabit, & ritè expoliet.







Propositio LXX.

Modulum concauum in quo crystallus arena minutula exteri, ac in conuexas lentes sphaericas conformari possit, è cupro, ferro, chalybe &c. ad quamlibet optatam diametrum, opere tornatili exquisitissimo, facillimoque elaborare.

IN primis machina construenda est, cuiusdam torni ad rem nostram idonei; qualis tibi specimen, aenea hac tabella exhibeo; compaginem autem, & vsum breui oratione explico.

Basim efficiunt solida duo tigna (quorum anteriora capita A, A) inuicem æquidistantia connexa transuersarijs alijs duobus, sub aslere plano perpetuo (qui ferè à *c d* vsque ad partem posteriorem in *S* ducitur) latentibus; è basi quatuor ad angulos rectos firmis commissuris assurgunt fulcra *c D*, *d E* anteriora tum longiora tum crassiora; *r r* verò posteriora: tabula *FG* prædictis fulcris hinc infecatis vt in *II*, hinc lingulatis vt in *G*, imposita æquidistat inferiori asleri, & totam cum eo &c. firmat compaginem.

In fronte tabulæ *FG*, videlicet in *K* geminæ capita proferunt cochleolæ penetrantes in intimam tabulam eidemque firmissimis spiris inhaerentes continent torquis (vulgo dicunt oculum) cui torni collum inditur, anteriorem semicirculum, posteriori (qui eidem tabulæ confixus est) immobiliter copulatum: inferiorem torni polum *l*, interiori inter *l*, & *Z* cochlea vrgente meabilem, directâ in torquem *K* cuspide, optato loco reponendum gerit tabella *Z*, quæ in crenas *A* & *A* vtrinque inserta, impactis desuper (vt figura ostendit) hinc inde cochleis firmari potest.

Torni fusus *K* hinc polo *l*, inde torque *K* retinente versatilis profert in summo, & idoneo quodam, cochleolarum vi, ambulatorio artificio (quod etiam sculpta species vtcunque refert) amplexitur modulum excauandum, *a m e*: vertitur autem idem tornus cum opus est velocissimè neruo continuo geminis per ambitum rotis *L* & *M* circumuoluto; tardiùs verò & firmiùs, cum etiam opus est, tympano clauiculato *N* in locum rotæ *M* substituto, & rotam *O* denticulatam torquente.

Porro axis rotæ *M* (seu dispositi loco eius tympani *N*) torquem habet in *Y* ambulatorium, cochlea scilicet *X* illum adducente, vel reducente, in crena *Y X*, & similiter habet inferiùs polum in tigillo *R S*, æquè ambulatorio, aptisque confirmando cochleis in *q q*, quod quidem ideo prouidi, vt hac arte commodè possit tum intendi resticula quæ ipso vsu laxatur; tum etiam tympanum *N*, dentibus rotæ *O* vt oportet committi.

Geminæ fulcris *c D*, *d E* commissæ ad angulos rectos tabellæ *Q* & *P* in modum rostri aliquantulum extent ita infecatæ à parte anteriori, vt ad medium.

medium vel ulterius in ipsas earum crenas hinc inde inferantur geminae cochleolæ quales in *pp* cernere est; hæ verò sic insertæ regulam rectilineam *QP* (cuius expressior similitudo cernitur in *T*) contortis cochliidijs (qualia exprimuntur *ff*) optato in loco ad opus mox dicendum dispositam firmissimè retinent, supra modulum *a m e* tali intervallo elatam, ut eius tornatæ oræ æquidistans, tantùm eam non tangat.

Terebrentur ambo fulcra anteriora ad puncta *D* & *E*, interuallis nimirum à basi hinc inde æqualibus prope tabellas *Q, P*, & in foramina *E* & *D* quadrangula, indantur compares clauæ (qualium forma est in *nn*) anteriùs annulum habentes; posterius striatæ, & cochliidijs (vt *oo*) contortis, priùs immixtis tessellis *tt* ferreis coercendæ; ita tamen ut capita & annulos anteriùs æqualiter proferant; ipsis verò annulis commissus eisdemque iusta mensura implens extrema utraque parte cylindricus, media quadrangulus axis *DE* firmus, & solidus (cuius expressius seorsim in *V* specimen cernitur) contineat triplici trajecto clauo aut cochlea transuersarium cum eo pariter versatile tignum *ib*, cui firmis commissuris copulata alia duo longiuscula *if, hg* insistant aliquantulo à se inuicem intervallo diffita, ac parallela, supernè iterum in *f* & *g* idoneo securiclæ modo reuincta; his autem in parte superiori solido axe cylindrico per crassitiem mediam ducto connectatur tigillus *CB*, à parte inferiori *B* inter duo firma repagula commodè meabilis; quem adacta cochlea *G* coerceat, ac in optato situ immotum teneat cum opus fuerit.

Solidissimo *Æb* rostro inter duo tigna *if, hg* ambulatorio (cuius specimen quoddam expressius videre poteris *prop. 71* sub notis *zz, m q, p* &c.) adacta à tergo cochlea firmissimè ad optatam eleuationem coercendo teneatur, placido motu & minimè titubanti circa suum axem versatile manubrium *bH*; ita tamen ut idem axis (qui in medio rostro *Æb* esse intelligitur ad planum *fb* rectus (sit in plano, quod per poli verticem *l* & centrum torquis *K* incedit. Manubrio optatæ longitudinis *bH*, media coercente cochleola firmiter aptetur chalybeum acutissimum optimè temperatum scalpellum *Ha*, quo circa centrum *b* per latus rectilineum regulæ *Q* P axi *DE* æquidistans, paulatim deducto modulus cupreus, ferreus, chalybeus aut è simili alia materia etiam lapidea, versatus circa torni axem *lK*, deradatur, excaueretur, formetur in portionem perfectæ sphæræ.

Perspicuum autem est i lineolam *ea* in concaua superficie moduli descriptam ab extrema cuspide scalpelli *Ha* circa centrum *b*, esse arcum circuli cuius centrum est *b*. 2 etiam euident est, eandem scalpelli cuspidem in *ax* hypothesi (& ita in quibuscumque alijs punctis) existentem immobiliter, describere in eadem superficie moduli circa torni axem *lK* conuersi, circulum. At ex hoc sequitur, ut huiusmodi lineis perfectè circularibus composito motu, hinc cuspidis *a* per lineam *ae* (quam suppono per moduli centrum, quod in axe torni est, incedere) hinc moduli circa axem

lK, decussatim ductis; concaua perfectè sphaerica superficies eiusdem moduli efficiatur: & quidem vt patet ductu certissimo, adde, facillimo, expeditissimo.

Moneo tamen quod omnino obserues videlicet vt cum aliquantulum, in gyro partem moduli *a m e* tornaueris; cuspis *a* ex eodem *a* traducta, in *e*; æquè radat, seu tangat in *e*, sicut priùs in *a*, sic enim axis rostri *Æ b* circa quem vertitur cuspis *a* erit (vt antea requirebam) in plano per polum *l* & centrum torquis *K* incedente; & tunc perfectè fiet sphaerica moduli cauitas, aliàs minimè.

Huius autem beneficio machinæ, vt optas, perficies æquè facilè & æquè certò modulos ad quamlibet sphaeræ diametrum: ad minorem, quidem quàm sit *b a*, si rostro *Æ b* deorsum adducto, manubrium *b H* breuius adhibueris, quod potes, vt volueris, saltem circiter vsque ad *H*; sin autem adhuc breuius optaueris, & sphaeram minorem; poteris tu ipsè iam inuenire ex his modum; neque necesse est vt vno schemate omnia, exprimam: ad maiorem autem, quàm sit eadem *b a*, diametrum eodem etiam nullatenus aucto manubrio *b H*, modulos excuabis, si tantum laxata cochlea *G*, sinas sigillum *CB* effluere deorsum ex parte *B*: sic enim machinæ superior pars *fg* circa axem *DE* inclinabitur simul cum rostro *Æ b* ipsoque manubrio *b H*, versùs posteriorem *B*: cum autem eam ad propositum inclinaueris, adacto iterum cochlea *G* obfirma, vt priùs, eundem sigillum, & simul cum eo reliquam machinam; deinde regulam *Q P* adduces versùs *DE*, vel reduces, æqualibus vtrinque uoluntatis, donec cuspis *a* lineam *a e* vel similem describat, quæ per moduli centrum incedat; & sic demum torno circumactò, sphaeræ, cuius optaueras, portionem obtinebis: ita vt quò magis dictam machinam inclinaueris, eò maiorem, sphaeram habiturus sis, quod fortè non nemo mirabitur.

Sed huius rei hæc est ratio. Primò cogita erectam ad perpendiculum, machinam, ita vt centrum *b* in vna linea recta sit cum torni axe *lK*, vt ferè hic esse cernitur; & facilè perspicias fore vt moduli superficies, duplici suprà explicato motu excuata; sit necessariò portio sphaeræ habentis semidiametrum æqualem ipsi *b a*; erit enim tunc arcus *a e*, arcus circuli maximi in ea sphaera, vt puto rem esse satis claram ei qui sphaeræ dimensiones nouit. 2 Cogita eandem machinam versùs *B*, quouis angulo inclinatam, vt paulò ante dicebam; & similiter intelliges excuatam, duplici illo dicto motu superficiem moduli, esse portionem sphaeræ, cuius semidiameter sit maior quàm *b a*; arcus enim quilibet, vt *a e*, quem, ita inclinata describet circa centrum *b* semidiameter *b a*, est arcus circuli in ea sphaera non maximi sed alicuius minoris; & quidem ea proportionè minoris, qua maior est inclinatio. Quod autem verè sphaerica sit ea superficies moduli constans circuli minoris *a e*, ac similium circa centrum *b*, & aliorum infinitorum circa axem torni descriptorum decus-

satione, ex eo evidens est quòd præter sphericam nulla est superficies cuius omnes sectiones à plano factas sint circulares: at planum per centrum *b*, & per lineam rectam *QP* ductum (in quo nempe mouetur semidiameter *b, a*,) fecit concavam ex quavis, ut dictum est, inclinatione efformatam moduli superficiem; fecit inquam & secando cuspide *a* circulum in ea describit, ut *a e*; & quidem æqualiter in omnes partes circumferentiæ eius ut evidens est, quia omnes æqualiter eius partes radit motu ipsius circa axem *l K*.

Rotam *N* clauiculatam eique comparem denticulatam *O* apposui expertus tornum nimia agitatione concuti, & vix firmitatem habere quam desidero; quando rota *M* valde magna, rota verò *L* exigua est: si autem, supponerem eas æquales, ut fieri potest, nihilominus, & neruus ipse utcumque restrictus reddit motum difficiliorem; & laxus nullum motum, efficit: ut igitur motum habeam prorsus liberum & expeditum & in primis imperturbatum rotas adhibeo *N* & *O* istam denticulatam, illam clauiculatam; ea proportionem magnitudinis diametri inter eas seruata, quæ sufficit ad velocitatem; quamvis autem eam determinare melius possint qui sunt hac in parte exercitiores; mihi tamen commodius cessit proportio æqualitatis, sic enim & vis maior est, & velocitas sufficiens, & scalpri acies longe durabilior; & opus ipsum pensatis omnibus non modò perfectius; sed etiam citius perficitur.

Huiusmodi machinam *potius* sine dubio alius quis ordine, & forma, elegantiori, vel *alias* commodiori instituere; sed haud scio an operatione meliorem: quidquid sit ego id permitto exercitioribus, qui eam melius artem callent; instituti enim mei solùm fuit, modum ostendere,

quo moduli concaui spherici ad quamlibet diametrum optimi conficiantur, quod & præstici, ut proposueram. Vide tamen inferius in corollario propositione 76 aliud machinæ genus multo facilius. Quæso autem te ne putes posse vnamquam modulum simplici communi torno, perfectum edi sola directione segmenti circuli in lamina cuprea vel orichalcea comparati, vti hactenus vulgi vsus fuit.



Propositio LXXI.

*Modulum conuexum sphaericum, è ferro, chalybe, cupro &c.
ad optatam diametrum, opere etiam tornatili facil-
limo, & exquisitissimo elaborare.*

Licet multis verbis opus non sit ubi expressum adest specimen rem ipsam intuenti statim ostendens, dicam tamen de singulis machinae in opus propositum concinnandae partibus, ne quid lateat. Cernis hic, ut supra, duobus maioribus tignis modico ab inuicem intervallo discretis compactam machinae firmam ac solidam basim BZA, cui reliqua superstruuntur; & primò KLGD est capsula intra quam tornus dD cum rota denticulata Q, & clauiculato tympano O, eiusque fulcro MN, & alijs ad tornum ipsum impellendum necessarijs includitur. Tornus polo D posterius, & torque antè prope d sustinetur; caputque foras proferens in anteriorem capsulae faciem IKL, firmiter prehensum modulum tornandum gerit: torques verò, cui torni collum inferitur, annulus est ut solet in duos sectus cuius semicircumferentia superior adhæret masculo d desuper immittendo per crenam aptè hinc inde excavatam in ee; inferior autem semicircumferentia in subiecta fulcri KI parte est; & per utriusque commune centrum incedit lineola bc; quam cogitemus parallelam ipsi IL in qua eiusdem fulcri, & imae tabulae ILG compages est. Scalprum chalybeum acutissimum Ki firmissimè reuinctum tenet clavis S, subtus striata, & cochlidium arripiens. HH duo velut cornua firma ac solida è plana, anteriori capsulae tabula prominent feruntque meabilem, sed aptis optato in situ firmandam cochleolis regulam rectilineam ff, in modum duplicis normae rectulae ad utrunque caput reflexam, quae scalprum Ki regat cum sursum vel deorsum ducetur per moduli deradendi aream, ut scilicet cuspis eius constanter moueatur per centrum ipsius moduli, describendo in eius conuexa superficie lineolam il, aliasque similes infinitas.

Ut verò ea cuspis lineolam dictam aliasque similes efficiat circulares, necesse est ipsam circa vnum centrum moueri, quod quidem hoc modo fieri poterit; scalprum ut supra dixi, reuinctum ferat tabella SR, firmiter commissa tigillo RA; & circa axem ut Aa moueatur tam AR quam RS; & consequenter eodem motu circa Aa ducetur scalprum Ki. Qua verò arte neclatur RA, cum Aa; facile vides in exemplaribus separatim expressis: nam mq est ipse axis Aa utrinque striatus in cochleam; & est tessella quadrata optimè complanata axi mq ad angulos rectos ferrumine copulata; vel sane ex eadem cum illo massa indiuisim cusa seu congesta; axis mq quadrangularis est in q, eo fine ut suo loco repositus conuerti nequeat dum contorto à tergo cochlidio firmabitur; tessella tamen r ferrea vel

ænea supponenda est dicto cochlidio, præsertim si fiat machina è ligno; aliàs enim conuersione cochlidij læderetur lignea materia, nec firmitatem præstaret; in parte anteriori *m* dictus axis cylindricus sit, torno etiã optimè elaboratus; & annulus *n* illi omnino ad iustam mensuram æqualis paretur traiectisque cochleolis, vt in figura cernere est, copulatus tygillò *y* (qui est ipse R A) eidem axi imponatur; & tessella *o* lignea mediante prematur modicè tamen, adhibito cochlidio *p*; ita iam facîle concipis què circa A *a* constanti æquali motu moueri possit R A &c.

Præterea ne machina (quam aliquando magnam esse fortè necesse est) manum operantis nimium grauet mole sua, prouidi in modum trutinæ vectem X Y, fulcro K V sustentatum, qui pondere deprimente ex parte Y, & funiculo X R eleuante iuuat quantum opus fuerit manum vtcunque lassulam; ac insuper ad maiorem operationis tum certitudinem tum facilitatem, scalprum *K i* regulæ *ff* optato debito loco disposita, semper vt cohæreat; & non nisi lineas per centrum moduli transeuntes ducat, retinet funiculus *hg* per trochleam cum pondere dependens.

Euidens autem est his ita dispositis cuspidem *i* sursum, vel deorsum adductam, necessariò moueri tum circa vnum punctum, quod in axe A *a* centrum est motus eius; tum insuper in vno plano quod per latus rectilineum regulæ *ff* incedit, & simul per dictum centrum, ac proinde ex dictis præcedenti *propof.* euidens est fore vt eo motu sphaerica perfecta modulo figura tribuatur, dummodo idem modulus torno agitetur circa axem *dD* ita dispositum, vt sit in aliqua linea quæ per axem A *a* vtcunque productum incedat: huic verò rei seruit quod ipse A *a* in crena (quæ ex parte *a* cernitur) eleuari potest supra planum T E Z, quantum opus fuerit pro modo altitudinis vtriusque fulcri G D, & L d I; ita scilicet vt lineola *b c* & vertex poli D, & axis A *a* sit semper in vno plano.

Atque id an ritè obseruatum sit necne, cognoscetur inter operandum, hac lege; quando moduli superficies torno iam aliquantulū derafa fuerit in toto ambitu, perspiciatur an scalprum elatum in *l*, ita ibi radat sicut radit in *i*; hoc enim posito certum erit bene obseruatum esse quod desideratur; ac tunc ad rem certam agitetur tornus, & modulus fiet perfectæ sphaericus: & quidem conuexus, vt patet cum inter centrum & circumferentiam sit; semidiameter autem Sphaeræ eius tantæ longitudinis erit, quantæ est linea ab *i* siue *l* ducta vsque ad punctum quod dixi in axe A *a* centrum esse motus chalybeæ cuspidis *i*, quando scilicet torni axis dispositus est in linea per dictum axem A *a* perpendiculariter incedente tunc enim sicut in simili dicebam *propof. præcedenti* linea *il*, & aliæ similes, erit arcus circuli maximi in ea sphaera cuius portio est tornatus ea torni dispositione modulus: vnde prout maiorem vel minorem diametrum optabis, capsam L G D adduces versùs Z E, vel inde longiùs reduces (breuiato pariter aut producto tygillò R A) per crenam T E; propterea enim duo illa maiora tigna ab inuicem discreui; vt ad quodlibet punctum capsâ firmari possit

duabus

duabus per eandem crenam ambulatorijs cochleis, quarum capita cernuntur in C & F (quarum & specimen per partes, seorsim expressum habes in *t, u, x* .

Cæterum si semidiametrum optes longiorem, quàm sit tota machinæ crena EB; fiat in ima capsæ tabula ad partes FG, transuersaria crena (seu recta, & ad latus L G perpendicularis, seu circularis circa centrum C) sic enim immotis licet cochleis C & F, poterit capsæ cum torno in hanc vel illam partem præsertim ad dextram recedendo à tigillo RA adduci motu circa inuariatum centrum C; ita vt polus D discedat à plano incedente per ff, & recto ad Aa (dummodo tamen maneat vt prius in alio plano quod, vt dicebam, incebit per bc, & Aa) quo enim magis discedet, eò maioris portionem sphæræ efficiet ob rationem quam in simili dixi *prop. præcedenti* in fine.

Non me latet posse machinam ad propositum compingi forma alia, meliori & commodiori, quæque non tantum habeat molis quantum ista, præ se fert. Et verò illa ipsa quam ego aliquando in opus adhibui sine dubio commodior est, & modulis quantumlibet exiguæ diametri vt digitalis etiam, vel semidigitalis feruit; quin & ad modulos quorum semidiameter sit 60, vel amplius palmorum, optimè sufficit; quamuis ipsa non excedat palmos 5. Sed hæc mihi nunc visa est satis commoda forma ad specimen artis, quo intellecto, vt exposui, poterit sibi quilibet ingenio suo machinam ad placitum extruere. Disce commodiorem *ex corollar. propo. 76.*

Propositio LXXII.

Cognita mensura refractionum è crystallo in aerem inuenire, angulum verticis trianguli per axem coni in quo secta hyperbole (cuius axis axi coni æquidistet) talis sit vt ad eius legem rectè formata atque polita lens crystallina, ex altera parte plana, parallelos incidentes radios refringat ad focus eiusdem extrinsecum.

Quia iam per *prop. 2* habemus proportionem refractionum omnium; nunc ad propositum necesse foret vnam saltem nosse refractionem è crystallo in aerem, ea inquam crystallo ex qua lentem hyperboliformem optamus efficere. Et quidem per *prop. 47* facile est quamlibet huiusmodi refractionem experiri; sed ego, destitutus, vt aliàs dicebam, organo illo refractorio; vtar experimento Vitell. libro 10 *prop. 8* vbi habet ex inclinatione grad. 80 in aere, angulum in vitro refractum grad. 42 (vel è conuerso, nam in idem recidit per *prop. 2* huius) & quamuis experimentum

est parallelum axi HT , & in quod DV ad rectos angulos cadit; hyperbole similis & æqualis omnino priori deprehendetur. Hæc Cartesius. Et ita inuenimus optatum verticis trianguli &c. angulum videlicet VTK , duplum ipsius HTV . Quorum demonstrationem in gratiam tyronum addere lubet, quam concinnauit clarissimus & raræ vir eruditionis Renatus Franciscus Slusius, cuius etiam est tota cum suo lemmate *propof. 74*; sit itaque.

Demonstratio.

CVM enim H, I sint foci, & DL latus transuersum; erit rectangulum $CLHD$ æquale quartæ parti figuræ; sed eidem æquale est rectangulum IDH (ob æquales HD, LI) siue quadratum DV (ob circulum) ideo recta DV poterit quartam partem figuræ: ac idcirco recta TV erit asymptotos hyperbolæ, cuius vertex D , latus transuersum DL , foci intrinsecus H , extrinsecus I ; siue hyperbolæ MDN *per 1 2 conic. Apollon.*

Nunc producta TV vtrunq; in C , ductaque CR perpendiculari in TH productam; si angulum CTR rotari imaginemur circa axem TR , describetur conus cuius basis circulus CGA , axis TR , triangulum per axem CTA : ad quod si erigatur planum in puncto V , secans in superficie conica hyperbolen FVG , cuius axis VE sit axi coni parallelus, latus transuersum VX . Dico hyperbolen FVG , hyperbolæ MDN æqualem, & similem esse. Nam latus transuersum VX ipsi DL æquale est; ducta enim TS parallela DV , æquales erunt DT, VS (ob parallelas) & cum angulus XTS æqualis sit angulo TKV , siue angulo TVK , hoc est angulo STV (ob easdem) & anguli ad S recti sint; erunt triangula XTS, VTS æquiangularia: & cum habeant latus commune TS ; æquales erunt ipsæ VS, XS , ideoque & tota VX , toti DL æqualis. Et cum TV sit asymptotos hyperbolæ MDN , erit vt quadratum TD , ad DV quadratum; ita LD ad latus rectum eiusdem *per 1 2 Apollon*, sed cum sectionis FVG axis sit axi coni parallelus, est vt quadratum TR ad rectangulum CRA , siue quadratum RC ; hoc est vt quadratum TD , ad DV quadratum; ita XV ad latus rectum eiusdem. At latus transuersum VX ; lateri transuerso DL æquale ostensum est. Igitur & latus rectum sectionis FVG , lateri recto hyperbolæ MDN æquale erit: adeoque & ipsæ hyperbolæ (quæ vtrunque latus vtrique æquale habent) similes, & æquales. Quod erat demonstrandum.

Et generaliùs in cono recto asymptoti hyperbolarum, quarum axes secantur axi coni paralleli, angulum verticis trianguli per axem coni includunt; vt faciliè ex superiori demonstratione colligi potest.

In numeris eundem angulum inuenire, supposito, vt dictum est experimento Vitell.


S Vmptis vt supra sinu grad. 80 HI, & sinu grad. 42 DL; erit ratio HI ad DL, vt 9848078 ad 6691306, siue vt 10000000 ad 6794529 proximè. Itaque posito radio TV, erit TD 6794529 sinus grad. 40 min. 48: ideoque angulus VTD grad. 49 min. 12; cuius duplum grad. 98 min. 24 dabit angulum quæsitum *ex demonstratis*.

Propositio LXXIII.

Modulum hyperbolicum concuum, aut conuexum è quauis materia torno rasili, ad optatæ sectionem hyperboles perfectissimum edere.

M Achinæ quam *prop.* 70 construxi, basis ab anteriori parte sit productior vt AXKZ, & in parte superiori validum etiam tignum, disponatur CP eidem basi parallelum, fulcris idoneis vtrinq; sustentatum. Dein è solidis tigillis cancellatim compactis, & maiori pariterque validiori tigno NO firmiter commissis, efficiatur quasi species clathri OFTN, geminis polis in O & N sustentati, ac circa eosdem versatilis, tali artificio quale tibi picta pagina facilè exprimit; omnia tamen sint firma, ne ijs vtcunque emotis, vel concedentibus, succussu tornus laboret: clauem elicam in PO habes, quam educere vel inducere possis reponendo, vel amouendo ad placitum clathro; infernè autem cogita in N cardinem masculum cylindricum tornatum, altè depactum in id quod in fronte basis est transversarium lignum XK & supra illud aliquantulum eminentem vt in cardinem fœminam indatur; ad perpendicularum verò respondentem impendenti atque aduersæ desuper clauis elicæ PO, quæ etiam vices gerit cardinis alterius masculi.

Clathro erecto, tabula quædam solida, gerens in modum ballistæ arcum intentum; traiectis clauis, aut clauibus elicis copuletur: & in ea ad modum sagittæ libero motu recto, sed minimè subsultorio, excurrat solida ferrea regula QR, arcu pulsâ, in R acuminata, & sub acumine reflexa in H, ibique compaginem habens flexilem, demittat quasi circini crus ex quo pendeat manubrium Hd, deferens (vt superius in simili dicebatur) scalprum de optimè reuinctum; ipsum verò scalprum eiusque manubrium ne in opere vllatenus recedat à plano, in quo semper cum cuspidè R, & axe NO permanere debet, cohibeatur, ac regatur à producto quodam velut rostro idoneo T; quod è clathro OFN promineat. Arrectarius vterque tigillus EC, *cl* commodè incidantur penetrantibus ab anteriori



102

102

riori in posteriorem partem incisuris quadrangulis vt in DB &c. & in eas tabellæ geminæ vt GD indantur ad angulos rectos ab iisdem tigillis prominentes, clauibus elicis hinc inde ad latus impactis firmiter coercendæ; hæ verò planum asserculum FG aptis sibi commissum securiculis præterant firmum atque immotum; & quidem (quod præcipua cura obseruandum est) ita dispositum vt ei æquidistet linea per medium vtrunque cardinem O, N ducta ob rationem mox dicendam.

Machinam ita constructam necesse est debitè iam disponere, vt opus ex ea perfectum habeamus, quale optamus. Concipiamus itaque primò planum aliquod lateribus basis ZK, & AX æquidistans per torni axem YK incedens, & asserculum FG secans ad angulos rectos in *bi*, quod planum vocemus LY*b*. Deinde concipiamus & aliud planum illi iam dicto perpendicularare, quod per anteriorem asserculi FG superficiem, ac simul per torni, ac moduli axem fY incedat quod vocemus planum FGY.

Nunc machinæ partes hoc situ & ordine disponantur, primò linea per mediam sagittam incedens QR ita inclinetur à superiori cardine O, vt lineam antea dictam NO fecet, verbi gratia, in Q & cum eadem efficiat angulum VQR graduum 49 min. 12 iuxta præcedentem propositionem; optamus enim hyperbolen, qualem ibi diximus esse idoneam ad lentès formandas &c. 2 Linea NO per vtrunque cardinem, vt dictum est incedens æquidistet hinc plano FGY, inde plano LY*b*; ab isto autem distet interuallo verbi gratia ML, quod sit æquale ipsi *ef* in modulo idest quartæ partis eius latitudinis, ac pariter interuallo quod est inter *bi* & punctum R in sagittæ cuspide, asserculum FG tangente, posito quod id sit punctum quod solum in FG tangere potest sagitta nunc versùs F*a* mox versùs *bi* ducta ac reducta absque arcus impulsu vrgente: ita vt plano iam dicto LY*b* æquidistet planum aliud quod ob modò dicta puncta vocemus NVRe. 3 Scalprum *de* acutissimam habens & optimè temperatam cuspidem in *e*, duobus eget ad sui directionem, alterum est rectilinea regula *eg* ipsum retinente, vt sit semper in supradicto plano FGY, & hoc in praxi iam non habet difficultatem; alterum est productum quoddam velut rostrum T, è clathro OFN prominens; quod ipsum scalprum cohibeat adnitente leuiter manu, vt motu continuo per regulam *eg* ductum atque reductum, sit semper cum cuspide R sicut in plano NVRe, ita successiuè in alijs atque alijs per VN incedentibus.

His positis patet primò conuersione sagittæ QR circa immotum axem VN describi conum cuius vertex est in Q, basis autem seu potius basis semidiametèr, verbi gratia, in VS, productò latere QR vsque in S. 2 Sagittam QR pulsam arcu (& ideo ipsa conuersione iam dicta tangentem planum FG modò in R modò in *b* modò in *a*, & omnibus alijs punctis inter ea medijs) nihil aliud esse quàm prædicti coni latera à vertice Q extensa, ad planum FG, à quo propterea intelligitur secari conus; sectione quæ est hyperbole, quam & describit sagittæ cuspis in *a* R *b*. 3 Patet cuspide *e*

in superficie moduli concaua describi hyperbolen omnino similem & æqualem ac parallelam ipsi $a R b$: & quia idem modulus circa torni axem versatus, vndique per gyrum cuspide e raditur, vndique etiam in eandem hyperbolen conformatur. 4 Patet quanta sit futura hyperbole, ex distantia verticis R ab axe VQ : vnde si polos O, N longius remoueris à plano $F G Y$, hyperbolen habebis maiorem ; & è contrà minorem, si propius applicueris ; sicut melius intelligere potes in figura *præcedentis prop.* vbi axis $R I$, axem qui in isto schemate est $N O$ refert. Et axis qui ibi est $E X$, eum qui hic est $b Y$: & distantia quæ inter vtrunque axem est ibi $R E$ siue $D V$, siue $T S$; hic est $Y L$. Atque hinc vterius intelliges quanta debeat esse distantia quæ hic est $Y L$, pro longitudine telescopij, quam desideras ; nam longitudo telescopij erit ad dictam $Y L$, sicut in præcedenti figura est $D I$ ad $D V$, hoc est in numeris vt 2 & paulò amplius ad 1.

Denique attenta totius machinæ compage, res clara est, opus eius perfectum fore non solum quoad theoriam, sed etiam quoad praxim, cum *per constructionem*, motus vbique sit liber, ac facilis, maximè regulatus, idemque constantissimus. Vnum tamen superest quod aduertam nempe afferculo $F G$ ligneo copulandum pice, aut aliter crystallinum perfectum planum expolitum, vt motu magis placido illud delambat cuspis R , quam etiam volo esse chalybeam temperatam, non acrem quasi scalpri aciem ad scindendum aptatam, sed læuigatam, acutam tamen ; vt enim erit læuigata facilius decurret per planum crystallinum ; vt acuta contactum exquisitiùs faciet in eodem semper sensibili sui puncto, quod erit in linea $Q S$, & ita multò perfectiorem describet hyperbolen, certè non minùs quàm circinus communis describat circulum :

Eadem prorsus arte modulos conuexos hyperbolicos efformabis, si tantum sagittam $Q R$ euerteris ; ita vt cuspis R partes inferiores teneat ; & Q seu vertex conij, superiores : sagitta verò angulum cum inferiori parte axis $V N$ efficiat æqualem ei qui nunc sursum aperitur $V Q R$, id est vt suprà dicebatur graduum 49 min. 12.


Sedulò autem aduertas velim mi Lector fore vt prorsus oleum & operam perdas si lima quadam debito licet angulo inclinata cuneum (vt vocant aliqui) chalybeum hyperbolicè excindere, eumque mox igne & aqua, vt durissima sit acies, temperare ; eoque canalem seu directum, seu in orbem ductum hyperboliformem excavare coneris ; nam præterquam quòd non potest chalybs perfectè acui lima vel cote (aut simili) sic per eum ducta vt non nisi vno sui puncto, seu parte, tangat vt experientia constat ; multò magis constat experientia chalybem quantumuis ad optatam figuram formatum, eandem amittere dum ignitus in aqua extinguitur ; patitur enim ipse, ac torquetur ab eo conflictu quem ignis, & aqua mutuò exercent ; ac præterea ignis ipse tenuissimam aciem exedit, & coticula si admoueat potius deteriore faciet quàm concinnet, & si aliàs exacuat : ac proinde modulum hyperboliformem cuneo illo nunquam perficies.

Lem-

Lemma.

Datis axe & focus ellipsis, inuenire latus rectum.

Sit HI axis ellipsis; D autem & L foci; si D, L, centris, intervallo dimidiæ HI scribantur arcus circulorum se se interfecantes in E & F, iuncta EF erit axis coniugatus per 523 Apollon. Et si fiat vt HI ad EF, ita EF ad IA; erit IA latus rectum per 16 Sereni de sect. cylind.



In numeris.

Ducta LE, & posita pro sinu toto vt supra in hyperbole inuenietur EF partium 7569951, quarum HI 10000000. Et si fiat vt HI ad EF, ita hæc ad aliud, proueniet IA latus rectum earundem partium 5730416.

Propositio LXXIV.

In cono cuius angulus verticis trianguli per axem, datus est, ex datis axe transuerso, & latere recto ellipsim inuenire.

Possit inueniri per 541 Apollon. sed fortasse breuius & facilius hoc modo. Sit datus axis HI, latus rectum IA. Fiat angulus DKF æqualis dato; & sumptis vtcunque æqualibus KD, KF; iungatur DF: acceptaque in HI ipsa IB æquali IA, fiat vt HB ad BI (siue IA) ita quadratum KF ad FL quadratum ad rectos ipsi DF: & ex puncto E medio lineæ DF intervallo EL, scribatur circulus MLG secans DF productam vtrinque in M, G; & iungatur KG; sumptaque CK æquali datæ HI, ducatur CH parallela KD; & ex puncto H ipsa HI parallela KC & æqualis datæ; ob parallelas.

Itaque si circa DEF circulus describatur ad planum DKG rectus; qui basis conii intelligatur cuius vertex K: erit conus ille rectus (quod æquales sint KD, KF) cuius axis KE; triangulum per axem DKF; qui si plano super HI erecto sectus intelligatur concurrente cum plano basis: cum vtrunque sit rectum ad planum DKF, erit illorum communis sectio ad idem planum perpendicularis; sit ipsa NO. Igitur sectio erit ellipsis per 131 Apollon. cuius axis HL. Dico IA esse eiusdem latus rectum. Nam cum sit vt HB, ad BI (siue IA) ita quadratum KF ad quadratum FL, siue ad rectangulum MFG, hoc est DGF (ob æquales MDEG) erit com-

Propositio LXXV.

Modulum è quavis ut supra materia, ellipticum torno efficere.

Cum iam habeamus per *prop. 73* facillimam artem describendi perfectam vno ductu hyperbolen optatam, & simul scalpri cuspidem, certa lege secundum eandem hyperbolen dirigendi; non erit haec magna difficultas siue in ellipti vno pariter ductu, certo designanda, siue in modulo ex eadem perfecte formando.

Rebus itaque dispositis ut sunt *prop. 73*, solum inuertendus est clatri axis *NO*, & ita debet disponi ut cum linea quæ per torni axem incedit nempe *bY* angulum efficiat æqualem angulo *EPN*, quem *precedenti prop.* inuenimus, videlicet grad. 64 min. 45; manubrium autem *H* dita ducatur, ut semper sit parallelum dictæ iam lineæ *bY*; id autem non est valde difficile, & modum indicarem nisi putarem eum à quois statim intelligi posse ex dictis.

Propositio LXXVI.

Modulos planos è quavis materia torno exquisitissime & expeditissime efficere.

Arrectarium utrunque antierius torni haecenus instructi fulcrum insecetur in *m* & *n* incisura ad anteriorem faciem perpendiculari, & in posteriore æquè peruia, quadrangulari, modicè lata, & longa, quæ asserem excipiat *tp* planum ad iustam ipsius mensuram dilatatum, ambulatorium, sed elica desuper clauis in *y* coercente confirmandum in debito situ: gemini autem sint, & compares huiusmodi asserculi quorum vnus ut *tp* in *m*, alter in *n* indantur; habeantque etiam ipsi singulas incisuras, seu crenas ut *t* se se è regione respicientes, per quas meabilis duci possit motu placido sed constanti regula solidior *rs*, & hanc commodo loco perforatam, ut in *r* clauis elica (qualis *prop. 71* est *S*) traiciat firmiter amplectens ac tenens scalprium ut *u*: si enim hæc modò dicta sic aptè disponantur ut regula *rs* æquidistet regulæ alteri *eg* dirigenti scalprium; & simul perpendicularis sit ad torni axem *fY*; cuspis scalpri *u*, positi in loco eius quod est *d* e, & motu regulæ *rs* delati, describet necessario lineam rectam perpendiculararem ad dictum axem, adeoque torni motu modulus ab ea fiet perfecte planus.

Corollarium.

SI regulam *r s* non vnus rectæ lineæ, sed duarum in vnum punctum conuenientium feceris ad modum eius normæ, qua circuli arcus ex datis tribus punctis in eius circumferentia absque ope centri describitur; egregio compendio machinam habebis, quæ licet ad tertium magnitudinis palmum non perueniat, quantæcunque, & quantulæcunque volueris diametri modulum sphericum perficies concuum aut conuexum, sicut & planum. Caue tamen ne ad huiusmodi normæ dirigendum motum clauos teretes seu cylindricos adhibeas, sed adhibe angulatos, & quidem angulo multum acuto; vt videre poteris apud Guid. Vbal. in eo opere si bene memini quo planisphærium Ioannis de Royas demonstrat.

Propositio LXXVII.

Crystallinas cuiusvis figuræ lentes in proprijs modulis terando formare.

Distinctione vtendum est hac in parte; quia moduli non vno modo se habent ad lentis per eos ductæ ac reductæ motum, non teritur autem crySTALLUS nisi motu, & ductu in hanc & illam moduli partem, intercedente arena minutula. Primò itaque crySTALLUM explanandam, vel formandam in sphaeram seu concuam seu conuexam, libera manu, sed tamen accurata ducito frequenter per totum æqualiter modulum; atque id quomodo rectè fiat docere melius à quolibet conspiciendorum communium efficiendorum perito, quàm ego possem verbis exprimere. Solum addam quod ad perfectionem facit, videlicet vt plures modulos conformes habeas, prout opus fuerit, & in vno quidem si ita videatur, plumbeo quod rudioris est operis efficias quasi prima manu; & in alio etiam, plumbeo quod subtilioris secunda manu; at, quod exquisitissimi, perficias tertia manu in chalybeo aut æneo donec vltimam imponas manum, perfectæ læuigationi, quæ iam fulgorem vniuniformem inducat; non, vt accidit aliquando viuidiorem prope centrum, languidiorem versùs circumferentiam, vel è contra.

2 Pro hyperbolicis, aut ellipticis lentibus idem quidem obserua quoad pluralitatem adhibendam modulorum conformium, atque etiam quoad læuioris ac fulgoris æqualitatem: sed tali arte lentes huiusmodi per suos modulos ducito, vt semper conuexæ lentis vertex vertici caui moduli vel contra ad amissum insillat: id autem commodè fieri poterit, si modulus placido (non veloci) motu torni circumducatur, & lens ipsa formanda, eidem modulo debitè imposta, circa suum immobilem axem ad placitum

tum manu (prout opus fuerit) vertenda retineatur instrumento aliquo, cuius quidem hic specimen quia intelligi facile posse putavi, non expressi.

Vnum autem aduertat velim (ex quo aliàs facile error sequeretur) ut scilicet arenula qua crystallum in modulo teris, æqualiter per totum modulum distribuatur, id est ne in vna parte in quosdam velut grumos collectior, in alia rarior sit; sic enim & modulum statim labefacit, & lentem perfectæ figuræ nunquam facit, nempe quia vtrunque inæqualiter arrodit,

Propositio LXXVIII.

*Crystallinam cuiuslibet figuræ lentem perfectè formatam,
ac laeuigatam perfectè etiam illasque
figura expolire.*

Modulum perfectum habe conformem ei in quo lentem formasti, ac vltima manu laeuigasti; eique optimo, & æqualiter per totum distributo glutino, copula chartam tenuem, & cum coaluerit glutinum optimè exsiccatum; insperge ipsi chartæ puluerem tenuissimum optimè triti, ac macerati, ac expurgati cretacei lapidis quem vulgo tripoli vocant, & mox summo digito per totam chartam æqualiter distribue frictu non admodum vehementi, sufficienti tamen ut chartæ adhærescat puluisculus; postea quod supererit, & non adhæserit execute, & seorsim collige & asserua; demum affricu vehementi per siccam, & dicto puluisculo, si opus est renouando, imbutam chartam lentem deduces donec perfectum induerit fulgorem. Aliter & longè melius expolies coticula; poteris enim ex ea modulum efficere, sicut & æneum effecisti. Fusiùs & distin-

ctiùs hæc aliaque plurima edicerem nisi cogerer hic tandem finem facere. Tu interim mi Lector his vttere, & mecum lauda omnium bonorum autorem Deum.

Opt. Max. Non enim sufficientes sumus cogitare aliquid à nobis, quasi ex nobis sed sufficientia nostra ex Deo est, cui


honor, & gloria in sæcula Amen.


FINIS LIBRI QVARTI ET VLTIMI.

<i>Pagina</i>	<i>Linea</i>	<i>Menda</i>	<i>Sic emenda</i>
34	27	Verticalis.	Verticali
121	10	& G	& G G
140	29	nclinatione,	inclinatione
288	21	aliquid	aliquod
295	23	C D	C E
295	28	vt D	vt in D
304	23	nites	nitens
314	18	L A T	L A K
358	40	hostii	ostii
431	14	Horizonte	Horizontem
431	24	earum	quarum
479	10	sit	sic
554	28	refracto	refractio
585	18	impossibile	impossibilem
624	30	rarefracta	rarefacta
624	31	rarefracta	rarefacta

Si quæ alia fortè irrepserint facile emendabit Urbanus Lector.







Surf.

cc 14 u. a. n.

705

44 Torr. In. cur. 22. prof.

Special
Folio
91-B
4428

